


D. III. 2



L. Corbinianus. OSB. 24.
at Lientia Superioris
11 Aprilis
1000.

CŒREMONIALE MONASTICUM

PRO

Inclita Congregatione Benedictino - Polona
Sub Titulo SS. CRUCIS

ACCOMMODATUM.

Iussu & Auctoritate

Capituli Generalis

In Monasterio Tynecensi Celebrati

EDITUM.

Omnibus verò Monasteriis dictæ Congregationis

PRO METHODO

In Ecclesiasticis, & Monasticis functionibus, servanda


PORRECTUM.

ANNO

Quo. per Verbum Incarnatum facta est.

MæC MVtatio DeXteræ eXCeLsl. Psal: 76. v. 10.


Pro Hic Patre Monasterii Plocensis
Ord. S. P. Benedicti
Ad Sm. Adelbertum C. S. M.
Arce. D. 1777.
1777.



CALISSII

Typis Sacræ Regiæ Majestatis, & Rei-Publicæ.

CÆREMONIALIS
MUSITICUM



Ostendas populo Cæremonias, & ritum colendi,
& opus quod facere debeant. *Exod: 18. 20.*

Hæc sunt præcepta, & Cæremoniae, atque judicia,
quæ mandavit Dominus DEUS. *Deuteron: 6. 1.*

Custodi præcepta Domini DEI tui, ac testimonia,
& Cæremonias, quas præcepit tibi; & fac quod pla-
citur est, & bonum in conspectu Domini, ut bene
sit tibi. *Deuteron: 6. 17.*

Fili hominis pone cor tuum, & vide oculis tuis,
& auribus tuis audi omnia, quæ ego loquor ad te
de universis Cæremoniis Domus Domini, & de cun-
ctis Legibus ejus. *Ezechiel. 44. 5.*

Omnia honestè, & secundum ordinem fiant. *1. Cor: 14. 40.*





P E R I L L U S T R I
R E V E R E N D I S S I M O
DOMINO DOMINO
JOSEPHO DAMIANO
S A D O W S K I

Archi - Cænobii Tynecensis
B E N E D I C T I N O.
 Divinâ Vocatione Orlovienſi
A B B A T I.
 Congregationis Benedictino - Polonæ
P R Æ L A T O
 Monasterii Koscielnensis
P R Æ P O S I T O.
 Inſignis Collegiatæ Califfienſis
C A N O N I C O.
DOMINO DOMINO
 Benefactori Singulariſſimo, Mecænati Ampliſſimo.

EPISTOLA DEDICATORIA.

Facile multos invenire eſt, REVERENDISSI-
ME DOMINE ABBAS Mecænas Ampliſſi-
 me, eoſque graviſſimos Authores, qui, dum opera ſua
 publicæ luci, ad communem cæterorum utilitatem,
 mandanda ſuſcepſſent, ea nonniſi ſub Nobiliſſimorum,



Præstantissimorumque Virorum nomine prodire voluerint: Quod quidem non minus prudenter, quàm sapienter omnium fecerunt iudicio, ea quippe re & beneficiorum non ingratos se declarârunt, ac etiam defectus, si qui forte in eorum scripta irrepserint, celebritate Nominis contexerunt. Hinc postquam & ego ex mandato Illustrissimi & Reverendissimi Definitorii Capituli Generalis Tynecensis, Libellum Sacrarum Cæremoniarum, uniformitatis gratiâ, in omnibus Congregationis nostræ Benedictino Polonæ Cænobiis servandæ, Typis mandari decrevissem, Tuo illum nobilissimo Nomini dedicandum, consecrandumque proposui, ne, quorum sequor exemplum in uno, ab eorum vestigiis viderer recessisse in altero. Novi quæ Tua in me REVERENDISSIME DOMINE benevolentie extant indicia, & quantum Tibi debeam pro beneficiis, quorum si cætera tacuero, hoc unicum non postremum vel singuli videre possunt, quod laborem huncce meum Tuam in tutelam susceperis; quæ de causa certò mihi polliceri possum cæteris omnibus non injucundum fore, si Tui Nominis fulciatur auctoritate. Tuæ igitur protectioni hoc exiguum opus meum committo, Tibi defendendum propono, nec timendum erit mihi, si fortè nonnulli reprehendant, dummodo Te acceptatorem, simul ac propugnatorem Libel-



bellus iste nanciscatur. Felicem profecto sortiatur effectum, in publicam lucem prodiens hoc opusculum, Tuis sub auspiciis, quem natura ad omnem pietatem genuit, studium in omni præstantissimarum dotum pulchritudine fecit eximium, continua autem virtutum exercitatio ad omnem laudis evexit celsitudinem, ut planè nihil sit, quod omnes ii, qui Te noverunt, in Te desiderant; quid verò imitentur, vel admirentur omnia possident. Nec mirum, ipsa namque primordia, à quibus nomen Benedictinæ Religioni dederas, eum Te futurum præjagiebant, quem modo agnoscimus. Hinc sensim profectum est, ut variis in suo Archi. Cœnobio perfunctus Officiis, Prioris demùm ac Custodis munus, omnium votis expetitus, precibusque victus suscipere sis coactus: quod Officium super Dominicum gregem quanta cum industria obieris, quanta tenueris cum vigilantia, quanta gesseris cum commoditate, quanta demum cum gloria perferis, quid prodest commemorare? cum vel ipsi parietes Cœnobii satis videantur attestari, dotes verò præstantissimas Pastori vigili debitas, vel ipsa virtutum multitudo, ac præstantia manifestè declarat: ut soli Tibi concessum videatur ex toto, quod Sanctissimus Legislator noster in Pastore desiderat. At perfectæ tuæ virtuti necdum par proponi potest præmi.



mium, virtuti quippe in supremo gradu positæ mājora semper ac semper debentur, quod vel omnes in Te videre possumus. Etenim cum in Pastoralis muneris Cænobii Tui, ob eximium candorem dotum Tuarum, singulorum in Te ora, oculosque converteris, corda conciliaveris, laudabiliter exactō Prioris officio, mox iterum ad aliud invitaris Officium. Parum quippe Tibi erat Religiosæ Familiæ præclara dare exempla, virtute insuper, Christianæ plebi, ac vitæ Tuxæ sanctimonia pascendæ, verboque salutis informandæ præficeris, dum ad regendum Monasterium, simul ac Parochiam Kościelnensem vocaris: in cujus regimine illa commiserationis in afflictos signa, illa liberalitatis in egentes indicia, illa exemplaritatis, ac omnis sanctitatis documenta, quæ. Et quanta sunt, quis non videt? quis non miratur? Jam verò si spectetur zelus in ampliando cultu Divino, in elargiendis eleemosynis, quis satis explicet? Sic certè perfecta virtus nescit uno consistere loco, sed longius, ac longius progreditur. Verùm nec hic terminus laudum tuarum, aliam namque viam Moderator supremus ad promovendam virtutum tuarum gloriam invenit; voluit enim providissima DEI Sapientia perfectæ constantiæ, invictæ patientiæ, Et propensæ erga se voluntatis Tuxæ cæteris exemplum demonstrare, dum
vix



vix post fatale incendium respirare potuisti, mox hostili despoliatus impetu, opprobriis saturatus, volens crudeles eorum effugere manus hunc, illucque latitando, ubi caput reclinares, non habebas: his tamen in adversitatibus, & periculis non deiicis animum, sed cum Divo Job, in eo, qui humiliat, & sublevat, qui mortificat, & vivificat, qui, quò magis castigat, eò magis diligit, certam collocaveras fiduciam. Et cum nativum tuum Asceterium Tynecense hostili impugnatione corflagratum, devastatum, dirutumque foret, ipse afflictis Fratribus beneficam porrigis manum, & imploratam tribuis opem; dumque adversæ fortunæ omnibùs expositus telis, aliorum indigere commereris consolatione, Ipse, quasi suæ oblitus miseræ, mæstos, ac miseros Confratres blandè consolari non dubitaveris. Ita profecto in ipsis adversis crescere solet non fucata virtus, magisque inter ardua attollitur, inter extrema erigitur. Hinc factum est, ut præstantissimarum dotum Tuarum amore, simul ac admiratione illectum Archi-Cænobium Tynecense, in vim grati erga Te animi, pignus quasi benevolentiae suæ (cum ne cogitares quidem) unanimi omnium consensu, Te in Abbatem eligit Orloviensem, ejusdemque Abbaticæ officiosum transmittit Diploma, ut perfectum in Te esse cernamus illud veterum: Vir-
tuo-



tuus ne cogitans quidem honorabitur. Vellem hic
REVERENDISSIME D. ABBAS laudum Tua-
rum encomium texere ex Prosapice Tuæ amplissimo,
celeberrimoque genere, verum Tibi, ac Tuæ modestiæ
per Te ipsum parere jubeor; sat proinde nominasse
erit, cum primis Te Domibus in Sarmatica Regio-
ne esse conjunctum, à quibus cum satis habeas lau-
dis, ac celebritatis, quod politicam ab eis desumpse-
ris Mobilitatem, non minus tamen Te gloriæ majo-
ribus Tuis attulisse arbitror, quod eandem celeberr-
imarum virtutum, & rectefactorum, adeò in Te ipso,
& in ipsis condecoraveris, ut & virtute, & merito
Vir evaseris nobilissimus. Quod vel ipsa probare
Congregatio Benedictino-Polona videtur, cujus cum
videret ingenii perspicaciam in dandis consiliis, pru-
dentiam in moderandis, in promovendis constantiam,
in perficiendis dexteritatem, bis Te ad coronam De-
finitorii invitavit, ac demùm Visitatoris munus obeun-
dum commisit. Ista nempe virtuti inesse vis propria
dicitur, ut ubivis est gentium, semper habeat suos &
æstimatores, & præmotores. Tali proinde Viro, tan-
tisque animæ & corporis instructo dotibus hoc Opu-
sculum cum sit consecratum, quis non speret, haud de-
fraudatum fore authoris desiderium? fateor quidem
exiguum esse, Tuis tamen sub auspiciis fiet, ut exi-
stat



stat & cœstimatione magnum, & utilitate. Cœterum quantum, quantum est, totum Tuum erit, solum suscipe illud, & non contemne, hanc ingenuam cultus, & observantiæ erga Te meæ significationem. Et quamvis omne id non est tale, quod omni ex parte Tuæ correspondeat & amplitudini, & benevolentiae erga me, benignam dabis impotentiae meæ veniam, studiumque saltem erga Te meum, ut spero, non aversaberis. Quid enim culpæ me admisisse arbitrer, si Virum, qui omnem & meriti, & laudis superavit pulchritudinem, nec satis laudare, nec satis de ipso mereri valeam? Verum si plura non possum re, aut verbo, dabit DEUS T. O. M. me valiturum animo. Tu devotissimum, obligatissimumque Tibi, uti cœteros soles, benigno affectu amplexari non dedignare, cui ego omnia fausta, prosperaque precari nunquam cessabo.

REVERENDISSIMÆ DOMINATIONIS

Mæcenatis Faventissimi

Benefactoris Singularissimi

devotissimus Cliens

P. Hieronymus KOWALSKI O.S.B. S.T.D.

Monast: Sieciechow. Professus. Congr:

Bened: Pol: Secretarius, ac Regimini

Cancellarius.

)b(

Ad

❖ ❖ ❖ ❖ ❖

*Ad Illustrissimos, Perillustres Reverendis-
simos Dominos Dominos ABBATES, ac
omnes Praelatos, Admodum Reverendos,
Reverendos Priores, Præpositos, cæterosque
Superiores Monasteriorum Congrega-
tionis Benedictino-Poloniae.*

❖ ❖ ❖ ❖ ❖


*Æquissima vestra imperia Illustrissimi, Perillu-
stres Reverendissimi Domini, Domini, Admo-
dum Reverendi, Reverendi, uti libenter tribus abhinc
annis exequenda susceperam, ita feliciter DEO T.
O. M. opitulante sum ex-quitus. Desiderastis
Libellum Sacrarum Cæremoniarum, non alia mente,
nisi ut uniformitas Divini cultûs in univêrsa Congre-
gatione nostra Benedictino-Polonia, quàm exactissime,
omni ex parte servetur, hunc Vobis porrigo, hunc
vobis dedico, atque satis arbitror per me factum esse
cùm jussionibus, tùm desideriis Vestris; cum & id
perfectum à me videtis, quod imperastis, & id præ-
manibus tenetis, quod summis expetiistis studiis.
Non nova sunt ista, quæ hic continentur, sed ve-
tera omnia, ac ex gravissimorum, vetustissimorum-
que Authorum decisionibus collecta; nec ideo Vo-
bis porriguntur, ut doceri videamini, sed exponun-
tur idèò ut conemini, quantum possitis, docenda.
Et certè Vestrum præcipuum munus est, Divinæ
in-*



inservire laudi; nam cum Vos rectores suæ posue-
rit Ecclesiæ DEUS, profectò Vobis etiam hono-
rem suum propagandum, laudemque promovendam
hoc ipso commendavit. Satagite itaque, quantum
facultas Vestra patiatur, ea observari, quæ à me
ad observandum tantopere optastis porrigi; stude-
te laudabilissimæ in Divino cultu uniformitati ser-
vandæ, ad quam exponendam Vestris me cōdégistis
Imperiis. Meum equidem erat Vestris parere man-
datis in compilando hoc Libello, Vestrarum verò
erit partium insudare, ut custodiantur ea, quæ in
eo declarantur custodienda. Nihil enim ego vel
laudabilius, vel salubrius esse, Viro, Sacerdotali in-
signito Characterē, existimo, quàm si rectè, exa-
ctèque, servatis omnibus Regulis Rubricæ, tam
Sanctum, & tremendum ministerium obeat, eo
namque modo & Sanctitatem Fidei Catholicæ de-
clarat, & virtutum semina spargit, sibi que futuræ
præmium comparat gloriæ. Jam verò si negli-
gantur ea, vel omittantur, quæ ad Sacro-Sanctum
Missæ Sacrificium generalis requirit Rubrica, jam
certè omnia subverti fundamenta virtutum, & præ-
mii est necesse. Quid quæso, ad modestiam in-
flammabit adstantes? quid ad fervorem incitabit o-
rationis? si se immodestè, ac oscitanter in Sacri-
ficio Missæ gerat Minister? profectò omnis fru-
ctus deperditur in auditoribus, omne præmium in
talibus amittitur Ministris. Hinc cum ea virtu-
tum omnium deperduntur semina, ea vitiorum na-
scuntur, & neglectione Sacrarum Cæremoniarum,



fomenta; quid non movendum? quid non tentandum erit? ut illa rectefactorum, per diligentem Sacrarum Cæremoniarum observantiam, redeant aliquando commoda, quæ per negligentiam vel amissa sunt, vel amitti, hucusque cernuntur. Vos ergo *Illustrissimi, Perillustres Reverendissimi Domini, Domini, Admodum Reverendi, Reverendi*, quos DEUS & pietate illustres, & sanctimoniâ vitæ celebres, & munere suarum Ovium fecit Pastores eximios, date operam, & revoke neglecta, consolidate disrupta, nec sinite, quæ hucusque fortè vitiata erant, permanere in posterum defectuosa; & cum Vobis imperantibus hæ Sacrarum Cæremoniarum Regulæ collectæ, ac in hoc Libello contentæ in publicam prodeunt lucem, Vestris quoque imperiis, Vestris studiis injungantur custodienda: ut, ad præclarissimas Vestras animi, & corporis dotes, hoc accessisse omnes videant, & fateantur, quod sitis non solum exactissimi, ac vigilantissimi Ecclesiasticorum Rituum Custodes, verum etiam custodiendorum Propagatores. Et hoc certè Vestrorum studiorum, hoc etiam mei exigui laboris erit præmium, ac emolumentum.




❧ ❧ ❧ ❧ ❧

BENEVOLO LECTORI.

❧ ❧ ❧
Noli mirari, benevole Lector, quod tale, ac
❧ ❧ tantum opus imparibûs humeris susceperim
elaborandum, cum & tenuitas rationis meæ,
& distrahtio officii protunc impositi, notabili fuerant
impedimento: quia tamen cognosco obligationem
statûs mei Religiosi, vî Regulæ S. c. 68. stimulan-
tis, ut Monachus, licet gravia, & impossibilia (etiam
virium suarum pondus excedentia) Super orum præ-
cepta cum omni mansuetudine suscipiat, & ex charita-
te, confidens de adiutorio Dei, obediat; ideoque au-
xiliente dexterâ Altissimi, quam mihi opitulatricem
semper adesse cupio, præsentem opellam, quantum
mihi per negotia licuit, consummatam, in manibus
repono tuis, hoc unicum cum D. Paulo desiderans
Rom: 15. v 6. Ut inanimes, uno ore honorificetis
Deum, & Patrem Domini nostri JESU Christi.
Cum enim omnes Religiosæ familiæ, maximè Be-
nedictinæ in divinis laudibus concinendis, Sacrisque
faciendis uno, eodemque spiritu, affectu, & motu
interiûs agantur: unus, & idem convenit esse ex-
ternus ritus, & Sacrarum Cæremoniarum modus;
ne diversitas vultûs, & externi ritûs, diversitatem
arguat spiritûs. Ea propter hanc Cæremoniarum
epitomen, tanquam commune exemplar, Sanctissi-
mis Romanæ Ecclesiæ ritibus accommodatum, ti-
bi benevole Lector propono; ut ad ejus intuitum
ex.



externa divini cultûs dirigere, & disponere valeas officia. Invenies hic profecto plura consuetudinibus locorum contraria, abusibus personarum repugnantia, & difformitati opposita; in his tamen innotendum te existimo: ut dictas consuetudines non defendas, cum illæ tantum conservari, & manuteneri possunt, juxta S. R. C. Decr: quæ sunt piæ, bonæ, & regulis Rubricæ non repugantes, ceteræ verò pro abusibus declarari, & omnino relici debent. Quæ autem tibi in hoc opere propono, ea conformia Rubricis generalibus tam Breviarii, quàm Missalis, cum Romani, tum Monastici, Cæremoniali Episcoporum, Pontificali Romano, Rituali Romano, gravissimisque Rubricarum interpretationibus adnotare, allaboravi, Decretis insuper Sacræ Rituum Congregationis exaratis confirmavi; non quærens ut mihi, vel cui arrideat, sed ut S. Romanæ Ecclesiæ institutis per omnia satisfiat. Tu ergo, benivole Lector, si hoc opusculum tibi profuisse cognoveris, laborem tibi impensum æqui, benigne satage conservare, & pro me indigno peccatore Deum digneris deprecare.



CENSURA THEOLOGORUM.

EX Commissione Illustrissimi & Reverendissimi Domini Leonis *Æmiliani* KOSINSKI Divina Vocatione Abbatis Mogilnensis, Congregationis Benedictino-Polonæ Præsidis Generalis Librum, cui titulus: *Cœremoniale Monasticum pro Inclyta Congregatione Benedictino-Polona*, Labore A. R. D. Hieronymi KOWALSKI S. T. D. Mon: Sicc: Professi Congr: Ben: Pol: Secretarii compilatum, vidi. & legi, eundemquæ ex gravissimis & probatissimis Auctoribus collectum, attentè perflustrans, nihil reperi, quod aut antiquis. aut recentibus Ecclesiæ Ritibus contrariaretur, vel quod fidei Catholicæ, aut bonis moribus repugnaret, quinimo utilitati Religiosorum Congr: nostræ in Sacrarum Cœremoniarum praxi dirigenda juxta S. R. C. Decreta, deserviat. Ideo, ut in lucem prodeat, hæc Sacra Ecclesiasticorum Rituum Oeconomia dignum censeo, hæc enim duce, quotquot in Cœremoniis ritè exercendis erudiri cupiant, me iudice non errabunt. Dabam in Mon. Calvomont: S. Crucis O. S. B. Die 12. Mensis Julii 1776.

P. Paulinus PRASZKIEWICZ O. S. Ben: S. T. D.
Mon: S. C. C. M. Prior:

mpp.

Iussis Illustrissimi & Reverendissimi Domini Leonis *Æmiliani* KOSINSKI Regalis Mon: Mogiln: Abbatis Congr: Ben: Pol: Præsidis Generalis omni, qua par est, reverentia obsecundans, Librum, cui titulus: *Cœremoniale Monasticum pro Inclyta Congregatione Benedictino-Polona* ab A. R. D. Hieronymo KOWALSKI S. Th: D. Mon: Sicc: Professo Congr: Ben: Pol: Cancellario elaboratum ex probatissimis, ac in Sacris Ritibus versatissimis Auctoribus collectum, vidi, & legi. Cumquæ in eo Orthodoxis fidei dogmatibus nihil adversum, nihilquæ morum rectitudini ac honestati dissonum, imo, doctrinæ in Sacris functionibus seu Cœremoniis ritè obeundis ad mentem Decretorum S. R. C. proficuam repererim, ideo in lucem edi posse Typisquæ mandari dignum censeo & existimo, si videbitur Illmo Præfidi Congregationis, cujus mandatis obtemperans hæc lubens pro veritate subscripsi. Datum in Præpositura Koniemtotensi Die 4. Mensis Julii 1776.

P. Emericus GOŁASZEWSKI O. S. Ben: Sz. Th. Lic:
Cong: Ben: Pol: Archiviarius Præf: Koniemtoten.

mpp.

FA-

FACULTAS

Illustrissimi D. Præf. lis Generalis Congregationis Ben: Pol:

NOs Leo Æmilianus Rogala in Kosiny KOSINSKI Divina Vo-
catione Monasterii Mogilnensis Abbas, Canonicus Metro-
politanus Gnesnensis, Electus Abbas, Coadjutor Sieciechovien-
sis, Congregationis Benedictino-Polonæ Præses Generalis.
Harum serie, nostrique Officii Auctoritate, quoad nos spectat,
A. R. D. Hieronymo KOWALSKI S. Th: Doctori, Mon: Siec:
Profr: Congregationis Ben: Pol: Cancellario facultatem conce-
dimus typo imprimendi Librum, cui Titulus: *Cærimoniale Mo-
nasticum pro Inclita Congregatione Benedictino-Polona.* Auctoritate
Reverendissimi Definitorii Capituli Generalis Tyneccensis de-
mandatum, & à Patribus Theologis Congr: nostræ, quibus
commisimus, revisum & approbatum, servatis de jure servan-
dis. In quorum fidem præsentem literas manu propria Sub-
scriptas, Sigilloque Officii nostri munitas dedimus in Cænobio
nostro Mogilnensi Die 30. Mensis Novembris, Anno 1776.

Leo Æmilianus KOSINSKI Abbas Mogiln: Coadj: Sie-
ciechov: Congr: Ben: Pol: Præses Gnrlis. mpp.

{L. S.}

IMPRIMATUR

BALTHASAR

P O R T A

PSTROKONSKI,

Canon: Metropolit: Gnesnen: Librorum per Archid:
Gnesnen: Censor.

mpp.

CŒ-



C Æ R E M O N I A L I S M O N A S T I C I,

P A R S I.

De Choro, & Horis Canonicis.

C A P U T I.

De Disciplina psallendi.

L. **C** Lariorem Rubricam de disciplina psallendi, Benedicimus quivis Monachus habere non potest, quam de Regula SS. Patriarche Benedicti, c. 10. Ubiq; credimus Divinam esse præsentiam, & oculos Domini in omni loco speculari bonos, & malos; maxime timen hoc, sine aliqua dubitatione credamus, cum ad opus Divinum assistimus. Ideo semper memores simus, quod ait Propheta: Servite Domino in timore. Et iterum: Psalite sapienter. Et In conspectu Agerum psallam tibi. Ergo consideremus, qualiter oporteat nos in conspectu Divinitatis, & Angelorum ejus esse: Et sic stemus ad psallendum, ut mens nostra concordet voci nostræ. Ut autem ad majorem inflammaret devotionem prosequitur cap 20. Si, cum hominibus potentibus volumus aliqua suggerere, non præsumimus,

CÆREMONIALIS MONASTICI.

nisi cum humilitate, & reverentia; quanto magis Domino Deo universorum cum omni humilitate & puritate devotionis suspicandum est. & non in multiloquio, sed in puritate cordis, & compunctione lachrymarum nos exaudiri sciamus.

2. Nihil itaque operi Dei preponere præcipit Almus P. Benedictus fuit Reg: cap. 43. his verbis: *Ad horam Divini Officii, mox ut auditum fuerit signum, reliquis omnibus quæ tunc fuerint in manibus, summa cum festinatione curratur: cum gratia: tamen, ut non furtilitas inveniat somitem.* Et de nocturnis Vigiliis sic alloquitur. Cap: 22. *Ut parati sint Monachi semper, & facto signo, absque mora surgentes, festinent invicem se provocare ad opus Dei, cum omni tamen gravitate, & modestia, Unde ita debent complate propere, ac si Dei optimi Maximi, aut saltem Angeli invitantis, ad laudes Divinas decantandas, vocem audirent.*

3. Valde ergo laudabile est, & observatu dignissimum, ut omnes Religiosi, dato signo, si major solemnitas est, & Chorus ante majus Altare pateat, sive in Cella, sive in sacristia suam induant habitum Chorem, hoc est Cucullam seu Thogam cum caputio, & nunquam in illa speciosioris, solemnioribus sine tali habitu appareant, & tunc bini, & bini procedant in Chorum.

4. Cum pervenerint ante Altare, omnes genuflectere tenentur, sive in eo sit Tabernaculum SS. Sacramenti, sive etiam Crux tantum, & tunc ad loca sui Ordinis singuli accedant, ubi genuflexi manent orantes, donec detur signum surgendi, & incipendi à superiore, quo dato surgunt & itant, uniformitatem in omnibus, quantum fieri potest, observantes.

5. Si quis iam iachato Officio Divino venerit ad Chorum, ante Altare genuflexus parumper oret, cum dato Superioris signo, surgens ibidem faciat profundam Curri reverentiam, deinde vertens se ad solem Superioris, inclinans saluter eundem, & tunc ad locum suum accedat. Ita tenet Cœter: Epi: & R: 12. Aprilis. 1617. & declarat Cassin: in Reg: c. 20. num. 1. Qui autem ex officio est iusta de causa, prius reverentiam faciat Superiori, & postea Altari.

6. Veniens tunc ad Chorum, quando in officio Divino dicitur: *Gloria Patri*, Oratio, ultima strophæ Hymnorum, Oratio Dominica, vel Confessio fiat, vel denique aliquid aliud, ad quod

PARS PRIMA.

3

quod Chorus vel est inclinatus, vel genuflectit, & ipse existens iam in Choro per aliquam moram expectivè, & respectivè, inclinatus, vel genuflectus in medio Chori, prout ipse Chorus, minet; non tamen, extra Chorum existens, hæc peragere debet. Et postea factis debitis, ut supra, reverentiis, ad locum suum accedat, quod etiam observandum venit ab illo, qui egressurus est de Choro.

7. Per necessarium est, ut ab omnibus inviolabilè servetur silentium in Choro, nec in illo prorsus habeantur colloquia, nisi quis cogatur ex necessitate loqui, de iis, quæ tantum ad functionem suam pertinent; nullus paciter rith, aut quovis gestu in composito rem Divinam perturbet, vel literas, aut libros quoscunq; præter Breviarium, aut Diurnum, eaq; tempore debito, & cum opus est, legat, Vitentur impertinentia, & oculorum divagatio, ne inde mentis oritur distractio; considerare enim debent Religiosi Viri, quod, cum Hierarchie Cælestis laudes Domino decantantis, representent ordinem, Religiosæ, seu veriùs Angelicæ debent studere modestiæ.

8. Quisque manus bene compositas, sub scapulari, vel in manibus Cuculle complicatas, si librum non tenet, tam itans, quam sedens, habeat; Nullus item deferat Chirothecas, ex statuto. Conc. Illud sed propter frigus utantur manica, cui ambas manus imponere possint, ejusdem tamen coloris, videlicet nigri, e jus x habitis est. Pedes etiam quivis bene compositos, & quasi simul bene junctos, nec unquam unum super alterum, teneat, nec etiam super genuflexoria elevatos habeat.

9. Omnes modè suis subillis innixi Officium recitent, non privatim, sed cum aliis unat, attentè, & devotè laudes Divinas in conspectu Angelorum decantent. Et si forte cuiquam dormire contingat, statim à Socio excitetur. Loca matrare non debent, nec occasione quidem stecendi genua in alio commodiori loco.

10. Omnes in stando, genuflectendo, aut alio quovis actu uniformitati studeant, quando simul omnes eadem facere convenit. Nullus, quando alii ritus absolvunt simul Horas, genuflectus, vel recens privatim recitet, licet propter immi-

rens Ministerium Altaris debeat exire de Choro; sed aut eam cuius recitationis Horas in Sacristia, vel alio commo-
diori loco, vel simul cum alij, stando absolvat: ne per eius
quedam attentionis ad privatam recitationem signa, distur-
bentur Chori, aliorumq; distractioni detur occasio. Nemo in
demittendis, attollentib; sedibus, vel per Chorum incedendo
strepitum faciat, magnam enim aliis faceret distractionem.

11. Omnes promptè, & sine cunctatione surgant simul,
paulo antequam finatur aliquis, per quod standum est, aut
genus tendum, nec ante sedeant, quam id, quod sequitur, pri-
us inchoatum fuerit, e. g. cum Lectiones dicende sunt, non
ante sedeant, quin prius responderint: Amen, ante initium
Lectionum.

12. Nunquam licet egredi e Choro sine necessitate, eti-
am expleto Officio, nisi prius facto signo exeundi a Superi-
ore. Nec plures simul, quam duo, dum sit Officiarius. Divi-
num, pro qualibet vice deferant Chorum, aliis in eodem ex-
istentibus. *Ex decr: Congr: Ep: & Reg. 18. Aprilis, 1617.*
Nemo per Ecclesiam sine causa discurrat, nec quid sibi agen-
dum sit clamando, aut sibilando querat, sed per solum nu-
tum, à socio sibi vicino, vel alio discat.

13. Unusquisq; suo muneri diligenter incumbat, cavens
ne in aliquo erret, nec cunctetur, nec tempus preveniat,
nihil sibi sumat, nec quidquam aliis prescribat, nisi ex Offi-
cio suo id efficiat. Alio a se non absente, convenit, ut qui
proximè illum sequitur, aut intra se alius non fuerit, qui
immediatè super eum erit, suppleat vices illius tam in in-
choatione, quam in aliis quibuscvis Officiis.

14. Si quis in aliquo erret, leniter ipsius error, vel
modesto tegatur silentio, vel praefatus, quantum fieri pote-
rit, corrigatur. Concedentis autem videri perturbatio er-
rorem corrigi, hoc modo. Si quis aliam Hymnum, vel Psal-
mum, vel Antiphonam, seu alio loco, vel erroneè incho-
averit, permittat Chorus taliter persolvere, licet male, & tum
alius subiens, vel Cantor, vel Chori praefatus corrigat,
& non in mal perturbatio fiat. Lectiones vero in Vigiliis M-
tutinis, si alias contra Rubricam Lectorem legerit, Superior,
vel Chori praefatus mittat alium e Choro, qui aut illi erro-
rem

PARS PRIMA.

5

rem demonstret, aut, quod melius est, in locum illius, substituitur, ne clamorosa correctione, vel increpatione alii perturbentur.

15. Deniq; omnes adus, qui in ipsa, & pro ipsa Divini Officii recitatione sunt, ut ab omnibus placide modeste, ac reverenter peragantur, Religiosi intruendi sunt à Præsfecto Chori, vel Magistro Cæremoniæ, quæ Officia in qualibet Communitate peritis in Rubro Monachis conferri debent, ab unoq; illorum protunc presente in Choro signo solo, vel nutu, aut intuitu corrigi debent ceteri, tam in inclinatione, quam conversionibus.

16. Multum decet, ut subsellia Chori quotidie à Fratribus junioribus tempestivè expurgentur de pulvere, ne maculentur vestes Religiosorum. Sed multo convenientius est, ut intra subsellia Chori sint quædam arcule cæcæ, vel ferruginibus plene, in quas conspuendum sit, ne sputo pavimentum, aut subsellia sædantur; neve debilibus abominationem causare possit saliva oris, sic projecta.

Decreta S. R. Congr.

1. Non est relinquendum Officium Breviarii, pro Officio devotionis. *S. R. C. 29. Novembris, 1603.*

2. Cæremoniæ novæ non inducendæ, nec antiquæ immutandæ absq; expressa licentia, quam dare debet S. R. C. *12. Maj 1612. in una Urbis.*

3. Persolventes Divinum Officium extra Chorum, non tenentur ad Psalmos Graduales, nec Pænitentiales, neque ad Officium parvum B. M. V. nec Defunctorum: quæ quidem Officia, & Psalmi sunt onera tantummodo ex præcepto implenda in Choro. *S. R. C. 2, Septemb: 1741.*

Dies specificati, quibus ad Chorum Religiosi Cucullati, incedere debent.

1. Triduo Festorum Nativitatis D. N. J. C. incipiendo à 1. Vesp. ad Matutinum primæ diei, & ad omnes horas diurnas.

2.

2. Secundo Triduo minoris Hebdomade, scilicet Fer: V. in Cena Dni, Fer: VI. in Parasceve, & Sabbato Sancto ad omnes Horas, præter Primam, Tertiam, Sextam, & Completorium, ac ad omne Officium dierum, nec non ad decantandum Psalterium.

3. Triduo Paschatis, ad Matutinum, scilicet, primæ diei, & ad omnes reliquas Horas diurnas.

4. Triduo Pentecostes incipiendo à I. Vesp. ad omnes Horas diurnas.

5. In omnibus Festis Domini Solemnibus, videlicet: Circumcisionis, Epiphaniæ, Ascensionis, & utroq; S. Crucis festo, pariter à I. Vesp: ad Horas diurnas.

6. In die, & per totam Octavam Corporis, Christi, ad omnes omnino Horas, etiam Mutuas Vigiliis, & Processiones, incipiendo à I. Vesperis.

7. In Festis B. V. MARIÆ Celebribus, puta: Conceptionis, Nativitatis, Annuntiationis, Purificationis, & Assumptionis, ad Horas diurnas incipiendo à I. Vesp:

8. In reliquis Festis Celebribus, videlicet: SS: Petri & Pauli Apostolorum, Omnium Sanctorum, Patroni Diocesis, & Dedicacionis propriæ Ecclesiæ, pariter à I. Vesp: ad Horas diurnas.

9. In Festis Ordinis nostri Benedictini specialioribus, scilicet: SS. P. Benedicti, S. Scholasticæ V. S. Placidi Proto-Martyris. S: Mauri Abb: Omnium SS: Monachorum, atq; solemnii Commemoratione SS. P. Benedicti, à I. Vesp: ad Horas diurnas.

10. In die Commemorationis omnium Fidel: Def: atq; in die Commemorationis defunctorum Fratrum ord. nostri, tam ad Vesperas, quam ad Matutinum Defunctorum, quamq; ad Processiones cum absolutione solemnii.

Deniq; in omnibus Processionibus, principaliter autem cum SS. Sacramento, tam S. Marci, & Rogationum, nec non Candelarum, & Palmarum; & quodcumq; sit publica expoi-

PARS PRIMA.

7

tio SS. Sacramenti v. g. Oratio 40. Horarum, Ad ultimum in cæteris aliis functionibus, publicum Actum denotantibus.

CAPUT II.

De Magistri, seu Præfecti Chori officio.

I. **H**Oc Officium adeo necessarium arbitrati sunt Patres nostri, ut eum, cui hoc Officium committeretur, inter digniores Ecclesiasticos constiterint, & inter præcipuos de Choro multis honoribus ac privilegiis decoratum annumeraverint, erigentesq; nostri Benedictini Cathedralis Ecclesias, inter Canonicorum Prælaturas ei locum assignaverint, ubi usq; ad hunc dem locum, & præeminentiā talis obtinet, diciturq; Primicerius. Quod quidem & Constitutis Congregationis nostræ provisum est, p. 2. c. 2. dum Præfectum Chori non aliam prætendunt, nisi P. Supremam, tenore sequenti: *P. Supræ erit ordinarius Chori Præfectus.* Et hoc conformiter ad Concilium Prov: Mediolanense IV. quod præcipit: *ut Præfectus Chori eligatur ab Episcopo, vel ab eo, qui maior est in Choro, hujusmodi Officio fungi debeat.*

2. Ad mentem itaq; supradicti Concilii, & Regularum Rubricarum, nec non S. R. C. Decretorum, Præfectus Chori ex aprioribus omnino esse debet. in Cærimonialibus actibus maxime versatus & ab omnibus aliis negotiis expeditus, ut semper Choro præsens assit, præsertim solemnibus diebus, actionibus extraordinariis, processionibus, & absolutionibus Defunctorum. Provideat diligenter ut omnia moderate, rite, & exacte fiant, nam Chori moderatio, quæ in pausa, & convenienti sono, juxta rerum qualitatem constitit, assignatio Cantorum, seu Inconantum, & alia similia ad regimen Chori spectantia, ejus moderamini committi debent.

3. Summopere curet. ut disciplina psallendi exacte servetur ab omnibus, & maxime illud de tarditate vocis, de debita pausa in medio Versuum, de summo consensu, & concordia continentiam, ut nullius vox ante alios præcurrat, nec post alios moretur, & ut nulla sit in cantu diversitas, sed semper servetur æqualitas ab omnibus, diligentem habeat attendentiam.

4. Singulis diebus prævideat Officium, Martyrologium, & alia quæ dicuntur in Choro, & congruo tempore moneat Cantores, Inchoatores, Lectores, & alios de iis, quæ observanda duxerit, maximè circa prolationem, Syllabarum quantitatem, & verborum, connexionem; Tum, quando pulsari debeant Organa moneat tempestivè Organarium, ne aut nimis protractione sit molestus Choro, aut si quando opus est pulsandi Organa, & ille desit, qui debeat pulsare, perturbentur existentes in Choro.

5. Cum opus fuerit convocet Fratres, & Patres juniores in aliquem locum congruum, ut in praxim deducant Cantum, & Pausam, speciatim autem attendat ad ea, quæ in tota Majori Hebdomada fieri debent, videlicet ad Matutinas Tenebrarum, Lotionem pedum, Passiones, Prophetias, Benedictionem Cerei, & alia hujusmodi, insuper in festo Corporis Christi ad ea, quæ decantari debent.

6. Ad Vesperas Sabbati, per singulas Hebdomadas, secundum consuetudinem plurium Ecclesiarum, conscribat in Tabella parata in Sacristia, vel in Choro: Hebdomadarium, Cantores, Inchantes, Lectores, aliosq; officiales, quorum absentiam, cum contingit, (: quod tamen raro fiat :) suppleant præceteros tum Hebdomadarii, quam alii Officiales, curetq; ut prædicta Tabella ab omnibus diligenter legatur, ut quisq; studeat Officio sibi commisso satisficere. Hoc tamen precipue animadvertere debet, quod SS. P. Benedictus præcipit Reg: c. 38. *Fratres, non per ordinem legant, aut cantent, sed qui ædificent audiant.*

7. Ex his constat, Præfectum Chori cum Cæremoniario sepius debere inter se convenire, ut omnia meliori ordine, & modo fiant, ob conformitatem prædictorum inter se, & unius ab Altero dependentiam, quæ certè magna est, ut appareat, & necessaria, ad evitandam omnem confusionem. In quem finem habere ad manum semper debent: *Theaurum Sacrorum Rituum Gavanti, cum observantibus, & notis P. Cælestini Monachi*, ut ad omnes Cæremonias tam in Choro, quam in aliis actionibus extraordinariis perfectiorem habeant informationem.

C A P U T III.

De officio Cantorum.

I. **N**ON omnes Religiosos SS. P. Benedictus preten-
dit esse Cantores, sed tantum aptiores, de qui-
bus in Regula sua c. 4. 7. sic loquitur: *Cantare autem non
presumat, nisi qui potest ipsum Officium implere, ut adfuerit audi-
entes. Quod cum humilitate, & gravitate, & tremore fiat, & cui
iusserit Abbas. Videant itaq; Cantores, quomodo ad edificatio-
nem audientium, & non ad enervationem aliorum vocem su-
am aptare debeant, & ideo, nec nimis anticipent, priusquam,
quod antea cantatum est, finiatur; perfecte, nec nimis pau-
sent, sed in omnibus servant moderamen.*

2. Quod incipiunt, aut cantant, servant in iis Religi-
osam modestiam, tam in compositione partium corporis exter-
narum, quam in ipsa cantus consonantia, ne levitate eorum,
scandalizentur audientes. Nec tamen de vocis sue modulami-
ne superbiunt, quia, quæ habent, à Deo habent, & ejus ho-
nori cum omni subiectione consecrare debent.

3. Convenit itaq; ut in quocunq; Religiosorum cœtu, sint
destinati bini Cantores, in cantu Choralis periti, quorum unus
ex una sit parte Chori. & alter ex altera parte constitutus,
primus ille vocatur Cantor, in cujus parte est primus Cho-
rus, secundus, juxta Rituale Rom: appellari debet Succen-
tor, in cujus parte, protunc est Pausa, Primi itaq; Officium
erit, id, quod per unum tantum cantari solet, explere, &
hoc duret tota Hebdomada, ita, ut ille Succentor, qui an-
teriori Hebdomada Cantoris explebat Officium, præsentis sen-
tiat levamen, & aliquam repausationem. Quæ verò per bi-
nos decantari debeant, per utrumq; expleantur.

4. Cantores vocem sumant, quantum fieri potest, à
Choro, & Hebdomadario non discordantem; si autem adver-
tant Psalmodium nimis depressam vel nimis elevatam, mode-
stè provideant, ut ad Tonum convenientem reducantur, habita-
tamen prius à Superiore, vel Præsfecto Chori per aliquod si-
gnum licentia.

5. Quoniam diversitas temporum, exigit etiam diversi-
tatem Cantus in Choro, ideoq; Cantorum munus erit, re-
tinere in sua repausatione partem Chori sui, quod omnes a-
nimadvertere debent, & iis vocem suam accommodare. In

omnibus Festis Solemnibus tunc & 2de Classi paulatim, aliquando elatis, & per maiorem pausam; id duplicibus tam maioribus, quam minoribus, atq; etiam 1. & 2. classi non solemniter celebratis, per mediocrem pausam, & Tonum mediocrem: in semiduplicibus vero, per brevem pausam, & depressiorem vocem, cantum conservare tenebatur. At in Terciis quibuscumq; cantus, parum à plana recitatione distinctus esse debet. Sed ut in omnibus Dominicis per annum, tanquam in duplicibus, pausa, & Tonus mediocris observetur, propter Festivis dies convenit.

6. Et dum quilibet Officialis Religiosus communiter, & secundum Reg: c. 35. à Vesperis Sabbati suum inchoat Officium, ita & Cantores. In Vesperis itaq; primi Cantoris munus erit: Antiphonas tam ad Psalmos, quam ad Canticum inchoare Choro reliqua prosequente, Hymnum, ac Canticum Magnificat incipere Commemorationum convenientium Antiphonas pariter inchoare, & *ŷ. Benedicamus Domino* cum Succentore juxta qualitatem Festivitatís, concinere, Choro respondente *ŷ. Deo gratias* in eodem Tono

7. Ad Completorium, cum nulla ad Psalmos assignetur, Antiphona, simpliciter Intonans primi Chori Psalmos inchoare debet, ordinariè in Tono L. in maiori tamen Solemnitate potest & Tonus alius assumi, juxta placitum Præfetti Chori, qui tempestivè præcavere debet. Et si imperitus sit Intonans, ne Chorum perturbet, Hymnum pro eo incipiet. Antiphonam de B. V. M. convenientem tempori, & Divini Officii conclusivam Cantor primus inchoare tenetur.

8. Ad Matutinum, si sibi Solemnitatem cantari debeat, Cantor & Succentor Invitatorium d. cantant, Choro idem Invitatorium, in eodem Tono repente; tum Psalmum *Venite exultemus Domino* integram decantant, Choro repente Invitatorium, vel ut aliis placet, Organo loco Invitatorii pulsante. Hymnum quoq; incipiant. Et si *ŷ. ŷ.* prolixa cantari debeant Cantor primus inchoare, reliqua Chorus prosequi, *ŷ. ŷ.* vero in iis *ŷ. ŷ.* una cum Succentore tantum, sicut & *ŷ. Gloria Patri* modulare, tenetur.

9. In Laudibus cantatis, Antiphonas ad Psalmos, Hymnum, & Canticum *Benedictus* Cantor primus inchoat, atq; *ŷ. Benedicamus Domino*, juxta diversitatem Solemnitatis una cum Succentore solemniter decantat, Choro *ŷ. Deo gratias* in eodem Tono respondente.

PARS PRIMA.

II

10. Ad Primam, sicut & ad alias Horas, scilicet Tertiam, Sextam, & Nonam si viderit imperitum Intonantem, pro eo expleat Officium intonationis Hymnorum, & ad Psalmos, sicut & post Psalmos Antyphonas incipiat. Et si pro conclusione temporis cantanda est aliqua Antiphona B. M. V. eam præintonet. In absentia verò Cantoris, ejus officium Succentor rite explere debet.

11. In Missa quæ cantatur in Dominicis, cantato à Celebrante: *Asperges me*, ad aspergionem Aquæ benedictæ, duo Cantores in medio Chori stantes, subdunt: *Domine* & Chorus reliqua prosequitur. Postea Cantores inchoant *Kyrie* *re mei Deus*. Chorus prosequitur reliqua, pariter & *Gloria*. Deinde iidem Cantores repetunt initium Antiphonæ *Asperges me*. Chorus reliqua. Eodem modo intonant Introitum Missæ, cum suo Versu, & repetito Introitu, Cantor inchoat *Kyrie*, & Chorus I. prosequitur *eleison*, tum Chorus II. canit *Kyrie eleison*, sicq; alternatim repetunt, ultimum tamen *Kyrie eleison* ab utroq; capitur Choro.

12. Cantores inchoant *Graduale* & *Psalmum* cantant. Sequentia si dicatur, ab iis inchoatur, & Chorus I. prosequitur primum *Psalmum* seu stropham, Chorus II. secundam, sicq; alternatim decantatur. Cantato à Celebrante: *Credo in unum Deum*. Cantores subdunt. *Patrem Omnipotentem*, Chorus alternatim reliqua. Decet tamen ut totus Chorus simul decanter *Psalmum*. Et homo factus est. Cantores inchoant etiam Offertorium *Sanctus*, & elevato S.S. Sacramento *Benedictus*, Similiter *Agnus Dei*, ac deniq; Antiphonam quæ dicitur Communio.

13. In Officio Defunctorum, quando dicitur totum, cum IX. Lectionibus, Cantor intonat Invitatorium, Antiphonas, Responsorias, & Canticum: *Benedictus*. Psalmum autem *Venite exultemus*, & *Psalmum*. Responsoriorum duo Cantores in medio Chori decantant, sicut & in fine Orationis *Psalmum*. *Requiescant in pace*, qui semper ab iisdem in medio Chori dicitur.

14. In prædicto Officio mortuorum Missam decantant, ut in aliis Missis ad Offertorium tamen cantant soli duo *Psalmum*. *Hostias* & *preces*. Similiter ad Communionem *Psalmum*. *Requiem æternam*, & Chorus reliqua prosequitur. Item ex mente Rubricæ duo Cantores stantes decantant *Benedictus qui venit*. cæteris generis flexis.

15. In absolutione ad tumulum intonant Cantores *Psalmum*. *Libera me*. sive *Subvite* sive aliud quodpiam, Versus autem eorundem *Psalmum*. illi soli integros decantant. finito Respon-

10. Cantor cum Choro suo decantat *Kyrieleyson*. Succentor ibidem cum Choro suo respondet: *Christe eleison*, tum uterq; Chorus simul concludit *Kyrieleyson*. Atq; in fine Orationis soli duo Cantores *Requiescant in pace* concinunt.

16. Litanie solemnes, ut Sabbato Sancto, Sabbato Pentecostes ante Missam, in festo S. Marci, diebus Rogationum in Processionibus, alijsq; similibus functionibus à duobus Cantoribus concinuntur. Et si in aliqua Processione canantur Hymni, Psalmi, Antiphonæ, vel *Ps.* ab iisdem inchoari debent. Locus ditorum Cantorum in Processionibus dum aut canant, regulariter est medius, inter Sacerdotes, & Rel: fratres, ut ab omnibus audiri possint. Ita disponit Cærem: Episc: L. 2. c. 16.

17. Et cum hic nomine Cantorum veniant etiam Intonantes, illi bini pro qualibet Septimana assignari debent, qui omnes Psalmos tam Vesperarum, quam & reliquarum horarum, aut ambo simul, ut mos est ad Vesperas, & Laudes horarum duplicem, aut unus intonare debet, ad vertendo designatum Tonum Antiphonarum, aut ordinationem Prædicti Chori. Item omnes Versus, ac Responsorialia breviora, siue cantatum sit Officium Divinum, siue plane recitatum, bini semper recitare, & cavere debent, & nunquam unus. Hymnos etiam Horarum minorum intonare tenentur, præter Hymnum ad Tertiam in die, & per Octavam Pentecostes, & Hymnos Matutinales, Laudum ac Vesperarum, in quibus, si canantur, vel Superior, vel Celebrans, vel Cantor inchoare tenebitur, juxta inferius dicenda, sic enim disponit Cærem: Episc: L. 2. c. 1. 2. & 14.

18. Lectores quoque Chori gaudent nomine Cantorum, quia & ipsi canunt in Choro speciatim, Itaq; eorum Officium est, ad Matutinum Lectiones legere, 1. & 2. Nocturni, & si sint in ordine Diaconatus vel Sacerdotii, etiam 3. Nocturni Homiliam. Ad Primam vero Martyrologium, ac Lectionem brevem, nec non ad Completorium pariter Lectionem brevem decantare debent. Hoc tamen animadvertant, quia dum ante Lectionem siue Nocturnorum, siue brevem petunt benedictionem per *Ps.* *Sube Domine benedictio*, inclinent se ad sedem Superioris dantis benedictionem, siue Celebrantis, convertendo se parumper ad eum: & dum concludunt Lectionem dicendo: *Tu autem Domine miserere nobis*, ad huc profunde se inclinare debent, redeundo autem, & accedendo ad pulpitum genuflectere tenentur. Ita Caspaldus lib. 1. Sect. 6. cap. 3. num. 2.

19. Prævideant Cantores, diligenter quæ cantanda sunt, ne modo primum quærant dum tempus est legendi, seu canendi, legant Rubricas & Officium diei, ne errent; & vocem suam ita temperent, ut vocis æqualitas semper fervetur, neq; unus altius, quam alter decantet, & simul paufent, quando opus est, nec unus præveniat Alterum, ita ut omnes videantur esse unius, & ejusdem vocis. Vitare autem debent, quantum fieri potest, cantum prolium, raurum, asperum, vel dissonantem, sed vox Cantorum sit canora, savis, liquida, atq; acuta, habens sonum, & melodiam Sanctæ Religioni convenientem. Audiant præterea Cantores, quid de iis dicat B. Birgitta: Clericorum cantus non sit pressus, non fractus, non dissolutus, sed honsus, & gravis, uniformis, & per omnia humilis: Psalmodia plus redoleat gravitatem, mentis humilitatem, & devotionem, quam aliquam ostentationem. Acenacat culpa animus, quando cantantem plus delectat nota, quam res que canitur; omninoq; est abominabile Deo, quando vocis elevatio plus fit propter audientes, quam propter Deum.

20. Idem Cantores. Antyphoras, Responsorias, Hymnos, Psalmos, Versiculos, ceteraq; alia speciatim intonantes, ea semper decantant, in medio Chori, stantes nudo capite, accedentes verò simul ad intonandum, & recedentes, facta genuflexione Altari seu Cruci, licet etiam non sit ibi aservatum SS: Sacramentum, vel expositum, mutuis inclinationibus se salutent; postea D. Abbati præfati in Choro profundam faciant reverentiam. Ita P. Baudry p. 1. c. 6. art. 2. num. 2.

Decreta S. Rit. Congr:

1. An à Cantoribus in Choro incipi possit Introitus Missæ priusquam Sacerdos eandem Missam celebraturus ad Altare pervenerit? Responsum fuit negativè, & amplius S. R. C. 14. Aprilis 1753. in Conimbricensi.

2. An servari possit consuetudo ut in Processionibus Litaniarum, eandem Cantores incedant Pluvialibus indoti? Responsum fuit affirmativè. 14. Aprilis. 1753. in Conimbricen.

3. An in Elevatione SS. Sacramenti, in Missis solemnibus, cani possit: Tantum ergo. &c: vel aliqua Antiphona tanti Sacramenti propria? Responsum fuit Affirmativè & amplius. S. R. C. 14. Aprilis. 1753. in Conimbricensi.

CAPUT IV.

De Officio Hebdomadarii.

I. **Q**Uod ad Officiū Hebdomadarii spectat, habenda est ratio consuetudinis locorum, cui plurimum in hoc tribuendum est, ut concedit S. R. C. speciatim autem ea pertinere videntur, de quibus mox agemus. Qualibet Hebdomada incipiat suū Officiū, regulariter Sabbato ad Vesperas, quod usq; ad Nonam inclusivē, sequentis Sabbati, continue exequitur, nisi aliquid obiter.

2. Ad Vesperas non solemnes dicit secreto inclinatus cum aliis *Pater noster*, & *Ave Maria*, tum versus Altare stans, & facto sibi signo Crucis à fronte, ad pectus, incipit: *Deus in adjutorium meum intende*, habita tamen prius licentia à Superiore, quam signo aliquo concedit, ut liquet ex *Manuali Episc.* Cantat postea Capitulum, inchoat *Kyrieleyson*, relicto Superiori ad recitandum, juxta Reg: c. 13. *Pater noster*, sicut & in Laudibus; tum canit *Dominus vobiscum*, Orationem, vel plures, præcedentibus versiculis convenientibus, deinde *Dominus vobiscum*, ad ultimum, *Et Fidelium Animæ* &c:

3. Ad Completorium, data ad Lectionem brevem à Superiore benedictione, & respondente Choro: *Deo gratias*, Hebdomadarius signando se à fronte ad pectus, dicit Alta voce: *Adjutorium nostrum*, &c: & recitata sub silentio integra Oratione Dominica, facit Confessionem inclinatus, donec Chorus dixerit *Misereatur tui*; Et ipse inchoat à Choro *Confiteor* erigit se, & stat versus Altare, quo finito subdit *Misereatur vestri*. Fit Superior *Inaugentiam*. Cum vero dicit *Vobis Fratres*, & vos *Fratres* convertit se parumper ad dexteram & sinistram partem Chori. Dum dicit *Convertite nos* &c: signat pectus tantum pollice dextro, dicens vero *Deus in adjutorium*, &c. Signat se ut in Vesperis. Dicit Psalmis, & Hymno cantat Capitulum, *Kyrieleyson*, *Pater noster* tantum inchoat, & proferendo reliqua secretè, concludit *ψ. Et ne nos inducas in tentationem*, dein *Dominus vobiscum*, & orationem, iterum *Dominus vobiscum* & *Benedicamus Domino*, relicta benedictione Superiori in Choro esistenti. In super post decan-

decantatam Antiphonam de B. V. M. dicit etiam Orationem, & *ψ.* *Divinum auxilium maneat semper nobiscum.*

4. Ad *Matutinas* non Solemnes, ad signum Superioris, dicto secreto *Pater, Ave & Credo.* itans versus Altare, & facto sibi Signo Crucis dicit: *Deus in adiutorium &c:* recitat Invitatorium, quod à Choro repetitur, & postea recitat, vel inchoat Antiphonas ad Psalmos, & ad Cantica; in fine vero ejuslibet Nosturni incipit: *Pater noster.* tum *ψ.* *Et ne nos inducas in tentationem.* Deinde post Lectiones Responsorialia prolixia recitat, quæ alibi ab intonantibus alternatim cum *ψ.* dicuntur. *Laudes,* eodem modo absolvit, quo *Vesperas.*

5. Ad Superiorem in Choro existentem spectat: dare signum incipiendi Officium Divinum, *Pater noster* integrum ad *Vesperas* & *Laudes* recitare, Absolutiones, & benedictiones dare ad omnes Lectiones, etiam breves. Hymnum *Te Deum laudamus* in *Matutinis* inchoare, atq; Evangelium cum Oratione diei decantare. Ad Confessionem dicere: *Indulgentiam &c.* In fine Completorii benedicere per *ψ.* *Benedicat & custodiat &c:* Ad Primam data benedictione ad Lectionem brevem dicere: *Adiutorium &c:* *Benedicite.* & *Dominus nos benedicat &c:* atq; *Requiescant in pace.* Concludendo Officium Divinum dicere *Dominus det nobis suam pacem,* ac dare signum egrediendi. ita declaravit Congr: Episc: 18. Aprilis. 1617.

6. Hæc tamen superius dicta intelligenda sunt tunc, quando Hebdomadarius non celebrat solemniter. Si enim ipse celebraret, omnia spectare debent ad eum, etiam quæ ad Superiorem ordinata annotavimus. Et nemini est licitum in aliquo derogare Celebranti absq; lesione Decretorum S. R. C. Insuper solemniter Celebrans Hebdomadarius scilicet in plurali, etiam præsentem in Choro Prælato suo, vel supremo Superiore, dum dicit in Confessione *Vobis Fratres, & Vos Fratres.* non debet aliter immutare.

7. Ad Primam dicto secreto *Pater, Ave, & Credo.* Hebdomadarius itans erectus ad Altare, incipit: *Deus in adiutorium &c:* cantat Capitulum, dicit preces, itans, vel genuflexus, si dicende sint, ut in Breviario, dicit *Adiutorium nostrum &c:* signando se, facit Confessionem ut ad Completorium, & dicit Orationem. Post cantatum Martyrologium dicit: *Præfata, Sancta Maria.* ter incipit *Deus in adiutorium &c:* non se signans; & dicto à Choro *Gloria,* dicit *Kyrieleyson,* inchoat *Pater noster,* eoq; sub silentio dicto concludit: *Et ne nos indu-*

cas in tentationem, tam post dictum à Choro *Respice*, cum *ψ*. *Gloria*, addit Orationem *Dirigere* &c: & reliqua post Psalmum *De profundis* concludit ut in Breviario.

8. Ad *Tertiam*, *Sextam* & *Nonam*, eadem respectivè observat, incipiens: *Deus in adjutorium*, dicens: *Capitulum*, *Kyrieleyson*, *Pater noster*, *Et ne nos* &c: & Orationem diei. Ad Psalmos Graduales incipit absolute Psal: *Ad Dominum* &c. in fine dicit: *Pater noster*, & Versiculos genusflexus, & ad Orationes stat. Ad Psalmos Penitenciales genusflexus incipit Antiphonam *Ne reminiscaris*, & in fine dicit *Lytanias*, & inchoat Psal: *Deus in adjutorium* &c: Versus, & Orationes, ad quas tantum stat, dicendo: verò ante Orationes *Oremus*, semper caput inclinare debet. Pariter dum fit Disciplina confveto tempore Hebdomadarius dato signo à Superiore incipit absolute à *ψ*. *Servite Domino in timore*, & reliqua absolvit ut in Breviario Veneto notatum est; ad Orationes tamen non tenetur stare.

9. Hymnum *Veni Creator Spiritus*, & alium de B. M. V. scilicet: *Ave Maris stella* Superior in Choro, aut Hebdomadarius Celebrans solemniter intonare tenetur. Stans quidem incipit, sed ut inchoaverit, statim genusflectit. Primà strophà cantata surgit, quod semper observare debet, ita, ut regulariter stando incipiat, & postea genusflectat, quando genuflectendum est.

10. Curet insuper Hebdomadarius diligenter, ut tantum spatii temporis, ad Orationem Dominicam, & alia secreto dicenda, intersit, quantum, non iis solum qui celeriores sunt indicenda, sed aliis quoq; tardioribus, sufficere possit. Vocem capiat moderatam id est non nimis elatam, neq; etiam nimis depressam. Orationes recitet non uno spiritu, sed cum pausa convenienti una, aut etiam pluribus, pro diversitate Orationum, habita tamen ratione conjunctionis verborum, & subiectæ sententiæ. Eadem observet ad Capitula, & alia, quæ concernunt Officium ejus.

11. Quando in Officio Divino Organa pulsanter, sive in Hymno, sive Antyphona, sive Responsorio brevi, vel prolixo, invigilare tenentur Superiores, ut semper Lector Chori stans in medio ejusdem, clara & distincta voce repetat ea, quæ per Organa pulsanter, ita ut ab omnibus audiatur, ne defraudentur in Officii Divini recitatione animæ Religiosæ.

Decreta S. Rit: Congr:

1. Consuetudo ut Hebdomadarius ad Vesperas capiat Pluviale ad Capitulum, & non à principio Vesperarum servari potest. S. R. C. 1. Septembris 1627. in una Theatinorum.

2. Prima sedes in Choro conceditur Hebdomadario parato tantum. S. R. C. 22. Augusti 1626. in Casertana.

3. Antiphona B. M. V. in fine Officii debet omitti in Choro, quando immediatè sequitur Missa, quæ in Ecclesiis non Cathedralibus, & non Collegiatis, sed in minoribus, etiam Regularium licet non cantetur à Choro, sed coram Clero legatur tantum à Celebrante, habenda est tanquam Conventualis, & in festis 2. Classis debet omitti commemoratio Sancti simplicis eadem die occurrentis, ut præscribitur in Rubrica Missalis Tit. 7. num. 1. S. R. C. 14. Februarii 1705. in una Capucinatorum Gallie.

4. Non est omittendus in fine cujusvis Horæ *ψ. Fidelium Animæ*, quando post eam immediate dicitur Missa, sed servandus adamussim textus Rubricæ 30. Brev: Rom: sub num: 3. S. R. C. 14. Aprilis 1742. in Thesina.

5. An Hebdomadarius in Choro intonare possit initium Horæ sequentis, priusquam Sacerdos Evangelium S. Joannis terminaverit? Responsum fuit negativè, & amplius. S. R. C. 14. Aprilis. 1753. in Conimbricensi.

CAPUT V.

Quando, & quomodo standum in Choro?

I. **M**onachus Benedictinus ad Hymnos, Psalmos, & Cantica in Choro semper stare tenetur, & non sedere: Liquet hoc ex S. regula c. 9. & 11. quod SS. P. Benedictus ad solas lectiones tantum concedat sedere. Patet hoc & ex cap: 43. ubi S. Patriarcha dicendo de iis, qui ad Corpus Dei tarde occurrunt, sic declarat: *si quis ad Agnitionem Igitur post Gloria Ihami 94. occurrerit, non stet in erame suo in Choro, sed ultimus omnium stet.* Ex quibus testi-

monis & Regulæ eruditissimus P. Menardus satis appositè
 innuit: ut testatur clarissimus P. Martene in Commen: Reg:
*Inter psallendum Monachos stare debere, qui enim jubentur sedere,
 non legantur Lectiones, prius statisse Psallendo necesse est. Unde
 & mentem SS. Patriarchæ, & morem Cassinacum rectè ex-
 primit Bernardus Cassin, his verbis: Usq; hodie in Psalmis ca-
 nendis non sedent Fratres in Monte Cassinensi, licet alibi videam se-
 dentes alternatim per vices, quod & ego non vitupero, istud tamen,
 utpote magis consonum intentioni S. P. N. Benedicti, magis laudo.*
 Est quod Bernardus de Cassinensi, hoc Boërius de Mona-
 steriis subiacenti, & Specus testatur: *Monachos in Psalmis o-
 mnino non sedisse.* Justum enim, & æquum est, ut stando
 reddamus Domino Laudes, nam ipse S. P. Benedictus cap:
 10. suæ Reg: animando nos ad attentam Divinæ Psalmodie
 harmoniam, non dicit: sedendo psallamus, sed: *Sic stemus
 ad psallendum, ut mens nostra, concordet voci nostræ.*

2. Quod stando Psalmi debeant recitari, non novum est
 inventum, sed mos antiquissimus in Ecclesia Dei, id e-
 videntissimè demonstrat Antonius Caracciolus in 2. edit. Comment:
 ad Cmsl: C. r: Regul: Nec non Franciscus Merius disp: 5.
 & seq; de Div: Off: & Choro. Namq; fuisse veterum Mona-
 chorum praxim, videre est apud S. Achanasium in Lib: de
 Virginit: ubi agit: *Media nocte surgito, & Psalmos dicto quan-
 tum poteris, stans.* Rursum ex S. Joanne Chrysostomo, qui de
 vita Monachorum sui temporis ita scribit Hom: 14. in 1.
 Timoth. Cum ante lucem Gallus: emittit vocem: omnes, cum reve-
 rentia disussos sopore cernunt, à suo excitati Præbato, addantq;
 sacro Choro protinus expansis manibus Sanctos concinunt Hymnos.
 Unde P. Gavancus par. 2. cap. 8. num. 18. Regulam Ru-
 bri asserit hanc esse: *Standum esse ad Psalmos.* Patet hoc &
 ex Rituali Cisterciensium 1721. Parisiis impresso, ubi cap.
 8. num: 3. sic legitur: *Stamus adhuc in stillis, sed vultibus
 ad invicem versis, seu Chorus ad Chorum, ad Psalmos, Hymnos,
 Cantica, & Antiphonas communes.* Qui autem in hac materia
 plura legere desiderat, consulat Petrum Damiani, qui inte-
 grum hac de re edidit opusculum, ut meminit Card: Ba-
 ronius ad Annum 1062.

3. Itaq; dum incèdatur Officium Divinum, post reci-
 tationem Orationem Dominicam, & Salutationem Angelicam,
 atq; Symbolum Apostolorum, standum est versus Altare ca-
 pite nudato usq; ad γ. Gloria Patri: Ita testar: Cassin: su-
 per cap. 20. Reg: num. 8. Item ad Anaphoras, & R. breviam,
 verius,

versus, & usq; ad finem cujusq; Horæ, excepta Oratione pariter ad Altare standum.

4. Ad *Matutinum* standum est versus Altare ab initio ad *Deum in adjutorium*, usq; ad *Gloria*, & dum ter dicitur *Domine labia mea aperies*, atq; Psalmus 3. versa facie ad invicem. Ad *Invitatorium*, & Psalmum 94. versus Altare standum. Dum inchoatur primus Psalmus Nocturnorum sedere permittitur, ut patet ex *Cærem: Episc: Lib. 2. cap: 33.* h's verbis: *Standum universo Clero tam sæculari quam Regulari ad omnes horas, dum dicuntur coram SS: Sacramento expósito, nisi forte ad Matutinas pro eorum prolixitate sedere permittatur.* Post sextum Psalmum Nocturni, & Antiphonam ad Versum erigunt se omnes, & dico cum humilitatione *Pater Noster* versa facie ad Altare standum usq; ad initium I. Læctionis quam Lector non incipit, quin prius sedeant omnes. Quod etiam in 2. & 3. Nocturno observandum erit. Et dum verba Evangelii præmittuntur Læctionibus tertii Nocturni, standum est versus eum, qui ea cantat, vel legit, donec hæc verba: *Et reliqua* prolata fuerint. Nec etiam prius incipiat legere Homiliam priusquam sederint omnes.

5. Item standum est omni Superiori, vel Seniori præsidentem in Choro, dum dat omnes benedictiones, ante quasque Læctiones, nisi sit D. Abbas, nam hic tantum ad 1. 3. & 9. ac 12, si erit de Homilia Ferie, vel Dominicæ, dandas benedictiones stat, ad reliquas vero sedet. Cæteri tamen de Choro ad alias benedictiones sedent, scilicet ad 2. 3. 4. cujuscunq; Nocturni, nisi ultimâ Læctio sit de Homilia, quia tunc omnes ad benedictionem surgunt. Lectores cantantes, sive legentes Læctiones omnino stare debent, licet alii de Choro sedeant. Intonantes incipientes Psalmos stando incipere tenentur. Item ad Hymnum *Te Deum laudamus*, stare totus Chorus debet facie versa ad invicem, & ad Evangelium facie versa ad Altare. Ita statuant deceler: *Cassin. in cap: 20. Reg: num. 13.*

6. Ad *Laudes*, ad *Deum in adjutorium* &c: Standum est versus Altare usq; ad *Gloria* & per omnes Psalmos standum est versa ad invicem facie; post *Gloria* ultimi Psalmi vertit se Chorus ad Altare, & manet sic stans per Capitulum, & 8. breve, ad cujus *Gloria* vertit se facie ad invicem, statq; per totum Hymnum, quo finito ad 8. & Antiphonam stant omnes conversi ad Altare. Ad Canticum *Benedictus* stat uterq; Chorus facie ad invicem, usq; ad *Gloria*, post quod omnes versus Altare stant usq; ad finem.

7. Ad *Primam*, dicto *Pater*, *Ave*, & *Credo* versus Altare stant omnes dum inchoatur usq; ad *Gloria*. Hymnus, & Psalmi dicuntur versa ad invicem facie, quibus finitis, post *Gloria* scilicet ultimi Psalmi, omnes convertunt faciem ad Altare, & stant utq; ad lectionem Martyrologii, nisi interrim inclinatio esset facienda. Et dum legitur seu canitur Martyrologium, omnes sedent, exceptis: Vigilia Nativitatis D. N. J. C. ubi à principio stant facie ad invicem versa, ad illa verò verba: *In Bethleem Juda* &c: omnes genuflectunt, & postea adhuc stant, donec fuerint terminata illa verba: *Nativitas D. N. J. C. secundum carnem*; quibus decantatis sedent in Stallis. Et Dominica Resurrectionis, in qua, dum in Martyrologio primo loco Lector annuntiat Paschalem Solemnitatem, dicens: *Hac die* &c: omnes in Choro, stant, versa ad invicem facie, & dum Kalende pronuntiantur sedent more solito. Finito Martyrologio, dum dicitur: *atq; Sanctarum Virginum*, omnes simul surgunt, & conversi ad Altare respondent: *Deo gratias*, sicq; stant ad *Præfatio*, *Deus in adjutorium*, *Kyrieleyson*, *Lectionem* brevem, & usq; ad *Fidelium animæ* &c: jam autem ad *ps. R. spice in servos* &c: stant facie ad faciem.

8. Ad *Tertiam*, *Sextam*, & *Nonam* pariter servatur Rubrum ut ad *Primam*. Ad *Vesperas* autem, dicto *Pater* & *Ave*. Stant versi ad Altare, & dum ad *Gloria* se convertunt ad invicem facie, sic stant ad omnes Psalmos, sed ad Capitulum convertunt se ad Altare, sicq; *ps. breve* dicunt, conversi denuo ad *Gloria*, persistunt quousq; Hymnus non fuerit finitus: sed ad *ps. & Antyphonam* Cantici manent ad Altare conversi, inchoato vero *Magnificat*, facie stant ad invicem, eo vero finito, denuo vertunt se ad Altare, sicq; ad finem persistunt.

9. Ad *Completerium*, dum dicitur: *Tube Domne*, &c: omnes facie ad Altare versa stant, usq; ad *Gloria*. post *ps. Deus in adjutorium*, non nisi ad Orationem Dominicam, & Confessionem faciendam se convertunt & inclinant. Ad Psalmos autem, & Hymnum stant facie versa ad invicem, sed ad Capitulum, Versum, *Kyrieleyson*, & reliqua ad finem stant versus Altare, tantum ad *Benedict* &c: vertentes faciem ad invicem, inclinant se.

10. Ad elevationem SS: Sacramenti, etiam standum in Choro, quando ad Altare, ad quod Chorus conversus est, Missa privata dicitur, quæ juxta Decr: S. R. C. celebrari non debet, si tamen necessitas exigat eam celebrare, can-

panula ad elevationem pulsari non debet. Standum pariter est in Choro, dum administratur SS: Sacramentum ad Missam, exceptis iis, qui accepturi sunt Communionem, ut notat *Cærem: Episc: L. 2. c. 29.* Ad totum Hymnum *Te Deum Laudamus* standum est versa facie ad invicem, excepto *ψ. Te ergo* &c: ut infra dicetur. Insuper standum ad Lectiones Officii parvi B. M. V. in Adventu, quia sunt de Evangelio. Præterea ad Symbolum *Quicumque* &c: ex decreto S. R. C. ut infra. n. 2.

II. Standum præterea versa facie ad invicem, ad Antiphonas B. M. V. in fine Horarum, toto tempore Paschali, & in omnibus Dominicis, à I. Vesperis inclusive usq; ad finem Completorii post II. Vesperas, etiam inclusive, & ad *ψ.* versa facie ad Altare. Insuper ad *Pater, Ave, Credo* post Completorium toto illo tempore, & dictis Dominicis standum, ita *P. Bauloy P. II. c. 2. n. 11.* & *Cærem: Monast: Congr: Montis Serrati in Hispa: P. I. distat: I. c. 10. n. 8.* Demum ad illa verba in *ψψ*, & *xx*, quæ in Evangelio lecta genuflexione requirunt, e. g. *Verbum caro factum est. Procidit & adoraverunt eum.* Et alia similia, standum videtur & non genuflectendum, sed ad summum inclinatio facienda: Aliquando in Evangelio leguntur, genuflectendum est, ex mente supra nominati Rubricistæ loc: cit: n. 15.

III. Ad Officium Defunctorum, standum etiam ab omnibus versus Altare, quando Solemniter dicitur, donec inchoatus sit I. Psalmus Nocturni, sicut & ad IX. Lectionem cum *R. Suo.* Ad Laudes, & Vesperas convenit stare, & non sedere ad Psalmos, versa ad invicem facie. Ad Orationes huiusmodi Officii Vesperarum, & Laudum, solus Officiarius stare debet, reliqui juxta Rubrum Breviarii genuflexi permanent. Ad Asperersionem Aquæ benedictæ sive Dominicæ, sive in aliis Festis, sive demum in Feriis quibuscumq; standum est, tamen cum inclinatione. Ita *Cærem: Monast: Mont ser P. I. dist: I. c. 9. n. 8.*

Decreta S. Rit. Congregationis.

I. Dum Horæ Canonicae recitantur in Choro, non sunt celebrandæ Missæ privatae in Altari Majori. S. R. C. 2. Maii 1670. in *Ofcen.*

2. Symbolum S. Athanasii quod dicitur ad Primam, laudabile

lius in Choro recitatur stando S. R. C. 23. Decembris. 1624.
in una dubiorum.

3. Quando in Missa solemnè ministratur S. Eucharistia Clericis, vel Laicis, reliqui de Clero in Choro debent stare.
S. R. C. 9. Maii 1711. in Catanen.

C A P U T VI.

Quando genuflectendum in Choro?

I. Cum genuflexio sit species inclinationum, hæc fieri debet per solam genuum inflexionem usque ad terram, sine alia humerorum, aut Capitis inclinatione, ita, ut genua sint posita super terram, reliquo Corpore erecto, sine tamen ulla festinatione. Qui itaque transeunt ante Tabernaculum SS. Sacramenti, & ad medium Chori accedunt, vel ab eo recedunt, licet si sola Crux sit in Altari, genuflectendum est ab omnibus in Choro, quod semper observari debet: Ita Cærem: Episc: L. 1. c. 21. At si SS. Sacramentum sit expositum, utroque genuflectendum. Ut patebit ex Decr: S. R. C. n. 3. & 7.

Ad Electionem

M

2. Venientes Religiosi in Chorum, ante initium Officii Divini genuflectunt in locis suis, donec detur à Superiore signum surgendi, & inchoandi Horas. Quoties elevatur, ostenditur, & circumfertur SS. Sacramentum per Ecclesiam, & alia loca, omnes genuflectunt, nec surgunt, donec ultra transferatur. Sed si stantes in Choro sint in Cantu impediti non genuflectunt, sed tantum profunde se in loco suo inclinant.

3. In Matutinis, in Psalmo 94. ad illa Verba: *Et proci- damus ante Domum*, & ad *¶*. Et ergo quæsumus &c: in Hymno Ambrosiano non tamen ad trinum Sanctus, nulli enim de hoc legitur, & sequeretur etiam ad illud ipsum in Missa, genuflectere, quod non convenit. Item in Hymnis ad hos *¶¶*. *Veni Creator Spiritus. Ave maris stella. Veneremur cernui. O Crux ave sps unita* etiam tempore Paschali, omnes Choro adstantes genuflectere tenentur: Excepto Celebrante, vel Superiore, aut Cantoribus, prædictos Versus separatim intonantibus, qui tunc non genuflectunt, nisi post intonationem. Insuper ad Primam post *Prætorium* dum Superior dicit. *Requiescant in pace*, omnes genuflectere debent, & manere usque ad finem genuflexi.

4. Ad omnes Horas initio precum Ferialium, quando dicuntur flexis genibus ex Rubr. Brev: ab hoc *ψ. Kyrieleyson.* usq; ad *Benedicamus Domini*, inclusive, & quanteunque in tali Officio Feriali dicitur Oratio Dominica, Salutatio Angelica & Symbolum Apostolorum, sive initio, sive in medio Officii, genuflectere debent. Ad Confessionem tamen faciendam, que non venit nomine precum, etiam esse tenentur, sed finito *Indulgentiam* &c: ad *ψ. Dignare* &c: genuflexi permanent. Quid pariter observandum est in Officio parvo B. M. V. quando dicitur in Choro.

5. In Vesperis, & Matutinis Officii Defunctorum idem pariter servari debet, ita, ut statim repetita Antiphona post Canticum *Magnificat*, & *Benedictus*, genuflectatur. In Psalmis Gradualibus ad preces, & non ad Psalmos, qui dici debent stando, etiam genuflectitur. Ad Psalmos vero Pœnitentiales, nā cum Lytaniis, ac precibus annexis, usq; ad finem Orationum inclusive genuflectendum. Hebdomadarius tamen in his & aliis omnibus surgit tunc, quando dicit *Dominus vobiscum*, ante Orationes, & sic usq; ad finem stat. Excipitur autem triduum ante Pascha, in quo Oratio: *Rospice quæsumus* &c: etiam à Celebrante, sive Superiore dicitur genibus flexis, pariter ad gratiarum actionem in fine relectionis dictis diebus,

6. Genuflectendum quoq; est etiam tempore Paschali, ad omnes Litaniarum Majorum, & Minorum preces, & Suffragia, à toto Choro, excepto solo tantum Celebrante, sive Hebdomadario parato, qui Versus quidem cum omnibus recitat genuflexus, ad solas tantum Orationes stat. Pariter eodem tempore Paschali genuflectendum ab omnibus ad preces, que sunt pro Defunctis, sive ad Missam, sive ad Castrum doloris, sive ad Officium Defunctorum.

7. Insuper genuflectendum est ad Antiphonas B. V. M. quando dicende sunt in fine Officii, pro ratione temporis, & ad Salutationem Angelicam, excepto tempore Paschali, & Dominicis omnibus à I. Vesperis. In Martyrologio, quod dicitur pridie Nativitatis D. ad illa verba: *In Bethlem Jude* &c: usq; ad ea: *Nativitas D. N. J. C.* &c: inclusive exceptis tantum Cerotëariis (si adsint) hi enim semper stant; Cæteri omnes, etiam Celebrans cantant, genuflectunt.

8. Venientes Religiosi ad Chorum sive tempestive, sive sero, in plano genuflectant adquantulum orantes, antequam ad locum suum accedant, quod ad mentem Cerem: Euse: L. 1. c.

18. non tantum à simplicibus Religiosis, verum à Superioribus,

bus atq; ipsis Prælati observandum est. Ad Benedictionem Solemnem DD. Abbatum Pontificaliter dandam, five post Missam, five post Vesperas ex dispositione S. R. C. gerendum est ab omnibus.

9. Notandum verò est, ut in ipsis genuflexionibus quæ sunt cum aliqua mora, omnes utrumq; genuflectant, non verò unicum tantum, quia omnis genuflexio debet fieri graviter, & modeste. Cum omnes in Choro genuflectunt, id ita efficiant, ut quasi unus actus genuflexionis videatur, simul scilicet procumbant in genas, & simul consurgant, indecens enim esset; si unus alio vel posterius genuflecteret. Cum verò bini five in Processionibus, five in ministerio Altaris, ante illud pertranseunt, ubi vel est expositum S. S. Sacramentum, vel reconditum in Tabernaculo, vel etiam in Missa fit elevatio ejusdem, ambo simul genuflectant, utq; ad terram, strenuè, & alacriter, sine strepitu, & cunctatione, & cum aequali distantia e.g. duorum, vel trium passuum, ab iis, qui eos sequuntur, ita ut ipsi sequentes non fiant se expectantes, sed in eodem loco genuflectant post eos.

10. Conveniens est, ut Religiosi S. F. una eademq; die cōfiteantur, & uno, eodemq; tempore simul communicent, ex hac enim uniformitate accedendi ad tantum Sacramentum, populus astans ædificatur, & in majori fervore laudis Dei roboratur: Ideoq; five in Missa Conventuali, five extra eam, ex concessione Superiorum, omnes tamen simul, in pari indumento, accedere debent ad Sacram Synaxim, & quod magis conveniens est Thogati, seu Cucullati in medio Chori bini & bini genuflectant, & si unus habeat deiectum Socii, in ultimo numero binorum tertius adiungatur.

11. Adveniente Presbytero ad dandam Communionem, five in Missa post sumpcionem S. S. Sangvinis, inclinantes se, omnes uno ore devotè dicant Confessionem, & tam ad *Miseratur*, quam ad *Indulgentiam* respondentes Amen percutiant in humilitate pectus suum ter dicendo: *Domine non sum dignus* &c: Et converso Presbytero cum Sacramento ad Communicaturos Fratres, è senioribus primi bini accedant, in ipso tamen accessu post unum vel binos passus genuflexionem simul faciant, ita, ut à loco, ubi genuflexi permanebant, antequam accesserint ad gradus Altaris, tres genuflexiones faciant. Illiq; primi bini, postquam iam sumpserint Communionem, eandem Tobaleam, quam sibi datam, tenebant ad invicem tantum, extendant eam, & teneant extensam, quousq; omnes

omnes de FF. Rel: non communicaverint. Redeuntes autem à Communionem semel tantum genuflectant, & statim ad latera transeant, relinquentes aliis medium accedendi ad Communionem. Quod ab omnibus, omni tempore, & præsertim in die Canæ Domini observari debet. Et dum de manu D. Abbatis recipitur Communio, antequam sumatur Corpus Domini, annulum Pontificalem eius prius unusquisq; osculare tenetur. Ita habet Cærem. Episc: L. 2. c. 29.

Decreta S. R. Congr.

1. Genuflectendum est semper ab omnibus transeuntibus ante SS. Sacramentum, etiam dum sunt Processiones per Ecclesiam, & contraria consuetudo declaratur abusus, S. R. C. 14. Decembris. 1602. in Placentina.

2. Genuflectendum non est ad Orationes in Missa Solemni, in qua dicitur Gloria, & Credo. S. R. C. 19. Maii. 1607. in Placentina.

3. Quando SS. Eucharistiæ Sacramentum publicè discopertum exponitur, omnes ante illud transeuntes, cuiuscunq; conditionis, & Ordinis sint, seu ad illud accedentes, seu ab eodem recedentes, semper utroq; genuflectere debent. S. R. C. 19. Augusti. 1651. in una Urbis.

4. Dum elevatur Eucharistia Sanctissima, Canonici, & Clerus, sive in Choro existant, sive Processionaliter incedant, semper debent genuflectere. S. R. C. 1620. 2. Maii, in Offen.

5. In processionibus Candelarum, Palmarum, & similium quæ sunt per Ecclesias sine SS. Sacramento, non est pulsanda campanula ad elevationem Hostiæ in Missa privata. Quod si pulsatur, & advertatur elevatio, tunc genuflectendum est utroq; genu à transeuntibus ante Altare, ubi Missa celebratur, & deposito SS. Sacramento progrediendum est. Similiter, si alii transeant in elevatione Calicis. S. R. C. 1. Martii. 1681. in una Canon. Regul. Lateran.

6. Serventur Rubricæ Missalis, Breviarii, & Cæremoniæ Episcoporum, ad verba Invitatorii: Venit: adoremus, & prociidamus ante Deum, ad verba Symboli: Et incarnatus est, & ad alia similia genuflectionem requirentia, etiam à Cantoribus ad Ambonem, aut Chorum degentibus, dum ea professuntur actualiter; sic tamen, ut quando mora genuflectionis

D

est

Me
vide Syn-
odus. Cantu-
impediti

est brevis, hæc fiat, quando autem mora est longa, ne plurium vocum unifona modulatio inflectatur, genuflectendum erit sub fine verborum. S. R. C. 8. Martii. 1738. in Ulxibonien. Occid. Regii Nosocomii.

7. Genuflexio utroq; genu est facienda à transeuntibus ante S. S. Sacramentum, etiam si fuerit in Pixide patenter expositum. S. R. C. 7. Maii 1746. in Varsavien.

8. Si loco principe Reliquia SSæ Crucis super Altare fuerit exposita, tum transeuntes ante illam unico genu usq; ad terram flexo venerare debent. Diversimode vero, sola Capitis inclinatione, si præiata Reliquia recondita erit intra custodiam. S. R. C. 7. Maii 1746. in Varsav.

9. In Missa Feriali, quæ substituitur Missæ de Octava, est genuflectendum in Choro S. R. C. 23 Junii 1736. in Einsiden.

C A P U T VII.

De inclinationibus in Choro.

I. **R**ELIQA genuflexione, quæ est species inclinationis, & de qua Cap: præcedenti egimus, adhuc triplex adhiberi solet inclinatio in Choro, scilicet: Medii Corporis, humerorum, & solius Capitis inflexio. 1. dicitur profunda, 2. Mediocris, 3. Minimi. Prima ita fieri debet, ut inclinando medietatem Corporis, demissa manus digitis gemma tangant. Secunda peragitur, dum caput cum humeris simul inclinitur, reliquum tamen Corpus nihilquidquam incurvatur. Tertia, expletur per solam Capitis inflexionem, non tamen velocem, non trivolam, sed modestam, modestam, & humilem.

2. Quoties itaq; proferatur Nomen JESUS, omnes de gesto capite mediocrem debent facere inclinationem, non autem ad Nomen Christi, ita Cerem: Episc: L. 2. c. 8. Ad MARIE vero Nomen, & Sanctorum de quibus fit Officium, aut Commemoratio, & ad Nomen Papæ viventis toties caput inclinandum est; ad Nomen tamen MARIE profundius quam ad alia.

3. Quandocunq; dicitur iste *ŷ. Gloria Patri &c.* in Choro, sive à principio post *ŷ. Deus in adjutorium, &c.* sive ad

ad Psalmos, five ad RR. brevia, five ad RR. proluxa Nocturnorum, semper fieri debet inclinatio profunda, quia in 4. 8. & 12. Responsorio, SS: P. Benedictus Reg: cap: 9. & cap. 11. præcipit ad Gloria de sedibus suis surgere, ob promptiorem actum inclinationis, propter honorem, & reverentiam SSS. Trinitatis exercendum. Et quia ad Psalmos Nocturnales Matutinarum permittitur sedere, post quemlibet tamen Psalmum ad Gloria facienda est inclinatio, unde satis est, si detecto Capite se inclinent Religiosi prout sunt sedentes.

4. Quoties SSS. Trinitatis expressa sit mentio, præsertim per enumerationem Personarum Divinarum, tam in fine Hymnorum, quam in conclusionibus Orationum, atq; in Antiphonis quæ dicuntur in Festo SSS. Trinitatis, aut aliis diebus, fieri debet profunda reverentia aperto capite: quo tempore incedentes per Chorum, consistant in loco ubi audierint, atq; versus Altare debitam faciant reverentiam cum cæteris. In Choro permanentes inclinationem hanc facere tenentur facie ad invicem, five sint in medio Chori ad Legile, five in Stallis.

5. In Hymno Ambrosiano ad ea verba: Te Deum laudamus. & ad illa: Sanctus, Sanctus, Sanctus. Nec non in Psalmis ad hos Versus: Psal: 112. v. 2. Sit Nomen Domini benedictum. Psal: 110. y. 9. Sanctum & terribile Nomen eius. Psal: 67. 21. Benedictus Dominus die quotidie. Ps: 71. 17. Sit Nomen eius benedictum in sæcula. Ps: 71. 20. Benedictum Nomen maiestatis eius. Psal: 66. v. 6. Benedicat nos Deus, Deus noster, benedictat nos Deus. Ps: 50. Misere mei Deus, ac ad alias similes invocationes, collaudationes profunda facienda est inclinatio. Pariter in Cantico Trium Puerorum ad penultimum y. Benedicamus Patri, & Filium, cum Sancto Spiritu, & ad Cantici Zacharie primum y. Benedictus Dominus Deus Israel. in Cantico Mariano ad illa verba: & Sanctum Nomen eius, atq; in Symbolo S. Athanasii ad verba tertii y. ut unum Deum in Trinitate, & Trinitatem in unitate teneremur, & ad y. 25. Ita ut per omnia Sc: profunda reverentia fieri debet.

6. Insuper ad ea verba, ubi sit mysterium Incarnationis mentio scilicet in Hymno Ambrosiano: Tu ad liberandum suscepturus hominem, non horruisti Virginis uterum. Sicut & Symbolo S. Athanasii ad illum y. 27 Sed necessarium &c: facienda est reverentia saltem mediocris. Præterea ad invocationem Divinam in Hymnis, & ad petitionem. ut ad Nunc sancte n bis

Spiritus. Rerum creator poscimus. Deum precamur Supplices. Deus tuorum Militum. Rex gloriose Martyrum. Jesu Redemptor omnium. Jesu Corona Celsior. Jesu Corona Virginum. Christe Redemptor omnium. Conditor alme Syderum. O lux beata Trinitas! & in cæteris similibus, inclinandum est saltem inclinatione minima, aut ubi Nomen JESU invenitur, mediocri inclinatione reverentia erit facienda.

7. Ante D. Abbatem, vel Episcopos extraneos transiendo mediocri tantum uti debent Religio inclinatione, quod & Principibus, ac aliis Potentibus pro dignitate Personarum præstandum. Cum vero plures adsunt Prælati ejusdem gradus, & Ordinis, vel uni tantum eorum qui prior est in ordine reverentia fiat, vel omnibus simul unica inclinatione, prout docet *Castaldus L. 2. sect. 1. c. 5. n. 9.* Si autem inter DD. Abbates sit simul præsens Ill: D. Præfatus, ut contingit in Capitulo Generali, tunc supremo capiti profunda, cæteris autem mediocris semel ad hanc, & semel ad illam partem debetur reverentia. Hæc tamen tantum præstari debet præsentibus in Choro, non autem dispersis per Ecclesiam.

8. Dum fit Confessio ad Primam, & Completorium, Hebdomadarius dicto segretè *Pater noster*, solus inclinatus profunde versus Chorum dicit *Confiteor*, in eodem situ permanet, donec à Choro recitetur integrum *Misereatur*, qui respondendo *Amen*, erigit se, & stat versus Altare. Tum Chorus dicto *Misereatur* adhuc facie versa ad Altare, convertit se facie ad invicem, & inclinatus dicit *Confiteor*, nec se prius erigit, donec Hebdomadarius recitaverit *Misereatur*, relicto Superiori ad dicendum: *Indulgentiam*. Si autem Celebrans celebret Solemniter Completorium, & tunc adesset D. Abbas in Choro, dictus Celebrans antequam recitet ea quæ Superiori conveniunt, videlicet. *Noctem quietam &c: Indulgentiam &c: Benedicat, & custodiat &c:* prius erga eundem D. Abbatem in Choro præsentem tenetur inclinationem facere mediocrem. Ita Cærem: Episc: L. 2. c. 2. & 4.

9. Dictæ inclinationes, seu reverentiæ non fiant ita profundæ, ut cantui Religiosorum noceant. Quando enim inclinatio debeat esse brevissima, sufficit si sit mediocris, & quando debet esse cum mora, videtur facienda profundius. Notandum hic obiter, quod quando præcipitur inclinatio capitis, non ita stricte id intelligendum est, ut tantum solius

capitis fiat inclinatio, sed adhuc requiritur saltem aliqua humerorum etiam inclinatio, ut patet in Missali, & Cærem: Episc: multis in locis.

10. Altesetæ inclinationes regulariter debent fieri capite nudo, & Corpore inclinato, dum sunt profundæ, quantum fieri potest; sed in his gravis modestia observari debet, ita, ut gestus exterior, ea, quæ ore proferuntur comitetur, & cultu exteriori, pietas, & interior cultus augeatur. Hoc insuper in specificatis inclinationibus advertant omnes, ut simul, & æquali modo eas peragant, ne unus profundius, quam alius.

CAPUT VIII.

Quando Caput denudandum? aut tegendum?

I. **A**D tegendum in Choro Caput, nihil Caputio Monastico potest esse commodius, tum quia cito denudare quisque Caput potest, tum quia ad tegendum Caput in promptu commoditatem habet, tum quia in Psalmodia aliquomodo curiosæ obviatur inspectioni, & consequenter distractioni. Tale Caputium antiquis Sanctis Anachoretis fuit charum, & dulce, quia dum Caputio obtexerunt oculos suos, etiam stantes cum aliis in Choro, tamen arbitrabantur se in Solitudine esse, & sic majori fervore in Divinis Laudibus exardescabant. O! utinam unanimes in domo Dei essemus!

2. Denudandum ordinarie Caput ab omnibus de Choro quoties ipsis genuflectendum, aut inclinandum est. Ad Meditationem tamen licet genuflectamus, regulariter tamen toto Caputio, Caput, & oculos contegimus, ad evitandas occasiones distractionum. In Matutinis licet ad Psalmos sedeamus, tamen ubi dicitur *Gloria Patri* &c: vel aliqua reverentia Maiestati Divinæ exhiberi debet, statim Caput denudandum est; dum ad Officium Divinum est expositum in Altari SS: Sacramentum, pariter caput denudatum, semper debet esse, sicut in pari casu, tunc, quando fidelibus ministratur, vel ad infirmum defertur,

3. A principio cuiuscunque Horæ Canonice omnes nudo Capite stare debent, & nemo tegere potest, nisi tunc, dum primus inchoatur Psalmus. Ad Hymnos, Capitula, & brevia, & Orationes, ad preces quoque & Suffragia, ac reliqua quæ sequuntur, usque ad finem Officii, pariter non debent esse tecto capite.

4. Similiter ad Hymnum *Te Deum* laudamus, ad Lektionen Officii parvi B. M. V. in Adventu, ad Martyrologium in Vigilia Nativitatis Domini, quando etiam genuflectendum est, & in die Paschæ primo priusquam Kalendæ pronuntientur. Item ad Officium Defunctorum, donec inchoatus sit primus Psalmus, ad & ante Lektionen, una cum Oratione Dominica subsequente, standum est capite aperto, eodem modo in Vesperis, & Laudibus dicti Officii mortuorum ad Cantica: *Magnificat*, & *Benedictus*, standum est; ad preces vero subsequentes, capite aperto omnes permanere debent genuflexi.

5. Tegendum Caput est ad Psalmos Matutini dum sedent, ad Lektionen cum suis & prolixis, ad Psalmos Laudum, Primæ, Tertiæ, Sextæ, Nonæ, Vesperarum, & Completorii, exceptis iis, quæ à principio cuiusque Horæ Psalmi primi inchoationem præcesserunt, & quæ Capitulum usque ad finem subsequuntur, ut notavimus supra.

6. Quando unus, aut duo, vel plures in medio, aut in loco specialiter quid concinunt, v. g. quando Hebdomadarius incipit Officium, dicit Capitulum, orationes, aut alia huiusmodi solos, aut unas, vel duo intonant Psalmos, & brevia, & alia horum similia; quando plures consistunt ad Pulpitum canentes Antiphonas, & prolixa, & aperto capite dicta debent peragere, licet alii sub id temporis spatium stent in Choro tecto Capite. Specialiter autem advertant omnes, ut uniformitatem exte ferant, in tegendo aut detegendo Capite, quia artus Religiosorum in Choro existentium debent esse simultanei. Tamen non tegatur Caput simplici Pileo in Choro, propter indecentiam, statui Religioso repugnantem.

7. Ad exequias, cum per Ecclesiam proceditur, & in absolutione ad Tumulum, solus Celebrans Pluviali indutus caput tegit, sed transiens ante tabernaculum SS: Sacramenti capite discooperto genuflectit, & accedens ad Tumulum, Bieretum ministro tradit, quod accipit tunc, quando facien-

da est Tumbæ aspersio, & incensatio, seu Castri dolorum, reversurus etiam in Sacristiam pariter caput cooperit.

8. Cum proceditur ad exportandum Corpus è loco habitationis, omnes recto Capite in silentio incedunt, usq; ad locum, ubi jacet defuncti Corpus, ibiq; nudant capita, & dum effertur, Cadaver, recto Capite psallentes incedunt, donec ad Ecclesiam pervenerint, ubi Caput discooperiunt; & cum extra Ecclesiam ad sepeliendum Corpus procedunt, omnes per viam caput tegunt, donec ad locum pervenerint. Ad ungendum Infirmum recto Capite proceditur. De regendo, vel denudando Capite Sacerdotis exeuntis ad Celebrationem Missæ suo loco dicetur: de Missa.

CAPUT IX.

De signo S. Crucis, Quomodo, & Quando formandum?

I. **Q**Uando aliquis se signo Crucis signat, sinistram manum extensam, cum pollice, & cæteris digitis simul iunctis infra pectus teneat, vel sub Scapulari, vel si sit Cucullatus, supra Thogam, ita, ut hæc manus sit extra limites Crucis, quæ exprimitur dexterâ. Eadem autem dexterâ erectâ, & extensâ, eius digitis, simul cum pollice iunctis à fronte ad pectus, & ab humero sinistro ad dextrum signum Crucis format: non insectendo digitos, nec Caput inclinando, sed erectum tenendo, & post signum formatum, manum dextram, nec pectori, nec ori admoveat, ut quidam; sed statim ipsa dextera cum sinistra jungatur, si fieri potest commodè. Et hæc est Regula Rubricæ ex parte Crucis formandæ.

2. Formandum autem est signum Crucis initio omnium Horarum ad hæc verba: *Dus in adiutorium meum intende*, non autem quando reperuntur in Psalmo, vel dum dicitur ter post *Prætiōsa*. Item cum dicitur *ψ. Adjutorium nostrum in Nomine Domini*, scilicet ad Primam ante Confessionem, & post Martyrologium, & ad Completorium, non verò in Psalmo. Insuper ad Primam cum dicitur: *Dominus nos benedicat*, & in fine Completorii dum dicitur *Benedicat & custodiat: &c.* Præterea ad Confessionem quando dicitur: *Indulgentiam &c.*

Nec non ad Antiphonam de Cruce in Suffragiis SS. *Per signum Crucis &c: ita notat Gavantus.*

3. In principio Matutini signamus Os pollice dextro ad hæc Verba, *Domine labia mea aperies*, sinistra intra pectus posita. Et congruenter signandum est pectus solum eodem pollice dextro, reliqua manu extenta, initio Completorii ad illa verba: *Converte nos Deus salutaris noster*. Ita praxis Communis ab Ecclesia approbata. Dicto quoq; pollice dextro signandum est Os, quotiescunq; à Superiore dicitur sive ad Primam, sive finito Completorio, sive ad Mensam *Benedicite*, ex praxi Regularium, præsertim Ord: Nostri.

4. Celebrans, & Ministri, ac in Choro existentes signant se initio Canticorum *Magnificat*. & *Benedictus*, non tantum, quia processuri sunt ad Altare incensationis causa, sed quia verba verè sunt de textu Evangelico, & eadem ratione ad Canticum: *Nunc dimittis* quando dicitur. *Ita Gavantus Tom. 2. sect: 10. c. 2. n. 10.* Quoties autem Celebrans paratus Pluviali se, aut aliquid aliud signat Signo Crucis, minister à dextris ejus, debet elevare simbriam dextram pluvialis illius.

5. Cum Celebrans incipit: *Deus in adjutorium*, dicendo: *Deus* oculos aliquantulum elevat & tangens dextera frontem, dicit: *in*, & postea pectus dicitq; *adjutorium*. Tum tangens humerum sinistrum, ac postea dextrum, dicit *meum*, in fine verò jungens ante pectus manus dicit: *intende*, ita ut pro unoquoque verbo, tingat primo frontem, tum pectus, deinde humerum sinistrum, postea dextrum, & in fine jungat manus.

6. Hoc autem signum Crucis non tantum ab Hebdomadario, vel Celebrante, aut Superiore, sed etiam ab omnibus aliis non impeditis formandum est, ad ea quæ notavimus. Unde Ceroferarii impediti Cereis cum Candelabris quæ tenent, ac Ministri ad insignia Pontificalia, impediti istdem, Cæteri; alii in simili casu, non tenentur ad supradicta.

C A P U T X.

De Vesperis Solemnibus.

I. **A** Dornato per Sacristiam, pro qualitate Festi, Altari Majori, ac aliis Altaribus, tempestivè in Sacristia preparantur, pro Celebrante: Superpelliceum, Stola, & Pluviale, & pro Assistentibus duobus, duo superpellicea,

cea, & duo Pluvialia. Si autem SS: Sacramentum exponendum est, pro Celebrante præparetur: Humerale, Alba, Cingulus, Stola, & Pluviale, pro Assistentibus vero, utpote Diacono, & Subdiacono parentur bini Amictus, duæ Albæ, una Stola, Dalmatica, & Tunicella, sine manipulis, Coloris convenientis Penitentiæ. Tum pro Acolythis, Thuriferario, & Cæremoniario parari debent Cotta, seu Superpellicea 4.

2. In Choro Sacristia, vel alii Ministri præparant sedem Celebrantis in ea parte Chori, quæ est opposita sedi Abbatiali, panno, vel aliquo Tapete tectam, cum pulvino uno; & super genuflexorio ante se posito, si fieri potest iterum Pulvinum cum Tapete, super quod, vel super legile, si tale genuflexorium apponi non possit, etiam tapete tectum, apponi debet Breviarium majoris formæ, tectum velo Sericeo coloris paramentorum, cum signaculis in eo aptatis, ubi sunt ea, quæ ipse cantare, aut dicere debet. Itud autem Legile ita aptari debet, ut facile inde amoveri possit, quando opus erit, præsertim ad incensationem Celebrantis.

3. Parant insuper iidem Ministri circa sedem Celebrantis in plano sedes binas, panno viridi contextas, pro Assistentibus, & eo casu quo sit legile, & non genuflexorium ante Celebrantem, sternitur Tapete ante eum. Thuriferarius in Sacristia præparat ignem in vase aliquo, Thuribulum, & Naviculam cum cochleari, & incenso. Ceroferarii duo Candelabra, cum duobus Cereis, Paulo itaq; ante ultimum signum Vesperarum, tempestivè accenduntur per Sacristam Lampades Ecclesiæ, omniaq; sint parata in promptu,

4. Dato ultimo signo accedunt omnes ad Sacristiam, & qui Choro adesse debent Cucullis induti bini, & bini procedant cum debitis inclinationibus, ut supra cap. 1. dictum est. Qui autem ad Assistentiam à Superiore, vel Præfeto Chori sunt dispositi, oriant se sacris vestibus, expectantes parati Celebrantem. Acolythis verò (ubi mos est, vel in defectu Sacristæ) cortis induti cum Cereis pcedum accensis procedant ad Altare majus, & facta in plano genuflexione, accendunt Altaris Cereos, quilibet à parte sua modo præscribendo infra par. 3. c. 5. ac simul suos accendunt. Si autem per Sacristiam accendantur Cerei Altaris, ipsi Ceroferarii facta in medio plani genuflexione, à lampade propius ardente accendunt simul suos Cereos, & statim facta iterum Altari debita reverentia, redeunt in Sacristiam

cum dictis Cereis accensis. Interim autem Thuriferarius, & Cæremoniarius adiuvant Celebrantem ornantem se Sacris Vestibus.

5. Paratis itaq; omnibus, procedunt processione Sacra in Chorum, facta tamen prius nudo Capite debita Cruci, & Celebranti reverentia, & sibi ipsis medioeri, quibus aliquali reverentia Celebrans correspondet, pro eorum qualitate nudo adhuc Capite; *ex praxi Eccles: Urbis, & Cærem: Episc: L. 1. c. 15. & ex S. R. C. decret: 12. Junii 1628.* Incedunt autem hoc modo: Præcedunt duo Ceroferarii cum Cereis accensis, tum Cæremoniarius cum Thuriferario, post quos Celebrans medius inter Diaconum, & Subdiaconum, fimbrias anteriores ejus Pluvialis una manu elevantes, alterâ supra pectus posita. Tam Celebrans, quam bini illi Assistentes procedunt capite cooperto Birretis, non tamen Ceroferarii, Cæremoniarius, & Thuriferarius, omnes tamen Oculis dimissis, modesto incessu & gravi. Celebrans & Ministri nemini prorsus Caput detegunt, nisi Episcopo, D. Abbati, aliisq; Principibus, aut Prælati specialioribus.

6. Cum pervenerint ante Altare, Ceroferarii omnium postremi hinc, inde è lateribus stabunt, & in eorum medio Diaconus, cum Subdiacono, & inter ipsos medius Celebrans, post quem Cæremoniarius, & Thuriferarius simul stabunt, & detecto capite omnes genuflectunt in plano, tum surgunt, & iterum genuflectunt super infimo gradu Ministri cum Celebrante, præter Ceroferarios, Thuriferarium, & Cæremoniarium, sicq; genuflexi parumper orant. Post Orationem surgunt, & proinde Altari caput, & humeros inclinant, si verò SS: Sacramentum in eodem Altari asservatur denuò genuflectunt, & præeunte Thuriferario, cum Cæremoniario, remanentibus autem Ceroferariis in loco suo, procedunt recto Capite ad Chorum, in cuius medio consistentes, nudo Capite salutant D. Abbatem, & utramq; Chori partem, à quo etiam Celebrans consalutari debet. Quo facto, iterum, recto capite accedunt ad sedem sibi paratam, ubi detecto capite dicunt omnes inclinati *Pater & Ave.*

7. Tum Celebrans facit D. Abbati reverentiam, quasi licentiam ab eo petens incipiendi, cui D. Abbas nunc quodam Capitis licentiam concedit. Et ipse Celebrans signans se signo Crucis à fronte ad pectus cantat Clara, & competenti voce *Deus in adiutorium.* ut supra c. 9. n. 5. & interim omnes alii se signant cum eo. Cum dicitur *ȳ. Gloria Patri &c.* omnes

omnes se inclinant, & cum dicitur: *Sicut erat* Ceroferarii in locis suis extinguant Cereis, & collocantes illos in lateribus Superiori gradus, vel credentia, facta debita reverentia Altari, D. Abbati, & Choro, accedunt ad Celebrantem, ubi à lateribus assistentiam per omnes Psalmos stant, cum Ceremoniario, & Thuriferario, formantes rectam lineam.

8. Dicto per Chorum *Arlula vel Laxis tibi Domine* &c: Cantor, vel primus Assistentis intonat Antiphonam, quæ per Chorum decantatur, & intonantes, aut etiam Ceroferarii inchoant Psalmum, qui dum hæc peragunt non ad Celebrantem stare debent, sed ad pulpitum cum cæteris canentibus Antiphonam, inchoatoq; Psalmo redeunt ad Celebrantem. Tum Celebrans ut Psalmus inchoatus fuerit, cum Assistentibus suis sedet recto capite, remanetq; sedens usq; ad Capitulum, cæteris autem ministris stantibus. Cum dicitur à Choro *Ÿ. Gloria Patri* &c: post Psalmos, Celebrans cum Assistentibus sedens capite detecto faciunt inclinationem. Exposito tamen SS. Sacramento Celebrans & Assistentes capite aperto stare debent, & non sedere, cum & Episcopus stare tunc teneatur absq; mitra ob reverentiam SS. Sacramenti: *Ista Cærem: Episcop: L. 2. c. 33.*

9. Dum cantatur ultimus Psalmus Vesperarum, circa finem ejus, Thuriferarius, ac Ceroferarii, factis Celebranti, D. Abbati, & Choro debitis reverentiis, accedunt ad Altare, ubi simul in plano genuflectunt in recta linea; Thuriferarius recedit in Sacristiam, ignem ad Thuribulum paraturus, Ceroferarii vero Cereos suos, à proxima lampade igne assumpto, pariformiter accendunt, expectantes ad latera Altaris donec dicatur *Ÿ. Gloria*, ad quem inclinant se, & dum canitur: *Sicut erat*, iidem Acolythes cum suis Cereis accensis simul procedunt ad sedem Celebrantis modestè, & factis debitis prius Altari, tum D. Abbati postea Choro, ac deniq; Celebranti reverentiis, accedunt ad eum; ibiq; hinc inde à lateribus Celebrantis in plano ita se collocant, ut nec D. Abbati, nec Celebranti terga vertant, sed facie vel erga Celebrantem versa, vel invicem se respiciente stabunt, prout loci situs requirere potest.

10. Finita ultima Antiphona, seu sono Organî, Celebrans surgens, Biretum tradit Ceremoniario, & notisq; manibus stans, Capitulum canit ex Libro super pulpitum, seu genuflexorium posito, vel à Ceremoniario sustentato. Re-

sponso per Chorum: Deo gratias, canitur alternatim cum Organo R. breve, & omnes stantes ad ψ . Gloria Patri, inclinante; Ceroferarii autem cum suis Cereis non recedunt de loco, donec inchoatus fuerit Hymnus.

11. Decantato R. brevi, Cantor Hymnum intonat; sed si dicantur Hymni: *Veni Creator Spiritus*, vel *Ave Maris stella*, ipse Celebrans inchoare debet, & post genuflectere, assistentes etiam flectunt versus Altare, prius tamen quam Celebrans. Ceroferarii ibidem remanent stantes prout erant. Finita prima Strophâ iidem Acolythi cum Cereis, factis debitis, ut supra, reverentiis, accedunt ad gradus Altaris, candelabra sua in supremi gradus extremitate deponunt, ibique usque ad Canticum *Magnificat* perseverant. Et Hymno finito, convenientius est, ut à Ceroferariis in loco suo existentibus, manibus junctis, sine Candelabris. ψ . decantentur.

12. Finito Versu, primus Assistent, vel Cantor præintonat Celebranti Antyphonam, ut eam ipse incipiat, eaque per Chorum decantata, duo Cantores Tono Solemni incipiunt Canticum: *Magnificat*, & tunc Assistentes cum Celebrante, facto sibi Signo Crucis à fronte, usque ad pectus, propter reverentiam Sacri Textus Evangelii, Sic enim habet Cærem: Episc: L. 2. c. 3. & P. Bauldry p. 2. c. 11. a. 1. n. 34. (quod etiam omnes alii de Choro facere possunt) Nudo Capite accedunt ad Altare, levantes fimbrias Pluvialis Celebrantis, & tunc Ceroferarii accipientes Candelabra sua, vertunt se aliquomodo ad Celebrantem, quasi eum expectantes, non tamen terga vertentes Altari, vertentes cum Celebrante ad Altare. Thuriferarius verò non prius de Sacristia egrediatur cum Thuribulo, donec Celebrans ad Altare processerit, ut quasi obviaret Celebranti procedenti ad Thurificandum. Et stantes ante gradus Altaris lineâ rectâ, omnes simul Cruci faciunt debitam reverentiam.

13. Mox Celebrans cum duobus Assistentibus ascendit ad Altare, illudque in medio osculatur, & imposito, ac Benedicto Thure in Thuribulo, ministrante primo Assistente naviculam, & Thuriferario thuribulum, incensat Altare. Ministris Sacris hinc, inde sublevantibus fimbrias anteriores Pluvialis, & Thuriferarius descendens in platum stat ad cornu Epistolæ, versa facie ad Altare.

14. Incensato Altari, Celebrans reddit Thuribulum primo Assistenti, qui illud recipit cum solitis oculis, & tradit Thuriferario stanti in cornu Epistolæ. Tum Celebrans rediens

diens ad medium Altaris, simul cum Assistentibus, facta debita reverentia, in planum descendit, & factis iterum Altari reverentiis, eo ordine quo venerant redeunt in Chorum, præcedente Thuriferario.

15. Celebrans itaq; ut ascendit ad locum suum, à primo Assistente cum profunda inclinatione ante, & post incensatur triplici ductu, si tamen aderit in Choro D. Abbas duplici tantum ductu; cui Celebrans in salutatione aliquantulum correspondet. Tum idem primus Assitens D. Abbatem trino ductu, cæterosq; de Choro Patres, quemlibet unico ductu, P. tamen Priorem bino, atq; Fratres sin. mora, ut patebit infra p. IV. c. 6. Rediens ad locum suum, reddit thuribulum Thuriferario, qui utrumq; Assistentem, uno quemlibet ductu thurificat, facta prius congrua Celebranti, & iis reverentia, & vicissim ab iisdem Ministris reddita. Præsentem D. Abbatem in Choro nunquam Celebrans incensare debet, sed primus Assitens, ut patet ex Serem: Episc: L. 2, c. 2. unde abusus ille contrarius per omnia Rubricæ generali. abrogandus est, & nunquam permittendus.

16. Finito Canto *Magnificat*, dum repetitur Antiphonâ, Ceroferarii resumunt Candelabra sua, accedunt pariformiter ad Celebrantem, cum debitis Altari, D. Abbati, Choro, & Celebranti reverentiis, eiq; assistunt ad Orationem, ut ad Capitulum, & permanent tamdiu immobiles, donec ultimâ terminatâ commemoratione celebrans dicat *Dominus vobiscum*, & tunc facta Celebranti & aliis debita reverentia, redeunt ad Altare.

17. Thuriferarius, finita incensatione, redeat in Sacristiam, ubi deposito suo Thuribulo, accedit ad Celebrantem, & ut prius consistit cum Cæremoniario. Sed advertat ne sit in via dum dicitur *Pater noster*, vel *Oratio*, sed anticipet tempus illius, vel adsummu[m] tunc accedat, quando Celebrans dicit: *Dominus vobiscum*.

18. Celebrans repetita Antiphona Cantici *Magnificat*, & cessante Organo, junctis ante pectus manibus cantat *Kyrie-eleison*, tum integram Orationem Dominicam, usq; ad *¶*. Et ne nos inducas in tentationem, inclusive, postea *Dominus vobiscum*, & Orationem unam, vel plures pro qualitate temporis, juxta Rubricas Breviarj. Et dum pro Commemoratione facienda decantari debeant *¶¶*. convenientius esset, ut hæc Officium ab Assistentibus expleatur, & non à Celebrante, imo sic debet fieri, & non aliter.

19. Dicto post Commemorationes à Celebrante *Dominus vobiscum*, (si non adsint in Choro bini cantores) Assistentes ascendant ad medium Chori, & factis debitis Celebranti, ac postea Altari reverentiis, stantes facie ad Altare cantant in Tono convenienti Solemnitati *Benedicamus Domino*; tum facta Altari reverentia accedunt ad Celebrantem, qui depressiori voce dicit. *ψ. Fidelium Animæ &c.* Si autem Assistentes in decantatione *Benedicamus Domino* non sint periti, bini de Choro, habitu Monachali induti hoc officium exple-re debent, quod pariter sentendum est in similibus casibus.

20. Si Completorium immediatè dicitur post Vesperas, dicto à Celebrante *Fidelium animæ &c.* Assistentes sumptis Biretis de manu Cæremoniarum cum Ceroferariis, (qui in tali casu non prius recedunt à Celebrante, quam simul) Thuriferario, ac Cæremoniarum; facta reverentia D. Abbatum, & Choro nudo Capite, postea rectis Capitibus eo ordine, quo venerant redeunt in Sacristiam. Transeuntes ante, vel prope maius Altare, genuflectunt ad gradus illius, ut initio Vesperarum, & demum recedunt in Sacristiam. Non enim decet (ut ait P. Bauldry par. 2. cap. 11. art. 2. Num: 2.) Celebrantem inchoare Completorium cum Pluviali, & finire sine eo; præsertim quia Hora Canonica cum qua Solemnitate incipit, cum eadem terminari debet. *Reg: Rubri.*

21. Si verò non sequatur Completorium, post Orationem Dominicam in silentio dictam, Celebrans in eodem loco dicit graviore voce: *Dominus det nobis suam pacem*, tum à Cantore inchoatur Antiphona B. M. V. quam Celebrans cum ministris, stans, vel genuflexus pro temporis ratione profectitur cum Choro, qua finita, si canitur Antiphona, Ceroferarii *ψ.* decantant, si autem planè dicitur, Celebrans & *ψ.* & Orationem solus recitat, sed stans, in cujus Orationis fine dicit: *Divinum auxilium &c.* Tum Ceroferarii Candelabra sua reassumunt, erga Celebrantem procedunt, eumque quasi in via expectant, & cum eo, alijsque ministris, non præmissi, debitis (cui competit) reverentiis, in Sacristiam redeunt, ubi factis Celebranti, & Cruci reverentiis, Sacra paramenta deponunt, & recedunt in pace.

Decreta S. R. Congr:

1. **R**egulares, etiam S. J. in Missis solemnibus adhibere debent Diaconum, & Subdiaconum; & in Vesperis Sacerdotem Pluviali indutum, ac in reliquis omnibus tenentur exacte observare Rituale, Cereemoniale, & Rubricas Missalis Romani S. R. C. 5. *Octobris, 1652. confirmante Innocentio X. 16. Decembris ejusdem Anni.*

2. Celebrans, & Assistentes in Vesperis, & Missa Solemni, etiam in Solemnitatibus debent sedere in scamno, & non in sede Camerali. S. R. C. 31. *Julii 1665. in Reginat n. in Calabria.*

3. In Vesperis & Laudibus serialibus, non sunt canendæ seriales preces alta voce, & per depressionem vocis, in fine uniuscuiusque versiculi, à *Fa*, ad *Re*, sed utendum tono ac voce uniformi per simplicem *Fa*, non obstante contraria consuetudine. S. R. C. 9. *Maii. 1739. in una Montis Pœnitiani.*

C A P U T XI.

De Completorio Solemni.

1. **D**um Completorium divisim à Vesperis celebratur, prout contingit in Quadragesima, omnia præparantur, ut ad Vesperas, & Celebrans cum Ministris induci Paramentis Sacris eo ordine procedunt, (ut diximus cap: præc:) ad sedem paratam, servatis debitis Altari, D. Abbati, & Choro reverentiis.

2. Si autem post Vesperas, statim Solemniter decantetur, Ceroferarii, dicto à Celebrante *Fidelium Animæ* &c: extinguunt aliquos Cereos super Altare, ita ut ad Completorium semper sit minor luminum Numerus, quam ad Vesperas (Ita decidit Clar: P. Merati Tom. 2. Sect: 10. c. 3. r. 17 & suis etiam pro interim extinctis.

3. Stante itaq; Celebrante ad sedem suam, Lector aliquis

quis de Choro, vel ad summum secundus Assistens, & non primus, egrediens ad medium Chori prope Celebrantem, versus quem profundè inclinatus cantat: *Iube Domne benedicere*, & Celebrans sine ullo signo Crucis responder: *Noctem quietam* &c: deinde, dicto à Choro *Amen*, Lector, vel secundus Assistens cantat *Lectionem*, in fine c jus addit: *Tu autem Domine Miserece nobis*. ad quæ verba genuflectit & recedit ad locum suum. Tum Celebrans signando se à fronte usq; ad pectus subdit: *Adjutorium nostrum* &c: & dicto in silentio *Pater noster* &c: inclinatus dicit *Confiteor* &c: & dicens *Vobis Fratres*, & *Vos Fratres*, convertit se ad utramq; Chori partem, manetq; inclinatus, donec Chorus recitaverit totam *Miseretur*, & dicto: *Amen* erigit se, Chorus autem repetit *Confiteor* &c: quo à Choro finito Celebrans parum conversus ad Chorum dicit: *Miseratur Vostri* &c: ac postea signando se à fronte ad pectus dicit: *Indulgentiam* &c:

4. Deinde pollice dextro signando pectus dicit: *Converte nos Deus salutaris noster*. Præterea signando se à fronte usq; ad pectus, Canit: *Deus in adjutorium* &c: & à Choro canuntur Psalmi simpliciter, ad quos Celebrans cum Ministris Capite Cooperto fedit. Ceroferarii extinctis ad finem Vesperarum Cereis, accedunt ad Celebrantem, & stant sicut ad Psalmos Vesperarum. Hymnus intonatur à Cantore, quo finito Celebrans canit Capitulum, & Ceroferarii factis debitis reverentiis, ut supra, accedunt ad gradus Altaris ubi facta genuflexione consistunt, Cantant *Ÿ. Custodi nos* &c: quo decantato accendunt Cereos in Candelabris suis, expectantq; finem Orationis Dominicæ, & dum Celebrans dicit: *Et ne nos inducas*. &c: ipsi procedunt ad sedem Celebrantis, eiq; ad Orationem ut in Vesperis, assistunt; Finita oratione revertuntur ad Altare, ibiq; depositis, sed nos extinctis suis Cereis, expectant finem, interim Celebrans benedicit dicendo: *Benedicat & custodiat* &c: atq; Antiphona B. V. M. peragitur, ut supra dictum est, & revertuntur in Sacristiam.

5. Præsentè D. Abbate in Choro dum Completorium Solemniter alius Sacerdos celebrat, omnia peragit, ut modo dictum est, nisi, quod antequam dicat: *Noctem quietam*, &c: priusquam recitet: *Indulgentiam* &c: & antequam in fine benedicat per verba: *Benedicat & custodiat* &c: prius inclinare se debet profunde versus D. Abbatem, ac si licentiam benedicendi ab eo peteret. *Ista Cerem: Episc: L. 2. c. 4. & P. Bauldry p. 2. c. 12. n. 3.*

6. Si in Choro abiq; Solemnitate Completorium canatur, ad Superiorem spectat dicere: *Noctem quietam &c: Indulgentiam &c: & Benedicat & Custodiat &c:* sic enim præcipit, & Rubrica Brev: & S. R. C. Reliqua Hebdomadarius peraget more congruo. Chorus universus ad Primam, & Completorium debet replicare *Misereatur, & Confiteor.* S. R. C. 19. *Maii 1607. in Placentina.*

CAPUT XII.

De Matutinis, & Laudibus Solemnibus.

I. **T**ER in Anno Communiter, solent tantum Vigiliæ Matutinæ Solemniter Celebrari, cum Laudibus, scilicet: Nocte Nativitatis D. N. J. C: Nocte Resurrectionis eiusdem D. N. J. C. & in festo Corporis Christi, quo casu iidem requiruntur Assistentes, qui & ad Vesperas, omniaq; necessaria hora competenti parentur, ut supra cap. 10. de Vesperis dictum est.

2. Dato signo secundo, Celebrans, & Assistentes orant se adiuvante Cæremoniario, Ceroferariis interim accendentibus Cereos suos, & (si mos est) Altaris. Paratis itaq; omnibus procedunt eodem ordine ut ad Vesperas, & genuflexi omnes ante majus Altare parumper orant, tum facta debita Altari, D. Abbati (si aderit) & Choro reverentia, accedunt ad sedem paratam, comitantibus Ceroferariis, & ad sedem collucentibus, ut in Vesperis ad Orationem, Cæremoniario Breviarium præparante, ac folia vertente.

3. Postquam omnes venerint ad loca sua, Celebrans inclinatus versus Altare, dicit cum omnibus secreto *Pater, Ave, & Credo;* deinde signans se à fronte usq; ad pectus intonat: *Deus in adiutorium &c:* Choro reliqua prosequente, ad Gloria, omnes se profundè inclinant. Tum duo Cantores in medio Chori intonant *ŷ. Domine labia mea aperies,* quem Chorus terminat, & sic alternatim utraq; pars Chori usq; ad tertiam vicem decantando, adjungunt Psalmum 3. *Domine quid multiplicati cum Gloria, in eodem Tono.*

4. Ad finem prædicti Psalmi, duo Cantores accedunt ad Legie in medium Chori, ubi facta genuflexione cantant ex

Libro ibi posito Invitatorium, quod à Choro repetitur, postea decantant Psalmum 94. *Venite exultemus &c:* & Chorus post quemlibet versum repetit Invitatorium. Dum cantatur *Venite adoremus* Chorus genuflectit usq; ad illa verba: *Ploremus coram Domino &c:* exclusive, & Cantores ad illa tantum genuflectunt verba: *Et procidamus ante Deum*, statimq; surgunt ne impediuntur in cantu. Decantato Psalmo una cum *Gloria Patri*, Chorus repetit Ultimam partem Invitatorii, & Cantores resumunt Invitatorium à principio usq; ad signum, à quo Chorus reliquum prosequitur. Illi quoq; bini Cantores inchoant Hymnum in eodem loco, & factis debitis reverentiis revertuntur ad loca sua, sicut & Ceroferarii inchoato Hymno, & factis congruis reverentiis, extinguunt Cereos & accedunt ad Chorum; Ubi autem integræ Vigiliæ Matutinae decantari solent; dicti Cantores non recedunt à pulpito de medio Chori, sed ibi permanent, & congruentius est, ut habeant scannum paratum, panno viridi coopertum: *Ista Cærim: Episc. L. 2. c. 6.*

5. Expleto Hymno Cantor inchoat Antiphonam quam Chorus prosequitur, & Intonantes incipiunt Psalmum; post cuius intonationem Celebrans & omnes alii sedent, & deinde ad quemcumq; Psalmum dicitur *Gloria Patri*, il. qui cum Cantoribus simul cantant, surgunt, & inclinant se, postea ascendant ad Legile, quod pariformiter ad omnes 6. Psalmos observari convenit. Ad finem vero sexti Psalmi dum dicitur *Gloria* omnes surgunt, & iam ad Legile non accedunt, sed versa facie ad Altare stant, quia Antiphona cum Organo repeti debet, & Lector in medio Chori clara, & distincta voce, ea, quæ per Organâ pulsantur, recitare tenetur, ita, ut ab omnibus audiatur. Quod in omni Officio Divino si cum Organorum modulamine peragatur, observari debet.

6. Dum autem repetitur Antiphona, Ceroferarii, aut Intonantes accedentes ad medium Chori, debitam Altari faciunt reverentiam, & cantant *ψ.* quo decantato Chorus respondet, & illi redeunt ad loca sua. Tum Celebrans erigens se dicit: *Pater noster*, & inclinatus versus Altare, recitat reliqua sub silentio, terminat verò clare per *ψ.* *Et ne te induas in tentationem.* Datur præterea in cantu à Celebrante Absolutio, & Lector profunde inclinatus erga Celebrantem petit ab eo benedictionem dicens: *Iube Domine benedici.* & non *Domine*, licet ille Celebrans sit ipse D. Abbas, ac etiam Episcopus, cui ille stans & sine signo Cinctus benedicit, ut notat *Br: Monast.*

7. DD. Albates ad 1. 5. 9. & aliquoties 12. Lectionem stando benedicunt, ad alias sedendo, quemadmodum Episcopus; ceteri vero Superiores omnes benedictiones dant stantes, capite aperto. ut notat P. Bauldry p. 2. c. 13. n. 11. Et dum datur benedictio Lector manet inclinatus, donec Chorus responderit Amen. Tum erigit se, & postquam omnes sederint, incipit & non prius suam Lectionem, in cuius fine dicens *Tu autem Domine* &c: profunde se inclinat versus Altare. Si autem distinctas Lectiones alius, & alius lecturus est, tunc dicendo: *Tu autem Domine*. genuflectere debet, quisquis ille sit Ita Cerem: Episc: L. 2. c. 5. quod semper observari debet. At si unus idemq; Lector omnes legerit Lectiones ad ea verba tantum profundam facit inclinationem, & in fine discessurus ad locum suum genuflectit. Ita Casaldus. L. 1. scilicet: 6. c. 3. n. 2.

8. Post Lectiones cantantur RR, quæ à duobus Cantoribus in medio Chori inchoantur, & ab iisdem YY. dictorum Responsoriorum in eodem loco canuntur. Si vero propter alleviationem Religiosorum, Organa tunc pulsari contingat, substituat ex Intonantibus unus, qui dicta RR clara voce in Choro recitet, & alter Intonantium pariter clara voce YY. legat ad satisfaciendum in Officio Divino. Qui modus pariter servatur per omnes Lectiones servetur, nisi quod ad YY Gloria Patri in 4. 8. & 12. RR non sedendo se inclinare, sed surgentes de sedili suo, omnes, profundam inclinationem facere tenentur, ex præcepto SS. P. Benedicti suæ Reg: c. 9. hæc dicentis: *Post quartam vero Lectionem, dum incipit Cantor dicere: Gloria Patri, mox omnes de sedilibus suis surgant, ob honorem, & reverentiam Sanctissimæ Trinitatis. & cap: 11. idem statuit.*

9. Alii duo Nocturni dicuntur eodem modo, quo primus, sicut & reliquæ Lectiones eodem modo & ordine leguntur, nisi quod in tertio Nocturno, cum Lector textum Evangelii legit, omnes stent nudo capite versus Lectorem, donec dicatur: *Et reliqua* quo dicto omnes sedent, & Lector ad textum Evangelii non signat librum, nec se ipsum, nec manus junctas tenet, sed extensas super libro, ex quo legit; pariter ut in aliis Lectionibus. Dicto Lector *Et reliqua* faciat aliquam pausam donec omnes sederint, & tunc prosequetur: *Homilia* &c:

10. Dum cantatur R 12. Celebrans si post Hymnum deposuit Pluviale (quod non conveniret) tunc allato sibi

ex Sacristia eodem Pluviali induitur ut ab initio, sed in loco suo. Interim etiam Ceroſerarii cum debitis Altari reverentia accendunt Cereos suos, & ad extremitatem gradus Superioris Altaris conſtituunt, ipſi prope illos toto Hymno Ambroſiano conſiſtentes.

11. Finito & ultimo, Celebrans prius ad *ſ.* Gloria Patri erectus junctis manibus inchoat Hymnum *Te Deum laudamus*, quem Chorus ſtando proſequitur, etiam cum Organis. Ad *ſ.* autem *Te ergo quaſumus* &c: omnes de Choro genuſcunt, etiam Celebrans, & Miniſtri. Circa finem hujus Hymni Ceroſerarii accipientes Cereos ſuos ſacta debita Altari, Celebranti, & Choro reverentia accedunt ad Celebrantem, & tunc Ceremoniarius parat Miſſale vel Breviarium in legili operto Tobalea munda, ad cantandum Evangelium in medio Chori: ad quod Ceroſerarii cum Celebrante proceſſionaliter procedunt; Tum Celebrans junctis manibus ſonora voce intonat *Dominus vbiſcum*, & cum dicit *Incipiam*, vel *Sequentia. S. Evangelii*, pollice dextro ſignat initium Evangelii, deinde ſeipſum, in fronte, ore, & pectore. Ac decantat textum Evangelii totum, quo ſinito, & à Choro reſponſo Amen, inchoat Hymnum: *Te decet laus*, &c: & illo ſinito decantat Orationem convenientem.

12. Completa Oratione Celebrans incipit Laudes in eodem loco per *ſ.* *Deus in adjutorium* &c: à quo loco non recedunt omnes, donec dicatur *ſ.* Gloria Patri &c: & dum dicitur à Choro *Sicut erat ſacta* Altari reverentia Celebrans, cum iis omnibus, cum quibus venerat revertitur ad ſedem ſuam, Ceroſerarii verò reducentes Celebrantem ad ſedem ſuam, ſacta poſtea eidem, & Choro reverentia, aſcendunt ad Altare, ubi ſolitis peractis reverentiis, extingunt ſuos Cereos, & accedunt ad loca ſua, ubi prius ad Matutinum fuerant, decantant; cum aliis Laudes, Celebrante interim ſedente in ſede ſua uſque ad Capitulum, ut in Vesperis.

13. In Laudibus omnia reſpectivè ſervantur circa intonationem Antiphonarum, Pſalmorum, Hymni Cantici *Benedictus*, eorumque decantationem. Tharificationem, (que eodem modo fieri debet ut ad *Magnificat*) & alia huiusmodi, ſicut ad Vesperas, Dicto autem *ſ.* *Fidelium Animæ* &c: in ſilentio omnes recitant Orationem Dominicam integram, tum Celebrans dicit: *Dominus det nobis ſuam pacem*, & incipit Antiphonam B. M. V. temporì convenientem, ſans vel genuflexus, pro temporis ratione, qua ſinita Verſum, & Orationem.

tionem recitat, adjungendo *ψ. Divinum Auxilium. &c.*, & pariformiter ut in Vesperis recedunt in Sacramentum præstitis, & non intermissis debitis Choro, atq; Altari reverentiis, & Sacras deponunt Vestes.

14. Chorus autem dicit in Silentio, Leonis X. Papæ Orationem: *Sacrofanctæ &c.*: addito *Pater*, & *Ave*, non tamen Clara voce: hæc enim Oratio cum non sit pars Officii Divini, non debet eodem Tono à Choro recitari, quo Horæ Canonice, sed est tantum conclusio devotionis gratia, ideoq; secreto recitari debet. Præsertim cum ante iuchorationem Officii Divini eodem loco ponatur Oratio *Aperi Domine os meum &c.*: gratia faciendæ Intentionis, & tamen nullibi in Choro dicatur clara & distincta voce, sed tantum submissa, ita pariter Oratio *Sacrofanctæ &c.*: cum sit tantum propter defectus supplendos, seu verius indulgendos à Leone X. P. M. concessa, utpote privata, non debet clara, sed submissa recitari voce; quod pariformiter observandum est, quandocunque Horæ Canonice concluduntur, quia semper secreto dicenda est præfata Oratio. Ita declarat *Cær. Monast. Congr. Mon. Serr. P. 1. dist. 1. c. 2. n. 7.*

Decreta S. R. Congregationis.

1. Tempore Passionis in Quadragesima in fine Psalmi: *Venite exultemus*, omisso Gloria Patri, & nolite obdurare corda vestra, debet repeti integrè Invitatorium *Hodie si vocem Domini audieritis &c.*: S. R. C. 24. Julii 1683. in Ruremund.

2. Quando in mense Novembri sunt eadem die ponenda tria, (vel quatuor secundum ritum Monast.) initia Prophetarum, dicenda est tantum unica Lectio, ex quolibet libro Prophetarum. S. R. C. 5. Julii 1698. in Collen.

3. Quando Antiphonæ, & Versus in Vesperis variandi sunt pro Commemoratione alicujus simplicis faciendæ, tunc ad Vesperas primo accipiendæ est Antiphona cum versu Laedum; si vero phres sint commemorationes, tunc pro secunda commemoratione sumetur Antiphona ex secundis Vesperis, cum Versu secundi Nocturni; tertia verò commemoratio fiet, desumendo Antiphonam primam ex tertio Nocturno, cum Versu ejusdem Nocturni. Ad Laudes verò prima Commemoratio cum Versu erit propria, ex primis Vesperis; secun-

da Commemoratio fiet cum Antiphona prima tertiæ Nocturni, & Versu ejusdem Nocturni; Tertiæ autem Commemoratio fiet desumendo Antiphonam ex secundis Vesperis, & Versum secundi Nocturni S. R. C. 5. Maii 1736. in Einsiden.

C A P U T XIII.

*De Vesperis, Completorio, & Matutino cum
Laudibus Pontificaliter celebratis.*

I. **S**I ex justa, & rationabili causa D. Abbas Vesperas, vel Completorium, aut Matutinum celebrare voluerit Pontificaliter, ornato debite pro tali actu Altari Maiori, preparantur Pontificalia, videlicet Mitra, Baculus Pastoralis, Amictus, Alba, Cingulus, Stola, Pluviale, non tamen Dalmatica, vel Tunicella, aut Sandalia, quia his tantum in Missa uti debet, & pro Vesperis nulla mentio fit in Cærem: Episc: Prepararetur etiam Sedes non pluribus, quam duobus gradibus eminens, tapetibus vel panno rubeo obdeta, habens supra Baldachinum, non tamen puro auro obductum, coloris Festivitatis consonum, hæcque Sedes ex Decreto S. R. C. fixa nullomodo esse potest, sed amovibilis.

2. Assistentibus vero parentur sequentia: Pro Archidiacono Pluviale cum Stola, & superpelliceo. Pro Diacono Amictus, Alba, Cingulus, Stola, & Dalmatica; Pro Subdiacono Amictus, Alba, Cingulus, & Tunicella. Pro ministris ad Mitram, & Baculum, duo Pluvialia, cum totidem superpelliceis, nec non velum oblongum pro mediante sustineat Mitram, & non nuda manu. Pro Cærem: Cæremiario, & Insuperario, quatuor Superpellicei. Insuper pro Capellano de Libro. Superpelliceum sine Stola, hujus enim Stolæ usus, versus est in abusum, quem prohibuit pluries S. R. C. & non nisi Archidiacono dictæ Stolæ usus, in fundamento Cærem: Congr: Bavar: par. 1. §. 1. pag. 2. concedi potest.

3. Dato igitur signo Campanarum pro supraspeculæntis Horis Canonicis, P. Sacrista Rostrum ad Residentiam D. Abbatis desert, eoque D. Abbatem, uti & Cruce Pectorali, ac Mozzetto induit, & indutum ad Sacristiam comitatur.

Ubi

Ubi D. Abbas post brevem coram Altari Māiori Orationem, deposito Mozzetto, & Cruce Pectorali, ac lotis manibus, à suis Ministris, Diacono scilicet & Subdiacono, jam prius Sacris Vestibus indutis, & expectantibus, accipit paramenta; Et primo quidem Amictum supra Rochetum, deinde Albam, tum Cingulum, postea Crucem Pectoralem, in super Stolum à Collo pendentem, cum osculis quidem consuevis, sine tamen Orationibus convenientibus. Mox Pluviale accipit & Mitram, quam uti imponit, ita semper etiam remouet Diaconus. Insuper Annulum ab Archidiacono, & Pedum Pastorale à Subdiacono, quod D. Abbas tenebit manu sinistra, parte Curya Conuersa ad populum.

4. Sic paratus D. Abbas facta Cruci reverentia, cum Ministris, pariter se coram Cruce, & D. Abbate inclinantibus procedit ad Altare sequenti Ordine: Præcedit Thuriferarius sine thuribulo (nisi facienda esset expositio) cum Cæremoniario, hos sequuntur duo Ceroferarii; cum Cereis ardentibus, tum minister de Candela, seu de Bugia, (si habetur in usu) Deinde Archidiaconus solus manibus ante pectus iunctis; ad ultimum D. Abbas inter Diaconum, & Subdiaconum elevantes simbrias anteriores Pluvialis. Si poterunt esse alii duo Diaconi Assistentes, inter illos procedet, & tunc Diaconus, & Subdiaconus antecedent Archidiaconum. Post D. Abbatem Capellanus de Libro, & Ministri ad Mitram, & Baculum.

5. Egrediente D. Abbate in Pontificalibus omnes in Choro constituti erigunt se, & inclinant transeunti profundè, nec jam sedent, aut sistent ante inchoationem Vesperarum, Completorii, vel Matutini. Perveniendo itaq; ad Altare efficiunt omnes quasi lineam rectam, juxta figuram infra expressam de Missa solemnè in Pontificalibus, sicq; ante infimum gradum constituti genuflectunt omnes in plano, & erecti denuo genuflectunt in Gradu primo Altaris paululum Orantes, exceptis Ceroferariis, & Ministris de Mitra, & Pedito, quia sunt impediti, prius tamen etiam ii genuflectere in plano debuerant. Et D. Abbas facta prius inclinatione Altari, deponit Mitram, & Pedum, ac genuflexus paululum orat. Tum erigens se, accepta Mitra & Baculo Pastoralis, procedit ad sedem suam, comitantibus eum Ministris.

6. Ascendens D. Abbas ad sedem sibi paratam, Ministri ita se locare debent: Archidiaconus à dextris D. Abbatis, Capellanus de Libro à sinistris, post quos Diaconus

nus dextram, & Subdiaconus sinistram præoccupabunt partem, in super Minister de Mitra, associabitur Diacono, & Minister de Baculo Subdiacono, sicq; consistent, ut rectam efficiant lineam. Si erunt Diaconi Assistentes, habebunt locum post Diaconum & Subdiaconum, Minister vero de Candela stabit penes Capellanum de Libro extra lineam. Ceroferarii ad latera infimi gradus Altaris remanebunt; ac deniq; Cæremoniarius cum Thuriferario, ex opposito sedis Abbatialis consistent.

7. Ita omnibus constitutis, deposita per Diaconum Mitra, reddito in manus Subdiaconi Pastoralis, D. Abbas junctis ante pectus manibus, stans versus Altare, dicit secreto: *Pater*, & *Ave*. Quibus recitatis, sinistram manum admovens pectori, dextera facit sibi crucem à fronte ad pectus, incipiendo Solemniter canere *Deus in adjutorium* &c: jungit iterum manus, & dum Chorus canit *Gl'ia Patri* cum omnibus caput inclinat versus Crucem in Altari positam, usq; ad *Gl'ia Patri* &c:

8. Inchoata vel per se, vel per Cantorem primam Antiphona D. Abbas sedet, accipit Mitram, non tamen Gremiale, quia hoc tantum utitur Ecclesia ad Missam, extremitates tamen Pluvialis super genua aptari debent, manetq; sedens per omnes Psalmos. Archidiaconus à dextris D. Abbatis, ad sedem, in plano constitutus, in eodem loco sedebit in sede simplici, reliqui poterunt stare in locis superius notatis, sed Diaconus & Subdiaconus poterunt sedere in scamno aliquo panno viridi cooperto ex opposito sedis Abbatialis. Ceroferarii vero inchoato primo Psalmo extinguunt suos Cereos, eosq; collocant in extremitatibus summi gradus, & ipsi, si Choraliter canantur Vesperæ, accedunt ad Chorum, si autem figuraliter, persistunt in loco suo, ubi prius. Thuriferarius cum Cæremoniario, si Ministri Sacri sedent, prope illos in eadem persistunt linea.

9. Ad finem Psalmi quarti, Thuriferarius ascendit in Sacristiam, ut parat ignem in Thuribulo. Ceroferarii accendunt Cereos suos cum debitis reverentiis, & stant in loco suo. Dum dicitur: *Sicut erat* &c: Cæremoniarius accedit ad Subdiaconum, ei inclinatione capitis notificando functionem, qui facia debita simul cum Diacono D. Abbati reverentia, comite Cæremoniario accedit ad cornu Epistolæ, ubi Lectionem in Missa cantare convenerat, ibiq; cantat Capitulum. Diaconus vero redit ad sedem Abbatialem ad locum,

ubi à principio constitit. D. Abbas etiam surgit cum mitra, & stat sine Pedito, donec terminetur Capitulum, quo finito Diaconus D. Abbati aufert Mitram, & Subdiaconus factis debitis Altari & D. Abbati reverentiis revertitur ad sinistram sedis. Tum Chorus canit r. breve, & dum in eo dicitur *ψ. Gloria Patri* &c: omnes se inclinant.

10. Finito r. brevi D. Abbas si poterit intonat Hymnum, quem Chorus prosequitur, maxime vero Hymnos *Veni Creator* &c: & *Ave Maris Stella* inchoare tenetur, ad quorum Hymnorum initium omnes genuflectere debent, etiam D. Abbas postquam intonaverit: statq; per totum Hymnum sine Mitra. Decantato ergo per Ceroferarios, aut Intonantes *ψ. D. Abbas* accepta mitra sedet, & accedente Thuriferario, simul cum Ceremoniario, factisq; debitis reverentiis, Archidiaconus progreditur ante sedem, & accepta Navicula, extrahit cochlear, cum debitis osculis porrigit illud D. Abbati dicendo: *Benedicite Reverendissime Patri*, qui forma, & verbis prescriptis imponit Thus in thuribulum, & tunc Ceroferarii ascendentes ad mensam Altaris, elevantesq; hinc inde anteriorem partem Superioris Tobaleæ, illam conduplicant ad Candelabra per medium.

11. Inchoato Cantico *Magnificat* D. Abbas surgit, & facto sibi cum ministris signo Crucis à fronte, ad pedus, medius inter Diaconum & Subdiaconum, vel Diaconos Assistentes, præeuntibus aliis Ministris ascendit ad Altare, & tunc Ceroferarii accipientes tempestive Candelabra sua, vertunt se, & aliquomodo obviam gradiuntur, ut quasi in media via jungant se aliis. D. Abbas ante infimum gradum subsistit, & depositis Mitra, ac Pedito adhuc in plano, factaq; Altari reverentia, ascendit ad medium Altaris, osculatur illud, & oblato sibi per Archidiaconum cum debitis osculis Thuribulo incensat conserto modo Altare, secundum figuram I. intra positam, nihil dicens sub actuali thurificatione, sine tamen mitra, licet sit sola Crux & non tabernaculum.

12. Thurificato Altari, & reddito in cornu Epistolæ Thuribulo Presbytero Assistenti, ibiq; ad d. tum latus Epistolæ imposita per Diaconum Mitra, D. Abbas descendit, & in infimo gradu recepto Baculo Pastoralis, redit ad sedem suam, ubi stans cum Mitra, & Pedito, ab Archidiacono, medio inter Ceremoniarium, & Thuriferarium, simbrias Pluvialis ejus sollevantes, incensatur triplici ductu. Interim duo Ceroferarii collocantes Candelabra sua, ascendunt ad Altare,

Tobuleam paulo ante plicatam reducunt, prout erat antea super Altari. Ipse vero D. Abbas deposita Mitra, & retento Pastoralis inter manus junctas, statusq; ad finem Cantici, tanquam ad Evangelium. Et Diaconus accepto Thuribulo, incensat Archidiaconum bino ductu, descendit dein ad Chorum, ubi præsentès juxta Regulas & Normam infra p. IV. c. 6. de Thurificatione Personarum expressam Thurificat, & reddit thuribulum Thuriferario comiti suo, rediensq; ad dexteram D. Abbatis ibi thuriscatur à Thuriferario bino ductu, sicut & Subdiaconus. Incensantur insuper à Thuriferario reliqui Ministri, quilibet unico ductu; & desert statim Thuribulum in Sacristiam Thuriferarius, postquam finierit dictam incensationem.

13. Finito per Chorum Canticò *Magnificat* statim Ceroferarii factis debitis reverentiis Altari & D. Abbati, accedunt cum Cereis proportionaliter elevatis ad sedem Pontificalem pariformiter, assistentes D. Abbati ad Orationem, seq; hinc inde ante eum collocantes in plano, prout situs loci postulat, facieb; vel ad invicem, vel ad D. Abbatem conversis. Et D. Abbas reddito prius baculo Pastoralis, junctis ante pectus manibus, Archidiacono Librum tenente, cantat *Kyrie eleison*. & Choro respondente: *Christe eleison, Kyrie eleison*, subjungit alta voce cantando totam Dominicam Orationem, usq; ad *ŷ*. Et ne nos inducas in tentationem. subdit dein Dominus vobiscum, & Orationem competentem, sive plures, prout Rubrica Brev. Monast. exigit; denuo dicit Dominus vobiscum. Et dum à Choro respondetur: *Et cum Spiritu tuo*, Ceroferarii cum solitis reverentiis redeunt ad Altare. Et reponunt, vel extinguunt Cereos suos, prout supra c. 11. n. 2. diximus.

14. Cantato per Cantores *ŷ. Benedicamus Domino*, & responso à Choro *Deo gratias* D. Abbas si nolit Completorium Celebrare, accepta Mitra, accedit ad Altare, ubi ante infimum gradum itans deposita Mitra, & reddito Pedit facit Cruci reverentiam, ascendit, & osculatur Altare, rursusq; imposita Mitra, & facta Cruci reverentia itans ad medium Altaris, omnibus genuflexis dat Benedictionem Pontificalem Solemnem, juxta formam, infra p. IV. c. 10. præscriptam; incipiens absolutè à *ŷ*. *Sit nomen Domini benedictum*, &c: Descendit dein ab Altari, factaq; ante infimum gradum reverentia cum Mitra, profundiori vocè dicit *ŷ. Fidelium Animæ* &c: Postea vel ampino recedit cum Ministris, & reliqua
com-

complenda relinquit Archidiacono, vel maiens ad infimum gradum sine Mitra subiungit secreto *Pater noster* &c: quo integre recitato intelligibili voce dicit *Dominus det nobis suam pacem*, tum pro qualitate temporis inchoat Antiphonam de B. V. M. cui ipse solus surgens, licet omnes fuerint gemullexi, post recitatum *ps.* dicit Orationem, Capellano Librum tenente, & postquam Chorus responderit *Amen.* eadem voce dicit. *Divinum auxilium* &c: Et jam D. Abbas cum Ministris, eodem ordine quo venerat redit in Sacristiam, Organo interim modulante, ibiq; Sacris exuitur Paramentis.

15. Si vero simul, post Vesperas, & Completorium dignabitur D. Abbas celebrare, ad *ps.* *Benedicamus Domino* responso à Choro *Deo gratias*, in eadem sede subiungit *ps.* *Pidelium Animæ* &c: Tum Subdiaconus factis reverentiis debitis stans ante infimum gradum Altaris in medio, conversus ad D. Abbatem, & inclinatus petit benedictionem dicendo: *Jube Domne benedicere & non Domine.* D. Abbas stans junctis manibus sine Mitra respondet *Amen quiescat* &c: & post Lectionem brevem ab eodem Subdiacono decantatam, signando se à fronte ad pectus dicit *Adiutorium nostrum* &c: subiungendo secreto totum *Pater noster.* Tum Confessionem & Absolutionem aliaq; ut supra dictum est peragit in sede, stans, & sine Mitra, quæ non imponitur nisi incepto primo Psalmo Completorii. Facientes Ministri una cum Choro Confessionem, non aliter dicant, quam *Tibi Pater, Te Pater*, ideoq; abusus immutans hæc Verba, aut superaddens omnino tollendus est, quia de talibus nulla sit mentio in Rubrica, nisi quod petendo benedictionem ad incensam, ac alia tantum dicitur: *Benedicite Reverentissime Pater*, & de hoc solo expressa est mentio in Rubrica, non tamen in alio casu. Præsertim quia Decretum S. R. C. infra n. r. positum prohibet omnem immutationem, in simili casu.

16. Decantatis in Choro Psalmis Completorii dum Hymnus terminatur Ceroferarii accendunt Cereos suos, & Cereomoniaris per inclinationem Capitis invitat Subdiaconum ad Capitulum cantandum, quod, ut in Vesperis, cantat in cornu Epistolæ, & *ps.* Ceroferarii vel Intonautes pariter decantant, dum Chorus r. ad *ps.* Ceroferarii ascendunt ad sedem D. Abbatis, præstitis debitis Altari & D. Abbati reverentiis, ibiq; ut in Vesperis stant ad Orationem cum suis Cereis, & non discedunt prius, donec dicatur *ps.* *Benedicamus Domino.* D. vero Abbas intonato post Capitulum Versu, stans sine Mitra

canit clara voce *Kyrie eleison*, & reliqua in loco suo stando. Tunc Mitra pergit, usq; ad *Benedicat &c*: inclusive. Addita itaq; Antiphona de Is. V. M. & decantato *ŷ. D.* Abbas itans in sedem sine Mitra adjungit Orationem, qua finita, & dicto *Divinum auxilium &c*: assumpta Mitra accedet ad Altare, & dabit Benedictionem Solemnem, ut supra, inuimus, ac eo ordine quo venerat, revertetur in Sacristiam, ibiq; sacras deponet Vestes.

17. In Matutinis quando D. Abbati placuerit Officium facere, hora competenti veniet indutus Rocheta, Cruce pectorali, & Mozzeto, & facis Orationibus ante Tabernaculum SS: Sacramenti, & Altare Maius, accedet ad Sacristiam, ibiq; sacra paramenta sumet, ut in Vesp: cum Ministris processionaliter ascendet ad Altare, ubi in infimo gradu, deposita Mitra, & Baculo Pastoralis, aliquantulum orabit, tum reassumpta Mitra, & Pedito, accedet ad sedem sibi paratam, & deposita Mitra, ac reddito Pedito, junctis, ante pectus manibus versus Altare dicit: *Pater, Ave, & Credo*. Deinde signans se à fronte ad Pectus, cantat Solemniter *Deus in adiutorium meum*: stat sine Mitra, & Pedito usq; ad primum Psalmum Nocturnorum. Et dum à Cantoribus in Psal: 94. canitur *Veni adoremus, & procidamus ante Deum*, cum omnibus genuflectit, etiam D. Abbas in loco sedis suæ.

18. Incepto primo Psalmo sedet D. Abbas cooperto Capite, sive Mitra simplici, sive Birreto, non tamen coopertit exposito Sacramento, omnesq; alii Ministri prope sedem eius sedent, præsertim autem Ministri de Mitra, & Baculo, reposita in Credentia Mitra, si ea non velit uti, & collocato ad parietem credentia Baculo Pastoralis, ipsi deponunt Pluvialia, & superpelliceis solis induti possunt in Choro sedere, ut sint parati, quando opus erit sumere Pluviale; omnes ad *ŷ. Gloria* inclinant se, post ultimum Psalmum ad *ŷ. Surgunt* omnes, etiam D. Abbas. qui dicto secreto *Pater noster*, adjungit *ŷ. Et ne nos &c*: dicit Absolutionem, dat benedictionem, primam stando, reliquas tres sedendo. Itaq; eodem modo omnes tres Nocturni absolvuntur.

19. Dum autem legitur 12. Lectio, Ministri qui deposuerunt Paramenta sua, accipiunt ea, & accedunt ad sedem Celebrantis D. Abbatis, qui finito in Cantu Responsorio ultimo, capite aperto intonat Hymnum *Te DEUM laudamus*, quem Chorus cum Organis prosequitur; sed ad *ŷ. Te ergo quesumus &c*. D. Abbas cum Choro, & Ministri genuflectit, & dum ultimus *ŷ. di-*
eti

ai Hymni decantatur, D. Abbas accepta Mitra procedit de sede sua ad Pulpitum in medio Chori constitutum, & Tobalea munda coopertum, ibiq; deposita Mitra canit Evangelium manibus ante pedus junctis, deinde Hymnum *Te decet laus*, &c. ac deniq; Orationem.

20. Respondente Choro ad Orationem *Amen*, in eodem loco, scilicet ante Pulpitum D. Abbas inchoat Laudes, signans se à fronte, ad pectus, & dicens: *DEUS in adjutorium* &c. dictoq; *Gloria Patri* &c. facient omnes inclinationem, & dum dicitur *Sicut erat* &c. D. Abbas accepta Mitra revertitur ad sedem suam, & inchoato Psalmo: *DEUS misereatur* &c. sedet cum Mitra, Ministri verò ita se disponunt, prout supra dictum est in *Vesperis*, eademq; omnia observantur, quæ ibidem dicta sunt, præsertim ex parte Ceroferariorum, qui ad finem Hymni Ambrosiani accedunt ad D. Abbatem, cum eo properant ad pulpitum, ibiq; cum Cereis accensis assistunt ad Evangelium, & Orationem, tum reducentes D. Abbatem ad sedem, ipsi factis debitis reverentiis ad loca sua recedunt, cereosq; extinguunt, permanentq; ut in *Vesperis*.

21. Ad finem ultimi Psalmi Laudum, Cæremoniaris invitavit Subdiaconum ad Cantandum Capitulum, aut eo deficiente Archidiaconum, vel Capellanum de Libro, eoq; decantato D. Abbas erigit se, deponit Mitram, statq; donec *g.* breve, & Hymnus decantetur, quo finito, sedet in sede sua, & accepta Mitra, imponit, & benedicit incensum in Thuribulo, surgit postea, ascendit ad Altare, illudq; sine Mitra thurificat, ut dictum est in *Vesp.* deinde reversus ad sedem incensatur à digniori Ministro, (quia ad Matutinum non est necessarius Archidiaconus,) statq; postea ad reliquum Cantici tanquam ad Evangelium cum Baculo Pastoralis, incensatur à Diacono Chorus, & à Thuriferario incensantur Ministri.

22. Finito Cantico *Benedictus*. Ceroferarii accedunt ad D. Abbatem cum Cereis accensis, qui cantabit *Kyrie eleison*, Orationem Dominicam, & aliam festo convenientem. Ac post decantatam *ŷ. Benedicamus Domino*, ascendendo ad Altare dabit solemnem benedictionem, simpliciter inchoando à *ŷ. Sit Nomen Domini benedictum*, & descendens postea ad infimum Altaris gradum, depressiori voce dicit *ŷ. Fidelium animæ* &c. & eo ordine quo accessit, revertitur in Sacristiam, ad Sacra Paramenta deponenda.

Decreta S. Ritt: Congregationis.

1. Non licet aliquid ex devotione, seu Auctoritate privata miscere, mutare, vel apponere inter ea, quæ integrant Officia cujusvis diei: quia in officiis Sanctorum nihil est addendum, vel immutandum, nisi a S. Sede Apostolica concessum fuerit. S. R. C. 10. Junii 1690. in una Ordinis S. Benedicti.

2. An impedito Diacono munus auferendi Mitram Celebranti Pontificaliter spectet ad Diaconum, vel potius ad Cæremoniarum Magistros? S. R. C. respondit: *Diata*, & ad Eminent: Ponentem, *ad mentem*, & onus fuit, quod Eminent: Potens curaret, ut Magistri Cæremoniarum abstineant in futurum, ab imponendo, & auferendo Mitram, in casu &c. nisi impeditis Diacono, & Subdiacono. S. R. C. 26. Aprilis, 1704. & iterum *servari hoc Decretum statuit eadem* S. R. C. 7. Junii 1704. in Romana.

C A P U T XIV.

De iisdem Horis Canonicis, Solemniter peragendis, exposito Sanctissimo Sacramento.

1. **S**ervatis servandis, quæ supra de Solemnioribus Vesperis, Completorio, & Matutinis cum Laudibus dicta fuerunt, sequentia quoque erant attendenda: Postquam D. Abbas Pontificali ornati indutus precedentibus, & subsequenter Ministris accedit ad Altare, ubi SS. Sacramentum asservatur, facta ibi reverentia, & depositis Mitra, & baculo cum omnibus genuflectit. Interim Diaconus aperit Ostium Tabernaculi, extrahit Pyxidem, de qua eximit Majorem Hostiam, eam imponit Lunule, & includit in Ostensorio. D. vero Abbas surgens, porrecto sibi ab Archidiacono sine osculis cochleari de Navicula, nulla facta benedictione, immittit Thuis in thuribulum, & iterum genuflectus triplici ductu incensat SS. Sacramentum, ante, & post profundam faciens inclinationem.

2. Incensato Sacramento, Subdiaconus imponit super humeros D. Abbatis Velum oblongum, & Diaconus debitis cum reverentiis capiens SS. sine osculo manus, aut alia reverentia of-

offert illud D. Abbati, qui genuflectens surgit, & accipit ambabus manibus desuper velo contextis, Diaconus statim, ac in manibus D. Abbatis Sacramentum reliquerit, in eodem loco genuflectit, D. vero Abbas vertit se a latere Epistolæ ad populum, incipiens vel ipse, vel Cantor Hymnum: *O! Salutaris Hostia*. Si SS. Sacramentum non in majori Altari, sed in alia Capella asservatur, absq; ulla benedictione procedit cum Ministris, serens in manibus ostensorium cum S. Hostia, ad majus Altare, ibiq; finita prima strophæ inchoabit alteram per *ŷ. Uni trinog; Domino*, & statim data benedictione cum eodem Sacramento, faciet circulum, vertendo se ad latus Evangelii, & collocat ostensorium in Altari cum adiutorio Diaconi. It. D. Abbas genuflectens, recedit, advertendo ne terga vertat SS. & descendens ad 2. gradum genuflectit in suppedanei ora, accipit Thuribulum, ter incensat Sacramentum. Quo facto Diaconus cum debitis Adorationibus collocat ostensorium in loco preparato, & Subdiaconus amoveret Velum oblongum ab lumeris D. Abbi: tradens illud Cæremoniarario, ut deponat in Credentiâ.

3. Dum sit talis expositio aut asservatio, omnes qui sunt in Choro cum accensis Cereis genuflectere debent. It. postquam fuerit ostensorium collocatum in eminentiori loco, D. Abbas accepto Pastoralis baculo, & sine Mitra, (quæ coram SS. Sacramento exposito publicæ adorationi, etiam in Pixide nunquam utitur) accedit ad sedem cum Ministris, & modo supra descripto inchoat & perficit tam Vesperas, quam Completorium, quamq; & Matutinum.

4. Ad Vesperas intonata Antiphona ad *Magnificat*, accipit Pedum sine Mitra, pergit ad Altare, ubi ante infimum gradum constitens utroq; genu lævit, tum ascendens ad Altare genuflectens, & postea se erigens, parumper retrocedit ad Cornu Evangelii, ubi benedicit & imponit incensum in Thuribulum, tum descendens ad 2. Altaris gradum genuflectit, & accepto Thuribulo, incensat genuflexus ter SS. ac postea surgens ascendit atq; cum debitis genuflexionibus more solito incensat Altare, observans in quolibet transitu debitas genuflexiones; quod pariter observandum est ad Canticum *Benedictus*, in Laudibus.

5. In fine autem Vesperarum, sive Completorii, aut Matutini si fiat asservatio SS. Sacramenti, pariformiter D. Abbas ante infimum gradum imponit Thus in thuribulum, ascendit ad 2. Altaris gradum, & genuflexus in suppedaneo, triplici dextu incensat Sacramentum, cui Subdiaconus imponit Velum oblongum, & Diaconus cum debitis accedens adorationibus, capit Ostensorium, ac genuflectenti prius, & statim surgenti, sans of-

fert ostensorium, qui mox versa ad populum facie tenens ante pectus Ostensorium, canit hunc *ψ. Tantum ergo Sacramentum*. Choro reliqua prosequente.

6. Finita prima strophæ Hymni, occidit D. Abbas alterius strophæ *ψ. unum Sanctæ*, & statim nihil quidquam expectando benedicit populo cum eodem SS. Sacramento. Si in eodem Altari est Tabernaculum, convertens se ad cornu Evangelii, cum ostensorio perficit Circulum, collocatq; in Altari solum dictum Ostensorium, ut à Diacono asservetur. Si autem in Capella aliqua est Ciborium, iisdem Cæremoniis quibus a latum fuerat SS. Sacramentum, reportatur ad dictam Capellam, & à Diacono reponitur in Tabernaculo, & postquam D. Abbas incensaverit Sacramentum, Subdiaconus aufert Velum oblongum ab humeris ejus. Clauso itaq; Tabernaculi ostiolo acceperitq; Mitra, & baculo Pastoralis, redit in Sacristiam cum suis Ministris.

7. Si danda est Benedictio Solemnis in fine Vesperarum, vel Completorii, aut Matutini, datur antequam fiat asservatio SS. Sacramenti, quod tamen ad dictam benedictionem Velari non debet, quia tunc datur sine Mitra cum Baculo tantum, sicut & in Missis solemnibus, aut in Feria V, Cænæ Domini, quando patet publicæ adorationi SS. Sacramentum. Neque circulus in ea perficitur, sed sicut ad *Orate Fratres*, sub tempus Expositionis, ita & ad dictam Benedictionem Solemnem D. Abbas facit semiconversionem.

8. In dictis Horis solemniter Celebratis insuper D. Abbas animadvertat, quod tam egrediens de Sacristia quam rediens ad eam, si conspexerit SS. Sacramentum expositum, mox in via consistere debet, & deponere Mitram, non autem in ea accedere ad Altare, exigit enim reverentia SS. ut dum sacra Hostia oculis conspici possit, statim adoretur, quod clare patet ex Cæremoniæ Episcopi L. 2. c. 30. quod etiam omnes Rubricæ unanimiter decidunt; ut debiti Sacramento fiat reverentia, ideoq; exposito eo, potius valeant abstinere a dicta in Pontificalibus Celebratione.

9. Ea quæ diximus de D. Abbate, non tantum de eo solum sunt intelligenda, sed etiam de quolibet Sacerdote Celebrante, exceptis Pontificalibus insigniis, (quæ soli D. Abbati tantum competunt) observari debent: ideoq; omni qua par est reverentia, & veneratione SS. Sacramentum tractandum est ab omnibus. In dictis Horis Canonicis Celebrans non debet stare, vel genuflectere ad Altare, quemadmodum nunc fit Communiter per abusum, est enim contra omnes Rubricas, ipsamq; Rubri-

cam;

PARS PRIMA. 57

eam; sed, debet in sede sua permanere, stans, aperto Capite; ob debilitatem tamen Corporis potest concedi soli Celebranti sessio, sed discooperto Capite, ceteri autem infallibiliter stare tenentur. Plura, & planiora de Expositione, ac de Asservatione SS. Sacramenti, videantur infra par. IV. Cap. 8.

Decreta S. Rit. Congregationis.

1. Commemoratio S. MARIE in Suffragiis Sanctorum debet fieri in Ecclesiis eidem dicatis, etiamsi Officium parvum ejus in Choro recitatum fuerit. S. R. C. 10. Januarii 1624. in Bononien. & 13. Junii 1682. in una Ord. S. Francis. ac 10. Junii 1690. in una Ord. S. Francis. Observ. scilicet Cursus Marianus.

2. Servanda est antiqua, & laudabilis consuetudo, ubi recitatur in Choro Officium parvum B. M. V. etiam in semiduplicibus, & Dominicis, non obstante Rubrica Breviarii S. R. C. 1. Septemb. 1607. in Trojana. Hoc Decretum confirmat est Constitutio S. Pii V. quod etiam confirmavit Urbanus VIII. de Consilio S. R. C. 16. Januarii 1627. atq; 2. Januarii 1628. in una Ord. S. Benedicti.

3. Episcopus ad Matutinum, in nocte Nativitatis D. (quod idem sentiendum, & alio tempore) potest sedere, vel in sede Choralis, vel in sede Episcopali prout melius sibi videbitur, & magis populo fatiati. S. R. C. 15. Martii 1608. in Alexandrina.

4. Officia non approbata damnantur. S. R. C. 8. Aprilis 1628.

5. Dum dicenda sunt Suffragia Sanctorum in locis gaudentibus duobus, vel tribus Patronis principalibus, facienda est commemoratio tantum de Patrono principali, S. R. C. 20. Novemb. 1683. in Laudensi. Si de Patronis Ecclesie propriae non est facienda Commemoratio, multo magis de Patronis Reali, utpote SS. Adalberto & Stanislao, cum hujus rei nullum habeatur fundamentum, imo ipsa Rubrica contrarium sentiat, stat doceat.

6. Decretum in Visitatione factum contra regulas Libri Cæremonialis, non est servandum S. R. C. 7. Augusti. 1610. in Vercellen.

7. Cæremoniale Episcoporum non tollit immemorabiles, & laudabiles Ecclesiarum consuetudines, S. R. C. 11. Junii 1625. in una Hispaniarum. Et hoc Decretum habet locum in omnibus Regnis & locis Christianitatis; ita declaravit eadem S. R. C. 17. Junii 1606. in Liboren.

8. S. R. Congregatio mandavit, & præcepit servari ad unguem Cæremoniale Episcoporum, 4. Septembris 1628. in *Calaritana*, annuente Urbano VIII. in Constitutione quæ incipit: Exponi nobis fecerunt &c.

9. Qui habent Privilegium Celebrandi Octavam, in Quadragesima, occurrente die infra Octavam in Feria IV. Cinerum, nullam debent facere commemorationem de Octava, neque in Laudibus, neque in Missa, & debent dicere preces, Psalmos Graduales &c. & servare omnino Rubricas dictæ Feriæ IV. Cinerum. S. R. C. 24. Januarii 1682. in *Marsicana*. Occurrente autem in eadem Feria IV. Cinerum die Octava, Officium Octavæ cessat omnino ad Vesperas Feriæ III. præcedentis. S. R. C. 23. Junii 1736. in *Emsidnsi*. Pariter occurrente die infra Octavam in Dominica Passionis debent hujusmodi Privilegiati omittere commemorationem Octavæ in Laudibus ac Missis Dominicæ tantum, & dicere preces ad Primam, si autem in eadem Dominica occurrat dies Octava, officium Octavæ cessat ad Nonam præcedentis Sabbati, propter Dominicam Privilegiatam. S. R. C. 23. Junii 1736. in *Emsiden*.

10. In Orationibus expungantur omnino Cognomina & Patriciæ Sanctorum. S. R. C. 23. Junii 1736. in *Emsiden*: quod & antea decisum est à S. R. C. 1624. 23. Decembris, in una Urbis pro PP. Minimis.

11. Parochus duarum Ecclesiarum unitarum, debet de amborum Titulari recitare Officium juxta Rubricas, maximè si Ecclesie sint peræque unitæ. S. R. C. 5. Julii 1698. in *Collen*.

12. Psalmi Penitentiales, & Graduales dicuntur licitè, ubi est consuetudo eos dicendi pridie Vespri Feriæ IV. & VI. post Completorium. S. R. C. 2. Augusti 1603. in *Lauden*.

13. Officium pro die III. VII. & XXX. post obitum defuncti, si eadat in die Dominico, vel Festivo, transferatur in diem sequentem, cum eadem Solemnitate. S. R. C. 23. Maii 1603. in *Egitanien*.

14. Matutinum Defunctorum pro generali eorum commemoratione non debet cantari pridie Vespri, in Festo Omnium SS. sed recitandum est mane die 2. Novembris post Laudes diei: S. R. C. 23. Maii 1603. in *Egitanien*: atq; 1. Septembris 1607. & quidem albescente die. 21. Julii 1607. in *Oscen*.

15. In die Commemorationis omnium Fidelium Defunctorum potest fieri Officium de festo duplici minori, sed Missæ sunt Celebrandæ de Requiem S. R. C. 5. Octobris 1686. in una Urbis & 27. Septembris. 1698. in una S. Germani Mortis Cassini. atq; 19. Junii 1706 in *Curien*.

16. Quando ab aliqua Congregatione dicitur totum Officium Defunctorum, non debet illud dici, ut xi. die Novembris omittendo Psalmos post Vesperas, & Matutinum positos in Officio Defunctorum. S. R. C. 5. Julii 1608. in Collen.

17. In omnibus Congregationibus Ordinis Benedictini, post Festum Omnium SS. Monachorum, 13. Novembris, celebratur sollemnis commemoratio omnium Defunctorum Confratrum dicti Ordinis, unde si die illa 14. Novembris alicubi adsit Festum duplex translatum, sive occurrens, fiet quidem Officium de tali Festo duplici, cum Missa solemni post Tertiam, Officium verò Defunctorum recitandum erit post Laudes, & omnes Missæ privatae dicendæ erunt pro Defunctis Confratribus in paramentis nigris; Quapropter commemoratio Defunctorum Confratrum non est transferenda in tali casu. S. R. C. 5. Maii 1736. in Einsidlen.

18. In Officio Defunctorum in Vesperis & Laudibus dicendi semper sunt Psalmi apposti: *De profundis*, & *Lauda anima mea Dominum*. Et post Vesperas, & Laudes omittantur iidem Psalmi tantum in die Commemorationis omnium fidelium Defunctorum, & in die depositionis Defuncti. S. R. C. 23. Junii 1736. in Einsidlen. & 5. Augusti 1737. in Nolana, ac 8. Martii 1738. in una Erem. Ord. Camald.

19. An Officia pro animabus Confratrum extra diem obitus, seu depositionis, Tertium, Septimum, & Trigesimum cum Castro doloris, & concursu sacerdotum officiata, habere debeant ritum duplex, vel semiduplex, cum Psalmo, ac tribus Orationibus? Responsum fuit: serventur Rubricæ Ritualis Romani, una cum Novissimo Decreto 1737. in Nolana edito: Nempe duplicatio Antiphonarum præter diem Commemorationis omnium Fidelium Defunctorum, & diem depositionis Defuncti, fiat in diebus: III, VII, & XXX, ac Anniversario tantum. S. R. C. 8. Martii 1738. in Ulxbon. Occidentali.

20. An in dictis casibus omittendum sit Invitatorium, cum Rubrica Breviarii iunuat, quod hoc dicatur in die Commemorationis omnium fidelium Defunctorum? Responsum fuit Negative, nempe: quod in Officio Defunctorum quando recitatur integrum, nunquam omittendum sit Invitatorium. S. R. C. 9. Martii 1739. in una Ord. Camald. Mont. Cor.

21. In secundo triduo majores Hebdomadæ non possunt Celebrari Exequiæ Defunctorum, & Officium, & pæces recitentur privatim. S. R. C. 11. Augusti, 1736. in Placentina.

22. Ad Horas omnes, quæ recitantur in Choro, ardeant in Altari duæ, saltem candelæ. S. R. C. 7. *Augusti 1595.*

23. Accentis suo tempore candelis, non differatur Officium, licet ablit Hebdomadarius, sed iussu majoris suppleat alius. S. R. C. 18. *Aprilis 1617.*

24. Nemo exeat de Choro, etiam expleto Officio, nisi dato à majore signo finis. S. R. C. 18. *Aprilis 1617.*

25. Sanctissimum Eucharistiæ Sacramentum, quod inter Versarum Divina peculiari custoditur Sacello,thurificari debet. S. R. C. 15. *Septembris 1648. in Beneventana.*

C A P U T XV.

De munere Superioris quo ad Chorum.

I. Quid quid de Superiorum Officio in Choro dictum sumus, non intendimus, intelligere semper Deum Abbatem, vel P. Priorem, quia hi propter varia Monasterii sui negotia, coguntur aliquando abesse, sed eorum munia exprimere tantum satagimus, qui præsent in Choro, id est, qui aut Officio superiori insignitus, aut gradu aliquis dignitatis elevato, aut Senior Professione computato dignoscitur, inter reliquos Religiosos, illum nomine Superioris venire in Choro supponimus.

2. Itaq; Superior, in Choro, præmissis, sono Campanæ, dum viderit Religiosos congregatos, signum dabit manu, aut aliquo instrumento inchoandi Divinum Officium: quo audito mox omnes surgere, & facto signo Crucis à fronte ad pedes, inclinati, *Pater, &, Ave,* aliquoties & *Credo*, recitare in silentio tenentur, & non prius, quia sic disposuit S. R. C. sicut pariter finito Officio Divino in Choro nullus surgere & exire de Choro audeat, nisi dato signo ab eodem Superiore Chori, juxta decisionem Sacræ Regulæ. c. 20.

3. Superioris Chori est: Absolutiones: Nosturnorum recitare, benedictiones, ante omnes Lectiones, tam in Matutinis, quam ad Primam, & Completorium dare, inchoare Hymnum *Te Deum* laudamus. Evangelium canere, Hymnum *Te decet laus* incipere; ac Orationem Diei recitare. Jam autem ad inchoandas Laudes, *Deus in adjutorium &c.* intonare, spectat

PARS PRIMA. 61

stat ad Hebdomadarium, nisi ipse tunc officium ejusdem expleverit. *hæ Regule cap. 11.* Insuper post Canticum *Benedictus*, & repetitam Antiphonam, præmissumq; per Hebdomadarium *Kyrie eleison*, ad eundem Superiorem Chori spectat clara voce dicere integram Orationem Dominicam, quemadmodum præcepit S. S. P. N. *Benedictus s. Reg. c. 13.* Quod pariter in Vesperis post Canticum *Magnificat* observari debet.

4. Præterea ad Superiorem Chori spectat in Prima Canonica post *Præfata*, ad Lectionem brevem Lectori dare benedictionem, dicere: *Adjutorium nostrum in Domine Domini*, eiq; subungere *Benedicti*, atq; superaddere: *Domine nos benedicat &c.* Tum dicto à Lectore *Commemoratio Fratrum &c.* adicere: *Requiescant in pace.* Et quando ad Primam dicuntur preces, tunc dicto per Hebdomadarium *Miseretur &c.* Superioris est, dicere clara voce: *Indulgentiam &c.*

5. Quandoq; Officium Divinum terminatur in Choro, dicto ab omnibus in silentio *Pater noster*. Superioris est dicere *Domine deus nobis sum pacem*, non vero Hebdomadarii: Orationem verò post Antiphonam de B. V. M. & *ŷ.* Hebdomadarius ipse tenetur recitare, etiam cum *ŷ.* subsequenti, scilicet: *Divinum auxilium maneat semper nobiscum*, non autem Superior Chori.

6. In Completorio ad Lectionem brevem Lectori benedictionem dare, factaq; Confessione, & dicto per Hebdomadarium *Miseretur &c.* dicere *Indulgentiam &c.* ac in fine benedicere per illa verba: *Benedicat, & custodiat nos &c.* Superiorem Chori concernit. Insuper post Completorium, seu (ut in aliis Monasteriis) post Orationem, omnes in Choro præfentes Aqua lustrali aspergere, inchoando Antiphonam *Asperges me*, Superior Chori tenetur. Prædicta itaq; munia Superiorum Chori, non nostra declaratione sunt exarata, sed ex Declarationibus Cassin. supra Reg. c. 17. n. 2. & 4. & supra cap. 63. ac Cærem. Monast. Bened. Rom. P. 1. Lib. 2. c. 12. atq; Cærem. Monast. Congr. Mont. Serr. Ben. P. II. dist. 1. c. 1. n. 12. & c. 2. n. 5. sunt excerpta.

7. In benedictione Mensæ ad Superiorem spectat dicere: *Benedicite*, inchoare *ŷ. Oculi omnium*, vel *Edent pauperes*, aut aliam convenientem tempori, & Lectorem benedicere dicendo: vel *Mensæ Cælestis &c.* vel *Ad Canam &c.* Tum identibus omnibus, & perlecta aliqua brevi particula à Lectore mensæ, faciendum est à Superiore signum, post quod, &
non



non prius incipiant Comedere Religiosi, ut anima prius, quam corpus reficiatur. *Ex declar: Cassin: supra Reg: cap. 38. n. 8.*

8. In fine Mense dato etiam à Superiore signo, non est statim surgendum, nisi prius in loco responsum ab omnibus fuerit: *Deo gratias.* Tum ad gratiarum actionem Superior inchoabit *ψ. Confiteantur &c: vel ψ. Memoriam fecit &c:* aut alium, ut notatur in Rubro. Postea inchoabit Psalmum convenientem, & in fine dicta Oratione Domnica superaddet: *Deus det nobis suam pacem, & non Dominus.* Cætera vero, uti & ipsa Benedictio cibi cum signo Crucis, scilicet *Oratio Benedictio &c:* pertinent ad Hebdomadarium, non ad Superiorem, uti patet ex signis literarum personas designantium, in Libello *Vade mecum* puerum sacerdotum. ad finem pag: 167.

Decreta S. R. Congr:

1. Ad maiorem in Choro spectat intonare initium Officii per *Pater noster*, & Idem eo finito dabit signum ut incipiat hora. *S. R. C. 18. Aprilis 1617.*

2. Ad maiorem in Choro spectat dicere: *Dies & actus nostros. Adjutorium nostrum. Dominus nos benedicat. Noctem quietam. Benedicat & Custodiat. Dominus det nobis suam pacem.* *S. R. C. 18. Aprilis. 1617.*


3. Accensis suo tempore Candelis, non differatur Officium, licet absit Hebdomadarius, sed iussu maioris suppleat alius. *S. R. C. 18 Aprilis 1617.*

4. Nemo exeat de Choro etiam expleto officio, nisi dato à Majore signo finis. *S. R. C. 18. Aprilis 1617.*

FINIS PARTIS PRIMÆ.



PARS



P A R S II.

DE CELEBRATIONE MISSÆ.

C A P U T I.

De Celebratione Missæ Solemnis in Pontificalibus.

§. I.

De iis quæ præparari debent ad Celebrandum Pontificaliter, & de Processione ad Altare.

I. **U**T non excedamus limites Regularum Rubri, Cærimonialis Episcoporum, ac Decretorum S. Rit. Congregationis, imò in fundamento dictæ S. R. C. decisionis, & Decreti confirmativi Alexandri VII. Pontif. Max. infra expressi, numerum Ministrorum ad Missam in Pontificalibus Celebrandam declarandum suscipimus. Et quia non omnia Monasteria in Congregatione nostra Benedictino --- Polona tanta numerositate sunt impleta, ut sufficientes habere ad talem actum Ministros possint; præsertim quia & in Choro debent adhuc nonnulli remanere, & veneranda Senectus plures non permittit talia suscipere ministeria, ideoq; satisfaciendo, & Numerositati Monachorum, & paucitati nonnullorum locorum, duplici modo Altesatum numerum ministrorum exarare intendimus.

2. Ubi pauca numerantur subiecta, sufficere censeo Ministros hos: 1. Archidiaconum, 2. Diaconum Evangelii, 3. Subdiaconum Epistolæ, 4. Ministrum de Mitra, 5. Ministrum de Baculo Pastoralis, 6. Ceroferarios binos, 7. Thuriferarium & 8. Ministrum de Gremiali, alias in defectu hujus, minister de Baculo poterit sustentare & Gremiale. Ubi vero numerosa conspicitur Communitas, Ministri erunt sequentes: 1. Archidiaconus, 2. Diaconus Evangelii, 3. Subdiaconus Epistolæ, 4. Diaconus assistens, 5. Diaconus alter assistens, 6. Minister de Mitra, 7. Minister de Baculo Pastoralis, 8. Capellanus de Libro, 9. Ceroferarius, 10. & alter Cero-

fera-

ferarius. 11. Thuriferarius, 12. Cæremoniarius, 13. Minister de Gremiali 14. Minister de Bugia, seu de Candela parva. Plures autem Ministri licet sint concessi per Decretum Alexandri VII. quia tamen in nostra Congregatione nunquam practicabantur, ideoq; abstinendum ab iis cenſeo. Si enim intenderemus eos innovare, non effugeremus eam novitatis notam, quæ inureretur ab ignorantibus dictam concessionem.

3. Pro prædictis Ministris, Sacra Paramenta in Sacristia, ea parari debent, videlicet: pro Archidiacono Superpelliceum, Stola, & Pluviale. Pro Diacono Ep: Amictus, Alba, Cingulus, Stola, Dalmatica, & Manipulus. Pro Subdiacono Ep: Amictus, Alba, Cingulus, Tuniceola, & Manipulus. Pro duobus Diaconis Assistentibus duo Amictus, binæ Albæ, duo Cinguli & binæ Dalmaticæ, sine Stolis, sine Manipulis. Pro Ministris de Mitra, de Baculo Pastoralis duo Superpellicea, & duo Pluvialia. Pro reliquis Ministris parentur tantum superpellicea, seu Cottæ; & nullus utatur Stola, licet sit Presbyter, neq; Capellanus de Libro, pluries enim prohibitum est per S. R. C. Et nec plures Pluvialibus ornari debent, quam Archidiaconus, & illi duo Ministri de Mitra videlicet, & de Baculo: licet & eos Cærem: Episc: L. i. c. 11. exigat indutos solâ Cottâ, & vel soli Ministro de Baculo iuxta Consuetudinem Ecclesiarum permittit uti Pluviali, hic autem juxta morem Ecclesiarum Regni Poloniæ non denegamus Ministrum de Mitra posse uti Pluviali, sed Minister de Gremiali nullomodo potest dicto ornari Pluviali, hoc enim ab omnibus pro summo abusu agnoscitur.

4. Celebraturus itaq; D. Abbas Missam Conventualem, dum in Choro Tertia decantatur, allata sibi ad residentiam Abbatialem per P. Sacristam Rocheto, induitur ea, ac Mozzeto, nec non Cruce Pectorali, sicq; ornatus; absq; Mantelletto, comitante eodem P. Sacrista, una cum P. Capellano procedit ad Ecclesiam, ubi ante majus Altare super genuflexorio ibidem præparato, panno violaceo cooperto paululum orat, in eodemq; loco inchoat Antiph: *de reminiscariis*. dicit Psalmos consuetos, recitante alternatim, & respondente P. Capellano, ad sinistram D. Abbatis genuflexo. Interim Ministri omnes sacris se ornant Vestibus; Diaconus, & Subdiaconus necdum Manipulos capiunt: Acolythi accensis Cereis, eos locant in ea mensâ, vel Altari, ubi pro D. Abbate Sacra Paramenta sunt disposita. Omnesque in ordine suo stantes adventum D. Abbatis expectant.

5. Finitis Psalmis & precibus D. Abbas surgit procedit ad Sacrarium, & genuflexorium statim amovetur. D. Abbatem advenientem Ministri parati profunda inclinatione salutant, & ipse in Salsitorio parato sedet, ab interventibus suis famulis exiit ordinarius Calceis, ac per Subdiaconum, adjuvantibus iisdem famulis induitur Sandaliis, primo quidem in dextro pede deinde in sinistro. Quibus absolutis Subdiaconus elevat se, facit D. Abbati reverentiam, & recedit ad Diaconum stantem penes Apparatum Pontificalem, famuli vero recedunt longius. Merito D. Abbas deponit Crucem Pectoralem, quam recipit Diaconus Evangelii, & reponit super Fervicula argentea: exiit Mozzeto, & extracto per Assistentem Presbyterum Annulo, interventibus Ministris secularibus lavat manus sedens; & tunc allatum per Cæremoniarium Martile plicatum dictus Archidiaconus accipit, illudq; extendit super manus D. Abbatis, ut eas extergat. Hæc forma lotionis manuum servari debet semper, quando in sacris actionibus D. Abbas publice lavat manus.

6. Lotis manibus Ministri omnes Cottis induti afferunt statim modeste, & decenter ambabus manibus ex Altari, seu Mensa Paramenta Pontificalia suo ordine, per Cæremoniarium ita disposita, ut omnes efficiant quasi unam rectam lineam, stando unus post alium. Diaconus vero & Subdiaconus capientes à Ministris singula Paramenta idè à dextris, hic à sinistris, vestiendo adjuvant D. Abbatem, principaliter tamen Diaconus omnia operatur, Subdiaconus vero solum modo coadiuvat quando opus est.

7. Amictum ergo primo offerunt D. Abbati osculandum in medio ubi est acu depicta parva Crux, penes quam prius in parte osculatur Diaconus; mox Amictum diligenter aptant circa Collum, ita, ut vestium summitates omnino tegat, deinde chordulas ex eo pendentes post tergum ductas, & ante pectus (si sufficiant) reductas colligant. Albam deinde humeris D. Abbatis superimponunt, eamq; circa Collum, humeros, & brachia distendunt, & aptant. Ungulum postea porrigunt, quo Albam contringunt, & tunc ambæ extremitates circum circa Acolithi sublevant, & aptant, ut æqualiter desuat, & vestes contegat. His peractis D. Abbas à Diacono accipit Crucem Pectoralem, eamq; osculatur in medio, Diaconus vero porrigendo dictam Crucem, eam à latere osculatur prius, & à D. Abbate deosculatam imponit Collum eius. Stolum insuper etiam in parte prope Crucem deoscu-

latam, offert D. Abbati osculandam, quam super humeros eius applicat, ita, ut nec ejus collum tegat, nec sit transversa in modum Crucis, sed æqualiter ante pectus pendeat.

8. Induitur præterea D. Abbas à Diacono & Subdiacono Tunicellæ, cuius Chordulæ hinc inde pendentes constringuntur, & eodem modo superinduitur Dalmatica, adhuc stans nudo Capite. Ornatus sic sedet, & imponuntur ei Chirothecæ, per Diaconum in dextera, & Subdiaconum in Sinistra, manibus illius prius & mox Chirothecis per eosdem deosculatis surgit dein D. Abbas & induitur Planeta, quæ reli-gatur chordulis post tergum. Sediti denuo D. Abbati imponitur per Diaconum Mitra, Subdiacono vittas elevante. Tum per Archidiaconum imponitur Annulus Pontificalis digito annulari dextræ manus D. Abbatis, annulo, & manu prius deosculatis. Ad ultimum per Subdiaconum porrigitur Baculus Pastoralis.

9. Sic induto omnibus Sacris Paramentis Pontificalibus D. Abbate, Diaconus & Subdiaconus accipiunt suos Manipulos, & accedente Thuriferario cum thuribulo, & navicula, atq; Presbytero Assistente ministrante naviculam; & dicente: *Benedicite Reverendissime Pater.* D. Abbas imponit trina vice Thus in thuribulo, & benedicit dicens: *Ab illo benedictaris, in cuius honorem cremaberis. Amen;* hisq; dictis, & reddito Cohleari, facit Signum Crucis dextera manu nihil amplius dicens. Si autem fuerit Dies Dominicus, Archidiaconus postquam digito D. Abbatis imposuerit Annulum, præcedente Thuriferario cum vase Aquæ benedictæ accedit ad Altare. genuflectit, facit Asperersionem, ut suo loco dicetur, tam Chori, quam populi astantis, reversus ad Altare decantat *ψ.* & Orationem competentem, ac eodem modo quo venerat redit in Sacristiam.

10. Revertente Archidiacono, & omnibus debito ordine ad procedendum dispositis, porrigitur per dictum Archidiaconum D. Abbati aspersorium, quod accipiens seipsum, & omnes Ministros profunde inclinatos aspergit. Et statim omnes facta debita Cruci una cum D. Abbate reverentia; eidemq; pariter facta inclinatione procedunt ad Altare Processionaliter hoc ordine: Præcedit Thuriferarius cum Navicula, & thuribulo fumigante, cui adiungitur Cæremoniarius, post eos Ceroferarii cum Candelabris, & Cereis accensis, post hos Ministri de Candela, & de Gremiali; deinde Subdiaconus solus portans ambabus manibus Librum clausum Evangeliorum,


feu

seu Missale ante pectus, in quo includitur Manipulus D. Ab-
batis cuius partes extreme, & latiores sint extra Librum,
& post hunc Diaconus Evangelii ad sinistram Presbyteri Assi-
stentis seu Archidiaconi. Deniq; D. Abbas cum Baculo Pa-
storali in manu sinistra, cuius pars curva populum respiciat,
dextera supra pectus posita, medius inter binos Diaconos
Assistentes procedit, quem consequuntur; Capellanus de Libro,
& Ministri ad Mitram, & Baculum Pastoralem.

§. 2.

*De initio Missæ Solemnis in Pontificalibus usque ad
Symbolum.*

1. **P**ervenientes ad Altare sic se collocant: D. Abbas in
plano ante infimum gradum, in medio consistit, cui
à dextris assistet Archidiaconus, à sinistris Diaconus Evangelii,
ad cuius sinistram Subdiaconus, relinquens pro interim Librum
Evangeliorum in manibus Cæremoniarii ibidem genuflexi. Dia-
coni assistentes retro post Archidiaconum, & Diaconum Evan-
gelistæ stare debent, & à lateribus horum ministri de Mitra, &
de Baculo, Capellanus de Libro adjungatur Archidiacono à la-
tere ejus, Minister de Gremiali ad latus Epistolæ, Minister de
Candela ad latus Evangelii in transversa linea consistunt. Cero-
ferarii ad Credentiam consistere tenentur, à lateribus ejus, ac
si non adest locus, constituentur ad extremitates graduum in
plano, & retineant accensos Cereos. Thuriferarius vero ad la-
tus Epistolæ in transversa linea summa de Thuribulum consiste-
re tenetur. Et hujus ordinis schema exprimitur sequenti figura:



2. Ut autem expressa figura clarius omnibus pateat, se-
quens advertenda est literarum explicatio, * denotat D. Abba-
tem Celebrantem Pontificaliter. A Archidiaconum, D Diaconum
Evangelii, S Subdiaconum, L Capellatum de Libro, Dd

Diaconos Assistentes, M Ministrum de Mitra, B Ministrum de Baculo Pastoralis, C C Cerosferarios. F Cæremoniarium, T Thuriferarium, G Ministrum de Gremiali, & I Ministrum designat de Candela parva seu Bugia. Quilibet ergo Minister penset signum suum, & conspiciendo prædictam figuram facillime locum suum inveniet.

3. Consistentes omnes in dictis locis, si in eodem Altari non asservatur SS. Sacramentum præter Celebrantem, qui tantum profundam facit reverentiam, relinqui genascent, ita Rubrica Missalis. Si vero asservatur in Ciborio, etiam D. Abbas deposita prius Mitra, & reddito Pedito, genuflectit. Tum incipit Missam, facit Confessionem in eodem loco, ut in Ordinario Missæ, & dum dicit: *Vobis fratres, & Vos fratres*, atq; *Misceatur Vestri*, convertens se ad Ministros caput eis inclinat. Ministri vero pariter ei respondent in singulari *Et tibi Pater, & Te Pater, & Misceatur Tui*, non autem aliter, scilicet *Reverendissime Pater*, (quia esset contra Regulas Rubricæ, & contra Decreta S. R. C.) præsertim, quia nec Episcopo, nec Cardinali celebranti mutatur. Illa dum dicunt, caput versus D. Abbatem profundius inclinant, & cum D. Abbas inchoat *Indulgentiam Ecce*. Subdiaconus à Cæremoniario capit Manipulum de Libro Evangeliorum, illudq; imponit sinistro D. Abbatis brachio, non tamen extra cubitum, cum osculis Manus, & Manipuli.

4. Finita Confessione, & dicto *Oremus*, Celebrans D. Abbas ascendit ad Altare, dicens: *Aufer à nobis Ecce*. quem ascendentem adjuvant Archidiaconus, & Diaconus, elevantes anteriorem vestis illius partem, & statim mutant loca sua, ascendentem scilicet Archidiacono ad latus Evangelii, & Diacono per gradum inferiorem ad partem Epistolæ. Tunc Subdiaconus sumpto Missali de manibus Cæremoniarum, ascendit ad partem Evangelii, & osculato Altari à D. Abbate, ipse prebet Librum apertum demonstrans Evangelium diei, adjuvante Archidiacono. D. Abbas capiens ambabus manibus dictum Librum osculatur in fronte demonstratum Evangelium. & Subdiaconus recepto Missali, claudit illud, descendit in platium per gradus laterales ad cornu Evangelii, consignatq; dictum Librum in manus Cæremoniarum.

5. Post Osculum Libri Evangeliorum accedit Thuriferarius cum Thuribulo, & navicula, quam Diacono tradit, & ipse Ministrat ignem in thuribulo. Diaconus sumpta navicula cum debitis osculis porrigit cochlear D. Abbati. petitq; benedictionem ut supra. Et D. Abbas stans sine Mitra ad Altare imponit,


ponit, & benedicit incensum more solito, Thuriferario semigenoflexo, & Diacono inclinato. Tum Diaconus tradens Thuriferario naviculam, & fumeus ab eo thuribulum, cum debitis osculis tradit illud D. Abbati, qui sumpto thuribulo de manu Diaconi sine Mitra incensat Crucem, & Altare eodem modo quo apparet per ordinatos Numeros infra in Figura 1.

6. Incensato Altari D. Abbas reddit Thuribulum Diacono in cornu Epistolæ, & sumpta Mitra à Diacono assistente, stans ibidem manibus junctis à Diacono Evangelii stante in plano ipsius cornu Epistolæ triplici ductu incensatur, & statim nihil dicens facit super eo signum Crucis dextera. Quo facto recta descendit ad medium plani Presbyterii, ita, ut non vertat terga Crucis in medio Altaris esistenti, & facta in plano Crucis reverentia, adhuc in Mitra, acceptoque Pedito, medius inter Diaconos assistentes vadit ad sedem sibi paratam, quem sequitur Archidiaconus; alii etiam D. Abbatem sequuntur, qui ei ibidem inservire debent. Diaconus vero Evangelii & Subdiaconus remanent ad gradus Altaris, sicut & Ceroferarii donec D. Abbas introitum dixerit.

7. Stans ergo D. Abbas in sede sua, deposita Mitra, & facto sibi signo Crucis versus Altare legit Introitum ex Libro, quem tenet Capellanus supra caput suum, ministro candelam parvam vulgo *Bugiam* à dextris Capellani tenente. Archidiaconus ostendit quæ sunt legenda; & vertit folia. Deinde D. Abbas cum suis Ministris alternatim dicit: *Kyrie eleison*, idemque dicunt Diaconus, & Subdiaconus inter se ad gradus Altaris stantes.

8. Repetito novies *Kyrie eleison*, si adhuc Chorus non terminaverit Cantum suum, D. Abbas accepta Mitra sedet, quam ei imponit Diaconus assistens, Minister vero de Gremiali deservit illud plicatum ante pectus, & tradit alteri Diacono assistenti, qui illud super genua D. Abbatis sedentis cum debitis reverentiis ante, & post extendit, pariterque omnes sedent, scilicet Presbyter Assistens ad dexteram D. Abbatis, prope sedem. Diaconi assistentes, unus ad dexteram, & alter ad sinistram in scamnis, quasi a tergo sedis. Diaconus Evangelii in altera parte ex opposito Archidiaconi sedet, habens ad sinistram suam Subdiaconum pariter sedentem, non tamen directe contra sedem D. Abbatis. Aut si non sint sedilia parata, Diaconis assistentibus in locis supra expressis stantibus, Diaconus ante medium Altaris ascendit ad 2. gradum, Subdiaconus in medio plani post Diaconum, ibique stant, Archidiaconus tamen sedere debet. Reliqui etiam

etiam Ministri inferiores semper stant, videlicet Ceroferarii vel à lateribus Credentiæ, vel ad extremitates graduum Altaris. Capellanus de Libro à sinistris sedis Abbatialis. Minister de Mitra ad dexteram partem sedis, ut habeat commoditatem porrigendi, aut recipiendi Mitram. Minister de Baculo ad sinistram sedis partem, in linea recta Diaconorum assistentium. Ministri de Gremiali, & de Candela, prope Capellanum facie ad Altare conversa. Thuriferarius, cum Cæremoniaro ex opposito sedis Abbatialis stabunt, reportato prius thuribulo in Sacristiam. Hujus ordinate locorum situationis. Schema sit hoc vel illud.



9. Dum à Choro cantatur ultimum *Kyrie eleison*, surgunt, omnes, aufertur D. Abbati adhuc sedenti per Diaconum assistentem secundum gremiale, quod traditur Ministro de eo, & dictus Minister illud osculatur, plicat, & retinendo ante pectus recedit. Tum aufertur Mitra per Diaconum assistentem primum, & traditur Ministro de ea. Subbiretum vero, seu amulla, à Presbytero Assistente aufertur, complanatis bene capillis. Finito ergo à Choro *Kyrie*, D. Abbas surgit, adjuvantibus Ministris, & versa facie ad Altare ex allato ante eum Libro, qui ordinarie vocatur Canon, cantat de more: *Gloria in excelsis DEO*, extendens, elevans, & iterum jungens manus, & ad Verbum *DEO* caput inclinans. Librum vero tunc sustinet supra Caput Archidiaconus, quem regulariter sustinere eo modo debet. Quoties D. Abbas aliquid alta voce cantat in sede, secus quando D. Abbas submissa voce legit, tunc enim cantato à D. Abbate e. g. *Gloria in excelsis DEO*, vel *Credo in unum DEUM*, statim Capellanus de Libro recipit illum de manibus Archidiaconi, ipseque eodem mo-

modo sustinet. Diaconi vero assistentes hinc inde indicant manu legenda, & folia vertunt si necessitas exigit.

10. Postquam D. Abbas incipit cantando prefatum Hymnum, prosequitur illum submissa voce cum suis Ministris simul; Diaconus vero & Subdiaconus ascendentes ad Altare, eundem recitant hymnum, vel si sedent ex opposito, in locis suis consistentes recitant. Hymno submissa voce finito D. Abbas sedet, Mitram, & Gremiale sumit, ab iisdem ut ante, Archidiaconus pariter sedet, reliqui Ministri ut ad *Kyrie* vel sedent, vel stant, in locis suis superiori figura expressis, usquequo perficiatur Hymnus Angelicus per Chorum cum Organo. Finito à Choro Hymno, D. Abbas surgit depositis prius Gremiali, & Mitra, surgentibus prius ceteris, Diacono & Subdiacono ad latera D. Abbatis advenientibus, ita ut Diaconus à dextris Archidiaconi, & Subdiaconus à sinistris Capellani de Libro, se collocent. Et D. Abbas vertens se ad populum elevatis, & statim junctis manibus, cantat *Pax vobis*. Deinde convertitus ad Altare extensis, & junctis manibus cantat *Gremus*, & Orationem currentis diei tam, vel plures, prout docet Rubrica Missalis, ad has verò Orationes Archidiaconus librum tenet supra Caput. Decantatis Orationibus D. Abbas sedet cum Mitra, & Gremiali, & Lectionem legit ad quam Capellanus de Libro tenet Missale genuflexus. Notandum hic est specialiter quod D. Abbas in Missa Pontificali tantum dicere debet *Pax vobis* tunc, quando dicitur *Gloria in excelsis DEO*, alias tantum dicere deberet *Dominus vobiscum*, & non *Pax vobis*. In Missis privatis nunquam debet dicere *Pax vobis*, sed *Dominus vobiscum*, quia sic expresse præcipiunt Decr. S. R. C. & p. m. Benedictus XIV. P. M. Lib: de Sacrificio Missæ id omnino prohibitum affirmat.

11. Circa finem Orationis unicæ, seu ultimæ Subdiaconus factis debitis reverentiis, D. Abbati, & Altari, accipiens Missale à Cæremoniario, eodemq; comite, accedit ad infimum gradum in latere Epistolæ, tenens ipse sibi Librum, & cantat Epistolam tono consueti. Qua finita, & factis debitis reverentiis, portat eodem modo, quo supra, Librum clausum ad D. Abbatem, quem, genuflexus, porrigit supra genua tenens, & manum dexteram illius super Libro positam reverenter osculatur, & accepta benedictione redit ad Altare, una cum Diacono, Cæremoniario Librum reddit, & consistit in eo loco, ubi ad Psalm: *Judica me*, Diaconus stabat, pariter Diaconus in eodem loco constitit, ubi tunc Archidiaconus stabat, expectantq; in dictis locis, donec fuerit tempus procedendi ad Evangelium. D. Abbas interim,

terim lecta Lectione cum Mitra sedens, recitat *Graduale*, five *Tractum*, vel *Alleluia*, & adveniente Subdiacono post decantatam Epistolam, præbet ei manum extensam supra Missale ad osculum, & eo completò, nihil dicens, facit super eo signum Crucis. Thuriferarius autem finita Epistola, asportat de Sacristia thuribulum cum igne, & in loco, supra notato consistit.

12. Dicto Graduali, vel Tractu, D. Abbas depositis Gremiali, Mitra, & Subbireto, surgit, & aliquomodo versus Altare inclinatus, manibus ante pectus junctis, dicit: *Munda cor meum. Sube Domine, & Domine: sit in Corde meo &c.* tum erectus dicit: *Domine vrbisum*, cui Diaconi assistentes respondent itantes, & legentium titulum Evangelii signat pollice dextro textum Evangelii, postea seipsum à fronte, ore, & pectore, mox junctis ante pectus manibus prosequitur Evangelium, quo finito Ministri respondent *Lus tibi Christe*. Capellano tenente Librum supra caput ad Evangelium.

13. Perlecto Evangelio D. Abbas capit Mitram & Gremiale à Diaconis assistentibus, Diaconus vero Evangelii, accepto prius à Cæremoniario Missali, desert, & collocat illud in medio Altaris, & genuflexus in supplexaneo, inclinatusq; dicit secreto: *Munda Cor meum*. Interea Thuriferarius, comite Cæremoniario, cum solitis reverentiis, accedit ad D. Abbatem, ibiq; tradita Archidiacono navicula, offert thuribulum semigenuflexus ad incensum ponendum: Archidiaconus vero accepta Navicula, extrahit cochlear, cum debitis osculis porrigit illud D. Abbati, petitq; benedictionem more solito, ut supra innuimus. D. Abbas imponens thus in thuribulo, dicensq; *Ab illo benedicaris &c.* facit signum Crucis manu dextera, & Thuriferarius recepta navicula, & factis debitis reverentiis, recedit ad Altare ad Cornu Epistolæ, ibiq; expectat, donec tempus sit Cantandi Evangelii.

14. Benedicto Incenso, Diaconus accipit Librum Evangeliorum clauum de Altari, porratq; illum ante pectus ambobus manibus, & comite, à sinistris Subdiacono, præcedentibus Ceroferariis cum Cereis accensis, procedit ad D. Abbatem, coram quo genuflexus petit benedictionem dicendo voce intelligibili: *Sube Domine b.n. dicere*, cui D. Abbas benedicit: dicens: *Domine sit in corde tuo &c.* & facit super eo signum Crucis, ac postea ponit manum supra librum, & Diaconus eam reverenter osculatur; Subdiaconus vero & Ceroferarii interim stant in-linati. His peractis Diaconus, Subdiaconus, & Ceroferarii factis debitis reverentiis recedunt ad Altare eo ordine, quo venerant ad sedem, consistuntq; ut prius in locis suis, nisi statim cantandum esset

Evan.

Evangelium, quia tunc restat ad locum cantandi Evangelii procedere debent.

15. Cessante Organo, veniunt prædicti ad locum Evangelii ibique Diaconus intonat illud, & D. Abbas, depositis Gremiali, Mitra, & Subbireto, surgit, & cum decantatur *Sequentia* vel *Initium Sancti Evangelii* &c. sumpto in manu sinistra Baculo Pastoralis, signat se pollice dextro in fronte, ore, & pectore, quod & cæteri Ministri, non habentes impeditas manus faciunt. Retinet D. Abbas Pedum inter ambas manus suas junctas, toto tempore cantati Evangelii, stando versus Diaconum, & partem curvam Baculi Pastoralis versus illum convertendo. Ad nomina tamen *JESU* & *MARIE* inclinatur ab omnibus caput. Diaconus in decantatione Evangelii ita se locat, ut non vertat terga D. Abbati, nec Subdiaconus, & Ceroferarii Altari. finito Evangelio Ceroferarii factis debitis reverentiis revertuntur ad loca sua, pariter & Diaconus, Subdiaconus vero nulla prorsus facta reverentia, etiamsi esset expositum Sacramentum, desert librum osculandum D. Abbati, qui dimisso Baculo Pastoralis illum in principio Evangelii osculatur, dicens: *Per Evangelica dicta* &c. Hæ ab Archidiacono triplici ductu incensatur, cui, nihil dicens, benedicit, manu dextra signum Crucis super eo faciens.

§. 3.

De Progressu Missæ Solemnis in Pontificalibus, à Symbolo, usque ad elevationem.

1. Incensato D. Abbate, Archidiaconus statim, facta reverentia ei, reddit Thuriferario thuribulum, & mox sumit à Capellano Librum, eumque tenet supra Caput suum donec inchoatum fuerit Symbolum. D. Abbas autem conversus ad Altare, elevatis, & statim junctis manibus intonat: *Credo in unum DEUM*, quod, cum Ministris submissa voce prosequitur, & Capellanus, postquam Symbolum intonatum fuerit capit Librum, & in loco Archidiaconi eundem sustentat, & nec ad *γ*. *Et incarnatus est*, genuflectit, licet omnes alii Ministri una cum D. Abbate genuflectant. Thuriferarius ad initium Symboli præmissis conventis reverentiis redit in Sacristiam, reversurus mox ad locum suum pristinum. Diaconus, & Subdiaconus ascendunt ad Altare, ibique dictum Symbolum recitant, reversuri ad loca sua.

2. Recitato Symbolo D. Abbas accipiens Mitram, & Gremiale, sedet, reliqui autem Ministri ita se collocant, sicut ad Hymnum Angelicum. Dum autem Chorus incipit canere *ψ. Et incarnatus est.* D. Abbas cum Mitra inclinat se tantum, sedens in sede sua, donec perficiatur dictus Versiculus, exceptis: Festo Annuntiationis B. V. M. & tribus Missis in die Nativitatis Domini, nam in his juxta disp: Pontif: Rom: apud sedem suam cum Mitra genuflectere debet.

3. Completo dicto *ψ. Et incarnatus,* usq; ad verba *Et Homo factus est,* non expectando *ψ. Et Resurrexit,* Diaconus accedit ad Credentiam, & capit de manu Cæremoniarum bursam cum Corporali, quam ambabus manibus ferè ad oculos elevans, decenti mora, ac gressu, solitis, cui competit, non pratermissis reverentiis, portat ad Altare, ad quod solus accedens, in medio extrahit Corporale, explicat super Altare, bursam seorsum in eodem Altari ad cornu Evangelii collocat, & sine mora redit ad locum suum, ubi à principio Symboli consistebat.

4. Finito jam & per Chorum Symbolo, D. Abbas surgit, depositis Gremiali, & Mitra, & conversus aliquantulum ad Populum, cantat *Dominus vobiscum,* tum vertens faciem ad Altare, manusq; elevans ac jungens, ac caput modice inclinans canit *Oremus.* Mox voce submissa legit Offertorium adhuc stans ex Libro, quem tenet Capellanus de eodem serviens. Perlecto Offertorio D. Abbas sedet, accipit Gremiale & Mitram; extrahit Annulum Archidiaconus, & Diaconi assistentes extrahunt Chirothecas, quas tradunt Ministro de Gremiali, ut eas statim deferat ad Credentiam. Accedentibus Ministris sæcularibus, aut etiam Ceroferariis, quod magis conveniret ad Altare, lavat, & tergit manus D. Abbas, ut supra, resumitq; Annulum. Interim Archidiaconus præmittit Capellanum de Libro, qui Librum portet ad Altare, eumq; ad Cornu Evangelii reponat super pulvino apertum in folio, ubi sunt ea quæ D. Abbas lecturus est, ibiq; extra cornu Evangelii, ipse in gradibus expectet. Præmittit pariter ministrum de Candela, seu de Bugia, ut eam in Altari penes Librum collocet.

5. D. Abbas exteris manibus, & deposito Gremiali surgit cum Mitra, & accipiens sinistra Baculum Pastoralem, præcedente Archidiacono, medius inter Diaconos assistentes, subsequens vero cæteris Ministris, procedit per planum ad Altare, ubi ante infimum gradum Altaris depositis Pedito, & Mitra, una cum Subbireto, faciatq; debita Cruci, vel Tabernaculo reverentia, adjuvantibus à sinistris Archidiacono, & à dextris

Diacono Evang: cum in platio expectante, ascendit ad Altare, quod in medio osculatur, manibus hinc inde extra Corporale extensis.

6. Subdiaconus tunc, quando D. Abbas extergit manus, comite Cæremoniario accedit ad Credentiam, ubi velum oblongum imponit humeris suis, adjuvante eodem Cæremoniario, & ita aptat, & firmat, ut pars à dextris pendens sit longior, quam altera, velum parvum, si est supra calicem deponit, & plicat, ac longiori parte vel sui cooperit Calicem, cum Patena, sinistra nodum Calicis sustentans, & dexteram suam supra velum, & Patenam apponens, ne aliquid decidat, procedit ad Altare cum Cæremoniario, ubi remota parte Veli longiore per Diaconum, Calicem cum Patena collocat super Altare in cornu Epistolæ. Subdiaconum subsequitur Acolythus Urceolos vini, & aquæ portans in aliqua pelvicula, sumptos ex eadem Credentia. Et Diaconi assistentes, ceteriq; Ministri collocant se in locis suis, ut à principio Missæ notatum est, ibiq; perseverant usq; ad finem.

7. Diaconus de manu Subdiaconi mox capit Patenam cum Hostia, quam D. Abbati sub debitis osculis porrigit, qui illam ambabus manibus ante pectus elevatam tenens, & oculos sursum dirigens, dicit: *discipe Sancte Pater* &c. & in fine cum ea signum Crucis faciens, collocat Hostiam super Corporale, Patenam vero ponit super Altare ad cornu Epistolæ, & non sub corporali. Interim Diaconus exterfo Calice, accipit de manu Subdiaconi ampullam Vini, quam illi Acolythus ministrat, & intundit proportionatè Vinum in Calicem; Subdiaconus vero ampullam aquæ parumper versus D. Abbatem elevans, dicit: *Benedicite Pater R. v. rendissime.* Et D. Abbas dicens junctis manibus orationem: *DEUS qui humanæ substantiæ &c.* vertus ampullam aquæ format signum Crucis, & statim Subdiaconus intundit patriculum aquæ in eundem Calicem. Quem porrigens Diaconus in manus D. Abbatis, non intermittit osculum ejus, & manus.

8. D. Abbas sumens ambabus manibus Calicem, dextera scilicet nodum, & sinistra pedem, offert illum simul cum Diacono, tangente una manu pedem calicis, videlicet dexteram, & altera alias sinistra sua, sustentante brachium D. Abbatis dextrum, cum quo etiam dicit submissa voce Orationem: *Offrimus Tibi Domine* &c. qua dicta, eundem Calicem, facto prius cum eo signo Crucis, ponit super Corporale, Diacono palla cooperiente, & statim Diaconus sumens Patenam ex Altari, ponit eam in manu dextera Subdiaconi, sine Purificatorio, ac extremitate Veli ab ea

pendentis parte, contegit, quam Subdiaconus descendens in platum, in medio ante gradus stans, ut notatum est superius, in secundo schemate, sustinet elevatam ante pectus, usq; ad *Pater noster* &c. nec movet se, nisi cum ad elevationem SS. Sacramenti genuflectit: Celebrans vero D. Abbas Missam prosequitur usq; ad verba: *Et benedic hoc Sacrificium* &c. juxta Rubricas Missalis Romani.

9. His dictis, accedit Thuriferarius ad Altare per gradus laterales, & tradita Diacono Navicula, ministrat ignem in Thuribulo semigenusflexus, Diaconus accepto cochleari porrigit illud D. Abbati, cum debitis osculis cochlearis, ac manus, petitq; benedictionem dicendo: *Benedicite Patr Revrendissime*. D. Abbas stans sine Mitra imponit, & benedicit incensum inter verba: *Per intercessionem* &c. Tum accipiens Thuribulum de manu Diaconi, inter verba: *Incensum istud* &c. thurificat oblata ad normam figuræ II. postea dicendo: *Dirigatur Domine* &c. incensat Altare ad Normam figuræ I. Reddit dein thuribulum Diacono in cornu Epistolæ dicens: *Accendat in nobis* &c. Et tunc accepta Mitra a Diacono assilans junctis manibus in eodem loco, triplici ductu incensatur a Diacono Evangelii.

10. Lavat postea manus D. Abbas more solito, cum Mitra stans in eodem loco, ubi incensabatur, dicens Psal: *Lavabo inter innocentes* &c. ministrante tunc Manutergium Cæremoniario, aut alio Acolytho, Librumq; tenente Capellano. Diaconus postquam incensaverit D. Abbatem, parum recedens de loco, ut ut non impediat Ministros ad lotionem manuum, thurificat Archidiaconum, aliquomodo post D. Abbatem, sed magis ad dexteram ejus stantem; deinde descendit ad Chorum, habens à sinistris Cæremoniarium, aut Thuriferarium, ibiq; incensat Religiosos in Choro præsentem, unde reversus redit ad gradus Altaris, ibiq; Subdiaconum ad cornu Evangelii aliquomodo remotum duplici incensat ductu; Reddit jam thuribulum Thuriferario, & ascendens 2. gradum Altaris, recedensq; parum ad Cornu Evangelii, thurificatur ab eodem Thuriferario duplici pariter ductu, & postea convertit se ad Altare, ibiq; permanet, ut in altero schemate apparet locus illius.

11. Postquam D. Abbas laverit, & absterserit manus, auferitur ei Mitra & Subbiretum per Diaconum assit: & traditur Ministro de ea servienti. D. Abbas rediens ad medium Altaris dicit de more: *Suscipe Sancta Trinitas* &c. inclinatus, & junctis super Altare manibus, ut in Missali. Convertit se postea ad populum dicendo: *Orate Fratres*, & circulum perficiendo, non tamē

PARS SECUNDA.

77.

men porrigitur ei Baculus Pastoralis, quia de tali actione nihil quidquam innuit *Cerem. Episc.* & nullum hujus rei apparet fundamentum; dicit deinde orationem, seu orationes secretas prout Rubrica exigit.

12. Cum pervenerit D. Abbas ad finem ultimæ Secretæ, positus hinc inde super Altare manibus clara voce cantando profert: *Per omnia sæcula sæculorum*, deinde Dominus vobiscum, & dicens: *Sursum corda*, manus aliquantulum elevat, ac dicens: *Gratias agamus &c.* manus elevatas jungit, atq; in verbo: *DEO nostro*, oculos elevans, ac statim caput inclinans. Mox disjungit manus, easq; extensas tenet ante pectus ad finem præfationis. Et cum dicit: *Sanctus* eas iterum jungit, ac inclinatus prosequitur cætera cum Archidiacono à sinistris, & Diacono à dextris, qui paulo ante *Sanctus* cum debitis reverentiis ad dexteram D. Abbatis accedit: Cum vero dicit: *Benedictus qui venit &c.* erectus signat se a fronte ad pectus, sinistra infra pectus posita, quod pariformiter servant Archidiaconus & Diaconus.

13. Canonem D. Abbas incipit, & prosequitur ut in Missali, cui Presbyter assistens attendit, altando ad sinistram ejus. Interim 4. aut 6. Ministri cottis induti asserunt totidem funalia cære albæ accensa, & factis debitis reverentiis simul genuflectunt, hinc inde à lateribus Subdiaconi tenentis Patenam; Thuriferarius quoq; tempestivè sumpto Thuribulo cum igne expectat elevationem in loco suo ad Cornu Epistolæ. ut i. Schema demonstrat.

§. 4

De continuatione Missæ in Pontificalibus Solemnis, ab elevatione.

1. Quando pervenerit D. Abbas ad illa Canonis verba: *Quam oblationem &c.* Diaconus accedit ad ejus dexteram, attendens ad discooperiendum, & cooperiendum Calicem quando opus est: cum vero SS. Sacramentum elevatur, genuflexus sublevat sinistra extremitatem Planctæ D. Abbatis. Thuriferarius autem posito à Cæremoniario thure in thuribulo sine benedictione, incensat Sacramentum ter ad quamlibet elevationem, genuflexus in ultimo gradu, à latere Epistolæ. Elevato SS. Sacramento Ministri habentes facies ardentes, surgunt, & facta iterum genuflexione recedunt in Sacristiam, & extinguunt eas, (nisi facienda sit Communio Fratrum, quia tunc remanent usque

usque ad finem Communionis) D. Abbas prosequitur Canonem cum debitis Cæremoniis, ut in Missali, Diaconus vero attendit Officio suo.

2. Ad orationem Dominicam dum cantat D. Abbas: *Et dimitte nobis Ec.* Diaconus & Subdiaconus facta genuflexione ascendunt ad cornu Epistolæ, ad Altare, ubi Diaconus detecta Patena, eam de manibus Subdiaconi accipit, quam osculatam, & postea Purificatorio deterfam porrigit D. Abbati, cujus manum etiam Osculatur, reliqua ut in Missali. Subdiaconus tamen tradita Patena Diacono, statim deponit velum, & consignat in manus Cæremoniarum, qui illud reportat ad credentiam; ipse autem Subdiaconus redit ad suum locum, ac prout toto Canone manebat, etiam nunc consistit.

3. *Agnus DEI* dicit D. Abbas cum Archidiacono à sinistris, & Diacono Evang: à dextris, quo ter repetito, Presbyter assistens accedit ad dexteram D. Abbatis, cedente locum Diacono, ibiq; genuflexus expectat, donec sileat recitata tota Oratio: *Domine JhsU Christe qui dixisti Ec.* tum surgit, simul cum D. Abbate osculatur Altare, & extra Corporale, manibus ante pectus junctis. Deinde sinistram suam genam, sinistra pariter genæ D. Abbatis appropinquans, ita ut se leviter tangant, recipit pacem à D. Abbate dicente: *Pax tecum*, respondendo: *Et cum Spiritu tuo*, factaq; genuflexione recedit ad sinistram. Eodem modo accedunt Diaconus, & Subdiaconus unus post alium, genuflectentes prius, & post, non tamen osculantes Altare. Pacem tamen recipientes, ut supra, ab eodem D. Abbate. Diaconus à dextris permanet, Subdiaconus vero accepta Pace, eam tribuit reliquis Ministris sive per osculum, sive per instrumentum juxta consuetudinem Ecclesiæ. Si danda sit Pax vel aliis Prælati, vel cæteris Religiosis in Choro existentibus, tunc Archidiaconus sumpta à D. Abbate Pace, procedit ad Chorum, ut eam tribuat, eo modo, & Ordine ut dicemus infra suo loco: par: IV. cap: VII.

4. Peracta Communione S. Hostiæ, Diaconus transit ad sinistram, cui Archidiaconus cedit locum, recedendo remotius. Tum ad Cornu Epistolæ ascendit Subdiaconus, genuflectens prius in recessu, & in accessu, ubi sumpto SS. Sanguine, capiens Subdiaconus ampullam Vini, altatum de Credentia per Acolythum, intundit in Calicem pro Purificatione, & habens paratum in sinistra Purificatorium, intundit etiam vinum pro ablutione digitorum, sicut & aquam statimq; Purificatorium porrigit ad abnergendos digitos.

5. Sumpta ablutione, Diaconus Assistens imponit capiti D. Abbatis subiretum & Mitram, Archidiaconus vero transfert Missale cum pulvino ad cornu Epistolæ. Et Subdiaconus ascendit ad cornu Evangelii, ibiq; Calicem extergit, & ornat, Corporale plicat & imponit burse, quam ponit super Calicem, & Patenam, reportatq; ad Credentium. D. Abbas imposita Mitra accedit ad cornu Epistolæ, (& non ad sedem, quia nec Episcopus redire amplius debet ad sedem, nisi ad deponenda Sacra Paramenta, ut instruit *Cærem Episc: L 2. c. 8.*) ibiq; stans, deposito in manus Archidiaconi Annulo, lavat manus, & extergit, ministrante manutergium eodem Archidiacono. Tum adjuvante Diacono Evangelii resumit Chirothecas, & Annulum, atq; deposita Mitra in eodem Cornu Epistolæ ad Altare legit Communionem.

6. Dicta Communione D. Abbas redit ad medium Altaris, quod osculatur more solito & vertens se ad populum dicit: *Dominus vobiscum*, & reversus ad cornu Epistolæ dicit *Oremus* decantat anam, vel plures Postcommuniones, quemadmodum ab initio Orationes; in fine Librum non claudit, sed claudendum relinquit Archidiacono. Quibus dictis & à Choro responso *Amen*, accedit denuo D. Abbas ad medium Altaris, osculatur illud in medio, & vertens se ad populum per latus suum dextrum cantat *Dominus vobiscum*, & expectat sic stans donec Diaconus terminaverit *Ite missa est*, quod nec submissa voce dicit D. Abbas.

7. Diaconus & Subdiaconus dum D. Abbas legit Communionem, & Cantat Postcommuniones, stant post eum in eodem cornu Epistolæ primus in 2. gradu, & alter in plano. Accedente ad medium Altaris D. Abbate, ipsi quoq; accedunt, & in dictis locis ante medium Altaris persistunt. Dicto etiam ultimo à D. Abbate *Dominus vobiscum* Diaconus Evangelii facta prius in suo loco Altari genuflexione, convertit se ad populum, tamen parum de medio recedit, ne terga vertat D. Abbas, & cingat in tono Solemni, convenienti tamen lesti vicari *Ite missa est*. Subdiacono interim immobiliter permanente, & non se vertente. Finito per seate *Ite missa est* & non prius Diaconus simul cum D. Abbate vertunt se ad Altare per latus Epistolæ.

8. Statim itaq; conversus ad Altare D. Abbas, junctis manibus, inclinatus, dicit submissa voce, *Paceat tibi Sancta Trinitas* &c: Quo dicto erigit se, & imponitur ei Mitra, ad dandam benedictionem Solemnem, quam absolute incipit

à γ. *Sit Nomen Domini benedictum.* Et non præmittitur *Humiliate &c:* quia est expresse contra mentem Rubricæ, & nullibi hujus admonitionis vestigium apparet, nisi in Quadragesima ante Orationem supra Populum. Originem autem hujus Cæremonię non aliunde haustam Coniicio, quam per abusum inter Episcopos nonnullos invaluisse, ab iis quoq; ad nos derivasse. Benedictio vero Solemnis quomodo danda est, infra declarabimus par. IV. cap. X.

9. Data benedictione, & peracto in ea Circulo, conversus ad Altare D. Abbas deponit Mitram, accedit ad cornu Evangelii, legit Evangelium vel S. Joannis initium, vel currens Dominicæ, signando pollice manus dextræ, & librum, seu tabellam, & seipsum in fronte, Ore, & pectore. Terminato Evangelio, redit D. Abbas ad medium Altaris, ubi resumpta Mitra, & Baculo Pastoralis descendit in planum, ibi facta debita Altari reverentia, atq; Prælati aliis, si aderunt in Choro, eodem ordine quo venerat cum Ministris, redit in Sacrarium, ubi ordinatè sacris exiit paramentis, & rursus indutus Mozetta supra Rochetum pergit ad Genuflexorium, acturus gratias, & oraturus breviter, exinde redit ad Abbatiam, comitante P. Sacrista, & P. Capellano.

10. Ex parte debitarum D. Abbati præstandarum reverentiarum, quando celebrat Pontificaliter, hæc specialiter sunt observanda: quod in accessu ad sedem D. Abbatis, trina semper debetur profunda inclinatio, & in recessu unica; a transeuntibus vero tantum obiter, non tamen accedentibus, unica exhiberi debet inclinatio. Archidiaconus tamen, licet accedat ad incensandum: quia tamen est Minister proximus, & collateralis, atq; nullibi locum habet, nisi ad latus Celebrantis D. Abbatis, maxime, quia & Officium eius exigit breviorē in sua actione moram, & Senium eius (quod huic Officio omnino competit) multiplicatis inclinationibus gravari non debet, ideo & in accessu unicam tantum debet facere inclinationem. Pariter Capellanus de Libro, qui lateri D. Abbatis adherere tenetur, ne propter dictas reverentias aliquando retardet allationem Libri, potius unicam faciat reverentiam. Ita & Cerotiferarii, quia sunt impediti Cereis quos portant, ideoq; ne magnum sit incommodum iis ad plures peragendas reverentias, sufficiet ab illis unica in accessu, & unica in recessu reverentia. Aliter sentiendum est de Diacono, Subdiacono, Thuriferario, Cæremoniaro, aliisq; similibus, licet impeditis Missali, vel Thuribulo, non enim sequitur aliquod incommodum.

Annotatio nonnullorum Decretorum, circa usum Pontificalium, Prælati Episcopo inferioribus, concessum à S. R. C. coram Alexandro VII. P. M. emanatorum.

1. Prælati Episcopo inferiores Cathedram seu sedem fixam, & permanentem in eorum Ecclesiis ne detineant, sed ipsis diebus, quibus ex antiquis Decretis Pontificaliter celebrare est iis permissum, mobili Sede, seu Cathedra utantur, quam nihilominus simplici sericeo panno, Coloris Festivitati congruentis, obducere poterunt, non auro contexto, aut phrygio, sive basilico opere exornato. §. 2.

2. Baldachinum adhibere supra sedem poterunt, non prætiosum, aut aureum, sed simplex, & eo, quod Altari superimponitur, materia, & opere inferior. Ad ipsam autem per duos tantum gradus in Presbyterii superficie stratos ascendatur. §. 3.

3. Præter duos Sacrificii Ministros, Diaconum nempe Evangelii, & Subdiaconum Epistolæ, duo tantum Diaconi cum Dalmaticis, & unic s Presbyter cum Pluviali eis assistant; Duo insuper Capellani, qui de Mitra, & Baculo, ac totidem Accolythi pro Candelabris inserviant. Præterea alii sex Canonici, vel Monachi, duo scilicet Pluvialibus, duo Planetis, totidemq; Tunicellis induti, Divinis hujusmodi interesse valeant; qui tamen non in sedibus, seu Stallis Choralibus, sed in Scamnis absq; poltergalibus, panno viridi laneo coopertis, situ congruo accommodatis, moxq; illinc removendis, confideant. §. 7.

4. Mitram pretiosam (scilicet gemmis lapidibusq; intextam) nisi illis expresse à Sacra Sede indultum, non adhibeant. Sub Mitra Pileolum nigri tantum coloris induant. &c: §. 8.

5. Sacras velles ex Altari non sumant, nisi Pontificaliter Divinis vacaturi. §. 11.

6. Pontificales benedictiones cum trina Crucis productione in Missis tantum Pontificalibus, nec non Vesperis, & Matutinis Pontificaliter indem Celebratis, licere sibi tantum meminerint. Privatim vero Populis, quamvis pleno jure subiectis, nisi expresse ipsis permissum fuerit, etiam Pontificibus induti, per Ecclesiam incedentes, benedicere non præsumant. §. 13.

7. Ecclesiasticam suppellectilem pro servitio duntaxat sacrarum Ecclesiarum, vel Monasteriorum benedicant. §. 18.

8. In Missis privatis, quo ad indumenta, Cæremonias, Ministros, Altaris ornatum, & benedictionis largitionem, à simplici Sacerdote non discrepent. Ac proinde Sacras Vestes induant in Sacristia, &c: §. 21.

His autem (& aliis §. 13.) Sanctissimo relatis & in Congregatione Sacrorum Rituum ordinaria, habita eorum Sanctitate Sua, per Emin: & Rmum Dominum Cardinalem Brancaccium accurate perlectis, mature discussis, Sanctitas sua ea approbavit, & pro omnimoda eorundem observatione Typis mandavit imprimi, ad valvas affigi, & publicari, ut elapso termino sex Mensium à die publicationis eorundem, omnes & singulos usu Pontificalium gaudentes, cum seculares, cum Regulares, quantumvis exemptos, & speciali expressione indigentes afficiant, ac si omnibus, & singulis eadem exhibita, vel personaliter præsentata, incrimata, seu notificata fuissent.

Die 27. Septembris 1659

Et licet Procurator Generalis Congregationis Cassinensis Sanctissimo humiliter supplicaverit, ut dignaretur præcipere Congregationi Sacrorum Rituum, ut quæ Abbatibus Cassinens. particulari Sedis Apostolicæ indulto ex vetitis, ac præter expressa in Decreto novissime super usu Pontificalium edito, adhibere liceat, prævia discussione declaret. Sanctissimus autem Oratoris preces ad eandem Congregationem transiit, rescriptisque per Eminentissimum D. Cardinalem Franciottum notulam dubiorum, supplici libello subnexam, in ipsa Congregatione referri. In omnibus tamen dubiis ordinariæ data est resolutio adstringens ad Observationem anterioris Decreti, præterquam quod ad §. 7. præter taxatos Ministros, adhuc concessit S. R. C. alios quatuor Ministros, Cotta indutos. Hocq; declarationis decretum edidit 12. Junii 1660. Prædictis autem Sanctissimo relatis, Sanctitas sua & approbavit, & Decretum editum die 27. Septembris Anno 1659. omnino exequi, & servari mandavit. Die 20. Julii Anno 1660. Cum subscriptione: J. Episcopi Sabinen. Card. Saccheretti, & Franc: Maria Phœbri S. R. Congr. Secretarii. Qui plura in hac materia legere cupit, adeat Bibliothecam P. Lucii Ferraris sub titulo *Abbat.*

Alia Decreta S. Rit. Congregationis.

1. Qui habet usum Mitræ, & insignium Pontificalium, in Missis etiam privatis benedicit, cum Verbu sit nomen Domini

mini &c: non potest tamen benedicere populo extra actum Celebrationis 25. Maii 1624. sed quia posteriora ligant, hinc P. Murat in *Appendice Decret: S. R. C.* addit: Hoc Decretum refertur à Gavanto, in *Manuali Episc: V. Benedictio. Num: 22.* Verum in Decreto generali emanato Die 27. Septembris 1659. ab Alexandro VII. approbato statutum est, quod huiusmodi Prælati Episcopis inferiores, in Missis privatis quoad indumenta, Cæremonias, &c: & benedictionis largitionem discrepare non debent à simplici Sacerdote; unde neque possunt uti illo ꝑ. Sit nomen Domini benedictum in Missis Pontificalibus taneum possunt dare benedictionem cum trina Crucis productione. Et hæc sunt P. Murati formulae.

2. Facultas concedendi usum Pileoli in Missa spectat ad Papam. 24. Aprilis. 1626. in *Veliterna. S. R. C.*

3. Si accedat ad Regularium Ecclesias Episcopus Titularis Suffraganeus ad Celebrandum Pontificaliter, non debent Regulares ei Baldachinum erigere, quod nec in Ecclesiis suis, nec in exemptis Diæ esibus, nec extra Diæcesim illi competit, quamvis accedat de licentia Ordinarii. 6. Martii 1706. in *Hildesheim. S. R. C.*

C A P U T II.

De Celebratione Missæ Solemnis sine Pontificalibus.

§. I.

De Ornatu Celebrantis, & Ministrorum, ac de inchoatione Missæ solemnæ, usque ad Introitum.

I. S C iendum imprimis: quod Missa Solemnis illa est, quæ cum Ministris Sacris celebratur, & in qua nihil omittitur, quod ad Solemnitatem pertineat. In Festivitatibus Sanctorum Primæ, vel Secundæ Classis duplicium, cantatur statim post Tertiam; unde fit ut Hora Tertia dicatur Sacra, quia Sacris Missarum Solemnis consecrata, & quasi commixta. Ideo si propter terræ frigiditatem, aut alia de causa populus ad Ecclesiam veniat tardius p^o Missa Solemnis audenda, præstat differri tempus recitandi Horam Tertiam, quam cantare Missam de e^o post Sextam, vel Nonam. Ita S. R. C. ex *Allocut in suo Cærem: Dicitur etiam Missa Con-*

ventualis ex *Const. Congr: Nostræ par. 2. cap. 9.* quæ quoties tunc in Cantu Choralis, sive aliquando pia ratione Solemnitatis figuraliter decantari debet, & cui omnes adesse tenentur Monachi, absq; ulla exceptione, juxta tenorem *dist: Const: par. 1. c. 16.* ibi vocatur *Mais Sacrum.* Quæ itaq; Missa Conventualis in omnibus Festis SS. duplicibus, vel semiduplicibus, atq; Dominicis tam in Adventu, quam in Quadragesima, quamq; cæteris quoquomodo Nominandis per totum Annum, semper decantari debet post Tertiam. In feriis vero Adventus, Quadragesimæ, Quatuor temporum etiam Pentecostes, ac Vigiliarum, etiam si sint dies Solemnes, de eadem Feria Missa Conventualis dicitur post Nonam, & non alio tempore. Similiter Missæ Votivæ quæ dicuntur pro re gravi. & cum concursu Populi, dicuntur post Nonam. Denique Missæ Solemnes pro Defunctis, præsertim in die Obitus, die III. VII. & XXX. atq; Anniversario, nec non in Commemoratione, die 2. & 14. Novembris non aliter quam post Nonam celebrari debent.

2. Et quia duplici modo Missa Conventualis, in Monasteriis Nostræ Congregationis decantari solet; *Primo* scilicet sine Ministris Majoribus, in assistentia tantum duorum, vel ad summum quatuor Fratrum superpelliceis indutorum, in qua ipse Celebrans omnia decantat, quæ sunt in Missa decantanda, Fratres verò tantum genuflexi in infimo gradu Altaris manent, & non nisi quæ tempore Missæ lectæ administranda sunt, ea ministrant. *Secundo* vero modo cum Ministris Sacris, videlicet & Diacono, Subdiacono. Ceroferariis duobus, Thuriferario, & Cæremoniario. (quem aliqui vocant: Navicularium) Ideoque prætermisso modo primo, cum & Rubrica expresse doceat quæ agenda sint, & infra nonnulla de Missa privata (quæ parum differt ab ea) innuemus: de altero modo cantandi Missam Solemnem Conventualem, quomodo in ea Cæremonie Ecclesiasticæ observandæ sint, præsentî Capite exponere satagemus.

3. Itaq; pro Missa Solemni Celebranda tempore conventi, Sacellanus in Sacristia super mensam oblongam præparat omnia Paramenta necessaria pro Celebrante, & Ministris, scilicet tres Amictus, tres Albas, & Cingulos totidem, tres Manipulos, duas Stolas, Tunicellam pro Subdiacono, Dalmaticam pro Diacono, & Planetam, seu Casulam pro Celebrante, ita ut Celebrantis Paramenta sint in medio, Diaconi à dextris, & Subdiaconi à sinistris. Color vero dictorum Paramentorum

Festi-

Festivitati conveniens esse debet. Pareatur insuper thuribulum cum Navicula, & Thus intus cum Cochleari pro Thuriferario. Duo Candelabra cum Cereis accedendis pro Ceroferariis. Si autem sit dies Dominicus, & facienda esset Asperio, Aut si esset expositum SS: Sacramentum, & facienda esset Processio, pareatur etiam pro Celebrante Pluviale coloris Festivitati convenientis, quia in eo sine Manipulo, tam Asperio, quam Processio, & non in Casula peragi debet.

4. *Præparetur etiam Credentia, id est mensa aliqua parva à latere Epistolæ, in plano Presbyterii, eiusque mensura sit talis, ut omnia necessaria intra specificata capere possit: hæcque linteo mundo usque ad terram undequaque pendente tegatur. Super eam nec gradus, nec Crux, nec Imago, neque Reliquiæ apponantur, sed in medio collocetur Calix cum Purificatorio mundo, desuper Patena cum Hostia atque Palla lineæ munda etiam desuper, quæ omnia velo parvo coloris Paramentorum cooperienda erunt, anteriori parte usque ad mensam pendente, & Bursa desuper eiusdem coloris, habens intus Corporale ponatur. In dextro Cornu diætæ Credentiæ ponatur pellicula cum Ampullis vino, & Aqua impletis, penes quam manutergium aptè complicatum pro absterione manuum. In sinistra verò parte ponatur Velum oblongum plicatum pro Subdiacono, Coloris Paramentorum. In Anteriori parte Credentiæ ponatur Missale pro Epistola & Evangelio. Missale vero Celebrantis cum suo Cussino ponatur super Altare in Cornu Epistolæ. Instrumentum quoque Pacis ponatur inter Candelabra Altaris ad partem Epistolæ. Si vero in eadem Solemni Missa plures particule, seu hostiæ parvæ erunt consecrandæ, ponatur cum illis Pixis, seu Calix tectus palla lineæ, prope Calicem in Credentia. Insuper Campanula, ad elevationem SS. Sacramenti pulsanda, super eandem Credentiam collocari potest, sicut & Navicula cum thure, tempore Missæ. A latere Epistolæ in plano paretur scannum oblongum, panno viridi coopertum, super quo Celebrans & Ministri sedeant, modo non sit expositum SS. Sacramentum, tunc enim ad Altare stare debent. Hæc autem omnia parata esse debent ante adventum Celebrantis in Sacristiam, ita ut nihil prorsus desit eorum, quæ sunt necessaria quando advenerit.*

5. Hora competenti, & assignata de more scilicet post Tertiam, tam Celebrans, quam Ministri conveniunt in Sacristiam, ibique aliquantulum orant. Acolythi, Ceremoniarius, & Thuriferarius prius lavant, & terunt manus suas, ac vesti-

unt

unt se Cottis, seu Superpelliceis. Dum Celebrans Orationes preparatorias recitat, vel tempestivius, Diaconus, & Subdiaconus lotis prius, ac terfis manibus, capiunt Paramenta Ordini suo congrua, non vero adhuc Manipulos, adiuvantibus Ceroierariis. Celebrans finitis precibus lavat, ac tergit manus, porrigente illi aquam Acolyto uno, & altero Manutergium, hoc tamen præstant nonnisi Superiori, aut in aliqua dignitate constituto, alias vadit ad Lavatorium.

6. Accedit deinde ad Paramenta, quæ sumere debet, dicens ad singula Orationes consuetas. Diaconus, & Subdiaconus capientes singula paramenta Celebrantis, hinc inde adiuvant illum, dum se induit, & præcipue Diaconus omnia tenere operatur, Subdiaconus vero tantum illum adiuvat. Et imprimis offert ei Amictum osculandum in medio ubi parva Crux designata est (hæc enim Crux acu picta semper esse debet, quia & osculum Amictus semper præcipitur) quem prius osculatur ipse prope prædictam Crucem; mox ambo illum diligenter aptant, atque Chordulas ex eo pendentes post tergum ducias, & ante pectus reductas ligant. Albam postea accipiunt, eamque circa Collum, Brachia, & Humeros distendunt, & aptant. Capiunt deinde Cingulum & tradunt Celebranti quo Albam constringat; Cæremoniario interim, aut aliquo Acolyto Albam circumcirca adaptante, ita, ut æqualiter desuat, & vestes omnino contegat.

7. Dum dicta Alba adaptatur, Subdiaconus capit Manipulum illumque à latere Crucis osculatur, & mox offert illum Celebranti osculandum in Cruce, eiusque brachio sinistro applicat, & religat, osculata prius manu eius. Deinde Diaconus Stolum accipiens ambabus manibus, eam deosculatur prope Crucem, & offert Celebranti osculandam in ipsa Cruce, & statim super humeros eius applicat, atque in modum Crucis à Celebrante transversam extremitatibus Cinguli hinc, inde à lateribus connectunt. Si prius Aspersio, aut Processio peragenda esset, Pluviali induitur Celebrans ab iisdem; sin secus Pluvia ei imponitur, & diligenter à dictis Ministris adaptatur, ne impediatur Celebrans. Possunt etiam prædicti Ministri appendere Cingulo Celebrantis, à parte dextra sub ipsa Casula Sudariolum, vel Diaconus secum asportare, ut illud ministret Celebranti prout opus erit. Neque urgeat quisquam, hos actus reverentiales Episcopo, vel D. Abbati tantum exhibendos esse; sed certe *Cærem: Episc: L. 1. c. 9.* videtur ex ipso

ipso titulo cap. docere, ea omnia cuilibet Celebranti Solemniter esse exhibenda.

8. Sic parato Celebrante Diaconus, & Subdiaconus modo, & non prius accipiunt Manipulos suos, cum osculis in Cruce. Acolythi statim post lotionem manuum Celebrantis, ascendunt ad Altare, ibiq; prout in Vesperis, Cereos & Altaris. & suos accendunt, in omni actione uniformitatem servantes. Celebrans cum suis Ministris paratus ministrante Naviculam Diacono, Thuriferario vero thuribulum cum carbonis ardentibus benedicit, & imponit Incensum more consveto. Subdiaconus tunc consistit à sinistris Celebrantis, & Ceroferarii cum accensis Cereis à tergo Diaconi, & Subdiaconi subsistunt.

9. Imposito thure, omnes consistentes in locis suis faciunt simul profundam Cruci, vel Imagini in Sacristia specialiori reverentiam nudo capite, postea Ministri omnes converso erga se Celebranti pariter se inclinant, Celebrante vicissim jam tecto capite se inclinante, & procedunt ad Altare hoc ordine: Præcedit Thuriferarius cum thuribulo fumigante, & à sinistris ejus Cæremoniarius, vel à dextris. Tum Ceroferarii cum Candelabris, & in eis Cereis accensis. Deinde Subdiaconus solus, & post eum Diaconus, ultimo Celebrans: hi tantum tres tecto capite, cæteri nudo incedunt, manibus tamen junctis omnes quicunq; eas non habent impeditas. Si vero Pluviali erit indutus Celebrans, tunc medius inter Diaconum, & Subdiaconum, elevantes sinubias dicti Pluvialis una manu, altera infra pectus posita, procedet.

10. Si procedendo transeant ante Altare majus, ad quod Missa non sit Celebranda modo ibi sit in Tabernaculo SS. Sacramentum asservatum, omnes depositis Birretis genuflectunt; si verò sola Crux tantum, omnes, excepto Celebrante (qui tantum profundam facit reverentiam) etiam genuflectunt Cruci. Si ibi sit expositum Sacramentum, vel super Altare propter Missam, quæ forte ibi celebratur, utrumq; flectunt genu. In dicto tamen transitu, & adoratione sic se disponunt; Diaconus, & Subdiaconus à lateribus Celebrantis, à tergo horum Ceroferarii, denuo à tergo Acolythorum Cæremoniarius, & Thuriferarius. Ante alia Altaria nulla sit reverentia. Si etiam contingat eos transire per Chorum salutant omnes consistendo nudo capite, & inclinando se modicè semel ad hanc, semel ad illam partem; hoc enim omnes Rubricæ præcipiunt.

11. Si Altare ita sit situm, ut Celebrans ad illius medium non possit accedere, quin prius transeat per partem Evange-

lū, tunc Subdiaconus & secundus Ceroſerarius parum retrocedere debent, ut Celebranti ſacilem tranſitum præbeant, cui etiam tunc ſe inclinant. Pariter ſi tranſire debeat per partem Epistolæ, tunc Diaconus, & primus Ceroſerarius retrocedere, & ſe inclinare debebant. Si autem recta linea pergunt ad Altare, dum ad illud accedunt, tunc Diaconus, primus Ceroſerarius, & Cæremoniarius, paululum de medio recedunt ad partem Epistolæ, Subdiaconus vero ſecundus Ceroſerarius, & Thuriferarius ad partem Evangelii, ut ſacilem Celebranti faciant tranſitum.

12. Perveniente Celebrante ante medium infimi gradus Altaris in planum, accedunt ad loca ſua, ſcilicet Diaconus à dextris Celebrantis, & Subdiaconus à ſiniſtris ejus. Ceroſerarius primus à dextris Diaconi, & alter Ceroſerarius à ſiniſtris Subdiaconi. Cæremoniarius cum Thuriferario retro poſt Diaconum & Subdiaconum ſtabunt, omnes in æquali diſtancia, ne unus ſit proximior Celebranti, quam alius. Tum Celebrans Caput detegens, dat Birretum Diacono, qui illud accipit cum quāſi oſculo illius, & Cæremoniario, una cum ſuo, tradit; cui pariter etiam ſuum reddit Subdiaconus, & omnes in eadem linea conſiſtentes genuſcunt ſupra infimum Altaris gradum, ſi ibi ſit Tabernaculum aſſervativum SS. Sacramenti; alioquin ſolus Celebrans profunde ſe inclinat, cæteris ſemper genuſcendentibus.

13. Faſta genuſclexione ſurgunt, & adjuvant Miniſtri Celebrantem ſurgentem, ſuſtentando brachia ejus, quod faciunt ſemper honoris gratia, præſertim ſuperiori, aut alicui in dignitate conſtituto, quando genuſcexit, & ſurgit. Cæremoniarius erectus reportat ad latus Birreta, eaſque reponit in aliquo loco decenti, vel ſupra ſcanum in quo Celebrans, & Miniſtri ſunt ſeſſuri, non tamen ſupra Credentiam, nec ullo modo ſupra Altare, & reſvertitur ad locum ſuum ut prius ſtabat, ita & nunc.

14. Celebrans erectus cum Miniſtris Sacris ſtans, manibus ante pectus junctis, incipit Miſſam, ut in Ordinario Miſſæ, dicens: *In Nomine Patris &c.* & ſe ſignans. Ab hoc itaq; loco nec ipſe, nec Miniſtri advertere debent ad quemquam in alio Altari Celebrantem. Advertat etiam Celebrans, ut ita moderate ſe gerat in iſ, quæ ſui ſunt muneri, ut etiam à Miniſtris modeſtè omnia ſiant, ne cogantur nimia ſeſtinatione peragere, quæ deberent lentè. Cum autem Celebrans ſignat ſe, & inclinatur, reliqui idem faciunt, Thuriferarius, & Ceroſerarius, qui extinctis Cereis genuſclexi, in locis ſuis reſpondere debent.

Dum

Dum Celebrans in Confessione dicit: *Vobis Fratres, & Vos Fratres*, aliquantulum se inclinat ad Ministros stantes, incipiens primo à parte Epistolæ, versus Diaconum dum dicit *Vobis*, & postea versus Subdiaconum dum dicit *Fratres*. Illi verò dum dicunt *Misereatur Tui Ets*, usq; ad finem, profunde se inclinant versus Celebrantem: dum dicunt *Confiteor* inclinant se Altari, & dicentes *Tibi Pater, & Te Pater*, versus Celebrantem.

15. Finita à Ministris Confessione, Celebrans dicit paululum versus ad illos adhuc inclinatos: *Misereatur vestri Ets*, dum dicit: *Indulgentiam Ets*, erigunt, & signant se cum eo. Dum dicit: *DEUS tu convulsus Ets*, iterum se inclinant Ministri, profundius tamen quam Celebrans, qui solus disjungit & jungit manus adhuc inclinatus, dicens *Oremus*. Tum dicens *Aufer à nobis Ets*, ascendit ad Altare junctis manibus, Diacono sinistra manu, Subdiacono dextra Albam, & Vestem ipsius anteriorem paululum elevantibus, altera manu infra pectus admota, quod in similibus semper faciunt. Celebrans ascendens ad Altare, stans in medio osculatur illud ad verbum: *Quorum Reliquia*, manibus super eo positis, Ministri vero Sacri interim genuflectunt, manibus junctis ante pectus, & non super Altare positis, quod semper servant genuflectentes, aut se inclinantes, ita ut nunquam manus super Altare teneant; genuflectunt vero propter primum accessum ad Altare.

16. Osculato Celebrans Altari, ponit, & benedicit thus in thuribulo, Thuriscat Altare, ut suo loco dicemus de Thurificatione par: IV. cap: 2. Cæremonarius amovet Missale de Altari, aut in defectu illius, Thuriferarius. Incensato Altari juxta figuram I. infra positam, Celebrans incensatur à Diacono in Cornu Epistolæ ubi reddidit thuribulum, Diaconus etiam in eodem Cornu Epistolæ in plano consistit ad incensandum, habens à sinistris suis Subdiaconum junctis ante pectus manibus permanentem. Et licet Diaconus se inclinet versus Celebrantem ante, & post incensationem, Subdiaconus tamen nullam facit reverentiam. Cæremonarius stat à tergo Subdiaconi, & Thuriferarius pariter à tergo Diaconi, qui finita Celebrantis incensatione recipit à Diacono thuribulum sine osculis, illudq; deserit in Sacristiam, ac procurat, ne ignis deficiat, postea redit ad locum suum, ubi prius stabat, ibiq; permanet.

§. 2.

De initio Missæ Solemnis ab Introitu, usque ad Evangelium.

1. **F**acta sui incensatione Celebrans, in eodem cornu Epistolæ stans, converit se ad parietem Altaris, habens in 2. gradu à dextris Diaconum, & Subdiaconum in plano à dextris Diaconi in recta linea, manibus junctis, legit solus submissa voce Introitum ex Missali, signans se cum Ministris, & ad *ŷ. Gloria Patri*, inclinat se versus Crucem cum iis. Dicto Introitu adhuc ibidem dicit cum Ministris alternatim *Kyrie eleison*, quo dicto, si sedendum erit, statim descendunt in planum, facta prius ab omnibus erga Crucem Altaris inclinatione, ibique sedent, donec à Choro perficiatur, modo, quo intra. Si vero standum erit: tunc recitato *Kyrie eleison*, accedunt simul ad medium Altaris, Celebrans scilicet penes tabulam Altaris, Diaconus per 2. gradum, & Subdiaconus per planum, non vero per gradus, venientes ad loca sua Ministri genuflectunt, ibique persistunt, videlicet Diaconus in 2. gradu post Celebrantem, & Subdiaconus in plano à tergo Diaconi omnes in medio.

2. Finito per Chorum, *Kyrie eleison*, permanentibus in locis suis Ministris, Celebrans decantat Hymnum *Gloria in excelsis DEO*, & dum dicit *Gloria* disjungit manus, quas ante pectus junctas tenebat, & non supra Altare positas: dicens in *excelsis* eas disjunctas elevat usque ad humeros: dicens *DEO*, eas iterum jungit ante pectus, non elevans oculos, sed tantum caput inclinans, pariter Ministri in locis suis ad verbum *DEO* caput inclinant.

3. Decantato à Celebrante initio Hymni Angelici, Diaconus & Subdiaconus in locis suis genuflectunt, & non prius: tum Diaconus stans in 2. gradu aliquantulum recedit versus Cornu Epistolæ, expectans paulisper Subdiaconum, qui ascendit ad eundem gradum, paululum versus Cornu Evangelii, & sic ambo hinc inde simul ascendunt ad litora Celebrantis, (quod sic semper faciunt, quotiescunque simul ascendunt ad Altare) ubi jam non genuflectunt, sed stantes manibus junctis submissa voce totum Hymnum recitant, quem Celebrans post inchoationem non prosequitur solus, sed Ministris expectat, eum quibus non alternatim, sed simul recitat; dictique Ministri non præveniant in recitatione prælati Hymni, sed potius subsequantur Celebrantem, & ita, ut ipse Celebrans aliquantulum altius, quam illi, recitet.

Quod

Quod semper facere debent in simili casu, cum eo se inclinantes, & signantes in fine, & dum dicunt Amen, pariter jungant manus.

4. Hymno dicto, si sedendum erit, quod decet, facta debita à Celebrante reverentia, & à Ministris genuflexione, semper per breviorē viam, id est per latus Epistolæ unus post alium præcedente Subdiacono procedunt ad sedem paratam in plano, ubi Celebrans prius sedet elevantibus Ministris posteriorem Planetæ partem, & caput operit Birreto semper & nunquam Pileo, quem porrigit ei Diaconus, cum quasi osculo dicti Birreti. Diaconus ad Celebrantis dexteram, & Subdiaconus, ad sinistram sedent, facta tamen prius debita reverentia Celebranti, & postea caput tegunt. Sic sedentes, manus super genua, hinc, inde expansas, aliquantulum à se invicem distantes, digitis tamen simul junctis teneant, talemque ordinem servant in sedendo, & surgendo, ut aliquantulum prius Celebrans quam Ministri sedeant, & caput tegant; Ministri vero prius surgant, & caput detegant, quam ille. Sedente Celebrante, dum Chorus ea canit verba ad quæ debet fieri inclinatio, Annuente Cæremoniarario (qui tunc ex opposito Celebrantis, una cum Thuriferario stare debet) Celebrans, & Ministri caput denudatum inclinent, & postea tegant, sicut & cæteri in Choro existentes.

5. Circa finem Hymni, dum scilicet cantatur *Cum Sancto Spiritu*, ad quod non se denuò signant, Celebrans adhuc sedens dat Birretum suum Diacono, quod acceptum cum quasi osculo deponit in loco suo, sicut & suum: similiter Subdiaconus, suum deponit. Aperto itaque omnes capite, & facta inclinatione Celebranti unus post alium longiori via, scilicet per planum ad Altare procedunt, advertens Diaconus ut prope angulum infimi gradus Altaris transeunti Celebranti locum cedat, eique se inclinet; & facta in infimo gradu ab iis debita reverentia, Celebrans ascendit ad Altare, Ministris elevantibus anteriores simbras Vestis illius usque ad 2. gradum, ad quem etiam Subdiaconus ascendit, & postea descendit in planum. Diaconus vero remanet in dicto 2. gradu, & constitit in medio post Celebrantem. Subdiaconus autem in plano post Diaconum. Celebrans reversus ad Altare illud osculatur in medio, quod semper facit, quoties accedit de fede ad Altare, nisi statim illud osculari debeat ex Rubrica, sufficit enim semel illud osculari tunc tempore præscripto.

6. Si Celebrans non sedet cum Ministris ad Hymnum, quod maxime deceret coram SS. Sacramento exposto, stant omnes ad Altare, quasi pares, paulo tamen post Celebrantem, ea scilicet distantia, qua ab Altari distant, ita enim docet *Gravatus p. 2. tit. 4. n. 7.* & alii. Et cum à Choro dicitur Cum Sancto Spiritu, Ministri facta in eodem loco genuflexione, descendunt ad priora sua loca, stantq; unus post alium. Terminato Hymno, Celebrans osculatur Altare, & manibus junctis ad populum se convertens, extendens, elevans, & iterum iungens manus dicit *Dominus vobiscum.* Ministris stantibus post eum, qui non se inclinant in huiusmodi conversionibus. Quo dicto omnes procedunt unus post alium sine ulla genuflexione ad cornu Epistolæ, ubi Celebrans dicit *Oremus* inclinans se Cruci Altaris, sicut & Ministri; hi tamen manus non extendunt, sed solus Celebrans, & dicit orationem unam, vel plures, ut Rubrica Missalis permittit, elevante interim Librum Diacono. Et quemadmodum Celebrans inclinatur Caput Cruci Altaris, ita & Ministri dictam reverentiam intermittere non debent.

7. Quando in Missis de Fecia ante Orationem dicitur *Plaudamus genua*, Diaconus statim, ut incipit ea verba dicere, ipse primus omnium genuflectit, tum omnes alii cum eo utroq; genu excepto, Celebrante, (qui neq; unigo, genu flectit) Subdiacono vero dicente, *Levati* omnes surgunt cum eo, illo tamen præveniente ad Inchoationem solam vocis *Levati*, & jam ita omnes ad Orationem quæ sequitur. Ad Orationis finem neque Diaconus neque Subdiaconus tenentur respondere *Amen*, quia sufficit, si Chorus respondeat: idem dicendum est de aliis, ad quæ Chorus respondet.

8. Circa finem Orationis unius, vel ultimæ Cæremoniarum de Credentia accipit ambabus manibus Librum Epistolæ, per eius latera, & elevatum tradit Subdiacono stanti in loco, ubi prius: qui eundem pariter ambabus manibus accipit, versa facie ad invicem, abaq; ullis oculis, sed cum magna mediocri inclinatione. Et Subdiaconus portans sibi Librum elevatum ante pectus, eum tenens per partem interiorem ambabus manibus ibi suppositis, ita, ut pars quæ aperitur sit versus brachium dextrum, procedit ad medium infimi gradus per planum, comite Cæremoniarario ad sinistram, ubi genuflectit unico genu, mox surgens, redit eadem via ad locum, ubi cantari solet Epistola, & tenens ibi Librum versus Altare, decantat alta, & sonora voce prædictam Epistolam.

9. Dum Subdiaconus canit Epistolam, Cæremoniarius stat ad sinistram illius, ubi non in recta linea, sed aliquantulum post eum stare debet, ac folia vertere, si opus est. Diaconus autem sicut ad Orationes, ita & ad Lectionem permanet ad dextram Celebrantis, statq; in 2. gradu pro situ loci. Celebrans legens submissa voce Epistolam & alia, usq; ad *Munda Cor meum* exclusivè, manus supra Librum positas habet, ita Rbr Miss: Diaconus tamen vertit folia Celebranti si opus sit, neque inde discedit, donec Subdiaconus finierit canere Epistolam. In fine Epistolæ, quam legit Celebrans, Diaconus respondet: *Deo gratias*, & genuflectit cum Celebrante ad ea, ad quæ certis locis præscribitur genuflexio.

10. Decantata Epistola Subdiaconus statim claudit Librum, quem ut prius portat, & accedit per planum primum ad medium infimi gradus, ubi genuflectit, surgit, & mox comite eodem Cæremoniario accedit ad Celebrantem in cornu Epistolæ per gradus laterales, ubi genuflectens super altiori, ex iis, gradu, & Libri Superiorem partem desiciens versus Celebrantem, dexteram eius super Librum Epistolarum positam in parte exteriori osculatur, & ab eodem Celebrante aliquantulum ad se converso, eadem dextera benedicitur, retenta manu sinistra super Altari. Diaconus vero tunc retrocedit paululum, ut Subdiacono genuflectenti cedat locum.

11. Celebrans data benedictione Subdiacono, procedit ad medium Altaris manibus junctis, ibiq; dicit: *Munda Cor meum &c: & Jube Domine &c:* Subdiaconus interim reddens Librum clausum Comiti suo Cæremoniario, capit Missale de Altari & solus, illud clausum, (ita decidit Marcellus L. 2. c. 3.) cum Cussino desertante pectus ad cornu Evangelii, per planum, & non per gradus, stat in medio genuflectione: sicq; illud locat, ut posterior pars Libri respiciat cornu Altaris, non vero parietem; ibiq; Celebranti ad ejus sinistram ministrat, sustentans sinistra sua Libram, vertensq; folia dexterâ, signans se pollice dextro in fronte, ore, & pectore cum Celebrante, ac genuflectens cum eo, si opus est; respondens etiam *Et cum Spiritu tuo. Gloria tibi Domine.* & in fine *Laus tibi Christe.*

12. Celebrans legit submissa voce Evangelium ut in Missali, in cuius fine non osculatur Librum, nec dicit: *Per Evangelica dissi &c:* sed recedit à Cornu Evangelii, & accedit sèrè ad medium Altaris, ita, ut sit inter medium Altaris, & cornu Evangelii, ubi tandem semiconversus stat, donec Diaconus, acceperit benedictionem incensi, & sui. Diaconus autem, dum adhuc Celebrans inchoavit Evangelium lege.

legere, capiens de manu Cæremoniarii, pariter ut Subdiaconus, Librum Evangeliorum, adhuc in cornu Epistolæ, deferret illum solus ad Altare per planum, & ascendit per anteriores gradus illius, dum pervenerit ad medium plani, in infimo gradu genuflectit, dictumq; Librum Evangeliorum super medium Altaris quasi iacentem collocat, & statim facta ibidem iterum genuflexione accedit ad finitram Celebrantis, ibiq; quasi medius inter ipsam, & Subdiaconum audit Evangelium manibus ante pectus junctis.

13. Evangelio finito à Celebrante Subdiaconus collocat Librum propius ad medium Altaris, & facta ibidem genuflexione descendit in planum per gradus laterales, & stat post Diaconum. Thuriferarius circa finem Epistolæ parat ignem in Thuribulo, & dum Celebrans terminat legere Evangelium, dictus Thuriferarius sine mora accedit per gradus laterales Epistolæ ad Altare, ibiq; facta genuflexione ministrat Naviculam Diacono, & Celebrans stans prope medium Altaris imponit & benedicit incensum more solito, Subdiacono stante in plano in loco suo. Thuriferarius itaq; recepta à Diacono Navicula, descendit per gradus laterales Epistolæ, facta prius genuflexione in recessu, & redit ad locum suum.

14. Diaconus reddita Navicula Thuriferario, statim genuflectit super suppedaneum Altaris, dicitq; manibus ante pectus junctis, inclinatus: *Munda Cor meum &c:* quo dicto surgit, & ambabus manibus capit reverenter Librum Evangeliorum de medio Altari, & iterum genuflexus in eodem Suppedaneo, versus Celebrantem stantem, adhuc semiconversum, petit ab eo benedictionem dicens: *Iube Domne benedicere.* Celebrans manibus junctis subjungit dicens: *Dominus sit in Corde tuo &c:* & cum dicit: *In Nomine Patris &c:* benedicit eum dextera, sinistra infra pectus posita, & in fine ipse subdit *Amen*, eandemq; manum dexteram ponit postea supra Librum Evang: (quem Diaconus aliquantulum elevat, & descecit versus Celebrantem:) tradit in parte exteriori Diacono osculandam. Data benedictione si nondum Chorus terminavit Cantum suum, Celebrans accedit ad medium Altaris, post quem Diaconus in 2. gradu, & post Diaconum Subdiaconus in plano, constituent, permagentq; donec tempus fuerit cantandi Evangelii.

§ 3.

*De progressu Missæ Sollemnis ab Evangelio, usq;
ad initium Canonis.*

1. Terminato per Chorum Graduali, vel Tractu, proceditur ad Evangelium cantandum hoc ordine: Præcedunt Ceroferarii, post quos Subdiaconus manibus ante pectus junctis, tum Diaconus tenens ante pectus Librum Evangeliorum clausum ambabus manibus: collocatq; se Subdiaconus in plano lateris Evangelii, tum Diaconus tradit Librum apertum Subdiacono, quem ipse, conversus ad Diaconum, ambabus manibus elevatum ante pectus, & oculos suos sustinet, ita, ut Diaconus in eo commodè legere possit, & oculi ipsius Subdiaconi à Libro impediuntur, ne recta videant Diaconum. Ceroferarii stant hinc inde à lateribus Subdiaconi in eadem linea: Thuriferarius stat post Diaconum à dextris, ut commodè Thuribulum tradere possit. Ceremoniarius verò à sinistris Thuriferarii pariter post Diaconum.

2. His ita dispositis, Diaconus junctis ante pectus manibus, stans in proportionata distantia versùs Librum à Subdiacono sustentatum, incipit cantare Evangelium dicens: *Dominus vobiscum*, dum dicit *Sequentia*, vel *Initium S. Evangelii* &c: signat textum principii Evangelii pollice dextro, reliqua manu extensa, & digitis simul junctis, atq; extensis, supra Librum posita postea seipsum etiam signat in fronte, ore, & pectore eodem pollice, sinistra infra pectus posita, avertens, ut non signet os tunc dum verba profert. Dum Ministri procedunt ad Evangelium de locis suis, pariter & Celebrans à medio ascendit ad extremitatem tabule Altaris, ad cornu Epistolæ, facta prius in medio capitis inclinatione Crucis, vertens autem faciem suam ad cornu Evangelii, convertit se per latus suum sinistrum, ne terga vertat Altari.

3. Dum se signat Diaconus, Celebrans & omnes alii eodem modo & tempore se signant, exceptis Ceroferariis, Subdiacono, & Thuriferario, cum sint impediti. His peractis, Thuriferarius stans ad dexteram Diaconi, tradit ei thuribulum sine osculis, aliquantulum ad se converso. Et Diaconus Librum Evangeliorum triplici ductu incensat, 1. in medio, 2. in dextera ipsius Libri, 3. deniq; in sinistra eiusdem Libri, quæ est dextera Diaconi, facta prius, & post inclinatione ipsi Libro, propter reverentiam Sacri textus in eo contenti,

ti; Ita verò moderatè incenset, ut statim post responsum à Choro: *Gloria tibi Domine*, prosequatur Evangelium nulla interposita mora. Incensato Libro, Diaconus reddit thuribulum Thuriferario, qui longius post eum recedit, stans usq; ad finem Evangelii, ibidem leviter agitans thuribulum, ne nimietate fumi impediatur Diaconus in decantatione Evangelii. Dum cantatur nomen *IESUS*, vel sit mentio nominis *MARIÆ* omnes inclinant caput, Celebrans, versus Altare, & ceteri Ministri pariter, præter Diaconum, qui versus Librum facit reverentiam profundiorē tamen ad nomen *IESU* quam ad nomen *MARIÆ*. Si genuflectendum sit. solus Diaconus versus Librum, alii versus Altare prout & Celebrans, sed Subdiaconus & Ceroferarii nunquam genuflectunt, nec se signant, nec inclinant, quia immobiliter persistere debent.

4. Completo Evangelio, statim Subdiaconus nulla facta reverentia, etiam præsentē SS. Sacramento exposito, solus modeste librum elevatum ab oculis, & apertum in folio ubi est principium Evangelii (quod ideo prius Diaconus manu ostendit illi, & vertit folium in quo est, si opus sit) portat ad Celebrantem, qui ambabus manibus hinc, inde accipit, & osculatur parum se inclinando, atq; statim dicendo *Per Evangelica dicta &c.* Et Subdiaconus statim claudit librum, ac paululum retrahens se, Celebranti facit reverentiam, & descendit in planum per viam breviorē, quasi per latus Epistolæ, ubi genuflectit, & Librum Cæremoniario tradit.

5. Si D. Abbas fuerit præsent in Choro, & indutus habitu Ecclesiastico scilicet Rocheta & Mozzeo, deertur illi à Subdiacono Liber ad osculandum absq; ulla reverentia; qui D. Abbas penes osculum textus Evangelici dicere tenetur: *Per Evangelica dicta &c.* Celebrans enim supradicta verba intermittit, quia ut refert Gavantus in exp. Rubr: *Mis: sunt roba osculantis propria, quæ ideo omisso osculo, omittuntur.* Et P. Merati par. 2. tit. 6. n. 9. refert: quod hæc verba dicuntur ab eo tantum, qui Librum osculatur, sunt enim verba osculantis propria. Hoc ipsum innuit Quarti p. 2. tit 6, Rubr: 2. Non tamen incensari debet D. Abbas, sed Celebrans tantum, quia sic disposuit S. R. C. ut infra patebit.

6. Ceroferarii statim post finem Evangelii redeunt per planum ad loca sua ubi simul cum Diacono unico quasi actu genuflectunt, & remanent stantes. Thuriferarius vero accedit ad dexteram Diaconi, & porrigit ei thuribulum antequam genuflectat, imposito prius Thure sine benedictione, si sumus deficiat,

ficiat; & simul cum Diacono genuflectens, stat post illum. Diaconus finito Evangelio, & dato signo manu dextera ubi sit initium Evangelii, retrahit se parum à gradibus Altaris, ut transeunti Subdiacono cedat locum, reditq; postea ad gradus Altaris quasi ad Cornu Evangelii ubi accepto Thuribulo, expectat donec Subdiaconus descenderit, & tunc cum eo, & aliis, simul genuflectit, & postea triplici ductu incensat Celebrantem, cum debita inclinatione ante, & post. Thuriferarius recipit Thuribulum, & facta Altari congrua reverentia si non est dicendum *Credo* remanet in loco suo, agitans leviter thuribulum ne Ignis extingvatur pro incensatione mox facienda: Si autem dicendum est, reportat thuribulum in Sacristiam, & ipse revertitur ad locum suum. Et dum D. Abbati desertur Liber ad osculandum, Diaconus sine mora recedente Subdiacono capit thuribulum à Thuriferario, & incensat Celebrantem sed bino tantum ductu, ob præsentiam D. Abbatis.

7. Celebrans postquam incensatus fuerit, procedit ad medium Altaris, ubi incipit (si dicendum sit) Symbolum, Dum dicit *Credo* extendit & elevat manus, dicens in unum jungit eas ante pectus, dicens deniq; *Dum.* caput Crucis inclinat, quod & Ministri in suis locis faciant cum eo. Tum Diaconus cum Subdiacono, & non prius, genuflectunt in locis suis, & accedunt ad latera Celebrantis eodem modo sicut ad Hymnum Angelicum, ibiq; prosequuntur cum Celebrante Symbolum manibus junctis, ac genuflectunt, sicut & ceteri ad *ŷ.* Et incarnatus est, & ad hæc verba & *Homo factus est* etiam caput inclinant. Si sedendum est, recitato Symbolo procedunt ad sedem cum Celebrante, ut ad Hymnum Angelicum, inclinantes se tantum profundè in sede nudo capite ad *ŷ.* Et incarnatus est dum à Choro canitur. Interiores autem Ministri, qui stant ad Altare, semper genuflectunt ad prædictum *ŷ.*

8. Si non est sedendum, sed standum, Ministri Sacri recitato Symbolo stant ibi quasi pares, velut ad Hymnum Angelicum, & dum canitur in Choro descendit de celis, descendit cum Celebrante ad 2. Altaris gradum, ubi simul in Suppedaneo genuflectunt, & cum dicitur à Choro *Et homo factus est*, caput etiam profunde inclinant, ab initio tamen genuflexionis posteriorem partem planetæ Celebrantis aptant super pedes eius, eumq; adiuvant dum surgit. In tribus vero Missis Nativitatis D. N. J. C. & in Festo Annuntiationis B. V. Mariæ ad *ŷ.* Et incarnatus est. si sedent, surgunt de se-

de sua, & accedunt ad infimum gradum à latere Epistolæ, ibiq; genuflectunt in eo. Si autem stant ad Altare, ad dictum *¶. Et incarnatus est.* descendunt in planum ibiq; in infimo gradu genuflectunt.

9. Dum inchoatur in Choro *Crucifixus*, Si sedent, Diaconus deposito penes se birreto surgit, & inclinat se Celebranti, qui illi non respondet, nisi cum aliqua honoris significatione aliquantulum caput inclinando, tum vadit solus ad Credentiam, ubi Bursam, cum Corporali intus existente à Ceremoniario sibi porrectam accipit, & ambabus manibus usque ad oculos tenet elevatam, & quasi iacentem, parte aperta ad se conversa, solus per planum gravi incessu, & modesto, desert ad Altare, genuflectens in infimo gradu, & ascendens ad medium Altaris extrahit Corporale de Bursa, explicat illud in medio, bursam verò prius ad partem Evangelii penes candelabra collocat elevatam, quasi stantem, & statim genuflectens ibidem, redit per viam breviorē ad Celebrantem, scilicet per gradus laterales, dicto Celebranti debitam facit reverentiam. Interim Subdiaconus à recessu Diaconi, stat, toto tempore, capite aperto, & dum Diaconus redit ab Altari post inclinationem factam Celebranti, aliquantulum se inclinat eidem Subdiacono, & hic vicissim, atq; omnes postea sedent.

10. Si Celebrans cum Ministris stat ad Altare, dicto *Et homo factus est.* in Choro, Celebrans cum Subdiacono ascendit ad Altare, & Diaconus statim vadit ad Credentiam de qua adest Bursam cum Corporali eodem quo supra modo. Dum ergo Diaconus ascendit cum Bursa, Celebrans cum Subdiacono parum retrahunt se ad cornu Evangelii, medium Altaris relinquentes Diacono, qui nullam tunc faciens Celebranti reverentiam, explicat ibidem Corporale, ac postea recedit ad cornu Epistolæ, & pariter remanet ut ante, scilicet Diaconus à dextris, & Subdiaconus à sinistris Celebrantis. Si vero non dicatur Symbolum, jam Diaconus non vadit ad Credentiam, sed Subdiaconus suo tempore, ut infra dicitur, una cum Calice deferet simul Bursam & Corporale.

11. Circa finem symboli, scilicet dum Canitur in Choro, *Et vitam venturi sc.* Si Celebrans sedebat, erigit se, & cum Ministris sacris, ut ad finem Hymni Angelici, ascendit cum illis ad Altare. Si vero stabant ad Altare Ministri genuflectunt, & descendunt, stantq; unus post alium dum Celebrans dicit: *Dominus Vobiscum.* Dicto *Oremus.* iterum in locis suis genuflectunt,

ſunt, & mox Diaconus aſcendit ad dexteram Celebrantis, di-
centis interim Offertorium iuſtis manibus; & ſubmiſſa voce,
Subdiaconus vero vadit ad Credentiam, ubi adjuvante Cæremoni-
ario capit Velum oblongum, imponit humeris ſuis, ita, ut pars
in dextro brachio longius pendeat, tum parvum velum amove-
tur à Calice per eundem, natimq; à Cæremoniaro plicatur,
& relinquitur ſuper Credentiam. Accipiendo poſtea ſiniſtra nu-
da per n dum, ipſum Calicem, tegit parte longiori Veli pen-
dentiſ, dexteramq; ponit extenſam ſuper eodem velo, cautè
advertens, ne aliquid decidaſ, & procedit per viam breviorẽ,
ſcilicet per gradus laterales, ad Cornu Epistolæ, comite Cæ-
remoniaro à ſiniſtris. Et interim Ceroſerarius propior Cre-
dentie, accipit ambabus manibus in bacili ampullas vini, & aquæ,
eaſq; elevatas uſq; ad pectus, ſequens immediatè Subdiaconum
deſert etiam ad Cornu Epistolæ; ubi Subdiaconus ſine ulla ge-
nuſſexione deponit ſuper Altare ipſum Calicem.

12. Diaconus in eodem cornu itans, detegit Calicem, re-
mota prius manu Subdiaconi, & parte longiori Veli, Patenam
cum Palla accipit, & converſus ad Celebrantem, depoſita Palla
prope Corporale, patenam cum Hoſtia ambabus manibus, ita ut
dextera ejus ſit verſus ſuperiorem partem, & ſiniſtra verſus
interiorem, offert Celebranti cum oſculis, ipſius Patenæ in ex-
tremitate, & manus in parte exteriori, & ita porrigat, ut eam
Celebrans commodè ambabus manibus capere valeat. Quando
non dicitur *Credo*, dicto à Celebrante *Oremus*. Subdiaconus im-
poſito ſibi Velo, ut ſupra, & non depoſito velo parvo, ſed ob-
longo inſuper contegendo deſert omnia cum Calice, & cum ad
Altare pervenerit cum Cæremoniaro, Diaconus ambabus mani-
bus accipit Buſſam Corporalium, & accedens ad medium Alta-
ris, (cui protunc, ut ſupra, Celebrans cedit locum, retrahendo
ſe parum ad cornu Evangelii) genuſſectit explicat Corporale,
& buſſam locat ad cornu Evangelii, & facta denuo genuſſexio-
ne, recedit de medio, & redit ad Subdiaconum, in Cornu Epi-
ſtolæ perſiſtentem, qui interim deponit Velum parvum de Ca-
lice, tradit illud Cæremoniaro, ut plicet, & reſerat ad Creden-
tiam, Diaconus reliqua ut ſupra peragit.

13. Celebrans accepta Patena ſolus offert Hoſtiam more
ſolito, dicens: *Suſcipe Sancte Pater &c.* qua finita Oratione, de-
ponit Hoſtiam ſuper Corporale, Patenamq; collocat prope Cor-
porale, & interim Subdiaconus Calicem extergit Purificatorio,
tradens eum poſtea extenſum Diacono, tum Ampullam vini ab
Acolyſtho ſibi traditam, Diacono ſine oſculis porrigit, Diacono

nus sinistra acceptum Calicem tenens per nodum, simulque Purificatorium ad labium tantum extensum, capiens a Subdiacono dextera Ampullam, imundit in dictum Calicem vinum proportionatè, & magis ad beneplicitum Celebrantis, qui propterea ad id attendere debet. At vero Subdiaconus acceptam Ampullam aure dextera sua parum elevans, offendensq; Celebranti, conversus ad eum, & inclinans caput dicit: *Benedicite Pater Reverende.* Mox Celebrans junctis manibus incipit dicere Orationem, *DEUS qui humane substantiæ Es.* & dum dicit: *Da nobis per hujus aquæ Es.* dextera facit signum Crucis versus Aquam, sinistra in Altari posita. Subdiaconus non prius dictam aquam infundit, quam benedicta fuerit, & tantum in modica quantitate. Quo facto Subdiaconus reddit ambas Ampullas Acolytho, relegendas ad Credentiam, & ipse in eodem loco remanet.

14. Si adsint particule consecrandæ pro Communione fidelium, dum Celebrans incipit Offertorium, vel citius, Pixis in qua sunt, aut Calix desertur à Subdiacono, vel Sacrista, aut etiam Cæremoniario, antequam offeratur Calix Missæ, eamq; Diaconus collocat prope Crucem Altaris, & antequam Patenam tradat Celebranti, aperit Pixidem, eamq; parum elevatam sustinet, dum Celebrans offert Hostiam, & Patena deposita, ut supra, ipse Diaconus Pixidem tegit, & reponit in loco suo, ita tamen ut semper sit super Corporale post Calicem, & non extra Altare portatile, si adsit tale.

15. Post infusionem Vini, & Aquæ in Calicem, Diaconus tenens Calicem sinistra supra nodum ad Cuppam, & dextera per pedem, porrigit eundem Celebranti cum debitis osculis Calicis, & manus Celebrantis, quem ille ambabus capit manibus, tenens dextera per nodum, & sinistra per pedem, elevans oculos, & statim demittens offert dicens: *Offerimus Tibi Domine Es.* cum eodem Diacono, brachium dextrum sustentante, postea eundem Calicem super Altare collocat, & Diaconus Palla cooperit. Qui Diaconus statim Patenam de Altari sumit, sine purificatorio, eam ponit in dextera nuda Subdiaconi adhuc in cornu Epistolæ stantis, cujus pars interior ipsum Subdiaconum respicere debet, eamq; ipse Diaconus operit extremitate veli oblongi Subdiaconi, parte longiori, qui statim sine genuflectione descendit in planum post Celebrantem ante medium Altaris, ubi tunc facta genuflectione, stat, eandem Patenam elevatam tenet ob oculos usq; ad finem Orationis Dominicæ, sinistra manu brachium dextrum sustentat, non jam genuflectens, nisi ad elevationem SS. Sacramenti, licet Celebrans, & Diaconus pluries genuflectant.

16. Celebrans interim prosequitur orationes consuetas scilicet: *In Spiritu humilitatis, & Veni Sanctificator.* Et Thuriferarius cum Thuribulo & Navicula accedit ad Altare per gradus laterales, ubi porrigit Diacono Naviculam, & ipse ministrat thuribulum cum igne, ut dicetur suo loco. Diaconus porrigendo Celebranti cochlear cum debitis osculis petit benedictionem dicens: *Benedicite Pater Reverende.* Celebrans finitis orationibus convertit se ad Thuriferarium, habens latus suum sinistrum respiciens Altare, accepto cochleari à Diacono, sumit de Navicula incensum, ter immittit illud in Thuribulum dicendo: *Per intercessionem* &c. quæ verba ita disponat, ut ad verbum *benedicere*, jam reddito cochleari Diacono dextra faciat signum Crucis supra thuribulum. Data benedictione Thuriferarius tradit thuribulum Diacono absq; osculis, & recipit Naviculam. Diaconus vero cum debitis osculis catenularum thuribuli, & manu Celebrantis, eidem porrigit. Et Celebrans accepto thuribulo nullam prorsus faciens reverentiam (licet sit expositum SS. Sacramentum) absolute incensat oblata, ducens ter thuribulum super Hostiam, & Calicem simul in modum Crucis, in recta linea, non autem velut 4. puncta designando, & ter circum Calicem, & Hostiam, scilicet bis à dextra sua ad sinistram, & semel à sinistra ad dextram, dispensans verba ad quemlibet ductum thuribuli, ut infra dicetur de Thurificatione, & demonstratur in Fig. II.

17. Deinde Celebrans facta debita reverentia incensat Altare, ut ibidem notatur, & demonstratur in Fig. I. dicens interim: *Dirigatur Domine oratio mea*, dum incensat Crucem Altaris, vel SS. Sacramentum expositum, & prosequitur incensationem, dispensando versiculos notatos in Missali, ut sufficiant ad totam incensationem. Diaconus in tota hac incensatione solus assistit Celebranti, & amovet Calicem, quem tenet ad partem Epistolæ, dum Crux incensatur, non tamen extra Corporale, si fieri potest: ut advertit Gavantus par. 2. tit. 7. Cruce vero incensata eundem Calicem reponit in loco suo. Dum ponitur incensum in thuribulo, Cereemoniarius ascendit ad Altare per gradus laterales Evangelii, amovet Librum cum Cussino, de Altari, & descendit in planum lateris Evangelii, ubi stat, donec incensata fuerit pars anterior Altaris à latere Evangelii, tenens prædictum Librum cum Cussino, qua parte incensata, ascendit reponit Librum prope Corporale, mox genuflexione facta redit per laterales gradus, proceditq; per planum, genuflectit iterum in medio, accedit ad latus Epistolæ, & ibi stat post

post Diaconum, dum incensat Celebrantem. Thuriferarius dato Thuribulo, & recepta navicula ante incensationem oblatorum, factaq; in loco genuflexione, recedit per gradus laterales Epistolæ in planum, ibiq; ad dictum cornu Epistolæ expectat cum Navicula, donec terminata fuerit incensatio. In defectu vero Ceremoniarum, Thuriferarius deposita Navicula super Credentiam, vel in loco alio, ascendit per planum, genuflectens in medio ascendensq; per gradus laterales Evangelii, amover Librum cum Cussino, omniaq; peragit, quæ modo de Ceremoniario diximus.

18. Completa incensatione Altaris, Celebrans in Cornu Epistolæ reddit thuribulum Diacono dicens: *Accipiat in nobis Ecce.* Diaconus accipiens thuribulum, & ad finem Orationis respondens *Amen*, descendit in planum, & incensat Celebrantem eo modo quo dictum est initio Missæ. Interim Ceroferarii ambo, quorum unus accipit Ampullam Aquæ cum pellicula, & alter fumat Mappulam plicatam ambabus manibus de Credentia, ille à dextris, hic à sinistris, accedunt ad latus Epistolæ, ubi postquam incensatus fuerit à Diacono Celebrans, primus fudit aquam super indices, & pollices ejus, supposito bacili, & alter subministrat Mappulam, quam extendit super manus Celebrantis, cum debitis reverentiis, & cum quasi osculis ampullæ, & manutergii ante, & post. Postea ambo simul redeunt ad Credentiam, super quam reponunt ampullam cum lance, & manutergium, effusa prius aqua in loco heretico, & remoto, non vero in pavimento, quod omnino indecenter feret, & redeunt pariformiter ad loca sua.

19. Postquam Diaconus incensavit Celebrantem in cornu Epistolæ, accedit ad Chorum facia prius genuflexione, quasi ante medium Altaris, à dextris Subdiaconi, comite Thuriferario à sinistris suis, Naviculam secum deferente, ut ponat thus in thuribulo, si fumus deficiat. Ita peritissimi Rubricistæ. Ceremoniarius remanet à sinistris Celebrantis, ut ei vertat folia, quousq; Diaconus non revertatur. Diaconus incensabit omnes præsentés in Choro suo ordine, & reversus ad gradus Altaris Subdiaconum, ipse deinde, ac alii Ministri à Thuriferario in ensantur, secundum regulam præscriptam infra par. 4. cap. 6. His peractis Thuriferarius revertitur in Sacristiam, & parat carbones in Thuribulum; Diaconus vero redit ad locum suum, scilicet ad 2. gradum post Celebrantem.

20. Interim Celebrans peragit omnia alia, quæ in privatis Missis usq; ad præstationem, quam cantat, & ad quam Mini-

Ministri Sacri stant post eum, inclinantes se dum dicit *Deo nostro*. Et dum intonat *Vere dignum* &c: ascendit Diaconus ad Librum ibiq; folia vertit si opus est. Paulo antequam finiatur Præfatio, facta genuflexione Diaconus transit ad dextram Celebrantis, & Subdiaconus ad sinistram eiusdem, ibiq; cum eo inclinati manibus iunctis, excepto Subdiacono, qui tenet patenam, dicunt *Sacrus* &c: ad *Benedictus* signant se à fronte ad pectus, præter Subdiaconum qui habet impeditas manus. Postea facta genuflexione in loco ab iisdem Ministris, Subdiaconus redit ad locum suum in planum post Celebrantem, ibiq; stat, & Diaconus accedit ad sinistram Celebrantis, ubi iterum genuflectit, quod facit semper, quoties de uno latere transit ad aliud, ita ut semper genuflectat in recessu, & in accessu, & non in medio.

§. 4.

De Completione Missæ Solemnis ab initio Canonis, usq; ad finem.

1. Finita præfatione, Celebrans recitat Canonem ut in Missa privata; & Diaconus ministrat Celebranti stans ad Librum; sinistra manu sustentans Missale, dextera vero folia vertens, & indicans Celebranti quæ dicenda sunt. Cum Celebrans dicit: *Quam oblationem* &c: Diaconus facta genuflexione in loco, accedit ad dexteram Celebrantis ubi iterum genuflectit, sicut & Subdiaconus, quilibet tamen in loco suo, scilicet Subdiaconus in infimo gradu, & Diaconus in Suppedaneo; sicq; manent genuflexi ad finem elevationis Calicis. Thuriferarius egressus de Sacristia cum thuribulo, comite Cæremoniario vadit ad cornu Epistolæ, facta in medio genuflexione, & in eodem cornu Epistolæ genuflectit uterq; in infimo gradu, Cæremoniarius à dextris Thuriferarii, ita tamen ut ipsum Thuriferarium non impediat; qui paulo ante consecrationem posito incenso in thuribulo à Cæremoniario sine ulla benedictione, Hostiam consecratam, & Calicem pariter consecratum, dum elevantur triplici ductu incensat, scilicet: quando Celebrans adorat Hostiam, seu Calicem, quando elevat, & quando deponit, cum inclinatione profunda Capitis ante, & post.

2. Diaconus, dum Celebrans adorat Hostiam, & Calicem elevat aliquantulum posteriores fimbrias Planetæ Celebrantis, manu

manu sinistra tenens extremam, & mediam partem, eamq; len-
tè deponit. Acolythus à latere Epistolæ genuflexus pulsat Cam-
panula ad quamlibet elevationem. Si sit Pixis cum particulis
consecrandis, dum Celebrans dicit: *Qui pridie &c.* Diaconus eam
detegit, & collocat prope Celebrantem, & deposita Hostia post
ejus elevationem, particulas jam consecratas cum Pixide coo-
perit, & reponit in pristino loco, & antequam discooperiat Calicem
consecrandum, genuflectendo adorat cum Celebrante Ho-
stiam super Altare repositam, deinde surgit discooperit Calicem,
& iterum genuflectit, usq; ad depositionem Calicis à Celebran-
te, post ejus elevationem, ad quam ut supra, elevat Planetam,
& deposito Calice surgit, Calicem Falla cooperit, genuflectit
iterum, surgit, accedit ad Librum, ubi facta genuflectione mi-
nistrat, & assistit ut prius.

2. Cum Celebrans dicit: *Omni benedictione &c.* & se signat,
pariter Diaconus cum eo se signare debet. Et dum percutit
pectus dicendo: *nobis quod; &c.* ipse pariter percutit pectus su-
um. Thuriferarius deposito Calice post elevationem, surgit, &
facta in medio genuflectione, reportat Thuribulum ad Sacramentum.
Pariformiter & Subdiaconus surgit, & stat in loco suo. Quan-
do Celebrans dicit: *Per quem hæc omnia &c.* Diaconus iterum
accedit ad dexteram Celebrantis genuflectens in recessu, & ac-
cessu. ubi detegit Calicem, genuflectit, surgit, ac stat, dum
Celebrans signat Calicem cum Hostia dicendo: *Per ipsum &c.*
& tunc duobus digitis dextræ manus tenet pedem Calicis, ut
præcipit: *Cærem: Episc: L. 1. c. 9.* ac reposita Hostia supra Cor-
porale, tegit Calicem, genuflectit, surgit & recedit ad locum
suum post Celebrantem, ibiq; stat ad finem Orationis Domi-
nicæ.

4. Canendo Celebrans Orationem Dominicam, dum dicit:
Et diritte nobis debita nostra &c. Diaconus, & Subdiaconus facta
genuflectione in locis suis, ascendent ad Cornu Epistolæ, ille
ad dexteram Celebrantis, hic ad dexteram ipsius Diaconi, &
interim Cæremoniarius accedit ad infimum gradum dicti lateris
Epistolæ, & facta genuflectione expectat stando. Tum Diaconus
remoto velo ex Patena, illam capit, prius osculatur in extre-
mitate, postea Purificatorio extergit, & dat Celebranti, ponens
eam inter indicem, & medium digitum Celebrantis, cujus etiam
manum osculatur, de cætero Calicem detegit & genuflectit
quando opus est. Interim Subdiaconus reddita Patena, velum
oblongum deponit, consignatq; Cæremoniario, qui facta genufle-
ctione desert illud ambabus manibus ad Credentiam, quod, supra

eam plicatum, ponit. Subdiaconus pariter ibidem genuflectens redit ad locum suum, in planum.

5. Quando Celebrans submittit Patenam Hostiæ, Diaconus detegit Calicem, genuflectit, & surgit, nec tamen tenet pedem Calicis, sed deposita particula in Calice, illum iterum tegit, genuflectit, ac stat. Sub tempore fractionis Hostiæ Sacræ Subdiaconus genuflectit, & accedit ad sinistram Celebrantis ac iterum ibi genuflectit, & surgit, inclinatusq; junctis manibus ante pedus, dicit ter *Agnus DEI Ec.* percutiens pectus suum, dum dicit *Miserere nobis, & dona vobis pacem*, manu sinistra infra pectus posita. Idem facit Diaconus sicut & Celebrans, qui tamen percutiundo pectus suum manum sinistram ponit super Corporale. Idipsum etiam faciunt alii Ministri inclinati circa Altare, & stantes, non genuflexi.

6. Disto *Agnus DEI*. Subdiaconus facta genuflexione descendit post Celebrantem ad 2. gradum. ubi constitit. Diaconus vero inchoata Oratione, *Domine JESU Christe, qui dixisti Ec.* genuflectit ad dexteram Celebrantis, & genuflexus expectat pacem, circa finem hujus primæ Orationis se erigit, & cum Celebrans osculatur Altare in medio, ipse quoq; junctis manibus illud osculatur extra Corporale, non tamen ponens manus supra Altare. Tum si per osculum pax danda sit (quod magis conforme esset) detur à Celebrante, & recipiatur à Diacono eo modo, quo declaravimus præcedenti capite. Si vero per Instrumentum tantum dabitur pax, omnia servantur infra notanda par. IV. cap: 7. Datur itaq; pax à Celebrante Diacono. & Diacono, Subdiaconus recipit eamq; tribuit præsentibus in Choro, cæterisq; Ministris Altaris inferioribus, & Celebrans profert alias orationes, ad communionem.

7. Diaconus data pace Subdiacono accedit ad Librum ubi facta genuflexione assistit Celebranti, cum eoq; genuflectit ante Communionem, & ipse Celebrans unico tantum genuflectit, cum aliqua tamen mora, & non utroq; contra quosdam violantes Rubrum gratia particularis suæ devotionis. Dum Celebrans dicit: *Domine non sum dignus Ec.* Diaconus stat proinde inclinatus percutiens ter pectus suum cum eo, manu sinistra infra pectus posita. Hoc ipsum observat Subdiaconus si jam à data pace reversus est, stare enim tunc debet ad dexteram Celebrantis. Ad sumptionem Sacramenti sub utraq; specie Ministri sacri stant proinde inclinati manibus ante pedus junctis. Et Subdiaconus, si est vere de ordine Subdiaconatus, discooperit Calicem, alias, hæc Clericus supplens vices Subdiaconi præstare

non potest. Sic disponit & Rubrica, & omnes fere Rubricarum interpretes.

8. Dum Celebrans sumit & ceteram Sanguinem Ceremoniarius vel Ceroterarius primus offert ampullas Vini, & Aquæ cum pellicula, de Credentia ad Altare, easq; porrigit sine osculis Subdiacono, qui vinum pro purificatione infundit in Calicem porrectum à Celebrante, super Altare, & iterum vinum, & aquam super idem Altare ad cornu Epistolæ, & non extra, pro ablutione digitorum in Calice; videlicet infuso vino dextera reddit Ampullam Ceremoniario, seu Ceroterario, eademq; manu dextera ex alia ampulla infundit aquam; non omittens solitas reverentias, & oscula ampullarum tantum. Hæ peractis, ille, qui attulit, refert ampullas cum bacili suo ad Credentiam, & Ceremoniarius accipiens velum parvum de Credentia plicatum, portat illud per planum ad cornu Evangelii genuflectens in medio, illudq; tradit Subdiacono, sine osculis ut eo Calicem tegat.

9. Post factam ablutionem digitorum Celebrantis, Diaconus stans à parte Evangelii detert Missale clausum cum cuspide ambabus manibus ad cornu Epistolæ, genuflectens tantum in medio, librumq; aperit in folio ubi est Antiphona quæ dicitur Communionio, quam præostendit Celebranti, ibiq; manet; dum Celebrans eam legit, & ita iterum vadit retro post eum, cum eoq; uno quasi gressu procedit per gradum 2. Altaris, usq; ad medium, ubi stat donec Celebrans dicat versus populum Dominus vobiscum, eodemq; modo redit denuo ad cornu Epistolæ, accedit ad Librum, ministras vertens folia, si opus est. Subdiaconus vero postquam reddidit ampullas Ceremoniario, accedit ad cornu Evangelii, cedens Diacono gradum anteriorem; & cum eo eodem tempore genuflectit in medio, perveniens ad didum Cornu Evangelii: ibi extergit, & aptat Calicem, quem Purificatorio, Patena, & Palla tegit, plicat Corporale, quod statim reponit intra bursum, & accipiens à Ceremoniario parvum velum expandit super Calicem, & de super Bursum collocat, illudq; velum statim in parte anteriori revolvit super bursum, & Calicem, quem sic dispositum solus per gradus anteriores reportat ad Credentiam, tenens illum intra per modum, dextera super Bursum posita, genuflectens in medio super infimum gradum, & reponit in Credentia, partem anteriorem veli, quæ erat revoluta super bursum explicans ante Calicem, ita, ut omnino tegatur in parte anteriori, quemadmodum initio Missæ, deinde redit ad planum

num, statq; post Diaconum, & Celebrantem, cum quibus simul transiit ad medium, & denuo ad cornu Epistolæ.

10. Celebrans sumpta ablutione, reddito ad extergendum, Subdiacono, Calice, facta debita reverentia capitis, vadit ad cornu Epistolæ, ubi legit Communionem ex Libro, redit postea ad medium Altaris, & finito cantu in Choro osculatur Altare in medio, conversus ad populum dicit Dominus vobiscum, & recedens ad cornu Epistolæ cantat orationem, quæ dicitur Post communio, vel plures, ut Rubrica exigit, & initio Missæ observatum est, quibus dictis cum integris Concessionibus suis in eodem cornu Epistolæ, relinquens librum apertum, Diacono ocludendum, redit ad medium Altaris, quo de more osculato, dicit versus populum Dominus vobiscum; fit responso à Choro Et cum Spiritu tuo, Diaconus facta genuflexione vertit se ad populum sicut Celebrans, non vero Subdiaconus, & cantat in tono convenienti Festivitati *Gte Missa est.* Si tamen dicit *Benedicamus Domino*, vel *Requiescant in pace*, non se vertit versus populum. Celebrans autem hæc dicere non debet sed solus Diaconus. Finito portante *Gte missa est* à Diacono, & non prius Celebrans cum eo simul vertit se ad Altare per latus Epistolæ, & statim dicit *Paceat tibi Sancta Trinitas* &c: ut in Missali & tunc à Choro respondetur *Deo gratias.*

11. Dum Celebrans inclinatus dicit *Paceat* &c: Diaconus recedit aliquomodo ad partem Epistolæ, in suo 2. gradu, ad quem 2. gradum ascendit Subdiaconus ad partem Evangelii, & ambo in æquali distantia genuflectunt in suppedaneo; tum Celebrans vertens se ad populum, eodem modo, & eadem voce qua in Missis privatis semel tantum benedicit populo, & tunc omnes Ministri genuflexi dextera se signant à fronte ad pectus, sinistra infra pectus posita, inclinantes profundè capita sua. Subdiaconus data benedictione statim accedit ad cornu Evangelii, ubi capit tabellam, in qua est Evangelium S. Joannis, & eam sustinet ante Celebrantem, Diacono stante quasi medio inter eos manibus junctis, ita, ut tamen sit paulo post Celebrantem, quemadmodum ad primum Evangelium, & ipse cum omnibus aliis se signat, inclinat, & genuflectit, sicut Celebrans, excepto Subdiacono tabellam sustentante.

12. Si aliud Evangelium dicendum sit, v.g. Dominica currentis, dum Celebrans dicit: *Paceat* &c: Subdiaconus statim in loco suo genuflexione, accedit ad Librum, eumq;

clausum sine cussino deest ad cornu Evangelii, prius tamen genuflectit in Suppedaneo ad benedictionem, ut supra, ad quam tamen non signat se, quia tenet Librum, & mox fargens aperit Missale, manu demonstrat dicendum Evangelium, & sustinet, ut ad primum. Terminato Evangelio Subdiaconus responder: *Deo gratias*, & Celebrans rediens ad medium Altaris, constitutus inter Sacros Ministros, cum iis inclinat se Cruci, quo facto ipse, & Subdiaconus, vertentes se per latus suum dextrum, Diaconus vero contrario modo videlicet per latus suum sinistram, in planum descendunt. Interim Cæremoniarius accipit Birreta Celebrantis, & Ministrorum, & redit post Diaconum; sicq; omnes in recta linea collocati, si non adsit Tabernaculum, Celebrans tantum profundam facit reverentiam, cæteri genuflectunt, surgunt, & Diaconus accipit Birretum Celebrantis, illudq; eum quasi osculo tradit eidem, postea Diaconus, & Subdiaconus sua accipiunt, & tecto Capite, sine ulla alia reverentia, nisi D. Abbati præsentis, & Choro si per illud transeundum est, manibus junctis, eo modo quo venerant in Sacristiam redeunt. At cum ad illam pervenerint locant se ita, sicut stabant ante egressum, & tunc facia simul Cruci vel imagini profunda reverentia nudo capite, etiam Celebrantem inclinatione Capitis mediocri salutant, qui eos, exigua capitis inclinatione, resalutat.

13. Deinde ipsi Ministri Sacri, sed præcipue Diaconus, ut initio Misse, Celebrantem exuentem se, & Paramenta deponentem adjuvant, ea quoq; paramenta quæ induendo se Celebrans osculabatur, eidem etiam osculanda porrigunt, quæ pariter Diaconus osculatur. Ceroferarii vero depositis Candelabris, & extinctis Cereis suis bene, ne fumigent, dictos Ministros Sacros exuentes se adjuvant, Celebrantq; Aquam, & Minutergium ad lavandas, & extergendas manus ministrant. Ipsi quoq; Superpelliceis exutis, & facta Oratione in pace redeunt, vel, si opus sit, Chorum ingrediuntur, pro dicenda Sexta, & Nona Canonica. Sacrista præterea, vel ille, qui Cæremoniarum Officium explebat, dum se Celebrans, & Ministri Sacris Paramentis exuunt, accedit ad Credentiam, & transeundo ante Altare genuflectit coram eo in medio, & ex dicta Credentia asportat ea omnia, quæ pro Missa fuerunt parata, & refert in Sacristiam.

Decre.

Decreta Sacrae Rituum Congregationis.

1. Usus semel introductus iuxta Regulas Libri Cere-
monialis servandus est, & Pax cum osculo omnibus Viris
Ecclesiasticis in Choro sedentibus danda est. S. R. C. 3. Ju-
lii 1602. in *Misfanen.*

2. Diaconus Evangelii debet thurificare Chorum, nec
ab eo munere excusatur sub pretextu contrariæ consuetu-
dinis. S. R. C. 15. Martii 1608. in *Alexandrina.*

3. Sacerdos, Diaconus, & Subdiaconus celebrantes So-
lemniter, possunt, & debent sedere in banco, dum cantatur
Gloria, & Credo, etiam si sint beneficiarii, vel Capellani, prout
sedent Canonici, non obstante qualibet consuetudine. S. R. C.
15. Januarii 1611. in *Perusina.*

4. Missa Conventualis de Festo, seu de feria currenti,
omnino cantanda est, non obstante quacumque contraria con-
suetudine. 28. Januarii 1612. in *Osan.*

5. Absente Episcopo, thurificandus est Celebrans tripli-
ci ductu thuribuli. S. R. C. 30. Januarii. 1616. in *Com'n. Valluvie.*

6. In personarum incensatione, tota Thurificatio facien-
da est cum unico thuribulo. S. R. C. 21. Julii. 1618. in *Lu-
terina.*

7. Missa Votive non possunt suffragari pro Missa Con-
ventuali, que non potest omitti, etiam si cantetur Missa Vo-
tiva. S. R. C. 16. Maii 1626. in *Burgen.*

8. Non potest omitti altera ex duabus Missis cantandis
de Festo, & de Feria S. R. C. 16. Maii 1626 in *Burgen.*

9. Missa Conventualis de Feria in Cathedralibus, & Col-
legiatis (pariter in insignioribus Regularibus) omnino est dicenda
ultra Missam Festi, & abusus sunt reformandi. S. R. C.
16. Januarii 1627. in *una abusus reformandi.*

10. Celebrantes Missam Solemniter, sedeant in loco pa-
rato pro Celebrantibus à latere Epistolæ S. R. C. 12. Junii
1627. in *Brundusina.*

11. In Missa Conventuali quando decantatur Evangelium,
Ceroferarii cum Cereis accensis assistere debent, & Diaconus
quoties thurificatur Altare, incensum ministrare tenetur.
S. R. C. 5. Septembris. 1648. in *Beneventana.*

12. Quando Missa canitur sine Ministris, non debet
thu-

thurificari, neque Altare, neque Chorus S. R. C. 10. Augusti. 1651. in una. Urbis, & 22. Januarii. 1701. in una Camald. Monach. Cor.

13. Missæ duæ eiusdem Sancti, immediate una, post altam, non debent cantari eadem die in Ecclesia, in qua celebratur eius festività. S. R. C. 3. Augusti 1652. in Mediolanen.

14. Symbolum in Missa Solemni potest decantari in illa Ecclesia, ubi est Altare erectum sub invocatione alicuius Sancti, ratione concursus, ad præscriptum Rubricarum, licet de eo fiat Officium sub ritu semiduplici. S. R. C. 1. Aprilis. 1661. in una Burgi. S. Domin.

15. Finito Evangelio Missæ Solemnis cui assistit Episcopus cum Cappa, thurificandus est Celebrans, non vero Episcopus. S. R. C. 4. Augusti 1663. in una Dalm.

16. Sacerdos qui celebrat Missam conventualem, in qua Chorus tenetur cantare Symbolum, non potest eam prosegui eo tempore, quo à Choro cantatur Symbolum. S. R. C. 17. Decembris 1695. in Januon. & 13. Septembris 1670. in Brevit na pariter si tatum fuit, quod in eo casu, non possit à Celebrante prosegui Offertorium, sed debet expectari, donec terminatum fuerit Symbolum.

17. Anaphora B. M. V. in fine Officii debet omitti in Choro, quando immediate sequitur Missa, que in Ecclesiis non Cathedralibus, & non Collegiatis, sed in minoribus etiam Regularum, licet non cantetur à Choro, sed coram Clero legatur, tantum à Celebrante, habenda est tanquam Conventualis; & in reliis 2. cl. debet omitti commemoratio Sancti simplicis eadem die occurrentis, ut præscribitur, n. Rubr. Miss. Tit. VII. num. 1. S. R. C. 14. Februarii 1705. in una Capucinarum Galia.

18. Celebrans in Missa Solemni procedere debet ad præparatam sedem aperto Capite, & ita regredi ad Altare, quando sedere debet, dum cantatur Hymnus Angelicus, & Symbolum Apostolorum: sed ad illa verba quæ cantantur à Choro, ad quæ fieri debet inclinatio, tenetur se inclinare nudo Capite, non obstante contraria consuetudine. S. R. C. 21. Martii 1676. in Collen.

19. Non licet Clericis ministrantibus thuribulum, seu naviculum Canonicis Celebrantibus genu illis flexere, sicuti fit Episcopo. S. R. C. 4. Aprilis 1600 in una Burgi Sancti Sepulchri. Multo magis Diacono; quia cui præstatur genuflexione reverentia, illi etiam fit ministratio thuribuli, & Navicula genuflectendo.

20. An in Dominicis infra Octavam sive Privilegiatam, sive non, præter Missam Conventualem que cantatur de Dominica, debeat etiam alia Missa cantari de die infra Octavam? In Dominicis per annum, in quibus sit de aliquo festo, cum commemoratione Dominicæ, an item præter Missam Conventualem de festo celebrandam per Hebdomadariam, debeat etiam, alia Missa cantari de Dominica per Vicarios, ut agitur in Cathedrali Vilnensi? Et responsum fuit. Negative: scilicet in Dominicis infra Octavas, vel aliis a festo duplici impeditis, unam tantummodo cantandam esse Missam: in Dominicis quidem infra Octavas de Dominica cum Commemoratione Octavæ, in aliis vero Dominicis non privilegiatis, & in quibus sit de occurrenti festo duplici, Missa de festo cum commemoratione Dominicæ ejusq; Evangelio in fine. S. R. C. 22. Decembris 1753. in una Vilnen: in Lithuania.

CAPUT III.

De Celebratione Missæ Solemnis in Pontificalibus
exposito SS. Sacramento.

Celebratorque D. Abbas Missam Solemnem coram exposito SS. Sacramento, induitur in Sacrilia, prout supra parte hac cap: 1. notatum est. Imponit, & benedicit ibidem thus, & sic cum Mitra & Baculo Pastoralis procedit è Sacrilia, cum autem venerit ad conspectum SS. Sacramenti, antequam ad medium Altaris pervenerit, scilicet quando perfectè ostensorium conspexerit, subleat aliquantulum in via, deponit Mitram, & Subbiretum, proceditq; cum Pede ad medium Altaris. Mitram vero ita deponit, ut non amplius eam recipiat sub eadem Celebratione, nisi redeundo in Sacrilia, aut sub tempus Concionis, quando infra Missarum Solemnia sit, & SS. Sacramentum velo obtegatur.

2. Cum vero ad infimum gradum Altaris accesserit D. Abbas reddito Baculo Pastoralis genuflectit utroq; genu in infimo gradu. ceteri autem Ministri in plana terra, & surgit ac statim facit Confessionem, non præmissa aliqua reverentia. Ministri locant se eodem modo, & ordine, quod supra cap: 1. innuimus, sed in accessu hoc genuflectunt utroque genu, addita pro-

funt.

funda capitis inclinatione, & cum D. Abbate simul surgunt, ac respondent ad Confessionem. Finita Confessione ascendunt ad Altare, & statim genuflectunt unico genu. Dicto *cramus te Domine &c.* D. Abbas osculatur Altare, & Librum Evangeliorum, atq; Diacono Ministrante Naviculam, stans imponit, & benedicit incensum more solito.

3. Tum nulla facta reverentia, ut erat semiconversus D. Abbas ad benedicendum thus, ita lateraliter descendit ad 2. gradum Altaris, & utroq; genu flectit in suppedaneo, deinde Diaconus sumpto Thuribulo, porrigit illud D. Abbati genuflexo sine osculis, qui loco Crucis incensat ter SS. Sacramentum, & postea surgens ascendit ad Altare genuflectit, incensat Altare more solito, incipiendo à Num: 8. quia Reliquiæ non sunt Collocandæ in eo Altari, ubi est publicæ adorationi expositum SS. Sacramentum, ideoq; & si sint, ac si non essent peragenda est Thurificatio juxta fig: I. Animadvertere tamen debet D. Abbas & observare, quod quotiescunq; transierit ante medium Altaris semper genuflectere teneatur.

4. Finita incensatione Altaris, redditoq; in cornu Epistolæ thuribulo in manus Diaconi D. Abbas ita se vertat in eodem Cornu Epistolæ, ut facie aspiciat Cornu Evangelii, atq; ibidem Manibus ante pectus junctis stans, à Diacono per planum transiente, & in cornu Evangelii ejusdem plani consistente triplici ductu incensatur. Mox D. Abbas accedit ad medium Altaris, & facta ibi, quam in infimo gradu repetit, genuflexione, cum Pedito, sine Mitra convertit se ad sedem, ubi legit introitum, & reliqua peragit ut supra Cap: 1. dictum est, sed sine Mitra sedet. Diaconus, & Subdiaconus propria Officia peragant, non intermittentes genuflexiones coram Sacramento unico tantum genu, non utroq;

5. Dicto offertorio D. Abbas deponit Chirothecas, layat, & tergit manus, ac sumpto Baculo Pastoralis sine Mitra ascendit ad Altare, & ante infimum gradum deposito Pedito, factaq; genuflexione unico genu, accedit ad medium Altaris, ibi de novo genuflectit, Altare osculatur, & oblationem Hostiæ, & Calicis more solito facit. Tandem præmissa thuris impositione, & benedictione stans, imprimis incensat oblata, juxta formam fig: II. postea descendit ad 2. Altaris gradum, ubi in suppedaneo genuflexus incensat ter SS. Sacramentum loco Crucis, dicens: *Dirigatur Domine &c.* deinde Altare ut initio Missæ thurificat. Diaconus tamen sub incensatione Sacramenti non amovet Calicem, quia non est periculum effusionis. D. Abbas red-

dit

dicto in manus Diaconi thuribulo dicit: *Accendat in nobis Ec.* & conversus per suam manum sinistram versus cornu Evangelii, junctis manibus sine Mitra incensatur à Diacono, ut supra, qui etiam Chorum, & Ministros incensabit, non attento, quod sit *expositum Sacramentum.*

6. Postquam D. Abbas incensatus fuerit, retrahit se extra cornu Epistolæ, saltem ad 2. gradum, ibiq; lavat, & tergit manus, facie ad populum conversa, cavens ne terga vertat SS. Sacramento, & dicit Psal: *Lavabo Ec.* Tertis manibus ascendit ibidem ad suppedaneum, redit ad medium Altaris, genuflectit, dicitq; *Suscipe Sancta Trinitas Ec.* osculatur Altare, tum genuflectens retrahit se aliquantulum ad cornu Evangelii, ubi ad populum conversus, dicit: *Orate Fratres Ec.* non faciens circulum, nec tenens baculum, sed eadem via rediens ad medium Altaris, denuo genuflectit, reliqua in Missa peragit, ut supra, Cap. 1. notatum est.

7. Sumptis speciebus consecratis Panis, & Vini, postquam D. Abbas sumpserit Purificationem Calicis, genuflectit, & recedens parum à medio ad laus Epistolæ abluat in Calice digitos, eosq; ibi abtergit. Tum revertitur ad medium Altaris, genuflectit, sumit ablationem, & denuo genuflectens recedit ad cornu Epistolæ, extra quod se sistens facie ad populum versa, sine Mitra lavat & tergit manus. Deinde ascendit ad ipsum cornu Epistolæ, legit Communionem, ea recitata redit ad medium Altaris, genuflectit, & conversus semi ad populum cantat: *Dominus vobiscum,* denuo conversus ad Altare genuflectit, & accedit ad cornu Epistolæ ad decantandum Postcommunionem unam seu plures, quas in eodem loco perfecte concludit.

8. His peractis iterum D. Abbas revertitur ad medium Altaris, ubi genuflectens convertit se ad populum, advertens ne terga vertat Altari, & decantat: *Dominus vobiscum,* seq; semiconversus permanet, quousq; Diaconus non terminaverit cernere: *Ite Missa est.* Postea conversus ad Altare genuflectit, & inclinatus dicit: *Paceat Ec.* quo dicto dat solemnem benedictionem ut infra notatur par: IV, sine tamen Mitra, sed cum pedo incipiendo à *Ps.* *Sit Nomen Domini Ec.* & non facit Circulum, sed sicut ad *Orate Fratres,* permanebat, ita & ad dictam Benedictionem. Ea finita genuflectit, surgit, & accedens ad cornu Evangelii recitat Evang: S. Joannis, vel aliud pro tempore. Deniq; accedit ad medium Altaris, genuflectit, surgit, & lateraliter aliquomodo descendit in planum ne terga vertat SS. Sacramento, ubi utroque genu, sicut & ministri, genuflectus, hic

autem in infimo gradu, illi vero in ipso plano, eodem ordine quo venerat recedit in Sacristiam, sumpto tantum Pedit sine Mitra, Et ut recessit extra conspectum Ostensorii, subistit in via, accipit Subbiretum, & Mitram, & sic procedit in Sacristiam ad deponenda Paramenta Pontificalia & Sacerdotalia. Si vero obvelatum fuerit Sacram; statim in plano recipit Mitram.

Decreta S. Rit. Congregationis.

1. Sanctorum Reliquiæ non sunt collocandæ super Altare, in quo est reipsa Sanctissimum Sacramentum publicæ venerationi expositum, S. R. C. 2. Sept. mbris, 1741. in *Aquen*.

2. Ex vi, aut lege Cæremonialis Episcoporum, Sanctissimo Sacramento patenter exposito, non prohibetur Episcopo, dum Divinis assistit, vel Divina per se ipsum peragit, ut propria utatur sede, super qua umbraculum, seu baldachimum dependeat; dummodo genuflexiones omnes tunc præscriptas, debitasque reverentias, ad amissum observet, atque aperto capite in signum reverentiæ saltem assistat. S. R. C. 9. Junii 1742. in *Conimbricen*;

3. Dum Missa cantatur coram SS. Sacramento in Altari exposito, debet fieri commemoratio de eodem SS. Sacramento post omnes alias commemorationes de præcepto, & in Missis solemnibus tantum Festorum 1. & 2. Classis est facienda sub unica Conclusionem. S. R. C. 23. Junii 1736. in *Burgen*.

4. Dum incensatur Altare in quo est expositum publicæ adorationi Venerabile Sacramentum, non debet, post illud incensatum, Crux quoque incensari. S. R. C. 29. Novembris 1738. in *una, Carthagen, Hispan*.

5. Etiam Decretum hujus S. R. C. de Anno 1707. præcipit, quod in Altari, ubi est publicè expositum SS. Sacramentum tempore Sacrificii Crux de more collocetur, non est tamen in viridi observantia, & Patriarchales Ecclesie Urbis oppositum servant; supervacuam enim adiedicant imaginis exhibitionem, ubi Prototypus adoratur. Et hæc de causa instructio pro Oratione 40 horarum Clementis XI. Benedicti XII. & Clementis XII. Summorum Pontificum jussu edita, sub silentio præ erit, an locanda, removendave sit huiusmodi Crux? inquires quemlibet in sua praxi. S. R. C.

2. Septembris 1741. in Aque. Benedicto Papa XIV. 16. Julii 1746.
Constit: quæ incipit: Accepimus. Corroborante.

6. Singulis diebus Dominicis totius Anni, quibus Prælationes propriæ per Rubricas non sunt assignatæ, incipiendo à Dominica SS. Trinitatis Anni 1759. Sacerdotes omnes utriusq; Cleri, secularis, atq; Regularis, Prælationem de SS. Trinitate, quæ iam inde à vetustissimis temporibus in usu fuisse dignoscitur, in Missa recitare teneantur, & inviolabiliter observari mandavit S. R. C. 3. Januarii 1759. in Decreto Urbis & Orbis, approbante, & confirmante Clemente XIII.

C A P U T IV.

*De Celebratione Missæ Solemnis, & privatæ coram
exposito SS: Sacramento.*

I. **L**icet Cærem: Episc: L. 1. c. 12. nec non Decreta S. R. C. moneant, ut abstineamus Celebrare in hoc Altari, in quo est expositum SS. Sacramentum, quia tamen aliquando potest urgere necessitas, vel etiam Octava Corporis Christi, in qua Missæ Solemnēs, aut privatæ celebrari debeant, ideo omnes genuflexiones, & actus reverentiales diligenter notandi sunt, qui in diversis locis, videlicet Libris Rituum ibus præscribuntur, quiq; debent ad amissum servari in præsentia SS. Sacramenti expositi. Ne autem intermittamus ea, quæ ex munere debemus pertractare, de faciendis dictis reverentiis agemus.

2. Cum Celebrans & Ministri sacri Presbyterium, seu Capellam in qua expositum est Venerabile Sacramentum ingressi fuerint, statim caput nudant, & cum ad Altare pervenerint, omnes utrumq; genu flectunt in plano, & in plana terra, addita Capitis etiam profunda inclinatione, post factam vero Confessionem, genuflectunt tantum unico genu, ut expeditiores sint, & ad Altare accedentes statim genuflectunt osculato Altari. Diaconus, & Subdiaconus, & omnes alii nihil osculantur quod Celebranti porrigunt ad Altare, neque etiam manum eius in traditione rerum, ob apertam præsentiam SS. Sacramenti, quia Cærem: Episc: L. 2. c. 37. sic habet: *Abjque osculis cohicarīs, & manus incensum ministratur, Eadem*

ratione minores. Ministri abstinere debent ab osculis ampullarum, & manutergii. Subdiaconus, tamen, post decantatam Epistolam genuflexus osculatur manum Celebrantis, pariter & Diaconus eandem manum Celebrantis osculatur ante Evangelium. Insuper patenam cum Hostia, & manum Celebrantis, sicut & Calicem cum vino ante oblationem osculatur Diaconus; qui præterea adhuc patenam, & manum Celebrantis dicentis Orationem *Libera nos &c.* osculatur, licet SS: Sacramentum sit super Altari expositum. Ita declarat Cærem: Episc. L. 2. c. 8. *Episcopus postquam in uno altari in omni*

3. Incensatur Altare, aut moris est, benedicto prius Incenso sine osculis; & Celebrans semper stando imponit incensum, & loco Crucis, incensatur SS: Sacramentum à Celebrante genuflexo. Finita incensatione Altaris, ubi invenitur latitudo loci inter gradus laterales Altaris, & parietem Ecclesiæ, Celebrans tradito Thuribulo in manus Diaconi descendit in planum cornu Epistolæ, ubi convertit se ad populum, vertendo aliquomodo faciem suam magis versus cornu Evangelii, ne renes vertat SS: Sacramentum, & sic conversus incensatur à Diacono statim pariter in plano ex opposito Celebrantis, cum debitis reverentiis antea, & post. Idem fit post incensationem Oblatorum, non vero post Evangelium, quia tunc Celebrans incensatur in loco suo ad Altare, in cornu Epistolæ. Si autem obtinuit loci non possit Celebrans extra gradus incensari, reddito Thuribulo in manus Diaconi convertit se per laqueum sinistrum, & consistit in eodem loco, versa facie ad cornu Evangelii, ut solet consistere sub tempore decantandi Evangelii. Diaconus recepto Thuribulo per planum ascendit, ubi ante infimi gradus medium genuflectit, & aliquomodo retrocedens ad cornu Evangelii in plano, incensat Celebrantem.

4. Quoties Celebrans accedit ad medium Altaris, vel ab eodem modo recedit, aut transiit ante illud, toties genuflectit unico genu, quod pariter faciunt Ministri omnes etiam unico genu. Quoties item Celebrans se convertit ad populum dicturus: *Domine vobiscum*, aut aliud simile, toties etiam genuflectit, osculato prius Altari, deinde surgit, sistit se repius ad cornu Evangelii semiverfus, tum facta de novo genuflectione in medio vel accedit ad cornu Epistolæ, vel remanet in medio Altaris.

5. Incensatur Oblata, statim facta benedictione thuris, eadem incensat, nec tamen prius genuflectit, & dictis Ob-
latis

latis incensatis, sine genuflexione descendit ad 2. Altaris gradum, ibi genuflexus in suppedaneo, incensat ter SS: Sacramentum dicens: *Dirigatur Dominus &c:* Tum surgens ascendit ad Altare, genuflexit, & incensat Altare consuecto modo: Finita incensatione reddit thuribulum Diacono dicens: *Accendat in vobis &c:* ipseque vel se convertit in eodem loco, vel descendit in planum ad cornu Epistolæ, ibi, ut supra dictum est, incensatur à Diacono, ibi quoque lavat manus, vel saltem descendit ad 2. Altaris gradum, ubi conversus ad populum lavat manus. Diaconus, etiam exposito SS. Sacramento, incensat Chorum, & Ministros Altaris, ut supra dictum, & infra dicitur *Par. IV. c. de Thurificatione.* Subdiaconus nihilominus Patenam sustentat, velo oblongo coopertam.

6. Celebrans dicturus: *Orate Fratres,* genuflectit, & versus populum illud dicit eo modo, quo Dominus vobiscum, & circum non perficit, sed eadem via revertitur ad medium Altaris, ubi iterum genuflectit, & reliqua peragit usque ad Communionem, ut in aliis Missis, atque Pax datur, non obstante expositione SS. Sacramenti. Post Communionem Celebrans postquam sumpsit Purificationem genuflectit, & accipiens ambabus manibus Calicem, quem ante genuflexionem collocarat à latere dextro super Corporale, ubi Purificatorium depositum fuerat, recedit ad cornu Epistolæ & ibi capit ablationem digitorum in Calice, non tamen extra Altare, ita enim declinat *Cer. Ep. L. 2. c. 23.* ubi exteris Purificatorio digitis, revertitur ad medium Altaris, genuflectit, sumit ablationem, & iterum genuflectens, tradensque Subdiacono Calicem ad extergendum, redit ad cornu Epistolæ, & dicit ex Libro Communionem, qua dicta iterum revertitur ad medium Altaris, osculatur illud, genuflectit, & convertit se ad populum, ut supra, dicit Dominus vobiscum, denuo genuflectit, dicit Postcommunionem, & reliqua usque ad finem peragit cum debitis genuflexionibus, loco reverentie Cruci præstandæ per Capitis inclinationem.

7. Ministri sacri accedentes, & recedentes ad medium Altaris, aut pertranseunt, genuflectunt prout Celebrans; Diaconus ad *Ite Missa est,* genuflectit ante, & post, & stat versus populum, semiconvertens renes ad cornu Evangelii, prout Celebrans, & Subdiaconus ad *Ite Missa est* non se movet. Benedictio verò in fine Missæ datur à Celebrante hoc modo: dicto. *Placeat tibi Sancta Trinitas &c:* Celebrans osculatur Altare, tum dicit elevans, & jungens manus: *Benedicât vo,*

Omni-

Omnipotens DEUS, & statim genuflectit, postea conversus ad populum, ut supra, semivertens scilicet renes ad cornu Evangelii, benedicit populo dicens: *Pater, & Filius, & Spiritus Sanctus*. & non perficiens circulum, nec iam genuflectens convertit se statim ad cornu Evangelii, ibiq; signat Librum, aut Tabellam, & si non adsit prope tabella, tunc non signat iam Altare, sed seipsum in fronte, ore, & pectore, ac recitat Evangelium, & cum dicit *Et verbum Caro factum est*, aut similia genuflexionem requirentia, non dicit ea ante medium Altaris, sed in eodem loco ubi legit Evangelium, conversus tantum versus SS. Sacramentum genuflectit, perficitq; Evangelium in supradicto loco stans. Quo finito redit cum Ministris ad medium Altaris, denuo genuflectit, & descendit lateraliter in planum, ubi iterum utrumq; genuflectit in plana terra cum Ministris, & simul caput profundè cum iisdem inclinat. Sumptis postea stando Birretis redeunt in Sacristiam eo, quo venerant ordine, capita tamen non nisi extra Presbyteriam, & conspectum SS. Sacramenti tegunt, & si sit iam obvelatum, tunc tegunt antequam recedant in Sacristiam.

8. Si autem facienda sit Processio pro oratione publica, aut alia de causa rationabili, facta post Evangelium ultimum in medio Suppedanei genuflexione ante medium Altaris, Celebrans cum Ministris descendit per gradus laterales Epistolæ in planum, ubi depositis Planeta, & Manipulo, cum Ministrorum Manipulis, induitur à præfatis Ministris Pluviali; sic enim, & non in Planeta Processionem peragere debet ex *Cærim: Romano*, *Cærim: Episc:* alijsq; Rubricis, nec non *Decr: S. R. C. 22. Januarii 1701*. In tali igitur casu faciendæ Processionis notandum est: quod SS. Sacramentum incensari debet in loco, ubi est expositum, antequam ab eodem loco deponatur, vel Celebranti tradatur; & finita Processione postquam repositum fuerit super Altare, prius incensari debet, quam in Tabernaculo reponatur, nec postea iam amplius incensatur, postquam in loco sui Tabernaculi collocatum fuerit.

9. In Missis privatis, quæ licet aliis temporibus exposito Sacramento rarissimè Celebrari debent, in Oratione tamen Quadraginta horarum, nunquam permittantur, ne populus impediatur in sua Oratione. In iis itaq; Missis privatis, eadem sunt, quæ in Missis Solemnibus, exceptis his, quæ illis sunt propria. Advertat autem Celebrans ut semper Ma-

nus laver extra gradus Altaris eo modo, quo in Missa Solemni, non tamen ibi capit ablutionem digitorum in Calice post sumptionem Corporis, & Sangvinis Domini, sed recedendo de medio Altaris ad cornu Epistolæ, quasi medium locum teneat inter medium, & cornu illud ad tabulam Altaris. Ad maiorem tamen supradictarum Cæremoniarum memoriam, summatim debitas reverentias exposito venerabili Sacramento faciendas habeto benevole Lector, quas ad amissim observare tam in Missis Solemnibus, quam in privatis es obligatus.

10. Celebrans igitur ad Altare, ubi SS. Sacramentum est expositum, sive in Pixide, sive in OstensoRIO sequentes reverentias exhibere debet: 1. Statim ac Presbyterium, seu Capellam dicti Altaris ingressus fuerit, caput detegit, & cum egreditur caput tegit ibidem. 2. Ad medium Altaris genuflectit in plano utroq; genu, & simul caput profundè inclinat. 3. Posito Calice ad cornu Evangelii, antequam extrahat Corporale de bursa, genuflectit. 4. Aptato Corporali, & collocato desuper Calice, genuflectit, & accedit ad cornu Epistolæ. 5. Aperto Missali redit ad medium Altaris, & genuflectit. 6. Descendendo in planum advertat, ne terga vertat Altari, & non per ipsos medios gradus, sed parum ad latus Evangelii retrahendo se procedit, ac constitutus in plano, genuflectit unico tantum genu, & caput inclinat, atq; incipit Missam. 7. Finita Confessione antequam ascendat ad Altare genuflectit. 8. Accedens ad Altare, postquam illud osculatus fuerit genuflectit. 9. Post Introitum accedendo ad medium Altaris, genuflectit. 10. Finito Hymno Angelico antequam vertat se ad populum, genuflectit. 11. Dicto Dominus vobiscum, antequam accedat ad Cornu Epistolæ, pro dicenda Oratione, genuflectit. 12. Ante, & post Munda Cor meum &c: genuflectit. 13. Finito Evangelio, antequam incipiat Credo, in medio Altaris genuflectit. 14. Finito Symbolo antequam se convertat ad populum, in medio genuflectit. 15. Conversus ad Altare antequam dicat Oramus genuflectit. 16. Post oblationem Hostiæ antequam vinum infundat in Calicem, genuflectit. 17. Reversus à cornu Epistolæ ad medium Altaris, ante oblationem Calicis, genuflectit. 18. Ante, & post lotionem manuum (quæ fit extra gradus Altaris, ad cornu Epistolæ in plano) genuflectit. 19. Ante, & post Orate Fratres, dicendo illud aliquomodo ad cornu Evangelii, & non perficiendo circumdam, (ut supra dictum est) genuflectit.

flectit. 20. A prostratione, usq; ad Communionem convectas, quando opus est facit reverentias, & genuflexiones, nihil superaddendo, ut in Ordinario Missæ. 21. Post sumptam purificationem Calicis genuflectit. 22. Post abluionem digitorum in Calice; (quæ fit ad cornu Epistolæ) genuflectit in medio. 23. Antequam recedat è medio Altaris, ut legat Communionem in cornu Epistolæ, genuflectit. 24. Ante, & post *Dominus vobiscum*, dictum eo, quo supra modo, genuflectit. 25. Post Orationem, quæ dicitur *Post communio*, sive plures, veniens ad medium Altaris, genuflectit. 26. Post dictum *Gloria Missæ* est, pariter genuflectit. 27. Si dicatur *Benedicamus Domino*, priusquam illud dixerit, conversus ad Altare genuflectit. 28. Antequam populo benedicat, genuflectit, & circulum non perficit, sed data benedictione convertit se ad legendum ultimum Evangelium, sine ulla genuflexione. 29. Non signat Altare, sed Librum, aut Tabelam, si autem non sit Tabella, seipsum tantum signat, & ad *Et Verbum Caro factum est*, non in medio Altaris, sed in eo loco, ubi legit Evangelium, tamen versus Sacramentum genuflectit. 30. Finito Evangelio, antequam capiat Calicem, in medio Altaris, genuflectit. 31. Descendens per gradus lateraliter, consistit in medio plani ante gradus Altaris, ubi in plana terra utrumq; genu flectit addendo, in ipsa genuflexione, profundam Capitis inclinationem. 32. Erectus postea jam nulla facta reverentia procedit in Sacristiam, ad deponenda sacra Paramenta, unde agunt contra Rubricas ii, qui sinistra genuflexione erecti, denuo se inclinant, quia de tali actu nullibi fit mentio.

189 obitup 1800 *Decreta S. R. C.*

1. Eucharistia non est singulis diebus exponenda super Altari, sed in quibusdam tantum Solemnitatibus. S. R. C. 4. Martii 1606, in *Placentina*.

2. Missæ Conventuales intra Octavam Corporis Christi, possunt, ubi est consuetudo, cantari sine Diacono, & Subdiacono, excepto Die Festo, ac Dominica, & die Octava. S. R. C. 15. Martii 1608, in *Alexandrina*.

3. Missa de Dominica, seu de Festo duplici, si illa die occurrat, debet dici cum commemoratione SS. Sacramenti, ad formam Rubricarum Missalis, quando fit particularis Processio

cessio cum SS. Sacramento, in aliquibus Dominicis, seu aliis diebus cuiuslibet Mensis. S. R. C. 6. Decembris. 1633. in Fanen.

4. Missam in Altari Maiori, ubi est expositum publice SS. Sacramentum, non licet Celebrare, præsertim si in Ecclesia adsint alia Altaria, in quibus celebrari possit. S. R. C. 9. Augusti 1670. in Bononien. Quod Decr: maxime intelligendum est de Orat: publ: 49. horarum.

5. Absq; Pluviali non licet, in die, & infra Octavam SS. Corporis Christi, peragere Processionem cum SS. Sacramento; non potest tamen cogi, ut ejus expositio fiat cum Pluviali. S. R. C. 22. Januarii 1701. in una Camald. Mon. Cor. Quod pariter sentiendum de Processionibus in aliis diebus Festis cum eodem SS. Sacramento.

6. In expositione SS. Sacramenti, quæ fit ad instar Processionis, quantitas luminum pietati facientis expositionem remittitur, & in Altari super Candelabris ad minus Sex Candelæ accendi debent. S. R. C. 15. Martii 1698. in Aarnier.

7. Lampas ardens omnino retinenda est ante Altare Sanctissimi Sacramenti, non verò supra valvas Ecclesiæ in Choro, de diametro opposito, ante prædictum Altare. S. R. C. 22. Augusti. 1699. in una Ord. Capucinarum.

8. Sacerdos celebraturus Missam privatam, dum transit ante Altare, in quo est expositum SS. Sacramentum, post factam adorationem flexis genibus, (seu utroq; genu) aperto Capite, dum se erigit, Caput cooperiat. S. R. C. 7. Septembris 1638. approbante Clemente XI. Benedicto XIII. & Clemente XII. in Brevi pro oratione Quadragesima horarum.

9. Commemoratio de SS. Sacramento in Missis privatis potest fieri, quando ejus expositio fiat pro publica causa, etiamsi Sacramentum expositum sit in Pixide S. R. C. 7. Maii 1746. in Varsav. ab O. R. S. subul. inter 1991.

10. Genuflexio utroq; genu est faciendâ, à transeuntibus ante SS. Sacramentum, etiamsi fuerit in Pixide patenter expositum. S. R. C. 7. Maii 1746. in Varsavien. 1

11. Genuflectendum est semper ab omnibus transeuntibus ante SS. Sacramentum. S. R. C. 14. Decembris 1602. in Piacentina.

12. Quando SS. Eucharistiæ Sacramentum publice discoopertum exponitur, omnes ante illud transeuntes, cuiuscunq; conditionis, & ordinis sint, sive ad illud accedentes, sive ab eodem recedentes, semper utrumq; genu flectere debent. S. R. C. 19. Augusti 1651. in una Urbis. Hæc supradicta Decreta Celebrantem,

ante Altare, in quo est expositum Sacramentum, tantum fringunt in accessu, & recessu ab Altari, ad genuflexionem utroq; genu.

13. Quando absolvitur Missa lecta coram SS. Sacramento in Pixide exposito, debent omnes genuflexiones observari in tali Missa, quæ alias observantur coram SS. Sacramento publice exposito, & non velato, conformiter ad Rubricas Missalis Ferie V. in Cæna Domini. S. R. C. 22. Decembris 1753. in una Vilnen: in Lithuania.

C A P U T . V .

De Missa Solemni pro Defunctis in Pontificalibus.

1. SI voluerit D. Abbas Celebrare Missam de Requiem, in die depositionis, vel Anniversario Defuncti, aut in Commemoratione OO. Defunctorum, sequentia præparari debent: videlicet Altare nullo apparatu festivo, nullis imaginibus, nullis Reliquiis, nullis floribus ornari potest, sed simpliciter mapis mundis vestiri, antependio Coloris Nigri mensa Altaris contegi debet, in qua Crux supereminens sola, & sex Candelabra cum totidem Candelis cære communis collocentur. Super Credentiam verò parentur Calix coopertus velo parvo col: Nigri, Ampullæ cum Vino, & Aqua, supposita Pellicula; Vas Aquæ ad lavandas manus cum manutergio plicato, Missale, vas Aquæ benedictæ cum Aspersorio, & Rituale Romanum pro absolutione, si facienda erit, ideoq; & Crux Processionalis statuatur post Credentiam ad parietem. Gradus Altaris, & Presbyterium sit nudum, excepto, quod unum Tapete sub faldistorio D. Abbatis absq; ullo gradu, & alterum Tapete super suppedaneo Altaris debeat poni, non tamen coloris Nigri, alias horum vana observatio esset. Baldachinum nullum erigi potest. Paramenta vero omnia, sint coloris Nigri tam Ministrorum, quam D. Abbatis, aut ad summum col: Violacei obscuro.

2. In Missis Defunctorum, D. Abbas non debet uti Sandalis. Chirothecis, & Baculo Pastoralis, quia animæ Defunctorum non sunt cum eo in eodem statu viæ, nec per eum à peccatis suis absolvi, pro quibus purgantur, neq; amplius possunt esse sub eius jurisdictione. Non dicit D. Abbas Antiph: *Ne ramini-jaris etc.* nec Psal: *Quam arida*, cum cæteris, antequam induatur suis Paramentis, sed veniendo ad Sacristiam tempore con-

gruo,

grno, scilicet juxta Decr. S. R. C. post Nonam, & deposita Mozzetta; aut veste superiori Camerali, ac lotis manibus, super Rochetto ornabitur sacris Paramentis, dicendo ad singula, singulas Orationes, & incipiendo ab ea *Exue me Domine &c.* Manipulum tamen accipiet adhuc in Sacristia, & quidem, debito ordine, ante Crucem pectoralem. His omnibus paratis ultimo accipiet Mitram simplicem, quæ juxta *Cærem: Episc:* non omnino debet esse Nigri, aut violacei coloris.

3. Diaconus, & Subdiaconus ornantur Dalmatica, & Tunica omnino Nigri coloris, adieritq; Capellanus de Libro, superpelliceo tantum, sine stola indutus; atq; Ministri duo, unus scilicet ad Mitram, & alter ad Gremiale Violacei coloris, pariter Cottis tantum vestiti. Diaconi autem Assistentes non debent adhiberi ex *Cærem: Episc:* sicut nec Presbyter Assistens, seu Archidiaconus, quia omnia perficient Diaconus, & Capellanus de Libro, quæ ille deberet agere. Ministri aliquid dantes, vel recipientes à D. Abbate, per totam Missam, nunquam rem, aut ejus manum osculantur.

4. Egrediendo D. Abbas de Sacristia cum Mitra, junctis ante pectus manibus, ut pervenerit ante Altare, facit Cruci reverentiam, deposita prius Mitra, cæteris genuflectentibus. Si autem in eodem Altari sit Ciborium, ipse quoq; pariter genuflectit. Tum facit Confessionem, qua finita ascendit ad Altare sine Mitra, illud osculatur, & non Librum Evangeliorum, ac statim imposita Mitra sine incensatione Altaris, recta procedit ad salsistorium sibi paratum, ubi deposita Mitra, versus Altare legit Introitum *Requiem &c.* non se signat, sed tantum Librum, manu recta formando Crucem.

5. Cum dicuntur Orationes tam ante Epistolam, quam post communionem, omnes genuflectunt præter Diaconum, Subdiaconum, & Capellanum de Libro, qui tunc erit impeditus sustentando Librum. Et Subdiaconus cantata Epistola non accedit ad osculum manus, nec Diaconus pro Evangelio cantando petit benedictionem, sed tantum dicit: *Munda Cor meum &c.* & procedit suo tempore ad cantandum Evangelium, ad quod nec luminaria deseruntur, nec incensum ministratur: Acolythi tamen stant à lateribus Subdiaconi tenentis Librum Evangeliorum, sine Candelabris, junctis tantum manibus, Thuribularius sine thuribulo stat post Diaconum cum Cæremoniario.

6. D. Abbas decantata una, vel pluribus Orationibus, sedet cum Mitra, & legit Lectionem, atq; Sequentiam, qua finita, deposita Mitra, surgit, dicit junctis manibus, versus Altare

Missa Cor meum *Ec.* & legit stando Evangelium, eoq; perlecto, si adhuc in Choro canitur sequentia, sedet cum Mitra. Dū Diaconus canit Evangelium, D. Abbas stat in Mitra, manibus ante pectus junctis, & eo finito Librum non osculatur, sed statim conversus parum ad populum dicit: Dominus vobiscum, tum Oremus, & sic stans recitat Offertorium. Quo dicto sedet cum Mitra, lavat manus, & accedit ad Altare.

7. Oblata de more Hostia, D. Abbas submittit Patenam Corporali, quam Subdiaconus non sustinet. Aquam mittendam in Calicem non benedicit, dicit tamen solitam Orationem: *DEUS qui humane substantie Ec.* Post oblationem Calicis imponit thus in thuribulum, illudq; dicendo: *Per intercessionem Ec.* confecto more benedicit sine Mitra, ac sine ea pariter incensat oblata, & Altare, ipse postmodum, solus tamen, accepta Mitra incensatur à Diacono, in cornu Epistolæ, ubi etiam cum Mitra lavat Manus, dicendo Psal: *Lavabo Ec.* sed sine Gloria, neq; addendo *Ps. Requiem.* Tum deposita Mitra revertitur ad medium Altaris, ubi Diaconus, & Subdiaconus stantes a tergo illius in 2. gradu, ad *Orate Fratres*, iuvant se tantum, solo Diacono tantum respondente, *Suscipiat Dominus Ec.* non prius tamen, antequam D. Abbas terminaverit per verbum: *Omnipotentem.*

8. Circa elevationem, Subdiaconus, imposito per seipsum prius incesso in thuribulum sine ulla benedictione, genuflexus in cornu Epistolæ, in infimo gradu, ter incensat Sacram Hostiam, & ter sacrum Calicem, sub ipsa elevatione. Qua finita reddit thuribulum Thuriferario, & accedit ad locum suum, in planitiā ante medium Altaris. Ad finem Orationis Dominicæ, Diaconus cum Subdiacono facta genuflexione, accedunt ad latera Celebrantis, scilicet Diaconus ad dexteram, & Subdiaconus ad sinistram, ibiq; Diaconus accipit de sub Corporali Patenam, eamq; extergit, & offert D. Abbati sine osculis.

9. Ad Agnus DEL non percutitur pectus, nec datur Pax, nec benedictio in fine Missæ, sed D. Abbas sumptis Hostia, Calice, Purificatione, & ablutione, accedit ad Cornu Epistolæ, sumens Mitram adhuc in medio Altaris, ibi lavat, & tergit manus, postea deposita Mitra in eodem Cornu Epistolæ versus Altare stans dicit Communionem, & accedens ad medium vertit se ad populum canit: *Dominus vobiscum.* Denub redit ad cornu Epistolæ, & ibi decantat Postcommunionem, qua finita revertitur ad medium Altaris, ubi convertit se ad populum, dicit: *Dominus vobiscum.* statimq; vertit se ad Altare, & cum facie ad Altare versa Diaconus cantat *Requiescant in pace,* & licet fiat Off.

Officium pro uno tantum Defuncto, semper tamen dicitur in Numero plurali.

10. Tandem D. Abbas inclinatus, dicto; *Piaceat Tibi Sancta Trinitas &c.* osculatoq; Altari, vertit se statim ad cornu Evangelii, & ibi legit Evangelium S. Joannis, signans Akare, seu tabellam, & seipsum, quo finito capit Mirram, facit Altari reverentiam, descendit, & facta donno Cruci, seu Tabernaculo debita reverentia, revertitur in Sacrarium. Aut si iaciendi sit Absolutio, accedit ad falditorium, ibiq; depositis: Mitra, Plana, Dalmatica, Tunicella, & Manipulo, accipit Pluviale Nigri coloris, vel Violacei, & Mirram reassumit. Diaconus, & Subdiaconus depositis Manipulis in suis Paramentis ministrant, & procedunt ad Castrum doloris, ubi explent Ceremoniam conductus ut susus intra dicitur *Par. V. cap. 15. de Dia Comem: omnium fidelium Defunctorum.*

Decreta S. R. Congregationis.

1. Missæ de Requiem non possunt celebrari, nisi cum colore Nigro, vel saltem Violaceo, S. R. C. 21. Junii 1670. in Orator.

2. In Anniversario translato ob Festum de precepto non debet variari oratio; Cujus anniversarium depositionis diem &c. sed recitanda est ut in Missali S. R. C. 4. Maii 1686. in una Canon: *Regul. Lateran.*

3. Anniversaria, & Missæ cantatæ de Requiem relictæ ex dispositione Testatorum quotannis in die ipsorum obitus, etiam in duplici Majori contingentis, possunt celebrari, & proinde in Decreto 15. Augusti 1662. non comprehenduntur. S. R. C. 22. Novembris 1664. in Navarien: approbante Alexandro VII. Hoc autem Decretum intelligitur de unica Missa de Requiem cantata, non vero de Missis privatis. Pariter decissum est. 20. Julii 1669. annuente Clemente IX. die 13. Augusti ejusdem Anni in Decreto generali.

4. Cum primum accipitur nuntius de obitu, in loco disto, alicujus, potest cantari Missa de Requiem in die Obitus pro ejus anima, in Festo duplici majori, vel minori, non tamen de precepto, ut citius suffragetur animæ. Deinceps, non relictæ tamen Missa in cantu de Festo duplici, quatenus adit obligatio, S. R. C. 4. Maii 1686. in una Canon: *Regul. Lateran.*

5. In Anniversario occurrente in Festo duplici 2. Classis, non

non potest cantari Missa de Requiem S. R. C. 5. Julii 1698. in Collen.

6. Infra Octavas Privilegiatas non potest cantari Missa Defunctorum in Anniversario, & Officio Solemni. S. R. C. 5. Julii 1698. in Collen.

7. In die Anniversarii, & Depositionis non potest cantari Missa defunctorum, loco Conventualis. S. R. C. 5. Julii 1698. in Collen.


8. Si Anniversarium anticipetur, & postponatur per aliquot dies, potest dici Missa ut in Anniversario. S. R. C. 5. Julii 1698. in Collen.

9. In die Commemorationis omnium fidelium Defunctorum non potest celebrari Missa Solemnis de Requiem post Primam, sed servandæ sunt Rubricæ, quæ præscribunt post Nocturnam. S. R. C. 22. Januarii 1701. in una Camald: Mont. Cor.

10. In die Obitus, vel depositionis alicujus Defuncti Sacerdotis dici poterit vel Missa prima, quæ est pro Episcopis assignata, ut in Commemoratione omnium fidelium Defunctorum, vel ea, quæ est secundo loco posita, quæ est in die Obitus, seu depositionis, dummodo, oratio pro eo assignata: *DEUS qui inter Apostolicos Sacerdotes &c.* omnino adhibeatur. Similiter agendum erit in Anniversario pro Sacerdote Defuncto. S. R. C. 29. Januarii 1752. in una Ord: Carmel: Discal: Prov: Pol.

11. Cum juxta Rubricas Ritualis Romani absq; Missa, quantum fieri potest, Defunctorum Corpora non sint sepelienda, poterit, præsentè Cadavere, unica Missa solemnis pro Defunctis celebrari, rerià secunda post Pascha, aut Pentecostes. Hæc autem Missa decantabitur in duplici primæ Classis haud festivo, si Corpus præsens fuerit, aut pridie sepultum. S. R. C. 2. Septembris 1741. in Aquen.

12. In Missis Defunctorum, seu in paramentis Nigris, non ministratur Eucharistia permodum Sacramenti, scilicet cum particulis præconsecratis, extrahendo Pixidem à Custodia, potest tamen Ministrari permodum Sacrificii prout est, quando fidelibus præbetur Communio, cum particulis infra eandem Missam consecratis. S. R. C. 2. Septembris 1741. in Aquen.



CAPUT VI.

*De Missa Solemni pro Defunctis sine Pontificalibus,
atq; privata.*

1. **D**E Altaris apparatu, atq; Credentiæ præparatione nihil amplius, & nihil minus declarandum est, quam cap: præcedenti. Hora itaq; competenti, scilicet dum Nona in Choro dicitur, Celebrans facta brevi Oratione (non enim dicit solitos Psalmos præparatorios scilicet *Quam dilecta Ec.* ex *Cærem: Episc: L. 2. c. 11.*) lavat manus, & Ministris de more adjuvantibus, induit se paramentis coloris Nigri, dicens Orationes solitas, & osculando Crucem in medio Amictus, stolæ, ac Manipuli, (quod etiam observat in fine Missæ, dum illis se exiit) similiterq; Ministri parant se eodem modo, capientes Dalmaticam, & Tunicellam pariter coloris Nigri. Postea procedunt ad Altare ut in alia Missa, Thuriferarius tamen sine Thuribulo, sed manibus ante pectus iunctis, cum Cæremoniario incedit. Cæroferarii verò cum Candelabris, & Cereis accensis, sicut ad alias Missas incedere debent; sic enim declaravit *P. Merati in additionibus ad Gavantum Par. 2. Tit. 13. Num: 8.* conformandose Rubricæ generali.

2. Initio Missæ non incensatur Altare, sed Ministri facta Confessione, ascendunt cum Celebrante ad Altare, ubi de more genuflectunt, & statim recedunt ad Cornu Epistolæ una cum Celebrante, sicut in aliis Missis. Ad Introitum, seu *Requiem* Celebrans non signat se, sed Librum tantum, manu sinistra super eundem Librum posita. Hoc tamen specialiter Notandum venit, quod licet fiat Officium pro uno Defuncto, nihil tamen quidquam immutatur in Missa, sed Introitus, & alia dicuntur in plurali. Ministri nihil prorsus osculantur in hac Missa, nec se signant ad Introitum. Ministri inferiores genuflectunt ad Orationes, sicut & Chorus, usq; ad finem ultimæ Orationis, excepto Cæremoniario, comitante Subdiaconum ad Epistolam. Et hic non osculatur manum Celebrantis post Epistolam, sed eam decantata, & facta Altari debita reverentia, Librum tradit Cæremoniario in cornu Epistolæ, & Missale Celebrantis desert ad Cornu Evangelii per planum genaflectens in medio, ibiq; assistit Celebranti, dum legit Evangelium.

3. Celebrans non dicit: *Iube Domine Ec.* nec in fine Evangelii, *Pr Evangelica dicta Ec.* quia non osculatur Librum, ita de-

cidunt: Durandus L. 4. c. 24. *Cantant in cœpl. Rubr: Missalis & P. Merati Par. 2. Tit. 6. Num. 2.* Si post Evangelium dictum à Celebrante, sedendum erit sub tempus Prose à Choro decantatæ, Subdiaconus facta Altari genuflexione præcedit, & Diaconus, ac Celebrans subsequuntur, & unus post alium per gradus laterales Epistolæ descendunt, & sedent in banco. Dum vero terminatur sequentia; videlicet dum in Choro canitur: *Lachrymosa* &c. Diaconus & Subdiaconus surgentes, facta Celebranti reverentia, accedunt per planum ad gradus Altaris, ibiq; in infimo gradu Diaconus genuflexus dicit: *Munda Cor meum* &c. quo finito, & benedictione non petita, ascendit cum Subdiacono ad cantandum Evangelium: Celebrans vero per gradus laterales Altaris ascendendo, remanet in cornu Epistolæ, ibiq; stat ad Evangelium. Si non sit sedendum ad Prosam, Diaconus, & Subdiaconus stant unus post alium in medio, ut alias ad *Dominus vobiscum*. Et dum cantatur *Lachrymosa*, genuflexus in suppedaneo Altaris dicit: *Munda Cor meum* &c. & non petit benedictionem, ac surgens expectat, donec tempus fuerit cantandi Evangelium.

4. Finita Prosa, Ceroferarii sine Candelabris, junctis tantum manibus ante pectus, genuflexi cum cæteris Ministris procedunt ad locum, ubi debeat cantari Evangelium, quos sequitur Subdiaconus pariter junctis manibus, & tandem Diaconus cum libro ante pectus; Ceroferarii à lateribus Subdiaconi hinc inde stant manibus junctis, & se signant sicut Diaconus. Celebrans vero facta Cruci reverentia, accedit ad cornu Epistolæ, ubi convertens faciem versus Diaconum cantantem Evangelium, persistit ad finem ejus. Quo finito, Celebrans non osculatur librum, nec incensatur, sed Subdiaconus in loco ocludens librum, tradit illum Cæremoniario, vel Acolytho ad reponendum.

5. Revertentes ad Altare Ministri consistunt ut prius, & Celebrans osculato Altari vertit se ad populum dicens: *Dominus vobiscum*, tum *Oremus*. Quo dicto, Ministri genuflectunt in locis suis, & Diaconus ascendit ad dexteram Celebrantis, Subdiaconus vero accedit ad Credentiam, ubi sumit Calicem sinistram cum parvo Velo, & bursam cum corporali desuper positam, hæcq; omnia deferret ad Altare, dextera super bursam posita, una cum Cæremoniario, & Acolytho cum ampullis sequente. Celebrans non benedicit aquam, dicit tamen Orationem: *DEUS qui humane substantie* &c. Subdiaconus etiam non dicit *Benedicite* &c. infundit tamen pauculum aquæ.

PARS SECUNDA. 129

6. Infusa aqua in Calicem Subdiaconus transiens per planum, facta genuflexione ante medium Altaris in infimo gradu, ascendit ad sinistram Celebrantis, eumq; adjuvat à parte sua, sicut Diaconus ad incensationem oblatorum, posteriorem Planetæ ipsius partem sublevando, quia Patenam non sustinet in hac Missa. Ad incensationem verò ministrante Naviculam Diacono, & thuribulum Thuriferario, Celebrans benedicit thus dicens: *Per intercessionem &c.* peragitq; integram oblatorum, & Altaris incensationem, ad quam etiam Diaconus petit solito modo benedictionem. Finita incensatione solus Celebrans thurificatur à Diacono, & in eodem loco ministrantibus Ceroferariis aquam, & manutergium, lavat, & tergit manus dicendo Psalmum *Lavabo &c.* sine Gloria. Interim Ministri sacri stant post Celebrantem, qui cum pervenerit ad medium Altaris, illi stantes in 2. gradu post Celebrantem, in æquali distantia, ad *Orate fratres* inclinant Capita, Diaconus solus respondet: *Suscipiat &c.* & statim Subdiaconus descendit in planum, Diaconus pariter ascendit ad Librum, uterq; cum debitis genuflexionibus.

7. Circa finem Præfationis Diaconus, & Subdiaconus accedentes ad latera Celebrantis, de more, dicunt cum eo *Sanctus &c.* Tum Subdiaconus descendit in planum post Celebrantem, & Diaconus accedit ad Librum, statq; ut in aliis Missis. Dum Celebrans dicit: *Hanc igitur*, Subdiaconus facta genuflexione accedit ad cornu Epistolæ, ubi ministrante Thuriferario naviculam, imponit sine benedictione thus in thuribulo, eoq; accepto à Thuriferario, incensat SS: Sacramentum, ter scilicet S. Hostiam, & ter S. Calicem, ministrante interim Diacono ad dexteram Celebrantis, & Thuriferario genuflexo ad sinistram Subdiaconi in plano.

8. Finita elevatione Subdiaconus reddit thuribulum Thuriferario, & erectus genuflectit iterum, redit ad locum suum, ubi iterum genuflectit, & stat ibidem usq; ad *Agnus Dei*. Diaconus redit ad Librum; Ceroferarii, manent genuflexi usq; ad Communionem. Thuriferarius cum debitis reverentiis redit in Sacristiam, ubi deposito thuribulo, redit ad locum suum, ibiq; genuflectit, prout Ceroferarii. Et cum Celebrans dicit: *Et dimitte nobis &c.* Solus Diaconus genuflectit, & accedit ad dexteram Celebrantis, ubi Patenam de sub Corporali extractam, purificatorio extersam, offert Celebranti sine osculis, & Calicem detegit, ac cum Celebrante adorat, ut in aliis Missis.

9. Ad *Agnus Dei* Subdiaconus ascendit ad sinistram Celebran-

lebrantis, & collocati cum Diacono hinc, inde, dicunt illud cum Celebrante inclinati, iunctis manibus, & non percutientes pectora sua. Et statim mutant loca sua cum debitis genuflexionibus in recessu, & in accessu. Non datur Pax, nec Benedictio, in fine Missæ, Diaconus dicit semper in plurali *Requiescant in pace.* Et cum Celebrans dixerit: *Peccat tibi &c:* osculato Altari legit Evangelium, assistentibus de more Ministris, ut in aliis Missis.

10. Si sermo habendus sit, fiat post Missam, ante Absolutionem, & non aliter; Celebrans verò pro tunc deposita Planeta & manipulo ad cornu Epistolæ in plano, accipit Pluviale nigrum. Ministri Sacri non deponunt paramenta sua, sed tantum Manipulos, sicque sedent audientes sermonem Concionatoris, qui non petit benedictionem, nec recitat Salutationem Angelicam, sed facto signo Crucis, facit sermonem in Pulpito, seu Ambone nigro panno cooperto. *Ex Cerem: Episc: L. 2. c. 11.* Finito sermone procedunt ad castrum doloris, aut corpus defuncti, ibiq; faciunt Absolutionem, eodem ordine, prout infra dicitur.

Decreta S. R. C.

1. Anniversaria, & aliæ Missæ pro Defunctis certo die dicendæ, eo impedito, possunt transferri in diem sequentem. *S. R. C. 27. Septembris. 1608. in Civitatem.*

2. Missæ cantatæ mortuorum infra Octavam Corporis Christi non sunt celebrandæ, nisi præsentem corpore. *S. R. C. 12. Septembris, 1671. in Nuscana.*

3. In Ecclesiis Parochialibus ruralibus, in quibus per Annum plerumq; unus tantum Sacerdos celebrat, & sine cantu potest dici Missa de Requiem, quando Anniversaria ex testatorum dispositione, recurrente obitus die, incidunt in festum duplex majus, Non idem tamen dicendum de diebus 3. 7. & 30, sed servetur Decretum generate editum 5. Augusti. 1662. *S. R. C. 19 Junii 1700. in Curien.*

4. Ex privata devotione Parochianorum petentium sepius per annum Anniversaria pro defunctis Parentibus, Fratribus, Amicis, & aliis Defunctis, potest in ruralibus Ecclesiis cantari Missa Solemnis de Requiem, in festo duplici minori, altera Missa cantata de festo, ubi adsint plures, vel

saltem duo Sacerdotes, dummodo sermo sit de die verè Anniversaria à die Obitus. S. R. C. 19. Junii 1700. in Curien.

5. In Vigilia Epiphaniæ Missæ Votivæ, & Defunctorum celebrari non possunt. S. R. C. 10. Decembris. 1718. in Aſina. & 16. Septembris 1730. in una Ord. Hierosolymit.

6. Religiosi celebrantes ex quacunq; causa in aliena Ecclesia, ubi non agitur officium duplex, & sunt exequiæ pro aliquo Defuncto, vel Anniversaria vel simile Officium pro Defunctis, etiam si ipsi Religiosi recitaverint Officium Sancti duplicis, possunt se conformare cum Ecclesia, in qua celebrant. S. R. C. 23. Augusti. 1704. in una Erem. Camald.

7. Sacerdotes Sæculares, vel Regulares habentes officium duplex, etiam duplex 1mæ, vel 2dæ Classis celebrantes in aliena Ecclesia ex obligatione in sepultura Solemni alicuius Cadaveris vel exequiis solemnibus conformare se debent ritui Ecclesiæ in qua celebrant. S. R. C. 29. Janua: 1752. in una Ord: Carm: Discal: Prov: Polonæ.

8. A Dominica Palmarum usq; ad Dominicam in Albis inclusivè, prohibetur Officium cuiuscunq; festi; item Missæ Votivæ, & de Requiem, excepta una Solemni præsentè Cadavere, quæ tamen prohibetur triduo ante, & biduo post Pascha. S. R. C. 23. Aug: 1704. in una Erem: Camald: & 29. Januarii 1752. in una Ord: Carm: Discal: Prov: Polonæ.

9. A Vigilia Pentecostes usq; ad Festum SS. Trinitatis inclusivè, prohibetur Officium cuiuscunq; festi, etiam 1mæ Classis. Item prohibentur Missæ Votivæ, & de Requiem, excepta una Solemni præsentè Cadavere, quæ tamen prohibetur triduo sequenti. S. R. C. 10. Decembris. 1718 in Aſina.

10. Missæ privatæ de Requiem etiam Corpore præsentè, & insepulto dici non possunt diebus, quibus sit officium de officio duplici etiam minori, vel aliis à Rubrica exceptis; & quæcunq; consuetudo in contrarium, abusus esse declaratur. Missa tamen unica Solemnis insepulto corpore celebrari poterit, etiam in Dominicis & Festis diebus, non tamen Solemniorebus 1mæ Classis S. R. C. 29. Januarii 1752. in una Ord: Carm. Discal. Prov. Polonæ.

11. Non licet in Altari privilegiato dicere Missam (etiam solemnem cantatam) de Requiem in diebus, quibus occurrit festum 1mæ, vel 2dæ Classis non obstante consuetudine immemorabili S. R. C. 16. Septembris 1649. in Tornacen.

12. Intra Octavas Privilegiatas (scilicet Paschæ, Natalis, Pentecostes, Epiphaniæ, & Corporis Christi) non potest

cantari Missa Defunctorum in Anniversario, & Officio Solemni. S. R. C. 5. Julii 1698. in Collen. & 2. Septembris 1741. in Aquen.

13. Infra Octavam Nativitatis Domini prohibentur Missæ Votivæ privatae, & pro Defunctis. S. R. C. 25. Septembris 1706, & 25. Septembris 1714. approb. Clem: XI.

14. In diebus, in quibus non potest fieri de festo duplici, prohibentur Missæ Votivæ, & de Requiem S. R. C. 28. Augusti 1627.

C A P U T VII.

De Missa privata lecta.

§. I.

De præparandis ante Missæ Sacrificium.

I. **Q**uia multi Libri, Cæremoniis Ecclesiasticis, præsertim, quo ad Missam celebrandam, sunt impleti, ut pote Missale Romanum, aut Monasticum, Rationale Durandi, Commentarii Gavanti. Thesaurus sacrorum rituum Merati, Manuale Cæremoniarum P. Bauldry. Vade mecum piorum Sacerdotum, aliq; permulti, ideoq; ut brevitati consulam, diligentem Sacerdotem, aut timoratum Neo-Mystam ad illos remitto; nonnulla tantum, quæ aut errantem emendare, sive inadvertentem reflectere, seu dubitantem resolvere, vel ignorantem instruere possunt, adducere non dubitabo.

2. Quilibet Sacerdos specialiter debet animo perpendere, quomodo, & quando ad celebrationem tanti Sacrificii interius, exteriusq; seipsum, quemadmodum convenit Ecclesiasticis Viris, ut Deo placeant, disponere, & præparare possit; ideo consideret diligenter omnia, quæ in Rubricis Missalis continentur, Romanorum Pontificum esse decreta, & sanctiones Ecclesiasticas; hæcq; omnia ad id spectare, ut dignè, & ea, qua par est reverentia, Mysterium istud, vel potius infinita Mysteria ibi contenta, tradentur. Quæ si voluntariè prætermittantur, vel permutentur, aut negligantur, in gravibus quidem, gravis peccati reatum, in minoribus vero, vel cum sine advertentia variantur levioris offensæ, vitandæ tamen, quan-

quantum fieri potest, culpam inducunt. Nihil ergo, in re tam gravi, & si leve quibuscunq; videatur, contemnendum, sed omnia & singula minutim, ut ita dicam, summa cum diligentia, & prudentia pertractari debent.

3. Caveat Sacerdos ne imparatus accedat ad Missam celebrandam, ne ad Altare modo primum quærat in Missali Missam convenientem, & non inveniendò remittat ad Sacristiam Missale, ut aliud asseratur, quia exinde oritur scandalum populi, & peritorum in Ecclesia existentium summa distractio: ideoq; quilibet ad Sacristiam veniens, antequam lavet manus, prius revideat Missale, perquirat Missam, inveniatur omnes Collectas, easq; revideat, ut si mutandæ sint aliquæ, opportunè mutationi provideatur, ne occidat error in prolatione, hæcq; omnia fignet, ne ad Altare moram protrahat in investigatione.

4. Lotis manibus statim Calicem, si non est aptatus, convenienter ornet, & non obliviscatur Patenæ superimponere Hostiam, quæ ne multas postea faciat particulas, digito circumcirca detergat extremitates ejus. Velum non sit plicatum supra Calicem, sed omnino prominens, ut portando Calicem contegat illum, & contrarius abusus omnino est tollendus, quia non ex alia ratione appellatur Velum, nisi quod velare debeat Calicem.

5. Accedendo ad paramenta, antequam accipiat Amictum, signare se debet à fronte, ad pectus, unde contra Rubrum agunt nonnulli, qui accipientes Amictum faciunt signum Crucis manu, cum suniculo pendente ab Amictu eodem. Oscula Amictus, Manipuli, & Stole in Crucibus signatis non omittat, reliquis autem paramentis eadem oscula præstare non audeat.

6. Induens Albam prius imponere debet manicam dextram brachio dextro, quam sinistram, quia prius dextera Christi fuit affixa Cruci. Manipulus ligari debet chordulis, aut aciculis infra cubitum, & non supra, ne impediatur Sacerdotem, aut ne molester per sæpius iteratam decissionem. Stola imponenda est non longe à collo, tanquam torques, & non in ipso collo, sed supra humeros, ut Amictus omnino promineat supra stolam, quæ dum aptatur in modum Crucis, prius à latere sinistro ad dextrum, & postea à latere dextro ad sinistrum adaptetur. Planetam nunquam osculatur, quia de illo osculo nulli fit mentio.

7. Exiens de Sacristia ad Altare, nunquam procedat nudo capite, sed tectus Birreto, alias quædam levitas exinde appareat; Sacerdos autem Celebraturus omnem gravitatem præferre

ferre debet, ita *Gavantus* P. 2. tit. 2. *Merati* in add: ad *Gav:* n. 2. *Bauldry* P. 3. c. 7. tit. 2. n. 1. *Cærem: Monast: Beni: Rom: L. 1. c. 21. §. 6. n. 45. Corsettus* tit. 1. P. 1. c. 1. n. 12. *Bonamicus* P. 2. n. 4. *Fran: Gerafi in Catal. err. n. 15.* ipsa quoq; Rubrica Missalis non aliter præscribit, quam ut exeat de Sacristia capite o-
 perto, & revertatur pariter cooperto. Velum quoq; ut pendeat de Calice in parte anteriori, & non sit plicatum, docent omnes Rubricistæ.

8. In via ad Altare Celebrans existens, sinistra Calicem ad nodum teneat, & dexteram extensam supra bursam corporalium habeat, eamq; continuo sic extensam teneat, ne procedendo aliquid de Calice decidat, super quo nihil ponere debet, neq; sudariolam, quia hoc pendere debet a parte dextra cinguli sub Planeta, neq; perspicilla, quia ea minister portare debet, neq; Clavem Tabernaculi, vel patenam cum hostiis pro communicantibus, quia hæc tempestivè ab alio afferri debent ad Altare, nec deniq; quidquam aliud, prohibent enim Decreta S. R. C. ut patebit in serie, idemq; sentiunt Authores supra citati.

9. Celebrans si transeat ante Altare majus, ubi non asservatur SS. Sacramentum, profundam Crucem tantum facit reverentiam, sed non detecto capite. Si transit ante Tabernaculum SS. Sacramenti asservati, genuflectat unico genu, pariter capite cooperto, & jam nullam aliam faciat reverentiam, sufficit enim unica adoratio, ideoq; superflue inclinationes, ut abusus, tollantur. Si transit ante Prælatus suum profundè se inclinat, capite tamen non aperto. Si transit per Chorum eo tempore, quando Horæ Canonice recitantur, & tunc si aderit D. Abbas, ei prius profundam facit reverentiam, postea psallentes in Choro capitis inclinatione ad utramq; partem salutat, non deponendo Birretum de capite, quod ipsam in absentia D. Abbatis Choro præstare tenetur. Hoc autem omnino nolet, quia portando Calicem neminem aperto capite salutare debet, licet Episcopum, aut Regem. Quod autem hunc honorem profunda inclinatione Prælati mediocri Choro, præstare tenetur, liquet hoc ex *Cærem: Episc: L. 2. c. 8.* utique etiam Episcopus paratus (pariter sentiendum de D. Abbate) salutare debet in Choro existentes. Idem sentiunt: *P. Bauldry* P. 3. c. 7. tit. 2. n. 3. *Bijus* To. 1. Lit. G. n. 24. §. 3. In super *Cærem: Monast: Benedi-
 ctino Romanum* L. 1. c. 21. §. 6. n. 45.

10. Insuper Celebrans ad Altare properando, dum conspiciat expositum in Altari Majori SS. Sacramentum, veniendo ad conspectum ejus, consistit parumper, deponit Birretum, non ta-

men

men illud ponit supra Calicem, sed vel tradit ministro, vel aliquomodo sustentans ante pectus supra Calicem pollice, & indice, tribus digitis reliquis tenendo bursam, & tunc genuflectit utroq; genu, atq; simul profunde se inclinat, statimq; surgit, in loco caput cooperit, & procedit ad Altare, ad normam Decreti S. R. C. infra positi. Eodem modo genuflectit, quando advertit SS. Sacramentum esse in Altari in Missa aliqua expositum post consecrationem; vel quando distribuitur communio fidelibus, quæ genuflexio fiat unico genu.

II. Et si Celebrans in via advertat ad Altare, circa quod transit, fieri in Missa elevationem SS. Sacramenti, statim subsistat, & utroq; genuflectat, tradito Birreto Ministro, ac eo usq; perseveret genuflexus, quousq; ille Celebrans post elevationem non deponet Calicem: tunc itaq; surgens recipiat Birretum, Caput cooperit, & procedat ad Altare præfixum. Præterea si transeat ante insignem Reliquiam, solemniter expositam, ejus scitum Celebratur, ei se profunde inclinet. Si deniq; in aliquo Altari particula SS. Ligni Vitæ sit exposita, a transeunte Celebrante, tanquam in tabernaculo incusum SS. Sacramentum, genuflexione, capite cooperto, adorari debet.

12. Dato, quod Celebrans ob aliquam rationabilem causam non deferat Calicem procedendo ad Altare, tunc incedendo manibus ante pedes junctis, & Cruci, sive Imagini in Sacristia inclinando se deiecit caput, & Cruci Altaris majoris profundam facit reverentiam aperto capite, & ante Tabernaculum SS. Sacramenti, seu particulam Ligni vitæ genuflectit discooperito capite, & D. Abbatem veneratur deposito Birreto, & Chorum salutari nudato capite, & exposito SS. Sacramento, ut venerit in conspectum ejus, statim deponit Birretum, & solitam facit reverentiam, pariterq; tam sub Elevatione, quam sub Communionem fidelium, quamq; sub expositione Reliquiæ insignis, debitam eniq; præstabit reverentiam, discooperiendo prius caput. Quia tunc Celebrans non habet manus occupatas.

13. Veniens ad Altare, subsistit ante gradus in medio, deponit Birretum, tradit Ministro, & ipse facta profunda Cruci Altaris reverentia, ascendit ad Altare, ubi collocato prius Calice ad cornu Evangelii, accipiet bursam, de qua extrahet Corporale, illudq; in medio extendet, bursam penes candelabra ad cornu Evangelii statuet, & Calicem velo ex anteriori parte coopertum super corporale collocabit. Si verò ante illud Altare celebraturus est, ubi in Tabernaculo asservatur SS. Sacramentum, tunc in accessu, & recessu, atq; ante, & post con-

sionem genuflectit solum unico genu, absq; alia aliqua inclinatione.

14. Errant ii, qui a principio Missæ non explicant in Altari Corporale, sed differunt ad oblationem explicandum. Item ii, qui velo non contegunt Calicem, sed velocitatis gratia complicatum relinquunt; debet enim totus latere Calix, quousq; revelentur propriâ Passionis Christi Mysteria. Insuper ii, qui Sudariola, seu Strophia ponunt super Altare, quod est omnino indecens, & quia in Altari Sacra Mysteria sunt agenda, nihil in eo locari debet, præter illud, quod spectat ad Sacrificium Missæ. Demum errant ii, qui propter velocitatem frivolam non advertunt, an ardeant Candelæ Altaris, & sæpe contingit quod vix aliquando sit ad illam accensionem Candelarum animadversio, ideoq; Celebrans non prius ad Confessionem descendere debet, quam accensis Candelis. Ita sentit Octavius Frangipanus in *direct: Eccl. disc. c. de Div. Off. n. 65.* & alii.

15. Missale repositum à Ministro super cussino non debet ab eo aperiri, sed à solo Celebrante, qui inspicere tenetur, num signacula in locis suis reperiantur? Præsertim quia hujus rei Mysterium S. Mater Ecclesia animadvertit, ut *Garantus testatur P. 2. tit. 2. n. 4.* his verbis ex *Innocentii III. Lib. 2. c. 3.* decisione: *Apertio Libri ad Sacerdotem spectat qui representat Agnum aperiendum Librum. Apoc. 5.* Celebrans aperto Libro non debet immorari ad medium Altaris orationis causa, sed statim facta Cruci reverentia tenetur descendere in planum ad faciendam Confessionem. Unde errant hi, qui prolongant orationem ad faciendam intentionem, quæ præcedere omnino debuit; multo magis illi, qui percutiunt tunc pectus antequam descendant, cum hanc devotionem faciant expresse contra Rubricam, ut advertunt: *Gerrasi in Catal. err. n. 29. Hyppolitus à Fortu Rubric. 4. in adnot. n. 4.* & alii.

§. 2.

Notanda ab initio Missæ, usq; ad Canonem.

I. **D**Escendendo Celebrans ab Altari, dum se convertit, hoc attendere debet: ut se aliquantulum retrahat à medio Altaris, ne, directè descendendo, Cruci, vel Tabernaculo terga vertat, ita præcavent: *Tonellius L. 2. tit. 2. Rubric. 4. n. 4. Angeli in Catal. err. n. 5. §. in via ad,* atq; alii sed vertendo faciem ad cornu Epistolæ, & humeros ad cornu Evangelii

gelli descendit quasi lateraliter in planum, oculis semper demissis, manibus ante pectus junctis, & nunquam extensis. Si in Altari plures quam tres existant gradus, & in diversos ordines distingvantur, tunc sufficit descendere post infimum gradum supremi ordinis. Nullus Celebrans super gradus faciat confessionem; sed semper in plano Capellæ. Quod si nullus adsit gradus, prout in oratoriis privatis, & in angustiis locis solet contingere, tunc vertat se, & sistat in tali loco, ut inter ipsum & Altare sit aliqua distantia.

2. Ad Confessionem ita jungit manus Celebrans, ut non tangat Planetam, & pollicem dextrum ponat super sinistrum in modum Crucis, quod semper observare debet, quandoque; jungit manus à principio Missæ, usque; ad Consecrationem, & finitâ Communionem, usque; ad finem Missæ. Si ante factum signum Crucis, in viciniore Altari Celebrans conspiciat fieri elevationem SS. Sacramenti in Missa, & hæc quasi oculis se eius obliat, non incipiat Confessionem, sed genuflexus in gradu Altaris permaneat usque; ad depositionem Calicis. Si in remotiori Altari cognovit per sonum campanulæ peragi elevationem non advertat, sed incipiat Confessionem. Si denique; iam inchoata Confessione conspexerit prope elevationem, non attendat, & non interrumpat inceptam Missam.

3. Licet si D. Abbas celebret Missam, aut sit ei præfatus, ministri tamen non aliter dicunt, nisi *Tibi Pat r, & Te Pat r*; cum etiam si fuerit summus Pontifex (ut Rubrica Missalis testatur) non immutantur hæc verba. Celebrans dicens: *Misereatur vestri* &c: non dicat omnibus, & ad *Indulgentiam* &c: non addat etiam omnium. Ascendens ad Altare, eo osculato, antequam accedat ad cornu Epistolæ pro dicendo Introitu, non est facienda Cruci inclinatio.

4. Errant hi, dum ab Introitu procedunt ad medium Altaris, in via dicunt *Kyrie eleison*, & multo magis ii, qui nimis festinanter volendo absolvere Missam, & Introitum terminant in via, aut pariter in via incipiunt. Cantando Missam Celebrans, licet non solemniter, potest, in cornu Epistolæ stando, recitare *Kyrie eleison*, non tamen in Missa lecta, quia tunc in medio dicere debet. Si Celebrans videat Ministrum imperitum ad recitandum *Kyrie eleison*, ipse solus novies repetere debet, ordine in Rubro expresso.

5. Celebrans dicens *Gloria in excelsis* elevat manus usque; ad brachia, scilicet extremitatem digitorum, & non supra; dum dicit *Deo* inclinat caput, & oculos non elevat. Pari-

formiter se gerit Celebrans, dum dicit: *Credo in unum Deum.* In dictis *Gloria*, & *Credo Celebrans* ad ultimum *ꝑ.* ita se signare debet, ut ad verbum *Amen*, Semper jungat manus. Cum dicit *Dominus vobiscum*, non inclinet caput versus populum, sed sit capite erecto, oculis autem demissis, non tamen adeo, ut quasi pedes suos aspiciat, aut omnino clausis, sed respiciat illam plani anterioris partem quæ vel distat, vel distare videtur ab Altaris suppedaneo quasi cubitis tribus. Manus etiam dsjungat ita recte, ut digitorum extremitates quasi per lineam rectam ferantur, non tamen ultra latitudinem corporis, videlicet non extra humeros, nec quasi repellendo à se. Videat Celebrans, ne committat errorem dicendo, in via, vel adhuc in medio Altaris, *Oremus.*

6. Ad Nomen *JESU* inclinat se Celebrans versus Crucem ita, ut & humeros aliquomodo inlestat. Ad Nomina *MARIE*, & Sanctorum quorum aut festivitas Celebratur, aut sit Commemoratio tanquam Simplicis, vel ejus octava celebratur, vel SS. P. *Benedicti*, aut deniq; Patroni seu Titularis Ecclesie, caput inclinet versus Librum, sicut & ad Nomen *Papæ*, quod pariter observabit & in Canone. In Quatuor temporibus, vel alias, quando dicendæ sunt plures orationes cum Prophetiis, *Kyrie eleison* non debet dici in cornu Epistolæ, sed in medio Altaris, ubi facta Cruci reverentia revertendum est ad Librum. Tractum, & Graduale post Epistolam dum legit Celebrans, non junctis ante pectus manibus, sed super Libro positis, prout ad Epistolam, pariter dicendum est de Sequentia, aut Prosa.

7. Dum dicit Celebrans *Munda Cor meum &c.* non dicit *Jube Domne*, sed expresse *Domine* quia ipsum Deum alloquitur: Diaconus verò petens à Celebrante benedictionem dicit *Jube Domne benedicere*, sive ille Celebrans sit simplex Sacerdos, sive Prelatus, quia non Deum, sed ipsum alloquitur. Ipse Celebrans manus junctas tenet tunc non super Altare, sed ante pectus, nec se signat, nec dicit: *In nomine Patris &c.* licet solus Missam Canet, Ministro respondente *Gloria tibi Domine.* Celebrans nec se vertit ad Crucem, nec inclinat Caput. Signando Librum sive Celebrans, sive Diaconus, sinistram manum ponit super eum, & statim eum seipsum signat, eandem manum sinistram retrahit, & ponit intra pectus. Signet rectam Librum, sicut & seipsum, non ungue pollicis, sed pulpa ipsa, manu tota extensa, & digitis cernino junctis.

8. Quando dicitur Symbolum, in missa privata Celebrans ad *ꝑ.* *Et incarnatus est*, usq; ad illa verba *Et homo factus est.* inclu-

inclusive unicum tantum genu flectit, & non utrumq; ad ultimum vero verba, etiam caput inclinat. Errant ergo ii, qui ad dictum y. utrumq; genu flectunt, hæc enim devotio est superflua. Pariter errant hi, qui Offertorium dicunt extensis manibus, faciunt enim expresse contra Rubricam, quæ sic habet: *junctis manibus dicit Offertorium*. Similiter errant illi, qui plicato velo, cum deberent ponere Calicem versus cornu Epistolæ extra corporale, & inde manu dextra amovere pallam, eademq; sumere Patenam cum Hostia, ipsi dextera quidem reponunt Calicem in cornu Epistolæ, sed eodem tempore sinistra accipiunt Patenam, cum palla, quod expresse agunt contra Rubricam in *Cer. Mis. c. 10. 6. 12. n. 3.*

9. Ad Oblationem Hostiæ, Celebrans Patenam cum ea sustinet utraq; manu elevatam super medium Corporalis, ad altitudinem tantum pectoris, ita, ut aliquantulum distet ab ipso, nec eam elevet ante faciem, aut ob oculos, ut faciunt inadvertenter multi, & tunc oculis ad Crucifixum elevatis, ac statim demissis dicit: *Suscipe &c.* Ad finem orationis dum facit signum Crucis cum Patena & Hostia super Corporale, utraq; manu adhuc teneat Patenam, & non faciat per puncta... sed linea recta + ducendo utramq; manum cum dicta patena, non tamen per ipsum Corporale, tangendo illud, sed ad distantiam supra quasi 4. digitorum, sicut & longitudo Crucis cum Patena in utraq; linea, non debet excedere palmi unius extensionem.

10. Si Celebrans in Missa consecraturus est plures Hostias, seu particulas pro Communione fidelium, imprimis, quando Particulæ sunt paucæ, puta 5. vel 6. poni debent super Patenam ad oblationem, & postea subius Hostiam; Si sunt plures super Corporale poni possunt, ad partem Evangelii, separatim ab Hostia, supra tamen petram Sanctam, ex quibus una, ad Oblationem in signum non est necessario ponenda, sufficit enim sola Intentio, quinimo immobiliter super corporalis manere debent, etiam ad Consecrationem. Si vero sint particulae in magna quantitate, ponantur in aliquo vase Sacro, videlicet Pixide vel Calice, aut saltem patena, & illud vas particularum collocetur post Calicem Missæ, ita ut sit inter ipsum Calicem, & tabellam Secretarum, modo in petra Sancta. Tempore oblationis, immediate antequam amoveatur Palla à Patena, dictum vas Celebrans discooperiat, absq; eo quod moveat, & facta intentione offerat eas cum

hostia, non est enim necesse eas simul cum majori hostia elevare; aut admovere. Ita sentiunt: *Bissus* §. 36. *Bau'dry* loc: *supra cit.* & alii.

11. Celebrans, aut Diaconus, vel alius Assistens infundens vinum in Calicem pro oblatione, fundat in quantitate decenti, non nimia, ita nimirum; quod uno haustu parvo à Sacerdote, sine interruptione sumi possit, seu ut fundum Cuppæ Calicis contegatur eodem vino. Tandem benedicta aqua (si benedicenda est) infundat parum, scilicet 4. vel 6. guttas, eoq; minus, quia vinum est debilius. Advertat autem Celebrans, ne tunc, quando infundit vinum, & aquam, teneat Calicem elevatum, sed super Altare positum: Neq; eum secum, procedendo ad medium Altaris, serat, sed relinquat in eodem loco, aut aliquomodo propius admoveat, ut stando ad medium Altaris, commodè illum dextera accipere possit.

12. In oblatione, Calicem ita elevatum teneat, ut neq; excedat oculos labium eius, neq; sit infra eos, ad differentiam Calicis elevati penes Consecrationem. Signum Crucis dum facit cum Calice vini, tenendo eum ambabus manibus, non per puncta, . . . sed per lineas rectas faciat +, nec per ipsum Corporale, sed in elevatione, quasi per 4. digitos, crucem formet, quæ longitudinis in utraq; linea palmum excedere non debet, nec tamen obliviscatur, formatà Cruce, parum elevare Calicem, & statim in medio collocare.

13. Collocato Calice, dexterâ accipiat Pallam, eaq; cooperiat Calicem, sinistra pedem Calicis tenens, ne forte Sacerdos in Calicem impingens, nolens invertat, quod semper observabit si cooperiat Calicem, si ve discooperiat, ad præcavendum everisionis periculum, maxime post Consecrationem. Hoc tamen periculum facile evitari poterit, si Celebrans à propria festinatione se abtineat, meminisse enim debet officii sui, circa tremendum Sacrificium.

14. Dum Celebrans facit Crucem super Oblata advertat imprimis semper, quod manus sinistra, si non est impedita, poni debeat super Altare extensa, ante Consecrationem quidem extra Corporale, post consecrationem vero supra Corporale. Deinde dextera manus Celebrantis benedicens debet esse elevata supra id, quod benedicit, una cum brachio suo. Quæ dum format Cruces super oblata, faciat eas in linea recta, & non per puncta, manu, & digitis extensis, ac iunctis, quos non moveat tunc quasi aspergendo, nec manum infringat, sed lineam transversam Crucis, rectâ, & extensâ
ut

ut prius manu formet, nec manum deprimat à Calice ad hostiam, sed rectè, in eadem Superficie, quæ supereminet Calice, terminet Crucem, nec deniq; nimium parvas ob velocitatem faciat Cruces, alias quasi circuloꝝ efformatio conspicietur, sed in proportionata latitudine, ut benè, ab omnibus Crucis expressio observari possit. Quæ doctrina in omnibus benedictionibus observanda est, maxime in Sacrificio Missæ.

15. Lavando manus, non totas lavare debet, sed tantum extremitates indicis, & pollicis, utraq; manus, quibus tangitur sacra Hostia: Psalmum *Lavabo* &c: totum, etiam cum *ÿ. Gloria Patri* toto, ad cornu Epistolæ Celebrans recitare debet, non verò procedendo ad medium Altaris, aut in ipso medio terminando, ut propter velocitatem faciunt multi expresse contra Rubricam. In Missis de *Requiem* ad prædictum Psalmum licet non debeat addi *ÿ. Gloria Patri*, neq; tamen in locum eius addatur *ÿ. Requiem æternam*.

16. Conversus Celebrans ad populum dicendo: *Orate fratres*, non faciat impetuosum circulum, sed paulatim verrendo se, morulam aliquam in medio ad populum faciat, prosequendo interim submisit: *Ut meum* &c: usq; ad illa verba: *Deum Patrem omnipotentem*. Minister etiam non prius respondeat: *Suscipiat* &c: quousq; Celebrans non terminaverit per illa verba: *Patrem Omnipotentem*. Neq; Sacerdos prius dicat *Amen* quam minister suam compleverit orationem per ea verba: *Ecclesiæ suæ Sanctæ*. Si vero Minister imperfectus aut ex parte male enarrat dictam Orationem, aut de toto ignorat, ipse Sacerdos conversus ad Altare, submissa voce, junctis manibus dicere tenetur *Suscipiat Dominus* &c: *de manibus meis* &c:

17. Cum Celebrans legit orationes Secretas, non se moveat à medio, sed Missale collocet propè Corporale, ut commodè legere possit, ad quod & inclinare se parum versus Librum potest. Folia libri sinistrâ vertere debet, dextera vero tunc super Altare extensa retineri debet. Si plures sint Orationes secretæ, primam concludendo sibi metipsum responderi submisit: *Amen*, nec subjungit *Oremus*, sed absolute alias prosequitur. Signando se in fine prælationis hanc regulam Celebrans servare tenetur: dum profert verbum: *Benedictus*, signat frontem, dum profert: *qui venit*, signat pedus, dicendo: *in Nomine Domini*, signat humerum sinistrum, & proferendo: *Hosanna in excelsis*, signat humerum dextrum.

§ 3.
Observanda à Canone Missæ, usq; ad Orationem Dominicam.

I. **P**rima verba Canonis, scilicet: *Te igitur &c:* debent proferri à Celebrante statim, ac elevat manus, & oculos, non enim debet dari gestus, sine voce, qui alioquin est inconcinnus, & indecens. In hoc initio Canonis post memoriam Summi Pontificis, nominandus est Episcopus illius loci, in quo Missa celebratur, non vero ordinarius Celebrantis, nisi in sua Diocesi; neque tunc sunt nominandi Superiores Regularium, aut Generales Ordinum, prohibuit enim S. R. C. ut patebit ex indice Decretorum. D. quoque Abbas loco Episcopi, vel post, non debet dicere *Et me indigno fratre tuo*, licet etiam Pontificaliter celebret, quia expresse prohibent Decreta Pontificia, sed suum Ordinarium nominare tantum tenetur. In casu, si Religiosus existens in via, & vel ignorat Diocesim, vel ignorat, aut non recordatur nomen Episcopi, loci, in quo Celebrat, satis est dicere: *pro Antistite nostro*, intelligendo eum mentaliter, in cuius Diocesi celebrat. Ita Pasqualigus de Sacr. f. novæ Legis Tb. 1. tr. 2. q. 27. n. 26. à Fortu P. 2. de Miss. So. tit. 7. Rubr. 9. in adnot. n. 6. Angl. P. 3. tit. 7. N. 60. Merati. P. 2. tit. 8. Rubr. 2. n. 5. Cærem. Monast. Bened. Rom. L. 1. c. 21. §. 9. n. 1. & alii.

2. Commemoratio Vivorum, sicut & Mortuorum, non debet esse nimis brevis, scilicet in momento, sed durare ad minimum debet, saltem per spatium unius *Pater noster*. Ita Tonellius L. 2. tit. 8. Rubr. 3. n. 2. Bissus lit. S. n. 20. §. 52. à Portu n. 3. Bauldry. Merati, pluresque alii. Dum dicit Celebrans *Memento* extensas manus aliquantulum elevat, & jungit, non usque ad oculos, sed usque ad mentum circiter; ideoque errant illi, qui prius demittunt manus, Altare tangunt, deinde elevant; & jungunt. Ut advertit Garraf. c. 8. §. Arrivato.

3. Dicendo in Canone *Hinc igitur &c:* expandit manus simul super oblata, non disiungendo pollices, sed solummodo manus adaperiat ex parte inferiori super oblata, ita ut digitorum extremitates perveniant ad medium circiter palme, non tamen illam tangant, retento pollice dextro, super sinistrum in modum Crucis supra, non infra manus, ut declaravit S. R. C.

Et

Et dum concludit dicendo: *per Christum &c.*: manus non dis-
iungit, sed solum retrahit ante pectus, & claudit utramq;
palmam.

4. Faciendo 5. Cruces ante Consecrationem, dum dicit
Celebrans *Benedictam &c.*: tribus prioribus peractis, antequam
exprimat Verba: *rationabilemque acceptare digneris*, ne manus in
aere maneat pendula, praesertim si paulatim proferantur dicta
verba, potest interim iungere manus, & non ponere super
Altare, quia antequam sit benedictio, semper debent prius iun-
gi manus, haec est generalis Regula Rubricae. Quare in illa
pausa, antequam reliquae duae perficiantur Cruces, super Ho-
stiam, & Calicem, si Sacerdos iungat manus, non est argu-
endus imperitiae, cum P. Merati ob varias rationes solidas
sic consulat, ut rubrica Missalis observetur. Qui autem ce-
leriter recitant, poterunt continuo 5. Cruces facere non
interrupte, praesertim quia nimium, nimiumque gaudeant bre-
vitate moderni.

5. Si adfunt particulae consecrandae super Corporale, ma-
neant in loco suo, ut supradictum. Si autem in Pixide, vel
Calice, Celebrans antequam capiat Hostiam, attrahat dictum
vas propius ad latus Calicis, ut videat praesentes particulas.
Hic errant nonnulli, qui scire desiderant, quot numero in
Calice, seu Pixide sint datae ad consecrandum particulae, quia
vero numerando potest errare Sacrista, & sic si superabit
aliqua, non erit consecrata, sed tamen ignota, si deficiet,
frustrabitur forma consecrationis, & exinde multa causaren-
tur dubia. Sufficit ergo facere intentionem consecrandi prae-
sentes in Calice vel Pixide particulas. Qui utuntur perspi-
cillis ipsa non adhibeant, si possunt, a Consecratione, usque ad
peractam Communionem, quod si iis necessario Celebrans uti
debet, capiat ea inter indicem, & medium digitum, ac nun-
quam super Corporale ea deponat; Ita praecaverit P. Bauldry
R. 3. c. 5. n. 6.

6. Proferens verba Consecrationis, caveat ne afflet, nec
ore, vel barba contingat Hostiam, aut Calicem, nec moveat ca-
put ad singula verba Consecrationis, nec signet cum eodem
capite Hostiam, aut Calicem, nec eadem ante, vel post conse-
crationem osculetur: Neque verba consecrationis magno conatu,
aspiratione, vel sibilo proferat sed unico contextu, & nulla in-
terposita mora inter singula verba, eaque ita secreto proferat,
ut a nemine audiantur. Sub tempus huius consecrationis Ce-
lebrans

lebrans pares retineat pedes, super suppedaneo Altaris, dextro ultra, vel supra sinistrum, reverentiæ causa, nullatenus remoto, aut reflexo.

7. Prolatis verbis consecrationis Hostiæ, Celebrans eandem Hostiam consecratam tenens inter pollices, & indices, reliquis manuum digitis extensis, & simul junctis, unico genu adoratur, sed cum aliqua morula, & usq; ad terram genuflectendo, cubitis extra Altare positis, & manibus super Corporale retentis, sacram Hostiam tenentibus. Ad commodiorem itaq; genuflexionem manus cum Hostia appropinquet ad oram Altaris, retentis solis manibus usq; ad pulsus Hostiam retinentibus super Corporali; & ita genuflectat, ne S. Hostia prius populo appareat, quam elevetur. Videat etiam, ut dum S. Hostia elevatur; ab omnibus conspici, & adorari possit, non diu tamen elevatam teneat. Hocq; animadvertat, quod elevare debeat perpendiculariter, id est recta linea super corporale, & non supra Calicem, aut supra Caput, oculis in eam intentis, nec nimis lentè, nec nimis properanter. Idem pariter dicendum de Calice, quem parum elevatum teneat, non tamen totum in aere, sed quasi inclinatum erga se ad Consecrationem. Deposita S. Hostia, removeret ad locum suum, ubi prius stabat, Pixidem, aut Calicem cum particulis consecratis, cooperiendo ut prius. Sub tempus depositionis Hostiæ, aut Consecrationis Calicis, caveat Celebrans, ne manipulo tangat eam, in quo caute procedendum est.

8. Non sunt laudandi hi, qui peracta consecratione, recondunt Pixidem prædictam intra Tabernaculum, vel extra sacram Petram; sed pariter reprehendendi sunt illi, qui nulla urgente necessitate, statim post consecrationem, distribuunt populo dictas particulas modo consecratas, quæ cum pertineant ad idem Sacrificium, non licet eas dispensare fidelibus, nisi peracto eodem Sacrificio. Ita Quarti P. 2. tit. 8. Rubr. 5. n. 4. Card. de Lugo. disp. 20. de Euch. n. 69. Tonellius L. 2. tit. 8. n. 6.

9. Consecrato Calice, deponendo eum supra Corporale, antequam genuflectat, dicat Celebrans hæc verba: *Hæc quotiescunq; Et. postea genuflectat; unde errant illi contra Rubrum, qui aut in elevatione Calicis, aut surgendo à genuflexione, ea proferunt. In actuali Calicis consecratione, quando Celebrans caput inclinare debet, inclinet versus Hostiam consecratam, & non versus Crucem. Elevet autem dictum Calicem ita, ut pes ejusdem Calicis, non excedat oculos Sacerdotis, intentos sem.*

semper in prædictum Calicem elevatum. Ita Bonamicus P. 2. n. 28. Gervasi. Merati & alii communiter.

10. Errant nonnulli, qui, ob nimiam velocitatem, adhuc genuflectentes incipiunt dicere *Unde & memores &c.* quia & Rubrum non aliter, quam adorato Calice præcipit dicere, & graves Authores declarant, ut Sacerdos, non prius, quam post factam genuflexionem, præfata Canonis verba extensis inchæet manibus. Bonamicus P. 2. n. 32. Castaldus L. 2. c. 6. n. 56. Merati P. 2. tit. 9. n. 1. & Cærem. Monast. Bened. Rom. L. 1. c. 21. §. n. 3.

11. Ante memoriam Mortuorum signata Hostia, Calice, & seipso Celebrans, ad illa verba conclusiva: *Per eundem Christum Dominum nostrum Amen*, jungere debet manus, & incipiendo deprecationem pro Defunctis, puta *Memento &c.* tenetur extendere, ac tandem lente conjungere ita, ut conjunctio mandum terminetur his verbis: *in somno pacis*. Vitandum autem omnino est, ne dum dicitur: *Memento* Celebrans manus deponat super Corporale, & exinde elevet, ac jungat, vitium enim magnum est. Memoriam defunctorum non prius faciat, quam post illa verba: *in somno pacis*, quæ oratio pro dictis Defunctis non in ictu oculi perficiatur, sed ut supra dictum est, prolongetur ad spatium unius Orationis Dominicæ, oculi vero non figantur in quid aliud, quam in sacram Hostiam à se consecratam. Sic sentiunt: Bauldry P. 3. tit. 9. Rubr. 2. n. 1. Tonell. L. 2. tit. 9. Rubr. 2. n. 1. à Porta P. 2. de Missa tit. 8. Rubr. 8. in adnot. n. 5. Præterea Celebrans dum dicit: *Nobis quoque peccatoribus* non se inclinet, sed erectus manendo, percutiat pectus tribus tantum digitis extensis, ne pollex, & index tangerent Planetam, neque se ad populum, propter abusum, parumper vertat.

12. In formatione Crucis cum Hostia, supra Calicem, sequentia notet Celebrans. 1. Ut non omnino à parte inferiori Hostia sumatur, sed aliquantulum infra medium, oræ ipsius, ut recta linea, sine ulla prorsus ejusdem inclinatione, à labio, ad labium super Calicem signum Crucis cum ea efformari possit. 2. Ut dum sunt Cruces à labio, ad labium, Hostia non tangat labia Calicis. 3. Efficiantur S. Hostia veræ Cruces, & non circuli propter nimiam celeritatem, quæ nunquam laudabilis est, præsertim in sacris actionibus. 4. Dum fiunt Cruces inter Calicem & pectus, Celebrans parum brachium sinistrum incurvet, ne formandò dictas Cruces, Hostiam super brachium ipsum pertransire faciat. 5. Ita S. Hostia à labio Calicis protrahatur ad pectus, ut rectam formet lineam, non extra, sed intra Corporale; hæcque formatio Crucis binæ pariter

æqualis fiat, non autem una minor, altera maior. Neq; S. Hostia excedat Calicis altitudinem, aut infra labii summam deprimatur. 6. Ut Hostia supra Calicem repens, & cum Calice elevata, non nimium elevetur, ne ostendatur populo ad adorandum, sed Calix cum S. Hostia non ultra 4. digitos à Corporali elevari debet. 7. In hac functione Celebrans aliquod signum specialis reverentiae præstare non debet, sive amplius genuflectendo, sive pedem inflectendo, sive Caput inclinando, quia nihil est addendum, quod Rubrica non præscribit.

§. 4.

Adnotanda nonnulla ab Oratione Dominica usq; ad finem Missæ.

1. **D**icta Oratione Dominica, Celebrans non prius respondet *Amen* secreto, quam Minister dicat, *Sed libera nos à malo*. Nec prius accipiat dextera Patenam, quæ erat sub Corporali, quam dicto à se secreto *Amen*. Non se signet prius Patena, sed omnino in his verbis: *Da propitiùs pacem* &c. Non supponat Hostiæ Patenam prius, quam finita deprecatione ante *Per eundem* &c. nec prius genuflectat antequam eandem orationem de toto finiat. Unde reprehendendi sunt illi, qui inchoando *Libera nos* &c. & statim se signant, & supponunt Patenam Hostiæ, & genuflectunt ac frangunt Hostiam necdum finita prædicta oratione, propter velocitatem frivolam.

2. Nunquam in illa parte à Celebrante osculari debet Patena, per quam transiura est Sacra Hostia, aut in qua collocari debet. Item postquam Celebrans osculatus fuerit Patenam, eam non extergat denuò, nisi humefacta fuerit multum sudore, in ætate decidente. Frangendo S. Hostiam per lineam rectam, non unico ictu frangatur, ne in fragmenta multa dividatur, & dispergatur; sed diligenter, & attentè prius partim in superiori parte, postea in medio, denuò in infima, fiat modica fractura, & postea tota Hostia frangatur, nunquam autem dilaceretur, aut distendatur. Collocata medietate Hostiæ in patena, quam Celebrans indice, & pollice dextro tenebat, de altera medietate frangatur pars, nec nimium parva, nec nimium magna, & hæc non de superiori parte, sed de inferiori, quemadmodum declaravit S. R. C.

3. Formando Cruces cum illa minima particula, dum dicitur: *Pax Domini* &c. Celebrans non cum solis pollice, & indice

dice, tenentibus dictam particulam facere Cruces debet, sed cum tota manu dextra, aliquantulum super Calicem elevata; & hæc ipsa particula consecrata non supra Calicem, ut emineat labia ejus, sed intra os, seu labia Calicis tenenda est, ut commodius cum ea Cruces fiant, & melius Rubrica salvetur, tamen sine attactu labiorum, & particulæ. Digiti non prius sunt expurgandi supra Calicem, quam prolatis secreto illis verbis: *Hæc commixtio &c.* non tamen per frictionem supra labia Calicis.

4. Ad *Agnus DEI*, sinistrâ positâ suprâ Corporale, & non infra pectus, tribus digitis extensis percutit pectus, præcavendo, ne index, & pollex tangerent Planetam. Dictis Orationibus tribus, vel duabus, pro qualitate Missæ, Celebrans genuflectit unico genu, non tamen utroq; quia hoc expresse contra Rubricam efficit, & contra usum Ecclesiæ, adorat tamen Hostiam cum aliqua morula, seu cum majori, ut aliàs, reverentia, non tamen longo temporis spatio durante, ut concludunt: *Bissus Lit: S. n. 20. §. 55. Baudry P. 3. c. 5. n. 6. & alii.* Eredus ita in manibus componit Hostiam divisam, ut appareat figura illius rotunda, ut prius erat, non una medietate supra aliam posita, sed unâ, alteri appositâ.

5. Dum Celebrans dicit: *Domine non sum dignus &c.* ne collocet Cubitum, aut brachium suum super Altare, neq; digitis manus sinistræ tangat Corporale, sustinendo Patenam cum Hostia, nisi forte propter debilitatem manus necesse foret, quod digitus minimus prædictum Corporale tangeret. Neq; Hostiam elevatam teneat ad latus, ut à populo videatur, & adoretur, nec corpus suum intorqueat, sed stando rectè versus Altare, parum inclinatus maneat, elevando Patenam cum Hostia non supra, quam ad 4. digitos supra Corporale.

6. In sumptione S. Hostiæ servet moderamen, quantum potest, aperiendo enim os ad sumendum, linguam non exponat, leniterumat, moderatè mollificet supra linguam, dentibus indecenter non comminuat, sed intactas partes, saliva supra linguam humectatas, si poterit deglutiat: quod pariter ab iis, qui communicant, observandum est. Quod si palato, vel dentibus adhæreat aliqua particula, tunc modestè linguâ, & non digito inde avellat, & ubi facile non possit,umat Sanguinem, & ablutione humectande deglutiat.

7. Sumpta S. Hostia Celebrans, persistens per aliquam morulam in meditatione SS. Sacramenti, quod intermittere, ob devotionem populi, & reverentiam tantæ Mysterii, nullomodo

debet, genuflesit unico genu morosè, & accipiendo cautè Patenam, paulatim, & attente colligit fragmenta, non tamen seltitanter, propter periculum effusionis Sanguinis, & detergit Patenam supra Calicem, in qua licet nullas conspiciat particulas, nunquam tamen diutam extensionem intermittere debet. Caveat autem concussionem Patenæ cum strepitu ad labia Calicis, quia & particule possunt ex illo impetu alibi decidere, & expressæ Rubrum violaretur. Exterfa supra Calicem Patena, mementi Celebrans, & digitos suos supra eundem Calicem extergere, & non fricare.

8. In sumptione SS. Sanguinis trinus adhibeatur hantus, unica tamen parte labii, non diversa. Si verò postquam Sacerdos sumpserit Sanguinem particula S. Hostiæ in Calice remanserit, non aliter procedendum est, quam, ut cum purificatione sumatur; non autem digito extrahatur, hoc enim esset inconveniens. Caveat Celebrans ut neq; labia Calicis, nec sua, neq; ipsos digitos lambat, ut ineptè quidam faciunt. Pro purificatione tantum infundatur vini in Calicem, quantum pro consecratione fuit infusum, hocq; Celebrans circumagat intra Calicem, ut absumentur omnes species, eademq; labii parte sumat purificationem, qua sumpsit & Sanguinem. Abstemius non se purificet sine vino, inconsulto summo Pontifice, ita statuit S. Pius V. in *Epist. ad Archiep. Tarrac. 8. Januarii 1571.*

9. Si in eadem Missa communicandus est populus, statim sumpto SS. Sanguine, antequam dicat: *Quod ore E.* & antequam infundatur vinum pro purificatione, collocato Calice in loco suo, eoq; palla tecto, appropriat Pixidem, seu Calicem cum particulis præconsecratis, aut extrahit eam de Tabernaculo, vel paucas particulas super Corporali consecratas in Patenam congregat, & dicto à Ministro *Confitor E.* genuflesit, ac conversus ad populum lateraliter, & non directè, ne terga vertat Sacramento, dicit: *Miseretur vestri E.* & *Indulgentiam E.* quod sine ulla mutatione profert in numero plurali, licet unus tantum velit communicare, cæteraq; peragit ut Rubrica præferibit. Hoc tamen Sacerdos notet, quia, dicendo ad populum vernacula lingua: *Domine non sum dignus E.* dum S. Hostiam in manibus tenet, nunquam aliter proleat, nisi in genere Masculino, licet una tantam semina communionem petat. Hoc idem observari

debet, etiam in Communione Infirmorum, sine ulla immutatione.

10. Peracta Communione si remanent particulae, factis debitis genuflexionibus servari debent in Ciborio, seu Tabernaculo, aut si paucae remanserunt particulae, quas reportare ad Ciborium difficile esset, sumantur à Celebrante reverenter. Tum dicto: *Quod ore sumpsimus &c.* porrigat Celebrans Calicem, pro purificatione, super Altare, ad cornu Epistolae, ut ei Minister inundat vinum, non tamen extra Altare, nisi forte Minister sit nimis exiguae staturae. Purificatio, & Ablutio binò sumatur haustu, non multiplici. Sumpta Purificatione non extergat digitis sua labia Celebrans, neq; labia Calicis, quia vana haec observatio est.

11. Ablutio digitorum in Calice, fieri semper debet ad cornu Epistolae, ideoq; Celebrans de medio Altaris ad latus Epistolae parùm recedere tenetur. Non recedet ad medium Altaris prius, quam abstersis purificatorio digitis: alias, quomodo junctarum manuum digitis humidis, & fluentibus sese Cruci inclinaret? Itaq; exteris digitis diligenter, deponit purificatorium extra Corporale, accedit junctis ante pectus manibus ad medium Altaris, caput Cruci inclinat, & capit Calicem cum ablutione, eamq; sumit, extergit postea purificatorio labia sua, ac demum Calicem mundat. Vitet autem vanas observationes, & ne purificatorio extergat oculos, aut aliquam Corporis partem.

12. In facienda ablutione hoc observandum est, quia digitis, videlicet pollices, & indices, vino & aqua abluuntur, non autem vino solo, aut sola aqua, quia hoc est omnino contra Rubricam, ut observant: *Corfitt. Tr. 1. c. 1. n. 5. Bonamicus P. 1. observ. 5. n. 13. & Arnaud; P. 2. tit. 9. n. 10. & quod non liceat (juxta sensum Merati P. 2. tit. 10. n. 21.) absq; privilegio Pontificio, quando non est causa sufficiens, quae excuset. Ita Cærem. Missæ priv. c. 10. §. 26. n. 4. Si Celebrans etiam post ablutionem deprehenderit aliquam particulam etiam majorem supra Corporale relictam, eam sumere debet, quia ad idem pertinet Sacrificium. Ita Gavant. P. 3. tit. 7. n. 2. Bauldry P. 3. tit. 10. Rubr. 7. Vinitor §. 30. Bonac. de Euch. Disp. 4. q. 6. pun. 2. n. 12. Layman L. 5. tr. 4. c. 6. n. 22.*

13. Antiphona quæ dicitur Communio legi debet omnino in cornu Epistolae ad Librum, licet memoriter scjatur, unde multum reprehendendi sunt illi, qui eam in medio, vel in via procedendo ad cornu Epistolae, vel ab eo recedendo, propter velo-

velocitatem recitant. Dum dicitur Postcommunio, præmittitur solita particula: *Oremus* ut initio Missæ ad Orationes; dum vero ultima concluditur Postcommunio, conclusio illa compleri debet ad Librum, in latere Epistolæ, & non revertendo ad medium, quia non convenit complere verba orationis alibi, quam in cornu Epistolæ, magisq; hoc frivolitati adscribendum esset, quam debitæ gravitati, quam requirit tantum Sacrificium. Neq; Missale claudendum est prius, nisi finita conclusione Postcommunio.

14. Finita Missa, Celebrans descendens ab Altari, & revertens in Sacristiam, facta in plano Cruci reverentia, aut Tabernaculo genuflexione, in eodem loco accipiat Birretum, statimq; eo Caput contegat, & sic procedat ad sacrarium. Si obvium habuerit alium Sacerdotem accedentem ad Altare, sequatur viam suam à latere suo dextro, & ille alius similiter, consulent etiam seipsos mutua Capitis inclinatione, non depositis tamen Birretis. Veniendo in Sacristiam adhuc recto capite faciat profundam Cruci, aut Imagini, reverentiam, & deposito prius Calice, caput discooperiat, tum exuat se ordine retrogrado.

Decreta S. R. Congregationis.

1. Cæremoniæ novæ non inducendæ, nec antiquæ immutandæ absq; expressa licentia, quam dare debet S. R. C.
12. *Maii 1612. in una Urbis.*

2. Non debent Regulares in Canone nominare Superiores suos, ut Antistites. S. R. C. 14. *Novembris 1615.*

3. Annuli usus prohibetur in Missa Prothonotariis, & quibuscunq; Doctoribus. S. R. C. 11. *Februarii 1623. in Torpien.*

4. facultas concedendi usum Pileoli in Missa spectat ad Papam. S. R. C. 24. *Aprilis. 1626. in Veliterna.*

5. Signum quod sit cum Patena à fronte ad petus, sit integrè cum signo Crucis, post quod debet deosculari. S. R. C. 13. *Martii 1627. in Panormitana.*

6. In fine Missæ, ad quodcunq; Altare celebratæ fiat reverentia Cruci infra gradus, capite semper aperto. S. R. C. 28. *Augusti 1627. in una Urbis.*

7. Insignis Reliquia est Corpus, Caput, Brachium, Crus, aut alia pars Corporis integra & non parva, in qua passus est Martyr, & quæ sit legitimè ab Ordinariis approbata. S. R. C.

3. *Aprilis. 1628. in una Missalis ex Decr. generali.*

8. Qui præ timore, vel balbutie non pronuntiat Evangelium S. Joannis, quod legitur in fine Missæ, sed eius loco aliud suo arbitrato recitat, debet à Missarum Celebratione suspendi, quousq; illud rite pronuntiare affvescat. S. R. C. 5. Julii. 1631. in Salernitana.

9. Ubi non est aurora Physicè pro licita Missarum celebratione, attendatur ea moraliter, & politicè, quando scilicet terminari solet hominum quies, & inchoari labor, juxta probatam Regionum consuetudinem. S. R. C. 18. Septembris & 2. Novembris 1634. in una Miss. Rom.

10. In Canone omnino facienda est commemoratio de Episcopo, etiam ab exemptis. S. R. C. 25. Septembris 1649. in Tornacen.

11. Quando SS. Eucharistie Sacramentum publicè discooperitum exponitur, omnes ante illud transeuntes, cuiuscunq; conditionis, & ordinis sint, seu ad illud accedentes, seu ab eodem recedentes, semper utroq; genu flectere debent. S. R. C. 19. Augusti. 1651. in una Urbis.

12. Missa non potest celebrari cum Cæturie sista. S. R. C. 3. Augusti. 1652. in Mediolana.

13. Crux parva cum imagine Crucifixi posita super tabernaculum, in quo asservatur inclusum SS. Sacramentum in Altari, non est sufficiens in Missa, sed poni debet alia Crux, in medio Candelaborum. Et in Altari in quo est magna statua SS. Crucifixi, non est necesse ut ponatur alia Crux dum Celebratur Missa. S. R. C. 16. Junii 1663. in Rosanen.

14. Cruces quæ sunt à Sacerdote super Oblata, non sunt faciendæ manu transversa, sed manu recta in transversa parte Crucis. S. R. C. 4. Augusti 1663. in una Dalmat. & 24. Julii 1683. in Albigen.

15. Manus Sacerdotis ad Hanc igitur &c: debent ita extendi, ut palmæ sint apertæ, pollice dextro super sinistrum in modum Crucis, supra manus, non vero infra manus. S. R. C. 4. Augusti 1663. in una Dalmat.

16. Pars inferior Hostiæ præcidi debet, non autem Superior, quando dicitur: Pax Domini sit semper vobiscum. S. R. C. 4. Augusti 1663. in una Dalmat.

17. Missam in Altari maiori ubi est expositum publicè SS. Sacramentum non licet celebrare, præsertim si in Ecclesia adsint alia Altaria, in quibus celebrari possit S. R. C. 9. Augusti 1670. in Bononien.

18. Qui recitat Officiam de Sancto de quo habet insignem

gnem Reliquiam in propria Ecclesia, si celebret eo die in alia Ecclesia, debet omittere *Crdo. S. R. C. 2. Decembris 1684. in una Canon: Regul. Lateran.*

19. In Missa privata de S. duplici, vel semiduplici, de quo tali die fit Officium, potest quidem fieri commemoratio de SS. Sacramento exposito occasione Quadraginta horarum, sed omittenda in Festis 1mæ, & 2dæ Classis. *S. R. C. 2. Decembris. 1684. in una Can: Reg. Later.*

20. In Missa privata de Festo semiduplici, simplici, seu votiva, vel de infra Octavam, sive de Feria non privilegiata potest in penultimo loco dici collecta pro particulari Defuncto, puta: *Inclina &c: vel Deus qui nos Patrem &c: & similia*, sed ob id non est omittenda ulla ex collectis pro tempore assignatis, puta: *A cunctis &c: vel Ecclesie &c: S. R. C. 2. Decembris. 1684. in una Canon. Regul. Lateran.*

21. Non est omittenda una ex assignatis Orationibus in Missa, veluti 3. *A cunctis*, si 2da esset de Festo simplici, ut eius loco dicatur Oratio imperata, veluti *Deus refugium &c:* sed post tertiam orationem: *A cunctis &c:* potest & imperata dici, cum in Missa de semiduplici, vel simplici, vel Votiva, non sint necessario dicendæ Collectæ impares, puta 3. 5. vel 7. *S. R. C. 2. Decembris. 1684. in una Canon. Regul. Lateran.*

22. Quando dicitur Oratio *A cunctis &c: vel Ecclesie &c:* non est dicenda Oratio contra Paganos, vel alia huiusmodi, quia sufficienter una continet, quod & altera. *S. R. C. 16. Aprilis. 1688.*

23. Ante Versiculum qui dicitur *Communio* cooperiendus est Calix Velo in anteriori parte, prout ante Coniessionem. *S. R. C. 1. Martii 1698. in Pragm.*

24. Sacerdos Missam celebraturus transiens ante Altare ubi sit Populi communio, non debet permanere genuflexus, donec, & quousq; terminetur *Communio S. R. C. 5. Julii 1698. in Collen.*

25. In Sacrificio Missæ non est adhibenda Palla, à parte Superiori drappo serico cooperta. *S. R. C. 22. Januarii 1701. in una Camaldul. Mont. Cor.*

26. Sacerdotes in Missæ Sacrificio congruentius utuntur Cingulo Lineo, quam serico. *S. R. C. 22. Januarii 1701. in una Camaldul. Montis Coronæ.*

27. Sacerdotes etiam Regulares, diebus, quibus propria Officia recitant sub ritu duplici, celebrantes in alienis Ecclesiis, quando peragitur festum cum Solemnitate, & concursu popu-

populi, debent celebrare Missas conformando se ritui, & colori earundem Ecclesiarum. In aliis vero diebus possunt, sed quando prohibentur Missæ Votivæ, vel Defunctorum, debent se uniformare saltem quo ad colorem. S. R. C. 11. Junii 1701. in una Tertii Ord. S. Franc.

28. In Ecclesiis Regularium diebus Dominicis, quibus tam Regulares, quam exteri celebrant de Dominica, possunt exteri uti coloribus Paramentorum, quibus utuntur Regulares, ratione alicuius Octavæ. Et Regulares celebrantes in alienis Ecclesiis, uti coloribus iuxta ritum eorundem, & tam exteri in Ecclesiis Regularium, quam Regulares in alienis possunt apponere commemorationem Octavæ, ut supra occurrentis, servata Rubrica de publici oratione habenda in Dominicis infra Octavam. S. R. C. 11. Junii 1701. in una Tertii Ord. S. Franc.

29. In Oratoriis privatis, quæ per S. Sedem concessa fuerint, non licet Regularibus cuiusvis Ordinis, aut Instituti, seu Congregationis, etiam S. J. aut etiam cuiuscunque Ordinis Militaris, etiam S. Joannis Hierosolimitani, aut alius quibuscunque Sacerdotibus, etiam si essent Episcopi, celebrare in debus: Paschatis, SS. Resurrectionis D. N. J. C. aliisque anni festis Solemnibus, ac diebus in Indulto exceptis: in reliquis vero diebus, prædictis Regularibus, seu Sacerdotibus quibuscunque etiam Episcopis in præstatis Oratoriis celebrare non liceat, ubi etiam unica Missa, quæ in Indulto conceditur, celebrata fuerit, super quo celebraturus tenetur diligenter inquirere, & de eo se optime informare. Atque illam etiam in casibus permissis celebrare nequeat post meridiem, & in omnibus huiusmodi casibus personæ quæcunque dicant Missas audientes, nullatenus præcepto Ecclesiæ satisfaciunt. S. R. C. 15. Decembris 1703. apud. Clem. XI.

30. Sacerdotes non debent deferre manutergium super Calicem, tam eundo, quam redeundo ab Altari. S. R. C. 1. Septembris 1703. in Bisaurum.

31. Cruces Altarium, seu Processionum non sunt benedicende de præcepto, potest tamen simplex Sacerdos eas benedicere privatim, & non solemniter. S. R. C. 12. Julii 1704. in una Urbis.

32. Cingulus, tertium indumentum Sacerdotale, potest esse coloris Paramentorum. S. R. C. 8. Junii 1709. In Barcharen.

33. Quando Altare fuit consecratum admodum Altaris
U fixi,

fixi, cum sacris sigillis, & unctionibus, inter stipitem, & Altare, si motus fuerit lapis Superior, qui format mensam Altaris, à suo stipite, tunc execratur Altare. Si vero fuit consecratum ad modum Altaris portatilis, non execratur in quavis remotione, sed tantum quando frangitur sepulchrum Reliquiarum. S. R. C. 21. Junii 1710. in una Ord: Capuc:

34. In Altari sub quo sunt sepulta Cadavera Defunctorum non potest celebrari. S. R. C. 11. Junii 1629. in una Turnitana.

35. Patena ad Missam, in extremitate, seu ora Patenæ congruentius est osculanda S. R. C. 24. Julii 1683. in Abiganen.

36. Non posse Celebrari Missas etiam pro animabus purgatorii una hora post meridiem, statutum fuit à S. R. C. 24. Novembris. 1661. in Neapolitana.

Cætera Decreta S. R. C. huc pertinentia vide infra Cap: sequenti.

C A P U T · VIII.

De Missa privata, quæ fit coram Prælato seu D. Abbate, in loco suæ jurisdictionis.

1. **N**on dicimus hic de omni Missa quibus præsens esse potest D. Abbas, alias nimia pareretur inter Celebrantes confusio, sed de unica hic tantum dicimus, cui voluerit interesse, & quam audire intenderit, idcirco anticipativè moneat talem Sacerdotem, ipseque obligatus erit in tali Missa servare ea, quæ servanda sunt. Abbas itaque in suo Monasterio, sive sit perpetuus, sive quinquennalis, in loco tamen suæ Jurisdictionis, seu in propria Ecclesia, gaudet his prærogativis, quibus & Episcopus in sua Ecclesia, præsertim ex parte reverentiarum sibi præstandarum, ita sentit P. Bauldry P. 3. c. 9. n. 1. Multo magis his gaudet prærogativis. Illi D. Præfens Generalis Congregationis in Ecclesiis omnium Monasteriorum, etiam Præpositurarum suæ Visitationi subiectarum, cui similiter, & specialiter præstandæ sunt reverentiæ, de quibus hic agimus.

2. Celebraturus itaque Sacerdos coram D. Abbate, dum tempus est accedit ad Altare manibus junctis, sine Calice, tecto vero capite, (prius enim Calix paratus esse debet in medio Altaris, super Corporale, sicut & Missale apertum, ac signatum

tum in cornu Epistolæ) factaq; profunda D. Abbati reverentia discooperto capite, quando venit ad conspectum ejus, accedit ad Altaris infimum gradum, ibiq; debitam facit reverentiam; vertensq; se aliquantulum ad Prælatum in eodem loco, expectat signum incipiendi, quo dato, iterum inclinat se D. Abbati profunde, & conversus ad Altare incipit Missam solito more.

3. Si vero Calix non sit paratus ad Altare, Celebrans illum deferat, & tunc propter impeditas manus non detegit caput, facit tamen solitam cooperto capite reverentiam: in priori vero casu, quia manus non habet impeditas aperto capite Præfato præstandam dicimus reverentiam. Veniendo ergo Celebrans ad Altare, caput discooperiat, Cruci, seu Tabernaculo præstet debitam reverentiam, ascendat ad Altare, Corporale expandat, Calicem desuper collocet, ad Librum in cornu Epistolæ accedat, Missam præparet, redeat ad medium, ibiq; facta Cruci reverentia; descendat in planum, ubi conversus ad Prælatum expectet signum, quo accepto incipiat Missam.

4. Omnia prædicta, quantum fieri potest, debent esse parata, ut statim ac D. Abbas accesserit ad Altare, Celebrans absolute incipiat; non enim convenit ut Prælatus expectet Celebrationem, sed potius Celebrans debet Prælatum expectare. Imo præstat, ut Celebrans prius accedat ad Altare, quam D. Abbas ad Ecclesiam, si monitus sit antea de adventu Prælati, ut statim ac ipse accesserit, incipiat Missam, quod certe convenit. Et si D. Abbas nondum advenerit, Celebrans cum accesserit ad Altare parat omnia, & in cornu Epistolæ stans versus Altare, ipsum Prælatum expectet, & eo adveniente, in cornu Epistolæ adhuc stans salutet D. Abbatem, statimq; descendat, & in plano conversus expectet signum, eo dato incipiat Missam.

5. D. Abbas jubet sibi præparare genuflexorum aliquod cum cussino, coopertum panno violaceo, aut viridi, illudq; præcipiat locare aut ante medium Altaris, aut ad cornu Epistolæ, vel ad cornu Evangelii, ubi commodius erit, & situs loci permiserit. Ubi genuflexus audiat totam Missam, nec fargat, nisi cum legitur Evangelium. Ex *Carom. Ep. L. 1. c. 30.* Si etiam adessent alii Prælati digniores, aut æquales, illis quoq; non nuda parentur genuflexoria, digniori tamen speciale, aliis autem æqualia, & in una linea, ut sic commode possent omnes simul audire Missæ Sacrificium.

6. In facienda Confessione Celebrans, ubi dicit: *Vobis Fratres.* & *Vos Fratres*, conversus ad D. Abbatem suum, vel ad digniorem, si plures sint, cum profunda inclinatione dicat: *Tibi*

Pater, & Te Pater. Ad *Miseratur, & Indulgentiam* nihil mutatur, neq; de iis quid speciale in Cærem: Episc: notatur.

7. Finita Confessione, & dicto: *Oremus*; dum ascensurus est ad Altare facta prius Cruci, vel Tabernaculo debita reverentia, convertat se ad D. Abbatem, eiq; profunde se inclinet, ac tum ascendat ad Altare, resumendo: *Aufer a nobis Ec.* cætera peragat ut in aliis Missis, nulla facta posthac reverentia.

8. Perlecto Evangelio non osculatur Librum Celebrans, nec dicit: *Per Evangelica dicta Ec.* sed Religiosus Ministrans tali Missæ, accipiens Missale, desert illud ad D. Abbatem, vel si sint plures Prælati ad digniorem tantum, qui, osculato initio textus Evangelii, dicat *Per Evangelica dicta Ec.* Si autem sint plures Prælati æquales, & nullus dignior, Liber Evangeliorum nulli datur osculandus, sed nec ipse Celebrans deosculatur.

9. Dicto *Agnus DEI Ec.* atq; terminata prima Oratione, Celebrans osculetur Altare, & ambabus manibus accipiens *Pacis Instrumentum* cum SS. Reliquiis intrò, quod ad cornu Epistolæ, in Altari, penes Corporale stare debet in tali Missa, illudq; osculetur, ac Ministro tradat. Minister vero Religiosus, nunquam secularis accipiet dictum *Pacis Instrumentum* non nuda manu, sed per velum, & deferet D. Abbati, nullam ante faciens reverentiam, nisi post osculum. Si autem sint plures Prælati, Minister Religiosus deferat per ordinem ad osculum incipiens à digniori, cuilibet post, non ante faciens reverentiam; reportet postea ad Altare, ibiq; collocabit ubi prius fecit.

10. Antequam Celebrans det Benedictionem, dicto *Paceat Ec.* & *Benedicat vos omnipotens DEUS*, conversus ad D. Abbatem; eiq; profunde se inclinans, & quasi petens ab eo licentiam benedicendi, prosequitur: *Pater & Filius, & Spiritus Sanctus*, benedicens tantum assistentes à parte illa, ubi notum est Prælatum. Post finem ultimi Evangelii Celebrans ad D. Abbatem conversus, adhuc stans in cornu Evangelii, facit illi profundam reverentiam, & eo discedente, redit in Sacristiam. Si vero D. Abbas necdum discesserit, Celebrans recedendo ab Altari descendit in planum, ubi facta prius Altari debita reverentia, conversus ad Prælatum, ei se profunde inclinat, & aperto capite, redit in Sacristiam, ad deponenda paramenta.

11. De Patenæ ad osculum delatione, nulla est in Decretis S. R. C. mentio, nullusq; Author de tali Cæremotia scribit, sed hic in Regno Polonie nos tantum invaluit ab antiquo, qui potius corruptela, & abusus dici debet, & nunquam pro usu approbari; præsertim, quia *Pacis Instrumentum*, & Liber E-

vangeliorum deferri debeant ad osculum, quæ Cæremonia sufficere possunt distinguendi Prælatum à simplici Sacerdote. Nullus ergo favor est præstendus consuetudini Regni, cum nullum concessionis hujus appareat fundamentum, maxime quia S. R. C. districte præcipit: *Cæremoniæ novæ non inducendæ, nec antiquæ immutandæ, absq; expressa licentia, quam dare debet S. R. C.* 12. Maii, 1612: in una Urbis.

12. Si autem Sacerdos celebret coram Prælati extraneis, vel coram suo D. Abbate, extra locum tamen suæ Jurisdictionis, Missam dicat ac si nulli essent Prælati; cum etiam ipsi Capellanis Episcoporum præcipitur, ut extra eorum Diocesim, ab hujusmodi ritibus abstineant. Sed accedens ad Altare si est proprius D. Abbas, & transeat ante illum faciat illi profundam inclinationem sed capite recto, cum sint manus impeditæ, propter C. licem, quem portat, simili modo in recessu ab Altari post Missam, distans faciet reverentiam. Ante tamen Evangelium ultimum, priusquam benedicat populo, versis eundem D. Abbatem tantum inclinabit caput. Plura facere non tenetur, quemadmodum & Minister.

13. Sub tempus Capituli Generalis Sacerdos celebraturus Missam, conspiciens multos Abbates in Choro præsentis, accedendo ad Altare, si transeat per Chorum Ill. D. Præsidenti Generali, vel Definitorio, utpote his omnibus pro eo instanti digniori, seorsivè profundam faciet reverentiam; cæteros autem DD. Abbates capitis inclinatione mediocri semel in unam partem, & semel in alteram salutabit, reliquos vero, si dispersi per Ecclesiam apparebunt, non animadvertet, quia oculis demissis incedendo, non debet ad scamna, aut alias Ecclesiæ partes eodem oculos vertere, sed viam, qua graditur, attendere. Et si propè illud Altare, ubi celebrat, sedeant nonnulli DD. Abbates, Missam suo ordine peragat, absq; ullis reverentiæ signis, quia S. R. C. omnesq; Rubricistæ in congressu multorum Prælatorum sibi æqualium præcipiunt, ut Celebrans ad hæc non attendat, sed quemadmodum in absentia eorum, ita celebret, quod in pari casu procedendum est.

Decreta S. R. C. ad Caput VII. Spectantia.

37. Quando tertia Oratio in Missis est ad libitum, & ex jussu summi Pontificis, vel Episcopi debet apponi aliqua specialis oratio pro publica indigentia, videlicet contra Turcas, vel

ad petendam Serenitatem, aut Pluviam &c. hæc oratio debet recitari tanquam ex præcepto quarto loco, non omiffa tertio loco illa, quæ est ad libitum, seu pro devotione Sacerdotis eligenda. S. R. C. 17. *Augusti 1709. in Bergomen.*

38. Cum in Missali ultra primam in principio, detur & altera rubrica in ordine, & Canone Missæ, & inter has videtur aliqua discrepantia, præcipuè in inclinationibus, & manuum junctionibus, quæritur, quamnam sequenda? Responsum fuit: pari forma sequendas esse tum Rubricas generales; tum particulares Missalis Romani, præcipuè ad Cæremonias inclinationibus, & manuum junctione recte peragendas. S. R. C. 21. *Martii 1744. in Bergomen.*

39. Quando frequenter sunt expositiones SS. Sacramenti publice in Altari majori, & præter Missam solemnem, dicuntur etiam Missæ privatz ad idem Altare majus, an etiam in Missis privatis ad Altare Majus, & ad alia Altaria minora, durante expositione Sanctissimi, poterit fieri commemoratio de Sacramento? Responsum fuit: Potebit fieri commemoratio de SS. Sacramento durante expositione. S. R. C. 7. *Maii 1746. in Varsavien.*

40. Genuflexio utroq; genu est facienda à transeuntibus ante SS. Sacramentum, etiam si fuerit in Fixide patenter expositum. S. R. C. 7. *Maii 1746. in Varsavien.*

41. Utrum Sacerdos sæcularis, vel Regularis habens officium duplex, & quid si duplex imæ, vel 2dæ classis, celebrans in aliena Ecclesia ex devotione, ubi celebratur lectum Solemne, debeat celebrare Missam, conformando se illi Ecclesiæ, ubi celebrat, etiam quod ad Solemnitatem, & Colorem Paramentorum? Utrum etiam sacerdos sæcularis, vel Regularis habens Officium duplex, & quid si duplex imæ, vel 2dæ Classis celebrans in aliena Ecclesia ex obligatione, in sepultura solemnè alicuius Cadaveris, vel exequiis solennibus, debeat se conformare illi Ecclesiæ, celebrando Missam de Requiem? Responsum fuit: servantur Decreta alias edita in una Litt. Ord. S. Franc. die 11. Junii 1701. Et Sacerdotes tam sæculares, quam Regulares conformare se debent Ritui Ecclesiæ, in qua celebrant S. R. C. 29. *Januarii 1752. in una Ord. Carmel. Discalc. Prov. Polonæ.*

42. Mandavit, & præcepit servari ad unguem Cæremoniale Episcoporum, S. R. C. 4. *Septembris 1628. in Coloniana. Annuente Urbano VIII. in Consist. quæ incipit: Expeni nobis fecerunt.*

C A P U T IX.

*De Cœremoniis in Missa Solemni, ac Vesperis præ-
sente D. Abbate parato.*

I. **Q**UOD attinet Missam Solemnem à simplici Sacer-
dote Celebratam præsentie D. Abbate parato,
non denegat Rubrica speciales Cœremonias, &
veluti Episcopis prærogativas suas, hoc tamen omnino præ-
requirit, ut DD. Abbates ad talem Missam sint induto Ro-
chetto, & Mozzetta, quia ut P. Merati refert P. 2. tit.
3. in Notis ad Rubr. 2. n. 4. hæc sunt plenariæ Jurisdictionis
signa, sic enim dicit loc. cit. In Ecclesiis Regularium, in qui-
bus, (DD. Abbates, seu Prælati) habent usum Rochetti nudi
& Mozzette, quæ sunt plenariæ Jurisdictionis signa, debet Sacerdos
Celebrans coram prædictis adimplere ea, quæ tradit Gavanti supra.
Et paulo post, Idem præstare debet, quod præstat ad præsentiam
supradictorum, (videlicet Cardinalium, Archiepiscoporum, &
Episcoporum in illorum Diœcesibus) si Celebrat coram Abbate
benedicto, & habente usum Mitræ, & Baculi-ex paritate dignitatis, in
loco tamen suæ Jurisdictionis. Pariter sentiunt. P. Bauldry P. 3.
c. 9. n. 1. & tit. 6. Rubr. 6. n. 3. Hyppolitus à Portu P. 2. c.
4. tit. 3. Rubr. 2. in adnot. n. 5. Corsetius. Tonellius. inhærentes
Gavanti, & Communi sententie.

2. Ut etiam deferatur Liber Evangeliorum à Subdiaco-
no, DD. Abbatibus, ad osculum, post decantatum à Diacono
Evangelium, probat concessum P. Merati P. 2. tit. 6. in adnot.
ad Rubr. 2. n. 9. ubi explicando textum Gavanti sub Litera
R-Ob reverentiam Prælatorum, datur eisdem Liber osculantis. addacit
plura S. R. C. Decreta, per quæ maioribus Prælati, iis vi-
delicet, qui habent usum Mitræ, & Baculo, in loco suæ
Jurisdictionis, allegat debere deferri Librum Evangeliorum
ad osculum, Decreta autem vide in ferie, infra. Et quod
Abbatibus Commendatariis ob non habitam Jurisdictionem, est
denegatum, illud Abbatibus Regularibus præsuppositæ Jurisdi-
ctione gratiose concessum est, utæ cum insigniis Jurisdictionis.

3. Confirmat hoc late P. Bauldry P. 5. in 1. L. Cœrem-
Episc. c. 9. n. 33. 34. & 35. ubi inter alia hæc habet: Norm-
dum obiter, quod in Ecclesiis Regularium Abbatibus Commendatariis non
debe-

debeant osculari Librum Evangeliorum, in fine Evangelii etiam in Monasteriis, quæ dantur illis in Commendam, de jure; nec incensari ullo modo à fortiori, cum Episcopus non paratus non debeat incensari eo loco, nec initio Misse, sed tantum post Oblata. Aliter autem sentire jubet de Abbatibus benedictis, habentibus usum Mitre & Baculi, consequenter usum Rochetti & Mozzette tanquam plenariæ jurisdictionis Signa. Abbates Quinquennales electi, quia per confirmationem Ill. D. Præsidentis gaudent omnibus, quibus benedicti Abbates privilegiis, ut declarant Const. Congr. nostræ. P. 2. c. 1. ideoq; dicæ prærogativæ iisdem debito ordine competere debent.

4. Itaq; D. Abbas indutus Rochetto, & Mozzetta, se debet in parato scamno tapetibus cooperto, prope Altare, non autem à longe, ne forte Ministris Sacris accedentibus, propter longam viam, sit molestia, & incommodum, ac debeant contra Rubrum nimio citius deambulare, quod repugnaret graviati, & modestiæ, quam, tam Celebrans quam Ministri præferre debent. habeat ergo D. Abbas prope Altare sedem suam, & tunc facta Concessione in Missa solemnè & deosculato Altari, Subdiaconoq; peres Celebrantem remanente; Diaconus accepta navicula, cum Thuriferario à Ministris suis, accedat (si litis servatis reverentiis) ad sedem D. Abbatis, petatq; benedictionem pro imponendo thure dicens: *Benedicite Pater Reverendissime. non prætermisiss etiam debitis osculis cochlearis, & Manus D. Abbatis. Qui sargens in sede sua, stando ter immittit thus in thuribulum, benedicitq; dicens: Ab illo benedicaris in cuius honorem cremaberis. Amen, ac facit super eo signum Crucis dextera. Diaconus ac Thuriferarius benedicto incenso, cum paribus ut supra reverentiis recedunt, & accedunt ad Celebrantem, qui sumpto thuribulo incensat solito more Altare. Finita incensatione Altaris, Diaconus recepto à Celebrante thuribulo, eum in cornu Epistolæ incensat prius duplici ductu, tum una cum Thuriferario procedit ad sedem D. Abbatis, cum solitis reverentiis, quem trino ductu incensat, receditq; cum solitis inclinationibus, & nullum amplius incensat.*

5. Dum terminatur Oratio Missæ, Subdiaconus cantaturus Epistolam genuflectat prius Altari, dein D. Abbati profundam facit reverentiam, & accedit ad cornu Epistolæ, ibiq; cantat Epistolam. Qua finita tenens Librum Epistolarum ante pectus clausum, factaq; in medio Altari genuflectione, cum debitis reverentiis accedit ad D. Abbatem, ubi manum eius
supra

supra Librum positam osculatur, & ab eo signo Crucis facto benedicitur, postea cum debitis reverentiis ad Celebrantem revertitur, qui Subdiaconum expectat ad cornu Epistolæ quousq; venerit. Transfert deinde Subdiaconus Missale, more solito, & alia debito Ordine peraguntur.

6. Perlecto à Celebrante Evangelio, ipse Celebrans procedit ad medium Altaris ibiq; stat, & Diaconus accepto à Cæremoniario Libro Evangeliorum, collocat eum in Altari, & descendens in planum, accipit naviculam, proceditq; cum Thuriferario ad D. Abbatem, qui imponit, & benedicit incensum more solito ut prius, Diaconus vero cum Thuriferario factis debitis ante, & post reverentiis accedunt ad Altare. Diaconus ascendens ad 2. Altaris gradum, genuflectit in suppedaneo, dicit: *Munda Cor meum.* &c: accipit Librum de Altari, & medius inter Ceroferarios Cereos accensos in Candelabris portantes, accedit cum solitis reverentiis ad D. Abbatem, à quo stante Benedictionem accipit, manum illius osculatur, & revertitur eodem quo venerat ordine ad locum suum. Subdiaconus autem persistit immobiliter in loco suo, in plano ante medium Altaris.

7. Finitis à Choro Tractu, vel Graduali, Diaconus ad locum cantandi Evangelii; ubi ita constitunt, ne ullus eorum terga vertat Altari, vel D. Abbati. Decantato per Diaconum Evangelio Ceroferarii facientes D. Abbati semel profundam reverentiam, recedunt ad loca sua; Subdiaconus directe portat Librum apertum non Celebranti, sed D. Abbati ad osculum, nulla prius facta reverentia, nisi in recessu post osculum, nec iam alteri datur ad osculandum prædictus Liber Evangeliorum. Diaconus vero dato manu signo, ubi initium est Evangelii, una cum Ceroferariis hinc inde constitentibus genuflectit ante medium Altaris, & statim accipit Thuribulum à Thuriferario, & incensat non iam D. Abbatem, sed ipsum Celebrantem ut infra ex decisione S. R. C. patebit.

8. Post oblationem Calicis, data in manus Subdiaconi Patena, eaq; velo oblongo obrecta, Diaconus accepta Naviculâ una cum Thuriferario procedit ad D. Abbatem, non omittis solitis reverentiis, eiq; porrecto Cochleari cum debitis osculis, petit benedictionem imponendi incensi, dicendo: *Benedicite Pater Reverendissime.* D. Abbas imponit incensum in Thuribulum, illudq; benedicit dicens Orationem *Per int resstionem* &c: Ministri ergo accepta benedictione cam debi is re-

verentius recedunt ad Celebrantem, qui accepto à Diacono thuribulo incensat Oblata, & Altare more consue-
tione finita à Diacono primo Celebrans bino ductu, deinde
D. Abbas in sede trino ductu incensatur, & accepta, per si-
gnum Crucis, erga se formatum benedictione Diaconus, pro-
sequitur suam incensationem Chori, & Ministrorum. Interim
Celebrans omnia peragit absq; ullo respectu, usq; ad *Agnus Dei*.

9. Post *Agnus Dei* &c. Subdiaconus accepta pace post
Diaconum ab ipso Celebrante desert illam vel per osculum,
vel per Instrumentum, ut mos fere receptus, primo D. Ab-
bati, qui si per Instrumentum, accipiens illud, in manibus su-
is osculatur, si autem per osculum subponenti Subdiacono
manus suas D. Abbas faciat complexum, &
ab eo recipiat pacem. Si plures sint in Choro DD. Abba-
tes, ut sub tempus Capituli generalis fieri consuevit, & Illi
D. Præsident Celebraverit, tunc non Subdiaconus, sed Archi-
diaconus Pacem deferre tenetur, & tribuendo uni ad unam
Chori partem, reliqui in eadem parte, vicissim à semetipsis
accipiunt, deinde accedet ad alteram Chori partem ibiq; pri-
mo tantum tribuet, ut vicissim consequenter à semetipsis acci-
pant sive per Osculum, sive per Instrumentum.

10. Dicto *Placet tibi S. Trinitas* &c. Celebrans facta Cru-
ci reverentia, convertens se ad populum, vertit se aliquomo-
do erga D. Abbatem, cui profunde se inclinans benedicit
semel populo dicens: *Pater, & Filius, & Spiritus Sanctus*, non
ad eam partem ubi D. Abbas habet sedem, sed ad aliam,
& legit ultimam Evangelium. Quo finito descendit cum Mi-
nistris in planum, ubi facta Altari, seu Tabernaculo debita
reverentia, statim ex opposito sedis Abbatialis omnes effiunt
quasi lineam rectam, sic constituti, omnes simul profunde se
inclinant, & recto Capite Celebrans cum Sacris Ministris eo-
dem quo venerat, ordine revertuntur in Sacristiam.

11. Hoc tamen Minister animadvertere debent, quod,
quando D. Abbas non est paratus, hoc est Rochetto, & Moz-
zetta non est indutus, sed aut in quotidiana, aut alia ordina-
ria veste appareat in Choro, non debet fieri prædictæ præ-
minentie ostentatio, sed tantum in accessu, & recessu Mis-
se, atq; ante benedictionem, debet fieri congrua reverentia,
ut cap: precedenti dictum est. Nam & Episcopus, si non
est paratus, scilicet Cappa Episcopali, aut Pluviali indutus,
nullo modo potest prætereundis honores, ut & De-
creta S. R. C. & omnes Rubricæ testantur. Tunc tantum
dictos

dictos actus reverentiales D. Abbas exigere potest, quando advenit paratus, Rochetto, & Mozzeria indutus, Biretoq; caput coopertum habens, sedeat in sede separata prope Altare, non vero in Stalls choralibus; magnum enim causetur incommodum Ministris, si deberent usq; ad Stalla choralia procedere, ibiq; gradus aliquos conscendere.

12. Pariter ad Vesperas parato ut supra D. Abbate, Celebrans egressus de Sacristia antequam ad medium venerit Altaris, consistens cum Ministris ex opposito sedis eius in una recta linea, aperto capite simul omnes profundam faciunt ei reverentiam, postea accedentes ad gradus Altaris, genuflectunt parumper orantes, surgunt dein & facta prius Altari, postea D. Abbati debita reverentia, recedunt ad sedem sibi paratam, quæ debet esse ex opposita parte sedis Abbatiali, paulo tamen interitis, remanentibus tantum Ceroferariis in locis suis. Dicto Celebrans in sede sua *Pater. & Ave.* versus D. Abbatem profundam faciat reverentiam, quasi licentiam ab eo petens incipiendi; cui D. Abbas nutu quodam Capitis annuit, reliqua peraguntur, ut suo loco dictum est.

13. Capitulum vel per Celebrantem, vel per unum ex Clericis, aut Cæremoniarium paratum superpelliceo, in loco ubi Epistola cantari solet, decantetur; si autem per Celebrantem in sede sua, & si per Clericum, nullus ei assistit, sed ipse debitas facit reverentias Altari, & D. Abbati ante, & post Capitulum. Hymnus, & Antiphona à Cantoribus intonantur, & dum Antiphona ad *Magnificat* à Choro decantatur, primus Assistens loco Diaconi, accedit cum Thuriferario ad D. Abbatem cum debitis inclinationibus, cui erecto, ministrat, naviculam, & inclinatus porrigit cochlear cum debitis osculis, dicendo: *Benedicite Pater Reverendissime.* Imposito, ac benedicto more consueti incenso à D. Abbate, Assistens cum Thuriferario præstitis debitis reverentiis revertuntur ad Celebrantem, qui cum cæteris Ministris procedit ad Altare, facta ut initio solita reverentia D. Abbati.

14. Incensato Altari, Celebrans descendit cum Ministris, & facta in transitu profunda reverentia, revertitur ad sedem suam, ubi ab Assistente primo Celebrans bino ductu ad Altare prius thurificatur, mox D. Abbas in sede sua cum debitis inclinationibus ab eodem incensatur, triplici ductu, postea alii de Choro, deinde Assistentes ac cæteri Ministri. Reliqua ad Vesperas peragit Celebrans ac si nullus Prælatus esset. In

fine

sine tamen revertendo in Sacristiam eodem ordine facient solitas reverentias, sicut ab initio.

15. Si autem Completorium statim post Vesperas solemniter est peragendum, Celebrans non recedit de loco suo, sed in eodem permanet, peracturus ea omnia, quæ supra P. L. C. II. de Completorio solemniter dictum est. Hæc tantum ex parte D. Abbatidis præsentis, & parati observanda sunt, quæ ibidem n. 5. sunt prænotata, ut scilicet Celebrans antequam dicat: *Indulgentiam &c.* & *ψ. Benedicat' vos &c.* prius erga D. Abbatem profunde se inclinet, ac si licentiam benedicendi ab eo petat, ad quæ D. Abbas nutu quodam Capituli annuere debet.

Decreta S. R. C.

1. Evangelium non traditur osculandum, nisi Episcopis, Prælati majoribus, & Principibus magnis; non autem Gubernatoribus, & aliis Ministris. S. R. C. 28. Augusti 1589. in *Melphitana*.

2. Commendatario sive eius Procuratori non debet deferri liber osculandus in Missa. S. R. C. 17. Septembris. 1611. in *una nullius Marubii*.

3. Finito Evangelio Missæ Solemnis cui assistit Episcopus cum cappa, thurificandus est Celebrans, non verò Episcopus. S. R. C. 4. Augusti. 1663. in *una Dalmat*.

4. Absente Episcopo thurificandus est Celebrans triplici dusu thuribuli. S. R. C. 30. Januarii 1616. in *Comen. Valluvia*.

5. Modus benedicendi alios, vel rem aliquam debet esse cum manu recta, & digitis simul junctis, & extensis. S. R. C. 24. Julii. 1683. in *Albiganen*.

C A P U T X.

De Missa prima novi Sacerdotis.

I. CUM aliquis ex nostris Religiosis, ad Sacerdotii gradum promotus, primo est Missam celebraturus, ornatur Altare paramentis coloris festo vel temporali convenientis. Vesperæ tam primæ, quam secundæ ab ipso solemn-

lemniter celebrabuntur, prout in Festis Solemnibus, Campanæ quoq; solemniter pulsabuntur, ut populus congregari valeat. In r. tamen Vesperis Neo-myſta paratus cum Miniſtris procedit ad Altare, & genuflexus in infimo gradu, ſolus inchoabit Hymnum: *Veni Creator Spiritus*. Choro reliqua proſequentē, & ipſe novus Sacerdos genuflexus permanebit cum omnibus Miniſtris, etiam Ceroſerariis, ut innuit *Cerem. Monast. Bened. Rom. L. 1. c. 25. n. 3.* Finito Hymno aſſiſtentes decantabunt *ψ. Emitte Spiritus &c.* & reſponſo à Choro, ipſe Neo-Myſta erectus decantabit Orationem *DEUS qui corda &c.* concludendo; *Per Chriſtum Dominum noſtrum*, & non aliter.

2. In craſſinum adveniente hora Miſſa ſolemnis, Neo-Myſta accedet ad D. Abbatem, vel in eius abſentia ad P. Priorem, coram quo genuflexus peter benedictionem Superioralem, pro explendo tanto munere, dicendo: *Benedicite Pater Reverendiſſime*, vel *Pater Reverende*, & accepta benedictione, recedet in Sacriſtiam ad ſumenda Sacra Paramenta, ibi honoris gratia, novo Sacerdoti præſtanda, ex antiquioribus, & perfectioribus Sacerdotibus duo inſervient, Officia Diaconi, & Subdiaconi ſuſcepturi; & tertius ex Senioribus Patribus, maximè, qui dederat periclitam informationem Celebrandi, dictumq; Neo-myſtam edocuerat Cere- monias, ſuperpelliceo, & Stola indutus, miniſtrabit, ut præſto ei eſſe in omnibus poſſit. Et ſi novus Sacerdos ſit in aliqua iam dignitate conſtitutus, vel alia de cauſa, poterit ei aſſiſtere dia- nus P. Senior cum Pluviali, ut notat P. Bauldry P. 3. c. 10. n. 1.

3. Neo-Myſta parat ſe itaq; ad Miſſam ordine ſuperius P. 2. c. 2. §. 1. n. 6. præſcripto, imponit incenſum in thuribulum, & procedit cum Sacris Miniſtris, veniensq; ante Altare, genuflexit in infimo gradu, ubi ſic genuflexus, manibus ante pectus junctis, intonat ut in 1. Vesp. Hymnum *Veni Creator Spiritus*, imploratq; gratiam S. Spiritus, ut dig- ne officium Sacerdotale, non tantum hac die, verum uſq; in finem Vitæ explorare valeat, & manet genuflexus cum omnibus ſuis Miniſtris, donec Chorus prædictum Hymnum compleverit. Quo finito, & decantato *ψ.* per Diaconum, & Subdiaconum ipſe Neo-Myſta decantat Orationem: *DEUS qui Corda fidelium &c.* nec aliter concludit niſi: *Per Chriſtum Do- minum noſtrum*. quia concluſio Orationis longior tantum uti- tur

tur ab Ecclesia in Missis, & Officio Divino. Tum ordine suo inchoat & perficit Missam, inter cuius solemnia, conveniret, ut fieret sermo ad populum: de dignitate, & reverentia Ordinis Sacerdotalis.

4. Finita Missa juxta morem in Ecclesia usitatum, & in nostro Regno Poloniae receptum, curabit omnibus praesentibus manus suas imponere super capita eorum, dicendo *Super aegros manus imponent, & bene habebunt.* Imprimis vero si praesens fuerit D. Abbas, ob reverentiam Praelato Superiori suo exhibendam, accedet ad sedem eius, & superimponens manus capiti illius proferet supradicta verba, osculabiturque manum eius. Tum revertetur ad Altare, ubi accedentibus Religiosis ordine suo, pariter imponet manus, ut supra, cuilibet Sacerdoti dans osculum in vertice. Et deinde deposita Casula seu Planeta, ac Manipulo, saecularibus personis, & omni populo imponet manus supra capita eorum, non iam ambas cuilibet, sed saltem unam, & hoc magis per tacitum, ut citius dictam peragat Caeremoniam, maxime ubi fuerit concursus populi, repetendo praedicta verba, non tamen post quamlibet impositionem manuum. His peractis revertetur in Sacristiam, & depositis sacris paramentis, factaque brevi oratione recedet in pace. Eadem ipsa Caeremonia celebritatis observari debet, dum aliquis in Ordine Presbyterali Quinquagesimum Annum inchoaverit;

& tunc 2das Primitias Ecclesia celebrare concessit, cum iisdem Indulgentiis, cum quibus & primae Primitiae sunt absolutae. Excep-
pta sola manuum impositione,
quae non est in usu.

FINIS PARTIS SECUNDÆ.



PARS

* * * *

P A R S III.

De Ministris ad Celebranda Sacrificia Missæ.

C A P U T I.

De Officio Archidiaconi, seu Presbyteri assistentis.

1. **E**x Decreto S. R. C. 19. Julii 1624. in Mantuana, ut refert Barbosa non tantum Episcopis, sed etiam Prælati Episcopo inferioribus, uti DD. Abbatibus, insuper etiam non Prælati, uti Canonicis, ubi talis est consuetudo, potest dari aliquis Presbyter Assistens, qui aliter appellatur Archidiaconus, ministrans Missæ Solemni, præter Diaconum, & Subdiaconum; nec non ad Vesperas, aut actum Ordinationis Clericallis, aliosq; Actus extraordinarios, sed solemnes.

2. Itaq; ut D. Abbat aliou's assistat Archidiaconus, dignior ex Communitate, ad hoc Officiu[m] explendum, eligatur: quia Cærem: Monastico-Benedictinum exemptæ Congr. Bararicæ SS. Angelorum Custodum idem declarat in addit: §. I. his verbis: Archidiaconus, secundum Cærimoniale Episcoporum, sit semper dignior ex Presbyteris in Choro, atq; aded in nostris Monasteriis P. Prior, vel Supprior, Priore forsitán impedito. Cærimoniale autem Episcoporum L. r. c. 7. sic ponit: Inter omnes Episcopi Ministras, qui a in Divinis assistunt, & servant, primus, & Dignior est Presbyter assistens, qui idcirco debet esse dignior ex Presbyteris, tam Canonicis, quam dignitatibus, qui in Choro cum aliis sedere solent; nec refert quo nomine nuncupetur, an Archidiaconus, an Archipresbyter? sed attenditur ut sit dignior omnino ex omnibus, & in Sacerdotio constitutus, atq; in Sacerdotalibus Officiis expertus, ut dignè, & decenter officiu[m] suu[m] exercere valeat, & opportune Episcopo rem Divinam agenti, ministrare possit. Idem tenet & P. Baudry P. 5. c. 7. c. 1. n. 1. atq; Cærem: Monast: Viennæ editum. P. 1. dist. 4. c. 1. n. 7.

3. Sive assistat ad Vesperas, sive ad Missam, semper tamen indutus sit superpelliceo, stola, & Pluviali coloris convenientis: Ita Cæ: Bar. P. 1. §. 1. pag. 2. Locus ejus, nisi aliter situs ratio requiratur, semper à dextris, vel quasi ante faciem D. Abbatis, magis ad dexteram semiverfus: quando sedendum erit, super scabellum, pictum quidem, sed nudum sedere debet. Si

ali-

aliqua speculis Cæremonia explenda erit, uti collatio Minorum Ordinum, aut quid aliud publicum Actum concernens; prius omnia per se se prævident, ut innuat per ordinem quæ sunt agenda in tempore. Officium suum communiter & ordinarie tantum peragere debet ad Missam Solemnem, Vesperas pariter Solennes, & Ordinationem, non tamen ad Matutinam licet sollemniter peragatur, nec ad Missam pro Defunctis, neq; ad absolutionem ad castrum doloris.

4. Dum se parat D. Abbas, sive pro Vesperis, sive pro Missa, Archidiaconus lavanti manus debet annulos extrahere, manutergium porrigere. Crucem pectoralem, & anulum imponere. Ad Altare ordinariè procedit ante D. Abbatem à dextris Diaconi junctis ante pectus manibus, & capite disceoperto, veniendo in planum ante gradus Altaris, recedit parum ad cornu Epistolæ, & inclinans se, convertit faciem ad D. Abbatem venientem, quasi eum ad Altare invitaturus, & statim simul cum D. Abbate facie versa ad Altare consistit. Veniendo ad sedem, dum D. Abbas Vesperas incipit, dicens *Pater*, & *Ave*, inclinatus, erigit se & signat cum D. Abbate dicente: *DEUS in adjutorium &c.* Sedente D. Abbate ipse quoq; sedebit, nisi nimis parvo spatio, aut dum officium suum explet, stare cogatur.

5. Si D. Abbas inchoabit Hymnum, Archidiaconus librum supra caput sustinebit, pariter si orationem, unam, vel plures decantabit in fine Vesperarum. Finito tamen Hymno & D. Abbate sedente, Archidiaconus capiet naviculum de manu Ministrarii, seu Cæremoniararii, de qua extrahet coelear, illudq; osculatum, una cum manu D. Abbatis, porriget ad imponendum thuribulum, ac simul benedicendum dicens: *Benedicite Patri Reverendissime.* Imposito ac benedicto incenso, faciesq; ante & post inclinationibus, reddet naviculum Ministrario, & inchoato Canto *Hagnificat*, sequetur. & non præstita ad Altare D. Abbatem, manibus ante pectus junctis. Ubi post osculam Altaris, stans à dextris D. Abbatis eam debitis oculis præbet ei thuribulum, & recedit ad cornu Epistolæ, ibi in 2. gradu expectat finem incensationis; quia ex Deo: S. R. C. reverente *Barbosa in suis Consuet.* Diaconus & Subdiaconus assistere debent D. Abbati, hinc inde elevantes Pluviale ejus. Incensatione peracta thuribulum in cornu Epistolæ à D. Abbate receptum Thuriferario reddit, sequiturq; D. Abbatem ad sedem suam redeuntem, eo quo prius modo.

6. Consistente D. Abbate in sedio suo, Archidiaconus ascendit ante infimum sedis gradum, accipit thuribulum à Thurifera.

ferario, & facta semel profunda inclinatione incensat triplici ductu D. Abbatem stantem cum Mitra (nisi sit expositum Sacramentum) facta dein post debita inclinatione, reddit thuribulum Thuriferario, receditq; ad locum suum, in quo à Diacono bino ductu incensatur.

7. Si autem ex rationabili causa præter majus Altare, aliud incensandum est, tunc finita incensatione Altaris, & D. Abbatè recedente ad sedem suam, Archidiaconus facta debita reverentia D. Abbati in folio, præcedentibus Thuriferario, & Cæremoniario, atq; Ceroferariis cum candelis accensis, procedit ad dictum Altare, illudq; thurificat debito ordine. Incensato illo Altari revertitur ante sedem D. Abbatis, ubi inter Ceroferarios medius constitutus, facta debita reverentia thurificat D. Abbatem solito more, & postea recedentibus Ceroferariis ad loca sua ipse quoq; incensatur.

8. Finito *Magnificat*, dum dicit D. Abbas *Kyrie eleison*. Archidiaconus accepto Breviario, tenet illud supra caput suum, tam ad Orationem Dominicam, quam ad alias orationes competentes, quia quidquid D. Abbas est cantaturus, officium Archidiaconi est, ut sustineat Librum, quidquid autem planè recitat, ad Capellanum de Libro spectat. Finitis Orationibus non prius demittet Librum, quam terminato. Per omnia secula seculorum, & tunc facta D. Abbati reverentia, sicut & ante, recedit ad locum suum, & finitis Vesperis eodem, quo venerat ordine, in Sacristiam revertetur.

9. Ad Missam, quam Celebraturus est D. Abbas, Archidiaconi præcipua cura erit, totam Missam prævidisse, omnesq; Cæremonias, & actus, quos D. Abbas facurus est, observasse, signacula in Missali disposuisse, ut illi presto omnia sint, suggerendo voce submissa, vel modeste nutu indicando, si in aliquo forte deficeret, præsertim apud Altare, dum Missam peragit. Ad manuum lotionem antequam D. Abbas sacris se induat porrigat illi manutergium, osculans illud prius: pariter adjuvabit ad alias lotiones manuum tempore Missæ, quoties opus erit, si fieri potest commode, & non sit impeditus.

10. D. Abbati sacris paramentis induto, ac sedenti Archidiaconus accedens imponet Annulum Pontificalem, in digitum annularem dextræ manûs, illius annulo, & manu prius de osculatis. Mox naviculam ministrabit, petetq; benedictionem thuris, sicut in Vesperis. Cum D. Abbas procedit ad Altare, ipse ante illum incedet, ad dexteram Diaconi de Evangelio, capite nudo, manibus ante pectus junctis, venientem ad Altare

recipiet ut prius conversa ad eum facie. Facta Altari genuflexione, ad Confessionem statit ad dexteram D. Abbatis, cui respondebit, se signans, & inclinans eum eo, ac pedus percussions, & cum dicit in Confessione *Tibi Pater, & Te Pater, & Misereatur Tui*, profundius se versus D. Abbatem inclinabit.

11. Finita Confessione cum D. Abbas ascendit ad Altare, elevat vestes anteriores illius, à parte sua, & statim recedit ad cornu Evangelii, ubi D. Abbatem osculanti prius Altare, porrigit una cum Subdiacono Librum Evangeliorum ad osculandum, apponendo manum pro indicatione initii Evangelii diei; Et statim retrahit se ad cornu Evangelii, ubi in 2. gradu constitit, aut in plano, expectans finem incensationis. Rediente D. Abbate ad sedem suam, ipse eum sequitur, & ad dexteram ejus stat, ad Introitum cum eo se pariter signat, nec tunc Librum tenet, quia plerumque recitatur Introitus.

12. Lecto Introitu cum D. Abbas dicit *Kyrie*, ad illud respondet cum duobus Diaconis assistentibus. Sedente D. Abbate, & ipse sedet super scabellum paratum à dextris. Finito à Choro *Kyrie*, dum surgit D. Abbas, & ipse surgit, capit Librum & facta inclinatione eundem supra caput sustinet, & intonato: *Gloria in excelsis DEO*, mox Librum Capellano de eo reddit, & ipse veniens ad dexteram D. Abbatis, cum eo Hymnum prosequitur submissa voce. Idem præstabit ad intonationem Symboli: Dum Hymnus Angelicus cantatur à Choro, sedebit in scabello suo, quemadmodum D. Abbas in folio suo. Ad Orationem, seu Orationes quas in cantu absolver D. Abbas, Archidiaconus Librum supra caput sustinebit, non tamen ad Lektionem, aut Evangelium, cum hoc munus competat Capellano de Libro.

13. Si D. Abbas eget perspicillis, vel Sudariolo, observabit, & ministrabit illi prout opus erit. Sub tempus Gradualis, aut Tractus, antequam Diaconus venerit pro benedictione Evangelii, accedente Thuriferario, cum Cæremoniario ad sedem D. Abbatis, accipit à Cæremoniario Naviculam, & cum delictis osculis porrigendo cochlear, petit benedictionem incensi, qua obtenta, reddit Cæremoniario Naviculam, & ipse facta D. Abbati reverentia revertitur ad locum suum, atq; sedet. Adveniente Diacono erigit se, & stat donec acceperit benedictionem, recedente Diacono, si adhuc tempus superest iterum sedet. Ad Evangelium una cum D. Abbate stat manibus ante pedus junctis, & se signat initio Evangelii, cum Diacono, in fronte, ore, & pectore. Hoc tamen advertendum est, quod Archidiaconus,
tunc

tunc stare debet, quando Diaconus, vel Subdiaconus, vel aliquis alius pro benedictione venerit, aut quando D. Abbas Lectionem, seu plures, una cum Tractu, vel Graduali, & sequentia legent, non enim, convenit tunc illi sedere.

14. Decanato per Diaconum Evangelio, & porrecto per Subdiaconum ad osculum Libro Evangeliorum, accedet ante sedem Archidiaconus, & sumpto de manu Ceremoniarum, aut Thurnerarii thuribulo, factaq. reverentia, incensat D. Abbatem trino ductu, & dum postea facit profundam inclinationem, benedicitur à D. Abbate. Mox assumpto à Capellano Libro sustinebit supra caput suum ad intonationem Symboli, scilicet per hæc tantum verba: *Credo in unum DEUM*, quem statim reddet Capellano. Et D. Abbas postquam benedixerit Archidiaconum, non statim intonabit *Credo*, sed expectabit, donec ille Librum apertum, supra Caput locabit.

15. In Symbolo dum à Choro canitur *Et incarnatus est*. Sedendo in suo scabello, profunde se tantum inclinabit. In festo tamen Annuntiationis B. M. V. & in die Natali Domini ad omnes tres Missas propè suum scabellum genuflectere tenetur. Sub tempus totius Symboli ita sedet, quemadmodum ad Hymnum Angelicum. Eo autem finito surgit, prius tamen semper, quàm D. Abbas. Peracto Offertorio pramittit cum Libro Capellanum ad Altare, ut illud supra cussinum, in Altari, ad cornu Evangelii collocet, & ipse ministrat manile D. Abbati ad lotionem manuum.

16. Cum D. Abbas redit ad Altare, ipse à sinistris eundem, gradus Altaris ascendente, adjavat, & ministrans ad Altare, in cornu Evangelii, sinistra tenebit Librum, & dexterâ manu transversa indicabit dicenda. Ad incensationem Oblatorum & Altaris, ipse ad dicenda ita commodè sustinebit Librum, ut D. Abbas in promptu semper habeat ad legendum ea, quæ ad incensationem dicenda sunt. Post divinationem Altaris, deponet Librum super Altare in cornu Evangelii, vel reddet Capellano de eo, ut ad Psalmum *Lavabo* &c. sustineat. Quando incensatur D. Abbas à Diacono Evangelii, stat à tergo quasi ejus, & dum ipse ab eodem Diacono incensandus est, (quod immediate fieri debet) Diaconus recedit parum de loco suo, ut det locum ministrantibus ad lotionem, Archidiaconus convertit se ad eum, & facta mutua inclinatione ante, & post, duplici ductu incensatur, itans ad dexteram D. Abbatis incensati.

17. Redeunte D. Abbate ad medium Altaris, ipse ad cornu Evangelii, seu à sinistris ejus ministrabit ad Librum conti-

nud, ostendens successivè dicenda D. Abbati. Post Prælationem submissa voce sicut *Sacerdos* cum Celebrante, & Diacono. idemq; prætabit ad *Agnus DEI* &c. Ad elevationem genuflectit tantum, neq; à Libro discedit, nisi quando danda est Pax à Celebrante.

18. Dito *Agnus DEI* &c. factis debitis genuflexionibus, accedit ad dexteram D. Abbatis, & Diaconus parum recedit ad cornu Epistolæ, dans ei locum. Subdiaconus statim accedit ad Libram, quia jam tunc non est occupatus. Archidiaconus, dum Celebrans dicit orationem: *Domine JESU Christe, qui dixisti* &c. genuflectit ad illius dexteram, usq; ad finem dicte primæ Orationis. Qua dicta surgit, & dum D. Abbas osculatur Altare, illud etiam ipse osculatur extra corporale manibus ante pectus junctis. Et statim D. Abbas sinistram genam suam, sinistræ pariter genæ ipsius Presbyteri assistentis appropinquans, reliquisq; manuum digitis brachia ejus tangens, dat ei Pacem dicens: *Pax tecum*. Archidiaconus verò appropinquante genâ suâ sinistrâ, junctis tantum ante pectus manibus, recipit Pacem dicens: *Et cum Spiritu tuo*. Et iterum genuflectens ante Sacramentum, & statim surgens, si aderunt DD. Abbates plures, prout contingit in Capitulo Generali, comite Cæremoniaro, tribuit primo tantum ex utraq; parte, ut dictum est supra. P. 2. c. 9. n. 9.

19. Si dederit Pacem Prælati, hoc advertat ut nulli ante faciat reverentiam, sed tantum post datam Pacem, quam pari modo dabit, sicut ei dederat Celebrans ad Altare. Si autem non adsunt Prælati, quibus Archidiaconus posset dare Pacem, redibit ad Librum, ministrabitq; ut prius. Facta ablutione digitorum in Calice, transferet Librum cum cussino ad cornu Epistolæ cum debitis reverentiis, & ministrabit manutergium ad lotionem manuum, stabitq; à dextris D. Abbatis ad Librum, demonstrans ei cætera, quæ supersunt ad dicendum, vel Cantandum.

20. Data Benedictione Solemni, ad quam profunde se tantum inclinat, & non genuflectit, ex Decreto S. R. C. accedit ad cornu Evangelii, ubi ministrat Librum ad Evangelium, sive ordinarium, sive aliquod peculiare, ad quod ipse transfert Librum à cornu Epistolæ. Finita Missa descendit in planum, ad dexteram D. Abbatis, ut initio Missæ stabat, & facta cum aliis simul Altari reverentia, eodem, quo venerat ordine, recedit in Sacristiam ad deponenda sacra Paramenta.

21. In Communionem Fratrum, & fidelium retrahit se ad cornu Evangelii, ne aut Communicantes, aut alios Ministros impediatur, ibiq; stat manibus junctis conversa facie ad D. Abbatem distribuentem Communionem. Pariter junctis manibus inclinatus permanebit ad Librum, quando D. Abbas se in Missa communicaverit. Ad Nobis quoq; peccatoribus &c. & ad Domine non sum dignus &c. percutit pectus suum.

22. In Processionibus, præsertim cum SS. Sacramento, quia non habet locum, ubi procedere debeat, ideo potius abstinere ab ea, sic enim P. Baudry declarat P. I. c. 3. n. 13. his verbis: *Ad absolutionem post Missam pro Defunctis, regulariter non accedit, sed finita Missa recedit in Sacristiam; item nec ad Processiones, etiam SS. Sacramenti, nec ad Benedictiones.* Si autem post Concionem in medio Missæ, fieri debeat Processio, non est conveniens ut Archidiaconus recedat in Sacristiam, & denuo finita Processione accedat ad complendum Ministerium suum, ideoq; incedat potius cum Diacono Evangelii, & tunc Subdiaconus non in medio, sed à latere sinistro ante Diaconum procedere debet. Si ergo assistat tali Processioni, Naviculam cum incenso ministrare, thuribulum D. Abbati porrigere, & recipere, quoties opus fuerit, atq; velo oblongo manus, ac pedem Ottenforii contingere tenetur.

Decreta S. R. Congregationis.

1. Assistens Presbyter debet Episcopum thurificare ad sedem, quicumq; ille sit, non verò Diaconus Evangelii. S. R. C. 19. Maii 1607. in Placentina.

2. Canonici, & dignitates non tenentur ad benedictionem Episcopi genuflectere, sed tantum caput inclinare. S. R. C.

4. Maii 1613. in Osenn.

3. Presbyter assistens, licet non sit prima dignitas, thurificandus est ante Archidiaconum, à dextris Episcopi assistentem, quamvis idem Archidiaconus sit prima dignitas. S. R. C. 23. Junii 1607. in Vercellen.

4. Prima dignitas officium Presbyteri assistentis, Episcopo Divina Pontificaliter peragente faciens, tenetur sustentare Librum, quando solum Episcopus cantat, non verò quando legit, quod spectat ad Capellanum. S. R. C. 16. Martii 1658. in Ragusina.

CAPUT II.

De Ministris Sacris.

1. **N**omine Ministrorum Sacrorum veniunt tantum Diaconus Evangelii, & Subdiaconus Epistolæ, hi enim proprie dicuntur Sacri Ministri, quia propiores sunt Celebranti, Sacrificium incruentum immolanti. Illi itaq; Diaconus, & Subdiaconus sumptis suis paramentis tempestivè, exceptis manipulis, Celebrantem adjuvant dum se Paramentis induit, præcipuè tamen Diaconus. Manus ante pectus ita junctas tenent, ut non sint sub Dalmatica, aut Tunicea reconditæ, & dum sedent, manus extensas super genua ponant, supra Dalmaticam, vel Tuniceam, non tamen fer-

2. Quoties Celebrans genuisse sit in medio eorum, aut surgit, ambo eum adjuvant, brachia eius sustentando, & si fiat genuflexio cum causa, Planetæ eius posteriore partem aptant super pedes eius, ut ad 7. *Ei incarnatus est*, & ad alia. Dum aliquid offerunt, prius illud, deinde manum Celebrantis osculantur; cum vero recipiunt, prius manum, deinde rem ipsam pariter osculantur, præterquam in officio Defunctorum, & quando est expositum Sanctissimum Sacramentum.

3. Accedentes ad Altare, licet ibi non adsit Tabernaculum SS. Sacramenti, & licet Celebrans tantum se propius inclinet, Ministri tamen Sacri omnino genuflectant simul; signant se cum Celebrante, simul respondent, simul se inclinant, & non prius, neq; profundius unus, quam alius, dicentes. *Tibi Patr.* & *Te Patr.* ac *Miseratur Tui.* inclinati simul se vertant ad Celebrantem. Qui cum ascendit ad Altare, illi elevant hinc, inde vestes anteriores eas, non mirorum, aut tartan, ut non impediant ascensum eius; quod semper in pari casu faciunt. Pro primo accessu ad Altare ambo simul genuflectunt, licet Celebrans se tantum inclinet.

4. Sub tempus incensationis adjuvant Celebrantem, elevantes aliquantulum circa brachia hinc inde posteriorem partem Planetæ, aut Pluvialis extremitates, si in Vespertis. Ambo simul respondent *Agnus dei*, simul pariter dicunt *Hym-*

num Angelicum, Symbolum, Sanctus & Agnus Dei, quando autem recitant, æquali dicent voce, non unus altius altero, sed ambo uniformitatem gestus, & vocis in omnibus, quantum fieri potest, servabunt.

5. Nullus ex iis Librum, aut Diurnum, aut globulos teneat precatorios in manibus, sub tempore Missæ, uno nec Missam ipsam extra Lectionem, & Evangelium, sed ante Missam omnia ita provideant, ut in eo inacceptius gaudere, & investigare non sit opus ea, quæ cantare debent. Neque etiam memoriter, tunc aliquas dicant preces, ne Celebrationem murmuratione, vel sibilatione impediant, & sibi ipsi sint impedimento, ad peragenda sua officia; sed attente se munitrent, ut non obliviscantur omnium Cereemoniarum, easque perfectè expleant, quæ ipsorum officia concernunt.

6. Si sedent, cum unus surgat, aliquid commode sursum, surgat & alter, & stet nudo capite in loco, ubi sedebat, donec redierit socius: sibi ipsi aliquantulum faciant inclinationem, ante, & post discessum. Quando veniant cum Celebrante ad locum sessionis, prius Celebrans sedeat, & illi postea sedent, facta illi prius iam sedenti reverentia, adhuc nudo capite, & dum surgendum est, illi prius surgant, & deponant Birræta sua, quam Celebrans.

7. Dum in medio ante Altare in locis suis consistunt, & ascendere debeant ad latera Celebrantis, prius simul in locis suis genuflectant, & Diaconus in suo gradu ad aliquantulum recedat ad partem Epistolæ, expectetque Subdiaconum, ut ambo simul pari gressu ascendant ad Altare. Antequam recedant ab Altari, ibidem genuflectant, non verò in locis suis, nisi aliter noceatur; genuflectentes tamen manus Altari non admoveant, sed eas teneant iunctas ante pedes.

8. Quotiescunq; percutiunt pectora sua, uti ad *Mea culpa*, ad *Nobis quoque*, &c: ad *Agnus DEI*, & ad *Domine non sum dignus* &c: semper manum sinistram pectori admoveere debent. Quando à lateribus stant Celebrantis, ambo æqualiter distent ab eo; unde decet, ut uno saltem palmo, brachia Ministrorum distent à brachiis Celebrantis, & non se contingant.

9. Quando Celebrans Pluviali indutus ingredit, ambo simul gradiuntur hinc, inde ad latera eius, elevantes anteriores sinubus Pluvialis. Neque in Processionibus cum SS. Sacramento deferant candelas, sed tantum dictas sinubus Pluvialis elevent. Pariter faciant in regressu ad Sacrificium. Unusquisque diligenter, attendat ad Socium suum, ut uniformitatem in omnibus

būs serveat, sive in inclinationibus, sive sessionibus, sive genuflexionibus, aut aliis huiusmodi.

10. Caveant diligenter, quando retrocedere debent, vel quando debent descendere ab uno gradu, ad alium licet proximum, ut non directè retrocedant, sed aliquantulum recedant ad latus, aut saltem se convertant, ut videant locum, ad quem descendunt, vel accedunt, cum indecens sit retrocedere. Neq; etiam descendentes directè incedant ne terga vertant Altari, sed lateraliter aliquomodo, propter reverentiam Crucis, aut Tabernaculi, multo magis Sanctissimi Sacramenti expositi. Quod pariter dicendum est de omnibus aliis inferioribus Ministris. Explanatis, seu adnotatis his, quæ ambos Sacros Ministros concernunt, ad ea nunc descendimus, quæ in particulari ad unumquemq; spectant. Sit itaq;

C A P U T III.

De Diacono Evangelii, eiusq; Officio.

§. I.

De Officio Diaconi in Missa Solemni usq; ad Evangelium.

1. **D**iaconus diligenter advertat, se esse ex præcipuis Ecclesiæ Ministris, & nobiliorem gradum obtinere inter eos, qui Sacerdoti Sacra facienti Ministrant; quapropter maxima puritate tam Corporis, quam Animæ ad ea, quæ ad Diaconatus Officium pertinent, inservire debet. Igitur in Missa Solemni Evangelium cantaturus, hora congrua tempestivè accedere debet ad Ecclesiam, ubi orat aliquantulum, & veniendo in Sacristiam, accipit Missale Celebrantis, perquirat Missam, & signacula eius deponit; tum accipit aliud Missale in quo Evangelium suum perquirat, illudq; legit, ne forte postea erraret cantando, ac signaculo notat, sic utrumq; Missale paratum, per aliquem ex Acolythis, aut potius per Cæremoniarium transmittit, ut primum ponatur in Altari super Cusino, ad cornu Epistolæ, & alterum

super

super Credentiam deponatur, vel si id fieri non possit, in aliquo loco honesto deponatur ad cornu Epistolæ, non tamen ad gradus Altaris.

2. Lavat postea ac tergit manus in Sacrificia, & adjuvante aliquo Acolyto, induit se Paramentis Ordinis Levitici, positus in latere dextro paramentorum Celebrantis. Amictum ergo accipit per latera ambabus manibus, cuius Crucem osculatur, non se signans cum eo. Mox Albam, Cingulum, Stolum, cuius Crucem etiam osculatur, eamque supra humerum sinistrum imponit, & sub brachio, in modum Crucis ligari facit, demum Dalmaticam imponit, & manicarum Chordulos curat ligari. Potest ad singula paramenta Orationes in Missali postas recitare, sed tamen ex peritorum Auctorum iudicio, nulla est necessitas. Manipulum hic adhuc non capit, sed postquam Celebrans ex integro sit indutus, tunc assumet, cum debito osculo Crucis illius. Si opus sit, Sudarium appendit cingulo, subtus Dalmaticam.

3. Sic paratus stans ad dextram Celebrantis, adiuvat eum, dum S. Paramenta accipit, ordine, & modo supra P. 2. c. 2. n. 6. & 7. descriptis. Et quamvis uterque adjuvet cum opus est, præcipue tamen in his operatur Diaconus, tanquam præcipuus, & proprius Minister. Celebrante parato manipulum suum capit cum osculo Crucis ipsius. Antequam egrediantur de Sacrificia, Diaconus stans à dextris Celebrantis parati, nudo capite, ministrat Naviculam, ut thus in thuribulum immittat, petens benedictionem solito more, non omittis debitis osculis manus, & ecclesiæ ante, & post. Imposito, & benedicto incenso, stans in eodem loco nudo adhuc capite, profundam simul cum aliis facit Cruci, vel Imagini, quæ est in Sacrificia, reverentiam, tam postea Celebranti, quasi se commendans eius precibus in Missa. Mox operto capite, ac manibus ante pectus iunctis procedit post Subdiaconum, immediate ante Celebrantem.

4. At verò si ob Asperersionem Aquæ benedictæ, Candelarum benedictionem, vel Processionem, aut alia huiusmodi Celebrans Pluviali indutus sit, à dextris illius incedit, simbram dextram Pluvialis ejus attollens manu sinistra, dexteram supra pectus positam tenet. Dum procedunt, si transire contingat ante Tabernaculum SS. Sacramenti, consistit à dextris Celebrantis nudo capite, flectit unicum genu, sed si est expositum, utrumque. Si Sacrificia unde discedunt sit in parte Epistolæ,

solæ, ipse Diaconus cum primo Ceroferario retrocedat paululum, ut Celebranti transeunti ante eos, det locum, eiq; se inclinât.

5. Cum pervenerit ante infimum gradum Altaris, caput detegit, & de manu Celebrantis Birretum accipit, cum quasi osculo ipsius Birreti, illudq; cum suo tradit statim Cæremo- niario, moxq; cum Celebrante, licet tantum inclinato, sem- per tamen genuflectit, ut Rubrica generalis præscribit. Et statim ascendit ad cornu Epistolæ, ibiq; aperit Missale in eo loco, ubi Missa diei invenitur, quo facto descendit ad dex- teram Celebrantis in planum, ibi iterum genuflectit.

6. Dum Celebrans se signat initio, Diaconus etiam se signat cum eo, pariter ad *ꝫ. Adjutorium nostrum, &c: sicut & ad Indulgentiam &c: Psalmum Intro me Deus &c, alterna- tim cum Celebrante dicit, & quando opus est, inclinât se cum eo. Qui dum facit Confessionem, Diaconus stat ere- ctus, sed itea finita profundè se inclinât, & conversus ad Ce- lebrantem dicit *Miseretur &c: persistendo sic usq; ad finem. Dicto à Celebrante Amen, ad Confiteor inclinatus manet ver- sus Altare, & ter percutit pectus ad V. a Culpa, manu sinistra intra pectus posita. Dicendo Tbi Pater, & se Pater sic incli- natus convertit se ad Celebrantem, & taliter inclinatus ver- sus Altare manet; donec Celebrans totum *Miseretur &c: re- citaverit. Ad Indulgentiam &c: erectus stat & se signat, ad DEUS tu conversus &c: denuò se inclinât, profundius aliquomo- do quàm Celebrans, ad Omnis non disjungit, nec elevat ma- nus, quia hic actus solus est Celebrantis. Ascendente Cele- brante ad Altare, ipse Diaconus sinistra Albam, & vestem in parte anteriori eiusdem Celebrantis, elevat, dextrâ infra pectus posita, comitaturq; eum ad Altare, ubi. manibus ante pectus junctis, genuflectit, propter primum accessum ad Altare.***

7. Et statim in eodem loco sumens naviculam de manu Thuriferarii, ministrat Celebranti cochlear, eiq; in d. quo dicitur infra P. 4. c. 2. petens ab eo benedictionem per ea verba: *Benedicite Pater Reverende, sicq; imposito, ac benedicto incenso, accipit à Thuriferario Thuribulum, & cum debitis osculis tradit illud Celebranti. Tum posteriorem Planeta par- tem paulo infra humeros, aliquantulum elevat sinistra, & ad- iuvat ipsum Celebrantem incedens cum eo, & semper ge- nuflectens dum transit ante Crucem, licet Celebrans se tan- tum inclinât.*

8. Thurificato Altari stans à latere Epistolæ in 2. gradu recipit à Celebrante thuribulum, recedensq; extra gradus in planum in eodem cornu Epistolæ, explici duxit ipsam Celebrantem incensat, facta ei debita antè & post inclinatione. Si autem tanta sit Presbyterii tenuitas, ut aut propter Stalla Chori, aut alia ratione sit planum impeditum, potius transeat ad medium plani, ibiq; conuersum ad se Celebrantem incenset, eodem modo, quo penes expositum SS. Sacramentum thurificatur. Reddit postea thuribulum Thuriferario, ambabus manibus prout tenebat, & accedit ad dexteram Celebrantis, ibiq; in 2. gradu stat ad Introitum, & se signat cum eo; ad *ψ. Gloria Patri* Cruci se inclinatur, nihil tamen dicit. In eodem loco ad *Kyrie eleison* alternatim Celebranti responder submissa voce, manus ante pectus iunctas tenens.

9. Dicto *Kyrie*, si sedendum erit, sedebit cum Celebrante, vel cum eodem in dicto cornu Epistolæ persistet; Sed dum à Choro ultimum *Kyrie eleison* cantatur, per eundem secundum gradum accedit ad medium, eodem, quo Celebrans passu, ibiq; scilicet post Celebrantem, in medio secundi gradus manibus iunctis stat, dum ille intonat *Gloria in excelsis DEO*, & caput inclinatur, dum dicitur *DEO*. Hoc intonato, statim in dicto loco genuflectit, & aliquantulum in eodem 2. gradu sededit ad partem Epistolæ, expectat Subdiaconum, & ut peruenierit ad 2. gradum, statim simul ascendant hinc, inde ad latera Celebrantis, ibiq; iunctis ante pectus manibus, absq; nova genuflexione stat, cum quo, & Subdiacono submissa voce protequitur Hymnum, non praueniendo; sed potius subsequendo vocem ipsius Celebrantis, usq; ad finem, quando opus est inclinatur Caput; dicens vero. *Cum Sancto Spiritu &c.* se signat, & in fine dicens *Amen* iungit manus.

10. Hymno Angelico recitato, si sedendum sit facta genuflexione in loco, descendit per breviorē viam, nudo capite, sequens Subdiaconum, & præcedens Celebrantem ad sedem paratam in plano ad cornu Epistolæ, ubi accipit Birretum Celebrantis, porrigit ei, cum quasi osculo illius, & elevat partem posteriorem Planetæ ne super eam sedeat. Postea accepto suo Birreto. elevataq; etiam parte posteriori Dalmaticæ suæ, præmissa inclinatione Celebranti iam sedenti, & modica Subdiacono adhuc stanti, sedet à dextris ipsius Celebrantis, recto Capite, & manibus hinc inde super genua extensis, & digitis simul iunctis, prout Celebrans, nisi forte urgente frigore, intra manicam, eas aliquantulum recondere cogatur.

11. Dom. cantatur in Choro Cum Sancto Spiritu &c: vel pauli citius, Diaconus depositus prius suo Birreto, Celebrantis Birretum recipit cum quasi osculo illius, illudq; & suum supra scammum ponit. Tum facta Celebranti reverentia, sequens Subdiaconum, redit per longiorem viam ad Altare, id est per planam à parte anteriori. Diaconus accedens propius ad cornu infimi gradus Altaris, retrocedit paululum, ut Celebranti, cui se inclinat, locum praebeat transeundi. Tum facta in infimo gradu genuflexione, ascendit ad 2. Altaris gradum, ibiq; post Celebrantem stans permanet.

12. Si vero Celebrans non sedeat, ut accedit, quando SS. Sacramentum est expositum, dicto Hymno Angelico, non recedit Diaconus de loco suo, sed cum Subdiacono hinc, inde stant quasi pares ad Altare cum Celebrante, & non unus post aliam, neque tamen omnino collaterales, sed parum post eundem Celebrantem. Dum cantatur in Choro: Cum Sancto Spiritu &c: facta genuflexione, recedunt ad loca sua, & Diaconus in 2. gradu post Celebrantem stat, etiam ad Dominus vobiscum, nec se movet, nec inclinat, neq; genuflectit, licet Celebrans cogatur ratione expositionis genuflectere. Dicto Dominus vobiscum & facta genuflexione Diaconus per eundem 2. gradum procedit ad cornu Epistolae.

13. Si adsit Ceremoniarius ad Librum, in eodem cornu Epistolae stat post Celebrantem manibus ante pectus junctis, ad Orationem, siue plures, & non prius accedit ad dexteram Celebrantis, nisi prius Subdiaconus inceperit eadere Epistolam. Si vero desit Ceremoniarius, Diaconus statim accedit ad Libram, quem tenet, & folia vertit, atq; genuflectit cum Celebrante si opus sit, & in fine Lectionis lecta Celebrante respondet submissa voce: Deo gratias. nec à dextera Celebrantis recedit, donec Subdiaconus finita Epistola accedat ad osculum manus, & tunc Diaconus accedit ad 2. gradum post Celebrantem, cedens locum in quo erat prius Subdiacono, ut ab eo benedicatur.

14. Quando dicendae sunt plures Orationes cum Prophetis, post Kyrie eleison, dicto à Celebrante Oremus. Diaconus dicit: Flectamus genua, & utrumq; genuflectit primus omnium, dum vero Subdiaconus dicit Levate surgit, & tunc consistere debet post Celebrantem, & non ad dexteram eius. In fine conclusionis, Orationum, quando Chorus cantat, non respondet Amen, nec ad alia, ad quae Chorus respondet, quod servandum est in aliis quibuscunq; similibus circumstantiis.

15. Deficiente Cæremoniario postquam Subdiaconus osculatus fuerit manum Celebrantis, recipit ab eo Missale. Si vero intersit Cæremoniarius, ille à Subdiacono recipit Librum, & dum Celebrans dicit: *Munda Cor meum &c.* Diaconus stans in suppedaneo Altaris, prope cornu Epistolæ, convertit se ad Cæremoniarium, a dicto cornu Epistolæ advenientem, & ab eo cum debitis inclinationibus accipit Librum ambabus manibus per angulos interiores, duobus pollicibus super partem externam, reliquis digitis sub Libro positus, ita, ut pars quæ aperitur sit versus latus suum sinistrum, & pars Libri superior, sit parum super pectus inclinata.

16. Accepto sic à Cæremoniario Libro Evangeliorum, Diaconus descendit per gradus laterales, & procedit per planum, ad illum locum, ubi Celebrans Communionem faciebat, ibique genuflexus ascendit ad Altare, & reponit in medio Altari, quasi jacentem Librum Evangeliorum, supra petram sanctam, ita, ut pars quæ aperitur, respiciat cornu Evangelii, & facta ibidem genuflexione, accedit ad sinistram Celebrantis: & ad dexteram Subdiaconi, quasi medius inter Celebrantem legentem Evangelium, & Subdiaconum tenentem Missale, ibique assistit manibus ante pectus junctis, genuflectens, aut se inclinans, quando opus est

§. 2.

De Officio Diaconi ab Evangelio, usque ad Præfationem.

1. **P**erfecto à Celebrante Evangelio, Diaconus accipit à Thuriferario Naviculam, ministrat incensum, petitque benedictionem, qua data, & imposito thure, reddit Naviculam, descendit ad 2. gradum Altaris, ubi genuflexus in suppedaneo, manibus junctis profunde se inclinans dicit: *Munda Cor meum &c.* Hoc dicto surgit, accedit ad medium Altaris, ambabus manibus capit reverenter Librum Evangeliorum, & iterum descendens ad 2. Altaris gradum, genuflexus, & inclinatus petit benedictionem à Celebrante, dicens intelligibili voce: *Iube Domine benedicere.* non autem Domine, hoc enim tantum convenit Sacerdoti Celebranti dicere, qui à solo DEO petit benedictionem: Diaconus vero cum eam possit à Celebrante, non aliter quam Domine dicere tenetur, licet petat à D. Abbate, quinimo licet ab Episcopo, aut Archiepiscopo.

2. **O**btenta à Celebrante benedictione, Diaconus manum ejus dextram Libro superpositam, quem aliquantulum delevit ver.

versus eum, in parte exteriori reverenter osculatur, & non digitos. Surgit deinde, inclinat se Celebranti iterum, & portans ambas manibus ante pectus Librum Evangeliorum, descendit in planum, ibiq; genuflectit in medio, à dextris Subdiaconi, tunc recedentis parum versus cornu Evangelii, Diaconus consistit in eo loco, ubi cum Celebrante fecerat Confessionem, ac expectat, quousq; Graduale, vel Tractus, aut Symphonia finiatur à Choro, quibus finitis iterum genuflectit, & procedit cum Libro ad locum, ubi cantari debet Evangelium.

3. Cum pervenerit Diaconus ad locum, ubi cantari solet Evangelium, tradit Librum apertum Subdiacono inter duos Ceroterarios consistenti, & in proportionata distantia consistenti, ut commode legere possit, junctis ante pectus manibus, incipit sonora voce *Dominus vobiscum*, cum dicit, *Initium*, vel *Sequentia Sancti Evangelii* &c. signat principium Evangelii pollice dextro, non quidem ungve, aut latere ejus, sed ipsa pulpa, manu tota extensa, una cum digitis, & conversa ad Librum, & tunc manum sinistram tenet supra Librum extensam, quam statim retrahit, & infra pectus ponit, dum se ipsum signat eadem pulpa pollicis in fronte, ore, & pectore, dextera tota extensa, & ad se conversa, digitis pariter, extensis & simul junctis. Advertat ut non signet tunc os suum, quando cantat, sed postquam signaverit frontem dicendo *S. Evangelii*, signet os, & quam tam tantisper faciat repausationem, ita, ut circumstantes id minime advertant, & statim pectus signando dicit: *Secundum M.* Statimq; accipit thuribulum à Ministro stante a tergo, vertendo se aliquomodo ad dexteram, sine ulla Altaris, etiam expositi Sacramenti reverentia, Librum triplici ductu incensat, 1. in medio, 2. à dextris, 3. à sinistris ipsius Libri, inclinans se ante, & post versus Librum, propter sacri textus reverentiam, ita tamen tempestivè id peragat, ut eo tempore, quo Chorus respondet: *Gloria Tibi Domine*, tota peragatur incensatio. Deinde reddito thuribulo, eodem latere se vertit quo prius, sine ulla Altaris reverentia, junctisq; manibus incipit textum Evangelii, inclinans se, & genuflectens versus Librum, quando opus est, profundius tamen ad nomen JESUS inclinat se, quam ad alia.

4. Finito Evangelio, indicat initium ejus Subdiacono, manu transversa tangendo, & si illud principium sit in pagina præcedenti voluit totum, postea aliquantulum recedit, ne Subdiaconum transcurrentem impediat, & statim per planum Presbyterii sequens Ceroterarium primum, manibus junctis accedit ad medium, ubi facta in infimo gradu genuflectione, & accepto thuribulo

bulo Celebrantem stantem in cornu Epistolæ, & ad se conversum triplici ductu incensat, cum debitis inclinationibus ante, & post; non prius tamen, quam osculato Libro à Celebrante.

5. Reddito thuribulo ministro de eo, ascendit ad 2. Altaris gradum, ibiq; stat dum Celebrans incipit *Credo*, inclinans caput ad verbum *DEUM*, statim genuflectit, ut supra ad *Gen.*, simul cum Subdiacono ascendit, a colloq; ad dexteram Celebrantis, cum quo & Subdiacono dicit Symbolum, sicut Hymnum Angelicum. Ad *ŷ. Et incarnatus est*, genuflectit, ad verba *Homo factus est*, etiam caput inclinat. Recendo: adoratur etiam inclinatur, ad *Vitam venturi sc.* se signat, dicens: Amen, jungit manus.

6. Disto Symbolo, adhuc ibidem stat, vel procedit ad sedendum ut ad Hymnum Angelicum, ut si stat ad Altare, quando in Choro canitur descendit de *Cath.* simul cum Celebrante, vertendo faciem ad cornu Evangelii, descendit ad 2. gradum Altaris, & in suppedaneo genuflectit ad *ŷ. Et incarnatus est sc.* & statim à parte sua posteriorem partem Planities Celebrantis adaperit super pedes ejus; surgunt postea omnes, & Diaconus descendit in planum, vadit ad Credentiam, deestur Bursam cum Corporali ad Altare, accipiendo eam ambabus manibus per latera ejus, pollicibus, & indicibus desuper, reliquis digitis subtus eam positis, ita, ut pars, quæ avertitur, faciem respiciat, elevatam tenet: sicq; per planum genui, & decore incessu solus procedit ad medium Altaris, & cum sacer infimo gradu genuflexione, ascendit per medium ad Altare, ibiq; in medio, quia tunc Celebrans cum Subdiacono parum ad cornu Evangelii recedere debent, extrahit corporale de bursa, quam primo collocat erectam in cornu Evangelii, & Corporale extendit in medio Altaris, statimq; ibidem genuflectit, reposita parum ad cornu Epistolæ, ut medium Altaris cedat Celebranti, ubi stat ad finem Symboli.

7. Si vero sedent ad Symbolum, dum in Choro canitur *ŷ. Et incarnatus est*, proinde se inclinat nudo Capite, exceptis tribus Missis Nativitatis D. N. J. C. & Annuntiationis B. V. MARIE, in quibus semper à sessione recedit, ad gradus laterales, ubi propriis, ibiq; in infimo gradu genuflectit cum Celebrante, & Subdiacono. In prædictis Missis si non ad Altare, descendit cum Celebrante, & Subdiacono ad planum, & in infimo gradu Altaris genuflectit. Dum canitur *ŷ. Et incarnatus est*, in sessione Diaconus Birretum deponit, argit, & cum Celebranti inclinatione, vadit ad Credentiam, accipit ut supra Bursam

cum Corporali, & dum transit ante Celebrantem inclinatur se ei, cæteraq; peragit ut hunc præcedenti dictum est, reverteritur tandem per viam breviorē ad Celebrantem, cui profunde se inclinans, & mediocriter Subdiacono, sedet in loco suo.

8. In fine Symboli dum canitur, *Et vitam venturi sæculi*, si sedent & deunt ad Altare, sicut in fine Hymni Angelici, ibiq; stant unus post alium. Si vero stant ad Altare, ad dicta verba, genuflectentes in loco, accedunt ad loca sua, ut stent unus post alium, sicq; stat Diaconus, donec dicatur *Oremus*. Inchoato Offertorio, & non prius, Diaconus in loco genuflectit, accedit ad dexteram Celebrantis, & ibi expectat Subdiaconum, quo accedente, calicem accipit de manu ipsius, prius tamen detegendo eundem; Patenam cum Hostia accipit, Pallam deponit, & utraq; manu eandem Patenam tribuit Celebranti, quam prius in extremitate osculatur reverenter, deinde manum ejus, Si autem non dicatur Symbolum, Subdiacono astante super Calice, Bursam cum Corporali, Diaconus eam sumit, expandit Corporale, ut supra, patenamq; offert cum Hostia, quod non prius facere debet, nisi dicto Offertorio à Celebrante.

9. Si ad ut particulam consecrandam pro Communione fidelium, delata Pixide, seu Calice ad Altare paulo ante, Diaconus illud vas cum particulis detegit, antequam tradat Celebranti Patenam, dictumq; vas parum elevat, dum Celebrans Hostiam in Patena offert, qua super Altare deposita, ipse etiam Diaconus, eandem Pixidem, seu Calicem ponit super Corporale, ita tamen, ut non impediat collocacionem Calicis Vini, eamq; cooperiat.

10. Tum Calicem exterius à Subdiacono accipit, & ampullam vini de manu ipsius, ex qua intundit Vinum in prædictum Calicem, in quantitate mediocri, ita, ut tantum contegat fundum coppæ interioris; hancq; Calicem sinistra per nodum tenet, Celebrante interim inspiciente, quantum Vini sufficit. Et post admixtas Vino per Subdiaconum paucas guttas Aquæ, à Celebrante benedictæ, ipse Diaconus, si guttæ appareant dissepe intra Calicem, eas vel circumactio Vino congregat, vel purificatorio abtergit, ne post Consecrationem oriatur dubium, an sint consecrata? Non tamen in 2da & 3ta Missa Nativitatis D. N. J. C. propter remanentes adhuc quasdam species Sanguinis Domini, tunc enim porrigat ipse Diaconus Celebranti ampullas Vini, & Aquæ, ut ipse tenens super Corporale Calicem solus intundat, quia protunc non potest amoveri extra corporale.

PARS TERTIA. 185

11. Infuso iam Vino, & Aqua in Calicem, eum porrigit Celebranti in manus, cum osculis pedis illius Calicis, & manus Celebrantis, dextera scilicet pedem, & sinistra nodum ipsius tenens; ita, ut Celebrans facilius illum dexterâ per nodum, & sinistra per pedem accipere valeat, & tenere. Cumq; Celebrans dicit: *Offerimus tibi Domine &c:* Diaconus cum eo, dicit eandem Orationem, dexterâ pedem Calicis, sinistra brachium Celebrantis sustentans, usq; ad hæc verba: *pro nostra &c: & non amplius.*

12. Reposito Calice à solo Celebrante, Diaconus palla illum cooperit, & statim accipit nudam Patenam sine purificatorio, quam ponit in dextera manu, pariter nuda Subdiaconi, stantis adhuc ibidem, eamq; extremitate veli à brachio dextro eiusdem Subdiaconi pendentis contegit; ita ut pars Patenæ interior pectus Subdiaconi respiciat, & non aliter appareat, nisi velo recta.

13. Dico per Celebrantem: *Veni Sanctificator &c:* Diaconus stans adhuc in cornu Epistolæ, naviculam ministrat Celebranti, ab eoq; petit benedictionem, ut supra, qua obtemperata, & imposito thure, Naviculam reddit Thuriferario, & ab eo thuribulum accipit, quod tradit Celebranti cum debitis osculis. Dum incensantur oblata, ipse pedem Calicis dexterâ tenet, ita tamen ut non impediat Celebrantem in faciendis Circulis incensi, & sinistra elevat aliquantulum partem posteriorem Planetæ eius, circa humeros. Incensantis oblati, antequam Celebrans incenset Crucem, facta prius genuflexione, amovet Calicem de medio, aliquantulum ad partem Epistolæ, non tamen extra Corporale, si est satis amplum, sed incensata Cruce reponit illum in loco suo, & facta postea genuflexione, ministrat Celebranti ad totam incensationem. Qua finita recipiens in cornu Epistolæ ab eodem thuribulum, dum concludit per hæc verba Orationem incensationis: *flammam æternæ Charitatis*, respondet *Amen*, & descendens in planum thurificat Celebrantem trino ductu, ut supra dictum est.

14. Quod si tamen D. Abbas esset præsens huic Missæ, tunc tantum ductu incensatur Celebrans, & tunc ipse Diaconus genuflectens prius ad dexteram Subdiaconi in infimo gradu, accedit ad sedem D. Abbatis, congruamq; faciens reverentiam ante, & post ter illum thurificat; Progreditur dein ad Chorum, ubi omnes de Choro, ab utraq; parte prius capitis inclinatione salutat, postea, quos invenerit in Choro præsentes Sacerdotes, unico quemlibet incenset ductu, non se-

cundum dignitatem Personarum distinctim, sed incipiendo ab eo qui invenitur Senior, aut Superior, consequenter in una parte thurificabit, postea in altera, Chori parte. Si autem Rel. Fratres adsint in choro presentes, non iam quemlibet seorsivè, sed tantum semel ad unam, & semel ad alteram partem, ductum quasi circularem thuribuli faciat. Hæc tamen via Diaconi ad sedem D. Abbatis, & Chorum non erit solius, sed adjuncto comitè Thuriterario, qui naviculam portabit, ut si defecerit fumus, thus sine benedictione imponat, à sinistrisq; Diacono assistat.

15. Finita Chori incensatione, (quam etiam absente D. Abbate perficere Diaconus tenetur) factaq; utriq; parti salutatione per inclinationem capitis, nec non transeundo ante sedem Abbatialem (si adest præsens) profunda inclinatione, revertitur Diaconus ad gradus Altaris, ubi facta ad dexteram Subdiaconi genuflexione, eum parùm recedentem ad cornu Evangelii ac conversum ad se, Diaconus bino incensat ductu in eodem plano, & reddit Thuriterario thuribulum. Ipse vero ascendens ad 2. Altaris gradum post Celebrantem, genuflectit, & statim retrahit se ad partem Evangelii, convertitq; faciem suam ad Thuriterarium, à quo bino etiam ductu incensatur. Hoc facto redit ad medium dicti gradus ibiq; stat usq; ad præfationem, nisi deficiente Cæremoniario cogatur adesse Libro.

§. 3.
De Officio Diaconi à Præfatione, usq; ad
finem Missæ.

I. AD Præfationem dum Celebrans dicit Deo nostro caput in loco inclinat, & statim accedit ad Librum, vertens folia, dum opus erit. Circa finem Præfationis genuflectit, accedit ad dexteram Celebrantis, ubi inclinatus cum eo, dicit: Sanctus &c: manibus ante pectus junctis, postea erectus signat se & dicit cum Celebrante: Benedictus &c: quo dicto genuflectit ibidem, & accedit ad Librum, ubi iterum genuflectit & non in medio. Idem semper facit, quoties transit, genuflectens in recessu, & accessu, ad Altare. Dein assistit erectus Celebranti dicenti Canonem, non junctis manibus, sed Missale tenens sinistra aliquantulum elevatum, & dextera vertens folia, aut demonstrans Celebranti, quæ dicen-

da

da sunt. si opus est. Ad Memento parum tantum retrocedit, non vero stat post Celebrantem.

2. Cum autem Celebrans dicit: *Quam oblationem &c: genuflectit, & accedit ad eius dexteram, ubi genuflexus manet, aliquantulum tamen retro post eum, in ipso suppedaneo; & dum Celebrans genuflectit post consecrationem Hostiæ, statim posteriorem Planctæ partem; in ipsa extremitatis ora capit sinistra, & elevat. Facta elevatione Hostiæ, postquam Celebrans adorando depositam Hostiam, surgit, & ipse pariter surgit, discooperiat Calicem, Palam reponat extra Corporale, & iterum egnuſſeat.*

3. Si adest Pixis, vel Calix cum particulis consecrandis, dum Celebrans dicit: *Qui pridie &c: Diaconus erectus eam detegit, & collocat prope Hostiam ante consecrationem, deposita vero Hostia post elevationem, statim surgit, Pixidem cooperit, & collocat in pristino loco, statimq; discooperit Calicem genuflectit. Et dum Celebrans consecrato Calice genuflectit, ipse iterum capit Planetam, & eam ut prius sublevar, surgensq; Calicem repositum coöperit, & cum Celebrante genuflectit. Redit dein ad Librum, ubi iterum genuflectit, & ministrat Celebranti, stans ut prius, signans se ad hæc verba: *Omni benedictione &c: & pedus percussione cum Celebrante, dum dicit: Nobis quoq; peccatoribus &c:**

4. Dum vero Celebrans dicit: *Per quem hæc omnia &c: Diaconus genuflectit, & vadit ad dexteram Celebrantis, ac ita opportune accedit, ut statim accedens prius Calicem detegat, & simul cum Celebrante genuflectat, & statim surgat, atq; dum Celebrans signat Calicem Hostiæ, dicens *Per ipsum &c: duobus digitis dextræ manus tenet pedem Calicis; reposita Hostiæ super Corporale, Calicem iterum tegit, genuflectit, surgit, accedit ad Librum non omittens genuflectere.**

5. Quando Celebrans incipit: *Pater noster, & non prius, genuflectit ad Librum, & vadit ad medium 2. gradus Altaris, ibiq; stat post Celebrantem, qui dum canit: Et dimitte nobis &c: genuflectit in loco suo, & ascendit ad dexteram ipsius Celebrantis, ubi adveniente Subdiacono, removet partem veli, quo obtegebatur Patena, quod tamen non facit in via, quando ascendit Subdiaconus, sed quando iam ad Altare constitit, dictamq; Patenam capit à Subdiacono, & extersam purificatorio, ponit inter pollicem, & indicem dextræ*

manus ipsius Celebrantis, postquam dixerit: *Amen*, cum osculo ipsius Pacem in extremitate; & manus Celebrantis.

6. Cum Celebrans submitteat Pacem Hostie, Diaconus detegit Calicem, genuflectit, surgit, & iam hic non tenet pedem Calicis. Immissa per Celebrantem particulâ Hostie in Calicem, eundem tegit palla, cum Celebrante genuflectit, & surgit. Postea inclinatus erga Sanctissimum Sacramentum, dicit cum eodem Celebrante ter: *Agnus Dei* &c: ter etiam pectus percutiens dextrâ, sinistrâ infra pectus positâ.

7. Dum Celebrans inchoat Orationem primam: *Domine JESU Christe, qui dixisti &c.* Diaconus statim genuflectit, sicq; genuflexus manet usq; ad finem ejusdem Orationis: qua dicta, surgit, & cum Celebrans osculatur Altare, ipse quoq; illud etiam osculatur, manibus junctis ante pectus, & non super Altare positis. Tum sinistram genam, sinistrâ etiam genâ Celebrantis jungens, ab eodem dicente: *Pax tecum*, modeste per brachia complexus, ipse vero manus junctas habens accipit Pacem, respondetq; *Et cum Spiritu tuo*, ad vertens, ut brachia sua supponat brachiis Celebrantis.

8. Si vero cum Instrumento datur Pax, tunc facta genuflexione, Diaconus accipiet Instrumentum Pacis, (quod collocatum esse debet penes Candelabra Altaris, ad latus Epistolæ) illudq; porriget Celebranti. Qui illud accipiens reliquis manuum digitis, indicibus, & pollicibus non disjunctis, ipsemet prius osculatur, & statim Diacono porrigit manibus suis ad osculandum, dicens interim: *Pax tecum*. Diaconus verò osculando dictum Pacis instrumentum, recipiensq; illud, respondet: *Et cum Spiritu tuo*.

9. Accepto Pacis osculo, Diaconus conversus ad Subdiaconum per latus suum sinistrum, similiter dat ei pacis osculum, quemadmodum Celebrans dederat ei, approximando genam sinistram, sinistrâ genâ Subdiaconi, & per brachia modeste complectendo. Si vero per Instrumentum solus accepit, pariter per Instrumentum tribuit Subdiacono Pacem, porrigendo nempe ad osculum Instrumentum, & dicendo *Pax tecum*, quod relinquet in manibus Subdiaconi, ad dandam inferioribus Pacem, & ipse facta in loco genuflexione, accedit ad Librum, ubi genuflectit, surgit, & Celebranti ad Librum ministrat. Hoc tamen in danda Pace notet Diaconus, quod quando D. Abbas adest paratus Missæ Sacrificio, non tribuat Subdiacono pacem, sive per Osculum, sive per Instrumentum, quia ille immediate à solo Celebrante accipere debet pacem, qui eam tribuit, sive adest Prælato, aut non.

10. Quando Celebrans dicit: *Domine non sum dignus &c.* Diaconus manibus ante pectus junctis inclinat se profunde, dicens illud ter submissa voce cum Celebrante, & ter percutit pectus. Sub tempus Communionis sub utraq; specie, non genuflectit, sed profunde se tantum inclinat, versùs Altare, non omnino versùs SS. Sacramentum, & mediante tempore inter utramq; Communionem stabit erectus. Sumptà à Celebrante S. Hostia, si officium Subdiaconi expleat ille, qui tantum 4. Minores habet, ipse Diaconus Calicem discooperiat, quia tunc detegere Calicem spectat omnino ad Subdiaconum Ordine, non tantum Officio, quod in presenti casu non valet.

11. Sumptà à Celebrante Purificatione, & facta digitorum in Calice ablutione, ipse Diaconus Librum clausum cum cussino transfert ad cornu Epistolæ, per gradum 2. Altaris procedendo, & in medio genuflectendo. Delato Libro ad cornu Epistolæ aperit illum, ubi legenda est Communio, quam indicat Celebranti, eiq; assilic. Dicta Communione vadit eodem passu, quo Celebrans per 2. Altaris gradum, usq; ad medium, & ibi stat dum ille dicit: *Dominus vobiscum*, deinde cum eo procedit ad cornu Epistolæ eadem via, ubi stat ad Librum vertens folia ad Postcommunionem, vel plures, quando opus est.

12. In Quadragesima incipiendo à Feria IV. Cinerum, usq; ad Feriam IV. Majoris Hebdomadæ inclusivè, in Missa de Feria tantum, dictis Postcommunionibus, ante Orationem super Populum, dicto à Celebrante *Oremus* ipse Diaconus stans in 2. gradu post Celebrantem. vertit se ad Populum (eo modo quo Celebrans vertit se dicturus *Dominus vobiscum*, non tamen per latus suum dextrum, sed per latus sinistrum, propter reverentiam Crucis) in eodem loco, manibus itaq; ante pectus junctis, & oculis demissis canit: *Humiliate capita vestra DEO*, quo dicto vertit se per eandem viam, ad idem Cornu Epistolæ, & accedit ad Librum.

13. Finita Oratione Postcommunionis, seu pluribus, si ordinarium tantum legatur Evangelium ultimum, ipse Diaconus, & non Celebrans, finita conclusione claudit Librum, & statim sua via, per 2. Altaris gradum redit ad medium, ubi dicto à Celebrante: *Dominus vobiscum*, genuflectit, & conversus ad populum, prout Celebrans, in eodem loco, manibus junctis cantat *Ite Missa est*, in tono convenienti, quod à Celebrante dici non debet. At si non sit dicendum: *Ite Missa est*, sed vel *Benedicamus Domino*, vel *Requiescant in pace*, tunc non vertit se ad populum, sed ad Altare versa facie stans decantat ea.

14. Dum Celebrans inclinatus dicit: *Placeat Tibi Sancta Trinitas* &c. Diaconus cum Subdiacono genuflectit in suppedaneo Altaris, in æquali cum Subdiacono distantia, à dextris tamen ejus, signat se ad Benedictionem, deinde surgit, & accedit ad cornu Evangelii, ubi quasi medius inter Celebrantem, & Subdiaconum tenentem tabellam stat, signans se, inclinans, & genuflectens quando opus est, ut ad primum Evangelium.

15. Finito Evangelio, & dicto per Subdiaconum *DEO gratias*. Diaconus accedit ad cornu Epistolæ, à dextris Celebrantis, & facta Cruci inclinatione descendit in planum, convertens se per eam partem, quæ respicit cornu Evangelii, ubi cum aliis genuflectit, surgit, Birretum à Ministro acceptum Celebranti porrigit cum quasi osculo, & suo Birreto etiam accepto, redit eodem modo, & ordine in Sacristiam, quo venerat initio Missæ. Facta deinde Cruci, vel Imagini in Sacristia profunda reverentia, ac postea Celebranti, eundem deponentem Paramenta sua adjuvat. Acolythi vero adjuvant Diaconum dum se exuit. Postea lotis manibus, factaq; brevi Oratione cum aliis Ministris discedit in pace.

§. 4.

De Officio Diaconi in Missa Solemni Pontificali.

1. Licet multa ad observandum habeat porrecta, Diaconus Evangelii, superioribus tribus §§§. quomodo se gerere debeat in Missa Solemni, supersunt adhuc nonnulla quæ observare debeat in Missa Solemni D. Abbate Pontificaliter Celebrante. Itaq; Diaconi Officium suscepturus, potius esse debet ex Sacerdotibus, quam Diaconis, quia & prerogativa D. Abbatis id exigit, & Rubrica omnino requirit, nam de assistentia Episcopo in Officio Diaconi Evangelii *Cerem. Episc. l. 1. c. 9.* decidit his verbis: *Et ipse* (scilicet Diaconus) *ex Canonicis esse debet.* Hoc ipsum affirmant omnes Rubricistæ. Pari modo sentiendum esse censo in Monasteriis respectu DD. Abbatum.

2. Expleturus ergo Officium Diaconi, eodem se modo paret, quo supra expressum est, prius tamen, antequam D. Abbas venerit in Sacristiam. Hic postquam laverit manus, Diaconus accedet ad ejus dexteram cum debitis reverentiis, & simul cum Subdiacono stante à sinistris capiet Pontificalia Paramenta de manibus Acolytorum, ea tuo ordine asserentium, & iisdem D. Abbatem induet adjuvante Subdiacono, non omissis debi-

debitis osculis prope Cruces. Imponet postea Chirothecam dextram, in ejus dextera, quam prius osculatur, & postea eandem Chirothecam. Sic parato D. Abbate sumet suum Manipulum, cum osculo Crucis in eo.

3. Procedens ad Altare, incedit nudo capite, à sinistris Archidiaconi, veniens ad gradus Altaris stabit ad sinistram D. Abbatis, in loco, ubi Subdiaconus ordinarie consistit, faciens Confessionem cum D. Abbate, & dicens *Titi Pater, & Te Pater, & Misereatur Tui*, conversus ad eum profunde se inclinabit. supradicta tamen verba non immutabit, nec addet *Reverendissime*, esset enim expresse abusus contra Rubricam generalem. Ascendentem ad Altare adjuvabit D. Abbatem & statim transibit ad dexteram ejus. Ubi osculato Libro Evangeliorum à D. Abbate, statim ad Altare ministrabit. Naviculam ad ponendum incensum in thuribulo, petetq; benedictionem incensi dicens de more: *Benedicite Pater Reverendissime*; rediit Navicula, accipit thuribulum, quod cum debitis osculis porrigit D. Abbati ad incensandum Altare, eumq; adjuvat in dicta thurificatione. Qua finita ipsum D. Abbatem in cornu Epistolæ cum Mitra stantem trino ductu incensabit, inclinans se profunde anteq; & post, Non prius tamen eum incenset, quam Mitra capiti ejus imponetur.

4. Recedente D. Abbate ab Altari ad sedem suam, ipse Diaconus cum Subdiacono vel remanebit ibi ad infimum gradum, si stare debeant ad Altare, vel si habent paratum scamnum ex opposito sedis Abbatialis, accedet cum socio ad dictum sedile, ibiq; dicent alternatim *Kyrie eleison*. Et cum D. Abbas sedet in sede sua, ipse Diaconus vel ascendit ad 2. gradum Altaris ibiq; stabit ut in aliis Missis, vel si sunt parata sedilia sedebit cum socio ex opposito D. Abbatis, non tamen in linea recta cum eo, sed quasi è regione primi Diaconi assistentis, propius Altari figendo sedile.

5. Postquam D. Abbas intonaverit Hymnum Angelicum, sive *Gloria in excelsis DEO*, si stat Diaconus ad Altare, ascendat cum Subdiacono ad illud, ibiq; recitet cum illo submissa voce, sicut cum Celebrante reliqua Hymni Angelici. Quo dicto, cum debitis genoflexionibus descendit ad 2. gradum, ibiq; stabit ad finem. Si autem habent sedilia sua Ministri sacri, antequam D. Abbas surrexerit ad intonandum *Gloria &c.* prius Diaconus cum suo socio surgere teneatur, & sic ante sedile suum stando in loco dicent submissa voce Hymnum Angelicum. Quo dicto sedente D. Abbate, & ipse sedet.

6. Dum

6. Dum à Choro canitur *Cum sancto Spiritu &c.* Diaconus si stat ad Altare, descendit in planum, & facta cum Subdiacono genuflexione, accedit ad sedem D. Abbatis, constititq; a latere dextro Archidiaconi ad Orationem. Si autem sedent, tunc Diaconus ad finem Hymni Angelici erigit se, & stat in loco suo, quod magis consonum esset. *Cerem. Episc. L. 2. c. 8.*

7. Decantata à Subdiacono Epistola, & accepta benedictione, revertenti ab osculo manus Subdiacono, adjuget se Diaconus, & procedet cum eo ad Altare, si stabat propè sedem D. Abbatis, quod pariter faciet licet si fuerit in loco suo prope sedile suum, non intermissis debitis inclinationibus. Ubi ante infimos gradus accipiens Librum Evangeliorum, eodem modo deferet ad Altare, ibiq; ponet, quemadmodum supra dictum est c. 3. §. 1. n. 16. ipse interim in 2. gradu constitit. Perlecto à D. Abbate Evangelio, benedictoq; incenso, deberet quidem prius Diaconus atq; Missali solum ad osculum manus venire, ut præcipit *Cer. Episc. L. 2. c. 8.* ne tamen cujusdam confusionis in Ministris detur occasio, subiceo de his, melius tamen facient illi qui hoc observabunt, hoc autem fieri debet ante benedictionem incensi.

8. Diaconus notificatus à Cæremoniario in infimo gradu genuflectit, dicit *Munda Cor meum &c.* & surgens ascendit ad Altare, capit Librum, descendit, genuflectit cum aliis, & præcedentibus Ceroferariis, comite Subdiacono accedit ad sedem D. Abbatis, ubi genuflectus dicit: *Sube Domne benedicere*, inclinans aliquando Librum versis D. Abbatem, & accepta benedictione reverenter manum ejus osculatur, receditq; cum iis, cum quibus venerat, servatis solitis reverentiis, acceditq; ad gradus Altaris, ubi in plano una cum Subdiacono constitit, expectans, donec sit tempus eundi ad Evangelium cantandum.

9. Decantat Diaconus Evangelium ut supra, hoc tamen advertere debet, quia ita se locare tenetur, ut neq; Altari, neq; D. Abbati terga vertat. Decantato Evangelio non incensabit D. Abbatem, sed redibit ad gradus Altaris, expectans Subdiaconum, quo adveniente, ad decantatum Symbolum pariformiter facient, sicut ad Hymnum Angelicum fecerunt. Ad *ψ. Et incarnatus est*, si stabant ad Altare, descendit Diaconus in planum, & cum Subdiacono in infimo gradu genuflectunt. Si vero sedebant, tunc non surgunt, nec genuflectunt, sed sedendo profunde se inclinant versus Altare.

10. Dum canitur *ψ. in Choro: Et resurrexit.* Diaconus surgit, accedit ad Credentiam, defert bursam cum Corporali, & expli.

explicat illud in medio Altaris. In via transeundo ante sedem D. Abbatis profundam in transitu, & regressu facit reverentiam, postea ad locum suum ubi prius stabat, vel sedebat revertitur. Ad finem Symboli, seu ad illum *ψ*. *Et vitam venturi sæculi*. Si stabant, Diaconus descendit in planum, & stat à dextris Subdiaconi ante infimum gradum; si vero sedebant, surgit, & facta D. Abbati reverentia accedit ante infimum gradum, ubi primo genuflexus surgit, & expectat adventum à sede D. Abbatis.

11. Accedentem D. Abbatem ad Altare Diaconus excipit, Mitram auferit, & à dextris adjuvat eum ascendentem, cum quo simul ascendit, stans ad cornu Epistolæ, ubi allatum à Subdiacono Calicem discooperit, tum porrigit patenam cum Hostia, non absq; osculis Patenæ, & dexteræ D. Abbatis. Pari-ter in oblatione Calicis, omnia ut supra dictum est, de Missa Solemni, peragit. Patenam in manus Subdiaconi tradit, regens eam extremitate veli oblongi, ab ejus humeris pendentis.

12. Tum accedente Thuriferario, ministrat naviculam, petit benedictionem incensû, & adjuvat D. Abbatem thurifican-tem oblata, & Altare; qua finita, & recepto Thuribulo incen-sat D. Abbatem cum Mitra stantem, ad cornu Epistolæ, cum debitis reverentiis ante, & post. Mox benedictione ab eo ac-cepta, parumper recedens de loco suo, incensat Archidiaconum stantem à dextris D. Abbatis. Tum veniens ad medium plani genuflectit, surgit, & incensat Diaconos assistentes ad se conversos, postea Chorum, deinde rediens Subdiaconum pate-nam sustentantem, & reddit thuribulum Ministro de eo. Tan-dem ipse à Thuriferario incensatur, & usq; ad Prælationem per-sistit in 2. gradu.

13. Circa finem Prælationis cum debitis reverentiis acce-dit ad dexteram D. Abbatis, ubi cum eo dicit *Sandus Ec.* de more, & statim redit ad predictum locum scilicet 2. gradum Altaris, facta Cruci reverentia post Celebrantem. Sub tempus Canonis omnia observare debet quæ superius dicta sunt, præ-sertim circa Calicem cooperiendum, vel discooperiendum, quan-do opus fuerit, atque retinendum duobus digitis Calicem, dum S. Hostia eundem signat. Non accedit tamen ad Librum, sed ad 2. Altaris gradum revertitur, ubi continuo stat.

14. In Oratione Dominica, dum decantat D. Abbas: *Et dimitte nobis Ec.* facta in loco genuflexione, accedit ad dexteram D. Abbatis, ubi Patenam sumptam de manu Subdiaconi, exter-sam, & osculatam in extremitate porrigit ei cum osculo ma-

nus ejus, ut supra, & in eodẽ loco dicite: *Agnus DEI Ec.* percutiendo pectus. Quo dicto remouet se magis ad cornu Epistolæ, cedens locum Archidiacono ad osculum pacis venienti. Ad primam Orationem Diaconus non genuflectit, quia Archidiaconi tunc est Officiũ, cum ipse primũ recipiat Pacem. Archidiaconus recepta Pace recedit, & Diaconus in locum ejus succedens genuflectit, surgit, & accipit à D. Abbate pacem, eodem, quo supradictum est, modo. Denique recedit ad cornu Epistolæ propter Subdiaconum venientem ad accipiendam pacem, & eo recedente propius accedit ad dexteram D. Abbatis, ibique consistit, & ministrat solito more.

15. Sumpta S. Hostia ipse Diaconus detegit Calicem, & facit debitis genuflectionibus, transit ad sinistram D. Abbatis, ubi post Archidiaconum, aut ad latus ejus sinistrum stabit, vel si placeat recedente Archidiacono ad cornu Evangelii, ipse ad Librum stabit, & sumpta purificatione, atq; sacra digitorum in Calice ablutione, transferet Librum clausum cum cussu ad cornu Epistolæ, imponet Mitram D. Abbati ad lotionem manuum, & exterius manibus eum staret, stabitq; in 2. gradu post eum, agens reliqua ut superiori §. dictum est.

16. Dicto: *Placeat Tibi Sancta Trinitas Ec.* imponit Mitram capiti D. Abbatis, & nec dicit, nec cantat: *Humiliate capita vestra ad benedictionem*, quia nec Rubrica generalis, nec specialis in Cærem. Episc. nec Decreta S. R. C. nec verum Auctoritas quicunq; de his mentionem faciunt, adeoq; nihil est addendum ex mente Decreti S. R. C. Data benedictione statim extrahit Mitram, statq; ad Evangelium ut supra. Quo finito descendit cum D. Abbate in planum, ubi imponit Mitram, & factis debitis Altari reverentiis, eodem modo, & ordine redit in Sacristiam, quo ienerat ad Altare; exiit demum D. Abbatem sacris Paramentis retrogrado ordine, quod induerat, quo exuto, & non prius, etiam sua deponit Paramenta, & recedit in pace.

§. 5.

De Officio Diaconi in Missis de Requiem.

1. IN Missa defunctorum Diaconus, dum Celebrans accedit ad Altare post Confessionem (quam facit ut in aliis Missis, excepto Psal: *In ipa me VHS.*) etiam ascendit cum eo, ubi genuflectit, & vadit statim ad cornu Epistolæ, ad dexteram Celebrantis, quia Altare non incensatur, ibique in 2. gra-

gradu stat, non tamen se signat ad Introitum, nec quidquam osculatur, quod Celebranti porrigit, quia oscula non dantur in Officio Defunctorum, Ministrat tamen respectivè, ut in aliis Missis.

2. Dum Celebrans incipit Evangelium, Diaconus capit Librum Evangeliorum, & ad Altare desert, soliti, non tamen ponit super Altare. Si canetur in Choro sequenti Mortuorum, ipse cum Celebrante & Subdiacono stat ad Altare, ut ad Hymnum Angelicum in aliis Missis. Ad finem Prose descendit ad 2. Altaris gradum, ubi in suppedaneo genuflexus dicit: *Munda Cor meum &c.* non tamen petit benedictionem, surgit, descendit in planum, ibique procedit ad cantandum Evangelium, ad quod non deferuntur lumina, neque adhibetur incensum.

3. Finito Evangelio Diaconus procedit directe ad 2. gradum, ubi stat dum Celebrans dicit *Dominus vobiscum*, & dum incipit Offertorium, accedit ad dexteram Celebrantis, explicat Corporale delatum cum bursa in Calice, non tamen prius, nisi Offertorio finito. Postea Celebranti porrigit Patenam cum Hostia, sine tamen osculis, ministrat vinum more solito cum Calice, non dat Patenam Subdiacono, sed statim facta oblatione Hostiæ, eandem Patenam ponit aliquantulum subius Corporale, & reliquam partem ipsius Purificatorio cooperit. Ministrat incensum ad Oblata sine osculis, petit tamen illius benedictionem, finita incensatione, thurificat tantum Celebrantem.

4. Cum Celebrans dicit: *Orate Fratres &c.* ipse stans in 2. gradu cum Subdiacono inclinatus, solus tantum respondet: *Suscepit Dominus &c.* quo dicto accedit ad Librum cum solitis reverentiis, ubi solia vertit si opus est. Ad Prælationem stat à tergo Celebrantis, *Sacrus &c.* dicit ad dexteram eius. Reliqua circa Canonem ministranda peragit ut in aliis Missis.

5. Circa finem Orationis Dominicæ ascendit ad dexteram Celebrantis, Patenam de subcorporali sumit, extergit, & porrigit Celebranti sine osculis. Ad *Agnus Dei* non percutit pectus, sed eo dicto, & facta genuflexione accedit ad Librum, ubi iterum genuflectit, & ministrat ut in aliis Missis.

6. Dicta ultima oratione à Celebrante, quæ dicitur *Postcommunio*, atque postea *Dominus vobiscum*, ipse Diaconus in loco suo consistens, versa facie ad Altare, sonora voce canit: *Requiescant in pace*, & non se vertit ad populum. Animadvertat tamen, ut hunc *Ps.* semper dicat in plurali, nunquam vero in singulari, licet sit officium pro uno Defuncto,

7. Si D. Abbas in Pontificalibus Missam pro Defunctis celebrabit, præter superius specificata Diaconus hæc observare debet: dum D. Abbas ad Introitum dicendum procedet ad sedem suam, præcedet eum cum Subdiacono, ibiq; permanebit, donec dicatur totum *Kyrie eleison*, ubi semper & imponere, & deponere Mitram curabit, quia iam non sunt Diaconi assistentes, & hoc munus pertinet ad Diaconum. Dum adhuc à Choro canitur *Kyrie* accedit ad Altare, ibiq; in 2. gradu constitit, quo finito accedit ad sedem, ibiq; permanet usq; ad finem Epistolæ.

8. Dum vero Sequentia, seu Prosa in Choro canitur, & D. Abbas finivit Evangelium, accedit ad Altare, ibiq; ad 2. gradum substat, & circa finem dicte Prose genuflexus ut supra dicit. *Munda Cor meum* &c. & descendit in planum, stans à dextris Subdiaconi expectans tempus eandi ad Evangelium, quod eodem modo, ut supra, cantat, sine luminibus, & sine incenso.

9. Finito Evangelio accedit ad sedem D. Abbatis, eumq; adiuvat in lavandis manibus, porrigens manutergium. Tum comitatur eum ad Altare. ascendentem adiuvat, cæteraq; omnia peragit, ut supra dictum est, usq; ad finem Missæ. Finita Missa præcedit eundem D. Abbatem, vaditq; in Sacristiam, ubi eum adjuvat ad deponenda sacra Paramenta, sicut adjuvabat ad induenda.

10. Ad Absolutionem, si facienda est, deposito tantum suo manipulo in cornu Epistolæ, adiuvat Celebrantem in eodem latere: (aut D. Abbatem in sede) exuentem se Planeta, & Manipulo, eiq; imponit Pluviale Nigrum. Deinde ante medium Altaris veniens cum Celebrantē, à sinistris eius, genuflectit, surgit, & procedit ad Lecticam nudo Capite, ubi stat aliquantulum retro post eum, semper tamen ad sinistram. Et dum Cantores cantant in R. *Libera me* &c: *Ps. Requiem æternam* &c: Ministrat naviculam accedens ad dexteram Celebrantis, porrigendo sine osculis cochlear, dicendo tamen: *Benedicite Pater Reverente*, vel *D. Abbati Pater Reverendissime*.

11. Inchoato à Celebrante *Pater noster*, accipit de manu Ministri Aspersorium, & illud Celebranti porrigit sine osculis, elevansq; sinistra, simbriam Pluvialis dextram, facta Altari genuflectione procedit aliquantulum post eum, sed à dextris ejus, genuflectens Cruci, & SS. Sacramento in Tabernaculo. licet Celebras Cruci tantum se inclinat. Completo circulo Aspersorium recipit, & reddit Ministro de eo. Tum

acci-

accipit thuribulum porrigit Celebranti, & eodem modo illum comitatur, quo ad asperersionem.

12. Reversus ad locum erga Altare genuflectit, recipit thuribulum, illud reddit Thuriferario, deinde accipit Librum, & stans ante faciem Celebrantis, factu ei prius debita inclinatione, paulo tamen a sinistris eius teret Librum apertum, ex quo dicit Celebrans *ŷŷ.* & Orationem, cum *ŷ. Requiem æternam* &c: quibus dictis recedit, claudit Librum, & facta Celebranti iterum inclinatione, Librum Ministro reddit, ac decantato à Cantoribus *ŷ. Requiescant in pace*, prout venerant redeunt in Sacristiam, ibiq; deponunt sacra Paramenta. Eodem modo ministrat Diaconus ad Sepulchrum, vel Exequias solemnes, exceptis paucis, ut suo loco dicitur infra.

§. 6

De Officio Diaconi in Processionibus.

I. **I**N Processionibus cum SS. Sacramento, hoc semper observare debet, ut non deponat de Tabernaculo Ostensorium, priusquam incensetur à Celebrante in suppedaneo genuflexo, ad cuius latus dextrum, in eodem Suppedaneo ipse Diaconus genuflectere debet, incensum ministrare. Facta incensatione, recipit thuribulum, sine osculis (quia in præsentia SS. Sacramenti non debent fieri oscula) illudq; reddit Thuriferario. Tum surgens, & ad Altare faciens genuflexionem, conscendensq; scabellum, à Cæremoniario porrectum, & sustentatum, deponit Ostensorium, collocat illud in medio Altaris super corporale. Amoto scabello iterum genuflectit, accipitq; in manus Ostensorium, vertens eius faciem erga se, & stans quasi lateraliter propè medietatem Altaris, ita, ut terga vertat ad cornu Epistolæ, faciem verò ad cornu Evangelii, Celebranti prius genuflexo, tum statim erecto tradit in manus dictum Ostensorium, ita portantem à Celebrante, ut Imago Christi, quæ est in Hostia, omnes ante faciem suam procedentes, respiciat. Quo facto manus Celebrantis regit extremitatibus veli oblongi, ut nullomodo appareant, & denuò in loco suo genuflectens, recedit ad 2. gradum, ad eum locum ubi prius Subdiaconus genuflectebat, ne postea fiat confusio in permutatione eorum, ibiq; manet genuflexus, quousq; non progrediatur processio.

2. Descendente Celebrante cum Ostensorio ad Processionem

onem, subleuat ex parte sua brachia eius, procedit tamen Diaconus semper à dextris, siue introitus, seu Candelæ, sed sinistra manu simbriam Pluvialis elevans, dextera supra pectus posita, recitat submissa voce Psalmos & hymnos cum Celebrante, nec cantat cum aliis. Ieria tamen V. in Parasceve, quia Celebrans tunc tantum utitur ad Processionem Planetæ, & non Pluvialis, ideoq; Diaconus sinistra manu brachium dextrum Celebrantis sustentat.

3. Cum vero pervenerit ad locum ubi reponendum est SS. Sacramentum, accepturus de manibus Celebrantis Ostensorium genuflectit super suppedaneo aliquomodo ad latus Epistolæ, & statim surgens accipit ambabus manibus dictum tabernaculum gestatorium, persistitq; in eodem loco, ut Celebrans SS. Sacramentum genuflexione adoret. Mox super Altare deponit, iterum genuflectit, accedit ad dexteram Celebrantis, ministrat thuribulum, & adjuvat dictum Celebrantem, dum Sacramentum incendit, elevando simbriam Pluvialis.

4. Si Celebrans dicturus est aliquam Orationem ex Libro, ipse genuflexus ad Celebrantis dexteram & non erectus sustinet Librum cum Subdiacono pariter genuflexo ad sinistram eiusdem Celebrantis. Qua decantata Librum claudit, eumq; clausum reddit Ceremonario, vel Acolytho reponendum in Credentia, aut deportandum.

5. Ad benedictionem simbriam Pluvialis à parte sua elevat aliquantulum, & non porrigit tunc Celebranti Sacramentum, nisi quando cum velo oblongo accedit ad Altare, ut portet illud in Processione. Pariter post benedictionem solus Celebrans reponit Ostensorium supra Altare. Postea genuflexo Celebranti in suppedaneo, porrigit Diaconus thuribulum, ut Sacramentum incenset, qua incensatione finita Diaconus cum debitis genuflexionibus Ostensorium vel reponit in Tabernaculo, vel Sacram Hostiam deponit in Pixide.

6. Si ergo S. Hostia servanda est, aperto Tabernaculo, extrahit Pixidem, qua aperta, pariterq; aperta tenetrella Ostensorii, extrahit Lunulam, quam deponit in Pixide cum Hostia, altera die in Missa purgandam. Advertat autem diligenter ne in ipso Ostensorio aliqua remaneat particula, sed (si est Sacerdos) indice in Pixidem extergat, si autem Diaconus, interim occludat, & postea notificet Sacerdoti ut eandem particulam deponat in Pixidem. Deposita S. Hostia,
Osten-

Ostenforium ad latus Evangelii collocet lateraliter. Pixidem autem oclulam statuat in medio. Alapis supra Corporale, & cum debitis genuflexionibus accedat ad Celebrantem, aut statim oclulam locet in Tabernacula, ac ocludat, quod convenientius esset.

7. In aliis Processionibus Communiis, ubi Subdiaconus cum Cruce procedit, Diaconus à sinistris Celebrantis incedere debet testo Capite prout Celebrans, nisi aliter notetur, & ideo non elevat Pluviale ejus. In Processionibus vero pro Defunctis portat Librum ante petrus, pro recitandis Oracionibus ad stationes. In Processionibus Regatium Diaconus procedit à dextris Celebrantis, qui tunc Subdiaconus non portat Crucem, sed Celebrans, & Ministri debent portare sacras Reliquias, quilibet seorsive ferens cum SS. Reliquiis Instrumentum, juxta morem Provincie, & jam tunc non elevant subrias. Reliqua suggeret Rubrica generalis.

Decreta S. R. Congregationis.

1. Assistens Presbyter debet Episcopum thurificare ad sedem, quicumq; ille sit, non vero Diaconus Evangelii. S. R. C.

16. *Maii 1607 in Medientina.*

2. Diaconus Evangelii debet thurificare Chorum, nec ab eo munere excusatur, sub pretextu contrarie consuetudinis. S. R. C. 11. *Martii 1608 in Alexandrina.*

3. In Missa Conventuali quando decantatur Evangelium, Ceroterarii cum cereis accensis assistere debent, & Diaconus quoties thurificetur Altare, incensum ministrare tenetur. S. R. C. 5. *Septembris 1648. in Benventana.*

4. Asperio die Dominico semper facienda est à Celebrante, etiam quando superior celebrat. S. R. C. 16. *Novembris 1649. in Januina. Ergo à Diacono nunquam.*

5. Diaconus ministrans thus Canonico Celebranti, ut benedicat, debet dicere: *Benedicite Pater Reverende, & non Pater Reverendissime.* S. R. C. 4. *Aprilis. 1699. in una Burgi S. Sepulchri.*



C A P U T IV.

De Subdiacono Epistolæ.

§. 1.

De Officio Subdiaconi in Missa Solemni usq; ad Evangelium.

1. **S**ubdiaconus, quia in sacris inservit, sicut Diaconus, eadem animi puritate, & Sanctitate ministrare debet. Legat diligenter ea, quæ supra de Diacono dicta sunt, multa enim sunt utriq; communia, quæ seorsivè hic retexere nimis longum esset. Ea tamen quæ specialiter concernunt Officium Subdiaconi recensere non dubitamus. Sciendum tamen est imprimis, quod ad explendum Subdiaconi Officium, non omnino debet esse Subdiaconus ordine, quia sæpius non posset celebrari Missa Solemnis propter defectum talis Ministri, sed sufficit ut habeat 4. Minores ex decitione S. R. C. ut videre est infra. Sine tamen necessitate non est dispensandum in dicto dubio, quia si est aliquis in ordine Subdiaconatus constitutus, officium suum explere tenetur. Ille tamen substitutus solum absq; manipulo inservire tenetur. Vasa tamen Sacra tangere, propter Officium permissum, potest, ideoq; & patenam in Missa tenere.

2. Hora itaq; competenti cum Diacono accedit ad Ecclesiam, vel Sacristiam, ubi aliquantulum orat, postea Epistolam perquirat, eam prælegit, & signaculo notat. Tum lavat, & tergit manus. Postea Calicem aperit. Purificatorium super eum expandens. desuper ponit Patenam cum Hostia integra, munda, ac bene ab extremitatibus tersa. deinde Pallam postea velum parvum, ac burfam cum Corporali intus, desuper ponit. Sicq; ornatum Calicem asportat vel ipse, vel Cæremoniarius ad Credentiam.

3. Capit postea Paramenta sua adjuvante aliquo Acolytho, quæ fuerant posita à sinistris Celebrantis, eo modo quo Diaconus à parte sua: Scilicet Amictum, cujus crucem osculatur, Albam, Cingulum, & Tonicellam, nullas dicens Orationes ad Paramenta, quia nulla videtur necessitas. Celebrantem fumentem Sacra Paramenta adjuvat cum Diacono; postea jam para-

parato Celebrante sumit Manipulum, & non prius, osculando Crucem ejus in medio.

4. Sic paratus Subdiaconus stat ad sinistram Celebrantis, donec incensum benedicatur, ad quod non debet ministrare Thuribulum, (ut pluribus in locis fit contra Rubricam generalem) sed Thuriferarius, quod semper animadvertere, & observare debet. Tum facta cum aliis Cruci, seu Imagini principali in Sacristia, reverentia, ac postea Celebranti, procedit ante Diaconum, junctis ante pectus manibus, capite cooperito. Si procedat Celebrans in Pluviali, ipse Subdiaconus à sinistris ejus incedit, elevans dexteram suam sinistram simbriam Pluvialis, sinistram suam supra pectus ponens.

5. Si transeat ante majus Altare, ad quod non celebrabitur dicta Missa Solemnis, semper genuflectit nudo capite, licet non sit ibi Tabernaculum SS. Sacramenti, sed sola Crux. Et si esset ibi expositum SS. Sacramentum, vel in alio loco, ante quod transeat, utrumq; genuflectit à sinistris Celebrantis. Si Sacristia sit in parte Evangelii, exeundo, ipse cum erit prope cornu Evangelii, paululum retrocedet, cum 2do Ceroferario, ut det locum Celebranti transeunti ante eum, cui facit reverentiam.

6. Cum pervenerit ad Altare, consistet à sinistris Celebrantis, Birretum suum tradet Cæremoniario, & genuflectet, licet sit sola Crux, una cum Diacono pari voce respondet ad confessionem, se signans, inclinans, percutiens pectus, convertens se ad Celebrantem, ascendens ad Altare, ibi genuflectens, & alia faciens cum eo; ideo ad Diaconum diligenter attendere debet. Non extendit manus suas dum Celebrans dicit: *Oremus* ante *Aufer à nobis* &c. sed junctas ante pectus semper tenet.

7. Quando Celebrans ad Altare ponit thus in thuribulum, stat quasi à sinistris ejus, aliquantulum post eum, & facie versa ad Altare; cum vero Altare thurificat, dexteram aliquantulum elevat eam partem Planete, quæ est circa brachium sinistrum Celebrantis, sinistra intra pectus posita, semper Cruci genuflectens cum Diacono comitando Celebrantem, dum transit ante eam. Finita Altaris incensatione, sine nova genuflectione accedit per breviorẽ viam in planum ad cornu Epistolæ, ubi dum Celebrans incensatur, stat à sinistris Diaconi manibus junctis, non se inclinans.

8. Deberet quidem stare ad dexteram Diaconi in plano, dum Celebrans legit Introitum, sed quia pluribus in locis ob angustiam loci non posset hanc Rubricam explere, & mos in

Regna Polonie invaluit, quia in eo loco consistit ad Introitum, in quo cantaturus est Epistolam, deoq; & nos ob varias rationes huic consuetudini consentimus, ut ipse Subdiaconus ad Introitum consistat post Celebrantem in plano, manibus junctis, ubi adveniat, dum Celebrans dicit *Gl'ia Patri &c.* inclinat caput, & signet se initio Introitus cum Celebrante, atq; ad *Kyrie* respondent alternatim, eadem voce qua Diaconus. Post hoc si sedendum erit, procedatur, ut ad *Gloria* infra dicetur, alias in loco expectari debet cantus in Choro ultimi *Kyrie* clauson.

9. Dum cantatur ultimum *Kyrie*. Si sedebant in banco, surgit cum alijs, & primus omnium per longiorem viam, quia per planum ad medium Altaris. non tamen veloci, sed proportionato cum alijs passu progreditur, remanetq; in plano ante infimum gradum. Si stabant in latere Epistolæ aequali cum Celebrante passu, per planum tamen, accedit ad medium, ubi in supradicto loco pertulit.

10. In loco à Celebrante *Gloria in excelsis DEO*, permanet in loco, ad *Dei* inclinat Caput. Deinde & non prius, facta genuflexione simul cum Diacono in suo loco, accedit simul e in eodem Diacono ad Celebrantem, ad sinistram ejus, cum quo, & Diacono dicit submissa voce Hymnum Angelicum; usq; ad finem inclinans se, & in fine signans se cum eis. Hymno dicto si standum erit parum retro recedens stat à sinistris Celebrantis, aequaliter quemadmodum Diaconus.

11. Si sedendum sit, facta prius Altari genuflexione, præcedit Diaconum per gradus laterales Epistolæ, ibiq; expectat ante sedem suam, stans antequam Celebrans sedeat, ejus Planctus posteriore partem adaptat, tum sedente Celebrante, sumit Birretum, & facta cum Diacono simul Celebranti, profunda reverentia, nec non Diacono modica, sedet à sinistris Celebrantis, recto capite, manibus super Tunicellam extensis, & digitis simul junctis, supra genas positis, sicut de Diacono dictum est.

12. Dum cantur in Choro: *Cum Sancto Spiritu &c.* Subdiaconus deponit Birretum, prior omnium surgit, & facta Celebranti inclinatione præcedit Diaconum lento passu non veloci, procedendo per planum ad medium, ubi in infimo gradu à sinistris Celebrantis genuflectit; dum Celebrans ad Altare ascendit, Subdiaconus ad g. Altaris gradum ascendit elevando aliquantulum Vestium anteriores fimbrias ejus, moxq; descendit in planum consistitq; in medio ante infimum gradum, quod semper in pari casu ascensus Celebrantis à Subdiacono servari debet.

Si

Sindro Rant ad Altare, tunc ad finem Hymni Angelici ista genuflexione simul cum Diacono, descedit in planum vertendo se per eam partem qua respicit Celebrantem.

13. Dico a Celebrante Dominus v. b. sum, ad quod stant vultus post alium, nec se inclinant, statim recedente eodem Celebrante ad cornu Epistolæ, eodem passu per planum procedit & Subdiaconus permanet, in eo loco, ubi captaturus est Epistolam. Circa finem Orationis, seu Orationem, accepto tempestivè a Cæremoniario Libro Epistolarum, aut a Ceroleario imo, ambabus manibus, facie ad illum conversa, mutuaq; inclinatione ante, & post præstita, comite eodem Cæremoniario, vel Ceroleario accedit ad medium, portans librum elevatum ambabus manibus, ante pectus suum, in infimo gradu genuflectit, & revertitur ad locum cantande Epistolæ. Ita tamen tempestivè genuflectat, ut ad ea verba in conclusionem *Jesus Christus* non sit in via, sed genuflectat.

14. In feriis Adventus, & Quadragesimæ, atq; Quatuor temporum, quando dicuntur in Missa Prophetiæ, dico a Celebrante. *Oramus*, & a Diacono *flexamus genua*, ipse Subdiaconus statim cum aliis genuflectit, utroq; genu, & primus omnium surgens canit in tono convenienti *Litane*, ad quæ multum attendere debet, ideoq; tempestivè revideat, quando hæc, & quoties peragi debent.

15. Finitis Orationibus Subdiaconus tenens sibi Librum ambabus manibus incipit alta, & sonora voce Epistolam, paulatim cum distinctione commatum, periodorum, ac interrogationis notarum. Qua finita, claudit Librum, & eo modo quo supra eum portans, quemadmodum etiam Diaconus, habet præscriptum supra Cap. 7. §. 1. n. 15, accedit ad medium, genuflectit in infimo gradu, postea per planum accedit ad cornu Epistolæ, ascendensq; ad Celebrantem, genuflectit ante eum, descedit partem Superiorem Libri versus eum, & superpositam Celebrantis in Libro manum reverenter osculatur in parte exteriori, & non digitos, a quo signo Crucis benedicitur.

16. Accepta benedictione Subdiaconus surgit, & reddito Libro suo comiti, scilicet Cæremoniario, capit Missale Celebrantis cum Cussino, & illud clausum supra cussinum delect per planum, ante pectus ad cornu Evangelii, genuflectens in medio, ibiq; ministrat Celebranti ad eius dextram stans, tenens Librum elevatum manu sinistra, dextera vertens folia si opus est, eademq; indicans Evangelium conveniens, caput incli-

naus,

nans, non tamen genuflectens, licet si Celebrans genuflecteret. Respondet etiam *Et cum Spiritu tuo. Gloria tibi Domine. & in fine Laus tibi Chryste.*

§. 2.

De Officio Subdiaconi ab Evangelio usq; ad initium Canonis.

1. **L** Ecto Evangelio à Celebrante, Subdiaconus appropiat Missale cum cussino propè medium Altaris cavens ne corporale impediatur, sed commodius iaceat ad legendum Celebranti, ut stans in medio legere bene valeat. Tum facta genuflectione, ad planum Altaris descendit, ubi stat retro post Celebrantem, ita, ut si Celebrans stat in medio, ipse quoque stet in medio; si Celebrans stat inter medium ipsum, & cornu Evangelii, ipse pariter stet respectivè. Cum Celebrans benedicit Diaconum, Subdiaconus immobilis stare debet.

2. Descendente Diacono recedit ad sinistram de medio, ubi facta simul cum illo genuflectione, super infimo gradu, procedit iunctis ante pectus manibus à sinistris Diaconi nudo capite ad locum cantandi Evangelii; ubi conversus ad dictum Diaconum accipit ab eo Librum apertum ambabus manibus, quem etiam postea tenet elevatum ante pectus, ita ut pars Superior ipsius Libri, sit oculis suis aliquantulum altior, ne Diaconum videat in facie; statq; in medio Ceroferariorum, vertens renes ad eam partem, quæ respicit Aquilonem: Nec ibi unquam se inclinat, aut genuflectit, nec se signat, cum immobile lectorile repræsentet. Si vero aut SS. Sacramentum est expositum, aut D. Abbas Celebret, ita se vertat Subdiaconus, ne aut ipse, aut Diaconus terga vertat Sacramento, aut D. Abbati.

3. Finito Evangelio Subdiaconus statim recta via desert Librum Evangeliorum apertum, & elevatum ad Celebrantem, sine ulla prorsus reverentia, etiam SS. Sacramento, licet sit expositum propter Sacri Textus reverentiam, eiq; ostendit principium Evangelii osculandum. Tum clauso Libro paululum retrocedit, & Celebranti se inclinat profunde, & sine mora descendit in planum, non per medium, sed quasi ad latus Epistolæ, ibiq; in infimo gradu genuflectit, quasi à dextris Diaconi tunc incensantis, & prædictum Librum Evangeliorum tradit Cæremoniario ad Credentiam reportandum.

4. Incensato Celebrante Diaconus dum ascendit ad 2. Altaris gradum, Subdiaconus in plano remanet post eum, etiam dum Celebrans inchoat Symbolum stat, ad Verbum *DEUM*. inclinatur cum aliis caput. Mox facta genuflexione in eodem plano, ascendit simul cum Diacono, ad sinistram Celebrantis confistit, ubi prosequitur submissa voce Symbolum, genuflectens, & se inclinans manibus junctis, & in fine se signans, & iterum iungens manus cum Celebrante.

5. Dicto Symbolo vel remanent stantes ad Altare, vel sedent, pariformiter ut ad Hymnum Angelicum; At si stant, Subdiaconus ad *ψ*. *Et incarnatus est* descendit cum Celebrante ad 2. gradum, & in suppedaneo genuflectit, (nisi sit festum Nativitatis D. N. J. C. in omnibus tribus Missis, & Festum Annuntiationis B. V. M. quia tunc ad planum descendit, & in infimo gradu cum Celebrante, & Diacono genuflectit) atq; ad verba *ita Et Homo factus est*, caput inclinat, prius tamen cum Diacono posteriorem partem Planctæ adaptat super pedes Celebrantis.

6. Si autem sedent, dum cantatur *ψ*. prædictus à Choro, inclinatur se profundè cum aliis, aperto capite, & permanset inclinatus, quousq; à Choro terminatur *Et Homo factus est*. Quo dicto surgit, & stat in loco ad sedem suam, dum Diaconus defert Bursam Corporalis ad Altare, ei transeunti se inclinatur, & non prius sedet, quam Diaconus explicato in Altari Corporali revertens ad sedem suam, in eadem confideat. Et tunc ipse Subdiaconus facta ei mediocri reverentia, sedet, & caput contegit. Ita Cærem: Episc: L. 1. c. 18. & Jacob. c. 17. n. 8.

7. Circa finem Symboli quod cantatur à Choro, scilicet ad *ψ*. *Et vitam venturi sæculi*, redit cum Celebrante & Diacono ad Altare, eo modo, quo ad finem Hymni Angelici. Si vero stat, circa finem ejusdem Symboli, facta prius genuflexione descendit post Diaconum in planum, ubi stat etiam immobiliter, dum Celebrans dicit: *Dominus vobiscum*. Dicto *Oremus* à Celebrante, genuflectit in loco, accedit ad Credentiam, ubi adjuvante Cæremoniario imponit humeris suis velum oblongum, sericeum, & coloris Paramentorum, licet si non sit ordine Subdiaconus sed Clericus tantum, ita ut à latere dextro longius pendeat, & aciculis, aut spinulis, ita firmetur, ut postea non desluat, nec decidat. Accipit dein Calicem manu nuda sinistra per nodum, velum parvum amover, nisi simul ferat cum Bursa Corporalium; tum accipiendo dexte-

ra, partem illam longiorem Veli # collo pendentis; Calicem obtegit, & desuper manum extensam dexteram apponit, tenetq; bene, ne aliquid decadat. Sic procedit ad Altare, per breviorē viam, id est per latus Epistolæ à dextris Ceremoniarum, ibiq; deponit Calicem a Diacono discooperiendum.

8. Detecto per Diaconum Calice, & accepta pro Celebrante Patena cum Hostia, Subdiaconus sumit per nodum sinistra Calicem, & dextera purificatorium, qui immixtis dextre digitis cum dicto purificatorio, extergit eundem Calicem, & extensum porrigit Diacono absq; osculis. Mox ampullam vini porrigit, quam accept ab Acolytho, & solus ampullam Aquæ ab eodem Acolytho accipiens, elevatam per manubrium monstrat Celebranti, petitq; benedictionem inclinato medioeriter capite per verba: *Benedicte Pater Reverende*, tum paucas guttas ipsius Aquæ à Celebrante benedictæ cautè & modeste in Calicem immittit, & postea ampullam utramq; reddit Acolytho.

9. His peractis, remanet stans ad Altare, in eodem loco, donec Diaconus post oblationem Calicis, illum tegerit, quo detecto ab eodem Diacono accipit in nudam dexteram Patenam, quam ille Diaconus oblongi veli extremitate, adiuvante Ceremoniario, tegit, ita, ut nulla pars nuda ejus appareat; pars vero interior Subdiaconum omnino respiciat. Vitet tamen, ne accipiat purificatorium cum Patena, quia hoc cum sit semper necessarium, in Altari prope Corporale remanere debet. Quo facto sine genuflexione redit post Celebrantem, ad medium Altaris in planum, ubi facta prius genuflexione in infimo gradu, stat sustinens eandem Patenam elevatam ob oculos, usq; ad finem Orationis Dominicæ, nisi notetur aliter, sinistra manu brachium dextrum sustentans, si opus sit.

10. Advertat autem, ut non genuflectat, nec se inclinet, dum Celebrans incensat Altare, aut dum genuflectit cum Diacono, neq; ad Missale accedat absente Diacono, ut solia vertat, sed in loco suo quasi immobilis constitit. Respondet tamen Celebranti dicenti: *Orate fratres*, & dicit in loco suo: *Suscipiat Dominus* &c: inclinato tantum capite; quod prius non incipit, quam converso iam Celebrante ad Altare.

11. Facta incensatione Chori, incensatur Subdiaconus à Diacono duplici ductus; qui Subdiaconus recedens aliquantulum in

in eodem plano ad cornu Evangelii, & semiconversus ad Altare, versus dictum Diaconum, statem in parte Epistolæ, inclinans se eidem Diacono ante, & post incensationem, ad quam tantillum demittit patenam ad pedes, eamque postea iterum elevat, & ad locum suum revertitur.

12. Dum Celebrans dicit in Præfatione *DEO* Nostro, Subdiaconus etiam in hunc caput. Pauli antequam dicatur *Sanctus* etc. etiam Subdiaconus venim sustinet, quia seus in loco suo accedit ad sinistram Celebrantis, ubi inclinatus cum illo dicit *Sanctus* etc. Unde dicit: *Beatus* qui venit etc. erigit se, nec tamen se signat, quia Patenam sustinet. Quo dicto genuflectit & descendit post Celebrantem, ibique stat. Magis tamen convenit ut immobilis persuat, & non accedat ad Altare.

§. 3.

De Officio Subdiaconi ab initio Canonis, usque ad finem

1. **A**B initio Canonis Subdiaconus stat in loco suo immobilis, & paulo antequam elevetur SS. Sacramentum, scilicet tunc, dum Diaconus, post illi verba, *Quia oblationem* etc. genuflectit, ipse quoque in infimo gradu genuflectat. maneatque genuflexus, usque ad genuflectionem Celebrantis, post elevatum Calicem; nec unquam Planetam Celebrantis elevat, sed solus Diaconus. Postea surgit, & stat, nec se signat, nec genuflectit, nec se inclinatur, nisi post depositionem Patenam.

2. Cum in Oratione Dominica Celebrans dicit: *Et dimitte nobis debita nostra* etc. tunc, & non prius genuflectit, accedit ad cornu Epistolæ, & stans ad dextram Diaconi, offert illi Patenam, qui solus detegit, recipit, extergit, & porrigit Celebranti. Subdiaconus amoto per seipsum Velo de humeris suis, tradit illud Ceremoniario deferendum ad Credentiam. Postea genuflectit, & descendit in planum post Celebrantem.

3. Dum Celebrans dicit: *Pax Domini* etc. genuflectit & ascendit ad sinistram ejus, iterum genuflectens cum eo, ad Altare, cooperto Calice, & inclinatus junctis manibus ter dicit: *Agnus DEI*, percussiens ter per os cum ipso Celebrante, manu sinistra infra pectus posita, deinde facta iterum genuflectione redit post Celebrantem, ubi stat, donec Diaconus Pacem accipere a Celebrante.

4. Post

4. Postquam Diaconus accepit à Celebrante Pacem, ipse Subdiaconus ascendit ad 2. gradum, post Celebrantem, ubi pariter accedens ad cornu Epistolæ accipit à Diacono Pacem, sinistram scilicet suam genam, sinistre illius genæ jungens, manibus junctis ipsius amplexum per brachia inscipiens, dicentique dicto Diacono: *Pax tecum*, respondet: *Et cum Spiritu tuo*, quod etiam Subdiaconus, in danda aliis pace, observare debet.

5. Si autem danda sit pax per Instrumentum, Subdiaconus osculatur illud in manibus Diaconi, & pariter dicenti *Pax tecum*, respondet: *Et cum Spiritu tuo*. Postea acceptum Instrumentum tradit interioribus Ministris osculandum, eodem modo, quo ipse acceperat. Si autem D. Abbas paratus aderet, Subdiaconus tunc non à Diacono, sed ab ipso Celebrante accipiat Pacem, qui statim facta Altari genuflexione, procedit ad sedem ejus, & absque ulla reverentia deserit supradicto modo, vel per osculum, vel per Instrumentum Pacem, non tamen sedenti, vel stententi, sed omnino stanti; Tum factis debitis D. Abbati reverentis, accedit ad Chorum, & tantum primo de ordine Seniori in qualibet tribuit parte. Deinde factis post Choro reverentis, accedit ad Altare, ibi genuflectit, surgit, & dat Pacem pariter reliquis interioribus Ministris.

6. Insuper advertat, ut nulli det pacem cum osculo, nisi stanti, ideoque si quis sederet, aut genuflecteret, quod nullomodo fieri debet, moneatur ut surgat, quod si tacere renuerit, Pax ei deroganda est. Ita *P. Bucdy P. 1. c. 13. art. 1. n. 37.* Finita vero Pace redit ad dexteram Celebrantis, ubi genuflectit, cum eo, si forte tunc genuflectat, aliis non; Et dum di ita *Domine non sum dignus &c.* illud etiam dicit submissa voce, inclinatus versus Altare, & ter percutit pectus suum. Quando Celebrans se communicat cum utraque specie, profunde inclinatus manet versus Altare, & non versus Sacramentum. tempore autem intermedio stat erectus. Dum Celebrans incipit dicere: *Quid retribuam Domino &c.* discoperit Calicem, genuflectit, & surgit, si tamen verè est Subdiaconus, alias non detegit Calicem.

7. Si faciendi sit Communio, & velit eam Subdiaconus accipere, sumpto à Celebrante SS. Sanguine, dum Diaconus facit Confessionem, vadit ad medium 2. gradus Altaris, ubi in suppedaneo genuflectus, vel (si Diaconus etiam voluerit Communicare) à sinistris Diaconi genuflectus manebit, donec S. Synaxim sumpserit. Accepta S. Communione Subdiaconus accedit ad cornu Epistolæ, ibique stat quasi ad Celebrantem conversus, & eo converso ad Altare, ipse pariter ad Altare se convertit.

8. Facta Communione à Celebrante, cum utraq; specie, & aliis omnibus communicatis, Subdiaconus stans à dextris Celebrantis, capit ampullam Vini de manu Acolythi, ex qua infundit Vinum in Calicem Celebrantis, super Altare ab eo porrectam, pro purificatione. Mox sumpta Ampulla Aquæ manu sinistra, infundit iterum super pollices, & indices sua dexterâ prius Vinum, ampullamq; statim reddit Acolytho: eademq; dextera accipit ampullam Aquæ ex qua infundit etiam parum aquæ, super eosdem indices, & pollices Celebrantis, sicut prius vinum, cum debitis tamen osculis ampullarum.

9. Redditis itaq; Ampullis Acolytho, accedit ad cornu Evangelii per planum, genuflectens in medio, ibiq; Calicem extergit purificatorio, Patenam & Pallam superimponit, plicat Corporale, illud reponit in Bursa, & allato sibi per Cœremoniarium parvo Velo, expandit illud supra dictum Calicem, deinde superimponit Bursum, super quam Ventum replicat, in parte anteriore, solusq; sine Socio reportat sic ornatum Calicem ad Credentiam, per medium, sinistra scilicet per nodum tenendo, & dextera supra Calicem extensa. Collocansq; dictum in Credentia Calicem, demittit anteriorem partem Velli, ita, ut non appareat nisi Calix.

10. His peractis, redit cito ad cornu Epistolæ sine genuflexione, stans in plano ut ante ad Orationem. Accedit postea cum Celeb. ante ad medium, ibiq; stat unus post alium ad *Dominus vobiscum*; quo dicto, redit, quemadmodum Diaconus, & Celebrans, ad cornu Epistolæ, ad Orationes, quæ dicuntur *Poste munitionis*. His finitis revertitur ad medium, ibi ut prius constitit, non se vertens, nec inclinans, dum canitur à Diacono: *Ite Missa est*. Inclinat tamen caput in loco, dum Diaconus in Quadragesima dicit: *Illuminate capita vestra Deo*, & ad Orationem, quæ sequitur.

11. Si peculiare Evangelium dicendum sit a Celebrante, dicto per Diaconum *Ite Missa est*, facta genuflexione. Subdiaconus accedit ad cornu Epistolæ, unde accipit Missale, quod deiecit ad cornu Evangelii, prius tamen genuflectit in Suppedaneo à sinistris Diaconi, dum Celebrans dat benedictionem, ad quam non se signat, quia est impeditus. Si vero tantum S. Joannis ordinariam Evangelium sit legendum, finito *Ite Missa est*, ascendit ad 2. Altaris gradum, ubi æqualiter cum Diacono stans, versus cornu Evangelii, dum Celebrans benedicit, genuflectit, se signat, & surgens procedit ad cornu Evangelii, ubi vel ad Missale, vel ad Tabellam ministrat, ut

ad primum Evangelium, se signans, & inclinans aut genuflexens, cum eo, nisi teneat Librum, quia tunc à genuflexione, & signo Crucis abstinet, Respondet tamen cum opus est: *Et cum Spiritu tuo. Gloria tibi Domine, atq; in fine: Deo gratias.*

12. finito Evangelio, & facta inclinatione cum Celebrante à sinistris ejus, versis Altare, descendit in planum, vertens faciem erga cornu Epistolæ, ibiq; super infimo gradu cum omni bus aliis genuflexit, surgit, capit Birretum, testiq; capite, eodem quo venerat, ordine, junctis manibus, redit in Sacristiam. Ubi facta prius Imagini, tum Celebranti reverentia cum aliis capite nudo, adiuvat eundem Celebrantem cum Diacono deponentem Paramenta, quibus depositis, salutant eum iterum, ut decet; ac deinde Subdiaconus exiit se Paramentis suis, adiutus ab aliquo Acolyths. Deniq; Calicem, & alia quæ prius allata fuerant ad redentiam, reportat in Sacristiam, adiuvantibus aliis Ministris. Ad ultimum facta Oratione, in pace recedit.

§. 4.

De Officio Subdiaconi ad Missam Solemnem in Pontificalibus.

I. PRÆter ea, quæ Superius de Officio Subdiaconi sunt annotata, nonnulla hic debent considerari, præsertim quia Missa in Pontificalibus, solemniores aliquomodo ritus exigit. Subdiaconus itaq; iisdem, quibus supra vestibus sacris indui debet, & quidem tempestivè, ut D. Abbati ornanti se interservire possit. Paratus ergo indumentis Ministerii sui, siue Manipulo, adveniente D. Abbate in Sacristiam, detractisq; per famulos seculares ordinariis calceis, induit eum ipse Subdiaconus caligis, & Sandaliis, adiuvantibus secularibus Ministris, primo quidem dextrum pedem, deinde sinistrum. His peractis adiuvat etiam Diaconum à parte sua dum se D. Abbas ornat Sacris Vestibus, præcipuè autem Chirothecam imponet manui sinistrae, cum debitis osculis prius manus, postea Chirothecæ.

2. Parato sic D. Abbate capiat Manipulum, & non prius, permanebitq; à sinistris ejus donec tempus sit eundi ad Altare. Procedet autem ad Altare immediatè ante Diaconum solus. Librum Evangeliorum clausum ante pectus ambabus manibus portans, in quo erit inclusus Manipulus D. Abbat.

tis. Accedet ad Altare cum debitis reverentiis Altari, & D. Abbati advenienti, cui facienti Confessione, ipse stans à sinistris Diaconi Evangelii, ad cornu Evangelii, respondet simul cum Presbytero assistente, & Diacono, servatis paribus reverentiis.

3. Dum D. Abbas dicit *Miscetur vestri* &c: ipse Subdiaconus Librum Evangeliorum pro interim deponit in manus Cæremoniarii, ad sinistram suam consistentis, & accipiendo Manipulum ex dicto Libro, illum prope Crucem osculatur, tum dicto à D. Abbate *Indulgentiam* &c: illum eidem D. Abbati, ubi est signum Crucis osculandum porrigit, osculando etiam prius manum ejus, deinde dictum Manipulum imponit sinistro brachio, eumq; adaptat. Tunc autem Diaconus parum retrocedit, ut Subdiaconus commodiorem locum habeat hæc peragendi.

4. His peractis, statim à Cæremoniario accipit Librum Evangeliorum, ascendensq; cum D. Abbate per partem Evangelii, eidem porrigit ad osculandum textum S. Evangelii, adjuvante Archidiacono, sed non prius, quam osculato Altari. Finito osculo dictum Librum tradit Cæremoniario, vel Capellano de eo, & stans in cornu Evangelii, adjuvat D. Abbatem, sicut Diaconus, ad incensandum Altare, sustentans aliquomodo posteriorem Planetæ partem circa brachia. Dum Diaconus D. Abbatem incensat, Subdiaconus de more stat à sinistris ejus; & descendente D. Abbate, atq; accedente ad sedem suam, ipse remanet in plano ad gradus Altaris cum Diacono, vel si habent parata sedilia ex opposita parte sedis Abbatialis, ad ea accedet cum Diacono, ibiq; dum tempus erit, alternatim cum eo dicit *Kyrie Iejon*.

5. Dicto *Kyrie*, dum à Choro reliquum cantatur, si statim est, Diacono ascendente ad 2. gradum Altaris, ipse remanet in plano post eum stans. Et intonato à D. Abbate *Gloria in excelsis Deo*. inclinato ad Deo capite, genuflectit, ascenditq; cum Diacono ad Altare, ibiq; recitat Hymnum Angelicum, quo dicto recedunt ad loca sua, statq; unus post alium. Ad finem vero Hymni Angelici, scilicet dum cantatur à Choro *Cum Sancto spiritu* &c: Diacono descendente de 2. gradu Altaris, parum recedit Subdiaconus ad cornu Evangelii, ubi cum eo genuflectens, accedit simul ad sedem D. Abbatis, præmissa solita reverentia, consistitq; ad sinistram ejus, prope Capellanum de Libro, donec terminari debeat Oratio, vel plurium ultima:

6. Si autem in paratis sedilibus sedebant ad *Kyrie* Diaconus scilicet, & Subdiaconus, tunc antequam D. Abbas surrexerit, surgunt prius, permanentq; ad sedilia sua stantes; ubi etiam inchoatum Hymnum Angeleum prosequuntur submissa voce, sicut ad Altare, & sedente prius D. Abbate sedent in suis sedilibus. Paulo antequam finitus fuerit Hymnus Angelicus, scilicet ad illa verba: Cum Sancto Spiritu &c, in Choro decantata, surgit Subdiaconus, iuxta eum Diacono, consistitq; ante sedile suum, etiam sub tempus Orationis, vel plurius, donec à Cæremoniario ad decantandam Epistolam permutum evocatus non fuerit. Quod magis consonum videtur Cærem: Epifop. L. 2. c. 8.

7. Circa finem ultimæ Orationis ad nutum Cæremoniarum, factis debitis D. Abbati reverentiis in loco suo, accedit Subdiaconus ad cornu Epistolæ, ubi ab expectante Cæremoniario accipit ambabus manibus Librum Epistolarum, cum mutuis inclinationibus ante, & post. Deinde comite eodem Cæremoniario à sinistris procedit ad medium Altaris, ubi in infimo gradu parumper orat, tum surgit, & revertitur ad cornu Epistolæ in planum; ubi sibi ipsi tenens Librum cantat sonora voce Epistolam, eaq; finita, cum debitis reverentiis, & eodem Cæremoniario comite accedit ad sedem D. Abbatis, & genuflexus coram eo, super eius genibus Librum ponit, manumq; illius super Librum positam reverenter osculatur, & accepta ab eo benedictione redit ad Altare, ubi in plano ante gradus consistit, recedendo parum ad cornu Evangelii ut Diaconus habeat locum.

8. Disto à Diacono: *Munda Cor meum* &c: postquam ille descenderit ab Altari, simul cum illo genuflexit, eumq; comitatur ad sinistram usq; ad sedem D. Abbatis, ubi dum Diaconus accipit benedictionem, ipse Subdiaconus manibus ante pectus jenuis profundè inclinatus, ad sinistram eius consistit, & accepta à Diacono benedictione, Subdiaconus eo, quo venerat, modo, & ordine revertitur, persistitq; ut prius in plano ante gradus Altaris, donec tempus sit eundi ad Evangelium. Si tamen prius Diaconus ad osculum manus tantum, juxta mentem Cæ: Ep: vellet accedere, non sit ei comes Subdiaconus, nisi ad accipiendam benedictionem.

9. Ad Evangelium Subdiaconus, precedentibus Cæreseariis, solus immediate ante Diaconum, manibus ante pectus jenuis procedit, conficiensq; in loco, vertit faciem suam ad eundem Diaconum, & ab eo accipit apertum Librum Evangelio.

geliorum, quem solito more tenet ante pectus, ambabus manibus; hoc tamen advertat, ut ita sit constitutus cum Libro, ne aut Diaconus, aut ipse terga vertat Altari, sive D. Abbati.

10. Finito Evangelio tenens Subdiaconus adhuc Librum apertum, nulla prorsus facta reverentia, etiam SS. Sacramento, si esset expositum, offert illum osculandum D. Abbati in eo loco ubi est principium Evangelii dei. Et clauso Libro parum se retrahit, facit profundam inclinationem, redit ad Altare, consistitq; cum Diacono ut prius ad initium Hymni Angelici.

11. Inchoato à D. Abbate Symbolo, ubi ad verbum: *Deum*. - Caput inclinat, facta genuflexione, si stare deberent, ascendit ad Altare ut prius ad *Gloria*, dictum Symbolum submissa recitat voce, & eo finito descendit ut antea ad Hymnum Angelicum. Si autem relendum est, ad inchoationem Symboli stat ad gradus Altaris, & eo inchoato, procedit cum Diacono pariter ad sedile, ubi consistens cum eo simul recitat dictum Symbolum, caput inclinat, genuflexit, ac se signat quando opus est. Deinde sedente D. Abbate, ille pariter cum socio sedet.

12. Dum à Choro cantatur. *ψ. Et incarnatus est* &c. si stant ad Altare, Subdiaconus recedit parum ad coram Evangelii, ut det locum Diacono, ubi in infimo gradu genuflexit cum eo, & dum dicitur *Et Homo factus est*, etiam caput inclinat. Accedente vero Diacono ad Credentiam pro deferenda Bursa Corporalium, erigit se, & permanet in eodem loco, donec explicuerit Corporale Diaconus, eoq; descendente ab Altari ad 2. gradum, ipse quoq; accedit ad medium. Si autem sedet, tunc ad *ψ. Et incarnatus est*, non surgunt nec genuflexunt (nisi in tribus Missis Nativitatis D. N. J. C. & in Festo Annuntiationis B. V. M. prope sedilia sua genuflexi permanent) sed sedendo inclinant se proinde. Et dum Diaconus accedit ad Credentiam, Subdiaconus erigit se, & stat, quousq; ille non revertatur ab Altari. Ad finem prædicti Symboli, scilicet dum canitur à Choro: *Et vitam venturi sæculi*, Subdiaconus cum socio erigit se, & facta D. Abbati reverentia progreditur ad Altare, ubi consistit in plano ante infimum gradum.

13. Postquam D. Abbas laverit manus, dicto Offertorio, Subdiaconus accedit ad Credentiam, & extenso sibi circa humeros velo oblongo, portat, (ut supra §. 2. n. 7. dictum

dictum est) Calicem ad Altare, non tamen prius, nisi tunc, cum D. Abbas pervenerit ad Altare, aliq; peragit, ut in alia Missa Solemni, offerendo tamen aquam ad benedicendum D. Abbati, priusquam infundatur in Calicem, dicere debet: *Benedicite Pater Reverendissimi.*

14. Post oblationem Panis, & Vini factam, Subdiaconus accipit de manu Diaconi Patenam, quam veli extremitate contectam, elevatamq; sustinet in loco suo, ut supra, ubi etiam incensatur id est in plano retro post D. Abbatem inter duos Diaconos assistentes, nec se movet, nec ad Sanctus ascendit, sed in loco suo dicit, elevato tamen SS. Sacramento in infimo gradu genuflectit, deposito S. Calice surgit, persistitq; in loco suo.

15. Dum D. Abbas dicit: *Et dimitte nobis &c.* cum debitis reverentiis accedit ad Altare, ubi tradit Patenam Diacono in cornu Epistolæ, qui eam discoopertam accipit. Subdiaconus deposito statim Velo, eoq; tradito in manus Ceremoniarum, redit ad locum suum, scilicet planum. Ad *Agnus Dei*, accedit ad Altare, statq; post Presbyterum assistentem, & ibi inclinatus percutit pectus ter, dicendo illud: *Agnus Dei &c.*

16. Recedente Archidiacono à Libro ad osculum pacis, Subdiaconus manet ad Librum, sed postquam ille redierit, ipse post Diaconum Evangelii accedit ad D. Abbatem, ut ab eo pariter Pacem accipiat, quam Ministris etiam tribuit, prius tamen ad Chorum desert, ut supra diximus. Data Pace, quibus prescriptum est, constitit in loco suo, donec finita communionem D. Abbatibus, tempus venerit infundendi Vinum pro purificatione, & tunc in locum Diaconi accedit, suumq; prestat Ministerium, hoc finito transit, cum debitis genuflexionibus per planum, ad cornu Evangelii, ibi Calicem extergit, eumq; compte ornatum desert, sine Velo, ad Credentiam.

17. Redit dein ad cornu Epistolæ in planum, & stat post D. Abbatem, ceteraq; peragit ut in aliis Missis Solemnibus. Ad Evangelium ultimum non ministrat, quia adest Presbyter assistens. finito Evangelio, factis debitis Altari reverentiis, eo, quo venerat, ordine redit in Sacristiam, sine Libro tamen, sed manibus aut pectus junctis. In Sacristia facta Imagini, & D. Abbati reverentiis, adjuvat Diaconum in exiundo D. Abbate.

§ 5

De Officio Subdiaconi in Missa de Requiem.

1. **A**D Missam Solemnem pro Defunctis, Subdiaconus initio ita se gerit, prout in aliis Missis, & prout
Dia-

Diaconus. Ad Introitum non se signat, cantata Epistola non osculatur manum Celebrantis, nec ab eo benedicitur, sed statim facta genuflexione in medio infimi gradus, tradit Librum socio suo, & transfert Librum Celebrantis ad cornu Evangelii, ibiq; ad Evangelium ministrat, ut alius. Finito Evangelio dum Prosa cantatur à Choro, stat cum Diacono ad latera Celebrantis, ut ad Hymnum Angelicum, in aliis Missis. Ad finem dicte Prose, descendente Diacono ad dicendam: *Munda Cor meum &c.* pariter descendit usq; ad planum, ibiq; permanet expectando tempus Evangelii.

2. Ad Evangelium sequitur Diaconum precedentem, ita *Cœrem: Episc: L. 2. c. 17.* quo finito non desert Librum ad osculum Celebranti, sed illum clausum à Diacono post finem Evangelii, facta genuflexione Altari, tendit Michiuro. Ad Offertorium Calicem coopertum velo parvo, cum bursa desert ad Altare, nec petit aque benedictionem, sed infusa Aqua in Calicem, & redditis ampullis Acolytho, pergit ad sinistram Celebrantis, genuflectens in medio, ibiq; afficit ad incensationem Altaris. Celebrante incensato, ministrat cum Diacono manutergium ad tergendas manus. Non dicit *Suscipiat Dominus &c.* sed Diaconus tantum, ita *Gavantus P. 2. tit: 13. n. 2.* Dicit tamen *Sanctus de more.*

3. Pauli ante elevationem SS. Sacramenti, facta genuflexione in medio, accedit in planum ad cornu Epistolæ, ubi stans imponit solus thus in thuribulo, ministrante Thuriferario una manu scilicet sinistra Thuribulum, & dextera Naviculam cum Cochleari, sine tamen benedictione, quo facto, genuflectus in infimo gradu, accipit ab eodem Thuriferario thuribulum, incensat sub elevatione SS. Sacramentum, cum profundis inclinationibus ante, & post, videlicet ter S. Hostiam, & ter S. Calicem. Reddito itaq; thuribulo Thuriferario, genuflectit in loco, redit per planum ad medium, ubi facta genuflexione manet stans, & non genuflectit cum Celebrante.

4. Ad finem Orationis Dominicæ accedit ad sinistram Celebrantis, ubi *Agnus DEI* dicit tantum manibus junctis, & non percussit pectus, inclinatus tamen. Fc statim mutat cum Diacono locum, hoc est a sinistra transit ad dexteram Celebrantis, genuflectens in accessu, & recessu, ibi stat, & inclinat se dum Celebrans dicit: *Dominice non sum dignus &c.* genuflectit, detegitq; Calicem, quando opus est. Cetera peragit, ut in aliis Missis respectivè. Et licet si D. Abbas celebraret Missam pro De-tunctis, ea ipsa præstare debet, quæ modo sunt notata, & quæ

de Diacono in tali casu præscripta sunt, respectivè sunt obsequia vanda.

5. Ad Absolutionem in fine Miste adjuvat, (si opus est) Celebrantem, dum exiit se Planiti, & Manipulum deponit ad latus Epistolæ, ubi etiam ipse suum Manipulum deponit cum osculo Crucis. Dum Celebrans accipit Pluviale, Subdiaconus caput Crucem Processionalem propè Altare, ad cornu Epistolæ præparatam, & cum Ceroterariis accedit ad medium Altaris, sine ulla reverentia, ibiq; expectat Celebrantem. Deinde etiam sine ulla reverentia procedit ad Catram doloris, post Thronarium cum Cruce, cujus imago Thronarium aspicere debet, ut advertit: *Gavantus P. 2. tit. 13. n. 4.* Capite aperto incedere tenetur.

6. Et cum Subdiaconus ad Castam doloris pervenerit, sistit se ad caput Leticæ, quia tamen Caput Leticæ variari contingit, si enim Defunctus Sacerdos sit, caput habet versus Altare, ac si non sit Sacerdos, pedes habet versus idem Altare, & non caput; ideoq; si absolutio sit præ defuncto Sacerdote, Subdiaconus propriis ad Altare stare debet cum Cruce, aliquomodo retrocedendo versus cornu Evangelii. Si vero pro non Sacerdote, locet se a tergo leticæ, id est inter fores Ecclesiæ & leticam, procedendo per latus suum dextrum ad eundem locum. Ubi stat immobilis, distando proportionate ab ipsa lédica, ita, ut Celebrans, & Diaconus scilicet inter Crucem, & Leticam habeant transitum. Nullam transeunti Diacono, quinimo nec Celebranti faciat reverentiam. Disto à Cantoribus *Requiescant in pace*, redit in Sacramentum eodem modo & ordine, quo venerat, non genuflectens etiam SS. Sacramento, licet ante illud transeat.

§. 6.

De Officio Subdiaconi in Processionibus.

1. Subdiaconus ad faciendam Processionem cum SS. Sacramento, genuflectit à latere sinistro Celebrantis; dum imponit Celebrans thias in thribulum, elevat dextram simbriam Pluvialis, & postquam inensatum in loco suo fuerit Sacramentum, eo tempore, quo Diaconus deponit ostensorium de Tabernaculo, acceptum à Cæremoniario Velum ob-

PARS TERTIA. 217
longum, impone humeris celebrantis, nudis, aculeis firmis, ne
decidat in unam magis partem, quam in aliam.

2. Accepit & Celebravit in manus Offensorio, statim ad Diaconum genuflectens descendit, Subdiaconus mutat locum, & genuflectit in eodem loco, in quo prius Diaconus genuflectebat, ad vitandam postea in transitu confusionem, manet; sic genuflectus, donec processio non fuerit inchoata. In qua ascendendo à sinistris Celebrantis, non detinet Candelam, sed dextera sua sinistram pluvialis Celebrantis elevat, sinistra infra pedibus posita. Cantare non debet in Processione, sed Psalmos, & Hymnos recitare submissa voce cum Celebrante, sicut Diaconus, mensis.

Si Dum Celebrans incedit per aliquos gradus, sinistra etiam sua subleuat anteriorem partem Albe, & Vestis, un- cum Diacono. Si vero Celebrans collocato Ostensorio in Al- tari, aliquid recitare debeat ex Libro, ipse Subdiaconus ge- nusflexus tenet Librum, a parte sua, quem adjuvat Diaconus pa- riter genusflexus. Et cum ab eodem Celebrante datur bene- dictio cum SS. Sacramento, elevat a parte sua fimbriam ante- riorem Pluvialis genusflexus. Data benedictione velum oblon- gum amovet ab humeris Celebrantis, illudq; tradit Cereemonia- rio. Omnibus itaq; completis recedit nudo, vel tecto Capite respective, cum Celebrante in Sacristiam.

4. In Processionibus SS. Sacramenti, vel quando aliqua insignis deferatur Reliquia, si Rubrica exigat Subdiaconum ad deferendam Crucem Processionalem, alius Subdiaconus Alba, & Tunicella indutus, disponi debet ad deferendam dictam Crucem, & Subdiaconus Epitome à Sinistris Celebrantis accedere debet. In aliis vero Ordinibus Processionibus, nunquam alius substitutus est pro eo, qui ministrat ad Missam.

5. Regulariter Crucem ferens procedit nudo capite, præsertim per Ecclesiam, nisi contingat fieri Processionem extra Ecclesiam, & vel frigus, vel ventus, aut æstus, aut aliquod incommodum illud tegere cogat: si tamen cum SS. Sacramento, etsi propter maximam inclementiam æris, caput tegi tamen nullomodo potest. Sic procedendo in Processionibus ordinariis cum Cruce Subdiaconus, Imaginem Crucifixi habeat ante se, & non post se respicientem, medius inter duos Ceroferarios procedat, & non præeat. Ubi vero loci angustia simul cum Ceroferariis incedere non permittit, præcedant Ceroferarii, & ipse eos subsequatur.

Decreta S. R. C.

1. Deficiente Subdiacono pro Missa Solemni, data necessitate, potest permitti per Superiores & substituitur constitutus in minoribus Ordinibus ad cantandam Epistolam, paratus absq; Manipulo. S. R. C. 5. Julii 1698. in Collen.

2. In exequiis defuncti Sacerdotis præsentè Corpore, locetur Crux ad Caput defuncti, inter feretrum, & Altare. S. R. C. 3. Septembris 1746. in una Massa & Populoni.

C A P U T V.

De Officio Acolythorum, seu Ceroferariorum.

1. Ceroferarii ordine Acolythatis decorari debent, eorum enim Officium, ex ordinatione ipsa id requirit, ut ministrent Cereos, eosq; accendant, & extingvant in Ecclesia. Aequalitas in statura Acolythorum, quantum fieri potest, servari debet; pariter eorum Candelabra, atq; Candelæ pares, directè, & absq; inclinatione deferantur. Cum dicta Candelabra sumpturi sunt, semper nudis, & non coopertis manibus sumant. Is qui a parte dextra est, dictus Ceroferarius primus, ponit dexteram in medio Candelabri globo, sinistram vero in pede, qui cingulo correspondet: qui verò ad sinistram est, dictus Ceroferarius secundus, è contra, sinistra accipit globum Candelabri dextera vero pedem. Ita præcipit Cær. Episc. L. 1. c. 11.

2. Habitus eorum semper est Cotta, sive superpelliceum, & desuper Caputium Monasticum. Dum incedunt cum Celebrante, non unus post alium, sed æqualiter bini gressus pares dirigere debent, ne unus alium præeat. Si angustia loci impediat, quod non possint simul transire, & tunc 2dus præcedit 1mum. Genusflexiones æqualiter, & eodem tempore, dextro genu semper faciant, ac in omnibus aliis actionibus studeant conformitati, & unanimitati. Stantes, sint semper corpore erecto, ac firmo, demissis ad terram oculis, & instar statuarum immobiles, unde licet alii genusflectant, illi tamen non semper, quemadmodum ad Evangelium quando assistunt Diacono, aut initio

Hy-

Hymnorum: *Veni Creator &c. Ave Maris Stella &c.* assistentes Celebranti ad sedem, non genuflectunt, præcipue quando comitantur Crucem cum candelabris in Processionibus.

3. Quando absq; Candelabris procedunt processione Sacra cum Celebrante, ne manus vacuas qualitercuq; retineant, regulariter eas junctas ante pectus tenere debent, sicut ad Evangelia, ad quæ non deferunt Candelabra. Ad Altare dum Celebratur Missa Solemnis respondeant ad Confessionem Celebranti, dicant *Kyrie eleison*, & ad alia. Hoc autem præcipuè advertant, quod dum genuflectunt retro post Subdiaconum, sive in medio, ad accendendos simul cereos suos, vel ex alia ratione, id faciant convenienti spatio, ne sint nimis coarctati, dum genuflectunt.

4. Si autem ipsi Acolythi deserviant ad accendendos, & extinguendos Altaris Cereos, servant regulam sequentem: Induti Cottis procedant ad medium cum suis Cereis necdum accensis, ubi genuflexi in medio ante gradus Altaris, collocabunt Candelabra sua in lateribus summi gradus Altaris, postea accipient Virgas oblongas, quæ communiter extinctoria vocantur, in quarum summitate candelulæ sunt appositæ, quas candelulas uterq; admovebit lampadibus, quæ sunt in Altari, & fumentes ignem, hinc inde accedent à lateribus ad Altare, ubi uterq; a parte sua accendet Cereos, incipiendo ab iis, qui sunt Cruci Altaris proximiores; Accensis simul candelis, descendant in planum, accendunt suos Cereos, extinguunt candelulas in summitate virgarum, & distas virgas in locis suis collocant. Sumunt deinde sua Candelabra cum cereis accensis, genuflectunt in medio, atq; in Sacristiam redeunt. Quod tamen ut diebus saltem solemnioribus, & præsertim exposito SS. Sacramento, per Acolythos exequatur, omnino convenit.

5. Ad Vesperas solemnes Officium Acolythorum, seu Ceroferariorum sufficienter expressum est, P. 1. c. 10. per totum; hoc tamen præterea notandum remanet, quod decantato *ÿ.* aut per se ipsos, aut per Assistentes, Ceroferarii iacta genuflexione Altari, ascendunt ad illud, & conduplicant Tobaleam extensam desuper Altare, statimq; recedunt ad loca sua, & accipientes Candelabra, sint parati ad excipiendum Celebrantem, siq; sub tempus incensationis persistant cum Candelabris. & Cereis accensis, versa facie ad Altare; qua finita, & recedente ab Altari Celebrante, si aliud Altare non erit incensandum, depositis Candelabris, accedunt simul ad Altare, & conduplicatam revolvunt Tobaleam, cætera ibi notata, observent.

6. Ad Completorium solemne, sicut & ad Vigiliis Matutinis solemnes, idem observandum erit, quod de Vesperis dictum est; Ideoque supra Pontific. tit. 12. & 13. videantur ea, quæ pro Ceroferariis sunt notata; Præsertim si Celebrans sedeat in sede sua, & in eodem loco cantaturus est Capitulum, vel Orationem, aut quid aliud, pariformiter accedere debent, ibique collucere facie ad invicem, aut erga Celebrantem versa, prout situs loci permiserit.

7. In Officio Defunctorum Solemni sive ad Vesperas, sive ad Matutinum, si Celebrans paratus illud absolvat, dum repetitur Antiphona post *Magnificat*, aut post *Benedictus*. Ceroferarii capiunt candelabra sua, cum cereis accensis, & domite Cæremoniario, aut etiam soli, cum debitis reverentis Altari, & Celebranti, ea tenent ad Orationem, stantes eo modo, quo dictum est ad Vesperas solemnes, ita præcipit *Cærim. Episc. l. 2. c. 10.* Dicto *Requiescant in pace*, comitantur Celebrantem in Sacristiam, non tamen inserviunt pari modo ad IX. Lectionem, licet eam Celebrans, aut superior dicat. Ad initium talis Officii Ceroferarii non utuntur Cereis accensis, quia Officium est feriale.

8. Missæ solemni assistentes Ceroferarii, paulo ante eam accedunt ad Sacristiam, ubi facta brevi oratione, manus lavant, induunt Cottas suas, adjuvant Ministros sacros, dum capiunt Paramenta sua. Tum accendunt Cereos Altaris, suo tempore, & eos pariter qui sunt in Candelabris suis; Deinde omnibus paratis, & posito incensoria Thuribulo à Celebrante, nudo Capite, cum Candelabris suis procedunt ad Altare in Sacristia, facia prius Cruci, & Celebranti debita reverentia, sequentes Thuriferarium, & Cæremonium. Si Sacristia sit in parte Evangelii, adus Ceroferarius cum Subdiacono prope gradum inferum Altaris paululum retrocedat, ut Celebranti locum cedat, cui etiam transeunti paululum se inclinat; si verò sit Sacristia a parte Epistolæ, idem præstabit Ceroferarius primus cum Diacono a parte sua.

9. Cum pervenerint ad Altare, stantes omnium postremi, simul cum aliis genuflectunt, mox surgunt, & deserunt sua Candelabra simul super cornua Credentiæ posteriora, eaque relinquunt accensa toto tempore Missæ; quod maxime observari debet, dum D. Abbas Celebrat. Adveniat ille, qui ad Credentiam per planum ante medium Altaris transiurus est, ut non genuflectat iterum, quia prima genuflexio sufficit. Si autem considerando Monasteriorum non permittit ad Credentiam ardere Cereos Acolythorum, & nec Credentia adest, statim

ad altare procedit, ubi ab acolythis postea

post genuflexionem surgentes, extinguunt, & collocant Candelabra in loco scorsivo ab Altari, ut non sint impedimento Ministris, ipsi verò redeuntes ad loca sua genuflectunt, si q̃ genuflexi faciunt Confessionem cum Celebrante, cum eo se signantes, & inclinantes, quemadmodum Ministri facit.

10. Cum Celebrans ascendit ad Altare, Ceroferarii surgunt à genuflexione, & stant line inle a lateribus infimi gradus, manibus ante pectus junctis, nec sedent, licet Celebrans, & Ministri facri sedcant, nisi tempore Canonis. Respondent ad omnia Celebranti sicut in Missis levis, exceptis his, ad quæ Chorus incantu respondet. Finita Epistola, & facta genuflexione, ambo accedunt simul ad medium plani cum Candelabris suis, ubi facta iterum genuflexione accendunt cereos suos ab illa lampade, quæ continuò ardere ante SS. debet, ubi deus genuflexi recedunt ad loca sua, ibiq; consistunt cum suis Candelabris.

11. Dum Diaconus pro accipienda ad Evangelium benedictione genuflectit, propius constituit, & ad latera Subdiaconi, parum tamen posterioris, seu retrò. Descendente eodem Diacono ad cantandum Evangelium, & genuflectente, statim genuflectunt, & primo soli Ceroferarii præcedunt ad locum Evangelii, ubi ita constitunt versa ad Diaconum facie, ut Subdiaconum eum Libro possint inter se commodè habere, & sic stant immobiliter usq; ad finem Evangelii, non se signantes, aut inclinantes, nec genuflectentes, quia representant Candelabra immobilia.

12. Finito Evangelio, & recedente Subdiacono ad Celebrantem, accedunt ad medium, & consistentes à lateribus Diaconi, cum eo genuflectunt, stantq; penes eum, donec Celebrantem incensaverit. Hoc facto remouent se ad latera infimi gradus, seu ad loca sua extinguunt Cereos, & candelabra locant in locis competentibus, non omitta tamen in accessu ad loca sua genuflexione. Ad *¶. Et incarnatus est* &c: in locis suis genuflectunt, & tam tunc, quando Celebrans dicit, quam & tunc, quando à Choro canitur, neq; prius surgunt quam Celebrans, & Ministri. Et ad illa verba *Et Homo factus est*, etiam caput profundè inclinant.

13. Inchoato Offertorio Acolythus imbis, accedit ad Credentiam, accipit Pelviculam cum Ampullis Vini, & Aquæ, easq; directè sequendo Subdiaconum deservit ad Altare ambabus manibus, cavens ne per viam decidanr. Et cum ad Altare pervenerit, easdem successive in cornu Epistola porri-

get

get Subdiacono, prius videlicet ampullam Vini, deinde illam Aquæ, absq; osculis, easdem ampullas à Subdiacono recipiet, & referet ad Credentiam, quibus collocatis redibit ad locum suum.

14. Ad finem incensationis Altaris ambo Ceroferarii genuflectentes in locis suis, accedunt ad Credentiam, de qua unus accipit pelviculam manu sinistra, & dextera Ampullam Aquæ per manubrium, 2dus verò accipit ambabus manibus manutergium plicatum, ascenduntq; ambo post Diaconum incensantem Celebrantem; Quo recedente propius accedunt ad Celebrantem, ex quibus unus fundit aquam super indices, & pollices illius, subposita pelvicula, alter ambabus manibus expandit mappulam super manus Celebrantis, servatis ab utroq; debitis reverentiis simultaneis ante, & post, cum quasi osculo Ampullæ, & manutergii. Recepto manutergio à Celebrante, faciunt profundam reverentiam, & simul recedunt ad Credentiam, reportantes quæ acceperunt de ea, redeuntq; ad loca sua.

15. Dum dicitur Præfatio inclinant se Acolythi ad ea verba: *Deo nostro*, cum Celebrante, & cum dicitur *Sanctus* Sc: Ceroferarius unus dat signum campanula, postea ambo genuflectunt, & genuflexi permanent, usq; ad Orationem Dominicam, dantes signum pro elevatione Hostiæ, & Calicis, ac ad: *Per ipsum*. Ante Orationem Dominicam dum Celebrans intonat: *Per omnia sæcula sæculorum*, surgunt, & stant, donec deatur: *Et ne nos inducas in tentationem*. Qui respondentes: *Sed libera nos à malo*, statim genuflectunt, & genuflexi permanent ad Communionem, nisi dum à Subdiacono datur illis Pax, quia tunc surgere debent.

16. Si facienda sit Communio Laicorum ad Cancellos, non enim alicubi fieri debet, propter sedandum tumultum Populi, & vitandam confusionem, ac perturbationem Ministrorum, tunc Ceroferarii sub tempus Communionis Celebrantis, cum debitis reverentiis accendunt Cereos suos, eruntq; parati, ut assistant Celebranti Communionem distribuenti. Dum Celebrans sumit pretiosum Sangvinem, ambo dicunt clara voce *Confiteor* Sc: *percutientes pectora sua ad mea culpa*. Et quando Celebrans procedit ad Cancellos cum Pixide, illi cum Cereis accensis præcedunt, & in extremitatibus Cancellorum locant se, ac permanent genuflexi, donec finiatur Populi Communio, tum denuo præcedunt Celebrantem redeuntem ad Altare, ipsi quoq; redeunt ad loca sua, extinguuntq; Cereos.

17. Si Communio non fit faciendâ, post sumptionem S. Hostiæ, à Celebrante, imus Ceroferarius accedit ad Credentiam, sumit pelliculam cum Ampullis Vini, & Aquæ, desert ad cornu Epistolæ, quas successive Subdiacono porrigit, absq; osculis, eas postea receptas reportat ad Credentiam sine genuflexione. Manent iam ambo erecti usq; ad finem Missæ. Dum terminatur ultima oratio, quæ dicitur *Postcommunio* debito ordine, & unanimi incessu accendunt in medio plani suos Cereos, & Candelabra; veniendo ad loca sua, constituunt in lateribus graduum Altaris.

18. Ad benedictionem in fine Missæ genuflectunt, signant se, manu sinistra infra pectus posita. Ad Evangelium stant erecti, signant se, & genuflectunt cum Celebrante. Finito Evangelio elevant Candelabra sua, cum Cereis accensis, ubi cum aliis ministris, & Celebrante recedentibus simul genuflectunt, & eodem ordine, quo venerant, redeunt in Sacristiam. Si tamen D. Abbas præsens sit in Choro, subsistendo parumper, simul cum aliis, tam initio Missæ, quam in recessu, faciunt reverentiam. Constituti in Sacristia, consistunt versus Crucem, cui cum cæteris profunde se inclinant, deinde Celebrantem salutant. Postea deponunt Candelabra, Cereos extingvunt, & adjuvant Ministros Sacros exeuntes se. Deniq; cum Subdiacono redeunt ad Credentiam, & reportant in Sacristiam ea, quæ ad illam fuerant allata. Ad ultimum deponunt Cottas, & facta brevi oratione, in pace recedunt.

19. In Missis Solemnibus Pontificaliter Celebratis, decet, ut Ceroferarii deferentes Cereos accensos in candelabris, hæc Candelabra collocent in Credentia, & ad illam permaneant, sive genuflexi, sive stantes, ut à n. 9. specificatum est, nihilq; speciale habent in tali Celebratione, nisi quod Diaconum, ad accipiendam benedictionem pro Evangelio, ad sedem deducere debent præeundo viam, & sub tempus dictæ benedictionis parum inclinati à lateribus sedis stare debent, deinde reducunt eundem Diaconum ad Altare, præmissa debita D. Abbati cum aliis reverentia. Pariter dum D. Abbas celebrat Vesperas, vel Completorium, aut Matutinum, Ceroferarii servant ea, quæ supra de tali Officio sunt annotata, quæ sufficient. Accedentes ad sedem D. Abbatis, & recedentes ab ea, ob candelas quas in candelabris tenent, sufficit, quod unicam, & non trinam facient inclinationem. Si cum aliis accedunt qui trinam faciunt reverentiam, Ceroferarii faciendo

CEREMONIALIS MONASTICI,

20. In Missa, deustorum de terra debent ad Altare intro-
tio Missa, & in fine Candelabra cum Cereis accensis, ita enim
observant: Quantus in Ms. Dg. Rubr. 17. n. 4. & P. Baudry
p. 3. c. 13. n. 5. sed eosdem Cereos, facta genuflexione an-
te Confessionem extinguant. Non accendunt eos ad Evan-
gelium, quia ad illud procedunt manibus tantum ante peccus
junctis. Ad Orationem, & Postcommunionem genuflexi ma-
nent in locis suis, & non stant. Ad lotionem manuum Cele-
brantis afferunt etiam pelviculam & manutergium, sed qui
desert manutergium tradit illud plicatum Diacono, quod ex-
teris Celebrantis manibus eidem restituit. Qui vero afferit
pelviculam, ipse ministrat aquam sine osculis ampullae, quia
tunc ab osculis abstinendum est. Cetera poragunt, ut in a-
liis Missis, nisi aliter notetur.

21. Ad Absolutionem in fine Missa, Ceroferarii accen-
dunt in candelabris suis Cereos, locantq; se a lateribus Sub-
diaconi Crucem Processionalem ferentis, cum quo procedunt,
& locant se semper ad caput Lecticae, ideoq; si pro destincto
Sacerdote, Officium agitur, consistent inter Altare maius,
& Lecticam, retrocedentes parum ad cornu Evangelii, ne
terga vertant Altari. Si autem pro non Sacerdote fiat Offi-
cium, procedunt post Lecticam, via a dextris ducente, &
consistent inter portam Ecclesiae & Castrum doloris, in me-
dio, ita ut Altare respiciant. Sic declarat P. Baudry l. 3. c. 1.
14. n. 5. Stantes ergo a lateribus Subdiaconi, sive hic, sive
ibi, permanebunt immobiles, nec se inclinant, transietis Ce-
lebrantibus, nec genuflectent ad preces, sed stabunt semper ere-
cti. Dicto a Cantoribus Requiescant in pace, eodem quo vene-
rant, Ordine, & eadem via, revertantur in Sacramentum.

O mens BA

C A P U T VI

De Officio Thuriferarii.

1. Thuriferarius thuribulum, Naviculam, & cochlear
ministraturus, thus in dictam Naviculam congruo
tempore impuere debet, & tanto melioris odoris, quanto ma-
jor Solemnitas celebratur: Præterea ignem ad thuribulum,
feu

seu carbones ignitos preparare tenetur, pro Missa, Vesperis, Laudibus, & Processionibus. Diligenter tamen attendat ne ignis ad thurificandum deficiat, melius enim est abstinere ab incensatione, quam thurificare absq; igne. Hora igitur competenti, & omnibus supradictis paratis, premissa brevi Oratione, dum se Celebrans ornat, ipse lavat manus, cottam induit, accipit Thuribulum, dexterà, illudq; pollice in annulum maiorem immisso, altero vero eiusdem manus digito, videlicet Annulari, minorem annulum catenulæ, coopertorium thuribuli elevantis, annexum, sustinet. Sinistra pedem Naviculæ clausæ cum thure, & cochleari, gestat. Sicq; ambas manus æqualiter elevatas tenet, manicas Cottæ suæ ad brachia reflectit, ne forte cum thuribulo, aut Navicula implicari, aut comburi contingat.

2. Cum affert thuribulum ad Celebrantem Thuriferarius, ut in illud thres immittatur, ipse tunc naviculam dextra, Thuribulum vero sinistra delert. Videat etiam ut pars Naviculæ quæ aperiri debet, semper pectus suum respiciat. Cum alicui traditurus est naviculam, tradat eam dexterà, & regulariter eam sinistra recipit, si altera sustineat thuribulum. Hoc autem modo thuribulum tenet coram Celebrante; ut in illud incensum immittat, & benedicat: Conversus ad Celebrantem, sustentans maiorem annulum thuribuli sinistra manu, & elevato altero annulo operculi manu dextra, eademq; manu complectens catenulas circa medium earum, inter operculum, & thuribulum æqualiter elevatum, ad Naviculæ altitudinem, ipsam thuribulum flexo quasi genu, non tamen re ipsa flexo, sustinet. Tum data per Celebrantem benedictione, super thuribulum adhuc apertum, demittit Catenulam operculi, clausum thuribulum porrigit dextera, sinistra naviculam recipiendõ.

3. Si ipse Thuriferarius immediatè porrigere debeat Celebranti, tradit illud eodem modo, quo Diaconus ambabus manibus, videlicet dextera summitatem catenularum tenens, & sinistra prope vas ipsius thuribuli; pro interim tamen Naviculam non teneat, sed prius eam in aliquo collocet loco, osculatur verò extremitatem catenularum, & manum Celebrantis, si ei soli porrigat, si vero aliis porrigat, nulla oscula præbet, soli enim Celebranti debentur oscula. Item si SS. Sacramentum sit expositum abstinendum est pariter ab osculis, etiam Celebranti porrigendõ.

4. Advertat autem ut non omnino generetur, quando
Ex Cele-

Celebrans imponit thus, sed sit incurvato genu, quasi vellet flectere. Si autem ministrat Episcopo, D. Abbati, aut exposito SS. Sacramento, tunc vere genuflectere debet: quod de D. Abbate dicendum supponimus tunc, quando Celebrat Pontificaliter. Insuper advertat, ut si benedici debeat thus in thuribulo à Celebrante, thuribulum non claudat, quin prius Celebrans illud benedixerit, & ideo semper apertum illud tenere debet, ante Celebrantem donec benedixerit. Sciat præterea quia non Subdiaconi, sed ipsius Thuriferarii Officium est, ministrare thuribulum cum igne, ad imponendum, & benedicendum incensum: ubi autem contraria viget consuetudo, quæ magis corruptela, & abusus dici debet, omnino est tollenda. Si autem Thuriferario non placet ista circumscriptio tenendi thuribulum per catenulas, ad imponendum & benedicendum thus, propter abundantiam ignis urentis manuum, aut digitos, poterit per pedem tenere dexterâ, ut tantum sit apertum thuribulum, hic tamen modus periculum aliquid avertere potest dissipandi carbones ignitos in pavementum.

5. Ad Vesperas Solemnes Thuriferarius è Sacristia, facta Cruci, & Celebranti reverentia, procedit omnium primus, una cum Cæremoniaro, nudo capite, manibus antepectus junctis, & sine thuribulo. Et si facienda esset Expositio SS. Sacramenti tunc cum thuribulo, Facta ad Altare post Celebrantem genuflexione in plano, & oratione, procedit cum Celebrante ad sedem, ubi prope Celebrantem locum habet ut supra P. 1; c. 10. n. 7. notatum est, ibiq; cæteris assistentibus conformare se debet, non tamen sedere.

6. Circa finem ultimi Psalmi, factis debitis Celebranti, Choro, & Altari reverentiis, vadit moderato gressu, manibus junctis in Sacristiam, & exinde cum thuribulo, & navicula egreditur, non prius tamen, donec Celebrans de sede sua ad Altare processerit, quasi obviando ei, sic procedit ad Altare. Ubi facta simul cum aliis genuflexione, ascendit per gradus laterales ad Altare, ubi facta iterum genuflexione in suppedaneo, porrigit Naviculam primo Assistenti, & stans à dextris eiusdem imi Assistentis proximius mensæ Altaris quasi flexo genu sustinet Thuribulum ante Celebrantem, ut in thus immittat, & benedicat. Quo facto demisso operculo, thuribulum tradit imo Assistenti, & ab eo Naviculam recipit, tum genuflectit in loco, ac descendit in planum: per gradus laterales ad cornu Epistolæ.

7. Sub tempus incensationis Altaris stat in plato, ad latus Epistolæ versus Altare, cum navicula, ibiq; etiam finita incensatione recipit ab Assistente imo thuribulum, & mox facta cum aliis genuflexione, redit in Chorum præcedendo omnes, & consistendo ante sedem Celebrantis, venienti ad dexteram suam Assistenti imo tradit thuribulum, cujus dexteram simbriam Pluvialis, stando à tergo eius elevat, dum Celebrantem incensat. Deinde comitatur eundem Assistentem riuum ad sedem D. Abbatis, postea ad medium Chori, ubi pariter subleuat simbriam Pluvialis dexteram, & factis debitis reverentiis D. Abbati, & Choro revertitur ante sedem Celebrantis, ubi recepto prius Thuribulo, binos Assistentes incensat ipse bino ductu quemlibet, si Celebrans trino incensatus fuerit; si vero Celebrans propter præsentiam D. Abbatis tantum bino ductu incensatus fuerit, illi unico tantum. Deinde alios Communitos interiores incensando quemq; unico ductu, redit in Sacristiam.

8. Advertat permaximè, ut dum canitur *ψ. Gloria Patri* in Choro, neminem tunc incenset, sed inclinet se omnino versus Altare. Metiatur ita incensationem suam, ut absoluta sit ante Orationem, & si non sit absoluta, cesset ab ea. Completa ergo thurificatione Communitrorum, factisq; debitis reverentiis ut supra redit in Sacristiam, ubi deponit thuribulum, cum Navicula, revertiturq; ad locum suum, non tamen eo tempore, quo dicitur, aut Oratio Dominica, aut Oratio diei, à Celebrante. Eadem pariter Thuriferario observanda sunt in Laudibus Solemnibus ad Canticum *Benedictus*, quæ in Vesperis ad Canticum *Magnificat*.

9. Ubi verò aut ob paucitatem Subiectorum, aut ob non tam magnam Celebritatem, contingat tantum Celebranti assistere duos Ceroflerarios, & Thuriferarium, hic non gravetur & suum, & rui Assistentis officium explere; ideoq; porrigendo Celebranti Naviculam, ministret Thuribulum modo supra expresse, recepta, & reposita in manus Acolythi Naviculâ, porrigat thuribulum cum debitis osculis Celebranti, & extremitates Pluvialis sustentet, finita incensatione, thuribulum cum osculis recipiat, & vel in sede, vel ad Altare incenset Celebrantem, & alios de quibus infra dicitur: *P. IV. c. 6.*

10. Ad Missam Solemnem Thuriferarius, ut supra paratus, antequam procedant ad Altare, adhuc in Sacristia porrigit Naviculam Diacono, & ministrat thuribulum Celebranti, tum imposito, ac benedicto incenso, procedit nudo capite an-

te omnes alios, portans dextera thuribulum fumigans, & sinistra Naviculam. Si tamen facienda sit Aquæ benedictæ aspersio, vel Candelarum, aut aliarum rerum benedictio, non desert thuribulum, sed procedit manibus ante pectus junctis, aut diebus Dominicis desert vas Aquæ benedictæ cum aspergillo, illamq; ministrat ad Asperersionem. Dum autem procedit, salutatur cum cæteris Ministris Chorum, accedensq; ad Altare cum thuribulo paululum retrocedit, & genuflectit post Celebrantem, tum surgit, & vadit ad cornu Epistolæ in planum, ubi in infimo gradu genuflectit ad Confessionem, donec Celebrans ascendat ad Altare, agitando tantisper thuribulum apertum, ne ignis extinguatur. Et hic ritus Thuriferarii locandi ad latus Epistolæ conformis est Rubricæ.

11. Facta Confessione, & consensu ad Altare Celebrante, Thuriferarius quoq; ascendit per gradus laterales Epistolæ, ubi facta genuflectione stans à dextris Diaconi ante Celebrantem, naviculam semiapertam tradit Diacono dexterâ, & ministrat thuribulum Celebranti, ut supra, quo facto recipit Naviculam sinistrâ, & Thuribulum tradit Diacono dexterâ. Tum facta in loco genuflectione, descendit in planum ad cornu Epistolæ, ibiq; conversus ad Altare, expediat finem incensationis. Deficiente verò Cæremoniario, amovet Librum cum Cussino de Altari, reposita prius Naviculâ supra Credentiam, & finita prima incensatione in cornu Epistolæ cum debitis genuflectionibus reponit eundem Librum; descendendo autem in planum non longe se removeat, sed prope gradus consistat.

12. Terminata incensatione Celebrantis, recipit thuribulum à Diacono, à dextris eius stans, & magis retro, illudq; reportat in Sacristiam, & redit in pristinum locum ubi permanebat sub tempus Confessionis. Ad finem Epistolæ procedit ad Sacristiam, præparat thuribulum, cum Naviculâ, & dum Celebrans legit Evangelium, accedit ad cornu Epistolæ in planum, finito Evangelio ascendit ad Altare, genuflectit, ministrat Naviculam & thuribulum, ut initio Missæ. Imposito, ac benedicto thure, receptaq; Naviculâ manu sinistra, descendit ad locum suum, tenens thuribulum, & eandem Naviculam, facta prius in loco genuflectione. Post acceptam Diaconi benedictionem accedit ad medium, & collocatis omnibus ad Evangelium consistit post Diaconum, quasi ad dexteram eius, in proportionata tamen distantia, ne impediatur illum fumo in canendo Evangelio, ideoq; leniter ducit thuribulum semiapertum.

tum. Et cum Diaconus dixerit: *Initium vel Sequentia S. Evangelii secundum N.* statim thuribulum clausum tradit Diacono ad dexteram eius, receptumq; iterum elevata catenula agitatur, genuflectit cum Diacono, quando opus est versus Altare, & inclinat se etiam cum eo.

13. Decantato Evangelio Thuriferarius accedit ad medium Altaris omnium primus, ubi facta cum aliis, genuflexione, erectus tradit dextera thuribulum Diacono, statq; quasi a dextris Diaconi, parum tamen retro, incensato Celebrante recipit thuribulum de manu Diaconi, genuflectit iterum, illudq; reponat in Sacristiam, ac statim redit ad locum suum, in quo confortat se Celebranti, & cum eo genuflectit ad *ψ. Et incarnatus est.* Si vero non dicatur Symbolum, incensato Celebrante, agitatur thuribulum in loco suo, ne ignis extinguatur.

14. Dum Celebrans offert Hostiam, Thuriferarius parat thuribulum, ac Naviculam, & cum dicit: *Veni Satisfactor Es.* post oblationem Calicis, accedit ad Altare, cum solitis reverentiis, ibiq; ministrat Naviculam, & thuribulum, ut supra, & statim facta benedictione incensi, tradito thuribulo in manus Diaconi, factaq; genuflexione, descendit in plarum, ibiq; ad Altare conversus permanet in cornu Epistolæ. Si non adsit Cæremoniarius, naviculam locat in Credentia, vel aliquo loco competente, & transit per planum ad cornu Evangelii, non omitta in medio genuflexione, accedit itaq; per gradus laterales ad Librum, genuflectit sumit Librum cum cussino, descendit in plarum, & tenet illum propè cornu Evangelii; Incensato eodem cornu Evangelii, mensæ Altaris, ascendit, reponit Missale cum cussino, genuflectit, descendit per gradus laterales, & eadem via per planum, accedit ad cornu Epistolæ, ubi sumpta Navicula, stat post Diaconum incensantem Celebrantem.

15. Prograditur postea cum Diacono, & in medio plani post eum genuflectit, deferens secum Naviculam dextra, sinistra intra pedus posita. Si in thuribulo fumus deficiat, imponit incensum simpliciter, ita, ut sufficiat pro tota thurificatione. Diacono accedente sive ad D. Abbatem, sive ad Chorum, Thuriferarius comitatur eum, procedendo ad sinistram, & dum incensat Diaconus, ipse retrahit se tunc post eum. Cui Diaconus facit reverentiam, huic etiam simul Thuriferarius facere tenetur. Postquam Chorus incensatus fuerit, factis ei hinc, inde cum Diacono reverentiis, redit cum eo ad Altare, ibiq; facta genuflexione, retrahit se, & quasi ad dexteram transit, dum Diaconus Subdiaconum incensat. Quo thurificato, recipit statim

thuribulum, ac consistens in eo loco, in quo Diaconus steterat, eundem Diaconum ad 2. gradum Altaris ascendente, & ad se conversum, incensat bino ductu, cum debitis inclinationibus ante, & post. Tum constitit in medio post Subdiaconum, & faciens genuflexionem, conversos ad se: Cæremoniarium, si adest, & Ceroterarios, unico quemlibet ductu incensat, absq; inclinationibus, incensati tamen debent inclinare caput. Finita incensatione, & facta genuflexione Altari, revertitur in Sacristiam, cum thuribulo, & Navicula, ibique parat ignem pro elevatione.

16. Finito Memento vivorum, accedit Thuriferarius ad Altare, & genuflexus in plano ante medium Altaris, accedit ad infimum gradum cornu Epistolæ, in quo genuflexus, immisso per seipsum, vel per Cæremoniarium incenso in thuribulum, sine benedictione, & Navicula prope se deposita, ter incensat SS. Sacramentum in utraq; elevatione, tam scilicet Hostiæ, quam Calicis, profunde se inclinando ante, & post incensationem. Surgit postea, & in eodem loco genuflectit, resumptaq; navicula recedit in Sacristiam, genuflectens in medio, reportat thuribulum, & naviculam. Exit demum de Sacristia manibus ante pectus junctis, redit ad locum suum, ubi stat, vel genuflexus manet, prout Ceroterarii.

17. Absente Cæremoniariorum, accedit Thuriferarius ad Altare, sub finem Orationis Dominicæ, ibiq; Velum oblongum à Subdiacono recipit ambabus manibus, desert ad Credentiam, plicat illud ac reponit. In accessu tamen, & recessu ab Altari semper genuflectit. Cum dicitur *Agnus DEI* &c. genuflexus in loco suo percutit sibi pectus, ut alii. Cum data est Pax deficiente Cæremoniariorum, comitatur Subdiaconum ad sinistram, genuflectens, aut alias faciens inclinationes prout Subdiaconus. Ad Communionem Celebrantis profunde se inclinat in loco suo, ac percutiendo ter pectus, dicit cum Celebrante submissa voce: *Domine non sum dignus* &c. Ad orationes stat, vel genuflectit, prout Ceroterarii, vel Chorus. Ad benedictionem manet genuflexus, signans se cum aliis. Ad Evangelium erigit se, & stat.

18. Completa Missa, & facta cum aliis genuflexione, ut initio Missæ, præcedendo Ceroterarios, manibus junctis, & nudo Capite, non omissis tamen debitis D. Abbati, (si adsit) & Choro reverentis, redit in Sacristiam, ibi facta Crucis, & Celebranti profunda reverentia, adjuvat Ministros Sacros paramenta sua deponentes. Deficiente Cæremoniariorum, dum terminatur
ulti.

ultimum Evangelium accipit Birreta Celebrantis, & Ministrorum, eaq; desert ante gradus Altaris, ubi genuflexis omnibus, porrigit Diacono Birretum Celebrantis prius, tum eidem Diacono ipsius, ac Subdiacono pariter illius. Initio vero Missæ, quia Thuriferarius est impeditus, in defectu Cæremoniarii. Diaconus, & Subdiaconus sua, & Celebrantis Birreta debent tradere Acolythis, prope consistentibus, & candelabra deponentibus, qui recipientes, collocant ea in loco congruo, & non in Altari, aut gradibus Altaris. Insuper absente Cæremoniario, Thuriferarius circa finem Orationis, quæ immediate dicitur ante Epistolam, accepto de Credentia Libro Epistolarum ambabus manibus, eundem tradit Subdiacono, eo modo quo Cæremoniarius, cum mediocri inclinatione eumq; postea comittitur ad locum Epistolæ; cætera peragit respectivè, sicut ipse Cæremoniarius, si non est impeditus.

19. Celebrante D. Abbate in Pontificalibus, imponitur, & benedicitur incensum in sede ante Evangelium, & tunc Thuriferarius accedens cum trina inclinatione ad sedem, tradit Naviculam Presbytero assistenti, ipseq; ministrat genusflexus thuribulum ad imponendum, & benedicendum incensum. Si vero ad Altare, ut initio Missæ, & ad Oblata imponendum est tunc in thuribulo; Thuriferarius dictam Naviculam præbet Diacono, & ipse thuribulum apertum sustinet, donec imponatur, & benedicatur incensum. Ad Vesperas Pontificaliter celebratas, initio Cantici *Magnificat*, ministratur incensum in folio, & incensato ad Vesperas Altari, Thuriferarius recipit Thuribulum ab Assistente Presbytero, quod eidem reddit, cum accesserit ad infimum folii D. Abbatis gradum, elevando extremitatem Pluvialis Archidiaconi, dum ab eo D. Abbas incensatur. Tum receptum thuribulum tradit Diacono, cui ad incensationem Archidiaconi, Chori, & Subdiaconi assistit. His incensatis, recipit à Diacono thuribulum, & eundem Diaconum in loco suo consistentem duplici ductu thurificat, deinde reliquos minores Ministros more solito incensabit, non omittendo debitam D. Abbati, Altari, & Choro in transitu reverentiam.

20. Ut succindè sciat Thuriferarius quando, & cui tradere debeat Naviculam ad imponendum & benedicendum incensum à D. Abbate in Solemnitatibus Pontificaliter celebratis, breviter habeat notanda: 1. Ante Missam, antequam procedat D. Abbas ad Altare, in Sacristia, tradit Naviculam Presbytero Assistenti, ut D. Abbas sedens in baldistorio imponat tunc. 2. Initio Missæ ad Altare porrigit naviculam Diacono. 3. Ante

Evan-

Evangelium in folio, Archidiacono eandem Naviculam tradit. 4. Post offertorium ad oblata incensanda, ministrat Diacono dictam Naviculam, thuribulum vero semper ipsemet Thuriferarius ministrat, & nunquam Subdiaconus, aut alius. Si D. Abbas paratus adfuerit Missæ Solemni per alium Celebratæ, scilicet Rochetto, & Mozzetta indutus, ac prope Altare confideat, ministrat Thuriferarius incensum, cum Diacono, ad sedem ejusdem, quod pariformiter in Vesperis solemnibus observandum erit.

21. In Missis Defunctorum, initio Missæ Thuriferarius non portat thuribulum, sed tantum procedit suo ordine ante omnes, manibus ante pectus junctis, nudo capite, & genuflexus ad cornu Epistolæ, confessionem cum Celebrante facit. Ad orationem, seu plures genuflectit in eodem loco. Si Cæremonarius desit, ministrat Librum Subdiacono, & eum comitatur ad Epistolam. Qua finita, post factam genuflexionem in medio ab eodem Subdiacono, Librum recipit, ac retinet ambabus manibus, donec tempus fuerit tradendi illum Diacono. Ad Evangelium non procedit cum aliis, nisi vices gerat Cæremonarii, quia tunc stando post Diaconum, finito Evangelio, recipit Librum à Subdiacono, atq; post factam genuflexionem in medio, reponit eum super Credentiam. Ad oblata ministrat de more Naviculam, & Thuribulum, quod incensato Celebrante recipit, & deiert in Sacristiam, paratq; ignem, ne extingvatur.

22. Dicto à Celebrante *Sandus* procedit ad Altare, portans thuribulum & Naviculam, ubi genuflectit, & accedit ad cornu Epistolæ, ibiq; porrigit Naviculam Subdiacono, ut stans thus imponat, postea recepta Navicula tradit genuflexo Subdiacono thuribulum, ut incenset SS. Sacramentum, ipse quoq; Thuriferarius manet genuflexus in plano prope eundem Subdiaconum. finita elevatione recipit thuribulum, quod statim cum Navicula reportat in Sacristiam; ubi curat, ut ignis pro absolutione (si facienda est) non deficiat. Redit ad Altare, manetq; genuflexus, usq; ad *Pax Domini &c.* Non percutit pectus ad *Agnus DEI &c.* sed tantum ad *Domine non sum dignus &c.* profunde inclinatus, sicut ad Communionem Celebrantis. Ad Orationes genuflectit. Dum dicitur ultimum Evangelium, parat ignem in thuribulo, pro absolutione faciendam.

23. Ad absolutionem deiert thuribulum ante Crucem, facta prius Altari genuflexione, cum socio suo portante vas aquæ benedictæ, à sinistris ejus: & cum pervenerit propè caput Lecticæ, seu catri doloris, relinquens Subdiaconum cum Cero-

sera-

ferariis, accedit ad pedes Lecticæ, ubi post Celebrantem retro locat se, quasi ad sinistram ejus. Cum cantatur ultimus Responsorii y. facta genuflexione Altari, porrigit Diacono Naviculam, & stat à dextris ejus ante Celebrantem, cui ministrat thuribulum, ut in illud thus imponatur. Recepta navicula, genuflectit versus Altare, & recedit ad priorem locum. Facta Aspersione feretri à Celebrante, tradit thuribulum Diacono, & post incensationem Lecticæ illud recipit. Si faciendâ sit sepultura, thuribulum agitat, ne ignis deficiat pro loco sepulturæ. Dicto per Cantores: *Requiescant in pace*, ordine, quo venerat, recedit in Sacristiam.

24. In Exequiis Sepulturæ eadem peragit Thuriferarius, quæ supra, sed cum post Orationem Corpus ad locum sepulturæ deferretur, ipse præcedit iterum Crucem, constituitque post Celebrantem ut supra pro situ loci, proportionaliter tamen ut prius. Et cum, post canticum *Benedictus*, repetitur Antiphona porrigit naviculam, & ministrat thuribulum, postea recepta Navicula, tradit thuribulum Diacono ad incensandum corpus, quando opus est. At verò si desit Diaconus, ipse Thuriferarius tradit Celebranti Naviculam, & ministrat thuribulum, postquam impositum incensum fuerit, porrigit dictum thuribulum Celebranti, sine osculis, prius tamen asperforium, & tam ad conspersionem feretri, quam ad incensationem comitatur Celebrantem, elevando Piviale ejus à dextris, genuflectens Cruci, & Altari, & in altis ministrat sicut Diaconus, quando non est impeditus.

25. In Processionibus SS. Sacramenti duo Thuriferarii, cum duobus thuribulis assistere debent, quantum fieri potest, ut præcipit Rubrica Missalis, præsertim autem in Fello Corporis Christi, & in conclusione devotionis 40. horarum, præter Feriam V. in Cæna Domini, ac Feriam VI. in Parasceve. Et tunc ambo Thuriferarii procedunt, moventes continuo, & tractim, manibus dextris sua thuribula, fumantia, altera manu cum Navicula pectori apposta, quasi sternendo viam SS. Sacramento cum odore incensi. Advertant tamen, ne terga vertant SS. sed procedant quasi lateraliter, facie quasi ad invicem versa. In aliis vero Processionibus, unus debet esse Thuriferarius, qui præcedit Crucem, portans thuribulum dextera, sinistra vero Naviculam, æqualiter elevatâ usque ad pectus. Quod si contingat fieri aliquam solemnem translationem Reliquiarum, possunt etiam adhiberi duo Thuriferarii, qui pariter, ut superius dictum est, incedere debent, & continuo fumigare.

Decretum S. R. C.

Non licet Clericis ministrantibus thuribulum, seu naviculam Canonice Celebrantibus genu illis flectere, sicut fit Episcopo. S. R. C. 4. Aprilis 1699. in una Burgi S. Sepulchri.

C A P U T VII.

De Officio Ministrorum ad Pontificalia.

Quia ex Decreto S. R. C. 27. Septembris 1639. emanato, & ab Alexandro VII. Pont. Max. approbato, DD. Abbatibus concessum est, quod præter Sacrificii Ministros, Diaconum nempe Evangelii, & Subdiaconum Epistolæ, duo alij adhuc Diaconi cum Salmaticis, & unicus Presbyter cum Pluviali, assistere debeant, duo insuper Capellani pro Mitra, & Baculo, & totidem Acolythi pro Candelabris, inservire teneantur; Præterea sex Monachi, duo scilicet Pluvialibus, duo Planetis, totidemq; Tunicellis induti, Divinis hujusmodi assistere valeant; ideoq; necessarium judicavi reliquos ministros instruere, quid agere debeant in tali assistentia, ne loco devotionis augendæ, augeatur distractio Prælato, & magna ad invicem perturbatio. Et cum reliqui 6. Assistentes non sunt in usu, in Regno nostro, ideoq; in locum eorum potius sunt assignandi tres Cottis induti, unus scilicet ad Gremiale, sed tantum pro Missa, & non pro Vesperis, aut alio actu Ecclesiastico, & alter ad candelam parvam, quæ vulgo dicitur Bugia, ac tertius Capellanus de Libro, & hic Cotta solum indutas absq; stola. Itaq; ut quilibet sciat rite suum Officium explere, de singulis agere intendimus. Sit itaq;

§. I.

De Diaconis Assistentibus.

I. **D**iaconi Assistentes, Episcopo ministrantes, quia semper sunt Canonici, ideo in magna prærogativa habentur, maxime cum incensari statim post Presbyterum Assistentem, & pacem accipere ab Episcopo ante Diaconum Evangelii, jubentur, quia tamen similem gradum habere non possunt

sunt, nec etiam similem præminentiam attribuere his valeamus. Si ergo D. Abbas Celebret, Diaconi assistentes, saltem in majoribus ordinibus constituti esse debent, non tamen in minoribus, qui capientes Amictum, Albam, Cingulum, absq; stolis, & Manipulis, utuntur Dalmaticis. Locus eorum erit post Diaconum Evangelii, & Subdiaconum Epistolæ, juxta mentem *Cærem: Monasti: Congr: Ravar. in addit. §. 2.*

2. Diaconorum Assistentium Officium est hinc inde ad latera D. Abbatis assistere, præsertim in sede, eiq; Mitram, cum Subbireto, quando Diaconus Evangelii impeditus est imponere, & extrahere. Item gremiale porrigere, & auferre, folia Libri vertere, ubi legenda sunt, manu transversa, & non indice solo monstrare, & quando opus est Baculum Pastorale acceptum à Ministro offerre. Dum D. Abbas Pluviali indutus, sive ad Altare, sive in Processione incedit hinc, inde comitari eum, nudo capite, fimbrias anteriores Pluvialis elevare, debent. Quando D. Abbas apud sedem suam elevat dexteram e. g. se signando, toties Diaconus à dextris parum elevat Pluviale à lacere suo. Cum autem elevat ambas manus, e. g. quando est aliquid lecturus, ambo Diaconi, hinc inde elevant fimbrias Pluvialis. Celebranti autem D. Abbati Missam, quia non habet Pluviale, sed utitur Planeta, non est necessarium fimbrias elevare, sed ei servire in aliis necessariis, & specialiter in ponendo, & auferendo Mitram. Hoc autem sciendum, quod Diaconus assistens à dextris vocatur Diaconus 1mus, & qui assistit à sinistris, appellatur Diaconus 2dus.

3. Ad Vesperas dum Sacris Paramentis Pontificalibus induitur D. Abbas, ipsi suo vestiti apparatu, adjuvant eum; Diaconus 1mus hos imponit Mitram D. Abbati in Sacristia, quia Diaconus Evangelii non est impeditus, ad quem primario, & principaliter pertinet, tam imponere, quam auferre. Procedendo ad Altare, incedant à lateribus D. Abbatis, elevantes fimbrias Pluvialis, nudo tamen capite. Venienti ad sedem suam D. Abbati Diaconus Assistentis 1mus Mitram auferet, & 2dus Baculum Pastorale recipiet. Quando D. Abbas dicit: *DEUS in adiutorium* &c. signando se, Diaconus Assi: 1mus elevat partem Pluvialis dexteram, sua sinistra, & dextera seipsum signat. Ad inchoationem primi Psalmi, sedenti D. Abbati Diaconus assi: 1mus imponet Mitram, & Diac: assi: 2dus adaptat vitras ejusdem Mitræ, postea uterq; à parte sua adaptat super genua D. Abbatis extremitates Pluvialis, & non Gremiale, quia illud tantum ad Missam ministrari debet.

4. Ad Capitulum surgente D. Abbate; & ipsi stant, responsi; à Choro *DEO gratias*. Dicit: ass: 1mus, auert Mitram, dicto V. dñm Antiphona canitur in Choro ad *Magnificat*, sedenti D. Abbati Diac: ass: 1mus imponit Mitram, & Diac: ass: 2dus porrigit Baculam, Tum benedicto in sede incenso, Diaconi assistentes comitantur D. Abbatem ad Altare procedentem, elevantes simbrias Pluvialis; ubi etiam dictas simbrias Pluvialis elevant, dum D. Abbas incensat Altare. Descendentem D. Abbatem eodem modo comitantur ad sedem. Postquam ab Archidiacono incensatus fuerit D. Abbas, Diac: ass: 1mus auert ei Mitram, Dicit Diaconi assistentes incensantur post Subdiaconum Epistolæ juxta *Cærem; Barar*:

5. Finito Cantico *Magnificat*, Diac: ass: 2dus recipit Pedum, & tradit ministro de eo. Ad Orationem Diac: ass: 1mus vertit folia, si opus est, & Diac: assit: 2dus indicat orationes dicendas. Dicto *Benedicamus Domino*, & responso à Choro *DEO gratias*. Diac: assistens 1mus Mitram D. Abbati imponit, & Diac: ass: 2dus tradit Baculum Pastorale, eodemq; modo in regressu ad Sacristiam comitantur Eum, quo in egressu. Si vero ad Completorium solemne inserviant, omnia pariter observare tenentur, quæ in Vesperis. Ad Matutinas etiam Laudes possent quidem inservire, sed nulla hujus videtur necessitas.

6. Ad Missam solemnem Pontificalem pariter induti Dalmaticis, sicut supra diximus, parato D. Abbate, procedunt ad Altare hinc, inde, à lateribus D. Abbatis, manibus ante pectus junctis, nudo capite, & facta reverentia Altari, Diac: ass: 1mus stat post Præbyterum assistentem, & Diac: ass: 2dus post Diaconum Evangelii. Non auferunt Mitram, quia Diaconus Evangelii non est impeditus. Permanent autem in supradicto loco, donec D. Abbas Altare thurificaverit. Ad finem incensationis Altaris Diac: 1mus accepta à ministro Mitra, facta Altari reverentia accedit per planum ad cornu Epistolæ, ubi imponit Mitram D. Abbati, ut incensetur cum ea. Post incensationem comitatur uterq; D. Abbatem ad sedem accedentem, facta prius genuflexione Altari.

7. Venienti ad sedem D. Abbati deponit Diac: 1mus Mitram, antequam legat Introitum. Ad *Kyrie* alternatim respondent, quo novies repetito Diac: 1. iterum Mitram imponit, & Diac: 2. Gremiale super genua extendit. Decantato à Choro *Kyrie* Diac: 2. auert gremiale, & Diac: 1. Mitram. Et cum D. Abbas dicit: *Gloria in excelsis* &c: illud submissa voce simul & non alternatim dicunt, quo finito ab eis,

eis, Diaconus 1. Mitram imponit D. Abbati, iam sedenti, quod semper observare debet, quando est sessurus D. Abbas, & Diaconus 2. expandit Gremiale. Sedente D. Abbate, si habent parata scabella, sedebunt, sicut & ad *Kyrie* quando à Choro caneatur.

8. In fine Hymni Angelici Diaconus 2. aufert Gremiale, & Diaconus 1. Mitram, atq; etiam subbiretum, complanatq; capillos, subbiretum vel penes se retinet, vel ministro de Mitra tradit custodiendum. Dum D. Abbas dicit *Oremus* Diaconus 1. ostendit ei dicendam Collectam, & folia (si opus est) vertit. Finita Oratione, vel pluribus, Diaconus 1. imposito subbireto, imponit & Mitram, & Diaconus 2. Gremiale extendit, qui advertere semper debet, ut vittæ Mitræ à tergo pendentes, recta pendeant, quas aptare tenetur.

9. Dicto Graduali vel Tractu Diaconus 2. aufert Gremiale, ac Diaconus 1. Mitram cum Subbireto, Perlecto à D. Abbate Evangelio, sedenti imponunt Mitram cum Subbireto, & Gremiale, ubi data Diacono Evangelii benedictione non depouunt Mitram quousq; non fuerit terminata Symphonia. Procedente Diacono Missæ ad decantandum Evangelium, Diaconus 2. aufert Gremiale, & porrigit Baculum Pastorale, Diaconus 1. aufert Mitram cum Subbireto. Finito Evangelio, ac incensato D. Abbate Diaconus 2. recipit Pedum, & tradit ministro de eo, Symbolum recitant Submissa voce simul, ad quod genuflectunt cum D. Abbate, eius aliquomodo etiam brachia sustentant.

10. Dicto à D. Abbate Symbolo Diaconus 1. imponit Subbiretum & Mitram, & Diaconus 2. Gremiale, sedentq; in scabellis suis. Ad γ. *Et incarnatus est* Diaconi Assistentes profunde se inclinant sedentes; si vero non sedent, genuflectunt in loco suo. Finito à Choro Symbolo auferunt Gremiale, & Mitram. Recitato Offertorio D. Abbas sedet, & illi imponunt Mitram, & Gremiale, ad lavandas manus. Tum extracto ab Archidiacono Annulo, accedunt Diaconi Assistentes, & unus dextram, 2dus sinistram extrahit Chirothecam, quas super pellicula positas Ministro de Gremiali tradunt ad Credentiam reportandas. Lotis ac tersis manibus Diaconus 2dus aufert Gremiale traditq; Ministro de eo, pariter ad Credentiam reportandum.

11. Procedente D. Abbate ad Altare, comitantur eum ut prius, & consistunt in locis suis in plano ante Altare, habentes in medio sui Subdiaconum, ut ad Confessionem stabant.

bant. Finita incensatione Altaris Diaconus 1. acceptam à Ministro Mitram, cum debitis reverentijs Altari, desert per planum D. Abbati imponendam, quam lotis, ac tersis manibus aufert cum Subbireto, traditq; Ministro de ea, & ipse redit ad locum suum. Revertente à Chori incensatione Diacono Evangelii, ipsi se convertant faciebus quasi ad invicem, ut incensentur ab eo, cui ante, & post facient reverentiam. Si sunt Presbyteri ante Subdiaconum thurificari debent, si vero in majoribus ordinibus tantam, multo magis minoribus initiati, post Subdiaconum Epistole debent incensari. In loco suo consistunt immobiles, & non nisi tantum ad elevationem Hostiæ, & Calicis genuflectunt in loco suo, ac postea statim erigunt se, & stant.

12. Postquam Archidiaconus sumpserit Pacem à D. Abbate, descendit in planum, & Diaconus 1. appropriat se ei, accipit ab eo Pacem, & recedente ad Librum Archidiacono, eam socio suo, seu Diaconus 2do tribuit eo modo, quo acceperat; tum redeunt ad loca sua & manent stantes. Si facienda sit Communio, & eam volunt accipere, accedent ad eam sumendam post Diaconum, & Subdiaconum. Si autem sint Presbyteri, & vellent Communicare, ut in die Cænæ Domini, tunc ante Diaconum Evangelii accedere debent. Si non communicabunt, accedent ad latera Altaris, & hinc, inde collocabunt se in plano, ut non impediant alios communicantes. Finita Communione redeunt ad loca sua.

13. Completa Missa D. Abbatem comitantur ut initio ad Sacristiam, sacrasq; Vestes deponentem adiuvant, ipsi pariter postea suis depositis Paramentis, recedunt in pace. In quibusdam alijs Officijs non solent assistere, ut ad Missam pro defunctis, aut ad Absolutionem, vel ad Ordinationem. In Processionibus quibuscumq; etiam cum SS. Sacramento regulariter procedunt à lateribus D. Abbatis Celebrantis, elevantes fimbrias Pluvialis ejus, nunquam tamen Candelas in manibus teneant.

14. Diaconi Assistentes non habent hic expressos adus reverentiales, quos Altari, D. Abbati, & Choro exercere deberent, quos accurate facient, si considerabunt attente in alijs. Hoc specialiter tamen notandum venit, quia in accessu ad sedem, à lateribus quasi expectare debent junctis manibus inclinati, & D. Abbate ascendente ad Sedem, ipsi postea accedent ad latera ejus. Pariter cum recedere debeant à se-

de cum D. Abbate, tunc illi prius ante sadem constituti profunde se inclinant, quasi invitarent ad Altare. Alios etiam actus reverentiales ipsa præminencia Pontificalium indumentorum exposcit.

§. 2.

De Officio Capellani de Libro.

1. **M**inister, seu Capellanus de Libro præ omnibus curabit, ut Liber quem ipse custodire debet, signaculis sit rite dispositus, quo prius revident, ne cum aliquid erit dicendum indecenter huc, illuc folia vertere cogatur. Acolythus verò de Candela, quæ vulgo vocatur Bugia (si inserviet;) semper respiciet dictum Capellanum, de Libro, à quo nunquam recedet, sed à sinistris eius stans, lucebit quandocunq; D. Abbas aliquid legerit, vel Cantaverit, licet sit clara dies.

2. Cum utendum erit Libro, Capellanus de eo una cum dicto Acolytho, facia Altari genuflexione, & D. Abbati profunda reverentia, ad ipsum accedens, eundem Librum apertum ambabus manibus ab interiori parte, ante faciem eius, supra Caput suum sustinebit, genuflexus quidem in gradibus cum D. Abbas sedebit, stans verò ipso stante. Regulariter autem stare debet, nec tunc loco se movere, nec genuflectere cum aliis, nam legile immobile tunc representat. Cum recedendum erit, prius Librum claudit, mox facia D. Abbati reverentia ad locum sibi designatum, à sinistris sedis Abbatialis, cum Libro clauso, ante pectus sustentato, redibit.

3. Paramenta sumet non alia, quam Superpelliceum, sive Cottum absq; tamen stola, quia omnino dedecet, ut illud Sacerdotalis præminentiæ signum in ministro appareat. Cum Presbyter assistens Librum supra caput sustinet, quemadmodum ad Orationes in Vesperis, & Missa, ipse Capellanus stans à sinistris D. Abbatis adjuvat ipsum Archidiaconum, sustentans à latere eundem Librum. Et cum D. Abbas intonavert e. g. *Gloria in excelsis Deo*, statim Capellanus recipiet Librum de manibus Archidiaconi, & solus ad cætera quæ plane dixerit sustinebit ad finem. Quod pariter ad Symbolum servandum est.

4. In Ordinationibus, Consecrationibus, benedictionibus, exterisq; actibus publicis, cum Pontificalibus exercitiis inservi-

re debet, quia quidquid ex Libro tunc legit, Capellanus de eo ministrare tenetur. Ideoq; si D. Abbas conversus ad circumstantes aliquid legit, Capellanus Librum supra caput sustinet, ita, ut non impediatur alloquentem, aut benedicientem; sed quasi ad latus Epistolæ consistat, ut commodius D. Abbas legere, & operari, quæ intendit, valeat; faciem tamen suam habeat conversam ad faciem D. Abbatis. Quando D. Abbas accedit, vel recedit, Capellanus de Libro semper eum sequi debet.

§. 3.

De Officio ministri de Mitra.

1. **Q**uoties D. Abbas solemniter in Pontificalibus est Celebraturus, semper Acolythus de Mitra inservire debet, Cotta indutus, & velum oblongum omnino habeat, quod de collo pendeat, quo Mitram capiet, & sustinebit, ne illam manibus nudis tangat. Poterit etiam ob rationem solemnitatis, dictus Minister de Mitra uti Pluviali, non tamen sine specificato velo oblongo.

2. Cum Mitram recipit & sustinet, advertat, ut vittas versus se teneat pendentes. Et cum contigerit super Credentiam, vel Altare eam deponere, vittæ semper exterius pendeant. Cum dictam Mitram præbet Diacono, vel alteri, qui eam D. Abbati imponere velit, tali modo eam præbeat, quo illam facile posset D. Abbati imponere, & similiter advertat, ut facile ab eodem, dum ipsam amovet, debeat recipere. Sustinet autem eam elevatam, ante pectus, modo recto, non transverso, nec pectori appositam, sed in proportionata distantia, quasi in aere pendulam.

3. Mox ut mitram recipit ab aliquo, statim facta D. Abbati profunda reverentia, ad locum suum redit, non longè tamen à sede distare debet, quinimo à dextris Diaconi Assistentis imi locum continuò habeat, ut ei sit præsto, cuius muneris est imponere, & auferre. Circa quam materiam informabit scheda per litteras expressa, in utroq; loco, tam ad Altare, quam ad sedem. ubi Minister de Mitra signatus est per Litteram: M. Si D. Abbas processerit ad sedem ab Altari, aut à sede ad Altare, sequetur eum in comitatu Ministri de Baculo, vel etiam remanebit, prout Mag. Cærem: disponet, & altera fig. demonstrat,

4. Procedendo de Sacristia ad Altare, aut ab eo rever-
tendo, ordinariè post D. Abbatem incedere debet, & non an-
teire eum, ut docet Cærem: Episc: L. 2. c. 8. In processione
verò Solemni maximè cum SS. Sacramento, procedit ante
Subdiaconum Epistolæ, habens socium à sinistris Ministrum de
Baculo. Pileoli, seu subbireti dictus Acolythus de Mitra cu-
ram semper habeat, & ipsum prius Diacono porrigat, ante-
quam Mitram. Ut autem locus altéfato Subbireto præfigatur,
ordinarie inter cornua Mitræ apponi debet, ut citius extra-
hi & imponi possit.

§. 4.

De Officio Ministri de Baculo Pastoralis.

x. SI D. Abbas in celebratione sua utitur Mitra, etiam
& Baculo Pastoralis, seu Peco, uti debet; exceptis
tantum, Missa de Requiem, Processionibus pro Defunctis, & ab-
solutione ad castrum doloris, aut sepultura: Quia cum Bacu-
lus Pastoralis significet jurisdictionem, & hæc se non extendat
ad animas Defunctorum, ideo absq; eo Celebrandum est.

2. Celebrante D. Abbate de Festo, vel de Dominica, mi-
nister, seu Acolythus de Baculo, indutus Cotta munda, & ali-
quoties propter Solemnitatem Pluviali, conformiter ministro de
Mitra, inservire debet. Velum etiam oblongum a collo pen-
dens habere potest, ne nuda manu dictum Baculum Pastoralem
tangat.

3. Quando Baculum Pastoralem tenet, non una manu,
sed ambabus manibus rectis Velo sustentare debet. Consistit or-
dinariè propè Diaconum assistentem 2dum, scilicet ad sinistram
D. Abbatis, tam ad Altare, quam ad sedem, ut per eum por-
rigat quando opus est. In Processionibus præsertim cum SS.
Sacramento regulariter procedit à sinistris ministri de Mitra,
ante Subdiaconum Epistolæ, tenens Pedum, seu Pastorale ele-
vatum parum a terra, ac si Crucem deferret, non tamen illo
sustentari potest, quia Ministri portantis, & non iurisdictio-
nem habentis, officium explet.

4. Procedendo D. Abbas cum Baculo Pastoralis, è Sa-
cristia ad Altare, ab Altari ad Sedem, à Sede ad Altare,
& ab Altari revertendo in Sacristiam, licet propter expositum
SS. Sacramentum, procedat sine Mitra, semper tamen cum
Baculo, ideoq; Minister de eo advertere debet, quando por-
rigere dictum Pedum teneatur.

5. Porrigit insuper ad Cantica *Magnificat*, & *Benedictus*. atq; ad Evangelium dum cantatur à Diacono, deniq; ad benedictionem Solemnem in fine Missæ, vel Vesperarum porrigere debet. Non tamen ad *Orate fratres*, aut ad *Pax vobis* post Hymnum Angelicum, quia hoc est expresse contra *Cærem: Episc:* Quando porrigendus est dictus Baculus Pastoralis, ita converti debet, ut dum acceperit D. Abbas, in manibus ejus pars illa curva, seu inflexa Superior respiciat populum. Ideoq; sustineat ipse miniter ita, ut dicta pars superior incurvata respiciat brachium ejus sinistrum. Ita præmonet *Paris Crassus L. 1. c. 3.*

§. 5.

De Officio Ministri de Gremiali.

1. Celebrans D. Abbas Pontificaliter, quando Plane-
ta utitur, scilicet ad Missam, tunc tantum Minister de Gremiali est necessarius, quia in Missa eo tantum D. Abbas utitur, & nunquam extra Missam, neq; ad Vesperas, nec ad alios actus, quia tunc utens Pluviali, ejusdem Pluvialis extremitatibus genua conteguntur, alias expresse esset, contra mentem *Cærem: Episc:* ubi præscribitur ut ad solam tantum utatur Missam. Quodq; Gremiale poterit esse coloris Paramentorum.

2. Minister de Gremiali Cotta sola indutus esse debet, absq; Pluviali, alias esset nimis abusus. Hocce Gremiale ambabus manibus tenebit complicatum, & quando opus erit, tradet illud Diacono Assistenti 2do, ideoq; locum, prope eum habebit ut videre est in scheda superius P. 2. c. 1. n. 8. expresse, sub Literâ G. habens suum locum.

3. Hoc specialiter observandum est, ut prius D. Abbat imponatur Mitra, & postea Gremiale super genua ejus expandatur. Sed quando auferitur ei Mitra, prius Gremiale est auferendum ab ipso Diac: ass: 2do, & tradendum Ministri de eo, qui quoties illud Gremiale recipit, vel porrigit, toties profundam facere debet reverentiam, illudq; osculari. Ita *Castald. L. 1. tit: 5. c. 6.*

4. Utitur D. Abbas dicto Gremiali in Missa, 1. Quando sedet dicto *Kyrie*, usque ad *Gloria*. 2. Dicto à se *Gloria*, usq; ad finem, quando canitur à Choro. 3. Post Orationem, seu plures, ad Epistolam & Graduale seu Tractum, usq; ad *Munda Cor meum* exclusivè. 4. Post recitatum à se Evangelium.

lium, usq; ad decantatum à Diacono Evangelium: 5. Dicto Symbolo à se, quousq; in Cantu à Choro non finiatur. 6. Ad sermonem seu Concionem. 7. Dicto Offertorio dum lavat manus. Lotis ergo, ac terfis manibus Minister recipiens Gremiale, plicat illud, desert ad Credentiam, quia eo non est opus amplius. Pariter simul desert Chirothecas in aliqua Pelvicula argentea depositas ad Credentiam, quia nec iis opus est amplius. Ad Processionem Gremiale non portatur, sed reponitur, super Credentiam.

Decreta S. R. C.

1. Duo Diaconi assistentes, & non Presbyter assistens debent elevare fimbrias Pluvialis hinc inde, dum Episcopus progreditur, & thurificat Altare. S. R. C. 19. *Maii. 1607. in Pacentina.*

2. Assistentes Episcopo licet minus digni, præferuntur omnibus aliis, & ante Dignitates sunt thurificandi. S. R. C. 23. *Maii. 1603. in Nolana.*

3. Diaconi assistentes non tenentur, imo non debent inservire Episcopo de Bugia seu Candela, sed ea administranda est per Capellanum. 16. *Martii. 1628. in Ragusina.*

4. Capellani non tenentur Episcopo Pontificaliter celebraturo, deferre sacra Paramenta, nisi deficientibus Acolythis; actualiter vero Celebranti debent tenere Librum, & Bugiam. S. R. C. 3. *Martii. 1731. in Januam.*

C A P U T VIII.

De Officio Cæremoniarum.

1. Sicut ad bonum ordinem Officii Divini in Choro persolvendi, omnino necessarius judicatur ab omnibus Praefectus, seu Magister Chori, ita ad debite peragendas Cæremonias à Celebrante, & Ministris, tam in Missæ Sacrificio Celebrando, quam in aliis functionibus Ecclesiasticis, sive Ordinariis, sive extraordinariis, utilissimus agnoscitur Magister Cæremoniarum, sive (ut deinceps vocabimus) Cæ-

remonarius. Cuius peritia multum prodest in Ecclesia, eo quod omnia debito ordine, sine ulla confusione, vel perturbatione exequi possunt. Idcirco enim est Leges condere, nisi aliquis constituitur, qui sua industria studeat exacte observari.

2. Igitur in quolibet Monasterio curare debet Superior, ut ad tale Officium aliquis eligatur in Sacerdotali dignitate constitutus, qui aliis Vitæ, & morum gravitate præcellat, quique sit in Sacris Ritibus apprime versatus, nec non sacræ disciplinæ acerrimus Zelator, in omni actione, insigni quadam ratione observantiam eius demonstrans; cui omnes officarii in his sedulo pareant, & ex animo. Sit præterea ob omnibus occupationibus externis liber, ut uni soli Divino Cultui dirigendo religiosè, ritè, decrè, ac pro rei dignitate vacare valeat, graviter, & modèste in omnibus se gerat, ut omnibus devotionem pariat, ipseque ab omnibus commendari mereatur.

3. Et quia difficillimum esset, ut solus semper ministrare debeat, adiungatur ei socius ex Fratribus iunioribus, qui maiorem promptitudinem ad talia videtur habere, ut ab illo in omnibus practicè edoceatur, qui ordinaria munia Cæremoniarum explere possit, & valeat. Qui huic officio præficitur, perpendat apud se omnia, & singula Ecclesiastica munera, ad seipsum pertinere, quapropter omnibus istis provideat diligenter; & non ipso die, vel cum tempus urget actionum, sed aut pridie, aut citius, convocentur, qui ministraturi sunt, ut omnino ad præxim reducant debito ordine præscriptos ritus.

4. Antequam alios informabit, cuncta à se peragenda in aliquo loco privato sæpius prætentet, ut experiat, etiam simulatis gestibus, quæ, qualiterve ipse facturus, & docturus est, ut eius eruditio singulis proficiat. Sit patiens, mansuetus, ac humilis, nec illi sit grave juvare Ministros, si opus sit. Et cum aliquem monere oportet, id faciat modèste, submissa voce, ac solo nûxu, etiam levissimo, si fieri potest, demonstrans errata in ipso actu, si quæ committantur. Si sint graviora errata, & ministri errantes sola pertinacia in contra agant, silentio interim prætermittat, & de iis postea corrigendis Superiorem requirat.

5. Plura Officia Cæremoniarum, sparsim in diversis locis huius operis sunt assignata, quæ longum esset hic percurrere singula. Hoc tamen specialiter attendere debet, ut in motu suo ita modèste se gerat, atque omnibus suis actibus,

non præcipitanter agat, non discurrat velociter, nec caput volvat, aut manus agitet indecenter, convenit tamen ut eas aut junctas ante pectus teneat, aut saltem in modum Crucis unam supra aliam positam in pectore habeat.

6. In Processionibus omnes ordines dirigat, ne perturbentur; illiusq; curæ erit, ut gravi incessu, & pari passu, debitaq; distantia singuli ab utroq; latere procedant. De variis specialibus ritibus, ut de Hebdomada maio i, Exequiis, Sepulturis, Absolutione ad tumulum, ac aliis huiusmodi officiis, attente perpendat Rubrum, ac varios legat Authores; præsertim autem ad rite adimplendum officium suum, habeat præ manibus *Manuale Sacrarum Cærimoniarum P. Michaelis Bauldry Ord. S. Bened: Ecl: Cathedr: Malleacen. magni Prioris.* ex cuius informatione perfectissima, cognoscet obligationem muneris suæ exaratam.

Decreta S. R. C.

1. Magister Cærimoniarum non potest alterare, seu mutare consuetudinem circa præintonationem Antiphonarum ad Vesperas. S. R. C. 28. Aprilis. 1607 in *Sveffonen.*

2. Cærimoniarum Magister in Processionibus incedit apud Celebrantem, & eius Assistentes, & ubiq; discurret, quando opus est, pro ordinanda Processione. S. R. C. 8. Maii 1617. in *Patavina.*

C A P U T IX.

De Ministro Missæ privatæ.

1. **N**ON est mea mens, ut male suspicari valeam de viris Religiosis inservientibus Missæ privatæ, quasi ignorantes essent, suppono enim in ipsis indolem bonam; sed ut iuxta Regulas Rubri servitium suum peragant, quo commodius & Sacerdoti Celebranti, & attentioni debitæ Ministrantis providere possim, sequentia declarare præsumo. Specialiter Ministri Missæ attendere debent, quod vocentur ad Ministe-

riam Angelicum, ideoq; alacriter in Divinam intenti Maiestatem, toto Cordis affectu ad illud se præparent, ut fructum eius cum augmento gratiæ spiritualis consequi mereantur.

2. Hora designata Minister accedet ad Ecclesiam, ibiq; aliquantulum orabit; Accedendo ad Sacristiam, lavabit manus, dicens: si velit: *Fiat Domine Cor meum immaculatum: ut non confundar*, & addens Orationem: *Astiones nostras &c.* Deinde ornat se Cotta, seu Superpelliceo, vel Cuculla quod magis conveniret: indecens enim esset ministrare in ordinaria Velte, ad tantum sacrificium, cum ad alios actus, etiam minores, præcipiatur usus Cucullarum. Sic induus Minister, si non addit Sacellanus, ampullas mundas Vini, & Aquæ cum lance deferet ad Altare, in quo Celebraturus est Sacerdos, ubi non in ipso Altari, sed in loco remoto ab Altari, dictas Ampullas reponet, operculum Altaris removebit, mensam à pulvere expurgabit, & ad Sacristiam revertetur.

3. Venienti in Sacristiam Sacerdoti ministrabit aquam, & manutergium ad lotionem manuum, eumq; adiuvabit sacra Paramentamenta, stans à sinistris eius, singula decenter accommodans, & unum quodq; prius osculans, non omnino in medio, sed à latere, quod tradet osculandum Celebranti. Albam circumfereat ita aptabit, & elevabit, ne aut nimis defluat, aut nimis abbrevietur, sed decenter undequaque pendeat, & vestes contegat, ita, ut ipsius Albæ fimbria à terra non magis distet, quam ad altitudinem digiti. Attente prospiciat, an cuncta sint rectè circa Celebrantem disposita, & si quid sit corrigendum, corrigat.

4. Parato Celebranti Birretum porrigat, cum osculo ipse, Missale, quod signavit Sacerdos, capiat, apponendo manus angulis inferioribus ipsius, sinistram videlicet angulo Libri, qua parte aperitur, & ante pectus illud sustentans, faciat profundam Imagini, vel Cruci, quæ est in Sacristia, reverentiam, & postea Celebranti. Exeundo de Sacristia aspergat semetipsum aqua benedicta, & pulsata in egressu semel campanula, præcedens modestè Celebrantem tribus, aut quatuor passibus, incesu gravi, oculis demissis, procedat ad Altare, portans Librum ante pectus elevatum, & non pectori admotum.

5. Si in via occurrat ei aliquis Sacerdos paratus, recedens ab Altari, inclinatione Capitis Salutabit eum, & quisque procedet via sua a latere suo dextro. Si contingat transire ante majus Altare, in quo sit Tabernaculum SS. Sacramenti,

menti, genuflectit post Celebrantem, eo loco tamen, ut eum statim præcedat. Si autem SS. Sacramentum est expositum, vel eleveur, vel depositum super Altare post Consecrationem, subsistit, accipit Birretum Celebrantis, & utroq; genua flectit; Birretum tamen dexterâ tenet, & nunquam ponit super Missale, propter reverentiam textûs Evangelii. Surgente Celebrante, Minister pariter surgat, & non prius statimq; Birretum porrigat. Si transeat ante Majus Altare, in quo non est Tabernaculum SS. Sacramenti, sed tantum Crux, licet Celebrans tantum se profundè inclinet Cruci, Minister tamen semper genuflectere debet. Si deniq; Altare in quo Celebraturus est Sacerdos ita situm sit, ut Celebrans ad medium illius accedere non possit, quin prius ante cornu Epistolæ transeat, Minister aliquantulum retrocedens, aditum illi transeunti, cum inclinatione Capitis, præbeat.

6. Cum ad Altare pervenerit Minister, ad dexteram Celebrantis sistat se, & stans ad Cornu Epistolæ, recipit primò ab eo Birretum dexterâ, cum osculo illius, retinensq; illud in dicta dextera, genuflectit, licet Celebrans non genuflectat, quod in accessu primo, & recessu ultimo tantum observare tenetur. Facta ergo genuflexione ascendit ad Altare per cornu Epistolæ, ne sit collateralis Celebranti, Librumque clausum, super cussium ibi paratum collocabit, & non apertum, quia ipse Celebrans propter Mysterium aperire debet, ut supra dictum est; collocabitq; ita, ut ea pars, quæ aperitur sit versûs medium Altaris. Tum per idem cornu Epistolæ descendit, Birretum Celebrantis clavo appendit, vel alio loco congruo deponit, nunquam verò super Altare. Si conspiciat quod Candelæ per Sacellanum non sint accensæ, ipsemet eas à lampade accendat, & in eo actu nec nimis morosè, nec nimis præcipitanter procedat, sed moderatè, & ad has candelas semper diligentem habeat inspectionem. Redit postea ad Altare, & facta in medio profunda inclinatione, accedit ad cornu Evangelii, ubi in plano genuflectit, aliquantulum post Celebrantem, à sinistris ejus, manibus junctis.

7. Cum Celebrans incipit Missam dicens: *In Nomine Patris &c.* signat se tantum cum eo, & dum dicit: *Introibo &c.* respondet manibus ante pectus junctis: *Ad DEUM qui lætificat juventutem meam.* Similiter respondet ei ad Psalmum: *Judica me DEUS &c.* eadem voce, & tono, inclinans se ad *ŷ. Gloria Patri,* signans se ad *ŷ. Agnitionem &c.* Dicto verò à Celebrante *Confiteor,* non respondet *Amen,* sed statim, convertens se parum

rum ad Celebrantem, & inclinans se, dicit: *Miseretur Tui Ec.* Pariter ad *Confiteor* dicens *Tibi Pater, & Te Pater*, convertit se inclinatus ad Celebrantem, dicens *ter mea culpa*, ter percutit dextera pectus suum. Dicto à Celebrante *Miseretur Vistri Ec.* adhuc inclinatus respondet: *Amen.* Ad indulgentiam *Ec.* signat se aliquomodo erectus, & respondet *Amen.* Iterum se inclinat, dum Celebrans dicit: *DEUS tu conversus Ec.* & ultra, ad quæ respondet ut in ordinario Missæ.

8. Quando Celebrans, dicens: *Aufer à nobis Ec.* ascendit ad Altare, Minister erectus anteriorem extremitatem Albæ, & Veltis ejus elevat, ac postea genuflexit super infimum gradum Altaris prope cornu Evangelii, ac in eodem loco manet, manibus decenter pectori appolitis, vel etiam junctis. Si autem nulli sunt gradus ad Altare, sed tantum Pradella, seu suppedaneum, manet genuflexus in plano. Et dum Celebrans incipit Introitum, signando se, pariter & Minister se signat, & ad *γ. Gloria Patri Ec.* inclinatur se versus Altare; Respondet postea ad *Kurie eleison*, ad *Dominus vobiscum*, ad conclusionem Orationum, dicit *Amen*, ad finem Epistolæ *Deo gratias*, & quando Celebrans dicit: *Flectamus genua*, ipse Minister subdit: *Levate.* Ad Nomen *JESU, Mariæ, & Sanctorum* de quibus Missa dicitur, aut quorum sit Commemoratio, inclinatur se profundius quam Celebrans. Attendat Minister ad Candelas Altaris, an ardeant, & ne cera defluat, & eas, si opus est, reconcinnet emunctorio. Non teneat Librum præ manibus, nec globulos precatorios, nec aliquid ex devotione memoriter recitet, sed cum omni attentione ministret Celebranti.

9. Circa finem Gradualis, vel Tractus, aut sequentiæ surgit, accedit per planum ad cornu Epistolæ inclinans se in medio profundè, si non sit Tabernaculum SS. Sacramenti, alias semper pertranseundo genuflexere debet, ibiq; ambabus manibus accipit Missale cum Cussino, pollice sinistro intra folia ipsius interjecto, ubi est Evangelium, dextrâ manu sub Cussino posita, desert illud cum debita genuflexione, vel inclinatione ad latus Evangelii per planum, & non per gradus, quod semper observare debet, si fieri potest; & ita Missale cum Cussino super Altare collocat, ut superior pars Libri respiciat cornu posterius Altaris, non vero parietem. Postea directe per gradus Anteriores descendit in planum ad cornu Epistolæ, genuflexus, vel inclinans se in medio, & stat in plano ad idem cornu Epistolæ manibus junctis versus Celebrantem, respondens ei: *Et cum Spiritu tuo. Gloria Tibi Domine*, se signans in fronte,

te, ore, & pectore cum Celebrante, ac genuflectens cum eo versus Altare, quando opus est. In fine Evangelii adhuc stans respondet: *Lau Tibi Christe*, quod similiter facit in fine Passionis, quæ dicitur loco Evangelii, his dictis genuflectit statim in eodem cornu Epistolæ.

10. Dum Celebrans dicit Symbolum, Minister genuflectus, manibus ante pectus junctis caput inclinat initio ad verbum: *DEUM*, pariter profunde se inclinat, dum Celebrans dicit *ψ. Et incarnatus est &c.* sicut & ad Verbum: *Adoratur*, & in fine cum Celebrante se signat à fronte, ad pectus; sicut & ad *Gloria in excelsis*, pariter inclinationes Capitis observare tenetur, nec intermitteret in fine signare se. Lecto Offertorio idem Minister surgit, & sacra profunda Cruci Altaris inclinatione, sumit ampullas Vini, & Aquæ cum pellicula, dextro scilicet pollice pedem ampullæ Vini, & sinistro pedem Ampullæ Aquæ, am-
 habus autem palmis, cum reliquis digitis bacile retinens, cavens ne ampullæ decendant, & ascendit per gradus laterales ad Altare, porrans easdem ampullas elevatas, à se invicem, & à pectore aliquantulum remotas, rostris ad se conversis, deponitq; bacile super cornu Epistolæ.

11. Offert deinde Celebranti, ad se venienti, dexterà ampullam Vini, quam prius osculatur in manubrio, & Celebranti se inclinat; tum Ampullam aquæ mutat à sinistra, ad dextram, & recipiens à Celebrante Ampullam Vini sinistra, cum quasi osculo illius, eidem ministrat dexterà Ampullam Aquæ, quam etiam prius osculatur, eamq; retinet demissam aliquantulum, dum Celebrans benedicit Aquam, quam statim attollit, & eidem Celebranti porrigit, cum debitis reverentiis, ut supra, eamq; postea recipit dexterà, cum quasi osculo illius, & debitis reverentiis. Offert autem, & recipit Ampullas sine osculis manus Celebrantis, per pedem eas tenens, ut Celebrans eas per aurem, seu manubrium capere possit.

12. Sub tempus oblationis Calicis à Celebrante Minister reportat tantum ampullam Vini, ad locum, ubi prius constitit, ibiq; manutergium accipit, & portat plicatum ad Altare, aut si pendeat ad Altare, plicat illud tunc, & ita super ipsum Altare aptat, ut Celebrans illud facile capere possit. Minister vero tenens sinistra Bacile, & dexterà Ampullam Aquæ per manubrium, Celebranti se inclinans, & Ampullam quasi osculans, fundit parum Aquæ in pelliculam, deinde super indices, & pollices ejusdem Celebrantis, donec ipse det signum desinendi, elevando parum manus. Ministratur hæc aqua non supra Alta-

re, sed extra illud, scilicet ante cornu anterius Altaris. Iterum se inclinat Minister, & immissa in sacrarium, vel in locum congruum, & non in pavementum, aqua, reportat omnia ad locum suum, ibiq; mantile plicat, & sumptâ Campanulâ, absq; mora redit ad Altare, ad cornu Epistolæ, ubi genuflectit, & prope se collocat Campanulam. Si SS. Sacramentum sit expositum, non ascendit ad Altare pro lotionem manuum Celebrantis, sed in plano consistens, ibidem ministrat Celebranti Aquam, vertens in plano terga populo, & manutergium plicatum sub pellicula sinistra manu retinens, vel sinistrae manus superimponens.

13. Genuflectens in cornu Epistolæ ad *Orate Fratres*, respondet Celebranti: *Suscipiat Dominus &c.* non prius tamen, quin ipse Celebrans Circulum perfecerit, & ultimum verbum, scilicet: *Omnipotentem* compleverit. Nec in fine dicit *Amen*, sed solus Celebrans. In eodem loco manens Minister genuflectens respondet ad Præfationem, inclinans caput ad *DEO nostro*, Ad *Sanctus*, ter pulsat Campanulâ, non tamen continue, sed interruptim; conveniens tamen est secundum morem Regni nostri, ut duobus, vel tribus ictibus pulsetur pro singula vice. Reponit postea Minister campanulam in 2. gradu prope suppedaneum, & junctis manibus ante pectus, quæ in Canone aguntur, attendere tenetur.

14. Dum Celebrans ante Consecrationem dicit: *Qui pridie &c.* atq; accipit Hostiam, minister signet Campanulâ semel per trinum ictum; & facta consecratione Hostiæ cum Celebrans erigit se à genuflectione, ut e'evet eandem Hostiam, ter pulsat Campanulam, eo, quo supra, modo, distinctius tamen, deinde dum elevat S. Hostiam pariter trino ictu signabit, deniq; dum Celebrans eandem Hostiam supra Corporale deponit similiter trino ictu pulsat, & sinistra posteriorem partem Planetæ elevabit, quotiescunq; Celebrans genuflectens fuerit. Finito pulsu campanulæ in depositione Hostiæ, adorât devotè SS. Sacramentum & non prius. Idem præstat in elevatione Calicis, pariter pulsando campanulam, & dictum S. Calicem adorando post depositionem ejus. Si forte fiat tunc Processio, aut si celebretur Missa Solemnis prope illud Altare, aut fiat sermo, seu Concio, abstinendum est Ministro à pulsu campanulæ.

15. Si adsunt alii gradus præter suppedaneum, Minister postquam primo signaverit campanulâ ad acceptam Hostiam ante consecrationem, ascendet ad 2. Altaris gradum, ubi elevabit posteriorem partem Planetæ genuflectentis Celebrantis; fini-

finita adoratione S. Calicis descendet ad priorem locum, & ibi manebit genuflexus junctis manibus, usq; ad sumptionem Sanguinis. Dum Celebrans signat Hostia supra Calicem ad illa verba: *Per ipsum &c.* Minister pulsabit Campanulam ter, ut supra ad *Sanctus*, qua deposita propè suppedaneum, respondebit Celebranti quando opus est. Ad illa verba: *Nobis quib; peccatoribus, Agnus DEI &c. & Domine non sum dignus*, percutiet pectus, quemadmodum Celebrans.

16. Quando facienda est Populi Communio, postquam Celebrans sumpserit pretiosum Sanguinem, & non prius, minister extendat linteum ante communicandos, super cancellos, & statim genuflexus à latere Epistolæ, manibus junctis dicit: *Confiteor &c:* ut initio Missæ, & dum Celebrans dicit *Misceatur &c:* & *Indulgentiam &c:* ad illa respondet *Amen*, postea capiens Candelam collicentem, vel aliam accendens, cum ea; ac Campanula signante præcedet Celebrantem ad Cancellos, ubi genuflexus manebit donec terminetur Communio, qua finita, eodem modo præcedet Celebrantem, quo prius.

17. Si non est facienda Populi communio, dum sumitur pretiosus Sanguis Domini à Celebrante, minister surgit, & campanulam ad locum suum reportat, ibiq; accipit Ampullas cum pelvicula, ut prius, ea deposita in cornu Epistolæ Altaris, primo ministrat vinum manu dexterâ, tenens ampullam per manubriam, & infundendo in Calicem, cum quasi osculo ampullæ, & debitis reverentiis ante, & post; pro purificatione Celebrantis, caute se gerit, ut Ampulla tangat labium Calicis, propter reverentiam sacrarum Specierum. Eodem modo ministrat, pro digitorum ablutione, paululum tamen retrocedens, ex eadem ampulla Vinum, hac deposita supra pelviculam, eadem dextera capit ampullam Aquæ, ex qua pariformiter ministrat Aquam. Infundat autem Vinum, & Aquam paulatim, in medio ipsius Calicis, super pollices, & indices ipsius Celebrantis; quousq; elevatis paululum digitis, vel Calice elevato, non dederit signum sufficere, & tunc ampullam non retrahat Minister incurvato adhuc labio, sed prius illam erigat, ne guttæ aliquæ super pedem Calicis, aut Mappæ Altaris decendant. Tum factis debitis reverentiis, reportat ampullas cum pelvicula in locum suum.

18. Ascendit postea per planum ad cornu Evangelii, accedendo per gradus laterales, eomodo, quo supra, & Missale clausum cum Cussino desert, ad cornu Epistolæ, cum debitis genuflexionibus, vel reverentiis, illudq; repositum aper-

rit in folio, in quo Celebrans lecturus est Communionem. Redit deinde per planum ad cornu Evangelii, ubi, ut initio Missæ, genuflectit, manetq; genuflexus usque ad Benedictionem, ad quam se signat, & respondet Celebranti, ut in ordinario Missæ. In Quadragesima in Missis de Feria, inclinatur se etiam genuflexus ad Orationem super Populum, statim ac Celebrans dicit: *Humiliate capita vestra Deo.*

19. Post Benedictionem transit ad cornu Epistolæ, ubi ad initium S. Evangelii se signat, & genuflectit cum Celebrante facie ad Altare versâ. At quando non legitur Evangelium S. Ioannis, sed aliud (quod facile advertet Ministrus, si observabit Librum, quem idcirco Celebrans relinquit apertum super Altare) dicto: *Ite Missa est*, statim accedet per planum ad Librum, eumq; transfert ad cornu Evangelii cum solitis reverentiis, ut supra, sed sine cussino, advertens, ut (si fieri potest) sit genuflexus in plano, ante medium Altaris tunc, quando Celebrans dat Benedictionem, ad quam non signat se, quia manus habet occupatas. Librum tamen sustinet usq; ad finem Evangelii, quo finito semper respondet *Deo gratias.* & non *Laus tibi Christe.*

20. Finito Evangelio descendit per gradus laterales cum Missali, & sumit Birretum Celebrantis, vadit per planum prope medium Altaris, ad dexteram tamen Celebrantis, ubi facta omnino genuflexione porrigit Celebranti Birretum, cum quasi osculo illius, tali modo, ut Celebrans illum commode capere, & capiti suo facite superimponere possit. Tum incedens ante illum, portansque Librum, seu Missale ut initio, redit, eodem modo, quo venerat, in Sacristiam.

21. Cum ad Sacristiam pervenerit, sistit se loco congruo, Celebranti se inclinatur, & expectat donec transeat; tum procedens inclinatur se imagini quæ est in Sacristia, & iterum Celebranti, à quo Birretum accipit, cum quasi osculo illius, illudq; suo loco reponit, similiter, & Missale. Redit dein ad sinistram Celebrantis, quem, dum se exiit, adiuvat; & sacra Paramenta, non tantum à Celebrante, verum etiam à se exosculata, componit debito ordine, recepto ad ultimum à Sacerdote amictu, genuflexus in loco petit à Celebrante benedictionem dicens: *Benedicite Pater Reverende*, qua accepta reponit Humerale, reditq; ad Altare, si nemo sit, qui extinguat Cereos, ipse extingvit, operit mensam Altaris, ampullas refert in Sacristiam, Cottam, vel Cucullam deponit, & recedit in pacem.

22. Si verò assistat *Missale* private, cui *D. Abbas* adesse voluerit, præter superius specificata, sequentia observare debet: Procedit ad Altare manibus ante pectus junctis, cum omnia ibidem debeant esse tempestive preparata, ut debeat, ne *D. Abbas* cogatur expectare Celebrantem, vel si aliter fieri non potest, desert quæ restant necessaria ad celebrationem. Cum accesserit ad Altare, prius *D. Abbas* profunde se inclinat, deinde Altari genuflectit, & parat si quæ habet paranda. Si *D. Abbas* ad cornu Epistolæ habeat summum genuflexorium, Minister faciat ei debita reverentia, accedit ad cornu Evangelii solito more, ibiq; in plano genuflectit. Si vero genuflexorium, *D. Abbas* sit penes cornu Evangelii, minister genuflectat, necesse est ad cornu Epistolæ, ne videatur *D. Abbas* collateralis, & ibi respondet Celebranti versa facie ad Altare, faciens verò Confessionem, & dicens: *Tibi Pater, & Te, Pater*, convertit se ad Celebrantem, & non ad Prælatum. Ascendente Celebrante ad Altare, ipse in loco suo permanet genuflexus.

23. Ad Evangelium ministrat, ut alias, Celebranti, sed in cornu Evangelii remanet respondens: *Et cum Spiritu tuo, & Gloria tibi Domine*, ibiq; perseverat stans donec finiatur Evangelium, quo finito, respondet: *Laus tibi Christe*, & statim capit *Missale* apertum, ac sine ulla reventia desert illud apertum *D. Abbati* in initio Evangelii osculandum, quod etiam manu indicat. Post osculum textus Evangelici claudit Librum, *D. Abbati* profunde se inclinat, & *missale* reportat ad Altare, collocatq; supra Cussum; & tunc Celebrans jam non osculatur textum, nec dicit: *Per Evangelica &c.* Si forte aliqui Prælati *D. Abbate* maiores adsint, tunc tantum digniori offerre tenetur Librum ad osculum, & nulli amplius. Si sint æquales, nulli datur Liber osculandus. & nec Celebrans osculatur. Nunquam vero Laico deferatur *Missale* ad osculum, etiam nec Domino loci, nec Commendatario, nec aliis in Rubrica non nominatis, quia expresse prohibuit *S. R. C. 17. Septembris 1611.* pluries dictam prohibitionem approbavit. Ulterius ministrat, ut supra dictum est.

24. Dicto *Agnus DEI &c.* & finita prima Oratione ante Communionem scilicet: *Domine JESU Christe, qui dixisti &c.* Minister accedit ad dexteram Celebrantis, accipit Pacis Instrumentum dexterâ, illudq; tenet elevatum super Altare, non tamen tenet nuda manu, sed per velum quo Calix contegitur; si nondum fuerit terminata prædicta Oratio, manet genu-

genuflexus, sed ea finita, & osculato à Celebrante Altari, ministrat dictum Pacis Instrumentum Celebranti osculandum, adhuc tamen genuflexus; Surgit postea, & facta iterum genuflexione, accedit ad D. Abbatem, cui sine ulla reverentia tradit ambabus manibus Pacis Instrumentum osculandum, dicens *Pax tecum*, deinde profundo se inclinat eidem D. Abbati, & cum debitis genuflexionibus refert ad Altare dictum Pacis Instrumentum, collocatq; in eo loco, ubi prius constiterat, velum vero plicat, & ponit in suo loco. Hoc tamen animadvertere debet, quod antequam præbeat ad osculum Instrumentum Pacis, illud velo tergere debet.

25. Si plures sint DD. Abbates, vel alii Prælati, Minister eis præbet Instrumentum Pacis, incipiens à dignioribus, & post osculum, non verò prius debitam faciet reverentiam unicuique, & qualibet vice ante osculum extergit illud. Aliis etiam non Prælatis, etiam Dominis Sæcularibus Instrumentum Pacis ad osculum porrigere potest, si D. Abbas jufferit, & unicuiq; dicere debet, penes osculum: *Pax tecum*, sicut etiam aliis Prælatis, sæcularibus tamen non extergit. Post finem, ultimi Evangelii prædictus Minister D. Abbati discedenti profundam faciet reverentiam, sicut & Celebrans. Hanc tamen reverentiam Minister semper præstare tenetur, quotiescunq; transit ante Sedem, seu Genuflexorium D. Abbatis.

C A P U T X.

De Situ corporis Religiosorum, præsentium Missæ Conventuali.

1. **R**eligiosi viri, quemadmodum in Officii Divini recitatione, uniformem Cæremoniarum praxim observare tenentur, ita & sub tempus Missæ Conventualis pariformem situm Corporis servare sunt obligati. Et quia Missa Conventualis semel sit cantata per Chorum modo Choralis, aliquoties cantata per Musicos cantu figurali, seu fracto, & aliquando etiam perse lecta absolvitur, ideo in hoc triplici statu, ex gravioribus Authoribus unanimis situs corporis declaratur.

2. In Missa quæ canitur per Religiosos Choraliter, sive ad Pulpitum, (quod convenientius esset) sive in sedilibus, initio stare omnes tenentur, tam ii, qui cantant ad legile, quam
reli.

reliqui manentes in stallis, versa facie ad Altare, nisi, quod ad *ψ. Gloria Patri*, conversis ad invicem vultibus, facere debeant inclinationem, aut si Nomen *JESU* vel *Maria*, aut Sancti cujus festivitas celebratur in Introitu fiat Mentio, pariter reverentiam faciant, versis ad invicem faciebus.

3. Ad *Kyrie eleison* aut *Christe eleison*, nulla sit à Choro inclinatio, quia licet in his verbis exprimatur invocatio Dei, nulla tamen Rubrica ad id stringit, alias & Celebrans teneretur novies se inclinare ad ea, quod tamen esset contra omnem regulam, & praxim. Maxima, quia in Choro ad ea tantum, stringimur, facere reverentiam, ad quæ & Celebrans, cum autem ad *Kyrie eleison*, & *Christe eleison*, nulla regula Rubricæ præcipit facere inclinationem Celebranti, ergo nec Religiosi caventibus in Choro. Et licet à SS. Patribus hæc verba *Kyrie eleison*, & *Christe eleison*, ex Græco vocabulo explicentur, quod denotent *Domine misere, Christe misere*, tamen nec hoc convincere potest, utiq; tam in Hymno Angelico, quam in Symbolo pluries sit invocatio Dei, per similes terminos, s. g. *Domine DEUS, DEUS Pater, Domine Fili, Domine DEUS Agnus DEI, Filius Patris, Qui sedes ad dexteram Patris, misere nobis, &c. Deum de Deo, Deum verum de Deo vero, & in Prelatione: Per Christum Dominum nostrum, & tamen nulla Rubrica præcipit tunc præstari reverentiam, nisi ad nomen *JESU* & alia, quæ sunt specialiter notata, ergo nec ad *Kyrie eleison*, aut *Christe eleison* facienda est dicta inclinatio, ex nonnullorum opinione introducta.*

4. Dum Celebrans intonat Hymnum Angelicum, ad illud verbum *DEO* cum & Celebrans inclinare debeat caput, ideo & ab omnibus in Choro existentibus, facie ad invicem versa, fieri debet inclinatio. Pariter ad illa verba: *Adoramus te, Gratias agimus, JESU Christe. Suscipe deprecationem nostram. JESU Christe*, solitam præstare debent omnes reverentiam, ad reliqua verò facie ad Altare versa stare tenentur. Quod pariter in Symbolo observandum venit, ut dum à Celebrante intonatur, ad illud verbum *DEUM* ac ad illa: *Jesum Christum. Adoratur, similiter fieri debet, ab omnibus profunda reverentia. Ad ψ. autem Et incarnatus est* omnino cuncti genuflexi permanent usq; ad illa verba: *Et HOMO factus est*, ad quæ etiam caput inclinare tenentur. Ad reliqua sicut in Hymno Angelico erecti persistant, ad Altare conversi.

5. Si unica in Missa canatur tantum Oratio, ad eam totam inclinati omnes in Choro permanent, usq; ad ea verba conclusionis *Per omnia sæcula &c.* exclusive, ad quæ statim se erigunt,

rigunt, & convertunt ad Altare. Si vero plures dicantur Orationes, tunc ad primam fiat inclinatio, ut diximus; ad secundam verò, si plures nulla fiat reverentia, sed conversi ad Altare stabunt omnes, nisi ad nomina *JESU*, *Mariæ*, vel Sancti cujus sit memoria in Officio, aut *Papæ*, tunc enim in loco stantes, nec se vertentes inclinabunt Caput, profundius tamen ad nomen *JESU* quam ad alia. Ad conclusionem autem ultimæ orationis, pariter ut ad primam, debitam scilicet tenebuntur inclinationem, ita enim disponit & Rubricæ generalis, omnesq; Rubricistæ declarant, nec non *Cærem. Monast. Bened. Rom. L. 1. c. 7. n. 13.* ubi sic habet: *Ad primam collectam Missæ, Vesperarum, Laudum, & in fine ultimæ, quando dicitur. Per Dominum fieri debet inclinatio profunda.*

6. Dum cantatur Epistola, vel Prophetia, omnes sedere debent, & quando canitur *Tractus*, vel *Graduale* cum *ps.* aut *Alleluia*, ii qui in stallis remanent, sedebunt, illi vero qui cantaturi sunt prædicta, circa finem Lectionis accedent ad legile, ibiq; stantes concinent. Ad Evangelium omnes erecti, bado capite, versa facie ad Altare stabunt, & ad *Gloria Tibi Domine*, debitam facient reverentiam. Ita disponunt *Declar. Cass. supra Reg. cap. 20. n. 9. & 10.*

7. Ab Offertorio usq; ad Præfationem sedent in Choro ii, qui in sedilibus permanent, nam hi, qui sunt ad pulpitem, stando canunt, decantato tamen Offertorio, accedunt ad sedilia, ubi pariter cum aliis confident. Si vero fiat incensatio Chori, statim ut venerit Diaconus in Chorum, omnes erecti, facie ad invicem versa persistunt, donec terminata fuerit incensatio.

8. Cum Celebrans incipit Præfationem, erigunt se omnes, stantes, facie ad Altare versa, sed ad illa verba: *Gratias agamus &c.* profunde se inclinant, facie ad invicem versa. Permanent autem stantes in locis suis, ad Altare conversi, usq; ad finem Præfationis. Circa finem Præfationis, qui cantaturi sunt, procedunt ad Pulpitem, ibiq; solito modo decantant, qui autem remanent in sedilibus, quando Celebrans dicit *Sanctus* ipsi quoq; ad invicem inclinati, dicere, & se signare cum Celebrante debent, ac statim in sedilibus genuflectunt, sicq; genuflexi permanent usq; ad Orationem Dominicam. Reliqui ad Legile cantantes post primum *Hosanna*, paulo ante elevationem SS. Sacramenti genuflectunt, & non prius surgunt, quam deposito S. Calice, ad decantandum *Benedictus* &c. quo peracto, accedunt ad sedilia, ibiq; genuflexi permanent usq; ad *Per ipsum &c.* Ita disposuit *Cærem. Episc. L. 1. c. 8.*

9. Dum

9. Dum post *Per ipsam Ec.* Celebrans dicit: *Per omnia se-
cula seculorum*, omnes surgunt, & versa facie ad Altare persi-
stunt donec inchoaverit *Pater noster Ec.* & tunc facie versa ad
invicem, omnes profundam faciunt reverentiam, usq; ad finem
Orationis Dominice, in qua dicto: *Et ne nos inducas Ec.* erigunt
se & convertunt ad Altare, stantes usq; ad *Agnus Dei*. Ad quod
qui in stallis remanent, inclinantes se, percutiunt ter pectus, terq;
repetunt dictum: *Agnus Dei Ec.* & postea vertentes se ad Al-
tare, stando expectant Pacem, & licet Pax non detur, tamen
permanent stantes usq; ad finem Communionis tam Celebran-
tis, quam populi, & postea sedent. Illi etiam qui canere de-
bent, statim post *Pax Domini* accedunt ad Legile, ibiq; rema-
nent concinentes, usq; dum Antiphona quæ dicitur: *Communis*
decantata fuerit, & postea revertuntur ad sedilia; Antiph. enim
hæc immediatè à Choro decantari debet, tunc, quando Cele-
brans se communicat, ex *Car: Episc: L. 2. c. 8.* est enim hy-
mnus communicantium.

10. Quando Celebrans dicit: *Dominus vobiscum* surgunt o-
mnes, & stant ad Orationes, usq; ad finem Missæ, ita ut initio.
Notandum tamen est, quod, sub cantu Choralis Missæ, quem
supponit *Car: Episc:* omnes in Choro presentes, ad commu-
nionem, scilicet dum Celebrans se, & alios communicat, non
debeant genuflectere, similiter dum Celebrans dat benedictio-
nem in fine Missæ, sed conversa ad invicem facie, parum in-
clinati stare debent, exceptis iis qui canunt, oppositum enim
prohibetur in *Car: Episc: L. 2. c. 20.*

11. In Missa quæ canitur à Musicis figuraliter, idem ob-
servandum erit, quod & in Missis lectis, in quibus convenit, ut
dum facit Celebrans confessionem, genuflectant, ab Introitu usq;
ad Evangelium sedeant, sub tempus Evangelii ad Altare con-
versi persistant, deinde sedeant, usq; ad initium Canonis, a quo
tempore genuflectant, usq; ad sumptionem Sanguinis, & postea
sedeant, dicto tamen *Ite Missa est*, surgant, permaneantq; stantes
usq; ad finem ultimi Evangelii.

12. In Missis Defunctorum, vel Ferialibus, sive Choraliter,
sive Figuraliter decantatis, aut etiam lectis, ad Orationem seu
plures, pariter ad Postcommunionem seu plures, omnino ge-
nuflectere debent, ad Sequentiam tamen, seu Profam Defuncto-
rum sedebunt. Tum dicto per Celebrantem *Sanctus*, sicutuntur
genua ab omnibus usq; ad *Pax Domini*, præterquam à Diacono,
& Subdiacono. Cantores tamen quamdiu sunt occupati, stant
in



in Choro, nisi sciant cantanda memoriter, quia tunc genuflexi canere deberent. ita *Jacob. c. 15.*

13. Notandum præterea est: quod Chorus silere deberet ad utramque elevationem, ex *Concilio Treviren: & Cærem: Episc: L. 2. c. 8.* ac *Pari: Crasso, Et aliis.* Et certe tunc maxime decet silentium, quando tantum Mysterium adorare debemus. Ideoq; præcipit *Rubr: gener:* ut Cantores non decantent *Benedictus qui venit &c.* etiam in Missis Defunctorum, ac aliis hujusmodi, nisi post utramq; elevationem, ne Chorus tunc cantet, dum ipsa sit elevatio.


14. Nota insuper Regulam generalem pro iis, qui sunt presentes in Choro, & non sunt impediti Cantu, quia signare se debent initio Missæ cum Celebrante, in confessione ad *Adju-torium &c.* & *Indulgentiam &c.* tum ad Introitum, deinde in fine Hymni Angelici, ac Symboli, item ad *Benedictus qui venit &c.* Deniq; ad ea verba: *Omni benedictione &c.* si ad id attendere possint. Insuper signare se debent in fronte, ore, & pectore, ad utrumq; Evangelium, sinistra infra pectus posita. Percutiant autem pectus ter, dicentes *Alia culpa* ad confessionem, semel ad *Nobis quoq; peccatoribus* ter ad *Agnus Dei*, dicentes *Miserere nobis, & dona nobis pacem*, non vero in Missis Defunctorum. Deniq; ter ad *Domine non sum dignus.* Hæc autem omnia peragunt ii tantum, qui non cantant. Cætera laudabilis consuetudo locorum docebit.

Decreta S. R. Congr:

1. Genuflectendum non est ad Orationes in Missa Solemni, in qua dicitur *Gloria, & Credo.* S. R. C. 19. *Maii 1607. in Placentina.*

2. Quando in Missa Solemni ministratur S. Eucharistia Clericis, vel Laicis, reliqui de Clero in Choro debent stare. S. R. C. 9. *Maii 1711. in Catanen.*

F I N I S TERTIÆ PARTIS.



PARS

P A R S IV.

DE VARIIS ECCLESIASTICIS CÆREMONIIS.

C A P U T I.

De Aspersione.

1. **D**uplex in Congregatione nostra solet fieri Aquæ benedictæ Asperio, una juxta communem Ecclesiæ præxim, omnibus diebus Dominicis, post Tertiam, ante Missam conventualem, per Celebrantem, altera quolibet Die post Completorium, seu (ut in aliis Monasteriis) post Orationem, per Superiorem fieri solet. De hac 2da infra agemus, modo de 1ma qualiter fieri debeat, pauca sunt notanda.

2. Cum singulis diebus Dominicis Aquæ benedictæ asperio fiat ex præscripto Ecclesiæ, Sacerdos celebraturus Missam solemnem, seu Conventualem, indutus Amictu, Alba, & Stola coloris Missæ convenientis, in modum Crucis ante pectus adaptata, antequam Hora Tertia in Choro terminetur, habens Sal in vase proprio, & aquam, etiam in aliquo vase ad id parato, in Sacristia, nudo Capite, junctis manibus, (nisi ipsemet Librum tenere cogatur) benedicit Sal, & Aquam, ut in Rituali Romano, vel Missali præscribitur. Quod si alius Sacerdos ex justa causa, prius dictam Aquam benedicere debeat, adhibeat omnino superpelliceum, & Stolam coloris violacei à collo pendentem.

3. Facta benedictione, & finita Tertia, Celebrans paratus Pluviali coloris convenientis, sine manipulo, medius inter Diaconum, & Subdiaconum paratos (si cum iisdem celebranda sit Missa) sine manipulis, anteriores fimbrias Pluvialis elevantes, accedit ad Altare, præcedentibus Thuriferario cum Vase Aquæ benedictæ, & Ceroferariis cum Candelabris, & Cereis accensis. Cum pervenerint ad Altare, omnes genuflectunt, licet ibi non asservetur SS. Sacramentum, deponunt Birreta sua in manus Cæremoniarii. Ceroferarii deponunt Candelabra sua in gradu Altaris, ubi genuflexi omnes manent donec Celebrans surgat; & tunc Ceroferarii erecti conformant se Choro.

4. Thuriferarius fungens tunc Officio Exorcistæ, genuflexus à dextris Diaconi, aspersorium humectatum in Aqua benedicta, porrigit Diacono dexterâ, absq; osculis, & hic tradit

illud Celebranti, cum osculo illius in extrema parte, & manus Celebrantis in parte exteriori: qui mox incipit Antiphonam: *Asperges me*, vel *Vidi Aquam*, qua inchoata, aspergit ter frontem Altaris, scilicet 1. in medio, 2. in parte Evangelii, & deniq; 3. in parte Epistolæ, ministris sacris anteriores fimbrias Pluvialis elevantibus, deinde aspergit se ipsum adhuc genuflexus, tum erectus Ministros Sacros ibidem adhuc genuflexos, prius scilicet Diaconum, & postea Subdiaconum. Incipit autem Antiphona ante asperisionem Altaris, ut convenienter dicatur: *Asperges me* futuri temporis, ante actualem asperisionem. Ita Cær. Episc. L. 2. c. 31. *Gavant. P. 4. tit. 9. n. 11. Rubrica quoq; Missalis.* Inchoatâ Antiphona, Cantores prosequuntur Domine &c. vel *egredientem &c.*

5. Asperitis Ministris sacris, Celebrans reddit asperforium Diacono, & hic Ministro de Aqua, factaq; à Ministris genuflexione, & à Celebrante debita reverentia, medius inter Diaconum & Subdiaconum, præcedentibus Cæremoniario & Ministro de Vase, procedunt in Chorum, ubi constituti in medio, minister de vase ad dexteram Diaconi, & Cæremoniarius ad sinistram Subdiaconi. Salutata utraq; parte Chori, capitis inclinatione, Diaconus accipit asperforium, illudq; tradit cum debitis osculis Celebranti, statq; a dextris ejus, fimbriam Pluvialis elevat, sicut Subdiaconus à sinistris. Interim Celebrans propius accedit ad superiorem, quem cum inclinatione pari salutatur ante, & post, & cum separatim aspergit, reliquos vero sine mora, & plures simul quasi in circulum, & non unum post alterum, atq; sine inclinatione. Ad quam asperisionem omnes stantes esse debent, nudo capite, & aspergenti se inclinare tenentur.

6. Tum ipse Celebrans, & non Diaconus ascendit ad aspergendum populum, qui regulariter tantum ad Cancellos aspergi deberet, sed quia consuetudo invaluit in Regno nostro, quod procedat per Ecclesiam, remanentibus in loco, ubi Chorus aspergebatur Sacris Ministris, Celebrans cum Ministro de Vase aquæ benedictæ à sinistris, & Cæremoniario à dextris elevante fimbriam Pluvialis, aspergit per Ecclesiam populum, dicens totam Antiphonam *Asperges me*, vel *Vidi Aquam*, & totum Psalmum *Miserere mei Deus*, submissa voce, & alternatim cum ministris sub tempus asperisionis. Non tamen dicitur totus Psalmus *Confitemini Domino &c.* tempore Paschali, nisi sciat ex memoria. Si Celebrans extra Chorum audiat Canentes *Ps. Gloria*

Patri &c. non subsistat, aliter vero si in Choro existat, ubi tunc subsistens inclinabit se cum Ministris.

7. Asperso populo, Celebrans procedit ad Ministros, ubi illos relinquit, factisq; Choro inclinationibus, accedit cum iis ad Altare, ubi factis debitis reverentiis, accipit à Diacono aspergillum, aspergit Cæremoniarian. Ceroferarios, & ministrum de Vase Aquæ benedictæ, reddit dein aspersorium Diacono, & ille Thuriferario, qui reportat Aquam benedictam, cum aspergillo, collocatq; prædicta in loco congruo. Interim Celebrans repetita à Choro Antiphona, stans in plano ante gradus Altaris, junctis manibus cantat: *ψ. Omne G. vel Domini &c.* cum Oratione convenienti ex Libro, quem Ministri sacri stantes hinc, inde tenere debent ante eum.

8. Thuriferarius reportato Vase cum Aqua lustrali, affert de Sacristia Planetam, & Manipulos, Celebrantis, & Ministrorum; Cæremoniarius Pluviale retinet, donec Celebrans Casula sua indutus fuerit, redditq; dictum Pluviale Thuriferario, ut referat in Sacristiam, & ipse Cæremoniarius accipiens Missale de Credentia, ponit in Altari supra Cussum, illudq; aperit in folio, ubi Missa legenda est. Thuriferarius autem deposito Pluviali, acceptoq; Thuribulo, & navicula accedit ad Altare, & inchoatur suo ordine Missa.

9. Nullus alius præter Celebrantem, potest peragere Asperisionem die Dominico, quia sic decrevit S. R. C. ut non obstante contraria consuetudine, quæ potius corruptela dici debet, ipse Celebrans hoc officium peragat, cum contrarium sit & contra Rubricas Missalis Romani, & contra expressam dispositionem S. R. C. ut infra patebit. Ergo per Diaconum hoc Asperisionis Officium expleri nullomodo potest, ideoq; hunc abusum omnino tollere superiores loci tenentur. Aut si multitudo populi adest, potius Sacerdos alius, superpelliceo & stola indutus aspergat populum, ad normam Ecclesiarum Gallicæ, quam Diaconus, hoc enim concessit Gregorius XIII. 30. Decembris 1573. Ecclesiis Hispaniarum.

10. Si D. Abbas die Dominico est Celebraturus, tunc vel Archidiaconus indutus Cotta, Stola, & Pluviali, præcedente solo Thuriferario cum vase Aquæ lustralis, diuinam peragat asperisionem, ut innuit *Cærem. Morast. Congr. SS. Ang. Bavar.* vel etiam eadem Asperisio intermittatur, quia *Cærem. Episc. L. 2. c. 37.* his verbis declarat: *Si Episcopus Celebrare voluerit solemniter, non esset facienda huiusmodi Aquæ benedictæ asperisio.* Præsertim quia ab his Decretis S. R. C. excipiuntur Episcopi, & Abbates Cele-

Celebrantes Pontificaliter, juxta communem Rubricarum sensum.

11. Quod si D. Abbas tantum adfit præsens Aspersioni in Choro, in loco suæ jurisdictionis, tunc Celebrans asperso Altari, & inchoata Antiphona, remanentibus sacris Ministris ad Altare genuflexis, cum Cæremoniario, & Thuriferario tantum, accedit ad sedem D. Abbatis, cui cum profunda inclinatione, ac debitis osculis, porrigit aspersorium; Et ipse D. Abbas primo seipsum, postea Celebrantem aspergit, eiq; reddit Aspersorium (non tamen per abisum aspergat Chorum, quia expresse est contra Cærem: Episc: loco supra citato) Celebrans cum debitis osculis recepto aspergillo, & facta debita reverentia, redit ad Altare, ubi sacros Ministros adhuc genuflexos aspergit, postea procedit (ut supra) ad chorum, eumq; aspergit, deinde populum, deniq; inferiores Ministros. Si D. Abbas innuat, ut ipse Celebrans eum aspergat, facta tunc ante, & post profunda inclinatione aspergit eum, quod præcipue fit, quando adsunt plures Prælati, ejusdem ordinis, & dignitatis.

12. Si in Altari expositum sit SS. Sacramentum, non aspergatur Altare, ex ratione, quia nec signatur initio Evangelii in fine Missæ; & tunc Diaconus abstinere ab osculis aspersorii & manus Celebrantis, ad Altare tantum, quando eidem vel offert, vel recipit aspergillum, aliter sentiendum extra Altare. In Dominicis de Passione, & Palmarum in aspersione ad Psalmum non dicitur *Gl. Gloria Patri &c.* sed post Psalmum immediatè repetitur Antiphona *Asperges me &c.* Reprobandus est usus quarundam Ecclesiarum, in quibus post *Gl. Gloria Patri &c.* repetitur Ant: ab his verbis: *Lavabis me &c.* aut tempore Paschali non tota repetitur, sed tantum ad primum *Alleluia*, quia est contra Rubricas Missalis.

13. Quando Celebrans sine ministris sacris Missam Conventualem est decantaturus, indutus Pluviali omnino, & semper esse debet, non vero in Casula, esset enim expresse contra Rubricam. Et tunc procedens cum duobus Acolythis de Sacristia ad Altare, inchoat, Antiphonam genuflexus, aspergit Altare, seipsum, Chorum, & populum, omniaq; peragit quæ superius notata sunt, ministrante solum uno Acolythis, qui dextra manu vas Aquæ lustralis, & sinistra simbram Pluvialis dexteram tenerè debet, altero Acolythis remanente ad gradus Altaris, utroq; tamen ministrante Librum, ad *Gl. &c.* Orationem convenientem, à Celebrante decantandam.

14. Altera aquæ lustralis aspersio fieri consuevit quolibet die in Choro in Ordine, & congregatione nostra post Complectorium, seu ut alij dicunt. post Orationem, ad quam non genuflexi, sed stantes, profundè tamen inclinati; permanere debent Monachi, quia cum Aquæ benedictæ aspersio, sit tantum sacramentalis participatio, & ad alia Sacramentalia cum non teneamur genuflectere, neq; ad hæc ullam genuflectendi obligationem contrahimus: maxime cum nec populus fidelis genuflectus, sed stans recipiat Domini o die asperionem; ubinam verò contrarium inueniatur præceptum, penitus ignoro. Itaq; erectis in Choro Religiosis, & sub tempe asperionis se inclinantibus, Superior, qui est in Choro, tribuit asperionem, inchoans antequam seipsum asperferit Antiph: *Asperges me*, tum aspergendo seipsum, postea omnes Religiosos PP. & FF. non distinctim omnino, sed quasi per Circulum aspergit, choro reliquum Antiphonæ cum Psalmo prosequente. Nec genuflectunt Monachi, nisi repetita Antiphona. Ita declarat Cærem. Monast. Congr: Mont: Scritti in Hispania O. N. P. 1. dist. 1. c. 9. n. 3.

Decreta S. R. Congregationis.

1. Aquæ benedictæ aspersio in Dominicis debet fieri per ipsum Celebrantem, etiamsi sit prima, vel alia dignitas, non obstante contraria consuetudine, quæ potius corruptela dici debet, cum sit contra Rubricas Missalis, & dispositionem Cærimonialis Episc: L. 2. c. 30. n. 1. S. R. C. 27. Novembris. 1632. in Perusina.

2. Aspersio die Dominico semper facienda est à Celebrante, etiam quando Superior celebrat. S. R. C. 26. Novembris. 1649. in Januensi. Episcopus tamen Pontificaliter celebrans, non comprehenditur, tunc enim neq; ipse per se, neq; per alium aquæ lustrali Populum aspergit, ex Cærem: Episc: L. 2. c. 31. n. 4. declarat P. Spondicem Talu. Ex pari ratione idem sentiendum est de D. Abbate pontificaliter celebraturo.

3. In asperione aquæ benedictæ, quæ fit diebus Dominicis à Sacerdote Alba, & Stola induto, sive etiam cum Pluviali, immediate Celebraturo Missam Conventualem, stola est aptanda ante pectus in modum Crucis, non vero ad utrumq; latus pendens à Collo. S. R. C. 30. Septembris. 1679. in una Ord. Capucin. Si cum Pluviali, ergo non in Pluviali.

C A P U T II.

De Thurificatione Altaris in M^{ssa}.

1. **A** Nequam Altaris incensationem describemus, prius nobis nonnulla circa thurificationem in genere sunt præcienda. Thuriferarius qui ministraturus est thuribulum advertere debet, ut non in ipso vase thuribuli carbones igniti imponantur, sed sit aliud vas ferreum, cum quo carbones igniti, intus, in illud vas thuribuli immitti possint, & extrahi, quando opus est. Insuper advertat, ut thuribulum teneat ita elevatum ad Naviculæ altitudinem coram Celebrante, ad imponendum, & benedicendum incensum, ut Celebrans non cogatur se inclinare, quod pariter sentiendum est de Diacono ministrante Naviculam. Thuriferarius præterea habeat curam Naviculæ, ut ponatur in ea Thus purum, boni odoris, & in ea quantitate, ut sufficere possit convenienter; & hoc incensum non sit nimis confusum, ne repente evanescat, nec nimis solidum, ut omnino cremari non possit. Gestat Thuriferarius thuribulum, & Naviculam, Celebranti, & Diacono porrigit, ac recipit, eo modo, quo supra P. 3. c. 6. per totum dictum est.

2. Thus semper benedicitur à Celebrante statim, ac immissum est in thuribulum, & non prius. Imponitur sine ulla benedictione incensum, quotiescunq; SS. Sacramentum est expositum, vel exponendum, & illud solum, & nihil aliud cum eo est thurificandum, quia ibi est auctor benedictionis, quod præsertim accidit in Processionibus, in quibus deferunt SS. Eucharistiæ Sacramentum, quo tempore oscula cochlearis, thuribuli, & manus Celebrantis non dantur. Si verò Altare simul cum SS. Sacramento incensandum est, aut quid aliud, tunc quidem thus benedicatur, sed sine osculis.

3. Imponitur, & benedicatur thus à Celebrante semper stante, (nisi sit Episcopus vel D. Abbas, qui aliquando sedens illud imponit) & nunquam à genuflexo, licet exposito SS. Sacramento, ideoq; manifestè contra Rubricam agunt illi, qui genuflectendo imponunt incensum in thuribulum. Si aliquando fumus in thuribulo deficiat, Thuriferarius paululum incensi

etiam

etiam non benedicti superaddere potest, hoc tamen raro, & non nisi necessitate cogente, quando aliquid incensandum erit.

4. Diaconus Chorum incensaturus, aut alius non deferens Naviculam, mana sinistra summitatem catenularum, sive annulos Superiores cingulo tenus elevatos tenet, manu verò dextrā æqualiter elevata, desert ipsum vas thuribuli per catenulas prope operculum, remotius aliquomodo à vestibus & superpelliceo tenens, ne comburantur.

5. In Missa quater imponitur incensum in thuribulo, & benedicitur à Celebrante: Prima impositio fit ab eodem in Sacristia, antequam procedat ad Altare pro Missa inchoanda. Secunda impositio & benedictio incensi fit ab eodem Celebrante ad Altare post Confessionem ante Introitum, ad incensandum Altare. Tercia thuris impositio, & benedictio in Missa solemni fit, antequam Diaconus petat benedictionem pro decantando Evangelio, propter incensationem Libri Evangeliorum. Quarta pariter ad Altare fit thuris impositio, & benedictio post Oblationem Calicis, ad incensanda Oblata, & Altare. Prima itaq; impositio, & benedictio incensi in Sacristia, ex sequenti numero patebit, quia eodem, ut ad Altare, peragi debet, modo.

6. Facta Confessione Celebrans ascendit ad Altare, illudq; osculatur, & in eodem loco, scilicet ad medium Altaris, convertit faciem suam ad cornu Epistolæ, junctis ante pectus manibus. Diaconus stans ad dextram Celebrantis parum retrocedit, dando locum Thuriferario, & accepta ab illo Naviculā in manum suam dextram, statim sinistrā sustentat, ac convertit se paululum, sicut & partem naviculæ apertam ad Celebrantem, tum accipiens cochlear vacuum circa partem inferiorem manubrii, osculatur illud in extremitate, ubi à Celebrante sumi debet, traditq; dictum cochlear Celebranti, cujus manum dextram in exteriori parte osculatur, & non digitos. Deinde sic conversus, & ambabus manibus naviculam tenens, ac inclinatus parum, petit benedictionem, dicens: *Benedicite Pater Reverende.* Thuriferarius cum thuribulo constitit quasi à dextris Diaconi, inter illum, & Altaris mensam ante Celebrantem, tenetq; thuribulum eo modo, quo supra P. 3. c. 6. notatum est.

7. Celebrans accepto cochleari, sinistram tenens infra pectus positam, ter à navicula thus accipit eodem cochleari, & ter immittit super carbonem ignitos in thuribulum, tribus omnino distinctis vicibus, & tribus distinctis locis, dicens: *Ab*


illo benedicaris, in cuius honore cremaberis. Amen. Quæ verba sic dispenset, ut in 1. thuris impositione dicat: *Ab illo benedicaris.* in 2. in cuius honore, & in 3. cremaberis. Amen. Statimq; red-
dito cochleari in manus Diaconi, dextra manu producit signum
✕ cis supra thus in thuribulo adhuc aperto impositum, nihil
dicens. Ideoq; Thuriferarius non debet thuribulum claudere,
quin prius incensum sit benedictum. Prædicta formula servi-
et semper, quotiescunq; Celebrans benedicit incensum, exce-
pta impositione, & benedictione thuris ad oblata, ut infra
dicetur.

8. Thure imposito, Diaconus accipit manu dextra co-
chlear à Celebrante, ab inferiori parte manubrii, sed in ea-
dem receptione osculatur prius dexteram Celebrantis in ex-
teriori parte, & nunquam digitos, deinde ipsum cochlear re-
ceptum osculatur, in manubrii extremitate, quo facto sine
mora dictum cochlear reponit in navicula, eamq; claudit, &
mox accipit manu dextra thuribulum clausum à Thuriferario,
cui sinistra reddit naviculam, tenensq; catenularum summita-
tem dexterâ, juxta manubrium, sinistra verò catenulas prope
operculum, statim ipsum manubrium osculatur, & summitatem
catenularum ponit in sinistra Celebrantis, distarumq; catenula-
rum partem inferiorem prope operculum, in dextra eiusdem
Celebrantis, cujus eandem manum dextram osculatur, ut supra.

9. Celebrans manum sinistram, qua complectitur summi-
tatem catenularum juxta manubrium, pectori admovet, eamq;
tenet immobilem, in tota incensatione, dexterâ verò tenet
easdem catenulas simul junctas prope operculum, ita, ut ea-
dem dextera globulum operculi complectatur; sic enim reti-
neri debet thuribulum, ut proprio pondere in tota incensa-
tione nullatenus moveatur, ac præter motum ab ipso Cele-
brante impressum, nullum alium habeat, adeò, ut illud per
totam incensationem versùs id, quod incensat, ducat com-
modè, & ad se retrahat, ac cum gravitate, & mora com-
petenti reducat. Tum ad Altare conversus profundè se in-
clinat Cruci, etiamsi ea sit particula veræ Crucis; Taber-
naculo tamen SS. Sacramenti, si adsit, licet non sit aper-
tum, genuflectit, extremitatibus manuum super Altare positis,
ut facilius genuflectere, & surgere valeat.

10. Postea elevato thuribulo ter incensat Crucem in me-
dio tantum, æquali ductu, ita, ut ad unumquemque istum
tantillum quiescat, & nihil dicens tractim ducat thuribulum,
prout in Schemate Incensationis apparet per numeros: 1. 2.
& 3.

Fig. I. Incensationis Altaris tam in Missa quam in Vesperis



*Quando in Altari non sunt Reliquia incensata Cruce
in medio celebrans prosequitur incensationem à num:
8 omisiss num: 4. 5. 6. et 7. Adam Gieryski Wrona*

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
IN TWO VOLUMES
BY NATHANIEL BENTLEY
VOLUME THE SECOND
PUBLISHED BY J. B. BENTLEY
1822

& 3. ac iterum facta debita reverentia incensat Reliquias, vel Imagines Sanctorum ad cornu Evangelii, ut insinuat per Num: 4. & 5. Deinde facta eidem Cruci debita reverentia, simili modo Reliquias, seu Imagines ex parte Epistolæ incensat designatas Num: 6. & 7. Quibus peractis & absq; ulla Cruci, vel Tabernaculo reverentia incensat totum Altare incipiens à latere Epistolæ, faciem ad illud convertit, & ducit aliquantulum thuribulum versus posteriorem Altaris planitiem triplici ductu, in æquali distantia prout apparet ex num: 8. 9. & 10. prout Candelabrâ distribuuntur, eorum tamen ratio non habetur sive plura, sive pauciora fuerint, etenim ipsa tantum posterior pars Altaris incensatur, & non Candelabra. Ducit verò thuribulum, & simul procedit movendo pedem illum prius, qui est proximior Altari, scilicet sinistrum, totq; passus omnino facit, quod thuribuli tractus, manus enim cum pede, quantum fieri potest, concordare debent in motu, ut incessus Thurificationi ex æquo respondeat. Ita Cærem: Episc: L. 1, c. 23.

11. Perveniendo Celebrans ad cornu Epistolæ, demissa manu aliquantulum inclinatus, thuriscat partem illius interioriorem lateralem, & postea Superiorem, bis ducendo thuribulum semel scilicet in parte inferiori, & semel iterum in parte Superiori prout exhibent Num: 11. & 12. Deinde conversus ad Altare, & faciem quasi ad medium ipsius vertens, incensat ejus planitiem anteriorem circa oram, ter ducens thuribulum à cornu Epistolæ, usq; ad medium procedendo, ut indicatur Num: 13. 14. & 15. Perveniens verò ad medium Altaris debitam facit reverentiam, ac posteriorem partem Altaris versus cornu Evangelii incensat triplici ductu, juxta Num: 16. 17. & 18, pari modo ut in cornu Epistolæ incensatq; pariter interioriorem, & Superiorem lateralem cornu Evangelii partem, quamlibet semel, ut notant Num: 19. & 20.

12. Tum altesatus Celebrans stans in eodem cornu Evangelii, & elevans thuribulum, nec ultra progrediens, (nisi longitudo Altaris cogat aliquantulum illum progredi versus medium, non tamen ad ipsum medium) incensat planitiem anteriorem, seu mensam in cornu Evangelii, ter ducens thuribulum, ut monstrant Num: 21. 22. & 23. His incensatis, nulla facta Altari reverentia, non procedit ad medium, sed in supradieto loco constitutus quasi retrocedendo ad cornu Evangelii, ubi manu aliquantulum demissa, incensat partem anteriorem Altaris, seu frontem illius, ter ducens thuribulum

lum recta linea, à cornu Evangelii usq; ad medium Altaris, prout ostendunt Num: 24. 25. & 26. ad quod medium Altaris omnino tunc progreditur.

13. Constitutus Celebrans ad medium Altaris, debitam, ut supra, facit reverentiam, & pariter triplici ductu incensat anteriorem Altaris tabulam à medio usq; ad cornu Epistolæ, prout demonstrant Num: 27. 28. & 29. Quo numero finito, & incensatione Altaris terminata, consistens Celebrans in cornu Epistolæ, reddit utraq; manu thuribulum Diacono, qui stans in 2. gradu illius lateris Epistolæ, supponit manum suam dexteræ Celebrantis, quam osculando prius in parte exteriori, capit thuribulum, prope vas dexterâ, & sinistrâ manubrium, illud etiam osculando. Tum descendit in planum, & Celebrantem in eodem loco junctis ante pectus manibus stantem, triplici ductu incensat, cum profunda inclinatione ante, & post, cui Celebrans nullatenus se inclinat. Incensato Celebrante, Diaconus thuribulum reddit Thuriferario, stanti à dextris ejus, paululum retro, qui postea Celebranti se reverenter inclinat, & hinc recedit. Quod si nimis angustus locus ab infimo gradu videatur, vel propter parietem proximè adhaerentem, vel propter Stalla Chori intimè unita, tunc vel in eodem 2. gradu ubi recepit thuribulum, vel in infimo gradu Diaconus incensat Celebrantem; Si vero omnimodâ angustia sit locus coarctatus, tunc Diaconus recepto thuribulo accedit ad planum, & constitutus ante medium Altaris, in eodem plano, incensat Celebrantem ad se conversum, quemadmodum fit sub tempore expositionis SS. Sacramenti.

14. Dum Altare initio Missæ incensatur à Celebrante, Ministri sacri stant hinc inde, Diaconus scilicet à dextris & Subdiaconus à sinistris. Planetæ illius posteriores partes circa humeros paululum elevantes, Diaconus videlicet sinistra, & Subdiaconus dexterâ, altera intra pectus posita, & semper genuflectunt, licet Celebrans non genuflectat, etiam ante Crucem, tunc, quotiescunq; Celebrans debitam facere tenetur reverentiam pertransiendo. Advertant autem Ministri sacri, ut aliquantulum distent semoti à Celebrante. Ad oblata, tantum Diaconus à dextris Celebrantis Ministtrat, quia Subdiaconus est tunc impeditus, eo quod teneat Patenam retro post Celebrantem; vel nisi aliter notetur.

15. Si in Altari quod incensatur sit SS. Sacramentum in Tabernaculo inclusum, debet servari omnino Regula à Gavanto præscripta, quod tunc Celebrans non inclinet Caput Cru-

Cruci, quam incensare debet, sed accepto thuribulo à Diacono: antequam incensationem incipiat genuflectit, ponens extremitates manuum super Altare, quod pariter facit incensata Cruce, & iterum incensatis Reliquiis à latere Evangelii, nec non transeundo à cornu Epistolæ ad cornu Evangelii, & vicissim, similiter genuflectere debet. Neq; tamen præter genuflectionem facienda est aliqua Cruci reverentia inclinatione Capitis, quia talibus: *Bis: Lit: S. n. 20. §. 5. Benvenuti Pag. 15. Merati P. 2. tit: 4. Rubr: 6. n. 28. & alii* aut imperitiam, vel renitentiam Rubricæ Generali, & sui generis inventum novum, adscribant. Tunc enim Celebrans sua genuflectione adorat quidem Sacramentum, licet in Ciborio occlusum, sed non thurificat, nisi crucem. Adorat (ut dicit Meratus supra citatus) quod latet, & patet, Sacramentum scilicet & Crucem, & incensat id solum, quod manifestè patet, nempe Crucem. Idem asserit Ramerius in Rit. Cœlestinorum L. 3. c. 2. Sacerdos thurificans Altare, primo Crucem adolere debet incenso, ante, & post genuflectendo, quia quod non videt adorat, & quod videt thurificat. Extra vero incensationem licet Celebrans transeat ante medium Altaris, ubi in Tabernaculo asservatur SS: Sacramentum, non tamen genuflectit, quia Rubrica tantum dicit de transitu sub tempus incensationis, nisi sit Venerabile expositum publicæ venerationi.

16. Si super Altari sint Reliquiæ inclusæ in Capsulis, vel Imagines majores Argenteæ, vel aliæ sculptæ inter Candelabra, distinctæ tamen ab iis, quæ aliquando in tabellulis depictæ; vel etiam circa Tabernaculum sculptæ sunt, & tunc incensata Cruce, & facta illi debita reverentia, antequam discedat è medio, incenset eas primò, quæ à dextris sunt Altaris, scilicet ad cornu Evangelii, incipiens semper ab eis, quæ sunt proximiores Cruci, vel Tabernaculo, deinde illas quæ sunt à sinistris Altaris, videlicet ad cornu Epistolæ, ut patet ex Fig: I. num: 4. 5. 6. & 7. Quando vero in Altari non sunt Reliquiæ, nec depictæ Imagines sculptæ, aut fusili opere factæ, & inter candelabra collocatæ, tunc incensata in medio Cruce, & facta ei debita reverentia, prosequitur Celebrans incensationem à Num: 8. omisso supra specificatis num: 4. 5. 6. & 7.

17. Tertia thuris impositio, & benedictio, quæ est ad Altare 2da, in Missa Solemni fit, antequam Diaconus dicat: *Munda Cor meum &c.* eodem modo prorsus, quo præcedens, sed tunc Thuriferarius semper retinet thuribulum, & cum eo accedit ad locum Evangelii, ubi tradit dictum thuribulum Diacono,


no, postquam dixerit: *Initium, vel Sequentia S. Evangelii secundum N.* Quo accepto, ipse Diaconus Librum Evangeliorum incensat triplici ductu, scilicet: in medio, a dextris, & à sinistris Libri, facta versùs eundem Librum ante, & post inclinatione. Finito Evangelio idem Diaconus stans ante medium Altaris, facta prius Altari genuflexione, accepto de manibus Thuriferarii thuribulo, Celebrantem stantem in cornu Epistolæ triplici ductu incensat, ut supra de Diacono dictum est, inclinans se ante, & post, & postea reddit thuribulum Thuriferario. Quarta incensi impositio, & benedictio, quæ est ad Altare 3tia, fit ad oblata, de qua seorsivè fit.

C A P U T III. *De incensatione Oblatorum.*

1. **L**icet hujus incensationis seriem perfectè exprimat Fig: II. tamen ad majorem, præsertim Neo-Mystarum intelligentiam, sequentia declarantur: Dicto à Celebrante: *Veni Sanctificator &c.* Diaconus cum Thuriferario ministrans Naviculam, & thuribulum, & ipse Celebrans incensum imponit ter dicens: *Per intercessionem &c.* ut in Ordinario Missæ, sic verba dispensans, ut cum pronuntiat verbum *Benedicere*, reddito prius cochleari, tunc simul benedicat dextera sua incensum ardens in thuribulo, ac statim jungit ante pectus manus, & complet dictam precationem. Tum accepto de manu Diaconi thuribulo, nulla prorsus facta reverentia, incensat Oblata, ducens ter thuribulum super Calicem, & Hostiam simul in modum Crucis lineâ rectâ, etiam in transversam partem, non autem veluti 4. puncta designando. Postea demittens aliquantulum thuribulum, non tamen ita ut tangat Altare, sed ut summitas operculi, attingat summitati Cuppæ ipsius Calicis, ducit illud ter circum Calicem, & Hostiam omnino, bis videlicet à manu dextra ad sinistram, & semel à sinistra ad dexteram.

2. Ut perfectius cognoscatur ordo Incensationis hujus, inspicere benevole Lector fig: II. & scito, quod Celebrans ducere debeat thuribulum elevatum supra Calicem, incipiendo à Tabella secretarum, usq; ad extremitatem anteriorem Corporalis penes se lineâ rectâ, ut videre est à Capite fasciæ designatæ per Num: 1. & ducendo hanc lineam rectam, dicit simul: *Incensum*, deinde ad formandam lineam transversam Crucis,

II. Incensationis Oblatorum et per modum Crucis,
et per modum Circuli.





eis, ducit thuribulum quasi ab extremitate in cornu Evangelii, ad extremitatem in cornu Epistolæ Corporalis, ut ille ductus sit veluti inter Hostiam, & Calicem, prout denotat fascia sub Num: 2. & sic habebitur prima Crux, sed dum ducit lineam transversalem, simul dicit: *Ihsu*.

3. Iterato ducit thuribulum linea recta à Tabella secretarum, usq; ad extremitatem anteriorem Corporalis prope se manentis, prout signatum est in fascia Num: 3. & dum Celebrans producit hanc lineam rectam, dicit: *A te*. Tum ducit thuribulum per lineam transversam Crucis, ut prius, ad formam fasciæ Num: 4. signatæ, & simul dicit: *Benedictum*, & jam formabitur altera Crux incensationis.

4. Denuo ducit thuribulum pariter à Tabella secretarum, usq; ad anteriorem partem Tabulæ Altaris, per lineam rectam, prout indicat fascia Num: 5. dicendo simul: *Ascendat*, & tum lineam transversalem formando ductu ejusdem thuribuli, ut supra, ab extremitate Corporalis in cornu Evangelii, ad extremitatem corporalis in cornu Epistolæ, dicit: *ad te Domine*, & sic exprimitur tertia Crux. Hoc specialiter notandum est, quia ad singulas prædictas Cruces debent omnino proferri verba prout adnotavimus, & prout in fasciis expositæ Fig: II. continetur. Crucis vero intersecatio, seu linea transversalis fieri debet inter Calicis Pallam, & Hostiam ad perpendicularum.

5. Incensatis permodum Crucis oblatis, Celebrans demittens manum, & pede thuribuli quasi tangens mensam Altaris, cautè, & lente incipit incensationem circa Oblata, ducendo thuribulum permodum circuli. Et primo quidem à sua dextra manu faciendo circulum circa Hostiam, & Calicem simul, ducit scilicet Celebrans thuribulum à parte posteriori Calicis, inter Calicem, & Tabellam secretarum, ad manum suam sinistram, prout notatur in capite fasciæ circularis sub num: 7. dicendo simul cum formatione circuli hæc verba: *Et descendat super nos*. Peracto hoc primo circulo paululum Celebrans suspendit motum thuribuli, ut sic denotetur primus circulus.

6. Deinde Celebrans prosequitur secundum circulum incensationis eorundem oblatores, incipiendo pariter à manu sua dextra, & ducendo similiter thuribulum ab eadem dextera sua inter Calicem, & Tabellam secretarum, usq; ad manum suam sinistram, prout indicat fascia circularis sub num: 8. proferendo interim hoc verbum: *Misericordia*. Quo prolato, & circulo peracto, iterum suspendit paululum motum thuribuli, ut adimpleatur secundus circulus incensationis oblatores.

7. Tertium deniq; circulum incensationis Celebrans facit, ducendo thuribulum non à dextera, sed à sinistra manu sua, eadem, ut supra, via, scilicet inter Calicem, & Tabellam secretarum, terminando circulum ad manum suam dexteram, prout expressius patet in fascia circulari sub num: 9. dicendo tantum hoc verbum: *Tua*. Et sic habebitur tertius circulus, ac pariter continuatio totius incensationis super Oblata. In quolibet ex his tribus circulis proferuntur verba à Celebrante, prout innuimus, & prout exprimuntur in qualibet fascia circulari huius Fig: II.

8. Hoc loco observandum superest, quod quamvis in delineata Fig: II. Cruces, & circuli super Oblata appareant inter se distantes, hoc tactum est ex necessitate, quia in eadem fascia, & in eadem linea non poterant incidi verba dicenda in qualibet Cruce, & Circulo. Caterum tres super Oblata Cruces fieri debent in eadem linea, tam recta, quam transversa, ac in eodem loco, situ, & modo. Pariter & tres Circuli super dicta Oblata in eadem linea, loco, situ, & modo formari debent. Diaconus vero sub tempus incensationis oblatorum, continuo pedem Calicis tenet manu dextra.

9. Finita incensatione Oblatorum, & facta debita Cruci, seu Tabernaculo reverentia, Celebrans incensabit Crucem, Reliquias, & Altare, ut supra initio Missæ, ejus normam & præcedenti Capite descripsimus, & Fig: I. numeris convenienter signata commode demonstrat, sub tempus cujus incensationis dicit Celebrans orationem, *Dirigatur Domine Ec* ut in Ordinario Missæ. Quam Orationem sic distribuet, & ita recitabit, ut eodem tempore finiatur, quo dicta Altaris incensatio absolvetur. Sic autem ejus verba solent communiter distribui: Ad incensationem Crucis dicit: *Dirigatur Domine Oratio mea*, ad incensationem Altaris à latere Epistolæ: *Sicut incensum in conspectu tuo Ec*. & à parte Evangelii: *Pone Domine custodiam Ec*. Tum incipiendo incensationem totius frontis anterioris Altaris, dicit: *Ut non decinet Ec*. Statimq; incensatione finita in cornu Epistolæ, reddet thuribulum Diacono dicens: *Accendat in nobis Ec*. & ab eodem incensabitur triplici ductu, ut initio Missæ, & tunc Chorus, ac alii thurificabuntur, ordine eo, ut infra dicitur.

10. *Cærem: Monast: Congr: Mont: Serr: O. N. P. i. dist: 4. c.*
4. r. 7. talem habet prædicatorum verborum distributionem in thurificatione Altaris, applicando singula verba singulis Numeris Fig: 1. Itaq; 1. *Dirigatur*. 2. *Domine*. 3. *Oratio mea*, ad Num: 4. 5. 6. & 7. nulla proferendo verba, prosequi debet Celebrans.

8. Si-

PARS QUARTA.

273

8. Sicut incensum. 9. In conspectu. 10. Tuo. 11. Elevatio. 12. Manuum. 13. Mearum. 14. Sacrificium. 15. Vespertinum. 16. Ponc. 17. Domine. 18. Custodiam. 19. Ori. 20. Meo. 21. Et osium. 22. Circumstantiæ. 23. Labiis meis. 24. Ut non declinet. 25. Cor meum. 26. In verba malitiæ. 27. Ad excusandas. 28. Excusationes. 29. In peccatis. Et dum dimittit thuribulum in manus Diaconi dicit: *Accendat in nobis Dominus &c.*

II. In ipso actu Thurificationis Celebrans graviter, & cum decore se gerat, non se moveat, aut caput, dum ducit thuribulum, vel reducit, & sinistram manum tenentem summitatem catenularum prope manubrium firmiter tenet pectori adherentem, dexteram vero manum, & brachium, commode, ac tractum cum thuribulo movebit, secundum formam præscriptam, ita, ut cum thuribulum ad se retrahit, illud sub brachio leviter, & competenti mora reducat. In super notandum est: quod hæc oratio: *Dirigatur Domine &c.* alio tempore non dicitur ad incensationem nisi in Missa, & hoc post incensationem oblato-
 10

C A P U T IV.

De thurificatione exposito in Altari SS. Sacramento.

1. SAnctissimum Sacramentum publicè in Altari expositum, variis modis incensari solet, etenim aliquando simul cum Altari, aliquando ipsummet SS. Sacramentum solum incensatur, & nihil aliud. Thurificatur cum Altari simul, quoties Missa, aut Vesperæ, vel Laudes celebrantur Solemniter ad Altare, in quo est expositum. Thurificatur solum, cum in Missa solemni elevatur, cum exponitur, vel reconditur, aut deferri debet Processionaliter. Quando ergo Altare simul cum SS. Sacramento incensatur, Celebrans benedicit semper incensum de more, at quando solum tantum incensatur, non benedicitur incensum, sed solum in thuribulo simpliciter imponitur. Utrobiq; vero abstinendum est ab osculis, tum cochlearis, & thuribuli, tum manus Celebrantis.

2. In Missa Solemni, in qua patet expositum SS. Sacramentum, thurificatur illud ante Introitum, & post Oblatorum incensationem. Ante Introitum quidem Celebrans, post osculum Altaris, stans semper, & aliquantulum ad cornu Evangelii re-

cedens, non verò in medio (quod semper facit in hujusmodi impositione thuris) quasi convertens faciem suam ad cornu Epistolæ, benedicit de more incensum, quia simul & Altare est incensaturus. Quo benedicto, sine ulla genuflexione descendit ad 2. gradum Altaris, cavens, ne eidem terga vertat: ubi in suppedaneo genuflexus accipit Thuribulum, & SS. Sacramentum devotè, ac graviter; triplici ductu, interposita inter quemlibet ductum brevi morula, thurificat, loco Crucis, quæ abesse debet, dum SS. Sacramentum est expositum, ex praxi Urbis, facta semper profunda inclinatione ante, & post. Interim Diaconus, & Subdiaconus manent hinc inde genuflexi, omnesq; circumstantes ad Altare tunc genuflectere debent. Celebrans postea surgens, accedensq; propius ad Altare, facta genuflexione nova, incensat Altare, ut supra.

3. Dixi: facta genuflexione nova incensat Altare; ubi sponte omittendam censeo incensationem Reliquiarum, vel Imaginum; cum enim juxta dispositiones S. R. C. recenter editas, nec Reliquiæ, nec Imagines adesse debeant in Altari, quando SS. Sacramentum est expositum, ideo Altare tantum incensandum est, & non Reliquiæ. Inchoanda ergo est incensatio à Num: 8. & proseguenda per subsequentes, Num: vero 4. 5. 6. & 7. tunc intermittere debent, quasi non adessent dictæ Reliquiæ. De iis enim disposuit sic S. R. C. *Sanctorum Reliquiæ non sunt Collocandæ super Altare, in quo re ipsa SS. Sacramentum publicè venerationi est expositum.* 2. Septembris 1741.

4. Completa incensatione Altaris, & reddito in manus Diaconi thuribulo, descendit Celebrans in planum extra gradus à latere Epistolæ, cavens, ne aliquomodo renes vertat SS. Sacramento, ibiq; stans in plano versa facie ad populum, incensatur à Diacono, stante ante illum, & ad populum terga vertente. Ideo cum Celebrans est extra gradus, convertit se ad populum, ita, ut faciem convertat prius ad cornu Evangelii, quasi circumlum faciundo. Si vero angustia loci fuerit, & à lateribus graduum Altaris, aut nullum, aut exiguum sit spatium, sufficit, ut saltem de suppedaneo Altaris Celebrans descendat, & sic conversus incensetur à Diacono. Ad Evangelium Celebrans eodem modo ponit incensum, & benedicit, eoq; finito incensatur in eo loco, in quo stabat ad Evangelium, dum canebatur à Diacono, & jam non descendit in planum.

5. Ad Oblata SS. Sacramentum hoc modo thurificatur: Celebrans stat, ut supra, recedens parum ad cornu Evangelii, benedicit incensum de more, tum accepto de manu Diaconi thuri-

thuribulo, nulla facta genuflexione, aut inclinatione, convertit se ad Altare, incensat Oblata, ut supra cap: præ: qua finita genuflectens surgit, descendit ad 2. gradum Altaris, ibiq; super suppedaneum genuflexus, SS. Sacramentum incensat dicens: *Dirigatur Domine oratio mea*, profundam facit inclinationem ante, & post: omnibus tunc ministris, & aliis circumstantibus pariter genuflexis, excepto Subdiacono stante in plano, post Celebrantem cum Patena. Et celebrans surgit postea accedit ad Altare, genuflectit, surgit, & incensat Altare more solito ut supra, non tamen Reliquias: Incensato Altari, & reddito Diacono thuribulo, descendit in planum, ut initio Missæ, ibiq; thurificatur.

6. In Vesperis Solemnibus, quando est expositum SS. Sacramentum, hoc ritu thurificatur: Ad *Magnificat* cum pervenerit Celebrans ad Altare, genuflectit utroq; genu in infimo gradu, cum inclinatione capitis profunda, tum erigit se, ascendit ad Altare, illud osculatur, & denuò genuflectens unico genu, ac postea surgens, retrahit se aliquantulum ad cornu Evangelii, & convertit faciem suam ad cornu Epistolæ, sic stans, ministrante Diacono cochlear, & Naviculam, & Thuriferario thuribulum, imponit, & benedicit thus de more. His peractis sine nova genuflexione descendit ad 2. Altaris gradum, & in ora suppedanei genuflexus, accipit thuribulum à Diacono, incensat SS. Sacramentum triplici ductu, ut initio Missæ dictum, cum profunda inclinatione ante, & post; Ministris sacris fimbrias anteriores Pluvialis hinc, inde elevantibus, pariterq; omnibus circumstantibus genuflexis, exceptis in Choro permanentibus.

7. Incensato SS. Sacramento Celebrans surgit, ascendit ad Altare, quod, facta prius genuflexione incensat, & quotiescunq; medium pertransit, semper genuflectit. Finita Incensatione Altaris, ac reddito thuribulo in manus Diaconi ad cornu Epistolæ, redit ad medium Altaris, ubi genuflectit, deinde surgit, & declinans parumper ad latus Evangelii, ne renes vertat SS. Sacramento, descendit quasi laterahter in planum, ubi in infimo gradu facta genuflexione utroq; genu, ordine quo venerat, redit in Chorum ad sedem suam, ibiq; à Ministro Primo, seu Diacono incensatur. Quod spectat ad alias thurificationes SS. Sacramenti, utpote in expositione, asservatione, & delatione Processionali nihil hoc loco innumus, quia satis infra Cap: 8. acturi sumus.

CAPUT V.

De thurificatione in Vesperis, & Laudibus, ac aliis Incensationibus.

1. **Q**Uando solemniter Vesperæ celebrantur, semel tantum adhibetur incensum, scilicet ad Canticum *Magnificat*. Quo inchoato Celebrans cum assistentibus suis procedit de sede sua ad Altare, ubi factis debitis reverentiis, ascendit ad Altare, & osculatur illud in medio, in quo loco conversus ad Diaconum, seu primum Assistentem ministrantem Naviculam, imponit, & benedicit incensum, & Altare thurificat, ut initio Missæ. Fit tunc duo Assistentes Pluvialibus induti, hinc, inde elevant fimbrias anteriores Pluvialis. Assistens 2dus dum Celebrans imponit incensum stans in loco suo, elevat Pluviale Celebrantis à parte dextra illius. Si in Altari majori non sit Tabernaculum cum SS. Sacramento, sed tantum sola Crux Ministri assistentes in accessu, & recessu genuflectere debent, licet Celebrans non genuflectat, in ipsa vero incensatione dum transeunt ante medium Altaris, profunde se tantum inclinant. Si autem sit Tabernaculum, in quo inclusum est SS. Sacramentum, omnes etiam sub incensatione transeuntes medium genuflectere tenentur. *Ex Cerem. Episc. L. 2. c. 2.*

2. Finita incensatione Altaris, primus Assistens recipit Thuribulum in cornu Epistolæ, & mox illud reddit Thuriferario, tum redeunt ad medium Altaris, à quo, facta debita reverentia, descendunt in planum, ibiq; facta denuò debita reverentia revertuntur ad sedem suam: Ubi Celebrans, primus omnium, etiamsi esset presens D. Abbas, vel Episcopus, aut etiam Cardinalis, incensatur à primo Assistente. Post Celebrantem incensatur Prælatus, si adest, postea Chorus, & ministri, ut infra dicitur.

3. In eo casu, quo non ministrant assistentes in Pluvialibus, Thuriferarius, Celebrante veniente ad Altare, sinistra sustentans annulum majorem thuribuli, & eadem manu inter indicem, & pollicem Naviculam per pedis extremitatem tenet apertam, dextera vero minorem annulum operculi elevans, eademq; manu catenulas inter operculum, & vas thuribuli complectens, inclinansq; caput dicit: *Benedicite Pater Reverende*. Imposito, & benedicto incenso, ut supra, demittit operculum, porrigit

rigit Celebranti Thuribulum cum osculo, & solitis inclinationibus, elevans simbriam dextram Pluvialis Celebrantis, & genuflectens in transitu ante medium Altaris. In tali casu Thuriferarius ad ponendum incensum non porrigit cochlear, sed Celebrans ipse, illud accipit ex navicula aperta, quam Thuriferarius tenet manu sinistra per pedem ejus.

4. Ubi vero Thuriferarius, cum Naviculario, seu Cæremoniario inservire potest (quod magis conveniret in defectu assistentium) tunc Navicularius, seu Cæremoniarius sumpta Navicula, porrigit cochlear cum debitis osculis Celebranti, quasi primus Assistens. Ambo itaq; cum Thuriferario, velut assistentes, elevant Pluviale ad incensationem, semperq; genuflectunt, quoties transeunt ante medium Altaris.

5. Si Tabernaculum SS. Sacramenti non est in majori Altari, sed à latere, tunc Celebrans cum assistentibus, ad illam Capellam, ubi est dictum Tabernaculum, è sede sua directè procedit, illudq; prius incensat, ante aliud quodecunq; ob reverentiam SS. Sacramenti ex praxi Urbis, ita declarant: *Gavant. de Cær. Hor. Can. c. 3. n. 18. & P. Merati To. 2. Sect. 10. c. 3. n. 15.* In qua Capella Altare thurificatur eo modo, quo supra, ac ibi imponitur, ac benedicitur incensum. Quo Altari thurificato, procedit Celebrans cum Ministris directà via ad majus Altare, illudq; etiam incensat de more. Exposito verò SS. Sacramento in Altari majori, Celebrans cum Ministris iam non ascendit ad Altare Tabernaculi, seu Ciborii, sed solum dictum Altare majus incensat, & nullum amplius, juxta Decr: S. R. C. 7. Maii 1746.

6. Si insignis Reliquia, aut celebris Imago, vel etiam particula veræ Crucis incensanda sit in alio Altari, quod tamen raro fieri debet, Celebrans procedat ad illum locum, ubi sumpto thuribulo, triplici ductu incensat stans, profundè se ante, & post inclinans, assistentibus hinc inde Pluviale ejus sublevantibus. Nec etiam particulam veræ Crucis incensat Celebrans genuflexus, sed omnino stans, juxta Decr: S. R. C. 15. Septembris. 1736.

7. Præterea si aliud Altare incensandum sit, ut in die festo alicujus Sancti, cui illud Altare dedicatum est, quod pariter raro fieri debet, tunc Celebrans facta incensatione majoris Altaris, & reddito thuribulo, factaq; debita reverentia, cum Ministris procedit ad illud, eo ordine, quo, ad primum, ibiq; facta ab omnibus debita reverentia, sed à Cæroferariis Thuriferario semper genuflexione, Celebrans ascendit

dit ad Altare, ofertatur illud, ac incensat sicut primum, non tamen ibi thus imponit, yel benedicit, nisi necessitas cogat; Finita incensatione, eo, quo supra, ordine, omnes recedunt ad Chorum. At mos iste non est facile instituendus, quemadmodum declarant: P. Bauldry P. 2. c. 9. a. 4. n. 4. *Gavant: & Mirati loco supra citato.*

8. Si ergo cavent Rubricistæ ne facile mos instituatur incensandi plura Altaria, quid dicendum de iis Ecclesiis, ubi ad Canticum *Magnificat* præter maius Altare, non tantum Tabernaculum SS. Sacramenti, non tantum Altare illius Sancti cuius festivitas Celebratur, verum etiam omnia Ecclesie Altaria, etiam minima incensari solent? non dicam usum, sed magis abusum, & corruptelam: quia & in Divino Officio distractionem, & Celebranti incommodum, ac ministris perturbationem, talis Cæremonia, & per Ecclesiam deambulatio causare solet, maxime ubi multa sunt Altaria. Qui mos in Congregatione nostra pati nullomodo potest, præsertim, quia incensatio Altarium, Celebrantis, ac Chori ita moderari debet, secundum sensum omnium Rubricistarum, ut ad *ψ. Gloria Patri. Cantici Magnificat*, jam debeat terminari. Si vero necdum fuerit finita, cessandum est à dicta thurificatione; unde cogere Celebrans, necdum medietatem Altarium incensans, omnino reverti de medio Ecclesie, & sine incensatione sui, ac Chori terminare Officium Divinum, quod sane & magnam pareret confusionem, & expresse contra mentem Rubricæ fieret. De cætero, si quis intendit hunc abusum defendere, querat prius modum incensationis breviorē, eo, qui Fig: I. expressus est, ad minora Altaria incensanda, hic enim nullibi est præscriptus. Iam vero secundum ordinarium modum in Fig: I. expressum, ubi multa sunt Altaria, hora integra vix forsitan sufficeret, si modeste, & cum gravitate, quemadmodum decet, omnia illa Altaria incensarentur. Ex his quæ sequantur incommoda, qualis in Officio Divino distractio, quam inconveniens ab Altari ad Altare, etiam in tumultu populi divagatio, ponderet unusquisque ut à superfluitate harum Cæremoniarum, absteat.

9. Dum Laudes in Choro canuntur Solemniter, ob rationem alicuius Festivitatis, tunc ad Cant. *Benedictus* &c: pari modo fieri debet incensatio Altaris, Celebrantis, & Chori, quemadmodum dictum est in Vesperis ad Cant. *Magnificat*.

10. In Vesperis, aut Laudibus Officii Defunctorum nunquam adhibetur incensum, nec in Missa, nisi ad Oblata, & tunc

tunc Altare, Celebrans, & D. Abbas (si aderit) thurificatur, non tamen Ministri, aut Chorus. Ita declarat *Cærem: Episc: L. 2. 6. 12.* Item adhibetur thurs ad Elevationem, ubi SS. Sacramentum incensatur à Subdiacono ad cornu Epistolæ genuflexo. Insuper ad absolutionem, & exequias adhibetur etiam incensum, & dum ministratur ad imponendum, à Celebrante modo ordinario benedicitur.

Decreta S. R. Congr:

1. Sanctissimum Eucharistiæ Sacramentum, quod, inter Vesperarum Divina, peculiari custoditur sacello, thurificari debet. *S. R. C. 5. Septembris. 1648. in Bonaventana.*

2. Reliquia Sanctissimæ Crucis non est incensanda à Celebrante genuflexo. *S. R. C. 15. Septembris. 1736. in Brixien.*

3. Dum incensatur Altare, in quo est expositum publicæ adorationi Venerabile Sacramentum, non debet, post illud incensatum, Crux quoq; incensari. *S. R. C. 29. Novembris. 1738. in una Carthagen. Hæp:*

4. Exposito SS. Sacramento in Altari maiori, dum sub *Magnificat* in Vesperis idem Altare majus incensatur, an debeant etiam alia Altaria incensari, ex eo, quod incongruum esse videtur relinquere in Altari expositum Sacramentum. Et utrum thurificato Altari maiori ubi est expositum Sanctissimum, debeat etiam fieri thurificatio illius Altaris, in quo est reconditum Sanctissimum in Ciborio? Responsum fuit: Non esse thure adolenda alia Altaria, licet alibi Sanctissimum Sacramentum affervetur. *S. R. C. 7. Maii. 1746. in Varsav.*

5. Quando Missa canitur sine Ministris, (intellige Sacris) non debent thurificari neq; Altare neque Chorus. *S. R. C. 19. Augusti. 1651. in una Urbis.*

6. In Missa Conventuali dierum Solemnium, quæ absq; cantu, & Ministris celebratur, non est facienda thurificatio. *S. R. C. 22. Junii 1701. in una Camald. Mont. Cor.*

7. Servari debere Cæremoniam thurificandi SS. Sacramentum, inclusum in Pixide, cum desertur pro Viatico infirmis, & cum ipso benedicendum esse populum, declaravit. *S. R. C. 21. Junii 1738. in Ulixibon. Orientali.*



CAPUT VI.

De incensatione Personarum.

1. **Q**Uicumq; ille sit, qui incensatur, & licet dignior thurificante; tamen humanitatis gratia, capitis inclinatione, ante, & post facienda, salutare tenetur; sed D. Abbas, cum thurificatur, nullatenus versus thurificantem caput inclinat, sub tempus tamen Celebrationis in Pontificalibus, & dum est paratus in Choro, scilicet Rochetto, & Mozzetta indutus, thurificantem manu dextra benedicit, nihil dicens. Sed ut Celebrans, dum à Diacono, sive ab assistente primo thurificatur, tantillum eidem caput inclinet, quasi nutu quodam, omnino convenit.

2. Nullus incensetur, nisi stans, & si aliquis sedeat, aut genuflectat, modestè prius moneatur, ut surgat ad incensationem capiendam, quod si facere noluerit, incensari non debet. Nullus præterea patiatur, ut vel sedens, vel stans à genuflexo incensetur, nisi summus Pontifex, singuli autem incensari debent à stante thurificante, versus thurificandum facie ad faciem, ita *Cærem: Episc: L. i. c. 23.* Qui thurificans attendere debet, ut ad incensationem D. Abbatis in Choro existentis, ante, & post profundam faciat reverentiam, pariter P. Priori distinctam mediocrem, cæteris verò Patribus in choro existentibus unici, ad quamlibet partem, & mediocri Capitis inclinatione, faciet salutationem, à quibus pariter capitis inclinatione resalutabitur, à Fratribus verò profunda inclinatione venerabitur.

3. Quod attinet ad numerum incensationum, advertere debet thurificator, ut dictum Numerum thurificationum observet pro qualitate rerum, & personarum quæ incensantur. Nam SS. Sacramentum, sive in Ostensorio, sive in pixide, Crux Altaris, particula veræ Crucis, insignis aliqua Reliquia Sancti, Cardinalis, Episcopus, Rmus Præsiciens, D. Abbas, licet non celebrent, si tamen parati, scilicet Rochetto, & Mozzetta induti, adsint in Choro, semper triplici ductu thurificentur. Præsente ramen Cardinali, vel Episcopo Diocesano, & D. Abbate in Choro, hic duplici tantum ductu, & posterius, ille autem triplici ductu incensari debet, & quidem prius.

4. Celebrans semper triplici ductu incensandus est, si nullus sit eo major, cui triplex ductus debeat, ob ejus dignitatem Ecclesiasticam, majore vero presente, semper duplici ductu thurificari debet, licet æquales compoſeſſi ejus in Choro, unico tantum ductu incensentur. Unde presente D. Abbate in Choro, vel alio digniori, Celebrans bino ductu, sicut & P. Prior in Choro incensari debet, cæteri Patres in Choro existentes, singuli unico ductu, & reliqui Fratres, necdum in gradu Sacerdotii existentes, ac in Choro præſentes, sine mora, scilicet, uno ductu ad unam, & iterum uno ad aliam Chori partem, quasi per circulum, thurificandi sunt. Sic circa prædicta declarat. *Gavant. P. 2. tit. 7. n. 10.* Presbyter assistens, seu Archidiaconus, item Diaconus, & Subdiaconus bino ductu; Diaconi vero assistentes, quia non sunt de gremio seniorum communiter, sicut & cæteri Ministri inferiores, licet sint de ordine Clericali, sive neq, de eo, tamen quia sunt in ministerio Altaris, singuli singulis ductibus incensari debent.

5. Ordo incensationis Personarum sive in Vesperis, sive in Missa, talis servari debet; Celebrante D. Abbate, postquam Altare incensatum fuerit, imprimis thurificatur ipse D. Abbas in sede, vel ad Altare, post quem immediatè Archidiaconus, nisi adsit Rmus Præsident Congregationis, quia tunc ipse prius, & postea Presbyter Assistens, tum P. Prior, post quem Presbyteri in Choro, prius ex ea parte, ubi est Chorus, deinde ex ea, ubi est pausa; Postea Fratres in Choro ex utraq, parte, quasi per circulum, & facta Choro debita Salutatione revertitur ad Altare, vel ad sedem Thurificator, qui ordinarie in Missis est Diaconus, juxta Decr: **S. R. C.** & in Vesperis primus Assistens.

6. Reverſus à Choro Thurificator incensat Subdiaconum, seu secundum assistentem, postea Diaconos assistentes. Thuriferarius recepto thuribulo incensat 1. Diaconum, 2. Ceroſerarios, 3. Cæremoniarium, ad ultimum reliquos Ministros Pontificalium. Non celebrante D. Abbate, sed in Choro tantum presente, parato, Celebrans semper imprimis incensari debet, qualiscunq, ille sit, etiam novissimus Præſbyter, etiam in præſentia Cardinalis, vel Episcopi; Deinde D. Abbas, postea P. Prior, tum Chorus, deniq, Altaris ministri. Ubi notandum est, quod in nonnullis Ecclesiis abusus ille tolli debeat, ubi ad *Magnificat* Celebrans thurificato Altari, ipse incensat D. Abbatem, & Chorum, o-

mnino

animo contra Cæremionale, atq; contra totam Rubricam, speciatim contra Decr: S. R. C. 15. Martii 1608.

7. Quotiescunq; incensatur Altare, toties & Celebrans incensari debet, insuper post decantatum à Diacono Evangelium, licet D. Abbati deferatur Liber ad osculandum, Celebrans tamen solus tunc incensari debet, ex Decr: S. R. C. 4. Augusti 1663. D. Abbas si sit in Choro non paratus, semel tantum in Missa incensari debet, scilicet post Oblata; si vero sit indutus Rochetto & Mozzezza, tunc & incensum semper benedicit, & thurificatur initio Missæ ante Introitum, & post oblata. In Vesperis ad *Magnificat*, in Laudibus ad *Benedictus*. Chorus cum P. Priore incensatur tantum post Oblata in Missa, in Vesperis ad *Magnificat*, & in Laudibus ad *Benedictus*. Pariter & Ministri Altaris his tantum tribus vicibus incensari solent.

8. Ut planius pateat ordo incensationis, nota: Ad Missam post Offertorium, incensatis oblatis & Altari à Celebrante, Diaconus stans in cornu Epistolæ recipit thuribulum à Celebrante, cum osculis manûs, & thuribuli, & dicto à Celebrante: *Accendat in nobis* &c: responderet *Amen*, eumq; incensat ut initio Missæ; quo incensato in cornu Epistolæ, comite à sinistris Thuriferario, Diaconus procedit in Chorum, facta prius genuflexione, quasi ante medium Altaris, à dextris scilicet Subdiaconi, una cum socio suo, qui Naviculam ante pectus retinet, ut ponat thus in thuribulo, si fumus deficiat, ita declarat *Jacob: c. 20.* Cæremoniarius interim remanere debet ad sinistram Celebrantis, ut ei vertat folia ad finem præstationis. Et cum accesserint ad Chorum, surgentibus omnibus qui in eo sunt, adhuc, quasi in via, capitis inclinatione ad utramq; partem facta, saluant eum. Tum consistentes in medio, propius ei extremitati, ubi Seniores considerare solent, versa facie ad Altare, si remotior sit sedes D. Abbatis, & ipse præsens sit in Choro, facta ei profunda ante & post reverentia eum triplici incensat ductu. Si vero sedes D. Abbatis sit propior Altari, tunc Diaconus cum Thuriferario, priusquam progrediantur ad Chorum, accedunt propius ad sedem, & debita reverentia incensant eum.

9. Incensato D. Abbate, convertit Diaconus faciem ad locum P. Prioris Monasterii, quem (si aderit) bino ductu incensabit mediocri reverentia ante, & post non intermissa. Deinde inclinans caput ad eam partem, ubi Chorus inscriptus est, Singulos Sacerdotes, singulis ductibus, & Religiosos tra-

Fratres omnes unico ductu, quasi per circulum thurificat. Postea conversus ad eam Chori partem, ubi pausa est, & ibi facta inclinatione, pariter singulos Presbyteros singulis ductibus, & Fratres Clericos, sive Choristas unico ductu incensat. Thuriferario interim immobiliter sinistro ejus lateri adherente, quasi post eum.

10. Incensato Choro, ac salutato ad utramq; partem capitis inclinatione, comite Thuriferario Diaconus cum omni gravitate revertitur ad Altare: ubi facta, ut supra, genuflectione à dextris Subdiaconi, retrocedens parum ad partem Epistolæ, Subdiaconum ad se conversum, & quasi parum ad latus Evangelii recedentem, (qui paululum tunc demittit patenam) bino ductu incensat, cum mutuis inclinationibus ante, & post; ac statim reddit thuribulum ministro de eo, stanti à dextris suis, ipseq; ascendit ad 2. Altaris gradum, ubi genuflectit, & parum recedens ad cornu Evangelii in eodem 2. gradu, convertit se ad Thurificantem, faciem quasi ad Cornu Epistolæ vertendo: & sic incensatur bino ductu à Thuriferario stante in eo loco, ubi ille prius Subdiaconum thurificabat, non intermissis mutuis inclinationibus. His peractis, Thuriferarius accedit ad medium plani post Subdiaconum, ubi conversos ad se, quasi lateraliter, Ceroferarios, ne terga vertant Altari, sine ulla capitis inclinatione, quemq; unico incensat ductu, illis tamen se omnino inclinantibus. Pariter Cæremoniarius prope Subdiaconum consistentem, & ad se aliquomodo conversum thurificat unico ductu. Ad ultimum facta genuflectione Thuriferarius, revertitur in Sacristiam, reponitq; thuribulum.

11. In Vesperis pariter fit incensatio, & eodem ordine à primo Assistente, quo à Diacono peragendam præscripsimus, Num: præ: nisi quod Cæremoniarius comes ei adjungi debet, & non Thuriferarius, qui cum Navicula, & ad latus sinistrum assistere debet. Hoc tam Thurificator advertat: quod, si audierit à Choro decantari *ψ. Gloria Patri* sub tempus incensationis, cessare ab illa, & in eodem loco caput inclinare debet, usq; ad illa verba: *Et Spiritui Sancto*. Tum erectus continuet dictam incensationem, sed iam aliquomodo velocius, ut ante *Kyrie eleison*, totam peragat, alioquin, non finita etiam, redeat ad Celebrantem. Et licet fuerit in Altari expositum publicè SS. Sacramentum, tamen dicta incensatio personarum, & totius Chori, non est omittenda, ex mente Rubricæ generalis. Similiter D. Abbate celebrante

Pontificaliter tam Missam, quam Vesperas, facienda est, & nunquam intermittenda prædicta thurificatio Chori, & Ministrorum, eo quo supra diximus, ordine.

12. Quæcunq; hic dicta sunt de incensatione ad Vesperas, pariter eadem servanda sunt in Laudibus solemniter peragendis, ad Canticum: *Benedictus* &c: Non tamen ad Canticum Completorii *Nunc dimittis*. &c: Sabbato Sancto, quia ad hoc Canticum nulla unquam fieri debet incensatio, ex mente Decr: S. R. C. Si ergo non potest fieri thurificatio Altaris, multo magis nec personarum. Cætera, de incensatione, pluribus in locis, hujus opusculi, dispersa, instruent curiosum lectorem in eadem peragenda.

Decreta S. R. Congregationis.

1. Assistens Presbyter debet Episcopum thurificare ad sedem, quicumq; ille sit, non vero Diaconus Evangelii. S. R. C. 19. *Maii 1607. in Placentina.*

2. Diaconus Evangelii debet thurificare Chorum, nec ab eo munere excusatur sub prætextu contrariæ consuetudinis. S. R. C. 15. *Martii 1608. in Alexandria.*

3. Absente Episcopo thurificandus est Celebrans triplici ductu thuribuli. S. R. C. 30. *Januarii 1616. in Comen: Valuvæ.*

4. In personarum incensatione, tota thurificatio facienda est, cum unico Thuribulo. S. R. C. 21. *Julii 1618. in Lucerna.*

5. Missa quando canitur sine Ministris, non debet thurificari neq; Altare, neq; Chorus. S. R. C. 19. *Augusti 1631. in una Urbis, & 22. Januarii 1701. in una Camald: Mont: Corona.*

6. Quando Episcopus assistit cum cappa Missæ Solemni, thurificandus est Celebrans finito Evangelio, non vero Episcopus, quia non est paratus Pluviali. S. R. C. 4. *Augusti 1663. in una Dalmatarum.*

C A P U T VII.

De Ordine dandi Pacem.

1. **L**icet in Congregatione nostra, sub Missæ Solemnis celebratione, ordo dandi Pacem, vix sit usitatus, quia tamen communis Ecclesiæ consuetudo nos docet, Regule
Ru-

Rubri nobis inculcant, ipsumq; Missale tam Romanum, quam Monasticum nos instruit, ut certis temporibus detur Pax tam ministris ad Altare, quam Præfato, quamq; omnibus in Choro presentibus. Ut autem perfecta sit scientia in omnibus, quomodo Pax detur, aut quomodo recipiatur, multa jam præmissimus de ea in Missis Solemnibus, neq; tamen hic præterire silentio fas est, ubi omnimoda sperari debet informatio.

2. Deberet quidem dari Pax per osculum, ut innuit *Cærem:* Episc: P. 1. c. 24, *Castald:* L. 2. sect. 1. c. 3. n. 6. *Merati* P. 2. tit. 10. n. 45. *Braulton* P. 2. c. 8. n. 10. *Bauldry* P. 2. c. 10. a. 1. & alii communiter, quia tamen in Regno nostro vix jam est in usu, quinimo in pluribus insignioribus Ecclesiis tantum per instrumentum tribuitur, ideoq; ne, multorum discrepantium genti, nobis, novitatis inducendæ inuram notam, illud, quod ab Apostolis acceptum, & ab Innocentio I. Sum: Pont: Anno 410. institutum, & ad hæc usque tempora per universam propagatum Ecclesiam, per instrumentum tantum dari signum Pacis, non denegamus, fundari in *Manuali Cæremoniarii PP. Congreg: Missionis, Culmæ* impresso, cujus dande, pacis, sive per osculum, sive per instrumentum describitur Ordo.

3. In Missa Solemni, dicto *Agnus Dei &c.* à Celebrante, & Ministris, Diaconus statim, ad initium primæ Orationis: *Domine JESU Christe, qui dixisti &c.* genuit ad dexteram Celebrantis, qua dicta surgit, osculatur simul cum Celebrante Altare, extra tamen Corporale, manibus junctis, & non supra Altare positis. Et (si per instrumentum danda est pax) sumens de Altari instrumentum pacis, porrigit illud Celebranti ad osculandum, qui propriis manibus, seu reliquis digitis, præter indices, & pollices junctos, tenens, & ipse osculatur, & Diacono pariter ad osculum porrigit, retinetq; manibus suis, ac dicit: *Pax tecum*, & tunc dimittit in manibus Diaconi dictum Instrumentum pacis. Diaconus osculato eo, respondet: *Et cum Spiritu tuo*. Et statim conversus per latus suum sinistram versus Subdiaconum, itantem in 2. gradu, post Celebrantem, porrigit eidem osculandum, dicendo pariter: *Pax tecum*. Subdiaconus autem facto osculo instrumenti pacis, respondet: *Et cum Spiritu tuo*, recipitq; in manus suas dictum instrumentum, quod tradit deportandum Cæremoniario, vel in defectu ejus, Thuriferario, proceditq; cum eo ad Chorum.

4. Cæremoniarius, non portat Instrumentum pacis ante se, sed ponit super manum sinistram, dexterâ tenens per manubrium, una cum velo parvo de Calice, coloris paramentorum,

quo

quo etiam abstergi debet, ipseq; ad sinistram procedit Subdiaconi, parum retro procedendo. Venientes ad Chorum, in medio facient reverentiam, ad utraq; Chori partem, non tamen personalem. Accedunt ergo ad locum P. Prioris, (si in Choro est) & sumptum de manu Cæremoniarîi instrumentum pacis, ac velo extersum, absq; ulla reverentia porrigit manibus suis Subdiaconus ad osculum dicendo: *Pax tecum*, cui ille respondere tenetur: *Et cum Spiritu tuo*, eiq; se inclinare ante, & post. Subdiaconus vero tantum post datam pacem, nunquam vero ante.

5. Data Pace P. Priori, tradit instrumentum pacis in manus ejus, ut unus alteri, consequenter in ea parte Chori, tribuat Presbyter Presbytero, & tunc Subdiaconus substitit in priori loco, donec ultimus ejusdem partis Sacerdos dictam receperit pacem, a quo Instrumentum pacis recipiet Cæremoniarîus; procedetq; cum Subdiacono ad alteram Chori partem, genuflectentes in medio, ubi eadem disciplina dictus Subdiaconus, tribuit ei ad osculum instrumentum pacis, qui est in primo loco, alterius partis Chori. In absentia P. Prioris, primo accedit ad eam Chori partem ubi Chorus est, deinde ad eam, ubi pausa est. Hoc tamen observandum est, quia pax non aliter tribui debet, quam stanti, & neq; sedenti, aut genuflectenti; ideoq; omnino in talibus uniformitas servanda est.

6. Data Patribus in Choro existentibus pace, Subdiaconus, cum Cæremoniarîo, facta in medio ad utraq; Chori partem salutatione, procedunt propius ad Altare, ubi Fratres, qui ad Communionem accedere debent, propius congregati in duabus lineis, accipient à Subdiacono, quilibet seorsivè pacem, & in eodem loco genuflectent. Si vero ea die non communicabunt Fratres, postquam ultimus Presbyter in una Chori parte acceperit pacem, Cæremoniarîus recepto instrumento, porriget illud Subdiacono, & hic denuo tribuet proximiori ex Fratribus, ut unus alteri, eodem, quo supra, modo, & ordine tribuat, & ne frustranea fiat per divagationem perturbatio; tum in altera Chori parte, recepta ultimus Sacerdos pace, reddet instrumentum Cæremoniarîo, & Cæremoniarîus Subdiacono, ut ipse in hac altera Chori parte tribuat Seniori ex Fratribus, ut supra notatum est.

7. Sic data in Choro pace, ac Salutato Choro, in medio, ab utraq; parte, Subdiaconus procedit ad Altare una cum Cæremoniarîo, ubi genuflectit, & accepto instrumento, dat comiti suo pacem, modo supra exarato, hic verò Cæremoniarîus tribuit

buit eam Acolythis circumstantibus, & ministrantibus Misse pari disciplina, qua ipse accepit. Subdiaconus statim redit ad dexteram Celebrantis, ubi facta genuflexione ad finem ministrat. Hoc tantum specialiter observandum venit, quod ordo dandi pacem idem est, ac ordo incensationis, ideoq; Subdiaconus illis tantum tribuit pacem, quos Diaconus thurificavit, Cæremoniarius verò iis, quos Thuriferarius incensavit. Nunquam verò extra Chorum cuiquam pax dari potest, ex Decr. S. R. C. 5. Julii 1614. Neq; cum patena loco instrumenti pacis, quia prohibuit S. Pius V. Pont. Max. in Epistola ad Archiep. Tarraconen.

8. Si per osculum dari debeat pax (quod convenientius, & ad mentem Decretorum S. R. Congr. esset) eodem Subdiaconus incedet ordine, comite Cæremoniario, sed jam absq; instrumento, manibus tantum ante pectus junctis. Et accedendo ad digniorem de Choro, uti P. Priorem, det ei primo, sinistram genam, sinistra ejus genæ approximando manibusq; brachia complectendo, dicat: *Pax tecum*, & statim Fratri primo ex illa Chori parte consistenti eodem tribuat modo, ut unus alteri Presbyter Presbytero, Frater Fratri, ad finem tribuat. Et statim transibit ad alteram Chori partem, ubi pariter primum digniori, vel seniori Patri, e. g. Suppriori, & postea proximiori Fratri tribuet, modum supradictum servando, ut cæteri vicissim accipiant osculum pacis. Cætera supramemorato ordine erunt observanda.

9. D. Abbate celebrante Pontificaliter, post dictum *Agnus Dei &c.* Archidiaconus accedit ad dexteram D. Abbatis, ubi sicut Diaconus genuflectit, & surgens osculatur Altare cum Celebrante, mox appropinquans sinistram genam, sinistra D. Abbatis genæ, accipit manibus junctis pacis osculum, & dicenti D. Abbati *Pax tecum* statim responder: *Et cum Spiritu tuo.* Facta ibidem genuflexione, non vertens renes SS. Sacramento discedit comitante Cæremoniario, osculumq; prædictum per Chorum, & nullomodo tunc per instrumentum, ordine suo distribuit, quemadmodum Num. præc. declaratum est. Notandum præterea, quod ipse Presbyter Assistens non dat osculum Diacono Evangelii, nec Subdiacono Epistolæ, nec aliis ministris Altaris, sed directè procedit ad Chorum. Si plures invenerit DD. Abbates præsentés; ubi sit sub tempus Capituli generalis, tunc primo tribuat digniori ex una parte, vel seniori. Abbati, postea Sacerdori ex eadem parte digniori, & Fratri seniori. Deinde ex altera parte Abbati seniori, tum Sacerdoti ex eadem altera

parte digniori, & Fratri ex eadem parte seniori, uni scilicet ex qualibet Hierarchia Ecclesiastica, ut illi sibi invicem tribuant.

10. Observabit autem ipse Archidiaconus, osculum ferens, ut nulli, quantumvis supremo Principi, etiamsi esset Rex, nulliq; Ecclesiasticæ dignitati, etiamsi esset Cardinalis, ullum signum reverentiæ præter, antequam pacem tribuat, nisi post eam datam, cui, etiam Prælati, qui acceperunt pacem ab eo, pari reverentia correspondent, cum sit Archidiaconi Officium eminens inter dignitates Ecclesiasticas. Dictum est Num: præc: quod debeat tribuere pacis osculum pluribus, & hoc non absq; fundamento, regula enim Rubri est, ut pax detur primo cuj; Ordinis, videlicet primo ex Abbatibus, si plures sint, primo ex Presbyteris, & primo ex ordine Clericali, in quo continentur Diaconi, Subdiaconi, Clerici, & necdum Clerici, sicut Religiosi tonsurati, quam itaq; Regulam ex unaquaq; parte Chori Archidiaconus servare tenetur.

11. Postquam verò prædictus Archidiaconus pacem in Choro dederit, veniens propius ad Altare dabit eam comiti suo, scilicet Cæremoniario, qui cæteris Acolythis & Ministris inferioribus eam distribuet, & non alius, quia Diaconus Evangelii, pacem à D. Abbate acceptam, Subdiacono tantum debet dare, & Subdiaconus illam duobus Diaconis assistentibus ministrare tenetur, & non pluribus, *ex Decr. S. R. C. 17. Junii 1606. in Bracharen.* Si vero Diaconus, & Subdiaconus accepturi sunt communionem de manibus D. Abbatis, ut contingere speciatim solet Feria V. in Cæna Domini, tunc non tantum Diaconus, sed etiam Subdiaconus, atq; Diaconi assistentes à D. Abbate debent osculum pacis, unus post alium venientes accipere, non prætermittis genuflexionibus ad dexteram illius, Sanctissimo Sacramento faciendam, ante, & post.

12. Quando autem D. Abbas ipse non celebrat, sed Missæ per alium Celebrare adest in Choro, Subdiaconus tunc non jam à Diacono, sed ab ipso Celebrante accipit pacem, & facta in loco genuflexione, accedit ad sedem D. Abbatis, cui, sine ulla prævia reverentia, tribuit osculum pacis, vel præbet Instrumentum pacis ad osculandum, tum postea profundam facit reverentiam, & recedit ad dandam in Choro pacem. Magis tamen convenire suppono, ut in tali casu Subdiaconus pacem tribuat per Instrumentum, quam per osculum, quemadmodum in missis privatis, quibus adest, ut supra dictum est. P. 2. c. 8. juxta dispositionem *Cærem. Episc: L. 1. c. 30.* In Missis cantatis, quæ tamen sunt sine Ministris sacris, nunquam datur pax
in

in Choro, sicut nec in Missis Defunctorum, ac in aliis à Rubrica notatis. Prælato tamen, scilicet D. Abbati, si private Missæ voluerit interesse, etiam in iis dari potest Pax per Instrumentum, ut supra declaravimus, exceptis tantum Missis de Requiem, & aliis à Rubrica prohibitis.

Decreta S. R. Congregationis.

1. Usus semel introductus juxta regulas Libri Cæemonialis, servandus est, & pax cum osculo omnibus Viris Ecclesiasticis, in Choro sedentibus, danda est. S. R. C. 8. Julii 1602. in Messanen. Nota: in Choro sedentibus, intelligitur: sus sedendi, seu Stalium habere in Choro, cum pax stanti & non sedenti danda est, ita Cærem: Episc: L. 1. c. 24. n. 7. & P. Spiridion Talu explicat.

2. Diaconus, & Subdiaconus accipiunt pacem ab Episcopo Celebrante, statim post Diaconos assistentes, si in Missa Communionem accipiunt. S. R. C. 15. Martii 1608. in Alexandrina. Adverte: post Diaconos assistentes, quia hi semper supponuntur Canonici ad inserviendum Episcopo, Diaconus vero, & Subdiaconus non semper Canonici, ideoq; in nostro Casu aliter sentiendum est.

C A P U T VIII.

De Expositione, Processione cum SS. Sacramento, ejusq; asservatione.

1. **I**N expositione SS. Sacramenti, hic ordo servari debet: imposita per alium Sacerdotem, vel Diaconum in ordine Sacerdotali, in Lunulam Hostiâ consecratâ, eâq; cum dicta Lunula in ostensorio oclusâ, ipsum Ostensorium rectè in Altari collocari debet, ita, ut figura Christi Crucifixi in Hostiâ expressa, respiciat populum. Diaconus si Sacram Hostiam imposituit, recedens ad latus Epistolæ, digitos abluit, quibus tetigerat sacram Hostiam, eosq; purificatorio extergit. Tum descendens ad Celebrantem genuflexum in infimo gradu Altaris, non omitta tamen genuflexione in loco, unde recesserat, Ministrante Thuriferario thuribulum, eoq; genuflexo, Diaconus profunde inclinatus porrigit cochlear sine osculis, ministratq; Na-

viculam, non petens benedictionem, quia tunc solum Sacramentum incensandum erit.

2. Celebrans adveniente Diacono surgit cum Subdiacono, & stans in eodem loco, scilicet plano, parum conversus erga thuribulum, imponit ter incensum in thuribulo, sine ulla signi, vel verborum benedictione: Subdiacono interim elevante simbriam anteriorem Pluvialis, ex parte manus dexteræ. Imposito incenso, Thuriferarius statim tradit thuribulum Diacono, & recipit Naviculam, ipseque recedit ad cornu Epistolæ. Tum Celebrans, & sacri Ministri prius genuflectentes, ascendant ad 2. Altaris gradum, ubi in ora suppedanei genuflexi manent; Celebrans verò facta profunda reverentia, genuflexus ter incensat SS. Sacramentum in una linea recta, non verò à dextris, & à sinistris, ut quidam opinantur erroneè.

3. Peracta incensatione, & facta profunda reverentia Celebrans ascendit ad Altare, & genuflectit, surgens vero accipit Ostensorium in manibus, sinistra scilicet pedem, & dextera nodum Ostensorii, illudque vertit ita, ut Imago Crucifixi in Hostia respiciat semper populum, & sic vertit se a cornu Epistolæ, scilicet per manum suam dextram, ad populum, consistit in medio, & elevat Ostensorium ita, ut pes ejusdem Ostensorii sit infra pectus, cantatque: *Ÿ. O! Salutaris Hostia.* Et licet S. R. C. disposuit, & mos Ecclesiarum Urbis recepit, ut dictus Versus à Cantoribus inchoetur, tamen quia consuetudo in Regno nostro inolevit, ita, ut in Cathedralibus, & Collegiatis semper Celebrans incipiat, ideoque retinenda erit.

4. Decantata à Choro prima strophæ, & cum Celebrans per eam immobiliter persistat, sustinens Ostensorium, inchoat Versum secundæ Strophæ *Uni trinoque Domino*, & statim facta cum Sanctissimo benedictione, vertit se ad Altare per latus suum sinistrum, scilicet per cornu Evangelii, & in Altari collocans, ut prius fuerat, Ostensorium, atque genuflectens, surgit, & lateraliter, (non tamen per medium, sed retrahendo se ad partem Evangelii) descendit ad 2. Altaris gradum. Ubi porrectum sibi per Diaconum thuribulum capit, incensat ter, ut prius, Sanctissimum Sacramentum, non omitta ante, & post, profunda inclinatione. Descendit denique in planum, ubi in infimo gradu, facta utroque genu, cum profunda Capitis inclinatione, genuflexione, surgit, & vel recedit in Sacristiam, vel Officium inchoat, quod subsequi debet. Diaconus recepto post incensationem thuribulo, reddit illud Thuriferario, surgit, ascendit ad Altare, genuflectit, & acceptum Ostensorium in loco eminentio-

tiori collocat, advertens, ut sub eo semper sit expansum Corporale, tum iterum genuflectit, descendit per gradus caute, ne terga vertat, & adjungitur Celebranti.

5. Ad Processionem, quæ semper vel ante, vel post Missam fieri debet, & non intra, tum post Vesperas, aut post Completorium, Celebrans semper Pluviali indutus esse debet, & nunquam Planeta, nisi semel Feria VI. Parasceves, ex speciali Rubrica; nec tamen superpelliceo solo, sed Amictu, Alba, & Stola in modum Crucis aptata, ac Pluviali ornari tenetur. Quia licet si prius Vesperas celebret, tamen ob præsentiam expositi SS. Sacramenti, omnes Auctores Rubricæ, & S. R. C. Decreta præcipiunt, ut tunc omnia agantur sicut in Felto Corporis Christi, & infra ejus Octavam. *P. Merati P. 4. tit. 12. §. 5. n. 29. de Vesp. infra Oct. Corp. Christi*, sic in rem nostram loquitur: *Ad Vesperas Celebrans erit paratus amictu, alba, stola, & Pluviali coloris respondentis officio*. Insuper de sola expositione SS. Sacramenti, quæ sit extra Missam, & extra Vesperas sic habet: *loc. cit. §. 6. n. 30. Sacerdos, qui expositionem facere debet, decens est, ut paretur amictu, Alba, Stola, & Pluviali albi coloris*, Multo magis ad Vesperas, & Processionem.

6. Ministri pariter sacri, non Pluvialibus induti, sed Diaconus amictu, Alba, Stola, & Dalmatica; Subdiaconus verò amictu, Alba, & Tunicella parari debent. Nam licet nonnulli Rubricistæ concedant usum Pluvialium assistentibus ad Vesperas, exposito SS. Sacramento, tamen si post Vesperas, vel Completorium fieri debeat Processio, præcipiunt, ut paulo ante eam Ministri ascendant in Sacristiam, & ibi depositis Pluvialibus, accipiant Diaconalia, & Subdiaconalia paramenta, quia tamen nimis incommodum videretur facere hos transitus, & diversitates Ministrorum, ideoq; decentius, & convenientius esset, si exposito SS. Sacramento ad Vesperas, & Completorium (post quæ semper præsupponitur facienda processio) Diaconus, & Subdiaconus propriis Ordinis sint induti paramentis, exceptis tantum manipulis. Cui sententiæ ut robur addam, adduco in testimonium *P. Bauldry, O. S. Ben. Ecclesie Cathedralis Malleacen: magnum Priorem*, qui in suo *Manuali Sacrarum Cærem: P. 4. c. 16. a. 6. n. 8.* hæc habet formalia: *Si post Vesperas, & Completorium facienda sit Processio, circa finem earum Ministri sacri parant se, Diaconus Alba, Stola, & Dalmatica, & Subdiaconus alba, & Tunicella, sed; parati procedunt ad Altare. & n. 9. sic habet: Si immediate post Vesperas faciendi sit Processio, convenit, ut Ministri sacri, parent se paramentis sacris, ut supra.*

7. Tempore, quo facienda est dicta Processio, Celebrans, si sit in sede, accedit ad gradus Altaris: si fuerit Missa, descendit in planum, genuflectit, recedit ad latus Epistolæ, ubi deponit Casulam, & manipulum, sumit Pluviale, & accedit ad gradus Altaris, ubi in infimo gradu genuflectus cum omnibus ministris, profunde inclinat Caput; & adveniente Thuriferario cum thuribulo, & Naviculi, & consistente quasi à dextris Diaconi ante Celebrantem, ipse, & ministri sacri erigunt se. Tum Thuriferarius tradit Diacono erecto Naviculam, & ipse Ministrat thuribulum, ut supra Celebrans erectus, capit à Diacono cochlear, imponit incensum in thuribulum, absq; ulla benedictione. Subdiacono interim elevante fimbriam dextram pluvialis Celebrantis.

8. Imposito incenso Celebrans, cum Ministris sacris ascendit ad 2. Altaris gradum, ubi in ora suppedanei genuflectus incensat SS. Sacramentum triplici ductu, adhuc in eminentiori loco constitutum, & non depositum. Quo incensato, Celebrans manet genuflectus, & Diaconus recepto, ac reddito thuribulo, porrecto sibi per Cæremoniarium (si opus est) scabello, deponit Ostensorium in medio Altaris collocans supra petram Sanctam, in qua Corporale debet esse extensum, & non plicatum, supra cujus medium reponit. Interim Subdiaconus sumens ab Acolytha velum oblongum imponit humeris Celebrantis, illudq; ante pectus colligat chordulis, vel aciculis, adaptatq; ita, ut firmiter super brachia pendeat, & ne ex iis decidat.

9. Diaconus remoto scabello, genuflectit, aliquantulum renes vertens lateri Epistolæ, ne terga vertat Celebranti, & statim erigit se, accipit Ostensorium ambabus manibus reverenter, dextera per nodum, sinistra verò pedem tenens, ita, ut Crucifixi imago in Hostia, eundem Diaconum respiciat. Hic, conversus per eam partem, quæ respicit cornu Evangelii, recedens à medio, quasi lateraliter stat, ipsum Ostensorium porrigendo Celebranti, qui prius genuflectus, postea erectus capit illud dextera nuda per nodum, sinistra verò nuda per pedem, tenetq; ita, ut Imago Christi, quæ est in Hostia, Crucem, quæ desertur in Processione, semper respiciat, quod facile fiet, si Diaconus absq; ulla conversione capiet, & pariter absq; ulla conversione trader Celebranti. Quo facto Diaconus manus Celebrantis obtegit extremitatibus veli oblongi, ita, ut nullomodo appareant, sed tantum Sacramentum pateat in sole: & ita adaptat velum, ut nec vento, nec alia causa de manibus valeat amoveri.

10. Celebrans ergo firmat se in medio, ante Altare, vertens faciem, & Ostensorium ad populum, & hic statim Ministri sacri mutant loca sua. Diaconus facta in loco genuflexione accedit ad locum illum, ubi prius Subdiaconus genuflexus permanebat. Subdiaconus verò descendens ad infimum Altaris gradum, per eum transit ad dexteram Diaconi, ubi ascendens ad 2. Altaris gradum, genuflectit in ora Suppedanei, in eo videlicet loco, ubi prius Diaconus genuflectebat. Interim Cantores, vel ipse Celebrans intonat Hymnum aliquem devotè, eumq; omnes cum populo prosequuntur.

11. Et licet prohibeant S. R. C. Decreta, præsertim; die 21. Martii 1699. ne canantur cantiones vulgari sermone, in dicta Processione cum SS. Sacramento, quia tamen aliquoties paucitas Religiosorum, & ruditas populi, ponit obstaculum Cantibus in lingua Latina; in Regno quoq; nostro usu receptum est cantandi lingua vernacula, ideoq; permitti potest, nec tamen alii hymni sunt cantandi, quam qui usitati sunt in festo Corporis Christi, videlicet: *Tworzy ciżé Chwałę, Etc.* vel *Do Ciebie Panie*, ordinariè tamen in lingua latina decantari debet: *JESU dulcis memoria*, aut *Te Deum laudamus*. Cavendum est in omnibus Ecclesiis, ne alii Hymni in tali Processione concinantur, præsertim de B. V. MARIA, aut de aliis Sanctis, quia summa disconvenientia esset, Sacramentum deferre, & illud ore non collaudare; omnes autem actus nostri conformari debent uniformiter in iis, quæ ad cultum Divinum pertinent, si itaq; humili poplite in Processione delatum veneramur Sacramentum, laudamus pariter lingua, & corde.

12. Ordinatur deinde Processio, & Celebrans non debet benedicere populum cum SS. Sacramento, quia nulla Rubrica talibus patrocinator, nec aliquis Author de tali benedictione quidquam innuit: sed statim post inchoationem Hymni, surgere debent Religiosi, & accingere se Processioni. Ipse quoq; Celebrans adjutantibus Diacono, & Subdiacono paulatim descendit de gradibus Altaris, ac procedit, nec nimis festinanter, nec nimis morosè, sed lento, & gravi incessu, recitando cum dictis Ministris submissa voce Hymnos, & Psalmos convenientes mysterio Eucharistico, per totum tractum Processionis: non tamen Celebrans, aut Sacri Ministri cantare quidquam cum aliis debent, nisi forte essent admodum pauci ad cantandum, & necessitas maxima ad id cogeret. Ita *Cerim. Episc. L. 2. c. 33. n. 22. Rit. Rom. de Process.* Ut autem major reverentia exhibetur SS. Sacramento, deferri debent circa latera Ce-

Celebrantis, ad minimum 4. faces, vel per Religiosos Fratres superpelliceis indutos, vel etiam per sæculares personas, pariter cottis ornatas.

13. Omnes recte compositi, corpore erecto, demissis in terram obtutibus, uniformiter, modeste, ac gravide & sine strepitu, continuatè sine ulla interruptione incedant, nec festinent, ne cogantur postea expectare Celebrantem, nec ita morosè procedant, ut impediant Thuriferariis incensationem continuam Sanctissimi Sacramenti; Qui quasi lateraliter procedendo, teneantur continuè illud incensare, quasi sternendo viam, & si deficiat in Thuribulo fumus, poterunt ipsi sine ulla benedictione imponere. Deserentes Candelas, ii, qui à dextris procedunt, manu dextra eas teneant, illi verò, qui à sinistris incedunt, manu sinistra ditas deferant candelas, alterà manu modeste infra pectus posità, aut si est cantandum ex Libro, tunc eadem manu, quæ infra pectus teneri solet, Cancionale, seu Processionale teneatur.

14. De Circulo, & via procedendi, servetur locorum consuetudo, ubi juxta situm diversorum locorum, diversimodè peragitur, regulariter tamen, & rectius proceditur à latere Evangelii, ad latus Epistolæ, & hic modus videtur conformis Pontificali Romano, in quo præcipitur, ut in Dedicatione Ecclesiæ processiones sic inchoentur. Pariter processio pro defunctis, ac ipsius absolutionis defunctorum circuitio fieri debet, ex *Missali*, & *Rituali Romano*.

15. Dum terminatur Processio, accedentes Religiosi ad Altare statim genuflectunt in locis suis, ita ut Fratres iuniores ad latera Altaris, seniores vero Patres, & Superiores ad cancellos maneant genuflexi, quousq; non fuerit data benedictio. Thuriferarii cum ad gradus Altaris pervenerint, ibi sistunt se ad latera gradum, cessantes ab incensatione, ut Celebranti, & ministris dent locum transeundi: Celebrans accedens ad gradus Altaris paululum subsistit, donec Subdiaconus eleveat simbrias anteriores Albæ & vestium, & tunc adjuvante Diacono ascendit ad Altare, ubi in suppedaneo Altaris constitutus, deponit SS. Sacramentum in manus Diaconi, qui prius genuflectendo adorat, tum surgens, & quasi renes vertens ad cornu Epistolæ, reverenter accipit Ostensorium, atq; illud modeste collocat supra medium corporalis extensi in petra sancta, non omnino renes vertens Celebranti, ob ejus reverentiam; nec statim illud ponit super Altare, sed retinens in manibus paululum expectat, ut Celebrans Sacramentum in loco suo adoret.

Sic

Sic autem dictum Ostensorium ponit, ut imago Christi in Sacra Hostia expressa populum respiciat. Diaconus postea genuflectit, & erectus accedit ad dexteram Celebrantis, cuius velum oblongum, non removetur adhuc ab humeris ejus, quia in fine daturus est benedictionem, quæ tamen non debet dari in Hymno *Rex Christe primogenite* &c: neq; ad illa verba: *tuo nos Corpore refice*, ut invaluit mos in Regno nostro, ne nimis multiplicentur tales benedictiones. Et quid dicendum de iis, ubi in tractu Processionis, v. g. exeundo extra Ecclesiam, statim confveverunt nonnulli dare benedictionem cum SS. Sacramento, & non tantum semel, sed & quater, in quatuor partes orbis terræ, omnino contra Rubricæ Regulas, & S. R. C. Decreta; à quibus potius abstinere, consulerem, quàm mandatis S. R. Ecclesiæ contraire.

16. Postquam Celebrans dederit SS. Sacramentum Diacono, statim in eodem loco genuflectit, & descendit ad 2. Altaris gradum, manetq; genuflectus in ora suppedanei, donec Diaconus reversus fuerit: Qui deposito SS. Sacramento in Altari, eoq; adorato, descendit ad dexteram Celebrantis, ubi adveniente Thuriferario per gradus laterales cornu Epistolæ, accipit Naviculam, ministratq; thus. ad imponendum, Thuriferario ministrante thuribulum, ut supra, quasi à dextris Diaconi. Celebrans verò in loco erectus, imponit stando incensum in thuribulum, absq; benedictione, & finito eantu à Choro, genuflectus incensat de more SS. Sacramentum. Tum surgens ascendit ad Altare, ibiq; genuflectit, & sine Diaconi, aut Alterius ministerio accipit velatis manibus, ut prius, ostensorium, & vergens se ad populum per latus suum dextrum, ut ad *Dominus vobiscum*, tenens, ut prius, ante pectus Ostensorium, intonat ipse (de consuetudine Regni) *Tantum ergo Sacramentum*, persistitq; immobilis, donec terminetur à Choro integra Strophæ, qua finita denuò intonat: *ψ. Genitori, Genitoque*, & statim non expectando quartum *ψ.* finita intonatione benedicit populum semel cum SS. Sacramento, nihil dicens, modo tamen præscripto à S. R. C. Finita benedictione vertit se Celebrans ad latus Evangelii, usq; ad medium Altaris, facitq; gyrum, seu Circulum, & collocat Ostensorium sine adminiculo. Cavéant autem omnes, ne ad hunc *ψ. Sit & benedictio*, benedicant, quia expresse abusus ille est contra Rituale Romanum, & contra Decreta S. R. C. P. Baudary
viro

vero P. IV. c. 16. art. 3. n. 36. statetur hoc esse nimis rusticum, ita mos iste non videtur permittendus.

17. Deposito à Celebrante SS. Sacramento super Altare, ipse statim facta genuflexione descendit ad 2. gradum, & genuflexus in Suppedaneo incensat Sacramentum, postea amovetur ei velum oblongum per Subdiaconum. Interim Diaconus ascendit ad Altare, genuflectit, surgit, & (si opus est) ministrante ei Cæremoniaro, vel viciniore Acolytho Scabellum. ascendit, reponit Ostensorium in majori tabernaculo, seu loco eminenti, decenter ornato, corporali tamen semper subposito, & extenso. Postquam vero Diaconus reposuerit SS. Sacramentum, facta ad Altare genuflexione, vel ita expositum patenter relinquit, vel etiam obvelat, acceditq; ad dexteram Celebrantis; ubi genuflexus cum Celebrante, & Subdiacono, descendit cum iis in planum. Ibi omnes iterum unico genu, (si est obvelatum) utroq; (si est patenter expositum) genuflectunt, & ordine quo venerant redeunt in Sacristiam. Si SS. Sacramentum non est obvelatum, Celebrans & Ministri sumptis Birretis, non tegunt capita sua, nisi extra Presbyterium, scilicet extra conspectum Sanctissimi. Si autem est obvelatum, recedendo parum ab Altari, & non in medio, sed quasi ad latus Altaris, tegunt Capita, & procedunt in Sacristiam.

18. Si concludenda est devotio, loco *Tantum ergo* &c: Celebrans intonat *ψ. Salvum fac populum tuum Domine.* quo *ψ.* à populo repetito, & à Celebrante secundo, & tertio pari modo iterato, qualibet autem vice, voce aliquantulum modeste elata, tertio repetito huic versiculo, superaddit Celebrans, *Et benedic hereditati tuæ.* Non tamen prius benedicit cum SS. Sacramento, donec terminet cantum, quia indecorum videretur canere, & benedictionem peragere; finito autem ex integro prædicto versiculo, benedicit nihil dicens. Ita *Rituale Rom: Gavart. Merat. & Baruffaldus. P. 4. tit: 80. n. 78.* Facto post dictam benedictionem circulo, collocat Ostensorium ut supra, & descendens, incensat Sacramentum, permanetq; genuflexus.

19. Postea Diaconus, (si est in gradu Sacerdotali) ascendit ad Altare, in cornu Epistolæ lavat manus, ministrante Cæremoniaro aquam, & manutergium; tum accedit ad medium, ibiq; genuflectit, sed non omnino in medio propter Celebrantem, cui non debet terga vertere. Removet dein parum ad latus Evangelii Ostensorium, illudq; quasi lateraliter collocat, non tamen extra petram sanctam, & aperit

rit ostiolum Tabernaculi, sive Ciborii, extrahit Pixidem, eam discooperit, ac genuflectit, tum aperta fenestrella Ostensorii, extrahit lunulam cum Hostia consecrata, quam imponit in Pixidem. Advertat autem bene, ne in ipso Ostensorio remaneant aliquæ particulae, quas si conspexerit, aut digito extrahat, & in Pixidem reponat, aut inclinet Ostensorium, ut decidant in Pixidem: relinquat verò una cum Hostia Lunulam in Pixide, quia caute debet purgari. Et dum sumitur Hostia à Celebrante Missam, lunula poterit aliquomodo vino ablui super Calicem, & purificatorio bene extergi. Si ille Diaconus non est in gradu Sacerdotali, cum ipsum Sacramentum non debeat tangere, tunc destinetur aliquis Presbyter, Superpelliceo & Stola indutus, qui supradicta peragat, vel ipse Celebrans repositionem sacrae Hostiae compleat.

20. Imposita Sacra Hostia in Pixidem, eaq; cooperta; seu oclusa, convenientius esset juxta *Rit. Rom.* statim imponere Pixidem in tabernaculum, & occludere, non omittenda prius à Diacono genuflectione, ac recedere ab Altari. Sed quia in Regno nostro usus invaluit, adhuc cum Pixide canere: *Fiant Domine* &c: ideoq; oclusa Pixide Diaconus, relinquit eam in medio Altari supra Corporale, ipseq; genuflectus accedit ad dextram Celebrantis, cui acceptum à Thuriferario thuribulum porrigit, & Celebrans genuflectus in loco suo Sacramentum in pixide incensat, postea ascendit ad Altare, genuflectit, accipit per se Pixidem, & conversus ad populum cum ea, ut supra, intonat: *Fiant Domine*. Statimq; benedicit populum semel, cum eadem Pixide, nihil dicens, convertit se pariter per gyrum, ut supra, ad Altare, & collocat Pixidem in loco, de quo acceperat, & non in Tabernaculo, seu Ciborio, ac descendens ad 2. gradum, genuflectit in ora suppedanei, incensatq; Sacramentum. Diaconus recepto thuribulo à Celebrante, eoq; Thuriferario reddito, ascendit ad Altare, genuflectit, & collocat Pixidem in Ciborio, denuo iterum genuflectit, postea claudit ostiolum Tabernaculi, extrahit clavim, & eam desert in Sacristiam, ubi in loco bene munito reponit; quod semper observandum est, & nunquam in ostiolo clavis relinquenda, propter pericula varia, pluries experientia comprobata, & ab impiis, sacrilegisq; hominibus perpetrata.

21. In his tamen praecavendi sunt omnes, ne SS. Sacramentum sive in Ostensorio, sive in Pixide ad illud Altare transferatur, aut devotionis, aut solemnitatis gratia; quia ma-

xima pluries exinde irrogatur SS. Sacramento irreverentia, & nullum apparet fundamentum talis translationis: Nos verò ut sumus in sortem Domini electi, statim contraximus obligationem servandi omnes Rubricas tam generales, quam particulares, & nihil ex eis omittendi, nihilque superaddendi. In dictis itaq; Rubricis, sive illæ sint Missalis, sive breviarii, & in aliis quibuscunque earum commentariis, aut interpretationibus nulla sit mentio de tali translatione SS. Sacramenti à loco ad locum, ideoq; & nos eam innovare aut instituere non debemus; nullam enim in hoc puncto Authoritatem habemus. Si autem & exponere publicæ adorationi SS. Sacramentum absq; licentia Ordinarii prohibuit Regularibus S. R. C. 26. Februarii. 1628. & 10. Decembris 1703. in una Urbis, & Orbis, multo magis has processiones de loco, ad locum, de altari ad altare nullus potest innovare inconsultà S. R. Congregatione. Stare itaq; semper debet SS. Sacramentum expositum in Altari majori immobiliter, & non nisi ad asservationem, vel ad processionem publicam per Ecclesiam, aut circa eam, deponi, & portari potest. Nec tamen ad finem processionis pro statione ad aliquod aliud Altare Venerabile Sacramentum reponatur, gratia Litaniarum, aut alicujus particularis devotionis, nam hoc esset omnino contra Ritus S. R. Ecclesiæ, quæ (ut notat P. Bauldry P. IV. c. 16. per Art. 14.) præcipit, ut in Altari majori omnino reponatur SS. Sacramentum, & non in alio aliquo particulari. Cum juxta Ritum Rom: dispositionem, Tit. de SS. Euch. Sacram: maxima ac diligentissima cura adhibenda est circa SS. Eucharistiæ Sacramenti reverentiam, quo nihil dignius, nihil sanctius & admirabilius habet Ecclesia Dei. Hi ergo abusus ut tollantur, Superiorum cura (ut spero) invigilabit, ne exteri, aut nos negligentes in servandis Ritibus, aut ignorantes judicent.

22. Pariter curandum est, ut SS. Sacramentum in Ostenforio ad expositionem non educatur de Sacristia, neq; ad eam afferatur pro asservatione, finitâ devotione; hoc enim esset maximum absurdum. Si itaq; exponenda est Eucharistia, ad Altare illud, in tabernaculo asservatur SS. Sacramentum, seu in Ciborio, exponi debet: scilicet de Pixide extrahi, lunulâ imponi, tum Ostenforio. Similiter si est asservanda S. Hostia, extrahatur cum lunulâ ad Altare, & asservetur in Pixide, ac occludatur in Ciborio. Hæc est peritissimorum Rubricæ interpretum decisio, hæc ipsius Rubricæ dispositio. Nec impedit quod totâ hebdomada fiat expositio, e. g. in Octava Corporis Christi, nam talis

talis ritus expositionis, & asservationis SS. Sacramenti quotidie; etiam toties, quoties opus fuerit, servari debet, & nihil innovari, nihilq; corruptelam & abusum continens in se, tueri à Viris Ecclesiasticis potest. Non ergo audeat quis opponere antiquam consuetudinem, (cum hæc ut abusus, & corruptela semper abrogari debet) aut praxim, & traditionem, nam timendum est, ne tali dicatur id, quod Christus Phariseis: Math. 15. v. 3. *Quare vos transgredimini mandatum Dei propter traditionem vestram?*

Decreta S. Rit. Congregationis.

1. In Festo SS. Corporis Christi (*ad processionem*) non convenit cantare cantiones vulgari sermone. S. R. C. 21. Martii. 1609. in *Abulen.*

2. In Festo Corporis Christi Eucharistia non est deferenda in Processionibus Sacerdotum humeris, sed Celebrantis manibus, non obstante quacumq; contraria consuetudine, quam abusum esse declaravit. S. R. C. 2. Junii. 1618. in *Syracusana*

3. In Festo SS. Corporis Christi deferatur Eucharistia à Celebrante, in Vesperis autem diei Octavæ (si fiat Processio) deferatur ab eo, qui cantavit Vesperas. S. R. C. 12. Junii. 1627. in *Brundisina.*

4. Non licet Mulieribus comitari Processiones per claustra Monasteriorum Regularium, nisi adsit expressa licentia sedis Apostolicæ. S. R. C. 30. Septembris. 1628. in *Aurelianen.*

5. Mulieres de cætero non possunt occasione Processionum ingredi septa Monasteriorum Regularium, sub penis, quibus comprehenduntur Regulares permittentes feminas ingredi septa eorum Monasteriorum. S. R. C. 5. Julii. 1631. in *una Urbis, & Orbis Regularium.*

6. Absq; Pluviali non licet in die, & infra Octavam SS. Corporis Christi peragere Processionem cum SS. Sacramento. Non potest tamen cogi, ut ejus expositio fiat cum Pluviali. S. R. C. 22. Januarii. 1701. in *una Camald. Mont. Cor* Idem pariter sentiendum censet S. R. C. de Processionibus cum SS. Sacramento, in aliis festivitibus, faciendis.

7. Ante ostiolum Tabernaculi SS. Sacramenti, in quo depicta, vel insculpta est imago Domini Nostri JESU Christi, non est retinendum vas florum, vel quid simile, sed potest collocari in humiliori, & decentiori loco. S. R. C. 22. Januarii. 1701. in *una Camald. Mon. Cor.*

8. Benedictio cum SS. Sacramento danda est in fine Hymni *Pange lingua* &c: non verò ad *ŷ. Sit & benedictio.* S. R. C. 5. Februarii 1639. in *Sabinen.*

9. In benedicendo populum cum Sanctissimo Sacramento, iste modus approbatur: nimirum cum Sacerdos stat ante populum. Ostenforium ante pectus tenet, tum elevat illud decenti mora, non supra caput, sed tantum usq; ad oculos, & eodem modo illud demittit, infra pectus: mox iterum recta linea illud tollit usq; ad pectus, & exinde ad sinistrum humerum ducit, & reducit ad dextrum, & versus autem pectus reducit, ibique aliquantulum sistit, quasi peracta ad omnes mundi partes Cruce, & Sacramentum etiam venerandum omnibus præbet: tunc gyrum perficiens collocat Ostenforium super Altare. S. R. C. 21. Martii. 1676. in *Tollen.*

10. In expositione Sanctissimi Sacramenti, quæ sit ad instar Proscenii, quantitas luminum pietati facientis expositionem reimititur, & in Altari super Candelabris, ad minus sex Candelæ accendi debent. S. R. C. 15. Martii. 1698. in *Narnien.*

11. S. R. C. declaravit, servari debere Cæremoniam thurificandi SS. Sacramentum inclusum in Pixide, cum dertur pro Viatico infirmis, & cum ipso benedicendum esse populum. 21. Junii 1738. in *Ulixibon. Orientali.*

12. In Ecclesiis Regularium habentibus claustra, fiant processiones intra claustra tantum; si vero non habeant Claustra, fiant prope muros Ecclesiæ, sive exeundo ab una porta, & intrando per aliam Ecclesiæ portam, sive per eandem: S. R. C. 26. Febr: 1628. in *Hispalen.*

13. Eucharistia non est singulis diebus exponenda, super Altari, sed in quibusdam tantum Solemnitatibus S. R. C. 4. Martii. 1606. in *Pacentina Provincia Castellana.*

14. Nequeunt Regulares SS. Sacramentum exponere, sine licentia Ordinarii. S. R. C. 26. Februarii 1628. in *una Ber-tinori.*

15. Præsupposita facultate retinendi, an possit intra annum publicè exponi sine licentia Ordinarii? & responsum fuit: Negative. S. R. C. 10. Decembris. 1703. *Urbis & Orbis.*



C A P U T IX.

De alijs Processionibus.

1. **G**enerale in omnibus Processionibus est, ut Crux processionalis præferatur, inter duos Ceroferarios, candelabra cum cereis accensis deferentes, etiam in Processione cum SS. Sacramento. Ante Processionem dicta Crux preparari debet in aliquo loco congruo propè Altare, & regulariter à latere Epistolæ, ita, ut proxima sit Credentiæ. In solemnioribus Processionibus, quæ sunt in Festivitatibus, sine SS. Sacramento, & tamen cum populi concursu, necnon iis, ubi à Rubricâ generali notatur, Thuriferarius cum thuribulo fumigante, & navicula incenso boni odoris repleta, Crucem præcedere debet.

2. Subdiaconus ordinariè in Processionibus Crucem deferre tenetur, & omnes præcedere, indutus semper amictu, alba, cingulo, & Tunicella sine manipulo, præsertim quando fit Processio ante, vel immediatè post Missam, qui etiam Missæ solemnè interservire debet, nisi aliter in Rubrica Missalis noceatur. Si Processio fiat cum SS. Sacramento, qui Crucem deferat, sufficit ut sit Cuculla, tanquam Habitu Choralis indutus, præterquam in Festo SS. Corporis Christi ad Solemnem Processionem, quia tunc Crucem deferens omnino amictu, alba, cingulo, & Tunicella indutus esse debet, licet non sit Ordine Subdiaconatus insignitus, nam in ea Processione Solemni, omnes Sacris Paramentis ornati incedere tenentur.

3. Imago Crucifixi in Cruce pendentis, semper terga vertere debet subsequenter, quali Christus præire videretur: ita probat *Gavant. P. 2. tit. 13. n. 4.* quod etiam clarè docet *Cærem: Papæ L. 3. §. 2. c. 20.* Quod observandum est in progressu Processionis, jam vero si aliqua fieri debeat statio, tunc facies Crucifixi ad populum verti debet. Hæc delatio Crucis Processionalis æqualis esse debet, tam in Processionibus cum SS. Sacramento, quam sine eo, quamq; etiam in Processionibus defunctorum. Post Crucem procedere debent juniores FF. post eos seniores FF. post quos juniores PP. post hos seniores PP. & ita se disponant, ut qui est altero senior,

vel

vel dignior, semper à dextris incedat, qui verò junior, vel minus dignior, à sinistris locum habeat.

4. Procedunt in Processionibus omnes Religiosi pari passu, lento gressu, & æquali inter se servata distantia, duorum vel trium circiter passuum ab invicem, præsertim dum cum Candelis fit Processio, ne per ceram defluentem, alter alterius maculet vestes. Observent omnes æqualem distantiam lateralem inter se, ne forte alii nimis congregentur, alii nimis disgregentur. Et quantum fieri potest, qui incedunt ex una parte attendant diligenter, & modestè ad socios suos, ex altera parte procedentes, ne unus præcedat, & alius subsequi videatur, aut ne nimis sint vicini, vel nimis remoti, sed duas rectas lineas in longum ita efficiant, ut per medium tertius e. g. Magister Cæremoniarum incedere valeat. Quando contingit transeundum esse per angustiores locum, junior, seu ille, qui sinistram tenet præcedit, & senior, seu dignior eum subsequitur, statimq; in loco ampliori, & magis spatiofo, eodem modo, quo prius, se jungunt.

5. Si Processio fiat cum SS. Sacramento, & D. Abbas eidem adesse voluerit, nec tamen ipse celebret, ultimus post omnes incedet, ante Celebrantem, sed semper Ecclesiastica veste, scilicet: Mozzetta & Rochetto, & non camerali, aut alia veste indutus esse debet. In aliis vero Processionibus, ubi non deferitur SS. Sacramentum post Celebrantem ordinarium habet locum, tanquam Episcopus, non minus tamen Ecclesiastica veste indutus, quam alias.

6. Cantores in medio regulariter procedere debent, ut ab omnibus audiantur; à quibus inchoantur: Hymni, Antiphonæ, Psalmi, Responsoria, Cantica, Lytanæ, & alia huiusmodi, quæ cum inchoata fuerint, ab aliis continuantur. In Responsois verò, semper Versus, ab iisdem tantum Cantoribus præcinentur, & sit à reliquis repetitio conveniens Responsois prolixis, quæ ibi per asteriscum notatur.

7. Religiosi deferentes Candelas accensas, seu intortitia in Processionibus, aut Ramos cum Libris Processionalibus, qui procedunt à dextris, Ramos, aut Candelas dextera deferant, & sinistram Libros. Qui autem à sinistris incedunt, contrario modo, videlicet sinistra Candelas, seu Ramos, & dextera Libros. Si vero tantum Ramos, aut Candelas, & non Libros in Processionibus deferunt, tunc alteram manum non impeditam, decenter infra pectus ponant, & ita ordinatè procedant, ut omnes eundem gestum, & actum observent.

8. Non videtur conveniens, ut Celebrans, secundum usum quarundam Ecclesiarum deferat ante pectus manibus suis aliquam Crucem, vel Instrumentum pacis, cum jam deferatur vel à Subdiacono, vel aliquo alio ante omnes, & sit in conspectu ipsius Celebrantis. Pariformiter videtur inconveniens, si idem Celebrans procedendo è Sacristia ad Altare, aliquam sacram functionem peracturus, aut revertendo ab Altari in Sacristiam, deferat similiter aliquam Crucem, vel Instrumentum pacis, hoc enim esset expresse contra Rubricam, quæ præcipit ut Celebrans junctis ante pectus manibus, & non habens impeditas manus, cum Ministris pariter junctas manus habentibus, procedat ad Altare, vel revertatur ab eo. Potest tamen in Lytaniis tantum Majoribus, & Minoribus deferre aliquas Reliquias, sicut & Sacri Ministri, propter usum in Regno Poloniæ ex Synodo Provinc. Pitricov. receptum.

9. Transeuntes in Processione ante Altare, in quo asseratur SS. Sacramentum, omnes genuflectunt, & si in Missa ante aliquod Altare Sacra Hostia elevatur, manent omnes genuflexi, usq; ad depositionem Calicis inclusivè. Excipiuntur autem Ceroferarii cum Candelabris & Cereis accensis ad latera Crucis, & ille Subdiaconus, qui Crucem deferit, qui nunquam prorsus genuflectunt, sed tantum permanent stando immobiles. Et hoc intelligendum est de Processionibus, quæ sunt sine SS. Sacramento; nam cum eo nihil est respiciendum, sed directe procedendum sua via, & nulla facienda est statio: Et ideo monendi sunt Ministri, ut sub tempus qualiscunq; Processionis, sicut sub tempus Concionis, abstineant à pulsu Campanulæ tam ad elevationem, quam ad alia, propter quandam distractionem, tam Religiosorum, quam etiam populi.

10. Omnes extra Ecclesiam caput tegunt, etiam Ceroferarii si inclementia æris ad id cogat, nisi forte SS. Sacramentum, aut insignis aliqua Reliquia deferatur, quia tunc omnes capite aperto incedere debent. Intra Ecclesiam ad Processionem, convenit, ut omnes sint nudo capite, etiam Diaconus, & Subdiaconus, excepto solo Celebrante. Hoc tamen notandum, quod in omnibus Processionibus Solemnibus Ministri Sacri debeant esse induti Dalmatica, & Tunicella, quidquid sit ex abusu, quia id requirit *Rubr. Miss. P. 1. tit. 19. n. 3.* Nunquam etiam deferuntur Manipuli, nisi feria V. in Cena Domini, quando proceditur ad Mandatum, & tunc soli Ministri Sacri deferunt Manipulos, quia Diaconus cantaturus est Evangelium; & fe-

& Feria VI. in Parasceve, quando sacra Hostia deferitur ad Altare, tunc enim omnes cum Manipulis incedere debent.

II. Redeunte Processione ad Altare, si tam Celebrans, quam Ministri mutare debeant sua paramenta propter alium Missæ Colorem, ut contingit in Festo Purificationis B. V. MARIÆ, Subdiaconus non deponit Crucem, sed retinet, processurus cum ea in Sacristiam. Si vero Ministrorum Paramenta non sunt mutanda, Subdiaconus Epistolæ deferens Crucem dum pervenit ad Altare, Crucem reponit in loco suo, prope Credentiam, & ipse accedit ad sinistram Celebrantis; Diaconus vero tunc, & non prius accedit ad dexteram illius, finita Processione, si Celebrans cantaturus est aliquam Orationem, (quæ debet omnino dici una, vel plures, si non sequatur statim Missa) decantata Antiphonâ, & Versu, Subdiacono à sinistris Librum tenente, Celebrans decantat dictam Orationem, seu plures, cum brevi Conclusionem, quia longior Conclusio Orationis convenit tantum in Missa, & Horis Canonicis.

Decreta S. R. C.

1. Reliquiam deferre in Processionibus pertinet ad superiorem Conventus, unde Reliquia assumitur, qui cum Minoribus paratis ultimo loco incedere debet; sed Regulares debent in dictis processionibus cedere digniorem locum Clero sæculari. S. R. C. 23. Januarii 1610. in una Senogall. Montis Bodii, & 24. Septembris 1605. nec non 19. Aprilis 1608. in Firmana.

2. In Processionibus Candelarum, Palmarum, & similium quæ sunt per Ecclesiam sine SS. Sacramento, non est pulsanda campanula ad elevationem Hostiæ in Missa privata: quod si pulsatur, & advertatur elevatio, tunc genuflectendum est utroque genu, à transeuntibus ante Altare, ubi Missa celebratur, & deposito SS. Sacramento, progrediendum est; similiter si alii transeant in elevatione Calicis. S. R. C. 1. Martii 1681. in una Canon: Reg: Latran.

3. Reliquiæ Sanctorum, quæ, deferuntur in Processionibus per Civitates, & oppida, non debent deferri sub baldachino. S. R. C. 23. Martii 1686. in Calaguritana.

4. Parochi, Capellani Contraturnitatum, Sacerdotes alique Ecclesiastici, qui cotta induti interveniunt Processionibus funeralibus, deferant, sicut in aliis Processionibus, birretum Sacerdotale, non verò pileum, excepto tempore pluvie, & noctis,
prout

prout disponit *Ritus Romanum*, tit. de *Procuratoribus*, & ut sepe resolvit S. R. C. Quæ quidem pilei prohibitio non solum est pro Ecclesiastico seculari, sed etiam pro Regulari, licet sint Parochi cotta induti. S. R. C. 13. Septembris 1704. in *Catanen*: Confirm: à Clem. XI. 9. Decembris 1704. in *Constit.* quæ incipit: *La Santità* di nostro signore.

5. Presbyteri alicujus Ecclesiæ, intra limites propriæ Parochiæ non possunt propriam Crucem erigere, sed debent incedere sub Cruce Parochiæ, licet Parochia sit Regularium. S. R. C. 12. Martii 1616. in *una Urbis*.

6. Consuetudo deferendi Reliquiam SS. Crucis, manibus operis velo ab humeris pendente, potest retineri. S. R. C. 16. Septembris 1741. in *Bracharen*: Non tamen in Processi: cum SS. Sacram:

7. In processionibus, in quibus deferuntur SS. Sacramentum, vel Lignum Crucis, tam Clerus, quam seculares detecto Capite incedere debent. In aliis vero Processionibus, in quibus deferuntur Reliquiæ, vel statui Sanctorum, tunc seculares, & Ecclesiastici, qui eas deferunt, detecto capite, alii vero Clerici possunt incedere capite tecto, cum birreto. Quando vero non gestantur Reliquiæ, Magistratus ad instar Cleri potest incedere capite cooperto. S. R. C. 18. Junii 1690. in *Cajetana*.

C A P U T X.

De Benedictione Solemni D. Abbatis.

1. Duplex est forma dandi Benedictionem à Celebrante Pontificaliter Missam, juxta Ritus S. R. E. una post Concionem, seu sermonem, præmissa a Diacono Evangelii Confessione generali, & hæc solis tantum convenit Episcopis, quia tunc de consensu Episcopi publicantur à Concionatore Indulgentiæ, quæ à solis Episcopis largiuntur; cum enim ex *Decr. Alexandri VII. P. M.* 27. Septembris 1659. §. 12. Indulgentias impertiri, vel publicare, absq; expresso S. sedis indulto DD. Abbates non valeant, ideoq; de tali Benedictione nihil videtur dicendum.

2. Altera forma benedictionis est, quæ datur in fine Missæ, id est dicto: *Placeat Tibi S. Trinitas*, & eam dare D. Abbas potest in Missis Solemnibus, quas celebrat Pontificaliter, non

tamen in Missis privatis, quia *Decr. S. R. C. coram Alexandro VII. P. M. 27. Septembris 1659. §. 21. & declaratio dicti Decreti pro Congreg. Cassin. 12. Junii 1660. ad §. 21. ab eadem S. R. C. edita, atq; à præfato Alexandro VII. 20. Julii 1660. approbata, expresse prohibent. Idiptum declarat p. m. Benedictus XIV. P. M. in suis operibus præsertim Lib: de Sacrificio Missæ, ad quem benevolum Lectorem remitto.*

3. Daturus itaq; in fine Missæ Benedictionem Solemnem D. Abbas, hanc servabit formam: Dicto videlicet: *Paceat Tibi o. Trinitas &c. erectus D. Abbas consistit in medio Altaris, ubi, si non est expositum SS. Sacramentum, sumit Mitram, alias, absq; Mitra, pollice manus dextræ signat se in pectore, & canit: Sit Aomin Domini benedictum, sinistra interim infra pectus posita, juxta formam Missalis emendati, post editionem Cærem: fit dum à Choro respondetur: Ex hoc nunc & usq; in sæculum, utramq; manum retinet D. Abbas super Altare positam. Deinde dicens: Adjutorium nostrum in Nomine Domini, dextera signat se à fronte ad pectus, & à sinistro humero, in dextrum, tangens se in unoquoq; verbo: scilicet dum dicit: Adjutorium, tangit se in fronte, nostrum infra pectus, in Nomine, in sinistro humero, Domini in dextro. Et iterum ipsam manum dexteram super Altare ponit, donec à Choro respondeatur: Qui fecit Cælum, & terram. Manus sinistra tunc, cum se dextera signat, infra pectus posita, & terminato signo Crucis, una cum dextera super Altare ponit.*

4. Elevat deinde oculos ad Cælum, & manus, quas statim ante faciem jungit dicens: *Benedicat vos omnipotens DEUS, & convertens se ad cornu Epistolæ, capit statim baculum Pastoralem sinistra, vertensq; se melius, ac canens Pater producit signum ✕ dextera supra populum ad latus Epistolæ genuflexum. Tum conversus recta ad populum dicit & Filius, producens signum ✕ dextera supra populum directè in medio Ecclesiæ genuflexum. Postea vertit se ad latus Evangelii ibiq; decantando, Et Spiritus Sanctus producit tertium ✕ signum eadem dextera sua supra populum ad cornu Evangelii genuflexum, perficitq; integrum circum, & conversus ad Altare reddit Pedum, deponit Mitram, & dicit Evangelium S. Joannis, ut supra.*

5. Si vero SS. Sacramentum sit publicæ venerationi in Altari expositum. Sicut & Feria V. majoris hebdomadæ in Cæna Domini, tunc sine Mitra datur benedictio, propter reverentiam SS. Sacramenti. Ita Cærem: Episc: L. 2. c. 33. Rubrica generalis, & omnes Sacrorum Rituum peritissimi explanatores. Præterea di-

dicta expositione permanente, non jam elevat D. Abbas oculos in Cælum, sed ad idem Sanctissimum Sacramentum. Insuper durante altissima expositione, ad Benedictionem solemnem D. Abbas non perficit circulum, nec stat in medio Altaris, ut alias, ne terga vertat Sacramento, sed recedens aliquantulum ad latus Evangelii, convertit se ad populum, & ut supra, tenens sinistra Pedum, ter benedicit, sine Mitra. Data benedictione, eadem via, convertit se ad Altare, dimittit Pedum, legitq; Evangelium ultimum.

6. Notandum insuper est: quod nec Archidiaconus, nec Diaconus, nec alius Altaris Minister proferre debet hæc verba: *Humiliate capita vestra ad benedictionem*, antequam D. Abbas populo benedixerit, quia de hac Cæremonia, ac de his verbis, nec quidquam innuit aut *Cærem: Episc: aut Rit: Rom: Pontificale Rom:* Cum hæc verba magis convenirent in benedictione Episcopali, & tamen us nullus utitur in S. R. E., nisi ex abusu, multo magis in dicta D. Abbatis benedictione solemni ab his abstinendum censeo, cum nihil sit innovandum juxta S. R. C. Decreta; Maxime quia nullus Rubricæ interpretes, de his verbis, ullam facit mentionem, ideoq; abusus ille, ubi invaluit tollendus est omnino, & ubi necdum fuit, nullomodo admittendus.

7: Extra Missarum solemniam potest D. Abbas solemnem impertiri benedictionem modo, & forma simili, ut supra, in fine Vesperarum, seu Completorii, si ipsemet celebraverit Pontificaliter. Idem in fine Laudum, si ipsemet pariter Matutinum in Pontificalibus solemniter absolverit. Insuper si extra Missam, vel Vesperas aliquam Processionem Pontificaliter peregerit, ea finita, dare potest solemnem benedictionem. Deniq; est in usu, quando D. Abbas fecerit primum post suam benedictionem, in Ecclesiam Monasterii, ingressum, in loco scilicet sue jurisdictionis, sive ad fundandam jurisdictionem; vel quando Ill: D. Praeses Regiminiis Congr: electus in Ecclesiam introductus fuerit, solemniter populo benedicere possint. Aliam autem benedictionem tanquam Episcopus in sua Diocesi, nec per vias, nec in Processione, impertiri nullomodo potest.

Decreta S. R. Congregationis.

1. Qui habet usum Mitræ, & insignium Pontificalium, in Missis etiam privatis benedicit cum *ŷ.* Sit nomen Domini &c. non potest tamen benedicere populo, extra actum celebrationis. S.

R. C. 25. Maii 1624. Hoc Decretum refertur à Gavanto in manuali Episcoporum, verbo Benedictio, num: 22. Verum tollitur ob aliud Decretum generale 27. Septembris 1639. emanatum, & ab Alexandro VII. P. M. approbatum, quod statuit: ut hujusmodi Prælati Episcopis inferioribus, in Missis privatis quo ad indumenta, cæremonias Eccl. & benedictionis largitionem discrepare non debeant à simplici Sacerdote. Unde neq; uti possant illo ꝑ. Sic Nomen Domini &c. neq; trinas benedictiones facere, exceptis casibus supra expressis. Hæc habet P. Merati, & P. Baudry in Indice Decr: n. 99. P. Spiridion Talu per habentes usum Alitræ Eccl. int ligit Episcopos extra suam Diocesim, non vero Prælatos Episcopo inferiores. Ut patet n. 199. pag: 22.

2. Ad benedictionem Solempnem Episcopi, omnes etiam Magistratus Civitatis tenentur genuflectere, præter dignitates, & Canonicos Cathedralis. S. R. C. 21. Martii 1676. in Perentina, & 23. Martii 1641. in Imolen.

3. Canonici, & Dignitates non tenentur ad benedictionem Episcopi genuflectere, sed tantum caput inclinare. S. R. C. 4. Maii 1613. in Olen.

4. Prælati Episcopis inferiores Pontificales benedictiones cum trina Crucis productione in Missis tantum Pontificalibus; nec non in Vesperis, & Matutinis pontificaliter itidem celebratis, possunt impertiri; privatim enim populis, quamvis pleno jure subiectis, nisi expresse ipsis permissum fuerit, etiam Pontificalibus induti, per Ecclesiam incedentes, impertiri benedictionem præsumere non debent. S. R. C. 27. Septembris 1639. in Decr: generali coram Alexandro VII.

5. Præsente Episcopo, sine speciali Sedis Apostolicæ permissu, Prælati Episcopo inferiores, etiam Pontificaliter celebrantes, à benedictionibus cessare debent. S. R. C. 27. Septembris 1659. in decr: generali coram Alex: VII.

6. Ante Sanctissimum Eucharistiæ Sacramentum publicè expositum non potest fieri Concio capite tecto, non obstante quacunq; contraria consuetudine, & abusus omnino est tollendus. S. R. C. 16. Februarii 1630. in Belgica, & antea 28. Aprilis 1607. in Flandren. & 9. Decembris 1622. in Giennen. approbantibus Clemente XI. Innocen: XI. Benedicto XIII. ac Clemente XII. in Constitut: 40. horarum quæ incipit: Effendo state. 1. Septembris 1736.

7. Prælato Episcopi inferiori, vel cuicunq; alio gaudenti usu Pontificalium, non licet benedicere Concionatorem, qui Concionem sit habiturus, dum ipsemet Missarum solemnia pontificali modo peragit; quia post Concilium Tridentinum prohiben-

PARS QUARTA.

309

bentur hujusmodi benedictiones, etiam per decretum emanatum 27. Septembris 1659. circa usum Pontificalium. S. R. C. 12. Junii 1660. in Mediolanen.

8. Potest Episcopus cogere Sacerdotes sæculares, ut audiant Confessiones Sacramentales cum superpelliceo, & Stola, & Regulares cum Stola tantum. S. R. C. 28. Augusti 1628. in Casertana. P. Spiridion Tahu dicit: quod Stola illa debeat esse omnino Coloris Violacei, conformiter ad præscriptum Rit. Rom. de Penit. tit. 3. c. 1. n. 9.

F I N I S

PARTIS QUARTÆ.



PARS



P A R S V.

DE PRÆCIPUIS DIEBUS, & FESTIS INFRA ANNUM OCCURRENTIBUS.

C A P U T I.

De Tempore Adventus.

I. **I**N Adventu Domini dñō tantum sunt observanda, alterum est, quod non tantum in Ecclesiis Majoribus, videlicet Cathedralibus, & Collegiatis, sed etiam in Ecclesiis Regularium insignioribus, ut faceret P. Merati, & P. Bauldry, ac Decreta S. R. C. supponunt, Diaconus, & Subdiaconus, in Missis de Dominica, vel Feria, non debeant uti Dalmatica, Tunicella, sed Planetæ plicatis, excepta Dom: III. quæ dicitur *Gaudete*, in qua utuntur Dalmaticis. Alterum est, quod ab immemorabili tempore in Regno Poloniae per totum Adventum canatur Missa Votiva de B. V. MARIA, quæ dicitur *Rorat*, in Ecclesiis non tantum Majoribus, sed etiam in Ecclesiis omnium Regularium, ideo de utroq; nobis agendum erit.

2. Planetæ illæ, quibus tempore Adventus, & Quadragesimæ utuntur Diaconus, & Subdiaconus, sunt eiusdem formæ, & Coloris, ac illa Celebrantis, plicatæ tamen in parte anteriori, ad intra, usq; ad pectus debent esse, & aciculis, aut quibusdam vittis firmatæ, ne revolvantur. Finita autem Missa Conventuali, eadem aciculæ, aut vittæ solvi possunt, ut alii Sacerdotes iisdem Planetis uti valeant in celebrationibus Missarum. Has vero Ministri sacri induunt, quando Celebrans est omnibus Paramentis sacris indutus, non ante.

3. In iis Planetis sumendis ac deponendis hic ordo servari debet: Subdiaconus eam deponit in aliquo loco congruo, ad id deputato, non omnino in credentia, in cornu tamen Epistolæ, adiuvante aliquo Acolytho, nec etiam in
Alta.



Altari, paulo antequam accipiat Librum Epistolarum, & cantata Epistola, acceptaq; benedictione, à Celebrante, & reddito Libro ministro, eam resumit, antequam transferat Missale Celebrantis, ad cornu Evangelii, in qua ministrat usq; ad finem Missæ.

4. Diaconus similiter suam Planetam plicatam deponit eodem modo, & eodem loco, paulo antequam accipiat Librum Evangeliorum, & assumit aliam stolam latam, & longam latam fere per cubitum, longam usq; ad latos Diaconi, eamq; imponit super humerum sinistrum, scilicet supra stolam communem, ut docet *P. Merati. P. 4. Tit. 1. n. 4.* quam ligabit chordulis sub brachio dextro; sicq; ministrabit Celebranti, usq; ad Communionem, qua peracta, postquam detulerit Missale ad cornu Epistolæ, accedet ad locum supradictum, deponet Stolam latiore, resumet Planetam plicatam, nec eam amplius deponet, nisi in Sacristia.

5. Missa verò *Votiva de B. V. MARIA*, instituta à Concilio Provinciali Petricoviensi, & à Paulo V. P. M. approbata, hoc toto tempore Adventus in Regno Poloniæ & M. D. L. etiam Dominicis, & Festis solemnibus celebrari potest, tamen post Primam, non ante, quia omnino iuxta Reg. Rubr. Missa *Votiva* non aliter dici potest, quam vel post Primam, vel post Nonam. Quali autem ritu dicta Missa *Votiva Rorate* peragenda sit? abstinendum censeo à meo sensu, sola tantum Decreta S. R. C. cum explanatione nonnullorum Authorum, pro informatione sat, sufficienterq; cinata, & nonnulla dubia ab eadem S. R. C. resoluta, hic inferere, opportunum duxi.

Decreta S. R. Congr: circa Planetas plicatas.

1. Rubrica concedit usus Planetarum complicatarum antequam, Diaconis, & Subdiaconis ministrantibus in Missa solemniori, in Cathedralibus, & precipuis Ecclesiis, in diebus ieiuniorum cum limitatione, ut ibi; in minoribus verò Ecclesiis, ministris prædictis dat tantum usum Albæ, cum Manipulo Subdiaconi, & cum stola, ac Manipulo Diacono S. R. C. 13. Junii. 1684. in *Angelopolitano*.

2. Teste Joanne Alcozer in suo Cæremoniali, S. R. C. Concessit: Insignioribus Regularium Ecclesiis usum earundem Planetarum plicatarum. Imo: In Ecclesiis Parochialibus posse adhi.

adhiberi tempore Quadragesimæ, & Adventus Planetas plicatas, declaravit S. R. C. 23. Martii. 1637. in una Calaguritana.

Excipiuntur autem dies, in quibus Ministri Sacri non utuntur Planetis plicatis, videlicet: Vigiliæ Sanctorum, Dominica III. Adventus, & IV. Quadragesimæ, Vigilia Nativitatis D. licet in Dominica occurrerit, Sabbato sancto in benedictione Cerei, quo ad Diaconum tantum, & in Missa etiam quo ad Subdiaconum, ac in Quatuor temporibus Pentecostes, nec non diebus Rogationum. In benedictione verò Candelarum, & processione, in die Purificationis B. V. Mariæ, & in benedictione Cinerum, ac in benedictione Palmarum & Processione, nec non in Dominicis I. II. & IV. Adventus, atq. I. II. III. Quadragesimæ cum Passionis, & Palmarum Dominicus possunt. & debent uti Planetis plicatis, vel in Albis ut supra. Ita testatur P. Spiridion Talu, in int: Decr: ad n. 573 conio-miter ad Rubr: Miss. c. 19. n. 6.

*Decreta S. R. Congr: circa Missam Votivam
Rorate B. V. M.*

1. Ubi adest consuetudo immemorabilis cantandi singulis diebus immediate post Primam, Missam Votivam de B. V. MARIA, potest exceptis solemnioribus Festivitatibus D. N. J. C. tolerari, prout tolerat S. R. C. Et festa solemniora sunt, in quibus non toleratur hæc Missa: Dominica I. Adventus, Feria IV. Cinerum, Dominica I. Quadrag: Domini: Palmarum cum tota Hebdomada, Dominica Resurrectionis, & Pentecostes, cum duobus sequentibus diebus, die, Nativitatis Domini, Epiphaniæ; Ascensionis, Corporis Christi, & omnes dies, in quibus celebrari debet peculiare festum in honorem B. M. V. iuxta præscriptum in Calendario, ac dummodo diebus in quibus celebratur dicta Missa Votiva, præter eandem, celebretur etiam Missa Conventualis, seu diei festi currentis. S. R. C. 19. Novembris 1633. in Valisjoletana Hispaniarum Congr: Ord: S. Benedictii.

2. Missa Votiva de B. V. MARIA cum Gloria, & Credo sed sine Officio, potest celebrari in aliqua die ob publicam causam, & ratione concursus. S. R. C. 8. Junii. 1658. in Caromont.

3. In novem diebus ante Nativitatem Domini, ubi adest antiquissima consuetudo, vel concursus, potest decantari uni-

ca Missa Votiva solemnīs B. V. M. quamvis in ipsis occurrat Festum D. Thomæ Apost: & Dominica III. vel IV. Adventus, non omīssa tamen Conventuali statuta hora decantanda. S. R. C. 28. Septembris. 1638. in Agnen.

Nota: Votiva Solemnis. id est cum Gloria, & Credo sine commemoratione festi, vel Dominicæ occurrentis, & cum Præfatione B. Mariæ, & Evangelio S. Joannis in fine. Excipe diem Expectationis, ubi ex Indulto celebratur, in qua non votiva Missa, sed occurrens erit cantanda, cum commem: Feriæ, & Evangelio, si forte occurrat; quia cum Officio concordat. Ita explanat P. Spiridion Talu. J. U. D. & SS. Rit: *Prof: supra Num. 347.*

4. Missa Votiva de B. V. potest Celebrari in die Dominico ratione concursus populi. S. R. C. 20. Novembris. 1662. in Arctina, NB. die Dominico, puta non privilegiato. ex suprad: Auct:

5. Missa Votiva cantata de B. M. V. cum Gloria & Credo potest celebrari die Dominico causa Voti, vel alia causa. S. R. C. 16. Junii 1663. in Rossanen.

6. In Ecclesiis B. M. V. dicatis, seu aliis Sanctis, ubi adest immemorabilis consuetudo cantandi Missam Votivam de B. V. MARIA singulis Sabbatis, licite continuari potest, etiamsi occurrat Officium duplex, dummodo non omittatur suo tempore Missa Conventualis. S. R. C. 2. Decembris. 1684. in una Can. Reg. Lateran. Intellige tamen post Primam, vel post Nonam, ut supponit Author supracit: ad Num. 591.

7. Qui in Sabbato infra aliquam Octavam B. M. V. recitat Officium de aliquo Sancto, eo die occurrente, volens celebrare Missam Votivam de B. M. V. tenetur quidem dicere Missam festivam, cum Gloria, sed sine Credo S. R. C. 2. Decembris 1684. in una Can. Reg.

8. Qui in Sabbato recitat Officium de B. M. V. volens celebrare Missam Votivam de aliquo Sancto, non debet dicere Gloria, neq: præfationem B. M. V. sed communem. S. R. C. 2. Decembris 1684. in una Can. Reg: Lateran.

9. Dum præter Missam Conventualem cantatur Missa Votiva ex fundatione, in hac Missa non debet fieri commemoratio Festi, de quo cantatur Missa Conventualis. S. R. C. 23. Junii 1736. in Burgenfi.

10. In Missa Votiva quæ celebrat: aliquando potest infra Octavam in Adventu, Quadragesima, Quatuor Temporibus, Vigiliis, & secunda Rogationum, 1. Oratio erit de Missa, 2.

de Genet. 3. de Ieria, & non recitatur Evangelium Ferie, sed initium S. Joannis. *In principio Ec. S. R. C. 23. Junii 1736. in Einsidlen. Hoc Decr: intellige de Votiva privata.*

11. Tolerari potest Missa Votiva cantata B. M. V. toto tempore Adventus, ut in Polonia, exceptis solemnioribus Festivitatibus, dummodo canteretur sine Symbolo, etiamsi Missa occurrens illud exigat, & solum cum Gloria in excelsis, in Sabbatis, & infra Octavam ejusdem B. V. non omissa tamen Missa Conventuali. S. R. C. 22. Augusti 1744. in Cracovien. Nota sine Symbolo. P. enim Spiridion Talu sic explicat: Excipe diem Festum quemcunq; B. M. V. & infra octavas, quando de ea fit Offitium. nec non novem dies ante Nativitatem Domini, ubi adest consuetudo, vel concursus. Conformi: Rubr: Miss: de Symbolo & superiori Decr: n. 3.

12. In Ecclesiis Minoribus ubi unica celebratur Missa, non potest omitti illa occurrentis festi de precepto, ut canteretur dicta Votiva. S. R. C. 22. Augusti 1744. in Cracovien:

13. Fieri cum maxima solemnitate, & concursu populi, canteretur ab immemorabili tempore in Adventu Domini singulis diebus Missa Votiva Beatae Mariae Virg: quae vocatur *Rorate* instituta etiam a Concilio Provinciali, ut est in Regno Poloniae, a Paulo V. Papa approbato, non est tamen recensenda inter Missas Votivas pro re gravi, vel pro publica causa, sed haberi duntaxat poterit, ut mera populi devotio. S. R. C. 29. Januarii 1752. in una Ord: Carmel. Biscalcas. Prov. Polon.

C A P U T II.

De Vigilia, & Festo Nativitatis D. N. J. C.

1. **I**N Vigilia Nativitatis Domini, solet etiam in nostra Congregatione Ben. Pol. Martyrologium solemniter decantari ad Primam, in quo Nativitas Christi annuntiatur. Convenit ergo, ut propter maiorem solemnitatem. si Chorus fuerit prope Altare intra Ecclesiam, cantaturus Martyrologium, induatur superpelliceo, Stola, & Pluviali, col: Albi, ministrantibus duobus Ceroterariis lumen, & Thuriferario thuribulum cum incenso, procedat itaq; tempore suo ad Pulpitum, & ibi sacris debitis Altari, & Choro reverentis, imposito ac benedicto incenso ter incensabit librum Martyrologii, quemadmodum Librum

beam Evangeliorum, & postea incipiet illud canere manibus ante pectus junctis, eodem modo, tono, & ordipe, prout in dicto Martyrologio notatur. Ceroterarii interim hunc, inde, & lateribus ejus stabunt, faciebus ad Altare versis. Thuriferarius etiam post Celebrantem permanebit itans, continuo fumigando thuribulum.

2. Si vero Chorus sit extra Altare, vel supra, decet, ut canens Martyrologium siletem Cuculla indutus, stola a collo pendente habeat, coloris omnino Albi, secundum enim classicos Rubricistas, quemadmodum præconium Paschale in colore Albo annunciat, ita & Nativitatis Dominice Mysterium in eodem colore Albo annuntiari debet. Cantaturus itaq; dictum Martyrologium omnino debet esse Presbyter, & quidem si potest fieri de superioribus, vel senioribus PP. unus, propter excellentiam Myserii Incarnationis Dominice, quod annuntiat. Ille tamen habeat vocis flexibilitatem, ac melodiam necesse est, propter variorum tonorum discrepantiam, in supradixto Martyrologio.

3. Interim omnes de Choro stare tenentur faciebus ad invicem conversis; & dum altiori voce canitur: *In Fœdum Judæ &c.* omnes in Choro præsentēs, etiam ipse Celebrans Cantor, genuflectunt, exceptis Ceroterariis, qui propter Officium suum nunquam in similibus genuflectunt. Prosequendo autem solemniori tono: *Nativitas Domini nostri JESU Christi secundum carnem*, inclusive, facit Cantor aliquam repausationem, & eo tempore vel ipse recedit in Sacristiam ad deponenda sacra Paramenta, & alius Lector Chori terminat reliquum Martyrologii, vel etiam ipse, facta aliqua pausa perficit in cantu congruo, solemniter tamen dictum Martyrologium, quod magis conveniret. Et sub eadem pausa omnes in Choro præsentēs contident in locis suis.

4. Missa Vigiliæ Conventualis, quæ dicitur post Nonam, omnino decantari debet in cantu Choralis absq; Organis, & si solemniter cum Ministris sacris peragatur, illi hac die non utentur Planetis plicatis, sed Dalmatica, & Tunicella, ut supra innotuimus. Vesperæ dicuntur solemnissimè, nihil tamen extraordinarium habent. Post Vesperas Sacrista præparat ad cornu Epistolæ ejuq; Altaris penes candelabra, Vasa munda vitrea, & non Calices, pro ablutione digitorum, in primis duabus Missis faciendæ: quodlibet Vas palla cooperiendo. Insuper parat Hostiarum ad unumquodq; Altare, ut commode pro tribus Missis

sis Celebrans paratus habeat Hostias, & non transmittat pro iis ad Sacristiam tunc, cum opus fuerit.

5. Absente D. Abbate, P. Prior, vel alius, omnino tamen Superior Matutinum & Missam celebraturus, antequam Matutinum inchoabitur, faciat preparationem ad Missam, ne durante Officio eam cogatur peragere, vel omnes postea expectare contra Rubricæ præscriptum. Si autem D. Abbas præsens fuerit, alio modo se geret, celebraturus enim Matutinum & Missam, facta prius (si velit) confessione, supra Rochettum accipit Stolum, & Pluviale, cum Mitram, & Pedam, proceditq; ad inchoandum Matutinum eo modo, & ordine, ut supra dictum est P. I. c. 13.

6. Et dum in III. Nocturno Chorus incipit recitare Cantica, duo Cerotiferarii extendunt extremitates Pluvialis in gyrum, & servi D. Abbatis subeuntes fimbrias dicti Pluvialis imponent illi caligas, & Sandalia, & ministrante Capellano Librum apertum D. Abbas legit ex eo submissa voce, sedens in faldistorio Antiph: *Ne reminiscaris &c.* cum Psalmis *Quam dilecta &c.* ac aliis preparatoriis, *ÿÿ.* & Orationibus. Advertat autem D. Abbas, ut tempus commodè dispense, scilicet non morosè recitet Psalmos, sed ita, ut finitis tribus canticis tertii Nocturni, pariter D. Abbas expediat lectionem Psalmorum, & Orationum prædictarum, ut præto sit non impeditus ad Absolutionem: *A vinculis &c.* dicendam, dandamq; benedictionem ad Lectiones, ad quæ facilitas esse potest, si in III. Nocturno cum Antiphona sua cantica Canantur, & non plane recitentur.

7. Cantata Lectione IX. & inchoato Hymno, *Te DEUM laudamus.* D. Abbas aut recedit in Sacristiam sacra Paramenta sumpturus, aut parum descendens in planum de folio suo, deponit Pluviale, & Stolum, lavat manus, & induitur à Ministris Sacris paramentis Missalibus, scilicet: Amictu, Alba, Cingulo, Stola, Cruce pectorali, & Pluviali, stans in folio sine Mitra, expectat finem Hymni, & eo finito, accepta Mitra, ac Baculo Pastoralis, descendit de sede, accedit ad legile, ibiq; facta Altari debita reverentia, ministrantibus ad latera aliis Ministris, deposita Mitra, j natiq; ante pectus manibus, canit Evangelium, quo finito, inchoat Hymnum: *Te decet laus &c.* adjungitq; Orationem dici, & ea finita canit *Dominus vobiscum*, ac statim imposita Mitra accedit vel ad sedem, vel in Sacristiam, ut cætera Pontificalia capiat indumenta, & tunc responso à Choro: *Et cum Spiritu tuo*, duo Cantores in tono solemni intonant *Benedicamus Domino*, & Chorus in eodem tono responderet *Deo gratias.*

8. Interim D. Abbas in folio, vel in Sacristia deposito Pluviali, & Mitra, induitur Tunicella, & Dalmatica, tum sedens accipit Chirothecas, postea stans Planetam, & rursus sedens Mitram, atq; Annulum, & imposito, ac benedicto incenso procedit ad Altare pro Missa inchoanda, in qua omnia peraguntur, quæ supra P. 2. c. 1. exaravimus, nisi quod ad *ψ. Et incarnatus est*, in Symbolo; etiam D. Abbas in sede sua una cum aliis genuflectere tenetur.

9. In hac & 2da Missa Celebrans non sumit purificationem, sed hausto diligentius toto sanguine quantum fieri potest, collocat Calicem super corporale, eumq; statim Patena cooperit, nec illum amovet de Corporali, propter aliquas guttas sacrarum specierum, adhuc remanentes; sed Diaconus statim eundem Calicem obtegit velo parvo, & Celebrans dicta statim ad depositionem Calicis Oratione: *Quod ore sumpsimus &c.* recedit parum ad cornu Epistolæ, ubi in vase preparato vitreo abluat digitos, dicendo *Corpus tuum Domine &c.* quam abluitionem contextam palla aliqua relinquit in Altari. Caveat autem Celebrans, tam ille qui in Nocte Celebrat, quam qui in Aurora, aut alius quisquis imam & 2dam Missam privatam celebraturus, ne purificet Calicem, neq; digitis extergat labia sua, aut Calicis, sed ea omnia expedite observet, quæ ex Rubrica hujus diei, sunt exarata.

10. Ne autem, Calix ille, impediatur incensationem Altaris, in Laudibus, potest per Diaconum, vel alium Sacerdotem cautè asportari in Sacristiam, ubi subposito corporali in loco tuto fervetur, ne per ignorantiam à quoquam tangatur, & pro vacuo à Celebrante alio reputetur. Pro Missa 2da solemniori idem Calix apponatur in Altari, non tamen sine subposito Corporali. Caveat autem Subdiaconus in 2da, & 3tia Missa, sive alius Celebrans privatus, pariter in 2da, & tertia Missa, ne, volens intundere vinum & aquam, pro Oblatione, extergat Calicem, sed ad extremitatem corporalis, non tamen extra illud, Diaconus ipse in Missa solemniori infundat vinum, & aquam cautissimè, ne intus guttis conspergatur Calix, quod si fieri contingat, potius paulatim agitetur vinum infusum, ut simul capiat guttas dispersas, quam ut extergantur, propter sacras Species Sanguinis necdum exsiccatas. Quod etiam in Missis privatis, à quoquam Sacerdote, 3. Missas Celebraturo, observandum erit.

11. Finita Missa ima in Galli cantu à D. Abbate, vel alio Superiore, expectat Chorus donec Celebrans deposita Ca-

sula,

fula, & Manipulo, capiat Pluviale, sicq; constitutus D. Abbas in sede absolute incipit Laudes intonando *Deus in adiutorium meum intende*, quas etiam prosequitur de more, incensat ad *Benedictus* Altare, Ipseq; Chorus, & Ministri thurificantur, ut in Vesperis. Hoc tamen notandum superest, quod finita 1^a Missa, antequam incipiat Laudes, D. Abbas. non tantum Planetam, & Manipulum, verum Dalmaticam, & Tunicellam deponere debet. Tum finitis Laudibus non datur benedictio tunc solemnis, cum modo in Missa data fuerit. 2^a Missa dicitur solemnis etiam, in Aurora post horam Primam Canonicam, non ante. 3^a quoq; Missa pariter solemnis omnino post Tertiam, & non post Nonam decantari debet, ne ex opposito violetur à nobis Rubrica Missalis, & Brev.

Decreta S. R. Congregationis.

1. Episcopus ad Matutinum in nocte Nativitatis D. potest sedere vel in sede Chori, vel in sede Episcopali prout melius sibi videbitur, & magis populo satisfacit. S. R. C. 15. Martii 1668. in Alexandrina. Idem sentiendum de D. Abbate in loco suæ jurisdictionis.

2. In nocte Nativitatis D. post cantatam primam Missam, nullomodo possunt aliæ duæ immediate celebrari, nec fideles communicari. S. R. C. 20. Aprilis, & 7. Decembris 1641. in Pisaurina. 15. Septembris 1668. in Januaria. 22. Novembris. 1681. in Lucana. & 20. Julii 1686. in Angenopolitana.

3. Præceptum, quod in nocte Nativitatis Domini post Missam decantatam non possint successivè aliæ duæ Missæ celebrari, nec Communionem exhiberi Eucharistiæ fidelibus deposcentibus, ligat etiam omnes Regulares, tum Ordinum mendicantium, tum Congregationum Monachalium, tum omnes cujuscunq; alterius instituti, etiam speciali mentione nominandi. Neq; possunt excipi in Ecclesia Confessiones, maximè Mulierum, durante tempore nocturno, sed expectandum est, ut illucescat Aurora, tam pro Confessionibus mulierum excipiendis, quam pro Eucharistia ministranda fidelibus utriusque sexus. S. R. C. 23. Martii. 1686. in Senen. & 15. Septembris. 1668. in Januaria.

4. In Natali Domini in tribus Missis post sumptionem Sanguinis cundo. & redeundo in medium Altaris, non est facienda genuflexio, vertendo se Celebrans ad Dominum vobiscum.

& ad dandam benedictionem, debet renesvertere ad Altare, licet species vini non sint exsiccatæ in Calice, & servantur Rubricæ Missæ Rom. de ritibus servandis in celebratione Missarum. 11. & 12. n. 2. S. R. C. 20. *Julii 1686. in Angenopolitana.*

5. In prima, & secunda Missa, quæ celebratur in die Festo Nativitatis D. N. J. C. non debet fieri purificatio Calicis. S. R. C. 16. *Septembris. 1702. in una Regni Portugalie.*

6. Infra Octavam Nativitatis Domini prohibentur Missæ Votivæ, vel pro Defunctis. In Missis vero solemnibus pro re gravi infra eandem Octavam celebrandis, dicenda est præfatio juxta Rubricam generalem tit. 12. n. 4. S. R. C. 25. *Septembris 1706. & denno ab eadem demandatum 15. Septembris 1714. annuente Clemente XI. 29. ejusdem.*

7. In Vigilia Epiphaniæ Missæ Votivæ, Defunctorum celebrari non possunt. S. R. C. 10. *Decembris 1718. in Apsina. & 16. Septembris. 1730. in una Ord. Hierosolimitani.*

C A P U T III.

De Festo Purificationis B. V. Mariæ.

1. **F**ESTO die Purificationis B. V. Mariæ, de benedictione, & distributione Candelarum, atq; de Processione, sufficienter Rubr. Missæ Rom. seu Monast. instruit, quæ cum debita attentione legenda est, ut cuncta fiant ordinatè, & omnis vitetur confusio. Nonnulla tamen, præsertim pro Pontificalium hac die exercitio sunt annotanda.

2. **F**inita Tertia, parat se D. Abbas Amicus, Alba, Cingulo, Cruce pectorali, & Stola, ac Pluviali violacei coloris, absq; Sandaliis, & Chirothecis, & acceptis Mitra simplici, & Baculo Pastoralis, procedit cum Ministris ad Altare, ubi facta debita reverentia, accedit ad sedem suam. ibiq; deposita Mitra, stans manibus junctis versus Altare, incipit benedictionem Candelarum, quæ, prope sedem D. Abbatis, inter eum & Altare, in aliqua parva mensa, mappa munda cooperata, reponi debent, ministrante Missale Capellano de Libro, ita commode, ut ad benedicendum nullum habeat impedimentum.

3. Cum vero inceperit D. Abbas hanc Orationem recitare: *Domine JESU Christe, qui hodierna die &c:* Thuriferarius cum thuribulo, & navicula, & Minister cum vase Aquæ benedictæ, factis debitis Altari, & D. Abbati reverentiis, accedunt ad sedem, ibiq; quasi ad sinistram D. Abbatis expectant finem dictæ orationis. Ipse verò D. Abbas finitis orationibus sedens cum Mitra, imponit, & benedicit more solito incensum in Thuribulo, ministrante Naviculam Archidiacono, vel in defectu ejus Diacono. Postea D. Abbas deposita Mitra surgit, ter aspergit & incensat preparados Cereos. His peractis accedit ad sedem D. Abbatis P. Prior, cum debitis reverentiis Altari, & Prelato, & accipit de manu Diaconi, seu Sacristæ elegantiorē & majorem Candelam, quam deosculatam stando porrigit D. Abbati, manum pariter ipsius deosculando.

4. D. Abbas, facta asperzione, & incensatione candelarum sedet, acceptaq; Mitra, recipit à P. Priore candelam, eam tradit Capellano de Libro retinendam. Interim Ceroferrarii accedentes ad Sedem D. Abbatis, extendunt Tobaleam mundam supra gremium ejus, sicq; extensam tenent, donec finiatur distributio Candelarum, & ita commodè se locant, ut non impediānt cæteros Ministros.

5. Deinde P. Priori omnino genuflexo D. Abbas porrigit aliam Candelam, à Diacono acceptam, & ille manum prius, postea Cereum osculatur, quod & omnes facere tenentur, genuflexi etiam. Tum accedit Archidiaconus, (si ministrat) & ille genuflexus cum debitis osculis recipit Candelam: post quem Sacri Ministri pariter genuflexi cum osculis recipiunt Cereos, tandem ordine suo Religiosi incipiendo à Senioribus, consequenter usq; Novitios, omnes genuflexi recipiunt benedictos Cereos de manu D. Abbatis cum debitis manibus prius, & postea candelæ osculis. Interim cantatur à Choro Antiph. *Lumen ad revelationem &c:* & non intermittitur, prius quam finita distributio Candelarum.

6. Distributis Candelis, D. Abbas sedens adhuc cum Mitra lavat, & tergit manus, postea deposita Mitra surgit, & cantat Orationem *Exaudi &c:* erga Altare conversus, ut in Miss. collucētib; tunc Acolythis cum suis Cereis, ut ad Orationem Vesperarum. Hoc facto D. Abbas sedet & accepta Mitra imponit, & benedicit incensum, & tunc Diaconus conversus ad populum ante Altare canit: *Procedamus in pace,* & responso à Choro: *In Nomine Christi Amen,* ordinatur Processio,

cessio, eo quo supra dictum est modo, & juxta hujus diei Rubr: Procedit itaq; D. Abbas ultimus omnium, medius inter Archidiaconum à dextris & Diaconum à sinistris, tenens dextera sua Cereum accensum, & sinistra Baculum, non enim in Processione ut Episcopus benedicere potest. Prædicti Ministri elevant fimbrias anteriores Pluvialis, quilibet à parte sua una manu, & altera Cereos sustentant, videlicet: Archidiaconus sinistra fimbriam Pluvialis, & dextera Candelam, Diaconus vero è contra, videlicet dextera fimbriam Pluvialis, & sinistra Cereum portat.

7. Interea dum fit Processio, si D. Abbas non velit Celebrare Missam, aliquis ex PP. Senioribus Missam celebraturus capit paramenta convenientia, scilicet Albi coloris, nisi cadat dictum Festum in aliquam Dominicam Privilegiatam, quia tunc Violacei coloris. Et D. Abbas in fine Processionis cum pervenerit ad Altare ante infimum gradum, facta Altari debita reverentia, revertitur in Sacristiam, ubi deponit sacra Paramenta, & indutus Rochetto, & Mozzetta assistit Missæ. Ministri verò Sacri mutant Paramenta, si sint mutanda.

8. Quod si D. Abbas velit ipse celebrare, accedens ad Sacristiam, deposito Pluviali, consider in salsistorio, accipit caligas & Sandalia, tum Stolum Violaceam mutat in Albam, sumit Tunicellam, & Dalmaticam, postea Chirothecas, Planetam, Mitram, & Annulum, impositoq; ac benedictio incenso, procedit ad Missam celebrandam.

9. In reliquo omnia exacte servantur, quæcunq; Rubrum Missalis præscribit, præsertim, si D. Abbas tantum assistat Missæ, ipse, & omnes in Choro præsentés teneant Candelas accensas toto tempore Evangelii, & iterum ad elevationem SS. Sacramenti, usq; ad sumptionem SS. Sanguinis, aut si Religiosi, vel Sæculares communicabunt, usq; ad finem communionis eorum. Quando vero dicitur Missa de Dominica, tunc cerei nec accenduntur, nec in manibus tenentur.

Decreta S. R. Congr.

1. Benedictio Candelarum, Cinerum, & Palmarum, & aliæ similes actiones quas faceret Episcopus præsens, eo absente vel impedito ad primam dignitatem, non vero ad Heb-

R.R.

do.

domadarium pertinent. S. R. C. 21. Martii 1609. in Pifauren. & 25. Junii 1611. in Civitaten: seu S. Severini.

2. Dignior è Clero à quo Celebrans in diebus; Purificationis, Cinerum, & Palmarum recipit Candelam, Cineres, Palmam, debet accedere ad Altare sine stola, & genuflexus sicut alii recipere Candelam, Cineres, Palmam à Celebrante, & osculari manum Celebrantis porrigentis Candelam, & Palmam. S. R. C. 14. Februarii 1705. in una Capuc: Gallie.

3. Benedictio ac distributio Candelarum, & Palmarum, regulariter potest fieri in omnibus Ecclesiis, tam Collegiatis, quam Parochialibus, tam Sæcularibus, quam Regularibus. S. R. C. 28. Aprilis 1607. in Oßen.

4. Prima dignitas det Candelam Episcopo in Festo Purificationis B. M. V. & Episcopus det statim primæ dignitati, ante Vicarium Generalem S. R. C. 14. Junii. 1608. & 28. Maii. 1616.

C A P U T IV.

De Feria Quarta Cinerum.

1. **D**E hac Feria, cum habeatur specialis Rubrica in Miss: Rom: expressâ circa benedictionem, & distributionem Cinerum, supervacaneum agere seorsive censere mus; sed si D. Abbas præsens adesset in Monasterio, & ipse vellet cineres benedicere, aliqua supersunt, ad debitum ordinem, absq; ulla perturbatione peragendum, annotanda. Imprimis tamen ille, qui celebraturus est Missam dictæ Ferie IV. paret se sacris Paramentis tempestivè, expectetq; adventum D. Abbatis, similiter & Ministri, qui uti possunt Planetis plicatis ante pectus, quinimo deberent.

2. Veniens itaq; D. Abbas post Nonam, induit tꝑe Amictu, Alba, Cingulò, & Stola Violacei coloris, similq; Pluviali, & accepta Mitra simplici, ac Pedito, accedit ad infimum Altaris gradum cum Ministris, ubi facia Altari debita reverentia, accedit ad sedem suam ibiq; sedet. Celebrans autem tempestivè exiens, a latere Epistolæ sedet in scamno, qui adveniente D. Abbate ad gradus Altaris surgit, & manet stans tandiu, quamdiu Prælatas non pervenerit ad sedem suam, itiq; toto tempore benedictionis sedet in dicto scamno.

3. D. Abbate confidente in sede sua, Subdiaconus accedens ad Altare, accipit pelliculam cum Cineribus aridis præparatis, eamq; deferri ante D. Abbatem, stansq; ante eum, tenet ambabus manibus dictos cineres, nec se movet de loco, priusquam finiatur benedictio. D. vero Abbas, accedente Capellano de Libro, ministrante à dextris Diacono, sedens cum Mitra legit Anaph: *Exaudi nos Domine &c.* Choro eam interim decantante. Qua cum Psalmo repetita à Choro, deposita Mitra surgit, & dicit: *Dominus vobiscum, tum Oremus, adjungitq; Orationes in Missali expressas.*

4. Finitis Orationibus, & advenientibus Thuriferatio cum thuribulo, & Navicula incensi, ac Ministro Aquæ benedictæ, sedet, & imposita Mitra, ministrante Naviculam Diacono, imponit, & benedicit thus, postea deposita Mitra, surgit, aspergit ter cineres, ac ter incensat. His peractis D. Abbas sedet sine Mitra, interim accedit Officiarius, & stans D. Abba i sedenti in sede sua, præmissa debita reverentia, imponit cineres eidem dicens: *Memento homo quia pulvis es, & in pulverem revertis.*

5. Accepto Cinere D. Abbas, accipit & Mitram, & sedens distribuit Cineres, imprimis Celebranti stanti. inclinato tamen capite, eoq; recedente ad suum locum, accedunt per ordinem primum SS. Ministri, deinde Religiosi a majori usq; ad minimum, demum ministri inferiores suo ordine. Quia verò sæculares personæ si accederent ad sedem, magnum facerent tumultum, ideoq; potius D. Abbas accedet cum Mitra ad Cancellos, ubi unicuiq; distribuet dictos Cineres, dicens continuò: *Memento homo &c.* ut notatur in Rubr. Miss. Rom: Choro interim cantante RR. *Immutemur habitu &c. Inter Vestibulum &c. E-mendemus &c.*

6. Meminerint tamen Ceroferarii, quia sicut Cap: prædictum est quod debeant Tobaleam extensam tenere supra gremium D. Abbatis, quousq; non finierit distributionem Candelarum, ita pariter hac die debent extensam sustentare Tobaleam, quousq; in sede non terminaverit D. Abbas impositionem Cinerum.

7. Distributis Cineribus D. Abbas accedit ad sedem suam, ibiq; sedendo cum Mitra lavat manus, extergitq; mica Panis digitos suos, si opus est. Mox deposita Mitra surgit, & junctis manibus, cantat *Dominus vobiscum, & Oremus. Concede nobis Domine &c.* ad quam more solito accedunt Ceroferarii cum Cereis accensis, qui finita Oratione discedunt ad Altare.

8. Quibus expeditis Minitri facci accedant ad Celebrantem, & Missa inchoatur, D. Abbas verò cum reliquis Minitris revertitur in sacristiam, ibiq; deponit Sacra Paramenta, recedens; in Chorum ad altare suum, ut assistat Missæ Conventuali, quæ peragitur ordinariè, ut in Missali notatur.

9. Hac die Processio fieri nullatenus in Ecclesiis Regularium debet, quia nullum est fundamentum talis Processionis in Missali tam Rom: quam Monast: adeoq; ad illam non tenentur Regulares. Et licet præscribat Rituale pro Regno Poloniæ, quod de mandato Synodi Prov: Petricov: editum est, illud tamen non obstringit Monasteria Regularium, sed Ecclesias Parochiales tantum; alias ex ea ratione teneremur quolibet Die Dominico juxta illud Rituale peragere Processiones, quæ peraguntur in Ecclesiis Parochialibus, pluresq; alias Cæremonias, quæ & contra Rubr: general: essent, & illæ à nobis alienæ esse deberent. Maxime cum Rubr: Miss: Rom: & Monast: nobis præscribat simpliciter post ultimam Orationem, *Deinde dicitur Missa*, & nihil quidquam innuit de Processione. Insuper *Cærem: Monast: Bn Rom: L. 3. c. 9. n. 7.* aliasq; Cæremonialia, tam *Bavar.* quam *Congr: Montis Serrati in Hisp:* nullam de tali actu Processionis faciunt mentionem.

Decreta S. R. Congregationis.

1. Cineres distribuendi in Feria IV. post Dominicam Quinquagesimæ debent esse aridi. S. R. C. 23. *Maii 1693.*
2. Cineres Episcopo ministrare Feria IV. Cinerum non ad primam dignitatem, sed ad Canonicum ea die celebrantem pertinet. S. R. C. 28. *Maii 1616.*
3. Celebrans qui cineres distribuit, Candelas, & Ramos, detecto capite iter. S. R. C. 28. *Julii 1626. in Pietina.*
4. Abiente Episcopo benedictiones Cinerum, Candelarum, Palmarum, & fontis, fiat per Celebrantem. S. R. C. 12. *Junii 1627. in Brundisina.*
5. Benedictio publica sacrorum Cinerum facienda in Feria IV. post Dominicam Quinquagesimæ, non potest fieri post Tertiam, sed servandæ sunt Rubricæ, in quibus præscribitur post Nonam. S. R. C. 22. *Januarii 1701. in una Camald: Mont: Corone,* & iterum 19. *Januarii 1743. in una Congr: Camald: Mont: Cor.*

6. Missa Conventualis de Festo, seu de Feria currenti omnino cantandi est, non obitante quacumq; contraria consuetudine. S. R. C. 28. *Januarii 1612. in Offens.*

Benedictus vero XIV. P. M. decrevit: ut applicetur pro Benefactoribus in genere, in omnibus Patriarchalibus, Metropolitanis, Cathedralibus, Collegiatis, & insignioribus Regularibus Ecclesiis, non obitante quavis, licet immemorabili consuetudine, in contrarium. Et non tantum de una, sed etiam de secunda, vel tertia, si forte ex Rubricis Missalis teneantur celebrare, statuit, cum hac tamen moderatione, quod consuetudo in contrarium stare possit, quo ad secundam, & tertiam duntaxat, dummodo eorum benefactorum non obliviscantur in commemoratione defunctorum omnium. Const: quæ incipit, Cum semper: die 19. Augusti 1744. emanata, ut testatur P. Talu.

7. Non potest omitti altera ex duabus Missis cantandis de Festo, & de Feria. S. R. C. 16. *Maii 1626. in Burgen.*

8. Missa Conventualis de Feria in Cathedralibus, & Collegiatis, (ac insignioribus Regularibus) omnino est dicenda ultra Missam Festi, & abusus sunt reformandi. S. R. C. 16. *Januarii 1627. in una Abusus reformandi.*

9. Missa Conventualis de Feria in Quadragesima & Adventu nullomodo potest omitti, quando in eis etiam cadat festum alicujus Sancti, non obstante contraria consuetudine. S. R. C. 24. *Novembris 1635. in Gallien.*

P. Spiridion Talu supra dictum Decr: sic explicat: In Quadragesima Missa de Feria semper dicenda, in Adventu vero, diebus Quatuor Temporum, & Vigiliis occurrentibus, in quibus præligitur Missa de Vigilia cum commemoratione Feriæ Adventus, Vigilia tamen Nativitatis excepta. Ita sentit Rubr: Miss: de Feria, & Vigilia n. 2. In Vigiliis etiam per Annum. Quatuor temporibus, & Feriæ secunda Rogationum, duæ, vel tres Missæ sunt cantandæ temporibus suis, ut suprad: Rubr: Gener: loci vult: declarat.

10. In Missa solemnī de Feria commemoratio non est faciēda de Sancto semiduplici occurrente, cujus Missa pariter cantanda est, absque commemoratione Feriæ, & in utriusq; Missis tempore Passionis dicenda est tantum secunda Oratio Ecclesiæ vel pro Papa, ut docet Gavantus. In Missis autem privatis de festo semiduplici, cum sit clara dispositio Rubr: IX. de Oratione n. 5. dicenda est secunda Oratio de feria, tertia Ecclesiæ, vel pro Papa; de simplici vero faciēda est commemoratio juxta eandem Rubricam. S. R. C. 10. *Januarii 1693. in una Galliarum.*

11. In Dominicis Adventus & Quadragesimæ, in quibus fit de Festo duplici primæ Clāssis, non sunt cantandæ duæ Missæ. S. R. C. 5. Julii 1698. in Collen. Multominus in Dominicis post Epiphaniam, post Pascha, & post Pentecostem.

12. Quadragesimæ, Adventus, & Vigiliarum temporibus, nec non in diebus Rogationum, occurrente aliquo Festo duplici, vel semiduplici, non licet post Primam celebrare Missam prædictarum Ferialium, sed servandæ sunt Rubricæ, quæ præscribunt post Nonam. S. R. C. 22. Januarii 1701. in una Camaldul. Mont. Cor.

13. Quando juxta Rubricas Missalis in Ferialis Quadragesimæ, Quatuor Temporum, Rogationum, ac Vigiliarum præscribuntur duæ Missæ cantatæ, in Cathedralibus, & Collegiatis, (idem pariter in insignioribus Regularibus) una de Festo post Tertiam, altera de feria post Nonam; An propter insufficientiam temporis, ratione multarum Votivarum cantandarum possit una ex his duabus substitui læta? pro cantata, & quæ potius? an de Festo post Tertiam? an de feria post Nonam? Responsum fuit: Non posse omitti alteram ex his duabus Missis cantandis. S. R. C. 22. Decembris 1753. in una Vilnens. in Lithuania.

14. An toleranda sit consuetudo cantandi unicam Missam, aliāq; legendi iis diebus, quibus à Rubrica duæ præcipiuntur Missæ? Responsum fuit Negativè. S. R. C. 14. Aprilis 1753. in Conimbricæ.

15. In primis Vesperis Dominicæ Passionis, non solum Cruces, & Imagines Salvatoris, sed etiam Jeones, Altarium, & omnes Imagines Sanctorum tegi debent. S. R. C. 4. Augusti 1663. in una Da'matiarum.

16. In Missis Ferialibus quæ contingunt à Dominica Passionis ad feriam V. Cænæ Domini, si novenda obveniat commemoratio de Festo simplici, omittenda est tertia Oratio, quæ pro secunda assignatur, in Missali, nempe Ecclesiæ, vel pro Papa. S. R. C. 22. Novembris 1659. in una Rubricarum, & 10. Januarii 1693. in una Galliarum. ac 4. Maii 1709. in Historiæ; atq; 15. Septembris 1736. in una Rubricarum.

17. Sabbato Passionis debent velari Imagines, & Cruces, etiam si occurrat eo die Festum Sancti Titularis, vel Patroni Ecclesiæ. S. R. C. 16. Novembris 1649. in Januæ.

18. Imagines, & Cruces detegi non debent etiam si in Hebdomada Passionis occurrat Festum Sancti Titularis, aut Dedicacionis Ecclesiæ. S. R. C. 16. Novembris 1649. in Januæ.

19. Velum quo cooperitur Crux in Altari semper debet esse Coloris Violacei, & nunquam etiam in Ieria V. in Canna Domini est mutandum. S. R. C. 16. Novembris. 1649. in Januer.

C A P U T V.

De Dominica Palmarum.

1. **D**E Officio hujus Dominice multa essent invenienda, nisi Rubric. Miss. Rom. emendati sufficienter instrueret, nonnulla tamen supersunt resolvenda specialiter, & quidem quod Crux Processionalis velo violaceo omnino conegr. debet in cujus similitudine pareatur vitta violacei coloris ad ligandum ramum palmarum post benedictionem, hæc tamen Crux antequam benedictio Palmarum inchoabitur, à latere Epistolæ prope Altare constitui debet, ut commodius à Subdiacono firmetur ad Processionem.

2. Si D. Abbas benedicere Ramos Olivæ voluerit, dicta Hora Tertia Canonica, veniet in Sacrarium in veste Ecclesiastica, ibique indutus Amictu, Alba, Cingulo, Cruce pectorali, & Stola, ac Pluviali Violacei Coloris, impositaq; Mitra simplici, & accepto Pedito, procedet ad Altare, ubi facta debita reverentia, accedet ad sedem suam, & sedendo cum Mitra legit Antiph. *Hanna* &c: quam Chorus in cantu prosequitur. Interim in Credentia que erit prope sedem D. Abbatis versus Altare preparantur Rami Palmarum ad benedicendum.

3. Finita à Choro Antiph. D. Abbas deposita Mitra, erigit se, & stans decantat Orationem: *Dus quem diligere* &c: qua finita, sedet sub Mitra, & legit Lectionem Libri Exodi quam Subdiaconus cantat, in loco suo, ut moris est, legit quoq; pro Graduali RR. admittit Subdiaconum cum Libro ad osculum manus, & deposita Mitra surgit, dicit. *Munda Cor meum* &c: legit Evangelium, & eo finito sedens cum Mitra imponit, & benedicit incensum, ut alias in Missa. ac Diacono pro decantando Evangelio dat consuetam benedictionem.

4. Diaconus dum incipit decantare Evangelium, D. Abbas deposita Mitra surgit, sedem inter manus junctas tenens, stat ad finem, quo finito, Librum osculatur, & ab Archidiacono

no (si inservit) incensatur, alias à Diacono Evang. Mox stans sine Mitra inchoat benedictionem Palmarum, canendo 6. mnes Orationes in tono seriali, manibus semper junctis, etiam ad precessionem, & nec ad *oremus* disjungit manus, sed tantum versus Altare inclinat Caput, quod & in omnibus aliis benedictionibus servandum erit.

5. Dum post Prælationem ista Oratio terminatur, Thuriferarius cum Thuribulo & Navicula, ac Minister de vase Aquæ lustralis, cum debitis reverentiis accedunt ad sedem D. Abbatis, dicta oratione finita Prælatus sedet cum Mitra, imponit, ac benedicit incensum, aspergit aqua lustrali, ac ter incensat Ramos Olivarum, jam stans sine Mitra, & postea adhuc unam decantat Orationem, qua completa sedet, & Mitram resumat.

6. Interim P. Prior, vel in eius Absentia Senior^{us} de Communitate in Habitu Choralis scilicet Cucullatus, accedit ad sedem D. Abbatis, cum debitis reverentiis, ibiq; acceptum ab Archidiacono, vel Diacono Ramum pulchre ornatum, stans tradit eum cum osculo illius prius, & postea manus D. Abbatis. Qui D. Abbas recipiendo Ramum, eum tantum osculatur, (idem dicendum de Cardela in die Purificationis B. M. V.) & tradit Capellano de Libro custodiendum. Ministrante vero P. Sacrista alios Ramos, distribuit cæteris, & quidem 1. P. Priori, 2. Archidiacono. 3. SS. Ministris, 4. Paribus, & Fratribus per ordinem venientibus, 5. reliquis Altaris Ministris, quilibet autem supradictorum recipiendo Ramum genuflectit, & osculatur prius manum D. Abbatis, deinde Ramum. Chorus verò interim canit Antiph: *Pueri Hebræorum* &c: alternatim, quousq; non finiatur dicta distributio Palmarum.

7. Distributis Ramis Palmarum, D. Abbas lavat manus, & extergit more conveto, tum accedunt ad eum Ceroferarii cum Cereis accensis, ministrantq; ad Orationem sicut supra dictum est. D. autem Abbas deposita Mitra surgit, & canit in tono Feriali orationem: *Omnipotens* &c: qua finita sedet, capit Mitram, ponit incensum in Thuribulum, ac benedicit. Diaconus stans ante Altare in 2. gradu, Conversus ad populum decantat: *Procedamus in pace*, & Chorus respondet *In nomine Christi Amen*. Subdiaconus interim capit Crucem Processionalem, cujus summitati tempestive Cæremoniarius, vel Sacrista Ramum parvum benedictum alligare debuerat: ordinaturq; Processio eo ordine, & modo, quo in Festo Purificationis.

8. D. Abbas ultimus procedit habens à dextris Archidiaconum,

conum, & à sinistris Diaconum, elevantes simbrias anteriores Pluvialis. Sed in defectu Archidiaconi, Diaconus à dextris, & Capellanus de Libro à sinistris incedere debent. Si vero nec Capellanus de Libro adesse possit, ipse Diaconus semper à sinistris incedet, Subdiaconus enim Cruce impeditus est. Et ipse Prælatus sub Mitra, sinistra tenens Pedum, & dextra Ramum Olivarum incedet. Procedendo extra portam Ecclesiæ tempestive duo Cantores ingrediantur Ecclesiam, & occludant Portam, vertentesq; faciem ad fores Ecclesiæ, & non ad Altare, canant ex Processionali, quæ cantanda sunt, alternatim cum Choro extra Ecclesiam constituto.

9. Subdiaconus ut pervenerit ad portam Ecclesiæ, Crucem, quam tenebat respicientem Thuriferarium, conversam tenet per id spatium temporis versus Celebrantem, & omnes Processioni interessentes. Terminato vero cantu, convertat faciem Crucifixi ad Ecclesiam, & inferiori hasta Crucis, non vero transverso ligno, trino ictu percutiat portam Ecclesiæ, semper etiam fortiori ictu, ut bene audiat. Apertis dein per Cantores, & non per aliquem Janitorem foribus, ingreditur Processio suo ordine, Cantoribus inchoantibus *q. Ingrediente Domino* &c: Choro reliqua prosequente. Accedentes omnes ad Chorum consistunt in ordine suo, & D. Abbas si noluerit celebrare, revertitur cum Ministris in Sacristiam, ad deponenda sacra Paramenta. Interim Celebraturus Missam unus ex Superioribus tempestive ornatus procedit cum Sacris Ministris ad Altare, & prosequitur Missam juxta Rubr. Miss. recogniti. Nullaq; aliæ siant Cæremoniæ, quæ in Ritualibus ex Synodo Provinciali demandatæ sunt, quia illæ tantum respiciunt Parochiales Ecclesias.

10. Præterea Notandum est: quod si celebrans ad Altare benedixerit Ramos olivarum, & habuerit Ministros sacros, scilicet Diaconum Evangelii, & Subdiaconum Epistolæ, tunc ipse Evangelium in cornu Epistolæ legere debet, sicut & Passionem in Missa, & non nisi ad ultimam partem, quæ incipit: *Altera autem die*, transferatur Missale, quam ultimam partem iam in cornu Evangelii legere tenetur. In Lectione dum canitur à Subdiacono, ad illa verba: *ut in nomine JESU omne genu flectatur* &c: genuflectunt omnes, etiam Celebrans, licet si D. Abbas, manebantq; genuflexi unico genu, usq; ad verbum *Inferorum* inclusivè.

11. Ordo cantandi Passionem à tribus Cantoribus antiquitus ab Ecclesiâ receptus, & in majoribus Ecclesiis ad hæc

usque tempora conservatus improbari non debet, quinimo laudabilis est, ideoque ut in omnibus Ecclesiis nostræ Congregationis Regularibus conservetur, & ad effectum deducatur, summe necessarium est, sæpe enim contingit, quod unus Cantans Passionem ita inadvertenter attollat vocem, ut vix finiat, & vocem deperdat, ac vires enervet, ideoque & audire molestum, & pati nimis injuriosum; si autem tres cantarent, quilibet haberet commodum tempus respirandi. Unde non sine causa in Passione adjuncta sunt tria signa literarum, videlicet ✕: S. C. ubi per ✕ intelligitur persona Christi, per literam C. intelligitur persona Evangelistæ, per Literam S. intelligitur persona turbæ, hæc signa alio modo sic interpretantur, per ✕ denotatur Christus, per literam C. designatur Chronista, per literam S. signatur Synagoga: vel adhuc alio modo: per signum ✕ semper designatur ille, qui personam Christi representat, per literam C. notatur Cantor, & per literam S. exaratur Succentor.

12. Improbatur autem illa distributio Passionis partium, inter Celebrantem Diaconum, & Subdiaconum, ita ut Celebrans vices Christi, Diaconus Evangelistæ, & Subdiaconus turbarum gerat, non enim decet Celebrantem tunc cantare. Si itaque tres Cantores Passionem sunt cantaturi, parent se in Sacristia sub tempore Lectionis, amictu, Alba, cingulo, Manipulo, & Stola à brachio sinistro ad latus dextrum aptata, ubi magis conveniret Stola latior, quam ordinaria. Dum cantatur *Graduale*, & *Tractus* procedunt ad Altare eo ordine: Primo procedere debet ille qui Evangelistam representat signatus per Literam C. deinde qui turbam designatus per Literam S. denique ille qui Christi personam agit in signo ✕. ultimo loco ascendere tenetur, & quilibet suum Librum deferet ante pectus, ad cantandam Passionem, super pulpito ponendum. Venientes itaque ante infimum Altaris gradum hoc modo prius consistent, qualem sequens demonstrant fig. S. ✕. C. postea genuflectunt, aliquantulum oraturi, deinde surgentes ad legilia sua procedunt ibique alio se modo locant, & non ita quemadmodum prius, sed juxta seq. fig. ✕ videlicet ille, qui notatur litera C. medium occupabit locum, ad cujus dexteram ille stabit, qui sub signo ✕. suam representat personam, ad sinistram vero ipsius stabit, qui sub litera S. expressus conspicitur. Hæc autem superius declarata sunt juxta sensum *Gavant. Merati. Baudry*, aliorumque gravissimorum Authorum & praxim Capellæ Papalis.

13. Celebrans in lectione Passionis veniendo ad hæc verba *emissit Spiritum* non genuflectit, sed procedit ulterius, legitq; ad ea verba *Contra Sepulchrum*. Quia altera parte finita, cum suis Ministris vertit se ad Cantores ut ad Evangelium, stantes cum palmis in manibus, & ita manent donec tota Passio fuerit decantata. Dum verba illa à Chronista proferantur: *IESUS autem clamans voce magna emissit Spiritum*. Celebrans & Ministri accedunt ad medium Altaris, descendenteq; ad 2. gradum genuflectunt in suppedaneo utroq; genu sic genuflexi permanentes per spatium Orationis Domnicæ. Similiter & Cantores genuflexi versus sua legilia pausant. Frectis omnibus, etiam Cantoribus, iisq; secundam Passionis partem prosequentibus, Subdiaconus Ramum suum tradit Aeolytho, & transiit Missale Celebrantis ad cornu Evangelii, ubi celebrans legit ultimam partem, quæ Evangelii locum tenet, assistente sibi Subdiacono, qui etiam in fine respondet *Laus tibi Christe*.

14. Cantores finita altera parte, usq; ad ea verba: *contra Sepulchrum*. factis debitis reverentiis revertuntur in Sacristiam eodem modo, quo venerant, cum suis Libris. Interim vero Thuriferarius affert Thuribulum, & Celebrans imponit, ac benedicit incensum, statimq; benedicit & Diaconum, cujus officium est hanc ultimam decantare partem. Accepta benedictione Diaconus, cantat sine *Dominus vobiscum*, aut *Sequentia* &c: sed absolute incipiendo ab his verbis: *Altera autem die* &c: prius tamen nihil dicendo ter incensat Librum, ut alias ad Evangelium. Desertur liber ad osculandum, per Subdiaconum, & Celebrans incensatur à Diacono, reliqua peraguntur ut in aliis Missis.

15. Notandum insuper, quod in eadem Missa Conventuali solemini ultimum Evangelium semper dicitur S. Joannis: *In principio* &c: licet Ramos Palmarum non ipse Celebrans, sed alius benedixerit, e. g. D. Abbas. Ad capitulum Nonæ, sicut & feria IV. sequenti ad Introitum Missæ, qui incipit: *In nomine IESU*. non genuflectitur. Pro minoribus Ecclesiis hoc notatu dignum superest: quod Celebrans unicus sine Ministris benedicens Ramos Olivarum, decantata Epistola, & recitato Graduali in cornu Epistolæ, non se movet de loco, sed parum conversus erga Crucem, ac inclinatus manibus junctis, dicit in eodem cornu *Munda Cor meum*. &c: in eodemq; loco decantat Evangelium sine incenso. Quo finito benedicit in eodem loco Ramos palmarum, & omnia peragit, ut in maioribus Ecclesiis.

Decreta S. Rit. Congr.

1. Passio in Missis privatis legi debet à Celebrante in cornu Evangelii, licet in Missa solemnè legatur in cornu Epistolæ. S. R. Congr. 4. Augusti 1663. in una *Dalmatiarum*.

2. Evangelium pro solemnè benedictione Palmarum à Sacerdote Celebrante absquè Diacono, & Subdiacono canendum est in cornu Epistolæ. S. R. C. 27. Aprilis. 1697. in *Eugubina*.

3. Episcopus assistens Missæ in Dominica Palmarum paratus, vel cum Cappa, non debet sedere, neq; genuflectere, sed stare discoopertus dum cantatur Passio, & in casu impotentie debet abstinere ab interventu saltem Missæ. S. R. C. 28. Aprilis. 1708. in *Bracharen*.

4. In exequiis parvulorum in Feria V. VI. & Sabbato majoris Hebdomadæ potest omitti *Gloria Patri*: &c: in Psalmis qui dicuntur, pro conformitate temporis. S. R. C. 16. Januarii 1677. in *Hispanen*.

5. In secundo triduo majoris Hebdomadæ non possunt celebrari exequia Defunctorum, & officium, & preces recitentur privatim. S. R. C. 11. Augusti. 1736. in *Pacentina*.

6. Utrum in Majori Hebdomada, excepto triduo ante Pascha, & biduo post, & infra octavam Paschæ, & Pentecosten, ac etiam in festis duplicibus primæ Classis, non tamen celebribus, possit cantari Missa unica solemnè de *Requiem*, in sepultura Cadaveris? & Responsum fuit: Affirmative. S. R. C. 29. Januarii 1752. in una *Ord. Carmel. Discal. Prov. Pol.*

C A P U T. VI.

De Matutinis tenebrarum.

1. **P**Ræter alia quæ notantur sufficienter in Rubr. Brev. notanda sunt sequentia: Imprimis, quod pro Matutinis tenebrarum parari debet in plano Presbyterii ad cornu Epistolæ, ubi scilicet Subdiaconus solet cantare Lectionem in Missa, & non in medio Candelabrum triangulare, cum candelis 15. In medio verò, in eo scilicet loco, ubi stare solet

solet Subdiaconus cum Patena ad infimum gradum Altaris collocari debet legile nudum, & non coopertum; ad canendas lamentationes, & legendas Lectiones secundi, & tertii Nocturni. Quia vero Matutine Feria IV. Majoris hebdomade celebrande ad diem sequentem spectant, quæ solemnitas est ratione Cane Domini, & licet officium sit luctuosum, Campanarum tamen sonitus festivus esse debet, usque ad Gloria in excelsis. Sequentis diei inclusivè.

2. Si SS. Sacramentum asservatur in Tabernaculo illius Altaris, ante quod dicenda sunt Matutine in Choro, omnino removendum est, & transferendum cum luminibus per aliquem Sacerdotem superpelliceo, & stola indutum, ad aliquod sacellum decenter ornatum, ibique lampas continuo ardeat, quandiu ibi asservatur. Ostium Tabernaculi apertum debet relinqui, ne adoretur quod ibi non est. Ab his Matutinis, Crux in Altari majori posita ab omnibus cuiusque status, & conditionis, transeuntibus, genuflexione adorari debet, usque ad Nonam Sabbati Sancti inclusivè, excepto Prelato, & Celebrante parato, qui tamen in die Parasceves etiam genuflectere debent, & hoc patet decisum à S. R. C. ex Caltaldo. Ita quoque ad omnia declarant, & præcipiunt, P. Morati Scit. VI. c. 13. ad n. 11. notatum Guanti, & in notis Cærem. Hebdomade Sancte pag. mihi 35. P. Bauldry P. IV. c. 2. n. 8. Cærem. Monast. Bened. Rom. L. 3. c. 13. n. 7. Insuper ipsa praxis Eminent. DD. Cardinalium in Capella Sanctissimi nos edocet. Non tamen coram aliis Crucibus, in aliis Altaribus, aut locis, genuflexio facienda, sola enim inclinatio capitis sufficit.

3. Hoc triduo tempestivè recitatur Completorium propter Matutinum subsequens, quod juxta omnes Auctores terminari debet ad occasum solis. Antequam igitur Matutinum inchoetur, Sacellanus accendit non tantum supradictas 15. Candelas, in candelabro triangulari, ad cornu Epistolæ constituto, sed etiam omnino sex in Altari majori Cereos, qui hoc triduo ad Vigiliis Matutinis, cum Laudibus, totas, ardere debent continuo, ex præscripto Ecclesiæ, ut ad Cantici Benedictus 7. septimum, Ut sine timore, &c. paulatim extinguantur, quomodo autem extingui debeant nisi accendantur, & ardeant? Unde tollendus est ille abusus, ubi per primos 6. versus Cantici Benedictus prædicti sex cerei accendantur & per ultimos sex versus, iidem Cerei extinguuntur, hoc enim est expresse contra Rubricam Regulam, quinimo esset quædam Scena, & non Cæremonia, aut Ritus, ideoque omnino prohiberi debet talis jocosæ actio.

4. Maxime quia S. R. Ecclesia in Rubrica sua præten-
dit, & per S. R. C. præcipit, ut ad omnes horas canonicas
ardeant ad minimum duo Cerei omni tempore, specialiter
autem hoc triduo exigit, ut ad Matutinum, & Vesperas in
Altari Majori ardeant sex Cerei, nec plures, nec pauciores.
Unde prætermisissis aliis testimoniis, quæ adducere nimis lon-
gum esset, Statuta Capitulorum Generalium initio Congr:
Ben: Pol. in Capitulo Dietæ 1730. die 26. Julii celebrato,
omnibus Monasteriis ad observandum proposita, & à p. m.
Rmo D. Stanislas Mirecki Abbate Calvomont: primoq; Congr.
plantatore, sel. rec: SS. D. N. Clementi XII. Pont. Max.
ad approbandum 1732. 15. Maji porrecta, pun. 1. præcipiunt
his verbis: *Ut Matutina anticipare de sero, maxime in maiori s. ti-*
maria, incipiendo à Feria IV. recitari, & decantari solita, incipiant
ante horam Quintam, & semper diu sum in Tegis, & cum Candelis,
non solum quindicum in Choro, sed etiam cum sex super Altari iuxta
Rubricam celebrando. Item Supra dicto loco pun. 7. sic statuitur:
Nunquam Officium Divinum peragatur sine lumine ad Altare, sed sal-
tem cum duobus Candelis, videant itaq; & observent ii, ad quos
de iure.

5. Supradictæ Candela eo ordine accendi debent: vide-
licet incipiendo ab ea, quæ est proximior Cruci à parte E-
vangelii, & terminando in ultima dicti lateris Evangelii, po-
stea inchoando à Candela Cruci proximiori ad cornu Episto-
lae, & terminando in ultima dictæ partis Epistolæ. Pariter &
in triangulari Candelabro incipiendo ab ea, quæ est in cuspi-
de dicti Candelabri, continuatur in ultima ad partem Evan-
gelii respiciente, & similiter descendendo à parte Epistolæ.
Extingvi autem debent in Candelabro è contrario, post quem-
libet enim Psalmum cui Antiphona subiungitur, una est ex-
tingvenda, sicq; post primum Psalmum extingvitur illa, quæ
est remotior à parte Evangelii, post 2. Psalmum pari disci-
phina extingvitur remotior in latere Epistolæ, & sic succes-
sive alternatim, ab utroq; latere singuli Cerei extingvuntur.
Ad quod Officium Religiosus aliquis destinari debet, ut suo
tempore peragat, quæ peragenda sunt. Similem formam, &
Ordinem servare debet dictus Religiosus in extinctione sex
Candelarum Altaris, ad Canticum *Benedictus*. incipiendo à *Ÿ.*
Ut sine timore &c.

6. Lcet diebus ferilibus in Quadragesima, & Passione
dicantur preces flexis genibus ad omnes horas, tamen notat
Cærem: Episc: L. 2. c. 22. P. Merati Scit: V. c. 13. in Notis ad

N. 4. P. Bauldry P. IV. c. 8. n. 9. quod ante initium Matutini hoc triduo *Pater, Ave, & Credo* dici debeant a Sanctis, inclinatis tamen versus Altare, non verò faciebus ad invicem conversis. Pariter *Pater noster* in fine cuiusq; Nocturni. Iam vero ad *ŷ. Christus factus est &c:* etiam ad Orationem Dominicam, quæ tunc in fine horarum sub silentio dicitur, omnes genuflectere tenentur.

7. Quia hoc triduo non dicitur *ŷ. Gloria Patri &c:* in fine Psalmorum, & Canticorum, ideo defestitur vox aliquantulum in fine eorum, ut finis Psalmi cognosceatur, utroq; Choro simul ad id conveniente, & etiam in fine Antiphonarum Officii, quando dicuntur indirectum, & sine cantu, e. g. Vesperarum. Item defestitur vox in fine Lectionum 2di & 3ti Nocturni, quia non dicitur *Tu autem &c:* Insper ad 4. & 5. prolixa Lectionum, quando etiam non decantantur; Similiter ad *ŷ. Christus factus est &c:* dum terminatur à Choro. Pariter in fine Orationis *Respice &c:* ad illud verbum terminum, defestit, & aliquomodo in deflexo tono prolongari debet. Ita Viri in explicandis Sacris Ritibus peritissimi, & Cærym: *Monast: Bened: Rom: L. 3. c. 14. n. 7.*

8. Ad Laudes pariter extinguuntur Candelæ in candelabro triangulari, sicut supradictum est, ubi tantum intervenit Antiphona. Antiphonam ad *Benedictus*, vel Superior, vel dignior ex Cantoribus inchoare tenebitur. Ipsum vero Canticum à duobus Cantoribus inchoari & paulatim in tono solemniori à Choro decantari debet, ut Religiosus extinguens Candelas Altaris, (convenientius tamen esset, si duo ad tale officium disponentur) habeat sufficiens tempus, sub quo libet Versu extinguendi unam Candelam, & transcendendi à latere Evangelii, ad cornu Epistolæ. Ita P. Merati loc. cit.

9. Cum repetitur Antiphona Cantici *Benedictus*, Religiosus prædictus removel ex Cuspide Candelabri triangularis Cereum relictum, adhuc ardentem, & genuflexus in cornu Epistolæ ad Altare manu elevata sustinet. Ex cum inchoatur à Superiore *ŷ. Christus factus est &c:* illum Cereum necdum extinctum abscondit ita sub Altari in dicto cornu Epistolæ, ut lumen nullomodo appareat. Oratione completa ferri debet ab omnibus fragor per breve spatium, quem incipere debet Superior, virga percutiendo scannum, duratq; prædictus strepitus, donec Religiosus ille prædictum Cereum, qui fuerat absconditus, adhuc collucentem omnibus ostendat, & tunc eo in summitate Candelabri, ut prius, reposito, omnes cessant.

cessare debent à strepitu, & dein post brevem morulam illum Cereum in Candelabro extingvit.

10. Hoc triduo post Completorium, quod finita refectioe recitari statim in Choro debet, non dicuntur *Lytanie*, & *De profundis* &c: sed quilibet particulariter dicere potest. Aspergio tamen nonnisi post Matutinum fieri debet, nihil ad illam dicendo, & omnes de Choro in silentio discedunt. Sic enim declarat *Cerem: Monast: Bened. Rom. L. 1. c. 19. n. 10. pag. mss. 68.* his verbis: *In Feria IV. V. & VI. Majoris Hebdomadæ Aspergio post Matutinum diffatur, dumq; fit aspergio nihil dicitur.*

11. Ad omnes Horas diurnas Psalmi non recitantur flexis genibus, sed stando, contra enim facientes violant Rubricam, quæ non prius genuflectere præcipit, quam ad *ψ. Christus factus est* &c: ideoq; *Pater, Ave, & Credo* in principio Horarum, non aliter quam stando, quemadmodum ad Matutinum dici debet. Et hæc, quæ modo dicta sunt, non tantum hodie, sed etiam sequentibus diebus, usq; ad Nonam Sabbati Sancti inclusive, erant observanda.

12. Si in Altari majori sit Tabernaculum Sanctissimi Sacramenti, finitis Matutinis ex Capella ea, ubi ante Matutinum fuerat repositum Feria IV. ad locum suum reportatur cum luminibus eo modo, quo fuerat asportatum. Hoc præterea notatu dignum est: quod licet publicè ad Capellam aliquam transferatur SS. Sacramentum, ibiq; sit repositum, non possunt tamen ibi Religiosi recitare Horas diurnas, vel Nocturnas, sed semper in loco suo, ubi semel pro semper Chorus est destinatus, ideoq; ab his abstinendum est, quod immutatur locus recitandi Officii divini, expresse enim *Cerem: Episc: L. 2. c. 23.* præcipit, ut asservato Sanctissimo Sacramento in Capella, reportatur in Chorum ad *Vesperas*, pariter *Cerem: Monast: Bened. Rom. L. 3. c. 14. n. 21.* de hoc triduo *Vesperarum* his declarat verbis: *Delato SS. Sacramento, Vesperæ dicuntur in Choro.* Idem sentiunt omnes Authores Rubricarum. Induper *Fer: V. & VI. Majoris hebdom: ad Matutinas tenebrarum* tam candelabrum Triangulare, quam Sex Altaris Candelabra cum Cereis non ibi collocentur ubi asservatur SS. Sacramentum, sed omnino ad Majus Altare, ubi Chorus adest, & hæc est expreha mens Rubricæ Generalis, alias mens Ecclesiæ in constitutis Cæremoniis immutaretur, quod sine onere conscientie fieri non posset.

C A P U T VII.

De Feria Quinta in Cœna Domini.

1. **I**Nter alia, quæ copiosissimè hac die Rubrica Missalis emendati præscribit, cavendum est, ne velum Crucis in Altari majori Violaceum immutetur in album, licet enim nonnulli Auctores probabilitatem in suo demonstrant sensu, tamen doctiss. P. Merati in fundamento Decr. S. R. C. 16. Novembris 1649. ad propositum Dubium, hæc citat resolutionem: *Colorem non esse mutandum*; innixus præterea Cærem: Episc: L. 2. c. 23. n. 10. una cum Pisart. Guyet, ac aliis Viris eruditis Sacrorum Rituum interpretibus solidissime deducit: Velum quo tegitur Crux tam in Altari Majori, quam Processionalis, quam etiam in Altari ad lotionem pedum, omnino debere esse violaceum.

2. Præparetur in aliqua Capella locus, ubi reponi debeat post Missam Sacra Hostia in crastinum asservanda, locus tamen ille quantum possibile est, non sit in Sacristia, aut loco aliquo remoto, ubi adveniens populus non possit venire ad orandum, sed in aliquo Altari laterali Ecclesie, ibiq; in loco eminentiori collocetur armariolum, seu Capsula aliqua, ubi Calix cum Hostia consecrata, seu Pixis cum aliis etiam particulis sacris reponi possit: orneturq; velis Albis, floribus, non tamen reliquiis, SS. in eoq; Altari ponantur Sex Candelabra cum Cereis, omniaq; bene disposita fiant, ob reverentiam Sanctissimi Sacramenti.

3. Missa à D. Abbate cantatur solemnissimè, qui tamen non dicit Psal: *Judica me DEUS*, nec *Gl. Gloria Patri &c.* licet canat solemniter *Gloria in excelsis DEO*. finito Hymno Angelico jam amplius organa pulsari non debent, pariter & Campanæ usq; ad *Gloria in excelsis*, in Sabbato Sancto.

4. Dux tantum Hostiæ majores hac die consecrari debent, & non plures, una scilicet ad consummandum Sacrificium, altera in crastinum reservanda; reliquæ autem Hostiæ parvæ ordinariæ ad communendum in aliquo Calice præparari debent pro consecratione, juxta numerum sufficientem communicandorum, quia & Sacerdotes hodie non celebrantes Communicare tenentur, eodem modo, quo sæculares homines, præsertim,

quia de diversitate Hostiarum pro Sacerdotibus hac die, & pro secularibus personis nullibi fit mentio, quicquid tam Decreta S. R. C. quam Rubricæ diei, quàmque & omnes Rubricistæ præsupponunt uniformitatem Sacerdotum cum populo hac die in communione servandam, & in hoc fundamento, *Statuta Capitulorum Generalium in Capitulo Diœces. 26. Julii 1730. pro Congreg. Ben. Pol. collecta*, sic pun: 8. decernunt: Communiō Patrum in Cena Domini fiat per Hostias minoris, ad proportionem Fratrum, & secularium. Idem declarat Cærem. Monast. Congr. Montis Serrati in Hisp. O. S. Ben: P. 1. Dist: V. cap: 12. n. 3. & Cærem. Monast. Bened: Congr. Bavar: P. 2. §. VI. fol: 102.

5. Hostia major pro die sequenti reservanda, ante Consecrationem poni debet in dextera parte Corporalis, id est à sinistra Celebrantis, e regione alterius Hostiæ magnæ, nec elevatur, seu nec ostenditur post consecrationem, sed semper relinquatur in loco suo, & Celebrans advertat, ne eam tangat, vel delinuat manipulo, ideoque cautè procedat in Missa, quod pari casu observari debet ab omnibus Sacerdotibus, quoties pro expositione facienda, alteram Hostiam magnam consecrare contingat. Nec particulam aliquam pro communicando simul cum Hostia magna elevet. Sola enim Hostia quæ à Celebrante sumitur, elevari, & ostendi populo debet; non autem alia. Sufficit habere intentionem consecrandi, & in ea Intentione proferre Verba consecrationis super Hostias, quodquod sunt præsentēs.

6. In Missa hujus diei licet dicantur tres Orationes ante Communionem, tamen post Agnus DEI. Pax dari non debet. Sumpto itaque à Celebrante pretioso Sangvine, statim Diaconus genuflexus ad cornu Epistolæ, clara, & distincta voce dicat: Confitor DEO omnipotenti etc. vel etiam canat, prout magis convenit facere in majoribus Ecclesiis, ut facetur. R. Bauldry P. II. c. 2. n. 9. Et Celebrans dicto Misereatur, & Indulgentiam, sumit Calicem, seu Pixidem cum particulis, conversusque ad populum, dicit: Ecce Agnus DEI, ecce qui tollit peccata mundi, & accedentes Diaconum, & Subdiaconum prius communicat, si vero in Assistentia D. Abbatis adsit Archidiaconus, prius ipse communicandus est, quam dicti Ministri sacri.

7. Immolante post sacros Ministros veniunt bini & bini Patres per ordinem Superioratus vel semini sui, cucullis ornati, habentes Stolas à collo pendentes, priusquam vero accedant ad gradus Altaris, in venerationem SS. Sacramenti xrianam, & obedientiam facient genuflexionem uniformiter quilibet cum socio,

cio, ad augendam devotionem populi astantis. Et nemo aliter accedere audeat ad sacram Synaxim, nisi aut Cuculla, aut saltem superpelliceo ornatus; quod non tantum hodie ab omnibus, verum etiam à Rel. Fratribus, quodocumq; Communicant, prædicta semper sunt observanda.

8. Si ipse D. Abbas celebrat, unusquisq; antequam de manu ejus sumat Sacram Eucharistiam, prius propter lucrandas Indulgentias osculetur Anulum Pontificalem benedictum, & statim sumat communionem. Ministri ad Pontificalia, aliq; impediti, prius tradant aliis, id, quod sustinent, & manibus junctis ante pectus accedant ad Communionem, recepturi denuo ea, postquam redierint à Communionem. Circa asservationem S. Hostiæ in Calice, fervetur Rubr. Missæ quæ clarissime declarat agenda. In reliquo Missæ D. Abbas non utitur Mitra, propter reverentiam Sanctissimi, etiam benedictionem solemnem dat sine Mitra, nec facit circulum ad eam, sed omnia agit tanquam exposito Sacramento.

9. Finito ultimo Evangelio, statim ordinatur Processio, & post Processionem Vesperæ dicuntur, non ante, alias enim ageretur expresse contra Rubrum Missalis. Quæ autem in dicta Processione sunt agenda, sufficientissime Missale instruit, cujus Rubrum attente legatur, ne fiat perturbatio. Hoc tamen observandum omnino est, quod finito ultimo Evangelio, Celebrans cum Ministris descendere debeat in planum, cum debitis SS. Sacramento præstandis reverentiis, & depositis Pluvia, ac Manipulo, sumere debeat Pluviale. Tum imposito incenso in 2. thuribula, unico tantum incensat Sacramentum, non utroq;. Deinde Velum oblongum omnino imponitur super humeros Celebrantis, qui extremitatibus dicti veli totam Pixidem, seu Calicem contegat, non in parte tantum; neq; etiam medietate veli contegat, & extremitates humeris imponat, hoc enim & indecorum esset, & contrariaretur Rubricæ. Inchoato à Cantoribus Hymno *Pange lingua gloriosi* Et. nulla datur cum SS. Sacramento benedictio, quia de ea nulla fit mentio, ideoq; abstinendum est à superfluis Cæremoniis; quæ enim non præcipiuntur, nec permittuntur, eo ipso prohibentur.

10. Perveniendo ad locum Capellæ omnes genuflectunt exceptis Ceroferariis, & Subdiacono cum Cruce Processionali, qui immobiliter stantes inclinant se tantum. Si celebrans fuerit D. Abbas, medius procedet inter Archidiaconum à dextris, & Diaconum à sinistris; si vero alius superior celebret, cum solo Diacono incedet sinistram tenente, nisi alius fuerit,

340 CÆREMONIALIS MONASTICI.

Subdiaconus ad Crucem processionalem, quia tunc Diaconus à dexteris, & Subdiaconus à sinistris assistent. Diaconus in porrigendo, & recipiendo Calice, seu Pixide servet ea, quæ supra dicta sunt de Processione *P. IV. c. 8. n. 9. Et.* Desiciente fumo in thuribulo Celebrans de novo ponat incensum, & thurificet Sacramentum. Oclusa S. Hostia in dicta Capella, omnes extinctis Cereis revertuntur in Chorum, ubi recitant Vesperas, & non in illa Capella.

11. Finitis Vesperis, & non sub tempus Vesperarum; ut patet ex *Cerem: Episc: L. 2. c. 23. Et usu Urbis.* Celebrans, videlicet ipse D. Abbas, & non Diaconus, secundum quorundam sensum, depositis albis Paramentis, super Albam, imponit stolum tantum Violaceam, & assumpta Mitra simplici, sine Pedito procedit ad denudationem Altarium, medius inter Diaconum stolum Diaconalem supra Albam habentem, & Subdiaconum stola Alba indutum, sine Manipulis, præcedentibus Acolythis manibus ante pectus junctis. Unde ille abusus tollendus est, ubi deferrebat ab Acolytho Aqua lustralis, ad mundanda Altaria portatilla, quod omnino contra Rubricam est; maxime, quia sola denominatio denudationis Altarium, nihil ex his denotat, & de tali actione nullus Rubricista facit mentionem. Nihil enim amplius debent facere Celebrans, & Ministri in dicta Cæremonia denudationis Altarium, nisi quod Mappas Altaris amoveant, antipendia auferant, Tabellas Secretarum deponant, eaq; omnia Sacrista adjuvantibus Acolythis recipiens, in tuto loco reponat, relicta ubiq; Cruce velata, & Candelabris in Altari Majori, ad alia enim Altaria etiam Candelabra deponuntur. Altare verò in Capella, ubi Hostia sacra deposita est, non denudatur.

12. Fit autem denudatio hoc ordine: Inchoatur ab Altari majori, ante quod omnes genuflectunt propter Crucem, excepto solo Celebrante, qui tantum profundè se inclinat. Antequam inchoetur denudatio Altarium, Celebrans alta voce incipit Antiph: *Disserunt sibi Et* quæ non duplicatur, & statim Cantores inchoant Psalm: *DEUS DEUS meus respice in me Et.* reliqua Choro alternatim prosequente, & ita prolongante, si plura sint Altaria, ut simul finiatur, quando denudatio Altarium terminatur. Ad omnia Altaria venientes Ministri genuflectunt propter Crucis reverentiam in accessu, & recessu, solo Celebrante faciente tantum profundam inclinationem.

13. Peracta denudatione Altarium revertuntur in Sacristiam, ad sumenda paramenta pro Mandato faciundo, seu ad lotionem pedum, ideoq; ubi numerosa Communitas, præter Dia-

Diaconum, & Subdiaconum in Albis Paramentis cum Manipulis, alius Tunicella violacea indutus præcedit cum Cruce inter duos Ceroferarios cum Cereis accensis, ad locum Mandati. Celebrans verò D. Abbas supra Albam, Stola, & Pluviali violacei coloris indutus, Mitra decoratus, ac Pedit suffultus, procedit medius inter duos Sacros Ministros, Patribus, & Fratribus processionaliter Crucem subsequenribus, ubi omnia juxta Rubricam Missalis Romani peraguntur. Non intermissa summptione de pane, & Vino, finito Evangelio, in memoriam Christi Canantis.

14. Ut autem ordinate fiant omnia, D. Abbas, vel in absentia ejus P. Prior designet in schedula aliqua Patres vel omnes, vel aliquos, prout ipsi placuerit, quibus lavare possit pedes, ne cum tempus advenerit incipiant se excusare, & sic Sacra Cæremônia frustrari debeat, cum vix unico, ex 10. vel 20. Patribus lavabit pedes: Conveniret tamen magis, ut ad numerum duodenarium designentur, & si deficiant Patres, etiam ob humilitatem Fratribus lavandi essent pedes, cum omnes in Christo unum sumus, & sub uno Domino equalam servitutis militiam bajulamur. S. Reg. c. 2.

15. Finita lotionem pedum Celebrans lavat manus, & sedet aliquantulum, & quiescat ex fatigatione, donec cantus Mandati ex integro finiatur. Reliqua peragantur ut in Missali sunt notata. Revertentes de mandato pari disciplina, sicut venerant, cum omni modestia celebrantem ad Sacristiam reducant. Post Mandatum sequitur Resectio, ea verò finita, cum Psal: *Miserere mei DEUS &c.* procedunt omnes ad Ecclesiam, seu ad Chorum magis, ubi finita gratiarum actione, ascendunt ad sedilia, recitant Completorium ut in Brev: in cujus fine non dicitur *Pater Ave, & Credo.* ita Gavant. P. 2. f. 6. c. 13. n. 20.

Decreta S. R. Congregationis.

1. Omnes de Clero, etiam Canonici Eucharistiam sumant de manu Celebrantis in Feria V. in Cæna Domini. S. R. C. 27. Septembris 1698. in Civitatem, & 15. Septembris 1692. approb. Innocentio XII. in suo Bullario. Constat: quæ incipit: Cum anno &c. atq; 12. Septembris 1716. approb. Clemente XI. 27. ejusdem in suo Bull: pari. P. 3. Decr: 24. quod incipit: Cum Festum &c.

2. Clavis Hostie repositæ in Feria V. Cæna Domini, non debet dari Laico, quantumvis Nobili. S. R. C. 30. Januarii 1610. in Placen.

3. Feria V. in Cæna Domini Episcopus debet percipere Eucharistiam Canonicis, & Clericis, nunquam vero debet illam ministrare Diaconus, vel unus ex assistentibus. S. R. C. 8. Augusti 1643. in Majoricana.

4. Patenæ subpositio per Sacerdotem cotta indutum in communione generali, quæ per Dignitates agitur, licita est. S. R. C. 3. Septembris 1661. in Atrien. Idem potest fieri per Diaconum.

5. Sacerdotes in d'e Cæna Domini Sanctissimum Corpus Christi sumpturi, possunt deferre stolam ante pectus in formam Crucis accommodatam, vel à Collo pendentem. S. R. C. 30. Septembris 1679. in una Capucc. P. Spiridion Talu superaddit: Diaconi verò cum stola ab humero sinistro pendente. Cærem. Episc: L. 3. c. 6. n. 1.

C A P U T VIII.

De Feria Sexta in Parasceve.

1. **A**ltare hac die ex integro nudum esse debet, etiam ad Officium, & sola Tobacea, ac unica, est extendenda pro Cæremoniis, cujus tamen extremitates non debent pendere à lateribus. Candelabra sex immobilia esse debent, quæ & heri in Altari permanebant, cum totidem Cereis, non vèro duo tantum, vel quatuor, ut nonnulli per abusum interpretantur. Crux verò, cum juxta Reg: Rubri illa adorationi est proponenda, quæ collocatur in medio Candelabrorum majoris Altaris, & quia sæpe contingit, quod Crux illa, quæ inter Candelabra statuitur sit parva, & nimium incommoda, ideo hac die curare debet Sacrista, ut alia Crux formæ grandioris statuatur inter Candelabra, vel violaceo cooperta, quæ pro toto Officio ea die permaneant in pede suo defixa, & ita aptetur, ut commodè à Diacono de loco suo extrahi, & superimponi possit. Ita P. Merati P. IV. tit. 9. §. 1. n. 2. P. Bauldry B. IV. c. 10. ar. 1. n. 8. Cærim: Episc: L. 2. c. 26. Bissus Lit: A. n. 295. Nicolaus de Pralio. P. III. c. 11. n. 11.

2. Celebrans cum Ministris veniens ad gradus Altaris, prius ipse cum dictis Ministris genuflectere unio genu debet, ad adorandum Mysterium Crucis. Tum parum retrocedens, super pannum expansum procumbit, ut Rubr: hujus diei notat.

tat. Sicq; prostrati prolixius orantes manent per spatium Psal-
misserere. Celebrans, & Diaconus, cum Subdiacono: Acolythi
 vero cæterisq; inferiores Ministri utroq; genu manent genufle-
 xi, cum inclinatione profunda capitis, per spatium Orationis
 Dominicæ, postea surgunt, & parant, quæ paranda sunt. Or-
 mines insuper de Choro, etiam D. Abbas si aderit, totusq; po-
 pulus congregatus manent genuflexi orantes.

3. Prophetiam non Subdiaconus, sed aliquis ex Ministris
 Minoribus Ordinis legere debet. Superpelliceo in-
 dutus, ut officium Lectoris adimpleat. Nec prius incipiat, sed
 tunc, quando Celebrans eam inceperit legere submissa voce.
 Legat autem simpliciter, non canendo, clare, distincte, & ex-
 pedite; & ubi periodus terminatur, deprimat aliquomodo vocem,
 & respiret: in fine autem faciat majorem depressionem vo-
 cis, cum notabili prolongatione ut agnosceretur finis, quod non
 tantum hodie, verum & die sequenti ad XII. Prophetias, &
 Sabbato Pentecosten ad VI. Prophetias omnes observare te-
 nentur, ut lectio Prophetiæ, & à simplici in Choro distingua-
 tur lectione, & pariter à cantu Epistolæ.

4. Finito Tractu Diaconus, & Subdiaconus stant post Ce-
 lebrantem, & non ad Missale, & Celebrans dicit *Oremus.* Dia-
 conus verò genuflectens ante alios, dicit: *Restamus genus,* &
 statim omnes in Choro, etiam Diaconus, & Subdiaconus utrumq;
 genua flectunt, præter Celebrantem, qui nunquam in talibus ge-
 nuflectit. Subdiaconus vero ante omnes alios surgens, dicit:
Laudate, & statim omnes simul surgunt. Eodem modo diuige-
 nuflexio in pari casu fieri debet, quotiescumq; in hujus diei, vel
 Sabbati Sæcxi, aut alterius diei similia verba occurrunt. Ce-
 lebrans non prius extendit manus, quam incipiat ipsam Ora-
 tionem, easq; usq; ad conclusionem ejusq; Orationis extensas
 tenet.

5. Passio eodem modo decantatur, quo, & Dominica Pal-
 marum, nisi defectus Cantorum ad unicum tantum Diaconum
 prædictum reducat Officium. Ille itaq; sive 3. Amictu, Alba,
 cingulo, Stola Diaconali, & manipulo tantum induti esse debent,
 dicensq; Passionem sine Ramis Palmarum, (plures in contra-
 male sentiunt) manibus tantum ante pectus junctis decantare
 tenentur. Celebrans pariter cum Ministris ad eandem Passio-
 nem legendam non utantur istis Ramis Olivæ, sed Ce-
 lebrans postis hinc inde manibus legit primam, & secundam
 Passionis partem in cornu Epistolæ, ut Dom. Palmarum. Mi-
 nistri verò Sacri stant hinc inde ad latera Celebrantis pariter
 mani-

manibus. Celebrans insuper & tertiam Passionis partem, quam ordinarie Diaconus decantat, ab his verbis: *Post hæc autem Eccl. legit in eodem cornu Epistolæ, similiter in eodem loco dicit: Munda Cor meum Eccl. parum tantum conversus erga Crucem, & inclinatus. Post primam partem non genuflexit Celebrans, nisi cum Cantoribus.*

6. Lecta postrema parte Passionis, Celebrans in eodem cornu Epistolæ convertit se ad Cantores quod pariformiter faciunt Diaconus in 2. gradu, & Subdiaconus in plano formando ad Altare rectam lineam, genuflectentes omnes in morte Christi cum Cantoribus, sicut Dom: præc: Finita altera parte Passionis, Cantores facta prius Crucis genuflexione, & Celebranti modica inclinatione, cum Libris suis redeunt in Sacristiam. Tum Diaconus accepto Missali, ponit illud super Altare, dicit genuflexus *Munda cor meum Eccl.* non petit benedictionem, ignem, & incensum non adhibet, & tertiam partem decantat in tono seriali Evangelii, voce aliquantulum depresso. Non tamen in Dalmatica, eam enim omnino deponere tenetur, sicut & Subdiaconus ad Epistolam.

7. Celebrans dum cantat monitionis, advertat ut distinctum earum cantum faciat ab Oratione, sive alio tono decantet, scilicet ad instar præstationis, Orationes autem tono suo seriali. Ad monitiones semper iunctas, ante pectus manus teneat, ad Orationes verò extendat. Nomen Imperatoris non est mutandum in Nomen Regis, neq; addi nomen Regis, quia expresse ageretur contra Bullam S. Pii V. ut advertit Vinton P. VI. tit. II. n. 18. Finitis monitionibus, & Orationibus, Celebrans per viam breviorē, scilicet per gradus laterales descendit in planum, ubi in cornu Epistolæ deponit Planetam, quod pariter facit Diaconus deponendo Dalmaticam, & Subdiaconus deponendo Tunicum. Insuper Celebrans & Sacri Ministri manipulos suos deponere debent, ad mentem Decr. S. R. C.

8. His peractis Diaconus ascendit ad medium Altaris, & facta prius genuflexione Crucem obvelatam grandioris formæ accipit de suo pede, & cum omni reverentia portat conversâ facie Crucifixi ad semetipsum; & Celebranti stanti in plano cornu Epistolæ penes infimum gradum, juxta parietem, quasi collateraliter Candelabris, versâ facie ad populum, tradit in manus sine osculis, ipseq; consistens à dextris Celebrantis eum in denudatione Crucis adjuvat. Fit imprimis deponitur velum de summitate Crucis, usq; ad lignum ejus transversum, ita ut
tutu-

titulus appareat, Caput tamen Crucifixi necdum conspiciatur. Elevata parum Cruce, Celebrans depressiori voce intonat: *Ecce lignum Crucis*, elevando dictam Crucem tantum ob oculos, non ultra, Acolytho Librum tenente ante eum stando. Diaconus vero & Subdiaconus tantum, & non plures versa facie ad Crucem in eodem tono respondere tenentur: *In quo salus mundi pependit*, & mox Chorus adjungit: *Venite adoramus*, & omnes ad ea verba utrumq; genuflectunt, simulq; caput profunde inclinant. Quod pariter fit altera, & tertia vice. Pro 2da denudatione Crucis Celebrans ascendit ad illum locum, ubi Introitum legere consuevit, & discooperit brachium dextrum Crucis, una cum Capite Salvatoris, & elevando modicum supra Caput Crucem, cantat altius, quam prius, *Ecce lignum Crucis*; respondentibus tamen ministris, quam Choro, eodem, ut supra, modo, elatiori tamen voce. Demum Celebrans accedit ad medium Altaris constitutus inter Diaconum & Subdiaconum, ubi discooperita tota Cruce altius, quam prius, modeste tamen elevat, & canit: *Ecce lignum Crucis*, voce adhuc elatiori, ad quam Ministri & Chorus respondent ut supra.

9. Processio longior institui non debet cum Cruce, sed in fine Presbyterii extenditur Pannus, & cussium superponitur. Celebrans vero portans elevatam Crucem, facie Crucifixi ad populum conversa, recta procedit ad locum destinationis, in quo candelabra cum cereis non debent esse. Genuflectus itaq; Celebrans utroq; genu reponit Crucem paulatim in dicto Cussio supra pannum, surgente Celebrante, surgunt & Sacri Ministri, præsto enim ad latera tunc debent assistere. Postea facta cum Celebrante iterum, genuflectione, recedunt ad partem Epistolæ, ad locum seorsivum, ubi depositis calceamentis constitunt ante Crucem, in proportionata distantia, mox adorationem Crucis peracturi.

10. Et imprimis Celebrans depositis calceamentis solus procedit, non per ipsam mediam viam, sed quasi per latum Evangelii, parum à medio recedendo, genuflectitq; ter in via utroq; semper genu in proportionata distantia post duos circiter passus. Tantam porro moram trahet ad quamlibet ex dictis adorationibus peragendam, ut possit submissa voce dicere hæc verba: *Adoramus te Christe, & benedicimus tibi quia per Crucem tuam redemisti mundum*. Factaq; trina genuflectione, cum dictis verbis tertio submissa voce prolatis, osculabitur tantum Pedes Crucifixi propter majorem humilitatem. Et si ibi aderit particula veræ Crucis, eam pariter osculabitur. Postmodum

surgit, & facta unico genu adoratione revertitur ad locum ubi deposuit Calceamenta, quasi per latus & non recta via, ne terga vertat Cruci. Hanc formam adorationis Crucis præscribunt *Cærem. Episc. loc. cit. 25. P. Merati R. IV. tit. 9. n. 29. P. Buldry P. IV. c. 10. n. 3. n. 8. Cærem. Monast. Bened. Congr. Riv. P. II. §. 7. pag. 112. Cærem. Monast. Bened. Rom: L. 3. c. 16. §. 2. n. 4. & plures alii.*

11. D. Abbas eadem forma, & modo statim post Celebrantem, discooperto Capite, faciet solus adorationem Crucis, & revertetur per latus, & non eadem via, qua accesserat, depositis pariter calceamentis, quia *Cærem. Episc. loc. cit.* etiam Episcopum non celebrantem, ad adorationem tamen Crucis venientem, requirit excalceatum. Quod etiam de toto Religiosorum Catu sentiendum venit, ex eodem *Cæm. Ep. pluribusq; Authoribus, Sacrorum Rituum interpretibus, exceptis secularibus personis, & ita omnino præcipit Cærem. Monast. Congr. Montis Serrati in Hisp. R. IV. c. 13. n. 9. pag. 223.*

12. Post D. Abbatem, adorabunt Crucem Ministri sacri, post eos Patres, & Fratres per ordinem bini, & bini Cucullis ornati, post hos Acolythi, & omnes eandem Methodum adorationis in omnibus servabunt, sicut Celebrans, ut supra dictum est. Hoc tamen advertant, ut post osculum pedum Crucifixi erecti, adhuc in eodem loco iam unico genuiterant, & statim ad latera recedant, ne eadem revertentes via, accedentes impediunt, aut se terga vertant Cruci. Dum illi in recessu faciunt genuflexionem, hi qui adveniunt, primum genuflexionis faciunt accessum, & cum socio suo semper equali; manibus ante pectus junctis, Caput in genuflexione profunde inclinando, in signum profundæ submissionis.

13. Curent omnes, ut uniformem in omnibus habeant adionem, genuflexi ita debent esse: ante Crucem, ut ipsa Crux sit quasi in medio utriusq; dum adorant, simul surgant, simul genustant, & nec prius Senior, aut dignior surgat, quin Junior adoraverit, ut ambo simul surgant. Ministri sacri postquam adoraverint, revertuntur ad locum sibi destinatum prope Celebrantem, ubi, sicut & Celebrans induunt Calceamenta, sedentq; cum illo in Scamno preparato ad latus Epistolæ, acceptoq; Missali recitant Improperia, & alia quæ à Choro canuntur, expectantes, donec terminata fuerit adoratio Crucis, Acolythi genuflexi à principio penes Crucem hinc, inde, per nubes ad sinem, modeste orantes, qui tumultuantem sedare populum, eundemq; ad modestiam, & devotionem, si

opus est excitare tenentur. Circa lineam adorationis peraguntur exacte ea omnia, quæ in Rubro Miss: sunt præscripta.

14. Processio ad Capellam fit per viam breviorē, & de Capella cum SS. Sacramento per viam longiorē, si feri potest. Ex Calix, seu Pixis obtegitur ut heri extremitatibus veli pendentis ab humeris Celebrantis. Incensatur prius SS. Sacramentum, antequam extrahatur de suo asservatorio, seu Armario, aut Capsula, ubi heri inclusum fuit. Non benedicitur populus cum eo. Finita Processione, postquam Celebrans deposuerit in Altari SS. Sacramentum, statim velum humerale Subdiaconus amovet ab eo, qui constitutus in 2. gradu, genuflexit in Suppedaneo, ac ter incensat Sacramentum.

15. Finita hac incensatione Celebrans non lavat manus, contra quosdam, sed ascendens ad Altare cum Ministris, iterum unico genuflexit cum illis, discooperit Calicem seu Pixidem; congruentius esset ut S. Hostiam aliquomodo eam extraheret, non tangendo digitis, si autem tetigerit, abluat digitos in vase aliquo vitreo, hancq; ablutionem sumat post suam Communionem. Infuso Vino, & Aqua in Calice sine benedictione, Celebrans ad Altare stans, parumq; conversus ad Diaconum, & Thuriferarium, imponit incensum, non tamen illud benedicit, recipit thuribulum incensat de more oblata, post quæ incensat tantum Crucem, & non Sacramentum, quia iam est incensatum, in fundamento Decret. S. R. C. postea pergit incensare Altare more solito, nec tamen incensatur à Diacono.

16. Dum Celebrans elevat una manu Hostiam, altera scilicet sinistra tenet patenam supra Corporale, sibi Hostia Sacra, ita ut pollex, & index dextræ manus innitatur Patenæ, reliqui digiti ponantur supra Corporale, iam amplius non genuflexendo, dum enim demittit ab elevatione Sacram Hostiam, posita latius in eodem loco, scilicet supra Corporale, patenam, sinistram manum apponit S. Hostie supra Calicem tantum frangende, ut in Missis. Ideoq; Diaconus invigilet, ut tempestive Calicem detegat, ne cogatur Celebrans expectare. Reliqua peragit, ut in Rubrica dicit. Intortitia tamen ardentia in manibus Religiosorum, ab ipsa Processione non prius extingvi debet, quam sumpto Calice.

17. Finitis Cæremoniis Celebrans descendit, in planum, ante gradus Altaris, ubi facta genuflexione, surgit, & inclinatus cum omnibus versus Altare dicit *Ite, & Ave* inchoatq; Vesperas ab Antiph: *Calicem*. &c: quas in Choro stando

recitant. Et dum post *Magnificat* inchoat *ψ. Christus factus est* &c: omnes cum Celebrante genuflectunt, concluduntq; genuflecti dictas *Vesperas*, ubi Celebrans recitat genuflexus *Orationem Respice* &c: secundum *Rubr. Brev.*

18. Et quia secundum consuetudinem Regni nostri particulae remanentes in *Pixide SS. Sacramenti* collocantur in loco, luminibus corruscante, variisq; decoribus adornato, ubi remanent usq; ad Noctem Resurrectionis Dominicae, quem locum vulgo vocamus *Sepulchrum*, ideoq; processionaliter dictae Sacrae particulae inferendae sunt. Proinde finitis *Vesperis* accedunt 2. *Thuriferarii*, & Celebrans in plano ante gradus Altaris itans, ministrante Diacono *Naviculam*, imponit thus in utrumq; *Thuribulum*, ac tandem in suppedaneo genuflexus, unico *thuribulo* tantum incensat ter *Sacramentum*, in *Pixide*, impostoq; humeris suis velo oblongo, accipit velatum *Pixidem* extremitatibus praedicti veli, & conversus ad populum consistit donec Cantor inchoet *ψ. Recedit Pastor* &c: quo inchoato, sine ulla benedictione procedit Processionaliter ad locum designatum eo ordine, quo ex *Capella* venerat ad *Altare*, Religiosi omnes ardentia importunia in manibus deierent, prosequentes cum Cantoribus reliquum *Responsorii*

19. Ubi vero Celebrans pervenit ad dictum locum: sepulchri, Sacerdoti iam parato *Superpeliceo*, & stola reddit *Pixidem*, quam ille locat in eminentiori loco, velo tamen obducto. Et Celebrans cum Ministris Sacris, ceterisq; comitantibus genuflectit, excepto Subdiacono cum *Cruce*, & *Ceroferariis* cum *Cercis*, qui manent itantes. Dum in loco congruo repositum fuerit *SS. Sacramentum*, & velo aliquo subitum, per quod *Pixis* videri possit, obducatur, Celebrans incensat illud, cum profunda ante, & post reverentia, & manet genuflexus, donec terminata fuerint *R. &.* quibus finitis eo ordine quo venerat recedit in *Sacristiam*, Et ex eo tempore *Psalterium* canatur à *PP. & FF.* ordine in horas dispositis; per schedulam aliquam à *P. Priore* conscriptam, ne Ecclesia sileat, ut nocte, dieq; *Psalterium* concinatur. Cujus *Psalterii* tonus usq; ad *Missam Sabbati Sancti* erit Octavus, post *Missam* vero in signum *Paschalis gaudii* iam annuntiati canatur tonus *Quintus*.



Decreta S. R. Congregationis.

1. In Feria VI. Parasceves non est ministranda Eucharistia nisi infirmis, (scilicet periculose decumbentibus) S. R. C. 19. Februarii 1627. in una de festo Annuntiationis.

2. Celebrans in Parasceve mittat particulam in Calicem, sine aliquo signo Crucis, neq; se signet cum Calice. S. R. C. 28. Augusti 1627. in una Urbis.

3. In Feria VI. Parasceves thurificanda sunt oblata, sed post thurificationem oblatorum, non est iterum thurificandum Sacramentum, ob cujus tamen presentiam, non est omittenda thurificatio Crucis, sed Crux & Altare thurificanda sunt, eo prorsus modo, quo fit in aliis Missis, non omissis debitis genuflexionibus, transeundo ante SS. Sacramentum. S. R. C. 5. Julii. 1695. in Panormitana, & 3. Augusti 1697. pariter in Panormitana.

4. In adoratione Crucis Feria VI. in Parasceve, debent Celebrans, & Ministri, deponere etiam Manipala. S. R. C. 15. Septembris 1736. in Toktara.

C A P U T IX.

De Sabbato Sancto.

1. Sabbati hujus Sancti Cæremonias, sat, superq; exaravit Rubr. Missalis, atq; quia aliqua videntur ambigua, ea hic explanare, gravissimum Rubricæ interpretum in alicuius Judicio, non dubitamus. Itaq; præprimis sciendum est; non esse de novo benedicendum Cereum Paschalem, qui anno præterito benedictus est: quia cum jam habeat esse Sacrum, quod benedictione confertur, frustra secunda benedictio adhibetur. Cum enim Cereus semel benedictus non perdat benedictionem, quo ad partes non consumptas, ideoq; iterum benedici non potest, saltem absq; veniali peccato. Nec obstat quod sit relictus in minori parte, non enim amittit benedictionem ex eo, quod postea rescindatur, solum addita minori parte absorpta, quia potius major pars quæ remanet benedicta, transeat ad se minorem, & sic Cereus totus, quamvis relictus, remanet benedictus. ergo non potest iterum benedici; nam benedictio secunda suo iure frustra-

straretur effectu, contra reverentiam ei debitam. Aliter autem sentiendum est de Cereis præfecti anni istius majori parte relecta, & renovato: Cereus enim benedicendus, absolute debet esse novus, & talis benedici debet, ex vi Rubr. Missæ & ex vi formæ benedictionis, seu præconi, quod Cereum novum esse debere, supponit. Abstinendum itaque est ab illa parcitate, quia propter decorem domus Dei, nec sumptibus parcendum.

2. Grana incensi, debent esse aut de incenso ipso elaborata, aut majori ex parte facta, quid enim benedicatur, si nolum est incensum, in dictis granis? utique ex sola Ecclesiæ denominatione quisque interire potest, quia Rubrica, expresse denominando grana incensi, talia esse præsupponit, idcirco non Ceram, sed incensum benedicere præcipit. Hoc ipsum eruditissimi P. Merati in Cerem. Hbt. Sanctæ, Sabbato S. pag. mlii 143. atque P. Bouldry P. IV. c. 10. no. 13. præcavent: Ut saltem plus thuris appareat, quam alterius rei, & Paris Crissus L. II. c. 48. vult esse novum omnino incensum, & præten dit tale incensum appellare: *Masculum*. Hac die Ceroterarii præter Missam nullum Officium habent, ideoque non sunt necessarii, patet hoc ex Rubr. & multis Authoribus, præsertim quia habent alia Officia, quibus satisfacere debent vi muneris sui.

3. Finita Nona Canonica, & omnibus benè secundum Rubr. Missæ preparatis, ac dispositis, Celebrans aliquis ex superioribus, non tamen D. Abbas, paratus amictu, Alba, cingulo, Stola in modum Crucis aptata, & Pavioli coloris violacei, cum Ministris, scilicet Diacono & Subdiacono in Paramentis coloris Violacei, progreditur hoc ordine: Præcedit minister del vase, aque benedicere solus, post eum minister tenens grana incensi in pellicula, habens à sinistris suis Thuribularium cum thuribulo vacuo, consequitur eos minister de candelabro triangulari. Tum Subdiaconus cum Cruce Processionali atque Ceroterariis, quem sequuntur Religiosi per ordinem. Ultimo loco incedit Celebrans manibus junctis, habens à sinistris suis Diaconum. Omnes apertis capite, præter Celebrantem, sicque procedunt ante portam Ecclesiæ, ad benedicendum novum ignem.

4. Excussis novo igne de silice, accensisque lignis sulphuratis, dum jam ebullit ignis à Celebrante benedicatur. Subdiaconus stat cum Cruce, ex opposito Celebrantis, Crucifixi effigie erga eum versa. Finita benedictione novi ignis, antequam procedant ad Ecclesiam, Celebrans ita sufficienter imponit incensum in thuribulum cum benedictione, ut sufficiat & ad Processionem, & ad Libri Præconi incensationem. Proce-

den-

dentes ad Ecclesiam, hunc servant Ordinem, imprimis præcedit Thuriferarius cum thuribulo fumigante, habens Acolythum cum 5. granis incensi à dextris suis, sequitur Subdiaconus cum Cruce, tum Religiosorum turba, deinde Acolythus cum arundine, ad cujus sinistram Minister de vase aquæ benedictæ, quam alicui seculari viro tradere potuit, & ipse candelulam parvam accensam portabit, ad accendendas Candelas arundinis. Hos consequitur Diaconus, qui ad portam Ecclesiæ, depositis violaceis paramentis, capiet Manipulum, Stulam à brachio sinistro in latus dextrum transversam, & Dalmaticam coloris Albi. Ultimo loco incedet Celebrans testè Capite in Pluviali suo violaceo.

5. Ut Diaconus fuerit ingressus Ecclesiam, & post eum Celebrans, sistunt se omnes, & Acolythus ignem novum ferens accendit candelam unam in triangulari arundine existentem, qua accensa prius Diaconus & omnes cum Celebrante utroq; genuflectunt, præter Subdiaconum, Crucem ferentem; sic ergo Diaconus genuflexus elevando arundinem cantat *Lumen Christi*, tono mediocri, ita ut 2da, & 3ta vice altius vocem elevando, commode canere possit. Quo audito Celebrans, & omnes genuflexi surgunt, atq; in eodem tono respondent: *Deo gratias*. Quod secundario in medio Ecclesiæ accendendo alteram arundinis candelam, & tertia vice in Choro ante Altare pari modo servandum est. Ad Præconium petitur à Diacono benedictio, ut ad Evangelium, non tamen dicitur *Munda Cor Eccl.* & datur à Celebrante benedictio mutatis mutandis, nec tamen manum ejus osculatur Diaconus. Ita *Cerem. Episc.* L. 2. c. 27.

6. Minister ille Acolythus, qui ad aquam lustralem fuit, quiq; novum ignem ferabat, modo, dum Diaconus accipit benedictionem, caput Ceream Paschalem vel de Sacristia, vel de Candelabro, non enim prius apparere debuit, quam dum necessitas exigit. Ideoq; in Processione illa nulla ratione fuit deferendus, cum nulla Rubr: nullusq; Author mentionem faciat de alio Cere in processione gestando. Ordo autem omnium Ministrorum, circa Diaconum altantium erit, talis ut sequitur.

7. Imprimis ut rectè observetur Rubr: Miss: & omnia ordinatè fiant, sciendum est: quia Diaconus cantaturus Paschale præconium, non ita stare debet ut ad Evangelium cantandum; licet in eodem loco in quo Evangelium canitur; scilicet facie

ver-

versa non ad Aquilonem, sed ad meridiem, (prout exponit *P. Murati P. IV. tit. 10. §. 7. n. 21.*) & consequenter ad Celebrantem; ipse enim Celebrans stare debet in cornu Epistolæ, conversus ad Diaconum, sicut ad Evangelium. Et circa Diaconum omnes stare versa facie ad Celebrantem tenentur in recta linea. Unde præfatus Author loc. cit. dicit: Quando à Diacono canitur Præconium in Pulpito, seu suggestu, tunc Diaconus non cantat facie versa ad Aquilonem, sed potius ad Meridiem, nimirum ad Celebrantem. Et cum præfatur à Cærem: Episc: L. 2. c. 27. quod præstiti omnes Acolythi debant vertere facies prout ipse Diaconus; Hinc sequitur, quod sicut Diaconus in pulpito canit Præconium versa facie ad Celebrantem, & Meridiem, ita pariter hoc eodem modo cæteri manere debent. non autem vertendo renes ad Meridiem, & facies ad Aquilonem. Et idem faciendum esse censeo, si canatur præconium super legile, quod aptari debet eo modo, ut Diaconus cantet præconium facie versa ad Sacerdotem, inherendo etiam Gavanto. Nimis enim indecorum esset, si omnes Acolythi Celebranti terga vernerent. Prædictum ergo Præconium cum debet ad instar Evangelii, ut testatur Rubr. non tamen est idem Evangelium, ideoq; canitur in eodem loco, in quo & Evangelium, diverso tamen situ Corporis Diaconi ut ad Evangelium.

8. Sic itaq; collocato legili, panno pretioso, seu Tobalea eleganti cooperto. Diaconus ita se lozet, ut terga vertat ad Aquilonem, latus sinistrum ad Altare, faciem ad meridiem, seu ad Celebrantem reliqui Ministri prout se locant, formantes ab Altari lineam rectam in hac fig: Literarum hujus figure hæc est explicatio: T. denotat Thuriferarium, S. Subdiaconum cum Cruce, qui faciem Christi Crucifixi convertere debet erga Celebrantem, D. significat Diaconum Præconium canentem, A. signat Acolythum arundinem cum tribus candelis tenentem, C. Acolythum Cereum Paschalem tenentem. G. autem denotat Acolythum 3. grana incensi super pellicula, ambabus manibus sustinentem. Omnes itaq; in recta linea stantes, habeant illuc faciem conversam, ubi Diaconus, qui cantat prædictum Præconium, Exultat &c. ut per omnia salvetur Rubr: Missalis Rom: seu Monast. Hec enim est descriptio Sapientissimorum Virorum Rubr: interpretum.

9. Quando in Præconio Diaconus devenit ad illa verba *Curvat imperia*: convertit se ad sinistram, & ministrante Acolytho grana incensi, usq; eadem in Cereo Paschali in modum Cru-

Crucis, non quacunq; Methodo, sed secundum sequentem fig:
ea forma, qua solet benedictere; Ita ut unum Gra- 1.
num figat in superiori parte. 2^{um} Granum in me- 4. 2. 5.
dio, 3^{um} Granum in inferiori, 4^{um} in dextera Ce- 3.
rei, & 5^{um} in sinistra ejusdem Cerei. Infigitq; aliquomodo for-
tius ne decedant, & si necessitas compulerit, & cerei Clavi
essent in digitis Granis, hi ad ignem calefieri possent, ut sic
profundius peherrent, & firmitus inhaerent.

10. Et licet Rubrum praecipiat, ut tempestive lampades
in Ecclesia extinguantur, ut postea tempore praefixo novo lu-
mine accendantur; hoc intelligendum est de lampadibus alijs
per Ecclesiam, si quae sint, non vero de iis, quae ardent con-
tinuo coram Sanctissimo Sacramento in Sepulchro deposito,
quia hae lampades extingui non debent propter reverentiam
Sacramenti. Ideoq; dum tempus aderit accendendi lampades,
tunc Acolythas in Altari majori duas vel plures accendere
debet, & his accensis, Sacrista accepto novo igne, vadit ad se-
pulchrum, ibiq; antiquum ignem extingvit in lampadibus, & sta-
tim novo easdem accendit, ne deficiat ignis ante Venerabile
Sacramentum. Ita declarat *P. Merati P. II. tit. 10. §. 7. n. 26.*
Nicolaus de Bratton P. III. c. 13. n. 14 & plures alii.

11. Lampades autem, vel Lampadem non ipse Diaconus
accendere debet, sed post illa verba: *Apis mater cauxit*, aliquan-
tulum cesset à Canto, faciatq; pausam. Et ille Acolythus, qui
ministrabat grana incensi, reposita prius pellicula, & accepta
de Credencia candelula, revertitur ad locum suum, servatis
debitis reverentijs Altari, Celebranti, & D. Abbati, si aderit;
Tum finitis supradictis verbis, accendit Candelulam, procedit
ad Altare, non sine debitis reverentijs, ibiq; accendit lampades.
Saltem una lampade accensa Diaconus prosequitur suum præ-
conium, & non expectat quousq; in Sepulchro novo igne lam-
pades accendantur.

12. Finito Praconio Celebrans non osculatur Librum, sed
per viam breviorē descendens in planum ad cornu Epistolae,
deponit Pluviale, & accipit Casulam una cum Manipulo, colo-
ris violacei, revertiturq; ad locum suum. Subdiaconus pariter
deposita Cruce prope Credentiam, capiet manipulum Violace-
um; Diaconus vero procedit ad Sacristiam, ibiq; alba para-
menta commutat in violacea, & accedet ad Celebrantem. Aut
si aliquis ex Senioribus cantavit Praconium, alius tempestive
paratus Diaconus procedat ad Altare, & ille reversus in Sa-
cri-

criftum deponet facra Diaconalia paramenta. Acolythus Cereum geftans locabit eundem accenfum in fuo majori Candelabro ad cornu Evangelii. Pariter Acolythus de Arundine, locabit eam cum Candelis ardentibus propè Cereum in aliquo tuto loco, & non extingvantur, nifi finita Miffa, & Vefperis. Thuriferarius, & Acolythus de granis reditunt in Sacrarium.

13. Prophetiarum publica lectio in Ecclefia convenit omnibus præfentibus Religiofis, incipiendo ab iis, qui funt in iurati minoribus Ordinibus, ufq; ad Sacerdotes, omnes enim in Choro præfentes, atq; Acolythi infervientes dictas Prophetias legere debent, exceptis Celebrante, cum SS. Ministris, fcilicet Diacono, & Subdiacono, D. Abbate, & P. Priore, ac venerabilis feni debilitate. Quia & in Cathedralibus Prælati Canonici non legunt, alii vero Canonici legere tenentur, ut patet ex Cærem: Epifc: L. 2. c. 28. Ad dictas Prophetias miniſtri facri ſtabunt unus poſt alium, poſt Celebrantem recta linea. Legile autem ſtatuatnr nudum in medio Chori, in quo poſitæ Miſſale, ibiq; ex eo legantur prædictæ Prophetiæ, & non in cornu Epiftole. Si exiguus inventiatur numerus Religioſorum, poſtulat unus plures Prophetias legere, non tamen continuatim, ſed cum interruptione quorundam, & ii præſertim ad id eligantur, qui fortiori voce pollent, expeditius legunt, quibus longiores Prophetiæ committi poſſunt, legant autem eo modo quo Cap: præcedenti n. 3. declaravimus: curare enim quilibet lector debet ut voce ſonora, & intelligibili, expedite, & non moroſi legat, ne ſit tedio audientibus, habeat etiam manibus extenſas, poſitas ſuper librum. Quiſlibet autem ſuperpelliceo ſolo indutus, vel ad ſummum Cuculla veſtitus eſſe debet, abſq; tamen Stola.

14. In Miſſa, finita Lectione Subdiaconus, ſi aderit D. Abbas in Choro (quod conveniret) aut ſi Celebraverit, accedet ad eum, propter oſculum manus, imprimis tamen ſacra ei debita reverentia conſtitutus prope illum, dicit: Reverendiſſime Pater, annuntio vobis gaudium magnum, quod eſt Alluſia, & ſtatim accedens oſculatur ejus manum. Ita Cærem: Papa L. 2. ſect: 1. c. 57. & Cærem: Epifc: L. 2. c. 27. & 28. inſuper P. Baldry P. V. c. 27, n. 25. & c. 28. n. 10 & aliæ.

15. Hodie licet ad Canticum *Miſerere* incenſatur Altare, non tamen incenſatur SS. Sacramentum in Sepulchro, licet ſit expoſitum, thurificatur tamen Celebrans, D. Abbas, Chorus, atq; Miniſtri. Sed qd Canticum *Nunc dimittis* in Completorio, licet ſolemniter dicatur, quia ſit incenſatio propter prohibitio-

nem

nem Decreti S. R. C. Completorium peragitur solemniter, ante horam 5. non tamen majoribus campanis pulsatur, sed ordinaria tantum campanula. Finito Completorio sequitur Collationeula. Psalterium canitur usq; ad mediam noctem continuo, dispositis in schedula per Horas Patribus, & Fratribus, ut populus ad maiorem excitetur devotionem, & etiamsi nemo sit, canatur amen, ut supra dictum est in Topo 5.

16. Cereus Paschalis congruenter ex peritorum sententia, in latere Evangelii collocatus, ordinariè accendi debet: 1mo. In die S. Paschæ ad totum Matutinum solemne, & Laudes, in Missa solemni, ad Vesperas, & completorium. 2do. Duobus sequentibus diebus Paschatis, ad Missas Solemnes, & Vesperas. 3to. Sequentibus diebus usq; ad Dominicam in Albis ad Missam Conventualem. 4to. In omnibus Dominicis usq; ad Ascensionem D. ad Missas cantatas, & Vesperas. 5to. In diebus Festis Sanctorum solemniter in Choro celebratis, ad Missam Conventualem, & Vesperas. 6to. In Missis Votivis solemnibus pro re gravi, dummodo non adhibeatur Color violaceus, unde non est accendendus in Missis Rogationum, & in aliis similibus. 7mo. In die Ascensionis D. accenditur ad 1. Vesp. Missam totam unam Cantatam, & ad Missam Conventualem usq; ad Evangelium. Quæ omnia erui videntur ex Decr. S. R. C.

Decreta S. R. Congregationis.

1. Cereus Paschalis regulariter accendi debet ad Missas, & Vesperas Solemnes, in triduo Paschatis, in Sabbato in Albis, & Dominicis usq; ad Ascensionem, quo die cantato Evangelio extinguitur. Ad Matutinum, & in aliis solemnitatibus, & diebus solemniter celebratis, non accendatur, nisi adsit consuetudo, quod durante tempore Paschali accendatur. S. R. C. 19. Martii 1697. *Missæ Paschalis*

2. In Sabbato Sancto etiamsi occurrat Festum Annuntiationis B. M. V. Celebratio Missarum privatarum omnino prohibetur in quibuscunq; Ecclesiis, & Oratoriis, tam publicis, quam privatis, non obstante quacunq; contraria consuetudine: sed unica tantum Missa Conventualis, una cum Officio ejusdem Sabbati Sancti celebretur. S. R. C. 11. Februarii 1699. ap. rob. di. xanaro VIII. 11. Martii anni ejusdem. & 13. Septembris 1692. ac 10. Januarii 1693. in una Galliarum.

3. Benedictio Aquæ in Sabbato Sancto, etiam sine infusione Olei Sancti fieri non potest in Ecclesiis, non habentibus Fontem Baptismalem; quamvis usus sit in huiusmodi Ecclesiis, talem benedictionem fieri S. R. C. 13. Julii. 1697. in Januen.

4. Prima pulsatio Campanarum in Sabbato Sancto non est de Iuribus Parochialibus, prout inter, sed spectat ad Ecclesiam diocesana, ad formam Constit. Leonis X. S. R. C. 10. Decembris 1703. in Decr. generali.

C A P U T X.

De die Sancto Paschæ.

1. **H**AC die S. Paschæ, quæ est nobilitas Anni, Mensium decus, alma dierum, splendor horarum, ut saterar Rupertus L. VI. c. 26. nihil ordinarie venit notandum, cum & in Missali præter Solemnitatem, & in Brev. præter Celebritatem nullæ speciales Cæremoniæ adnotantur. In Regno tamen nostro Polonia, cum ex antiqua, & immemorabili consuetudine, atq; ex instituto Synodi Provinc. à feria VI. in Parasceve deponatur vel Sacra Hostia in ostensorio obvelata, vel Pixis cum Sacris Particulis in aliquo loco à latere, luminibus adorato, quod vulgo vocatur Sepulchrum, diæq; Sacra Particula, aut Hostia permaneat usq; ad diem S. Paschæ; nonnulla circa Cæremoniam, in nocte Resurrectionis D. peragendam veniunt declaranda.

2. Hora itaq; duodecima Noctis, excitatis à somno Patribus & Fratribus in Monasterio existentibus, omnibusq; compe se ornantibus, datur signum ad am pro Matutinis Vigiliis quadrante uno post mediam Noctem, vel semisecundo. Antequam autem inchoetur Matutinum, prius juxta morem Provincia debet fieri apertio Sepulchri, prout notatur in Rituali Romano, Cracoviæ, vel Brunsbergæ Typis impresso, de mandato dicæ Synodi Provincialis. Ideoq; omni, qui par est, Solemnitate, D. Abbas indutus Pontificalibus, scilicet Amictu, Albi, Cingulo, Pectorali, Stola, & Pluviali albi Coloris, Mitraq; pretiosa ornatus, ac Baculo Pastoralis sussultus, pro-

cedit

cedit de Sacrificia cum Ministris, cunctiq; Monachorum, ar-
dentes Cereos in manibus portantium ad altissimum locum Sa-
cri Sepulchri.

3. Ubi genuflexi ordine suo, inchoante D. Abbate, ca-
nant Antiph: *Gloria tibi Trinitas &c:* adjungendo Psal: *Lauda-
te Dominum omnes gentes; &c:* & *Domine quid multiplicati sunt*
&c, cum *Gloria Patri &c:* Tum repetita Antiphona, decan-
tatisq; Versibus, & Oratione à D. Abbate, ab eodem rese-
rantur sigilla, seu velum Sepulchro affixum. Tandem assump-
ta de Sepulchro Cruce Processionali Stola præcincta, atq;
effigie Resurrectionis Dominice sculpta, tradit ea in manus
Ministrom, & ipse cum Ministris genuflectit. Interim Cam-
panæ adhuc silent, nec tempestive pro Matutino erit pulsan-
dam, sed tantum ordinaria Campanula quæ est in clauistro,
per primum & 2dum pulsum, excitandi, & convocandi sunt
fratres ad Ecclesiam.


4. Genuflexis omnibus, D. Abbas erigit se, imponit in-
centum in thribulum, tum iterum genuflexus incensat SS.
Sacramentum, cum profunda ante, & post reverentia. Tum
ministrante aliquo Presbytero Cotta, & Stola induto, deponi-
tur de loco suo Sacramentum cum Ostensorio, in quod tem-
pestive imponi debet Hostia consecrata, Pixis autem cum
particulis ad Ciborium deferri cum luminibus in silentio. Im-
ponitur etiam per Subdiaconum Velum oblongum humeris D.
Abbatis, & aciculis ante pectus concepitur, qui surgens, &
propius ad Sacerdotem Ostensorium tenentem accedens, ge-
nuflectit, accipitq; prædictum Ostensorium, ac adjuvante Dia-
cono Manus, ac pedem Ostensorii obteggit velo, ut sola
Sacra Hostia in sole appareat.

5. His peractis convertit se D. Abbas ad populum, &
vel ipse, vel potius Cantor incheat Antiphonam *Can Rex*
gloria &c: quæ dum canitur tota, D. Abbas immobilitè per-
sistit in loco suo, statim verò ut elevatur Ostensorium de
Sepulchro, Tuba Tympana, & Organa resonant, ac Cam-
panæ omnes pulsantur, omnisq; Triumphi sit applausus. Fi-
nita prædicta Antiphona, inchoatur à Cantore 2da Antiph.
Auristi &c: & tunc data benedictione semel cum Sacramen-
to, surgunt omnes & processio ordinatur eo modo, quo
supra dictum est, in qua non tantum semel circuitur per
Ecclesiam, vel per locum Processioni designatum sed tria
fit circuitio, juxta morem Specialem Provincie.

6. In Processione trina cantantur ab omnibus Antiphona in Processionali ordinario præfixæ, quibus Polonicus intermiscitur Hymnus: *Przez Twoje Święte Zmartwychwstanie* &c: Et dum tertius circulus terminatur, in ipsa Processione, absq; ulla statione, vel genuflexione à Cantore inchoatur Ambrosianus Hymnus: *Te DEUM laudamus.* &c: quem omnes decantant cum Organis progredientes ad Altare, eumq; terminant. Postea à D. Abbate cum Ostensorio ad populum converso canitur trina vice *Ÿ. Saluum fac populum tuum Domine,* additoq; ad tertiam repetitionem: *Et benedic hereditati tuæ,* datur ab eodem cum Sacramento benedictio, & facta postea incensatione Sacra Hostia servatur in Pixidem, quæ statim includitur in Tabernaculo. n'hil dicendo. Et iam præter superius dicta nulla additur Cæremonia, scilicet cum Cruce Processionali facienda, hæc enim respicit tantum Ecclesias Parochiales; sed immediate inchoatur Matutinum, & omni quæ par est Solemnitate absolvitur.

7. Ad Primam dum Lector Martyrologium est cantaturus, non prius pronuntiet Kalendas, quam annuntiabit Paschalis lætitiæ diem, per verba: *Ita ait* &c: ut in dicto Martyrologio notatur. Ad quæ verba totus Chorus stat capite aperto, faciebus ad invicem conversis. Et dum pronuntiantur Kalendæ, omnes concident. Reliqua autem tam in Officio Divino, quam in Missis debito ordine peraguntur, & nihil speciale invenitur, nisi quod, omnia sunt cum maxima Solemnitate, necesse est, ut populus ad majorem excitetur devotionem.

8. Hoc præterea notandum est: quod Cereus Paschalis non debeat portari in Processione, nullum enim hujus invenitur fundamentum, neq; ulla de talibus sit mentio in Rubricis aut generalibus, aut specialibus; quinimo magis convenit ut dictus Cereus Paschalis ardens permaneat immobilis in suo Candelabro sub tempore Processionis. Quod experientia ipsa didicimus, conspicientes Pœnitentem Cathedralium, & Collegiarum, atq; Regularium in talibus dispositionem. Ideoq; abusus ille, ubi invaluit, ut pote imperitorum Parochorum inventum, tollendus est.



C A P U T . XL

De Litiis maioribus, & minoribus.

IN die S. Marci Evangelistæ sit sollemnis Processio Supplicationum per omnes Ecclesias Cathedrales scilicet, & Collegiatis, Regulares & Parochiales, in quibus canuntur Litiæ, quas preces S. R. Ecclesia vocat Litanias majores. Pariter tribus diebus Ascensionem Domini prævenientibus, videlicet diebus Rogationum, sunt etiam similes Processiones, quas Rubrica appellat Litanias minores. Ideoq; non nuda Litaniarum recitatio Chorus satisfacere menti Ecclesiæ supponat, sed omnis Processio per Ecclesiam, vel per locum alium Processioni designatum, cum cantu Litaniarum de omnibus Sanctis instituenda est, ad adimplendam Rubricam his diebus præscriptam.

2. Non desunt, qui dicunt: Parochialium Ecclesiarum esse munus his diebus instituere Processionem; sed respondet: Lex Ecclesiæ statuens his diebus Processiones est generalis, & universim omnes stringit Ecclesias, maxime vero has, ubi Officium Divinum in Choro perfolvitur. Ideoq; & Brev. Monast. pro omnibus sub Reg. S. P. Benedicti militantibus Die XXV. Aprilis talem habet Rubr: *Hodie qui non interfuit Processioni Litaniarum, dicant illas privatim post Matutinum.* & per. II. in Rogationibus, sequens habetur Rubr: *Hoc triduum qui non interfuit Processionibus Rogationum, privatim post Laudes dicant Litanias.* Ex quibus Rubr. Brev. Monast. nihil aliud inferri potest, quam prædictis diebus, Processiones Litaniarum omnino institui debere.

3. Itaq; pro dicta Litaniarum Processione Celebrans paret se Amictu, Alba, Cingulo, Stola in modum Crucis aptata, & Pluviali violacei coloris, non vero superpelliceo, & Stola, cum expresse Rubr. prædictis ornatum Officiantem exigat. Ministri pariter Sacri Diaconalibus, & Subdiaconalibus Paramentis vestiri debent, absq; Manipulis. Et tunc (ut concedit Cærem: Episc: L. 2. c. 32. pluresq; Rubricistæ conveniunt) tam Celebrans, quam Sacri Ministri Reliquias Sanctorum deferre possunt.

4. Antiphona *Exurge Domine &c:* Stando cantari debet, sed

sed ea finita omnes genuflectunt ad *ψ. Peccavimus* &c: Duo Cantores genuflexi inchoant Litanias de omnibus Sanctis ex Brev. Monast: cæteris pariter genuflexis respondentibus. Postquam autem inchoatum fuerit: *Sancta MARIA*. omnes surgunt, & procedunt statim ordine suo prosequentes Litanias, & non expectant hunc *ψ. S. Petre*, quia nullibi de tali Cæremonia sit mentio. Si longior sit Processio nihil tamen aliud cani debet, quam dictæ Litanie, & Psalmi aliqui vel ex Penitentialibus, vel ex Gradualibus, & nulla Cantica lætitiæ ad mentem Rituæ Romanæ. Deestantatis Litanis Preces & Orationes ad stationem vel aliæ recitari debent quæ sunt in Brev. Monast. vel etiam illæ Commemorationes de SS. Patronis Regni Poloniæ ut notantur in Rit. Rom. ex mandato Synodi Provinc. impresso Cracoviæ, vel Brunfbergæ. Ad dictas preces, & Orationes omnes manent genuflexi, Celebrans tantum solas ad Orationes surgit, & non prius. Neq; tunc Ministri Sacri surgunt, sed manent genuflexi tenentes Celebranti Librum ad Orationes.

5. In supradictis tamen Suffragiis Sanctorum, seu Commemorationibus eorum non seligantur nonnulli tantum Sancti, sed eorum omnium SS. Patronorum Regni, in dicto Rituali expressorum fiat mentio. Videlicet 1. de Sancto Spiritu 2. de S. Cruce. 3. de B. V. MARIA. 4. de SS. Apost: Petro & Paulo. 5. de S. Patrono Ecclesiæ 6. de S. P. Benedicto. 7. de S. Adalberto E. M. 8. de S. Stanislaw E. M. 9. de S. Iencessaw M. 10. de S. Floriano. M. 11. de S. Hedvoige Vid. 12. contra hostes Ecclesiæ, 13. Pro Rege. 14. Pro serenitate, vel Pavia, vel Benignitate aeris. 15. pro avertenda mortalitate. 16. Pro pace. 17. consensu de omnibus Sanctis. Hoc tamen nota, quia in die S. Marci, fieri debet de ea commem: sub num. 3. Horum ergo omnium fieri debet memoria, quia sic Synodus Provinc. Petricov: decrevit.

6. Ad imitationem harum Processionum poterunt aliæ ordinari, quæ sunt per Annum, vel ad placandam iram DEI, vel ad pestem, famem, bellum, & alia tollenda, vel ad Serenitatem, aut pluviam impetrandam, in parametis Violaceis. In omnibus tamen vitandum omnino est, ut non addantur Sancti in Litanis, neq; speciales Patroni loci, Urbis vel Provincie, neq; Ordinis, sed si tantum exprimantur qui sunt in Brev. Monast: expressi, quia id prohibuit S. R C.

Decreta S. R. Congr.

1. Non possunt in Litanis inseri alii Sancti, præter ibidem descriptos, neq; tempore pestis addendi sunt Titulares, & Patroni Civitatis, sine speciali concessione. S. R. C. 27. Martii 1631. in Rhem.

2. Occurrente festo S. Marci die Dominico, in Missa Rogationum non dicitur Credo quia est Missa ferialis. S. R. C. 25. Septembris. 1688. in Autien.

3. Si Feria III. Rogationum occurrat festum simplex, in Cathedralibus, & Collegiatis non sunt cantandæ duæ Missæ. S. R. C. 5. Julii 1698. in Collen.

4. Occurrente festo S. Marci infra Octavam Paschatis, in Missa Rogationum non est dicendum Credo. S. R. C. 5. Julii. 1698. in Collen.

5. In festo S. Marci, vel respectivè in Feriis Rogationum, si fiat de Officio duplici, vel semiduplici in locis, ubi tantum una Missa cantatur pro majori populi commoditate, ut possit post Processionem vacare laboribus, convenientius est Processionem facere post Novam, inde cantare Missam Rogationum. S. R. C. 5. Maii. 1736. in Einsalen.

C A P U T. XII.

De Vigilia, & Die Pentecostes.

1. **V**igilia Pentecostes in unum fere conincidit cum Sabbato Sancto, exceptis dumtaxat Prophetiis in minori numero, & quod nec ignis nec Cereus benedicitur, ideoq; quo ad Cæremonias Ecclesiasticas nihil superest notandum præter nonnulla dubia superius cap. 9. resoluta. Ad Prophetias Celebrans cum Ministris in paramentis Coloris violacei procedit ad Altare, ubi facta reverentia Crucis, vel Tabernaculo, osculatur in medio Altare Celebrans, & accedens ad cornu Epistolæ simpliciter inchoabit legere divinas Prophetias submissa voce; Et in medio Chori Clerici Religiosi vel etiam Patres illas per ordinem legent, inter quæ post Oramus non dicitur *flectamus genua* vel *levate* quia tempus Paschale est. Procumbit Celebrans cum Ministris ad Litanias, Missa in colore Rubeo celebratur, & ad Gloria Campanæ pulsantur.

2. Dominica Pentecostes, & per totam Octavam usq; ad Sabbatum sequens inclusivè, mutatur Hymnus ad Horam Tertiam canonicam, dicitur enim *Veni Creator Spiritus*. ad cuius Hymni primam stropham omnes in Choro presentes genuflectere debent utroq; genu. Pariter & in Vesperis etiam Celebrans & Ministri ad supradicta præsitam genuflexionem exercere tenentur. Convenientius tamen esset, ut Celebrans in Vesperis, & Superior in Choro dictum Hymnum *Veni Creator Spiritus* inchoet, prout iam supra innuimus P. I.

3. Fæsta hæc cum omni Solemnitate sunt celebranda, in quem finem Ecclesia ornari debet quantum possibilitas permittit, ut ex decore domus Dei populus confluens majorem sumat affectum devotionis suæ. Sabbato sequenti, dicta in Choro Nona Canonica, & celebrata Missa, quæ omnino dici debet post Nonam, canitur Antiph: *Regina Cæli* &c: cum y. & Oratione pro conclusione temporis Paschalis.

Decreta S. R. Congr.

1. Missa Votiva de B. V. MARIA in Vigilia Pentecostes non potest dici S. R. C. 19. Augusti 1651. in una Urbis.

2. Intra Octavas privilegiatas non potest cantari Missa Defunctorum in Anniversario, & Officio Solemni S. R. C. 5. Julii 1698. in Collen.

3. A Vigilia Pentecostes, usq; ad Festum SS. Trinitatis inclusivè, prohibetur officium etiam primæ Classis. Item prohibentur Missæ Votivæ, & de Requiem, excepta una solemni præsentem Cadavere, quæ tamen prohibentur triduo sequenti. S. R. C. 10. Decembris. 1718. in Afsna.

C A P U T XIII.

De Festo Corporis Christi, ejusq; Octava.

1. **H**Oc Festum cum sit solemnissimum, summa, quæ par est, devotione, & reverentia ab omnibus celebrari debet. Ordo hac die devotionis non est unus, idemq; in omnibus Ecclesiis, sed variè in variis Provinciis, & Regnis peragitur, quia tamen Congregatio nostra Benedictino Polona in Regno Poloniæ, & M. D. L. sita sit, laudabili consuetudini hujus Regni standum videtur. Ideoq; Rituale ad usum Ecclesiæ.

harum Regni Poloniae hac de re consulatur, omniaq; ibi disposita ad amissim servantur, nihilq; minuatur, & nihil superaddatur.

2. Rituale Thorunii typis impressum, cum sit ab uno ex PP. Ord. S. Franc. Reform. editum, dicto Ordini S. Francisci tantum inservire videatur, ideoq; additamenta illa, præter Cæremonias Ritualis ordinarii Regni in nostra Congregatione pro regula non possunt haberi, quinimo prætermitti debent; præsertim cum sint contra Regulas Rubri, & multiplicata illa benedictio cum SS. Sacramento nullibi præscribatur, imo prohibeatur, unde nimia oriretur Celebranti confusio, ac summa fieret molestia: Regula autem generalis Rubri præcipit: ut si fiat benedictio cum Sacramento, illa sit tantum in conclusione Processionis, & tunc à Celebrante nihil canatur, quia & Rit. Rom: sic præcipit, & Gavantus expressam ponit regulam his verbis: *Nihil dicens, & ratio est, quam latetur P. Merati P. IV. tit. 12. n. 22. in Gavant. n. 7. quia propriè Celebrans non est ille qui benedicit populum, sed Sacramentum, tunc enim, tantum Organa suavi modulamine resonare deberent.*

3. In Rituali pro usu Ecclesiarum Regni Poloniae edito, præscripta 3R. prolixia ad quamlibet Stationem canatur, & non omittantur, quæ magis inchoari debent à Cantoribus, quam à Celebrante. Antiphona tamen *O! Sacrum Convivium &c.* vel Ratum post IV. Evangelium canatur, vel etiam finita Processione ad Altare majus concinatur, alias secundum Rubricam dicti Rit. deberet fieri 5ta statio, seu 5tum Altare ad prædictam Antiphonam, ideoq; hic error videtur corrigendus, & postea recedente Processione à prædicto Altari canatur Antiphona *Melchisedech &c.* & nulla amplius fit statio, nisi in Altari majori ad quod concludenda est Processio.

4. Officium Divinum, seu Horæ Canonice in Choro dicuntur exposito SS. Sacramento à primis Vesperis dicti festi, usq; ad Completorium in Octava Corporis Christi: Unde curandum est omnino, ut ad minimum 6. Candelæ ex cera, & non ex sævo ardeant, toto illo tempore, quo dicta expositio publica peragitur, sin secus melius esset non exponere, quam expositum Sacramentum debito cultu, & honore non prosequi. Decreta enim S. R. C. aliq; Summ. Pontif. Constitutiones præcipiunt, ut quoties fit expositio, ut 16. Candelæ Cereæ albæ ardeant. Cum ergo in tantum numerum vix quisquam consentiat libenter, ideoq; saltem 6. accendere, & continuo ardere Rector Ecclesiæ curet.

5. Et cum hi, qui hac tota Octava Corporis Christi interfuert horis canonicis, lucrari possint Indulgentias a Summo Pontifici concessas, etiam Officium non fuerit de Octava, sed de Sanctis occurrentib. s. quas Joannes XXII. suo Decreto confirmavit; ideo siue multi, siue pauci sint seculares præsentēs, Matutinum non media nocte, sed post Vesperas, & Completorium absolvat, ante Cenam, per totam Octavam. Hoc patet ex Sententis Capitulorum Generalium in additamento Constitutionum expressis, à Capitulo Dieta 23. Julii 1730. receptis, & S. Sedi Apst. ad approbandum porrectis, cujus tenor sequitur & est talis n. 9. *Per totam solemnem Octavam SS. Corporis Christi pridie de festo Matutinum, immediate post Completorium pro die sequenti dicitur, ad lucrandas Indulgentias ab intervenientibus, pro his diebus peculiariter concessas.*

6. Quamvis resolutum sit à S. R. C. præsertim die 23. Martii 1709. quod ille qui celebrat Missam in festo SS. Corporis Christi, debeat deferre Sacramentum in Processione. tamen ab hac regula excipitur Episcopus, pariter & D. Abbas, qui licet non celebret Missam Pontificalem, nihilominus ab ipso deferri debet Venerabile Sacramentum in Processione hodierna, nisi legitime fuerit impeditus, & non à prima Dignitate, vel Superiore qui Missam canavit. Et hoc colligitur ex *Cærem. Episc. L. 2. c. 33. & P. Merati P. IV. tit. 12. §. 2. n. 11. pag. 504.*

7. Hoc insuper notandum est: quia nullomodo à Celebrante, siue hac die, siue per Octavam, siue aliis diebus, fieri debet processio cum SS. Sacramento in Planeta, sed semper in Pluviali, juxta dispositionem S. R. C. Cæterum alia omnia, quæ concernunt expositionem, Processionem, asservationem, ac benedictionem cum SS. Sacramento. superius Parte præcedenti sufficienter sunt notata, ut ex iis unicus idemq; ordo ab omnibus addiscatur peragendi ea, quæ sunt necessaria, & omittendi ea, quæ sunt superflua.

Decreta S. R. Congregationis.

1. In festo SS. Corporis Christi non convenit cantare cantiones vulgari sermone. S. R. C. 21. Martii 1609. in *Abulen.*

2. In festo SS. Corporis Christi deferatur Eucharistia à Celebrante, in Vesperis autem diei Octavæ (si fiat Processio)
desce-

PARS QUINTA. 365

deferatur ab eo qui cantavit Vesperas. S. R. C. 12. Junii 1627. in Brundusina.

3. Processio in solemnitate SS. Corporis Christi incipere debet à Cathedrali, seu Matrice, & ad eandem terminare, non vero à Parochiali. S. R. C. 19. Augusti 1629. 1. Septembris 1708. Et 9. Junii 1718. in Nolana.

4. Missa in die Solemnitatis Corporis Christi non debet cantari post absolutam Processionem, & hujusmodi consuetudo, uti à Cere nonialis dispoñtione aliena, omnino abrondanda est. S. R. C. 3. Junii 1662. in Affimer.

5. In festo SS. Corporis Christi servanda est dispositio Cerem: Episc: L. 2. c. 33. in reponendo SS. Sacramento, ubi nulla sit mentio de y. Boninus vobiscum, non vero Rituale Rom: ubi dicitur addi Dominus vobiscum, & sic servat in Urbe summus Pontifex, & servatur ab omnibus S. R. C. 16. Junii 1663. in Granatena. Et 28. Septembris 1673. in Salernitana.

6. Infra Octavam SS. Corporis Christi prohibentur Missae Votive quaecumq; vel pro Defunctis. S. R. C. approb: Clemente X. 21. Junii 1670. Et 12. Septembris 1671. in Nustana.

7. In expositione SS. Sacramenti quae sit ad instar Processionis, quantitas luminum pietati facientis expositionem remittitur, & in Altari super Candelabris ad minus sex Candelae accendi debent. S. R. C. 15. Martii 1608. in Narnien.

8. Absq; Pluviali non licet in die, & infra Octavam SS. Corporis Christi peragere Processionem cum SS. Sacramento, non potest tamen cogi, ut ejus expositio fiat cum Pluviali. S. R. C. 22. Januarii 1701. in una Camald: Mont. Corera.

9. Ex vi, aut lege Cerem: Episc: non prohibetur Episcopo, ut propria utatur sede, qua desuper umbraculum, seu baldachinum dependeat, dum Divinis assistit, vel per se ipsum peragit, SS. Sacramento super Altari palam exposito; dummodò genuflexiones tunc praescriptas, debitasq; reverentias ad amissum observet, atq; aperto capite in signum reverentiae saltem assistat. S. R. C. 9. Junii 1742. in Cornubricen.

10. Genuflexio utroq; genu est facienda a transeuntibus ante SS. Sacramentum, etiam si fuerit in Pixide patenter expositum. S. R. C. 7. Maii 1746. in Varsavien.



CAPUT XIV.

De Festivitatibus Sanctæ Crucis.

1. **Q**Uoniam Congregatio nostra Ben: Pol: sub titulo S. Crucis fundata est, utraq; festivitas S. Crucis, Inventionis scilicet, & Exaltationis, in nostris Monasteriis cum omni celebritate peragi debet, præsertim quia in diatis festivitibus Indulgentiæ plenariæ perpetuò sunt concessæ. Nonnulla itaq; ad observandum sunt hic annotanda; Maxime autem de particula veræ Crucis; quæ in seorsivo Altari collocata, tota illa die exposita esse debet, cum luminibus proportionatis; quia si-expositis Sanctorum Reliquiis juxta S. R. C. Decretâ, ultra lampadem, saltem duo lumina continuo ardere debent, multo magis particula Veræ Crucis quam Salvator sanguine suo conspersit, plura requirit lumina.

2. In Processione cum SS. Sacramento nullatenus deferri potest Lignum vitæ, quia cum in Sacra Hostia verum Corpus Christi adoratur, & in illo Mysterium passionis representatur, frustra & particula veræ Crucis proponitur adorationi, maxime cum nec locus assignari potest, ubi eum dicta particula Sacerdos incedere deberet. Et sic essent duo Celebrantes, duæ simul res Sacræ ad adorandum offerrentur, & ex his una deberet adorari cultu Latriæ absoluto, altera respectivò, & simul; quod esset contra òmpem Rubr: ac contra omnem sensum. Si enim Reliquiæ Sanctorum non debeant deferri in Processione cum SS. Sacramento, pariter & lignum vitæ.

3. Si autem sine Sacramento fieret Processio, & cum solo Ligno vitæ, laudabilis esset; illa tamen particula veræ Crucis, ut cum ea fiat Processio, debet esse notabilis, non autem ita subtilis, ut vix videri possit. Ideoq; si tam parva particula invenitur, potius abstinendum a dicta Processione, quia quod portatur in processione debet omnino videri ab omnibus, subtilis verò particula, cum vix prope recognosci possit, quomodo ergo à longe conspici valeat, ut adoretur. Cæterum prædicta Sapientum decisioni relinquo, ut etiam cognoscant, num vera sit Reliquia, & a quo approbata? ne fiat seductio populi, & ne superiorum conscientia oneretur.

Decreta S. R. Congregationis.

1. In Processionibus, in quibus deferretur Lignum Crucis, tam Clerus, quamulares, detesto Capite incedere debent. S. R. C. 18. Junii 1690. in Cajetana.

2. Quando exponuntur sacra Reliquia, ultra lampadem, debent continuo supra Altare sedere duo saltem lumina, alias non exponantur. S. R. C. 22. Januarii 1701. in una Camald: Montis Coronas.

3. Post expositionem Reliquie SS. Crucis, vel post ejus delationem in Processione, benedicendus est populus cum ipsa. S. R. C. 15. Septembris 1736. in Brixina.

4. Reliquia SS. Crucis non est incensanda à Celebrante genuflexo. S. R. C. 15. Septembris 1736. in Brixina.

5. Consuetudo deferendi in Processionibus Reliquiam SS. Crucis, manibus opertis cum velo a spatulis pendente potest retineri. S. R. C. 16. Septembris 1741. in Bracharen.

6. Licitum est Episcopo incedere cum Mitra, quando deferret Reliquiam Igni SS. Crucis in Processionibus. S. R. C. 14. Junii 1692. in Maceranen.

7. Si in loco principe Reliquia Sanctissimæ Crucis super Altare fuerit exposita, tunc transeuntes ante illam unico genu usq; ad terram flexo venerare debent; diversimode verò sola capitis inclinatione, si prefata Reliquia recondita erit intra custodiam. S. R. C. 7. Maii 1746. in Varsavien. P. Talu excipit Celebrantem paratum.

C A P U T XV.

De die Commemorationis omnium Fidelium Defunctorum.

1. Die 2. vel 3. Novembris statim post Festum omnium Sanctorum, sit commemoratio omnium Fidelium Defunctorum, pariter & die 14. vel 15. ejusdem Mensis post Festum omnium Sanctorum Monachorum Ord: S. Benedicti, sit commemoratio Defunctorum Patrum, & Fratrum Ord: nostri Benedictini. Ideoq; tam in illa, quam in illa Commemoratione eadem devotionis ratio peragitur in Monasteriis Congr: nostræ.

2. Pridie ergo dicto in Vesperis Festi *Benedicamus Domino* omisso *ŷ. Fidelium &c.* statim absolute ab Ant: *Placebo Domino &c.* inchoantur Vesperæ Defunctorum. Matutinum vero Mortuorum mane, ante Primam Canonice recitari in Cantu totum debet. Ad quæ si usus est ut Celebrans peragat dictam Off: Deit: servetur consuetudo, aliis in Choro simpliciter præsertim Matutinum decantari solet, quia pro defunctis est Officium feriale.

3. Missa Solemnis pro Defunctis, dictis diebus, omnino debet esse Conventualis, & non alio tempore decantari debet, nisi post Nonam, nequaquam autem post Primam, ut in aliquibus locis abusus irreptit, quia S. R. C. omnino prohibuit, & servandas esse Rubricas præcepit. Ideoq; his diebus, due debent esse Missæ Conventuales, una post Tertiam concordans cum Officio diei, altera post Nonam de Requiem. Et licet festum duplex tunc celebretur in Officio quando utraq; incidit Commemoratio Defunctorum, omnes tamen Missæ fiant pro Defunctis in colore nigro, unica post Tertiam relicta de festo in colore conveniatur. Speciale enim privilegium his diebus concessit S. Mater Ecclesia.

4. Quia vero post primas Vesperas, & ipsa die post Missam solet fieri absolutio solemnis Defunctorum cum Processione, & fideles solent adesse, dicta Processio eadem via, cum aliis, instituenda est. Stationes tamen tempestive à Superioribus loci sunt designandæ, ne tempore Processionis fiat perturbatio, ad quas Stationes *xx.* sunt cantanda ea, quæ præscribit Rubrum Ritualis ad usum Ecclesiarum Regni Polonia, in ipsis vero stationibus *ŷŷ.* & Orationes ibi notatæ in cantu feriali recitentur à Celebrante, qui sine Cruce, ac sine Instrumento pacis, sed solum manibus ante pectus junctis incedere debet, Caput cooperiens Birreto, habensq; à sinistris Diaconum, Librum ante pectus sustinentem.

5. Fit tamen Asperso, & Incensatio Sepulchrorum in dicta Processione, ideo antequam inchoabitur, Celebrans ad Altare veniens, ministrante Diacono Naviculam, & Thuriferario thuribulum ponit ac benedicit incensum in thuribulo more consueti. Tum accipiens Aspersorium genuflectit in sinu gradu, & ter aspergit terram (ut in Aspersione Dominicali) cantore incipiente *℟. Asperge Domine &c.* Reddito aspersorio, ordinabitur Processio, & *xx.* continuabunt omnes, præter *ŷ.* qui à 2bus Cantoribus intonari debet.

6. Præcedit Sacerdos superpelliceo, & Stola nigri Coloris indutus, habens à sinistris suis Ministrum cum vase Aquæ lustralis,

fralis. aspergens ubiq; pavimenta, omniaq; loca, in quibus corpora defunctorum sepulta esse dignoscuntur. Sequitur Thuriferarius cum thuribulo fumigante tenens manu sinistra Naviculam, dextera vero Thuribulum. Deinde incedit Subdiaconus cum Cruce Processionali aperto Capite, medius inter Ceroferarios, Cereis accensos in Candelabris portantes. Postea Religiosi secundum Ordinem vocationis, vel præeminentie suæ. Deniq; Celebrans tecto capite cum Diacono à sinistris suis. Et si D. Abbas voluerit ascendere, post Celebrantem incedet.

7. Ultima statio non ad Altare fieri debet, (ut notat auctoritatem Rit: Rom:) sed secundum communioem Rubricarum sententiam, ad lecticam mortuorum, quod vulgo dicitur *Castrum doloris*. Ubi circa finem *q. Libera me Ec.* Celebrans imponit, & benedicit incensum, & decantato à Choro *Kurieleson*, clara voce dicit: *Pater noster*. Omnibus verò genuflexis, ac orationem Dominicam prosequentibus, dictus Celebrans aspergit, & incensat Lecticam tantum ad latera, ter ad dextram lecticæ partem, ter ad sinistram, prout in sepultura Cadaveris, & non amplius. Reversus deinde cantat versos genuflectendo, ad solam tantum Orationem surgit. Subdiaconus cum Cruce semper animadvertere debet Lecticam quomodo constituitur, & pro quibus sit Commemoratio, quia semper ad caput Lecticæ contra Celebrantem consistere tenetur. Omnes genuflexi permanere debent, neq; prius surgant, donec à Cantoribus fuerit *ps. Requiescant in pace, decantatus*.

8. In die Commemorationis Defunctorum Ord: N. hæc specialiter observanda supersunt: Imprimis, quod tant post Vesperas, quam post Laudes in Officio Defunctorum dici debent Psalmi annexi, videlicet: *Lauda anima mea Dominum Ec.* & *De profundis Ec.* Licet enim in aliis Cæremoniis equiparatur diei Commemorationis Omnium Fid: Des: non tamen in his Psalmis, quod expresse notat. *Brev: Monast: ad diem 13. Novembris.*

9. In fine Officii Defunctorum, & ad Missam, quæ dici debet, primo loco posita, dicitur Oratio: *DEUS vinis largitor Ec.* sed dicto: ut nostræ Congregationis *Fratres*, mox additur: *qui ex hoc sæculo transferunt Ec.* recitaturq; usq; ad finem; intermittuntur autem verba illa: *propinquos, & benefactores*, neq; etiam additur *Sorores*, quia & hæc veniunt nomine *Fratrum*; ita declarat *Brev: Monast: & dilucidabitur ex Decr: S. R. C. infra Num: 2.*

10. Licet hac die solemus processionem pro Defunctis Fratribus peragere, quemadmodum die 2. Novembris, omniaq;

q. que illa die cantata sunt etiam hac die repetere, stationesq; supradictas observare, Oratio tamen ad dictas stationes nullomodo est immutanda, sed in omnibus stationibus, una eademq; Oratio, *DEUS venia largitor &c.* cum prædicta omissione verborum: *propinquos, & benefactores*, recitatur à Celebrante, non enim investigamus hac memoria Abbates, Sacerdotes, Fratres, Sorores, & Philadelphicos speciatim, sed nomine *Fratrum* omnes generaliter à nobis DEO presentantur, quia omnes in Domino Fratres sumus: ideoq; à proprii partis Imaginationibus abstinendum cenfeo.

III. In die Commemorationis omnium Fidel. Def. Subdiaconus cum Cruce locat se inter fores Ecclesie & feretrum, quia secularium lœtica, caput ad jannam Ecclesie respiciens, habere debet, & Celebrans inter majus Altare, & lœticam recedendo de medio ad latus Epistolæ, proxime tamen ad feretrum. Jam autem in die Commem. Def. O. N. Subdiaconus locat se inter Altare & feretrum, recedendo ad cornu Evangelii, quia tunc Castrum doloris representans Sacerdotes, caput lœticæ habet versus Altare, & tunc Celebrans consistit inter feretrum, & portam Ecclesie. Quod non tantum his diebus observandum erit, sed semper respiciendum, pro quo Exequiæ absolventur, vel cujus sit sepultura.

Decreta S. R. Congregationis.

1. Matutinum Defunctorum pro generali eorum Commemoratione non debet cantari pridie Vesperis in Festo OO. SS. sed recitandum est mane, die 2da Novembris post Laudes diei. S. R. C. 23. Maii 1603. in Egitanien. 1. Septembris 1607. & quidem Albefcente die, præcepit 21. Julii 1607. in Osen.
2. Moniales in Confiteor ad Primam, & Completorium, ne dicant: *Tibi Mater*, nec vobis Sorores, sed ut in Breviario. S. R. C. 18. Augusti 1629. in una Brevi. Rom: Sequitur consequentia ad Num: 9. hujus Cap:
3. In Commemoratione omnium fidel. Def. potest fieri Officium de festo duplici minori, sed Missæ sunt Celebrandæ de Requiem S. R. C. 5. Octobris 1686. in una Urbis. 27. Septembris 1698. in una S. Germani Montis Cusini, & 19. Junii 1700. in Curien.
4. Quando ab aliqua Congregatione dicitur totum Officium Def. non debet illud dici, ut 2da Novembris, omitendo Psal.

Psalms post Vesperas, & Matutinum, positos in Officio Defunctorum. S. R. C. 5. Julii 1698. in *Collen*.

5. In die Commemorationis omnium fidelium Defunctorum Sacrificia possunt à Sacerdotibus celebrantibus applicari ad libitum, scilicet vel pro omnibus fidelibus defunctis, vel pro aliquibus tantum. S. R. C. 4. Augusti 1663. in una *Dalmatarum* 9. Decembris 1709. in una *Ord. Capuc.*

6. In omnibus Congregationibus Ord. Benedictini, post Festum OO. SS. 13. Novembris celebratur sollemnis Commemoratio omnium Defunctorum Confratrum dicti Ordinis; unde si die illa 14. Novembris alicubi adsit Festum duplex translatum, sive occurrens, fiet quidem Officium de tali Festo duplici, cum Missa solemni post Tertiam, Officium vero Defunctorum recitandum erit post Laudes, & omnes Missæ private dicendæ erunt pro Defunctis Confratribus, in paramentis nigris. Quapropter commemoratio omnium Defunctorum non est transferenda in tali casu. S. R. C. 5. Maii 1735. in *Einsiden*.

7. In absolutione, in die Commemorationis omnium Fidelium Defunctorum non est dicenda tota conclusio in Oratione. S. R. C. 5. Julii. 1698. in *Collen*.

8. In die commemorationis omnium Fidelium Defunctorum non potest celebrari Missa solemnis de *Requiem* post Primam, sed servandæ sunt Rubricæ, in quibus præscribitur post Nonam. S. R. C. 22. Januarii. 1701. in una *Camald. Mont. Coronæ*.

9. Absolutio Solemnis, cum assistentia Quatuor dignitatum, vel Canonicorum ultra Celebrantem, in anniversario alicujus Episcopi, non debet fieri, quia obstant Rubricæ Pontif. Rom. S. R. C. 14. Novembris. 1634. in *Recineten*.

10. In Exequiis post absolutionem quæ fit supra Cadaver, in die obitus, vel supra tumulum in die Anniversaria, dicto *Requiescant in pace* subungi debet: *Anima ejus, Et animæ omnium fidelium Defunctorum, per misericordiam Dei, requiescant in pace.* Sed super lecticam, seu castrum doloris in commemoratione omnium fidelium Defunctorum nihil est superaddendum. S. R. C. 2. Decembris 1684. in una *Can. Reg. Lat.*

11. In depositione Defunctorum, in illis verbis: *Non intres in judicium cum servo tuo Domine, quia nullus apud Te iustificabitur homo.* Quando est Mulier, aut plures sunt defuncti, non possunt verba *Servo tuo* immutari in *Serva tua* vel *Servis* *tuis*,

tuis, aliq; Sacre Rubricæ lesione, & servandum est Rituale. S. R. C. 31. Augusti. 1697. in Fanen.

12. Officium super Cadaveribus in Ecclesiis Regularium spectat, & pertinet ad ipsos Regulares, non autem ad Curatos Defunctorum, & ita in posterum servari mandavit, non obstante contraria consuetudine. S. R. C. 27. Novembris. 1638. in una Ord. S. Fran. de Observ.

13. Psalmi *Lauda Anima mea* &c: & *De profundis* &c: omittuntur in precibus post Officium Defunctorum, in die Commemorationis omnium fidelium Defunctorum, & in die obitus, seu depositionis Defuncti duntaxat. Cæteris autem diebus semper, & omnino dicantur. S. R. C. 3. Augusti. 1737. in Nolana. & 23. Junii in Einsalen 1736. ac 8. Martii 1728. in una Erem. Ord. Camalt.

14. In exequiis defuncti Sacerdotis præsentæ Corpore locetur Crux ad Caput Defuncti, inter seretrum, & Altare. S. R. C. 3. Septembris. 1749. in una. Massæ & Populoni.

C A P U T XVI.

*De Oratione publica coram SS. Sacramento,
quæ dicitur Quadraginta horarum.*

1. **T**Am Sancta, & laudabilis oratio, quæ à S. m. Clemente VIII. instituta, & in nonnullis Monasteriis nostris recepta, summa devotione continuatur, æquum est, ut omni, qua par est. pietate celebretur, de qua uberrimos fructus, & infinita commoda mentes fidelium, orationis pabulo refectæ, mirabiliter colligunt. Nonnulla itaq; supersunt dicenda, circa hujusmodi Orationis Augmentum. Itaq; tempore uno, & nunquam immutato, quando ea instituta est Oration, per speciale Privilegium, tribus diebus ita disponantur horæ, ut omnino 40. enumerari valeant, quibus expositum sit publice Sacramentum in ostensorio, & in Tabernaculo magnifice exornato improbiliter permaneat, neq; aliquando velo umbraculi contegatur.

2. Clementis XI. Anno 1763. die 20. Januarii. edidit instructionem, qua Rectores Ecclesiarum facile informari possint, quo

quomodo illa devotio 40. horarum peragenda sit, quam institutionem p. m. Clemens XII. confirmavit, eandemq; reimprimere, atq; ad praxim omnium Ecclesiarum deducere precepit Decr. suo 1. *Septembris* 1730. Quam præ manibus habere curent ii, ad quos pertinet, ne aliquid desit ad tantæ devotionis augmentum. Altare majus, in quo debet collocari SS. Sacramentum, pareatur ut in festis præcipuis solemni, ac magifico ornatu; luminum, florum, candelabrorum, cæterorumq; maiestatem representantium, & ad devotionem excitantium, addit copia. Candelæ, quæ continuo ardere debent, ex dicta Instructione n. 4. debent esse 20. ex cera alba, exceptis lampadum, luminibus.

3. F. Religiosorum Cæta Bini, & Bini continuò genuflectere debent, qualibet hora mutantes se, in quem finem Superior Monasterii in schedula conscribere curabit, ut ad quantilibet horam bini genuflectant, & in paucitate Subditorum etiam unus bis de die genuflectere potest, ut secularibus exemplum præbeatur. Ut autem dicti Religiosi locum commodum habeant genuflectendi per horas, preparari debent ante Altare duo genuflexoria, cum pulpitis, ut commodè possint legere, sive ad meditando, sive ad orandum. Hæc genuflexoria panno aliquo cooperiri debent, ne nuda appareant. Dicti itaq; Religiosi Viri non in ordinario suo habitu, sed in publico Choralis, scilicet Cuculla, seu Thoga genuflectere tenentur, Sacerdotes stolam à collo pendentem coloris albi habeant; & si D. Abbas voluerit horam aliquam publice genuflectere, indurus Rochetto, & Mozzetta, cum Stola à collo pendente dictam peragat devotionem; tunc enim SS. Sacramentum speciali quodam honore à nobis est venerandum.

4. Decet procerto, ut non tantum Religiosi, sed etiam seculares, ad hanc animati devotionem, horas genuflectant, ideòq; Superiores providere debent, ut domestici intervenientes assignatis horis, quæ nec iis moleste; nec officiis eorum damno, sed animabus eorum proficue credantur, eisdem genuflectant, & cum devotione orent. Ut autem cognoscatur hora ab omnibus advenientibus, & recedentibus Horologium in Choro prope Altare est suspendendum. Ne verò impediatur orantes, prohibuit S. R. C. omnibus Sacerdotibus, ne tunc ad majus Altare celebrent, præter Missam Conventualem Votivam de SS. Sacramento post Nonam cantandam cum Gloria, & Credo, ac unica Oratione, tanquam pro re gravi, vel publica causa.

vero

vero Missam post Tertiam, si cantanda est, potius ad aliud Altare celebrare convenit, quam ad majus Altare. Cetera Missæ private ad alia Altaria celebrentur, in quibus omnino fieri debet Commemoratio de SS. Sacramento, post omnes alias commemorationes.

5. Præter Horas Canonicas, quæ in choro recitantur, nullus cantus alius audiatur, sed in silentio omnes orent, ne distrahatur populus in sua Oratione. Cavendum insuper est, ut nullus secularis intra Presbyterium ingrediatur, quacumque causa, sive ad emungendos, vel accendendos Cereos, hoc enim, stante præsentis devotione ad solos Religiosos pertinet, qui tamen omnino superpelliceo induti, dictum officium præstent. Si Concio habeatur, sermocinator Sacerdos tunc Stola supra Cucullam indutus, nudo capite, devote, reverenter, brevi sermone, affectus auditorum moveat. Decet etiam, ut si concursus populi requisierit, alter sermo Vespertino tempore habeatur. Sub tempore Concionis, non est regendum velo umbraculi SS. Sacramentum.

6. Initio Orationis summo mane, fiat expositio eo modo, ut innuimus par. præc. sub cantu *Q! Salutaris hostia*. & data benedictione collocetur ostensorium in Tabernaculo pulchre ornato, locoque eminentiori, nec moveatur de loco, donec Vesperti finiatur unius diei devotio, & tunc cantato *Tantum ergo* &c: eoque finito, datur benedictio, nihil dicendo, & servatur in Ciborium, seu Tabernaculum. Secunda die summo mane exponatur sine ullo cantu, sed data in silentio benedictione cum SS. Sacramento, collocatur in loco suo, quod pariter & die Tertia fieri debet, aut asservatio SS. Sacramenti vesperti die secunda pariter peragatur sicut die prima. Vespere tamen prima, & secunda die solemniter celebrari debent.

7. Tandem die Tertia vespertino tempore, convenit ut D. Abbas solemnes Vesperas celebret, quibus decantatis pariter cum Completorio, si Sermo habendus est, habeatur, & tandem Processio solemniter instituat, per Ecclesiam. Adhuc bini Thuriferarii cum duobus Thuribulis, omnes Cereos accensos in manibus gestantes, præterea 4. aut 6. Religiosi, seu in defectu eorumculares viri compti, & honesti, superpelliceis induti, cum sacibus procedant, circa Celebrantem: Quæ verò spectant ad Celebrantem, & Ministros, iam supra sufficienter notavimus P. IV. C. 8.

8. Ad Processionem inchoetur Hymnus *Te Deum laudamus* &c. procedant omnes cum summa modestia, & gravitate, ut decet tantum Sacramentum; Quoties vero contingeret in hac Processione occurrere, & transire ita, ut conspiciatur facile Ostensorium, ab omnibus genuflectendum est, juxta Decr. S. R. C. Reliqua ita peragantur, quemadmodum supra exaravimus de asseruatione SS. Sacramenti.

Decreta S. R. Congregationis.

1. Quando exponitur Sacramentum in Altari pro initio 40. horarum, vel spiritualium exercitiorum, si accadat in Festo primæ, vel secundæ Classis, sive in Dominica privilegiata primæ, vel secundæ Classis, tunc in Collégiatis vel duæ cantentur Missæ, una de Festo, seu de Dominica, post Tertiam, altera Votiva de Sacramento post Nonam. Vel una cantetur de die cum Commemoratione SS. Sacramenti. S. R. C. 13. Februarii 1666. in Romana.

2. Missam in Altari majori, ubi est expositum publice SS. Sacramentum, (intellige in devotione 40. horarum) non licet celebrare, præsertim si in Ecclesia adint alia Altaria in quibus Celebrari possit. S. R. C. 9. Augusti 1670. in Bononien.

3. In Missis Votivis privatis de SS. Sacramento, & de Officio duplici, quæ celebrantur in Ecclesiis, ubi adest SS. Sacramentum expositum, occasione 40. horarum non dicitur *Credo* nisi aliter competat Missæ officii duplicis de die. S. R. C. 2. Decembris 1684. in una Canon. Regul. Lateranen.

4. In Missa privata de Sancto duplici, vel semiduplici, de quo tali die sit Officium, potest quidem fieri commemoratio de SS. Sacramento exposito occasione 40. horarum, sed omittenda in Festis primæ, & secundæ Classis. S. R. C. 2. Decembris 1684. in una Canon. Regul. Lat.

5. Durante expositione SS. Sacramenti occasione 40. horarum regulariter celebrari non potest Missa privata de Requiem, licet occurrat officium hujusmodi Missas admittens, neque cantari potest Missa Defunctorum, pro adimplenda mente Testatoris, sive Anniversario satisfaciendo, S. R. C. 2. Decembris 1684. in una Canon. Regul. Lateran.

6. Dum Missa cantatur coram SS. Sacramento in Altari exposito, debet fieri Commemoratio de eodem SS. Sacramento post omnes alias Commemorationes de præcepto, & in Mis-

376
Missis. Quamvis tantum primæ, & secundæ Classis est faciendæ
sub unica Conclusionē. S. R. C. 23. Junii 1736. in *Burgen.*

7. Commemoratio de SS. Sacramento in Missis privatis
potest fieri, quando ejus expositio fiat pro publica causa, etiam si
Sacramentum expositum sit in Pixide. S. R. C. 7. Maii 1746.
in *Versavien.*

8. Instructio pro Oratione 40. horarum Romæ, jussu sel:
rec: Clementis XI. primum edita, extra Urbem non obligat,
laudandi tamen, qui se illi conformare student. S. R. C. 12.
Julii 1749. in *ura Congr. Orat. S. Philippi Neri Civitatis Patavinæ.*

Reliqua huc spectantia videantur supra Sparsum in aliis Materiis.

F I N I S

PARTIS QUINTÆ.



PARS

Pro Usulatu Monasterii Plocen. Ord. Benedicti

ad Sctm

*Adalbertum
Ep. & Martyr.
in Arce.*



P A R S VI.

DE CÆREMONIIS MONASTICIS.

*C*ongrua scribendi ratio postulat, ut prælibatis Cæ-
remoniis communibus, & particularibus Eccle-
siasticis, tam Chori quam Missarum, ad ea quæ
speciatim in ordine, & Congregatione nostra enucleanda
occurrunt, accedamus: quamobrem non segniter manum
operi admoveere cupientes, specialiores Monasticas Cære-
monias pro viribus exprimere conati sumus: ut mandatis
Capituli Generalis in Monast: Tynecen: celebrati in o-
mnibus obtemperemus, ac menti ejus satisfaciamus. Sit
itaque.

C A P U T I.

Modus suscipiendi Candidatum in Sacrum Ordinem
nostrum.

*S*iquis ad ordinem nostrum Benedictinum aspiraverit, & ad Ha-
bitum suscipi rogaverit, Magister Novitiorum ex eo investiga-
re tenetur, de vocatione ad Religionem, quo illa motivo, in eo,
orta fuerit, an non ex coactione Parentum, aut consanguineorum,
quia talis vix, aut raro perseverare audeat in sancto proposito: An

A

non

non ex egestate, quia talis veniret magis propter esum, quam propter Isum: An non etiam ex timore alicuius pœnæ pro perpetrato delicto subsequenti? quia talis vocatio rarissime bono fine consumatur; debet enim vocatio esse voluntaria, ex instinctu sancti Spiritus procedens, et sine bono facta, scilicet zelo majoris laudis Divine, & motivo salutis animæ suæ. Facienda est præterea investigatio de vita, natalibus, moribus, et sufficienti literatura, aliisque qualitatibus Novitiorum. Ita declarat: Cassin: supra Reg: c. 58. n. 1.

Dicitur Candidatus, seu Aspirans inprimis scribat petitionem suam in aliqua scheda, ubi stylo Oratorio exprimat ardens desiderium humilemq; postulationem suam, ut possit in Congregatione suscipi. Hoc petatum legatur omnibus in Capitulo, ut ex illo possit cognosci literatura ejus. Tum exquisito ab omnibus de susceptione ejus consensu, vocari debet ad Capitulum; perductus ergo à Magistro suo, in medio Capitularium Patrum, et Fratrum genuflectere debet. Ubi à D Abbate, vel in ejus absentia à P. Priore interrogatus: QUID PETIS respondeat: MISERICORDIAM PETO à DEO, & à VOBIS PATRES ADMODUM REVERENDI. Deinde interrogatus à Superiore: QUAM AUTEM MISERICORDIAM PETIS? respondeat Aspirans: SI DEO PLECERET, ET VOBIS PATRES ADMODUM REVERENDI, CUPEREM IN ISTA RELIGIONE SALVARE ANIMAM MEAM. INTER IPSORUM ANIMAS. Tum superior adhortetur Candidatum; his ex V. Ludovico Bloso Abb: Latiensi, vel similibus verbis:

Charissime! si in fraternitatem nostram assumi, & sub jugo Regulæ Benedictinæ in Monasterio vivere, Christoq; Domino servire desideras; oportet inprimis ut opere compleas quod dicit Salvator:

Qui

Qui vult venire post me, abneget semetipsum, & tollat Crucem suam quotidie, & sequatur me. Si igitur paratus es propter DEUM omnia dimittere, & teipsum abnegare verè; Si paratus es penitus relinquere voluntates tuas, & frangere, quantum in te est, tuas vitiosas inclinationes & passionēs; si paratus es viriliter abrenuntiare omnibus sæculi pompis, voluptatibus, illecebris: Si paratus es cum DEI adjutorio relinquere omnem superbiam fastum, ac quælibet humilia, simpliciaque amplecti: Si paratus es propter amorem Christi sustinere increpationes, injurias, tentationes, variasque Corporis, & Cordis molestias, atque pressuras; Si, inquam, paratum te sentis ad omnia hujusmodi complenda, ac toleranda, securus Monasticam conversationem assumere potes, confidens de benignissima DEI misericordia; alioquin si non es paratus ad omnimodam tui de-

relictionem, non expedit, ut Religionem
irreligiosè ingrediaris In Monasterio non
tuo, sed alieno arbitrio vivere, & in omni-
bus humilè obedientiā exhibere debebis.
Quando aliquid tibi præcipietur secundū
DEUM, & sacræ Religionis convenientiā
oportebit, ut illud sine contradictione, a-
ut murmure perficias. Quando optabis
quiescere forte fatigaberis laborib9; quan-
do ad sublimia te præparabis, forte deiici-
eris ad infima; breviter, quando hoc, vel
illud facere volueris, forte dicetur tibi, ut
quid aliud facias, & in omnibus adniti de-
bebis, ut promptissimè sequaris volunta-
tē præcipientis. Neq; aliquando dicere
poteris: In his paratus sum obtemperare,
sed in illis obtemperare nolo; Oportebit,
ut simpliciter obtemperes in omnibus,
quæ rationabiliter præcipientur, & quæ
non sunt in se mala, vel sanctæ Professio-
ni contraria. Tu quidem diversas tri-
bulationes, & difficultates frequenter
fin-

senties, in hujusmodi confractione voluntatis, & inclinationum tuarum: sæpe diabolus, sæpe caro, vel homines verum DEI timorem non habentes tibi suggerent, ut murmures, & contradicas, sed necesse erit te pariter perseverare in sancto proposito, & pessimas suggestiones repellere. Non iam tibi licitum erit superflua, delicataq; intemperativè requirere, non erit licitum inhonestis dissolutionibus, vel cæteris ineptitiis remissioris vitæ vacare; sed relicta prorsus lubricitate, & vanitate mundi, relicta latâ viâ sæcularium, debebis per arctam, & laboriosam pænitentiae viam incedere omnibus diebus vitæ tuæ. Debebis penuriam rerum necessariarum sustinere, frequenter jejunare, perpetuam Castitatis integritatem servare, orationibus, meditationibus, sacrisque lectionibus insistere, taciturnitatis, et silentii disciplinam observare, vitam à sæcularium

um confortio abstractam ducere, Monasterium raro egredi, nullam omnino rem, quantumvis modicam, proprietarie habere, puritati cordis jugiter studere, sola caelestia quærere, die, ac nocte infatigabiliter Officio, Ministerioq; Divino assistere, sive sit æstus, sive frigus: denique omnib9, quæ sacræ Religioni conveniunt, fideliter adhærere, & cuncta, quæ ei contraria sunt prudenter, & generose reiicere. Ardua sunt ista, fateor: verumtamen non te absterreant prædictæ difficultates, sed tu, de te prors9 diffidens, in Dno JESU omnem tuam fiduciam repone; Ipse enim confirmat debiles, & erigit jacentes. Ipse aspera reddit plana, & amara convertit in dulcia; Ipse ea, quæ hominib9 importabilia videntur, non solū facillima, sed etiā jucundissima per suā gratiā efficit; Ipse est, qui dixit: Venite ad me omnes, qui laboratis, & onerati estis, & ego reficiam vos. Tollite jugum meum super vos, et discite à me, quia mit-

mitis sum, & humilis corde, jugum enim meū suave est, & onus meū leve. Aditus viæ salutaris plerūque angustus, tristis, & difficilis est, sed postea crescente amore Divino, cordeque per Charitatem se dilatante, cum inenarrabili gaudio perficitur iter mandatorum DEI. Jam ergo, si suave Christi jugū tollere, & onus ejus leve subire desideras; si sacram SS Patris nostri Benedicti Regulam, saluberrimas Congregationis nostræ constitutiones, & disciplinam Monasticam rite observare, ac custodire velis; ac demum, si verè DEUM in sacra Religione quærere intendas, patet sacræ Religionis janua; si nolis, adhuc potes liber discedere.

Candidatus audita exhortatione si constans steterit dicat:

De Divina Milericordia, et vestro auxilio confusus, spero, fore, ut omnia observem secundum possibilitatem, et vires meas:

Postea Superior annuat ei dicendo: FIAT TIBI, SICUT PETIS & ROGAS.

Et statim proponat ei, qui in vestibus sæcularibus adhuc ad probandum spiritum permanebit ad XV. dies sicq; Chorum, et Refectorium cum aliis frequentabit, ut interim possint eius mores, considerari ab omnibus. Ita Declar: Cassin. super Reg: c. 58 n. 4. et 5.

Die vero Decimaquinta à susceptione sui, antequam Aspirans Habitu Monachali indutus fuerit à superiore inquirendus est: AN FIRMITER CONSTITUERIT SECUM, VITAM MONASTICAM SUB REGULA SANCTI BENEDICTI DEINCEPS AMPECTI? Quo annuente, Magister Novitiorum adducet ad eum Barbitonsorem, ut persistenti in vocatione sua Caput, & barbam ad normam aliorum Religiosorum radat. Et postea deducatur Candidatus ad Chorum, vel ad locum Capituli, in quo et non in Ecclesia, congregatis omnibus de Communitate, D. Abbas indutus supra Rochettum stola, & Pluviali: aut in absentia ejus P. Prior indutus superpelliceo, Stola, & Pluviali, coloris albi ante Altare, consistet, cæremonias Investituræ peracturus, ubi aliquot Candelæ accendi debent.

Hoc tamen summopere vitandum est, ne hæc Cæremonia induendi Novitii peragatur in Ecclesia, nam plures Congregationes Ord: nostri Benedictini, non alicubi, quam in Choro seorsivo aut loco Capitulari dictam persolvunt investituram, ut patet ex Cærem: Bavar: P. IV. §. I. pag: 181. & Cærem: Monast: Congr: Mont: Serr: P. II. dist: 3. c. 3. n. 2. & 4. Ideoque & nos in incluta Congregatione Benedictino-Polona abstinemus ab illo actû publico, cum sæpius hic investituræ actus frustratur suo effectu.

C A P U T II.

Modus induendi Candidatum in S. Ordinem nostrum susceptum.

Paratus itaque Prælati facta reverentia Cruci, progreditur ad salsistorium paratum, si D. Abbas, in cornu Evangelii, si P. Prior, in cornu Epistolæ, ubi sedet, donec Candidatus indutus veste

veste nigra tantum, habens superiorem vestem sæcularem, cum Pileo sæculari, accedat ad locum peragendæ Cæremoniæ, ibiq; genuflectat. Tunc Prælati deposita Mitra surgens, atq; seipsum signans à fronte usque ad pectus dicit:

✠. Adiutorium nostrum in Nomine Domini.

R. Qui fecit cælum, et terram.

✠. Salvum fac servum tuum.

R. DEUS meus sperantem in te.

✠ Ostende ei Domine misericordiam tuam.

R. Et salutare tuum da ei.

✠. Esto ei Domine turris fortitudinis.

R. A facie inimici.

✠ Nihil proficiat inimicus in eo.

R. Et filius iniquitatis non apponat nocere ei.

✠ Mitte ei Domine auxilium de Sancto

R. Et de Sion tuere eum.

✠. Domine exaudi orationem meam.

R. Et clamor&c: ✠ Dominus vobiscum.

R. Et cum Spiritu tuo.

OREMUS.

DEUS qui nos à sæculi vanitate convertos, ad bravium supernæ vocationis accendis, et qui renuntiantibus sæculo, mansiones paras in Cælo, Famuli tui N. cor cælestibus bonis accende; ut fraterna nobiscum teneatur compagine charitatis, unanimis Regularia Instituta custodiat, sobrius, simplex, et quietus, gratis sibi datam, suæ conversionis gratiam, cognoscat, eiusque vita sentiat in opere. Per Christum Do: &c. & Amen.

OREMUS

DO nine JFSU Chritte Dux, et fortitudo nostra, tibi humiliter supplicamus, ut famulum tuum N. quem sancte compunctionis ardore, ab hominum cæterorum propolito, separasti à conversatione carnali, et ab immunditia terrenorum actuum; insulâ ei celitùs sanctitate discernas, et gratiam, qua in te perseveret, infundas: ut protectionis tuæ
mu-

munitus sublidis, quod, te donante, desiderat, te roborante, opere compleat, et suæ conversionis executor existens, ad ea, quæ perseverantibus promittere dignatus es, pertingere mereatur. Qui vivis, & regnas in sæcula sæculorum. R. Amen.

OREMUS.

DEUS qui beatissimum Patrem nostrum BENEDICTUM abstractum à mundi turbinibus, tibi soli militare iussisti: tribue quæsumus, huic famulo tuo N. sub eius Magisterio ad tuum servitium festinanti, perseverandi constantiam, et perfectam usque in finem victoriam. Per Christum Dominum nostrum. R. Amen.

His dictis, et omnibus genuflexis. Prælati etiam genu flexit, et incipit Hymnum. VENI CREATOR SPIRITUS &c. Ad cuius primam stropham omnes manent genuflexi, qua finita, omnes surgunt, et perficiunt Hymnum, Prælati vero statim benedicit scapulare cum Caputio in hunc modum

& Dominus vobiscum.

R. Et cum Spiritu tuo

[B2]

ORE.

OREMUS.

DEUS æternorum bonorum fidelissime promissor, et certissime persolutor, qui vestimentum salutis, et indumentum jucunditatis tuis fidelibus promissisti; clementiam tuam humiliter exoramus: ut hæc indumenta, humilitatem cordis, et contemptum mundi significantia, propitius bene ✠ dicas; ut beatæ abnegationis Habitum, quem, te aspirante, suscipit, te protegente custodiat, ut quem vestibus venerandæ Religionis induis temporaliter, beata facias immortalitate vestiri. Per Christum Dominum nostrum. R. Amen.

Et aspergit aqua lustrali scapulare nihil dicens, postea sedet Prælati cum Mitra, Et accedentem Candidatum, ac genuflexum, exuit Superiorem Sæculari veste, dicens:

Exuat te Dominus veterem hominem cum actibus suis.

Induit tandem eum scapulari cum Caputio dicens:

Induat te Dominus novum hominem, qui secundum DEUM creatus est, in iustitia, & sanctitate veritatis.

Post

*Post hæc tribuit illi in manus Regulam SS. Patris BENE-
DICTI, dicens:*

Ecce Lex. sub qua militare vis, vide, ut non
solum auditor, verumetiam factor illius esse possis.

His completis Prælatus deposita Mitra surgit, et dicit:

✠. Dominus vobiscum. R. Et cum Spiritu tuo.

OREMUS

Dignare Domine famulo tuo N. renun-
tianti sæcularibus pompis gratiam tu-
am tribuere, qui pro amore JESU Chri-
sti Filii tui, comam capitis sui depolu-
it, & Habitum ordinis Sancti Patris Be-
nedicti suscepit; conserva in eo, spiri-
tum perseverantiæ in bono, & eum à
mundi impedimento, ac omni sæculari
desiderio custodi, atque cor eius defen-
de, ut sicut in vultu immutatur exteriùs,
ita dextera tua ei virtutis tribuat incre-
mentum interiùs. Per eundem Chri-
stum Dominum nostrum. R. Amen.

ORE.

OREMUS.

Dignare Domine famulo tuo N. renuntianti sæcularibus pompis gratiæ tuæ januas aperiri, qui despecto diabolo confugit sub titulum Christi; jube eum, venientem ad te, sereno vultu suscipi, ne de eo valeat inimicus triumphare: tribue ei brachium infatigabile auxilii, & mentem eius fidei lorica circumda, ut pericula cuncta, & diaboli tentamenta, se gaudeat evasisse. Per eundem Christum Dominum nostrum. R Amen.

Tum Prælati, sedens cum Mitra, quærit ex candidato QUOMODO VOCARIS?

Novitius respondet, exprimendo Nomen, quod in sæculo habuit: N N. EST NOMEN MEUM.

Et D. Abbas declarando aliud Nomen in Ordine, dicat ei: NEQUAQUAM VOCABERIS AMPLIUS NN. SED NN ERIT NOMEN TUUM. Deum Prælati surgit, & cum Mitra benedicit Novitium dicens:

BENEDICTIO DEI OMNIPOTENTIS, PATRIS, & FILII, & SPIRITUS SANCTI, DESCENDAT SUPER TE, & MANEAT SEMPER. R. Amen.

Novitius accepta benedictione, osculatur manum Prælati, & cum P. Magistro suo qui semper in talibus adf. debet, revertitur ad chorum, ubi facta Confessione, in Missa Conventuali sumet Communionem.

No-

Notandum tamen, quod prædicta Candidati investitura tempestivè peragi debeat, ante Tertiam, ut habeat Novitius tempus absolvendæ Confessionis Sacramentalis, & sit paratus in Missa Conventuali sacram Synaxim sumere.

Quæcunq; hic dicta sunt, aut erunt de Prælato, intelligenda sunt etiam de P. Priore, ex commissione D. Abbatis, dictam Cærimoniam peragente, eo tantum excepto, quod ubi dicitur: deponit Mitram vel accipit Mitram, non potest intelligi de Berreto, sed totam investituram aperto capite peragere debet. Et in fine benedictionem cum unica tantum Cruce tribuet dicens: BENEDICTIO DEI OMNIPOTENTIS, PATRIS, & FI-LII, & SPIRITUS SANCTI, descendat super te, & maneat semper, R. Amen.

CAPUT III.

Modus præparandi, ac suscipiendi Novitium ad futuram sacram Professionem.

Postquam duobus mensibus primis perlecta, & explanata fuerit Novitio S. Regula, iuxta eiusdem Reg: cap: 58. mandata, interrogari debet in Capitulo de perseverantia, sicut & Communitas investigari debet de defectibus, si quos observavit in illo. Itaq; facta omnium in Capitulo decisione, vocetur Novitius, qui veniens in medium congregatorum Capitulariter, genuflectat. & à D. Abbate, vel in loco eius à P. Priore interrogetur his, vel similibus verbis:

Frater N. iam aliquomodo vidisti rationem vivendi, quam tenemus, dum in nostro Cætu hætenus fuisti; simul etiam vidisti, legisti, & expendisti Regulam SS. Patris nostri BENEDICTI,

se-

secundum quam vitam instituere debes; Quapropter siue in sententia persistas, siue non, dicito nobis; utique tibi datur optio, si potes observare Regulam, ingredi, si vero non potes, liber discede.

Si Novitius decreverit perseverare, respondeat cum omni modestia.

MEA VOLUNTAS EST, & FIRMITER MECUM, ADIUVANTE DOMINO, CONSTITUI, PERSEVERARE IN ISTO SANCTO HABITU OMNIBUS DIGNUS VITÆ MEÆ: Cui D. Abbas: DOMINUS NOSTER IESUS CHRISTUS ADAUGEAT TIBI FRATER GRATIAM SUAM, UT QUOD ORE EXPRESSIS, OPERE COMPLEAS, VERUMTAMEN: &c.

Hic exprobrentur ei defectus, in quibus à Communitate fuit accusatus, & reprehendatur serio, assigneturq; ei aliqua penitentia ad probandum Spiritum, sine qua nunquam dimittatur ex capitulo, licet nulli in ea conspiciantur defectus. Ad gratias tamen agendas V. Communitati pro eo, quod illum in ulteriori relinquat probatione, semper adigatur. His peractis recedat in pace.

Exactis deinde sex mensibus aliis, addoq; octo à sumpto Habitu, item prorsus fiat cum dicto Novitio quæ supra declaravimus, ex Cærem. Monast. Congr. Mont. Serr. P. II diff. 3. c. 4. n. 16 17. ad mentem tamen sacre Regulæ Cap. 58.

Completò Novitatus Annò, instituitur Capitulum à D. Abbate, vel ex ejus commissione à P. Priore, ubi vocatus F. No-

Novitius primariò, procidat in genua, & faciat petitionem in sequenti forma: Reverendissime ac Amplissime Domine Domine Præful! Admodum Reverende ac Venerabilis Pater Prior! cæterique multum Reverendi, ac Religiosi Patres, & Fratres! steti, licet indignus, cum adjutorio cælestis gratiæ, per annum, in probatione Monasticæ conversationis, & quamvis me talem non exhibuerim, sicut debui; nihilominus cum sperem, cum eadem gratia Dei vitam, moresque meos in melius commutare, humillimè supplico, ut me purè propter DEUM ad Professionem sanctæ Regulæ, & sacre vestræ Congregationis incorporationem suscipere dignemini.

Post hanc petitionem D. Abbas pauca de severitate status Religiosi, & ad quid emissæ sacre Professione obligetur, subjungat; & expresse ei significet, quod non solum ad Regulam, sed etiam ad Constitutiones Congregationis nostræ profiteri teneatur & hoc in sequenti forma fieri possit:

Humilis petitio tua, Fili Charissime! perennem in nostram Fraternitatem admissionem continet, qua non solum sanctam SS. Legislatoris nostri BENEDICTI Regulam, sed et Constitutiones, ac statuta almæ Congregationis nostræ Benedictino-Polonæ servare promittis. Deinceps ergo Christo ve-

ro Regi militaturum, te obedientiæ fortissima, atque præclara Arma assumere oporet, propriis voluptatibus abrenuntiando, ut si aliquando aliter feceris, quàm in sacra Professione promiseris, ab eo te damnandum scias, quem irrides. Mollia, & commoditates in sacra Religione non quæras, sed per dura, & aspera itur ad DEUM. Hac docet S. Regula, quã latis, & considerare perlegisti, sub qua militare de cætero desideras; nec minùs per annum Novitiatûs eiuldem observantiam expertus es. Si igitur potes eam observare, ingredere; si verò non potes, liber discede. Jam nunc foras egredere, & expecta, quid circa admissionem tuam statuendum sit.

Post discessum Novitii, fiat consilium in Capitulo de eius admissione ad sacra Professionem, nec facilem tribuant ei ingressum, qui forte durante probatione, dimissionem petiit. Et non obtinuit; ne facta Professione eveniat casus insanabilis. Si vero dignus inventus, Et per maiora vota Capituli admissus sit. iterum vocetur, Et genuflexus à D. Abbate adhuc admoneatur in hæc, vel similia verba:

Cha-

Charissime Frater! licet his & his (obiciantur ei de fa-
ctus à V. Communitate observati) defectibus vitam de-
 turpes Religiosam, Confidendo tamen ego, cum Ve-
 nerabili Communitate de tua emendatione, quam
 spondidisti in humili petitione tua, non denegamus
 tibi consensum ad emittendam Professionem. Verum-
 tamen duo tibi ob oculos ponimus: (*hic demonstrat*
ei D. Abbas ex una parte positum Habitum Monachalem, ex
altera autem parte vestes sæculares, quas secum ad Monasterium
Novitius attulit) aut Habitum SS. Patris nostri Be-
 nedicti eligas, & mundo, cum omnibus suis oble-
 ctamentis valedicas; aut tuis vestibus sæcularibus
 indutus, ad sæculum redeas.

Ad quæ Novitius perseverans respondeat: Sæculum
 cum omni pompa sua sperno, igitur ad illud redire
 nolo. *Quum rursus D. Abbas interroget:* Quid ergo pe-
 tis? *Et Novitius respondeat:* Sacram Professionem peto;
 cupio enim per celestem gratiam auxiliumque Divi-
 num vivere, & mori in habitu Sanctissimi Patris Be-
 nedicti. *Tum D. Abbas dicat ei:* Quia per cælestem
 gratiam desideras vivere, & mori in Habitu SS. Pa-
 tris nostri Benedicti, fiet tibi, ut petisti.

*Et statim D. Abbas designabit ei diem, emittendæ sacre Pro-
 fessionis, ad quæ ut se per ordinata sacra Exercitia studiose dispo-
 nat, mandabit, interim pro defectibus assignet ei salutarem penitenti-
 am, non jam aliam, quam in sacris precibus e. g. Coronam,
 vel Rosarium, aut Psalmos Penitentiales, sive Psalmos Gradua-
 les, aut etiam Officium Defunctorum. Et dimittat eum in pa-
 ne non tamen sine gratiarum actione Communitati, pro sua admissio-
 ne ad S. Professionem. Hæc supra dicta excerpta sunt ex Cæ-
 rem: Monasti: Benedictino, Congreg: Bavaricæ P IV § 2.
 & 3.*

O R A T I O N E S

*Dicenda triduo à Professione, pro Neo-Professis, in
his Missis, in quibus Communionem sacram sumpturi
sunt.*

O R A T I O.

OMnipotens sempiterne DEUS, qui
nos, arctam, & angustam viam ius-
sisti arripere; famulum tuum de hujus
sæculi periculis ad te confugientem, pro-
pitius respice: & delictorum pœnam,
qua se constrictum lentit, clementer dis-
rumpe, & perseverantiam boni operis
ac præmia ei æterna largire. Per Do-
minum nostrum, &c.

Secreta.

Munera, quæsumus Domine, famuli tui
dignanter respice, & quem desiderio
æternæ beatitudinis à mundano segregasti
proposito, etiam à carnali delectati-
one, & omnibus antiqui hostis insidiis po-
tenter defende. Per Dominum no-
strum &c.

Post.

Postcommunio.

H Æc nos, quæsumus Domine, Divini
Sacramenti perceptio à nostris mun-
det offensis; & famulum tuum à munda-
nis pravitatibus & ab omnibus tumult-
uum delectationibus clementer eripiat.
Per Dominum nostrum, &c.

CAPUT IV.

Modus solemniter Profitendi.

DIE, quando Novitius, finito Anno probationis profiteri
debet, si D Abbas non sit celebraturus, alius sacerdos præ-
paret se ad Missam celebrandam solemniter, quæ erit de Fe-
sto occurrenti, vel de Dominica; non enim potest aliqua Missa
Votiva solemniter dici, cum id prohibeat S. R. C. sequen: Decr:
Receptio ad habitum, & ad Professionem Religiosam sub
re gravi numerari non potest, ut ex consuetudine can-
tari possit Missa votiva solemniter, etiam de spiritu Sancto,
in Dominicis, vel Duplicibus. & hic abusus omnino est dero-
gandus S. R. C. 24. Julii 1683 m. Kuremunden. P. vero spi-
ridion Talu declarat, quod licet non possit in Dôm: vel Duple:
cantari Missa votiva, potest tamen in semiduplicibus, sed sine Glo-
ria & Credo ut habet Rubr: Miss: de Miss: Votiv:

Pro noviter tamen Professis potest addi Collecta in Missa
Ultimò loco, non tantùm in eâ, in qua emissum sunt præj: sionem.
verùm in duabus subsequentibus, in quibus S. Synaxim sunt rece-
pturi; eruntque hi dies tres continui à Professione. D.ætæ autem
Collectæ supra exaratae, si pro pluribus dici debeant, in Numero plu-
rali

rali formentur, si vero pro uno, in numero singulari ut sunt impressæ exprimantur.

Ad emittenda solemniter Vota, præparari debet sedes, seu faldistorium pro D. Abbate, vel P. Priore, in loco solito, & super Credentiam vas aquæ benedictæ, cum aspersorio. Insuper Vestes Neo-Professi benedicendæ, scilicet scapulare cum suo Caputio, & Cuculla. Tum seorsivè præparentur 4. Candelabra cum Cereis, & Pannus niger Mortuorum, cum pulvinari, atramentarium cum Calamo, ad signandum Chirographum Professionis, Regula Sacra, cum Constitutionibus Congr. Ben: Pol. atq; hoc Cærem: Monast.


Dicto itaq; offertorio, facta Oblatione, incensatisque oblatiis, D. Abbas, si non ipse celebraverit, in sacristia sumet Sacra Paramenta, scilicet: Amictum, Albam, Cingulum, Crucem pectoralem, stolam, & Pluviale, & super imposita Mitra, ac Pedito assumpto, comitantibus Ministris proportionatis, accedet ad Altare. Ubi Sacerdos Celebrans secedet ad cornu Epistolæ, ibique sedebit, Ministri vero sacri D. Abbati assistent.

Prælati ut pervenerit ad Altare, deponit Mitram, & facta debita Cruci, vel Tabernaculo reverentia, accedit ad faldistorium in latere Evangelii sibi præparatum, ubi sedet cum Mitra; Interim Magister Novitiorum Cucullatus, una cum socio pariter cucullato, deducet Novitium ad Professionem, inter se medium. Et dum ducitur Novitius paulatim, ad cantum versuum paululum subsistendo, inchoante Prælato cantantur sequentia.

D. Abb:



Veni... te Chorus Be-ne-di-cam Dominum




in omni tempore; semper laus eius in ore meo. D.

Ab:



Abb: Veni --- te. *Chor:* In - De --- mino laudabitur



anima mea: audiant mansueti & lætentur.



D. Abb: Veni --- te Fi --- li *Chor:* Ma - gnifica - te



Dominum mecum: & exaltemus nomen eius in



idipsum. *D. Abb:* Au --- di - te - me. *Chor:* Ex - qui - si -




vi Dominum, & exaudivit me: & ex omnibus tribu-



lationibus meis, eri-puit me. *D. Abb:* Ti - mo - rem


Do-



Do - mini do - cebo vos. *Chorus.* Acce - dite ad eum,



& illu - minamini: & facies vestrae non confun -



dentur.

Et Novitius constitutus ante medium Altaris in plano, aperto capite, facta genuflexione cum profunda capitis inclinatione, erigit se & facta Praelato profunda reverentia, stans in medio Magistri sui, & socii eius, legat Chirographum Professionis suae, in sequenti forma:

Hoc tamen adhuc notandum est, quia pro tunc nec debet aperiri ostium Tabernaculi SS. Sacramenti (ut quidam praetendunt) nec pro hoc actu omnino exponi, alius fieret pluries irreverentia Sacramento. Cum enim Credamus, Deum ubique praesentem esse, multo magis in Domo orationis quicum videat abscondita cordis, magis audit expressionem oris.

FORMA

Forma Professionis.

In Nomine Domini nostri JESU Christi. Amen.

A NNO à Nativitate eiusdem (e.g.) Mille-simò septuagentesimò, septuagesimò septimò Die N. Mensis N. Ego N. N. (hic exprimitur locus Nativitatis suae scilicet Diocesis, & Palatinatus, vel Districtus aut Terræ, seu Regionis) promitto stabilitatem meam, & conversio-

nem morum meorum, & obedientiam secundum Regulam sanctissimi Patris, ac Patriarchæ nostri Benedicti, coram DEO, & omnibus Sanctis, quorum Reliquiæ habentur in hoc Monasterio N. in præsentia Reverendissimi & Perillustis ac Amplissimi Domini Dñi N.N. Abbatis. N. & Admodum Reverendi in Christo Patris N.N. Prioris eiusdem Monasterii, Congregationis Benedictino Poloniæ. Ad cuius rei fidem hanc petitionem propria manu subscripsi. Anno, et die, quibus supra

Perlecto Chirographo Novitius, accedat cum eo ad Prælatum, ante quem genuflexus ponat schedam in gremio eius, ibiq; accepto Calamo cum Atramento sub prædicta forma Professionis faciet signum ✕ notabile. Postea deosculata manu Prælati, accedet ad Altare, quod osculabitur in medio, & relinquens Chirographum in eodem Altari, ad cornu Epistolæ, ipse revertetur ad Planum, & in infimo gradu genuflexus. D. Abbas sedet toto hoc tempore, & dum Neo-Professus ponit schedulam in gremio eius, ipse in duabus superioribus extremitatibus, utraq; manu ita tenet, ut reliquum Chirographi sit supra genua positum.

Genuflexo Neo-Professo, Prælatus surgit deposita Mitra, & signando se à fronte ad pectus, dicit:

✕. Sit nomen Domini benedictum.

℞. Ex hoc nunc, et usque in sæculum.

✕. Adjutorum nostrum in Nomine Domini.

℞. Qui s.cit Cælum, & terram.

OREMUS.

FRatres charissimi, ut quod Frater iste ore professus est, opere feliciter compleat, auxiliante Domino nostro JESU Christo, qui cum Patre, & Spiritu Sancto vivit, & regnat DEUS in sæcula sæculorum. *R. Amen.*

Hac oratione d.ſſa Prælatus sedet cum Mitra, & Neo-Professus erigit se. & extensis brachiis in modum Crucis decantat:

Suscipe me Domine secundum eloquium tuum, & vivam:*

Et cum hæc dixerit, statim jungat ante pectus manus suas. & genuflexus prosequitur:

Et non confundas me ab expectatione mea.

Quo dicto osculatur terram. & permanet genuflexus, quousq; Chorus eundem Versum totum repetierit. Et surgens iterum, atque tertio repetat eadem verba eodem ordine, ac Cæremonia, semper paulo altius elevando vocem, in tono eo, qui ipsi melius placuerit quod idem repetatur à Choro, etiam trina vice. adjunctis ad ultimam vicem à Choro ꝑꝑ.

Suscepimus DEUS misericordiam tuam: in medio templi tui.

Gloria Patri, & Filio: & Spiritui Sancto.

Sicut erat in principio, & nunc & semper: & in sæcula sæculorum Amen.

His peractis, Prælatus deposita Mitra, surgit, & dicit:

ꝰ Dominus vobiscum. *R. Et cum spiritu tuo*

ORE.

OREMUS

OMnipotens sempiterne DEUS, cuius charitatis ardore accensus hic famulus tuus, stabilitatem suam tibi in hac Congregatione promittendo, tuo iugo collum submittit; concede propitius: ut in ultimo tui examinis die, in dextera tua collocatus, cuncta devotionis suæ promissa se adimplevisse lætetur. Per Christum Dominum nostrum. R. Amen.

OREMUS.

Deus indulgentiarum Pater, qui severitatem tuæ discretionis temporans indulgisti, ne Filius portaret iniquitatem Patris, & qui mira dispensatione etiam malis benè utens, tuæ dignationis gratiam per eos frequenter operaris; quæsumus clementiam tuam, ut huic famulo tuo non obsistat, quod Habitum Religionis per nos, tanta, ac

tali re indignos accipiat, sed Ministerium, quod per nos exterius exhibetur, tu interius per donum sancti spiritus exequaris. Per Dominum nostrum JESUM Christum Filium tuum qui tecum vivit & regnat in unitate eiusdem Spiritus Sancti DEUS, per omnia sæcula sæculorum. & Amen.

OREMUS

DEus, qui per Coæternum Filium tuum cuncta creasti, quique mundum peccatis inveteratum per Misterium Incarnationis eius renovare dignatus es; te suppliciter exoramus: ut eiusdem Domini Nostri gratiâ, super hunc famulum tuum, abrenuntiationem sæculi profitentem, clementer respicere digneris, per quam spiritu mentis suæ renovatus, veterem hominem cum actibus suis exuat, & novum, qui secundum

DE-

DEUM creatus est, induere mereatur.
Per eundem Christum Dominum no-
strum. R. Amen.

OREMUS

Domine JESU Christe, qui es via,
line qua nemo venit ad Patrem,
quæsumus benignissimam clementiam
tuam; ut hunc famulum tuum à carna-
libus desideriis abstractum, per iter di-
sciplinæ Regularis deducas: & qui pec-
catoribus veniam dedisti, dicens: Ve-
nite ad me omnes, qui laboratis, & one-
rati estis, & ego reficiam vos: præsta,
ut hæc vox invitationis tuæ ita in eo
convalescat, quatenus onera peccato-
rum deponens, & quàm dulcis es, gu-
stans, tua refectione sustentari mereatur;
& sicut attestari de omnibus ovibus tu-
is dignatus es, agnosce eum inter oves
tuas, & ipse te agnoscat, ut alienum
non

non sequatur, sed Te: neque audiat vocem alienorum sed Tuam, qua dicis: Qui mihi ministrat, me sequatur. Qui vivis & regnas Deus in sæcula sæculorum. & Amen.

OREMUS.

Sancte Spiritus, qui te DEUM, ac Dominum revelare dignatus es mortalibus, immensæ tuæ pietatis gratiam postulamus; ut sicut, ubi vis, spiras, sic & huic famulo tuo affectum devotionis indulgeas. Et quoniam tuâ sapientiâ est conditus, tuâ quoque Providentiâ gubernetur; quem iuxta tibi consuetam gratiam, unctio tua de omnibus doceat, & per intercessionem beatissimi Patris nostri Benedicti, quem præcipuum sanctæ huius institutionis Legislatorem dedisti, nec non & aliorum Sanctorum, ad quorum nomina petitionem facit, eum à va-

nita-

nitare sæculi veraciter converte. Et sicut es omnium peccatorum remissio, deprimentes impietatis obligationes in eo dissolve, & ad observantiam huius sancti propositi fac eum certatim fervere, ut in tribulationibus, & angustiis tua indeficiente consolatione valeat respirare, & iuste & pie per veram humilitatem, atque obedientiam in fraterna charitate fundatus, quod te donante hodie promittit, felici perseverantia compleat. Qui cum Deo Patre, Sanctoq; unigenito Filio eius Domino nostro JESU Christo vivis, & regnas Deus per infinita sæcula sæculorum. R. Amen.

Completo orationibus D. Abbas permanens sine Mitra. vertit se ad benedicendum indumenta Monachalia (quæ ab aliquo Ministro sustentantur, & non supra Altare ponuntur) & dicat: V. Dominus vobiscum. R. Et cum Spiritu tuo.

OREMUS.

Domine JESU Christe, qui tegumentum nostræ mortalitatis induere dignatus es

es: obsecramus immensam tuæ largitatis
abundantiam; ut hoc genus vestimenti,
quod sancti Patres, ad innocentiae, & hu-
militatis indicium abrenuntiantes sæculo,
ferre sanxerunt, ita bene tibi dicere, & san-
cti tibi tibi care digneris, ut hic famulus tuus
qui hoc usus fuerit indumento, te quo-
que induere mereatur. Qui vivis &
regnas cum DEO Patre, in unitate Spiri-
tus Sancti DEUS. Per omnia sæcula sæ-
culorum. R. Amen.

OREMUS.

DEUS æternorum bonorum fidelissime
promissor, & certissime persolutor,
qui vestimentum salutis, & indumentum
iucunditatis tuis fidelibus promissisti; cle-
mentiam tuam humiliter exoramus: ut
hæc indumenta, humilitatem cordis, &
contemptum mundi significantia, propi-
tius bene tibi dicas, ut beatæ abnegationis
Habitum, quem te aspirante suscepit, te
pro-

protegente custodiat; ut quem vestibus
venerandæ Religionis induis tempora-
liter, beata facias immortalitate vestiri.
Per Christum Dominum nostrum. R.
Amen.

OREMUS.

Domine DEUS bonarum virtutum da-
tor, & omnium benedictionum lar-
gus infusor, te suppliciter deprecamur; ut
has Vestes, quas famulus tuus. pro indi-
cio agnoscendæ Religionis induere vult,
ut inter reliquos Fratres tibi cognosca-
tur dicatus, bene✠dicere, & sancti✠fica-
re digneris. Per Christum Dominum
nostrum. R. Amen.

*Et statim D. Abbas posito. ac benedictio incenso in thuribulo.
accipit aspergillum. aspergit Vestes & Novitium dicendo: In no-
mine Patris, & Filii, & Spiritus Sancti, Amen.*

Insuper ter adolet incenso, vestes, nihil dicendo.

*Postea omnibus genuflexis, Prælatus stans sine mitra, ante me-
dium Altaris inchoat.*

Hymnum. Veni Creator Spiritus. &c

*Quo intonato, etiam Prælatus genui et t. usq; ad finem primæ
Strophæ; postea surgit, & sedet cum Mitra. Tum a cedentem
Neo-Profeßum ad se, excutit latus Vestibus, scilicet Cinctura, seu*

)E(

Ma-

Mantello (quo in Processionibus Novitii uti debent, iuxta declar: Cassia: supra Reg: cap: 58 n. 8.) & dicit clara voce:

Exuat te Dominus veterem hominem cum actibus suis.

Et induendo eum scapulari benedictio dicat:

Induat te Dominus novum hominem, qui secundum DEUM creatus est in sanctitate, & iustitia veritatis.

Deinde imponendo ei Cucullam, seu Thogam, & Caputium, Prælatus dicit:

Accipe hoc indumentum salutare, quod Sanctus Pater BENEDICTUS illæsum custodivit, ut per eiusdem imitationem, ipsius cætui aggregatus, ante Tribunal Christi valeas perenniter gaudere. Per eundem Christum Dominum nostrum R. Amen.

Deniq; D. Abbas porrigat ipsi sacram Regulam, una cum Constitutionibus Congregationis Benedictino-Polona dicens:

Ecce Lex, sub qua militare vis, vide, ut non solum auditor, verum etiam factor illius esse possis.

Chorus, non attendendo ad ea, quæ modo declarata sunt continet in cantu prædictum Hymnum. His autem omnibus per actis, D. Abbas, respondente Choro, prosequitur:

Kyrie eleyson, Christe eleyson, Kyrie eleyson.

Pater noster, reliqua secreto usque ad:

Ÿ. Et ne nos inducas in tentationem

R. Sed libera nos à malo.

Ÿ. Adiutorium nostrum in Nomine Domini.

R. Qui fecit cælum, et terram.

Ÿ.

Ÿ. Salvum fac servum tuum.

℞ DEUS meus sperantem in te.

Ÿ. Ostende ei Domine misericordiam tuam.

℞ Et salutare tuum da ei.

Ÿ. Esto ei Domine turris fortitudinis.

℞ A facie inimici.

Ÿ. Nihil proficiat inimicus in eo.

℞ Et filius iniquitatis non apponat nocere ei.

Ÿ. Mitte ei Domine auxilium de Sancto

℞ Et de Sion tuere eum.

Ÿ. Domine exaudi orationem meam.

℞ Et clamor: &c Ÿ Dominus vobiscum.

℞ Et cum Spiritu tuo.

OREMUS.

DEUS misericors, DEUS clemens,
cui bona cuncta placent, sine quo
nihil Sanctum inchoatur, nihilque bo-
num perficitur, adsint nostris humillimis
precibus, aures tuæ pietatis, & hunc fa-

]E2[

mu-

mulum tuum, cui in tuo sancto Nomine Religionis Habitum imposuimus, à mundi impedimento, vel sæculari desiderio defende; & concede ei: ut in hoc sancto proposito devotus persistat, & remissione peccatorum percepta, ad Electorum tuorum valeat pervenire consortium. Per Christum Dominum nostrum
R. Amen.

OREMUS.

DEUS, qui beatissimum Patrem nostrum BENEDICTUM abstractum à mundi turbinibus, tibi soli militare iussisti; tribue quæsumus, huic famulo tuo sub eius Magisterio ad tuum servitium festinanti: perseverandi constantiam, & perfectam usque in finem victoriam. Per Christum D. N. R. Amen.

OREMUS.

PRæsta Domine, famulo tuo renuntianti sæcularibus pompis gratiæ tuæ ianu-

nuas aperiri, qui despecto diabolo, confugit sub titulum Christi; iube eum venientem ad te sereno vultu suscipi, nec de eo valeat inimicus triumphare: tribue ei brachium infatigabile auxilii tui, & mentem eius fidei loricâ circumda, ut pericula cuncta, & diaboli tentamenta se gaudeat evasisse. Per Dominum nostrum &c. R. Amen.

His completis, Neo-Professus surgit de loco suo, & accedit ad Prælatum, ubi osculatur sinistrum humerum D. Abbatis, accipiendo ab eo Pacem, & dicenti Prælato: Pax tecum respondet Et cum spiritu tuo ac statim genuflectit ante eum, à quo, cum Mitra erecto, benedicitur, solita forma:

BENEDICTIO DEI OMNIPOTENTIS, PATRIS.
✠ & FILII, ✠ & SPIRITUS ✠ SANCTI, DESCENDAT
SUPER TE, & MANEAT SEMPER. R. Amen.

Si D Abbas non celebraverit, sed alius sacerdos, tunc data benedictione recedet in sacristiam ad deponenda sacra Paramenta; Neo-Professus verò statim accepta benedictione accedit ad Celebrantem, & ab eo accipit pacis osculum solito modo; & exinde recedat ad locum sibi præparatum, ubi genuflexus supra cussinum, ab omnibus Religiosis suo ordine advenientibus, recipiat osculum pacis, iisq; vicissim tribuat. Celebrante interim Missam prosequente.

Finito osculo pacis, Neo Professus surgit, accedensq; ad medium Chori, supra tapete extensum cum gravitate procumbit, ita, ut non cruce in terra prostratus iaceat, sed dextro late-

lateri incumbat, faciem Caputio, manus, & pedes Cucullo concinnè obtinens, desuper verò pannò nigrò mortuorum coopriatur, Hinc inde circa illum quatuor Candelabræ cum totidem cereis accensis in modum ✕ collocentur; & campanæ (ut pro mortuis moris est) pulsentur, in signum, ut vivat mortuus, & moriatur vivus. Ita coopertus Neo-Professus permaneat usq; ad communionem Celebrantis, qua finita, Diaconus præcedentibus duobus Ceroferaris cum cereis accensis, accedat ad Neo-Professum, & elvans pannum funebre mediocri voce dicit:

Surge qui dormis & exurge à mortuis, & illuminabit te Christus. Neo-Professus statim surgens, primus omnium ad Communionem accedit. Deducatur postea à Mistrò suo ad Chorum, & ibi assignetur ei, ultimus locus Professorum.

CAPUT V.

Modus recipiendi ad Communitatem Neo-Professum die Tertia à Professione.

Quia forma recipiendi Novitios ad Professionem, in Illiade expressi, An. 1751. Typis mandata, & à Congregatione nostra recepta, præcipit, ut noviter professus per tres dies continuos à Professione sacram synaxim sumat in iis Missis, in quibus pro ipso decantetur: Oratio, Secreta, & Postcommunio; ideo ipse Neo-Professus hoc triuò Caputio involutus manere debet: Hoc Caputium ipsi nec in Choro deponere licebit, nisi tantum interveniò Missæ Sacrificio, in quo sumpturus est Sacram Communionem, deponere potest. De cætero strictissimum silentium servabit, in Choro non imponent Antiphonam Psalmum, vel Lectionem, aut V. & sive R. non psallet cum aliis, sed seorsim coaptabit Officium Divinum, & servitutis suæ pensum, per dictum triuò, in piis exercitiis, ac gratiarum actione pro inestimabili, ad vitam Monasticam, vocationis benefici-

nescia, perseverans, absolvit. Ita Cærem: Monast Congr. Bavar. P. IV. §. 4. pag 216. Cum enim Congregatio nostra Benedic. no Polona ad normam Congregationis Bavaricæ sit erecta, ut patet ex Constit. P. II. c. 13 ac illarum Proæmio, ideo non tantum in legibus, sed etiam in Ritibus conformare se debemus. Id ipsum pariter declarat Cærem. Monast, Congr. Monat. ferrat. P. II. dist. 3. c. 5. n. 18 pag: 401.

Die itaq; tertia Neo-Professus sumit sacram Communionem, solito tempestivius, si placuerit superiori, congregaturq; Capitulum ante, vel post Missam Conventualem, sive post Prædicationem. Congregatis omnibus, lecto ac explanato S. Regulæ aliquo Cap. vocetur Frater nuperrimè Professus, qui adveniens in medium congregatorum; inclinatione profunda omnibus præstabit reverentiam, & adhuc Caput obvolutus accedet ad superiorem, & ante eum genuflectet. Prælatus verò d. ponit Caputium de Capite eius, & faciendo super eo signum Crucis, dicit tantum: In Nomine Patris, & Filii, & Spiritus Sancti. Amen.

Deinde surgentibus omnibus, & Neo-Professo genuflexo permanente, Prælatus dicat seq:

℣. Adiutorium nostrum in Nomine Domini.

℞. Qui fecit Cælum, & terram.

℣. Dominus vobiscum. ℞. Et cum spiritu tuo.

OREMUS

Domine JESU Christe, totius sanctæ Religionis origo, omnisque Professionis in te æterna salvatio, suscipe propitius votum famuli tui, qui de huius sæculi vanitate, & turbine ad te confugit; &
fi-

sicut Capitis sui hac tridua involuti-
one mysticam significationem præten-
dit, sit quæsumus Domine, te adiuvan-
te, ab omni negotiorum sæcularium stre-
pitu exutus, à delectationibus sæculari-
um præsentium evullus, à cunctis mun-
di huius occupationibus extraneus; ab-
antiqui hostis fraudibus ereptus, mundo
huic crucifixus, à sæcularibus pompis re-
motus: remotus à cunctis malorum im-
plicamentis, remotus à præsentis vitæ
contagiis, remotus ab omnibus pravo-
rum retinaculis, remotus à cunctis anti-
qui hostis insidiis. Doce eum Domine,
omnia huius vitæ contemnere prospera,
non timere adversa, iniurias non infer-
re, sed illatas æquanimiter tolerare, ini-
micos diligere, pro persequentibus,
& calumniantibus suppliciter deprecari:
nihil concupiscere carnaliter, vel
ambire: non superborum iniuriis fatiga-
tus deficiat, non eum superbia inflat, non
ar-

ardor avaritiæ succendat, non incentiva
luxuriæ inflamment, non vana gloria
turpiter iactet, non gula, aut ebrietas præ-
pediat, non ambitio ventosa præcipitet,
non ardor animosæ contentionis exagi-
tet, non diabolus auctor perditionis læ-
dat; aut perdat, sed tuæ pietatis dextera
Clementissime DEUS! eum à cunctis eru-
at malis, atque in præfenti, & futu-
ro protegat, regat, & gubernet. Aperi ei
sensum, ut in divinarum studiis literarum
te legat, corde, ore, & opere meditetur, &
intelligat; die, noctuq; tibi serviat; obedi-
ens sit, & instructus; humilitatem, & vilita-
tem teneat, atque exerceat; castimoniam,
& pudicitiam corde, & opere amplectatur:
patientiam, & longanimitatem arripiat; je-
iunio, & abstinentiæ studeat, simul & amet.
Sulcipe quæsumus, Domine Deus Omni-
potens hunc famulum tuum, quem de
huius sæculi naufragiis, & periculis eru-
ere, & ad Monasticam vocare dignatus

es gratiam; & concede propitius: ut ar-
ctam, & angustam, quam professus est,
vitam iugiter diligat, atque sectetur, qua-
tenus ad æternam, quam in te perleve-
rantibus promittere dignatus es, gloriam
pervenire mereatur. Qui cum Deo Pa-
tre in unitate Spiritus Sancti vivis & re-
gnas in sæcula sæculorum. R. Amen.

*Tum omnibus, Capitulariter congregatis, confidentibus, &
Neo-Professo manente genuflexo, Prælatus breviter eum admo-
neat de sua Professione exequenda, cum declaratione obligationis,
& remunerationis, secundum quod viderit conditionibus persona-
rum expedire. Quod forte hunc in modum fieri posset:*

Charissime Frater! Jam redde Domino
Deo tuo vota tua; obedientiam jura-
sti Deo, ac in ea, ac per eam etiam Pau-
pertatem, & Castitatem: cave ergo ne
aliquando inobediens Religiosus audias,
& per inobedientiam animam tuam da-
mnes districto Judici. Si vis omnes Re-
ligionis difficultates superare, tentatio-
nes vincere, & tuæ gravissimæ obligati-

oni satisfacere, solam cole obedientiam, virenim obediens loquetur victorias; quemadmodum inobediens in omnia ferè vitia pronissimus cadit. Tuum iam est ad meliora semper progredi, & per votum conversionis morum pravorum exuere mores, ac vitiolas & Confratribus graves deponere actiones. Nam eum in finem Religiosis in sacra Professione immutatur Nomen, ut meminerint, cum nomine pariter vitam, moresque mutare debere in melius. Triduana tua involutione præsignasti, amorosum Dei Filium tui amore occisum triduo jacuisse in sepulchro, antequam devicta morte triumphans resurrexerit; ita & tu iam mundo mortuus, per triduum Caputio involutus fuisti, ut pariter de eo devicto gloriores triumphum deportares. Et licet mystica hac involutione jam sis evolutus; verumtamen maioribus obligationibus hoc ipso involutus es; scias enim Le-

ge Regulæ constitutum, ex hac die tibi non licere egredi de Monasterio, nec collum excutere de subiugo Regulæ, quam sub tam morosa deliberatione licuit recusare: ante fuisti liber, nunc vero servus factus es per solemnia vota, cui nec voluntas, nec corpus proprium amplius in propria potestate manet. Cordi deinceps habeto doctrinam S. Pauli *ad Phil: 4.* Quæcunque amabilia, quæcunque bonæ famæ, hæc cogita: ministerium tuum, seu munus imple, aliena non cura: media quotidie proficiendi, seu spiritualia exercitia nunquā intermitte; modestiam religiosam ubique, & inter omnes observa. Quæcunque sacra Regula prohibet; levia numquam dixeris, sed omnia, quasi divinitus imperata forent ac tutum exequere: nunquā exstingvatur in nocte temporis lucerna primi fervoris; facile bonuse-
ris, si ea in te vitabis, quæ in aliis vituperas. Merces te magna nimis manet in cælis, si

verè sæculo renuntians, Dominũ secutus fueris, & studueris displicere mundo ut placeas Christo soli animæ tuæ sponso, qui pariter factus est obediens usque ad mortem. Hæc ergo facienti regna patebunt æterna. Cæteroquin te participem reddo omnium Privilegiorum quæ cuicunque Conventualium de jure, & vi Regulæ, ac statutorum competere possunt & competunt, teque in numerum Conventualium, peramanter recipio. De secreto servando, in iis, quæ in Capitulis quibuscunque aguntur, te admoneo, & in his conscientiam tuam onero. Jam vade in pace, & pro tibi factis gratiis, omnibus gratias age.

Neo-Professus audita brevi exhortatione, surgit, omnibus in Capitulo præsentibus PP. & FF. incipiendo à D. Abbate secundum ordinem gratias referet, atque ex illa die in Congregatione reputetur.

CAPUT VI.

Modus emittendæ Professionis simplicium votorum.

PRo die destinato à D. Abbate, & non festivo, Frater Converterus, volens emittere Professionem ad vota simplicia, præparet

ret se per exercitia spiritualia octidua, faciatque generalem Confessionem. Ipso vero die, mane, ducatur à Magistro suo ad locum designatum, in Chorum scilicet, vel in Capellam aliquam privatam, & Prælatus extra Missarum solennia indutus supra Rochettum, stola, & Pluviali col: Albi, cum Mitra (si placet) & Pædo; aut ex eius commissione P. Prior indutus Cotta, stola, & Pluviali, in præsentia Magistri Novitorum, & nonnulorum Patrum, Ministrantibus tantum ductus Ceroferarius, Thuriferario, & Cæremoniario, absque Diacono & subdiacono, & non nisi cum Capellano de Libro, accedet ad Altare, ibiq; genuflexus cum cæteris, sine cantu in plana tantum recitatione incroabit Hymnum:

Veni Creator Spiritus &c:

Quem præsentés alternatim recitando prosequuntur. Finito Hymno Prælatus stans, cæteris respondentibus, dicit:

✠ Emitte Spiritum tuum & creabuntur.

✠ Et renovabis faciem terræ

✠ Domine exaudi orationem meam. ✠ Et clamor &c.

✠ Dominus vobiscum. ✠ Et cum spiritu tuo.

OREMUS.

Actiones nostras, quæsumus Domine, aspirando præveni. & adjuvando prosequere, ut cuncta nostra Oratio & operatio à Te semper incipiat, & per te cæpta finiatur.

Misericors, ac piissime DEUS, qui ubiquè famulos tuos tueris, & adjuvas; huius Fratris tibi famulari volentis in bonum ac umula votum, auge desiderium, ut tibi placitum in ordine sacro impendat servitium.

Intercessio nos quæsumus Domine B. P. Benedicti Abbatis commendet; ut quod nostris meritis non

valemus, eius patrocínio affluamur. Per Christum
Dominum nostrum. R. Amen.

*Tum Prælatus sedet, & Novitius Conversus tenens schedulam
Professionis suæ, inter indicem, & pollicem manuum iunctarum
stans, clara, & intelligibili voce emittit vota simplicia, sub sequen-
ti forma: ab Alexandro VII. Pont. Max: die 30 Junii 1666.
præscripta & à Capitulo Generali Lubinensi An: 1753. acceptata.*

In Nomine Domini nostri JESU Christi, Amen.

ANno à nativitate eiusdem v. g. Millesimò. Septin-
gentesimò. Septuagesimò. Septimò Die N. Men-
sis N. Ego NN. hic exprimatür locus Nativitatis, sci-
licet Diœcesis, & Palatinatus &c. Promitto servare
Castitatem, Paupertatem, & Obedientiam, & con-
versionem morum meorum, secundum Regulam San-
cti Benedicti, & Constitutiones Congregationis Bene-
dictino Polonæ sub titulo Sanctæ Crucis, coram Deo,
& omnibus Sanctis, quorum Reliquiæ in hoc Mona-
sterio N. requiescunt. In præsentia Reverendissimi
& Perillustis ac Amplissimi Domini D. NN. Abba-
tis N. & Admodum Reverendi in Christo Patris NN.
Prioris eiusdem Monasterii, quamdiu in dicta Con-
gregatione perseverabo; non intendens tamen quod
mihi proprio vitio, seu voluntate liceat ab illa disce-
dere, sed quod, si contingeret, ut dictæ Congregatio-
nis Superiores malis meis moribus, seu vitiis coacti,
ab illa me expellerent, in illo casu liber, & absolutus
ab omni votorum, & Religionis obligatione remane-
rem. In quorum fidem, hanc petitionem propria
manu subscripsi.

Præ-

*Perlecta hac Professione simplicium votorum, Frater Con-
versus tradit Chirographum in manus Prælati sedentis, qui ac-
cipit ab eo dictam Schedam, eamque in duabus superioribus ex-
tremitatibus utraque manu ita tenet, ut reliquum schedæ supra
genua sit positum, ubi Neo-Proffessus accepto calamo cum atra-
mento, exprimit infra notabile signum † Et postea recipiens eam
de manibus Prælati, accedit ad Altare, ponit supra illud ad cor-
nu Epistolæ dictum Chirographum Professionis suæ, & recedit, ac
se prosternit super tapete extenso manetque prostratus in terra
usque ad benedictionem scapularis exclusivè. Prælati vero sur-
git (& si utitur Mitra) sine ea, convertens se ergo Neo-Proffes-
sum prostratum, respondentibus cæteris, dicit sequentes Versiculos,
& Orationes:*

Kyrie eleyson, Christe eleison, Kyrie eleyson.

Pater noster &c. Secretò usque ad:

✠. Et ne nos inducas in tentationem

R. Sed libera nos à malo.

✠. Salvum fac servum tuum.

R. DEUS meus sperantem in te.

✠. Ostende ei Domine misericordiam
tuam.

R. Et salutare tuum da ei.

✠. Esto ei Domine turris fortitudinis.

R. A facie inimici.

✠. Ni-

℣. Nihil proficiat inimicus in eo.

℞. Et filius iniquitatis non apponat nocere ei.

℣. Mitte ei Domine auxilium de Sancto

℞ Et de Sion tuere eum.

℣. Domine exaudi orationem meam.

℞. Et clamor: &c ℣ Dominus vobiscum.

℞ Et cum Spiritu tuo.

OREMUS.

DEUS, qui per coæternum Filium tuum cuncta creasti, quique mundum peccatis inveteratum per Myſterium Incarnationis eius renovare dignatus es; Te ſupplices exoramus, ut eiſdem Domini noſtri gratiâ ſuper hunc Famulum tuum, abrenuntiationem ſæculi profitemtem, clementer reſpicere digneris; per quam ſpiritu mentis læ renovatus, veterem hominem cum actibus ſuis exuat, & novum, qui ſecundum DEUM crea-

]G(. tus.

tus est induere mereatur. Per eundem
Christam Dominum nostrum, & Amen.

OREMUS

Domine JESU Christe, qui es via, sine
qua nemo venit ad Patrem, quæsu-
mus benignissimam clementiam tuam,
ut hunc famulum tuum à carnalibus de-
sideriis abstractum, per iter disciplinæ re-
gularis deducās; & qui peccatoribus ve-
niam dedisti, dicens: Venite ad me om-
nes, qui laboratis, & onerati estis, &
ego reficiam vos: præsta, ut hæc vox in-
vitationis tuæ ita in eo convalescat, qua-
tenus onera peccatorum deponens, &
quam dulcis es, gustans, tua refectione
sustentari mereatur; & sicut attestari de
ovibus tuis dignatus es, agnosce eum
inter oves tuas, & ipse te agnoscat, ut
alienum non sequatur, sed Te: neque
audiat vocem alienorum, sed tuam, qua
diciis: Qui mihi ministrat, me sequatur:
Qui vivis, & regnas DEUS in sæcula sæ-
culorum, & Amen. O-

OREMUS

Sancte Spiritus, qui te DEUM, ac Dominum revelare dignatus es mortalibus, immensæ tuæ pietatis gratiam postulamus; ut sicut ubi vis, spiras, sic & huic famulo tuo affectum devotionis indulgeas. Et quoniam tua sapientia est conditus, tuâ quoque providentiâ gubernetur; quem iuxta tibi consuetam gratiam unctio tua de omnibus doceat, & per intercessionem Beatissimi Patris nostri Benedicti, quem præcipuum sanctæ hujus institutionis Legislatorem dedisti, nec non & aliorum Sanctorum, ad quorum Nomina petitionem fecit, eum à vanitate sæculi veraciter converte. Et sicut es omnium peccatorum remissio, deprimentes impietatis obligationes in eo dissolve, & ad observantiam huius sancti propositi fac eum certatim fervere, ut in tribulationibus, & angustiis tua indeficienti consolatione valeat respira-

re, & justè, ac piè ver veram humilitatem, atque Obedientiam in fraterna Charitate fundatus, quod te donante hodie promisit, felici perseverantia compleat. Qui cum DEO Patre, sanctoque Unigenito Filio ejus Domino nostro JESU Christo vivis, & gloriaris DEUS per infinita sæcula sæculorum. R Amen.

*His dictis D. Abbas vertit se ad indumenta Monachalia Con-
versorum benedicenda, videlicet, Vestem nigram talem, & sca-
pulare strictum, ad medium cruris tantum protensum, absque col-
lario albo, & absque caputio, dicens absolute:*

OREMUS.

Domine JESU Christe qui tegumen nostræ mortalitatis induere dignatus es; obsecramus immensam tuæ largitatis abundantiam, ut hoc genus vestimenti, quod sancti Patres ad innocentæ, & humilitatis indicium abrenuocantibus sæculo ferre sanxerunt, bene†dicere, & sancti†ficare digneris; ut hic famulus tuus, qui hoc indutus fuerit vestimento, te quoque induere mereatur, qui vivis, & regnas in sæcula sæculorum, R Amen.

Finite oratione Prælatus aspergat vestes aqua benedicta, & statim sedeat. Adducit Magister Novitiorum Neo-Professum proprius ad D. Abbatem; & genuslexus ille F. Conversus exiit vestibus, Novitiis competentibus, scilicet Chlamide, seu Mantello, Prælato dicente:

Exu-

Exuat te Dominus veterem hominem cum actibus suis.

Et induens eum D. Abbas vestibus benedictis, dicit:

Induat te Dominus novum hominem, qui secundum DEUM creatus est in iustitia, & sanctitate veritatis.

Tum Prælatus tradens ei in manus Regulam SS. P. Benedicti, dicat.

Ecce Lex, sub qua militare vis, vide, ut non solum auditor, verum etiam factor illius esse possis.

His peractis, surgens Prælatus, deposita Mitra, prosequitur.

✠. Dominus vobiscum & Et cum spiritu tuo

ORIMUS

DEUS misericors, DEUS clemens, cui cuncta bona placent, sine quo nihil boni inchoatur, nihilque boni perficitur, adsint nostris humillimis præcibus tuæ pietatis aures; & hunc famulum tuum, cui in tuo Sancto Nomine, sacræ nostræ Religionis Habitum imposuimus, à mundi impedimento, & sæculari desiderio defende; & concede ei: ut in hoc sancto proposito devotus persistere, & remissione peccatorum percepta, ad Electorum tuorum valeat pervenire consortium. Per Christum Dominum nostrum, & Amen.

O-

O R E M U S

OMnipotens sempiterne DEUS miserere huic famulo tuo, & dirige eum secundum clementiam in viam salutis æternæ; ut, te donante, tibi placita cupiat, & tota virtute perficiat. Per Christum Dominum nostrum, R. Amen.

O R E M U S

DEUS qui non vis Mortem peccatoris, sed per penitentiam, & emendationem vitam semper inquiris. te supplices deprecamur; ut huic famulo tuo, sæcularibus actibus renuntianti, largè tuæ pietatis gratiam infundere digneris: quatenus castris tuis insertus, ita, tibi militando, statum vitæ præsentis percurrere valeat, ut bravium æternæ remunerationis, te donante, percipiat. Per Christum Dominum nostrum, R. Amen.

Deinde Prælati benedicit Neo-Proffsum, in solita forma, dicens:

BENEDICTIO DEI OMNIPOTENTIS, PATRIS, & FILII, & SPIRITUS SANCTI, DESCENDAT SUPER TE, & MANEAT SEMPER. R. Amen.

Et aqua benedicta eundem aspergit. Ille autem Neo-Proffsus Frater accepta benedictione, osculetur pedes D. Abbatis, & postea à Magistro Novitiorum reducat ab Altari, ut se præparet ad sacram Communionem, quam sumet sub Missa, vel D. Abbatis, vel P. Prioris, cui etiam assistet. Finita Missa gratias agit tam D. Abbat, quam superiores, aliisque PP. & FF. de Communitate, quorum etiam precibus humiliter se commendabit.

CAPUT VII.

Modus solemniter denuò profitendi, post exactos L.

Annos, à prima Professione.

Si quis Monachus Congregationis nostræ Benedictino-Polonæ

in sacra Religione, à prima Professione Quinquaginta annos expleverit, renovabit eam Solemniter, propter lucrandas Indulgentias à Paulo V. Pont. Max. concessas; Hæc autem renovatio erit in modo sequenti:

Die aliquo festivo solemnè, quando D. Abbas Pontificaliter Missam Celebrabit, facta oblatoz incensatione, ac Altaris, ante lotionem manuum, D. Abbas in cornu Evangelii, ad Altare sedet cum Mitra; Pater verò Senior Proftens Cuulatus, deducunt bus PP. Priore, & Subpriore totaq; Vin. Communitate comitante, ac ex utraq; graduum Altaris parte quasi Chorum efformante, accedit, & in infimo gradu genuf. Et D. Abbas deposita Mitra surgit, descendit ad 2. gradum, & omnibus genuflexis, ipse adhuc stans inchoat Hymnum:

Veni Creator Spiritus.

Et statim D. Abbas genuf. Et. Prædictum Hymnum Chorus, alternis strophis cum pulsu Organi prosequatur, & eo finito D. Abbas stans versus Altare, sine Mitra, canit sequentia:

ψ. Emitte Spiritum tuum & creabuntur.

℞. Et renovabis faciem terræ.

Dominus vobiscum. ℞. Et cum spiritu tuo.

OREMUS.

DEUS qui corda fidelium Spiritus illustratione docuisti; da nobis in eodem Spiritu recta sapere, & de eius semper consolatione gaudere.

Actiones nostras, quæsumus Domine, aspirando præveni, & adiuvando prosequere, ut cuncta nostra Oratio, & ope-

ra

ratio a te semper incipiat, & per te cæpta
finiatur. Per Christum Dominum no-
strum. R. Amen.

*Post hæc D. Abbas sedet cum Mitra ad cornu Evangelii, P
verò senior Proftens erectus in medio plani, ante infimum Alta-
ris gradum, expansis brachiis, & oculis in Cætum sublatis canit ψ.*

*Sufcipe me Domine, secundum eloquium tuum &
vivam: & statim, iunctis ante pectus manibus, addit genuflexus.*

Et non confundas me ab expectatione mea.

*Quod in eodem loco 2da & 3tia vice facit, voce aliquantulum
semper elatiori, Choro eundem ψ. repetente etiam trina vice, ad-
dendo ultimato ψ Gloria Patri &c. ut supra in actu primæ Pro-
fessionis, excepto eo, quod ψ. suscepimus DEUS &c. non ad-
ditur.*

*His peractis P. Senior legit schedam Professionis, stando, modo
& forma, quibus supra in actu primæ Profess. c. 4. Et in fine
oculato signo ✠ iam ante in scheda expresso accedit ad Altare
ponit schedam in cornu Epistolæ, ibique remanet stans,
facie ad D. Abbatem versa. Mox Prælatus surgit, & remo-
ta mitra, stans in medio versus Altare inchoat Ambrosianum:
Te Deum laudamus. P. Senior quoque consistit in eodem la-
tere Epistolæ ad tabulam Altaris, facie ad dictum Altare versa,
Prædicas Hymnus à Communitate inter organi applausum in
cantu continuatur; Eo finito, Proftens ante medium Altaris in
suppedaneo genuflexit, & D. Abbas stans sine mitra, ad cornu
Evangelii, super ipsum decantat sequentes ψψ. & Orationes:*

Kyrie eleison Chryste eleison Kyrie eleison.
Pater noster. &c: secreto usque ad:
ψ Et ne nos inducas in tentationem.
R. Sed libera nos à malo.

- ✠ Benedicamus Patrem, & Filium cum sancto Spiritu.
R. Laudemus, & superexaltemus eum in sæcula.
✠ Manda Deus virtuti tuæ,
R. Confirma hoc Deus, quod operatus es in nobis.
✠ Salvum fac servum tuum.
R. Deus meus sperantem in te.
✠ Esto ei Domine turris fortitudinis,
R. A facie inimici.
✠ Nihil proficiat inimicus in eo,
R. Et filius iniquitatis non apponat nocere ei
✠ Ora pro nobis sancte Pater Benedicte.
R. Ut digni efficiamur promissionibus Christi.
✠ Domine exaudi orationem meam. R. Et clamor &c:
✠ Dominus vobiscum. R. Et cum spiritu tuo.

OREMUS

DEus, cuius misericordiæ non est numerus, & bonitatis infinitus est thesaurus, piissimæ majestati tuæ pro collatis donis gratias agimus: tuam semper Clementiam exorantes, ut qui petentibus postulata concedis, eosdem non deserens ad præmia futura disponas.

Deus misericors, Deus clemens, cui cuncta bona placent, sine quo nihil boni inchoatur, nihilque boni perficitur; ad-

]H[

sint

sint nostris humillimis precibus
tuæ pietatis aures, & concede huic fa-
mulo tuo, qui post quinquaginta annos
in sua Religione exactos, secundam Pro-
fessionem deponit, ut in hoc sancto pro-
posito devotus persistat, & remissione
peccatorum percepta, ad Electorum tuo-
rum valeat pervenire consortium.

Intercessio nos, quæsumus Domine Be-
ati Patris Benedicti Abbatis commendet;
ut quod nostris meritis non valemus,
eius patrocinio assequamur. Per Chri-
stum Dominum nostrum. R. Amen.

*His peractis. D. Abbas accepta Mitra, P. Seniori, in cor-
nu Epistolæ denuo consistenti dabit osculum Pacis dicendo: Pax
tecum. Illo respondenti: Et cum Spiritu tuo. Quod similiter
imprimis quidem Ministri sacri, postea P. Prior & omnes de
Communitate per ordinem Patres accedentes facient, D. Abbate
interea sedente, Finita pace Prælati erigens pergit in solemni
Officio; P. Senior autem P. P. Priore, & Subpriore comitantibus
vadit in sacristiam, ubi exutus Cucullo, lavat manus, & Caput
Sacerdotalia paramenta ad celebrandam M.ßam; ad quam P. Se-
nior unus ex Patribus assistere tenetur, & Altare, ad quod P.
Senior celebraturus est, pro hoc actu, solito, decentius ornari debet.*

CAPUT VIII.

Modus solemniter quotannis renovandi Professionem.

CUm iuxta præscriptum Constitutionum Congregationis nostræ P. II. c. 5. omnes admonamur, ut singulis Annis Die 11. mensis Julii, in solempni Commemorationes SS. P. Benedicti, faciamus solemnem votorum renovationem; iustum est, ut non nude eam peragamus, sed cum maiori solemnitate ad normam aliarum Congregationum, præsertim Bavaricæ, servemus; insuper solitum nostræ Congregationis, ne aut aliquid novum a nobis sit præscriptum, aut antiquum non receptum resuscitatum videatur.

Die itaq; XI. mensis Julii sub tempus Misse Conventualis, scilicet summæ Missæ, & non Maturæ, celebratæ ab aliquo ex superioribus, vel junioribus Patribus, & non omnino à D. Abbate, facta oblatorum, & Altaris incensatione, ante lotionem Manuum, omnes Religiosi cum Cereis accensis ante Altare genuflectunt. Celebrans descendit cum Ministris sacris ad 2. Altaris gradum, & in suppedaneo genuflectens, inchoat, vel in Cantu, vel etiam in plana recitatione (prout superioribus placebit) Hymnum: Veni Creator Spiritus, &c.

Quem omnes alternatim prosequuntur, & hoc finito. Celebrans dicit, cæteris respondentibus.

✠ Emitte Spiritum tuum & creabuntur.

✠ Et renovabis faciem terræ

✠ Dominus vobiscum. ✠ Et cum Spiritu tuo.

OREMUS.

DEus, qui corda fidelium sancti Spiritus illustratione docuisti, da nobis in

H2

eo-

eodem Spiritu recta sapere, & de eius
semper consolatione gaudere.

Actiones nostras, quæsumus Domine,
aspirando præveni, & adjuvando prose-
quere, ut cuncta nostra Oratio, & opera-
tio à te semper incipiat, & per te cæ-
pta finiatur.

Excita Domine, in Ecclesia tua Spiri-
tum, cui Beatus Pater Benedictus Abbas
servivit; ut eodem nos repleti, studeamus
amare quod amavit, & opere exercere
quod docuit. Per Christum Dominum
nostrum. R Amen.

*Et statim renovabunt omnes Professionem, simul dicendo
paulatim cum pausa, & non post Celebrantem, sequentem Orationem:*

GRatias tibi ago Domine JESU Chri-
ste, pro gratia illa singulari, qua me vi-
lissimum peccatorem de hoc sæculo ne-
quam eduxisti, & in hoc religiosissimo
Ordine ad solemnem Professionem ad-
mi-

misisti. Doleo ex toto corde; quod gratiæ huic non satis responderim, & tanto beneficio fuerim ingratus. Detestor omnes negligentias, in hoc statu commissas, & quod tam parum ad eius perfectionem adspiraverim. Ignosce mihi Deus veniæ largitor, & humanæ salutis amator, & da: ut vel nunc tandem tuâ gratiâ incipiam, quod equidem ex animo cupio, & propono. Quod si me votistuxæ Majestati necdum obstrinxissem, nunc sanè id facerem, ideoque quanta devotione possum, illa nunc renovo, & novo fervore tibi promitto: Stabilitatem, Conversionem morum meorum, & Obedientiam secundum Regulam sanctissimi Patris Benedicti. Verumtamen, quia ad hæc implenda me nimis tepidum, & infirmū agnosco, rogo te misericordissime JESU, ut qui dedisti mihi vovendi voluntatem, tribuas etiam exequendi facultatem: meque ita dirigas, ut non mihi,

hi, sed tibi soli vivam, omnesque Ordinis observantias, & quidquid animæ meæ perfectionem promovere possi, summo studio amplectar, ad gloriam Nominis tui qui es DEUS benedictus in sæcula. Amen.

Finita prædicta oratione, Celebrans surgit & inchoat Hymnum in plano, vel in Cantu:

Te Deum laudamus. &c.

Quem Chorus erectus prosequitur, usque ad V. Aeterna fac cum Sanctis tuis in gloria numerari, Et statim omnibus genuflexis Celebrans superaddat.

V. Benedicamus Patrem, & Filium, cum Sancto Spiritu,

R. Laudemus, & superexaltemus eum in sæcula.

V. Manda Deus virtuti tuæ,

R. Confirma hoc Deus, quod operatus es in nobis.

V. Salvos fac servos tuos.

R. Deus meus sperantes in te.

V. Esto nobis Domine turris fortitudinis.

R. A

R. A facie inimici.

Ÿ Nihil proficiat inimicus in nobis,

R. Et filius iniquitatis non apponat nocere nobis

Ÿ. Mitte nobis Domine auxilium de Sancto,

R. Et de Sion tuere nos

Ÿ. Post partum Virgo inviolata permansisti,

R. Dei Genitrix intercede pro nobis.

Ÿ. Ora pro nobis Sancte Pater Benedicte.

R. Ut digni efficiamur promissionibus Christi.

Ÿ. Domine exaudi orationem meam.

R. Et clamor: &c Ÿ Dominus vobiscum.

R. Et cum Spiritu tuo.

OREMUS.

DEus, cuius misericordix non est numerus, & bonitatis infinitus est thesaurus, piissimæ Maiestati tuæ pro collatis donis gratias agimus, tuam semper Clemen-

mentiam exorantes; ut, qui petentibus postulata concedis, eosdem non delerens, ad præmia futura disponas.

DEus, qui nos à sæculi vanitate conversos ad bravium supernæ vocationis accendis, pectoribus nostris purificandis illabere, & gratiam nobis, quâ in te perseveremus, infunde; ut protectionis tuæ muniti præsidis, quod te donante devotè promissimus, impleamus, & nostræ Professionis executores effecti, ad ea, quæ perseverantibus in te promittere dignatus es, pertingamus.

Omnipotens sempiterne Deus, qui humanæ fragilitatis infirmitatem agnoscis, respice quæsumus super nos famulos tuos, & larga benedictionis abundantia infirmitatem nostrâ roborare digneris; ut promissa vota, quæ præveniando aspirasti, per auxilium gratiæ tuæ, sanctè, piè, ac Religiosè vivendo, valeamus vigilanter observare, & observando vitam promereri sempiternam. Con-

Concede nos famulos tuos, quæsumus Domine Deus, perpetua mentis, & corporis sanitate gaudere; & gloriola beatæ MARIÆ semper Virginis intercessionem à præsentī liberari tristitia, & æterna pertrui lætitia.

Intercessio, nos quæsumus Domine, beati Patris Benedicti Abbatis commendet: ut, quod nostris meritis non valemus, ejus patrocinio assequamur. Per Christum Dominum nostrū. R Amen.

His finitis Celebrans accedit ad Altare, lavat manus, & prosequitur Missam, omnes verò Religiosi extinctis Cereis, revertuntur ad sedes sua in Chorum, ibique permanent ad finem ejusdem Missæ. Absentes verò juxta de causis, consuetam tantum solam decant Orationem. Gratias tibi ago Domine JESU Christe &c: genuflexi ante aliquod Altare, vel in quocunque loco.

Capitulum IX

Modus formalizandi Lectores Philosophiæ, vel Theologiæ, aut Licentiatos.

Consummato cursu S. Theologiæ, Patres studentes, in Congregatione nostra, si ad gradum Lectoratûs judicio suorum Professorum sufficientes. V. V. suarum Communitatum recommendatione digni, & per Congressum D. D. Prælatorum apti inventi fuerint, præsentem in Capitulo Generali, ab Ill. D. Præsidente Definitori formalizabuntur, hoc modo:

*Declarati à Congressu Prælatorum ad formalizandum bini
 Et bini accedunt, aut etiam omnes generati ante Ill. D. Præ-
 sidentem, simul Emittunt Professionem Fidei, ad quam cæteri præ-
 sentes, etiam Illi Abbates stant, uq; ad illa verba: Aposto-
 licas, & Ecclesiasticas Traditiones &c. exclusivè.*

Forma Professionis Fidei

EGO N. firma fide credo, & profiteor omnia, & sin-
 gula quæ continentur in Symbolo Fidei, quo San-
 cta Ecclesia Romana utitur, videlicet: Credo in unum
 Deum, Patrem omnipotentem, factorem cæli, & ter-
 ræ, visibilibus omnium, & invisibilibus. Et in unum
 Dominum JESUM Christum, Filium Dei unigenitum.
 Et ex Patre natum ante omnia sæcula. Deum
 de Deo, Lumen de Lumine, Deum verum de Deo
 vero. Genitum, non factum, consubstantialem Patri,
 per quem omnia facta sunt. Qui propter nos homi-
 nes, & propter nostram salutem descendit de Cælis.
 Et Incarnatus est de Spiritu Sancto, ex MARIA
 Virgine, ET HOMO FACTUS EST. Crucifixus
 etiam pro nobis sub Pontio Pilato, passus, & sepultus
 est. Et resurrexit tertia die secundum scripturas. Et
 ascendit in Cælum, sedet ad dexteram Patris. Et ite-
 rum venturus est cum gloria judicare vivos et mor-
 tuos, cuius Regni non erit finis. Et in Spiritum San-
 ctum Dominum, & vivificantem, qui ex Patre, Filio-
 que procedit, qui cum Patre, & Filio simul adoratur,
 & conglorificatur, qui locutus est per Prophetas. Et
 unam Sanctam, Catholicam, & Apostolicam Ecclesiam.
 Con-

Confiteor unum Baptisma, in remissionem peccatorum. Et expecto resurrectionem mortuorum. Et vitam venturi sæculi. Amen.

Apostolicas, & Ecclesiasticas Traditiones, reliquasque eiusdem Ecclesiæ observationes, & constitutiones firmissimè admitto, & amplector. Item Sacram scripturam iuxta eum sensum, quem tenuit & tenet Sancta Mater Ecclesia, cuius est judicare de vero sensu, & iuxta interpretatione Sacrarum scripturarum admitto, nec eam unquam, nisi iuxta unanimum consensum Patrum sæculi, & interpretabor. Profiteor quoque septem esse verè & propriè sacramenta novæ Legis, à JESU Christo Domino nostro instituta, atque salutem humani generis, licet non omnia singulis necessaria, scilicet: Baptisma, Confirmationem, Eucharistiam, Pœnitentiam, Extremam unctionem, Ordinem, & Matrimonium, illaque gratiam conferre. Ex his Baptismum, Confirmationem, & Ordinem sine sacrilegio iterari non posse. Receptos quoque, & approbatos Ecclesiæ Catholicæ Ritus in prædictorum omnium Sacramentorum fidei administratione recipio, & admitto. Omnia, & singula, quæ de peccato Originali & Justificatione in Sacrosancta Tridentina Synodo definita, & declarata fuerunt, Amplector, & recipio. Profiteor pariter in Missa offerri Deo verum, proprium, & propitiatorium Sacrificium pro vivis, & defunctis: atque in Sanctissimo Eucharistiæ Sacramento esse verè realiter, & substantialiter Corpus, & Sanguinem unâ cum anima, & Divinitate Domini nostri JESU Christi, fierique conversationem totius sub-

sacrae panis in Corpus, & totius substantiae vini in
 sanguinem quam conversionem Catholica Ecclesia
 Transubstantiationem appellat. Fateor etiam sub al-
 tera tantum specie totum, atque integrum Christum,
 verumque Sacramentum sumi. Constanter teneo Pur-
 gatorium esse, animasque ibi detentas fidei suffragiis
 juvari; sanctos & Sanctas, una cum Christo regnantes,
 venerandos, atque invocandos esse, eosque Orationes
 Deo pro nobis Offerre; atque eorum Reliquias esse ve-
 nerandas. Firmiter assero Imagines Christi, ac Dei-
 parae semper Virginis, nec non aliorum Sanctorum ha-
 bendas, & retinendas esse, atque eis debitum hono-
 rem, ac venerationem impertiendam. Indulgentiarum
 etiam potestatem à Christo in Ecclesia relictam fuisse, il-
 larumque usum Christiano Populo maxime salutarem es-
 se affirmo. Sanctam Catholicam, & Apostolicam Roma-
 nam Ecclesiam, omnium Ecclesiarum Matrem, & Magi-
 stram agnosco: Romanoque Pontifici beati Petri Apo-
 stolorum Principis Successori, ac JESU Christi Vica-
 rio, veram obedientiam spondeo, ac juro. Caetera item
 omnia à sacris Canonibus, & oecumenicis Conciliis, &
 praecipue à Sacrosancta Synodo Tridentina tradita, de-
 finita, & declarata indubitanter recipio, atque profiteor;
 simulque contraria omnia, atque Haereses quasunque ab
 Ecclesia damnatas, reprobas, & anathematizatas, ego
 pariter damno, reicio, & anathematizo. Hanc veram
 Catholicam Fidem, extra quam nemo salvus esse po-
 test, quam in praesenti sponte profiteor, & veraciter
 teneo, eandem integram, & immaculatam, usque ad
 extremum vitae spiritum constantissime, Deo ac juvan-

te retinere, & confiteri, atque à meis subdit's. seu illis, quorum cura ad me, in munere meo spectabit, teneri, doceri, & prædicari quantum in me erit curaturum.

Hic bini, & bini formalizandi accidunt ad Librum. & positis duobus digitis dextræ manus, scilicet indice, & medio, super textu Evangelii S. Joannis, unusquisque dicit

Ego N. idem spondeo, voveo, ac juro, sic me Deus adjuvet, & hæc Sancta Dei Evangelia.

His dictis, unusquisque osculabitur initium textus Evangelii, dicti S. Joannis, & manebunt genuflexi. Et Illi. D. Præsidentes consistentibus cæteris, stans aperto capite, admittit formalizando ad omnia privilegia in sequenti formâ.

Ego N. Abbas Monasterii N. Capituli Generalis, Congregationis Benedictino Polonæ Definitor Præsident, Authoritate sacrae sedis Apostolicæ, cuius vice hac in parte fungor, secundum Constitutiones summorum Pontificum, præsertim felicitis recordationis Clementis XI. ac Benedicti XIII. in ordine ad graduationes Lectorum, sive Professorum instituendas pro Congregatione nostra Benedictino Polona editas, Creo, & instituo te (vos) Lectorem (Lectores) Philosophiæ (Theologiæ) vel (Sacrorum Canonum) ac admitto te (vos) ad Privilegia Lectorum, sive Professorum, onerando conscientiam tuam (Vestram) ut potissimum Doctrinam Divi Thomæ Aquinatis Angelici Doctoris, juxta normam aliarum Congregationum, & Universitatum Ordinis nostri Benedictini, ac ex præscripto Constitutionum sequaris (sequamini) in docendo In Nomine Patris, & Fi-

& Filii, & Spiritus + Sancti. Amen.

Pariter procedendum erit in institutione Sac Theologiæ Licentiarum, ipsi enim emissa professione Fidei, nst t entur per prædictam formati, mutatis, apudandis, vellectum. In Ordine ad graduationes Licentiarum &c. 2. Creor, & instituo te sacre Theologiæ Licentiatum, seu Præsentatum, ac admitto te ad Privilegia sacre Theologiæ Baccalau- reorum, &c:

Si autem D. Abbas ex Commissione Definitorii talem actum in suo Monasterio perferat, tunc in facie totius Communitatis prædicta ex-qu-tur, in ipsa vero forma institutionis sic dicit:

Ego N. Abbas Monasterii N. ex commissione Reverendissimi Definitorii Capituli Generalis, autoritate sacre sædis Apostolæ, cuius vice hac in parte fungor &c: ut supra prosequatur.

CAPUT X.

Modus investituræ Sacre Theologiæ Doctorum.

Post emensum laborem scholasticum, si quis Religiosus Congr: nostræ in ante S. Theol. Licentiatu a Capitulo Generali declaratus, ad Lauream Doctoral-m promovendus est, sequens forma investituræ ejus cum omni solemnitate servari debet, ad normam usitatæ praxis in Ord: Predicat. Cum enim Constitutiones Congr: Nostræ P. I. c. 16. præcipiunt acqui sententiam, & doctrinæ Doctoris Angelici in Laurea quoque Doctorali publice recipientia, laborantes Professores gaudeant solemnitate pariter Thomistica.

Itaque in Capitulo Generali (quod maxime conveniret) absolutâ scholasticâ, publicâ disputatione, in eodem loco, unus, ex Professoribus Philosophiæ, seu S. Theologiæ habeat (necesse est) brevem Panegyrum in laudem S. Theologiæ, simul & Doctorandi.

Hæc

Hac finita Ill. D. Præfident Definitorii, seu Capituli Generalis, accedit ad fidem sibi paratam propè Cathedram, ibique legit Caput Barreto, Et sedens expectat Promovendum. Qui accedens ad Ill. D. Præsidentem, genuflexit coram eo: à quo interrogatus: Quid petis? respondit humiliter. Peto promoveri ad gradum Doctoratus & Magisterii S. Theologiæ, Tum Ill. D. Præsident quærit ex Promovendo: Promittis tenere, servare, docere, & defendere doctrinam sanam, & Catholicam, juxta determinationem sanctæ Matris Ecclesiæ Catholico-Romanæ? respondeat Doctorandus: Promitto, & spondeo in hac forma: Et mox emittit Professionem Fidei juxta Bullam PII. IV. Ego N. firma fide credo, & profiteor. &c: ut supra Cap: præc: exarata est; Finita Professione Fidei legit Promotus Doctor Initum Evangelii S. Joannis: In principio erat verbum &c: usque ad ea Verba inclusive plenum gratiæ & veritatis, manetque genuflexus.

Et Ill. D. Præsident Defini: sedendo dicit:

Quoniam Sapientiam vocasti amicam, & amator factus es formæ illius, quæsisisti eam tibi Sponsam assumere; ecce Deus dicit tibi eam sponsam, ut semper tecum sit, & cor tuum possideat. In signum ergo: Mox

imponit Annulum digito ejus Annulari dextero, dicens:

Accipe Annulum in manu tua; & Ego N. Abbas Monasterii N. Capituli Generalis Definitor, & Præsident, Autoritate sacræ sedis Apostolicæ cujus vice hac in parte fungor, instituo, Creo, & investio Te Doctorem, & Magistrum in sacra Theologia, deque tibi

tibi potestatem, & facultatem publicè legendi docendi, interpretandi, exponendi, & declarandi sacram Theologiam. In nomine Patris, & Filii, & Spiritus Sancti. Amen.

Deinde tradit ei Librum dicens:

Accipe Librum, qui mutus Magister est, lege ergo, & scrutare scripturas, etenim omnis scriptura divinitus inspirata utilis est ad docendum, ad arguendum, ad corripiendum, ad erudiendum in Justitia. *Postea imponit Capiti ejus Birretum dicens:*

Accipe Birretum nigrum insigne Magisterii: sic ornet te Deus coronâ gloriæ. Tandem elevet eum, & dans ei osculum dicat:

Ecce Odor Filii mei, sicut odor agri pleni, crescere te faciat Dominus in millibus, & benedicat tibi in sæcula sæculorum. Amen

Denique ducat eum ad Cathedram, (quæ proxima sedi Ill. D. Præsidentis esse debet) & faciat eum sedere dicens:

Promoveo te ad gradum Magisterii sacræ Theologiæ, annumerans te consortio Doctorum, & Magistrorum dictæ facultatis; Ita colloceat, & sedere te faciat Dominus cum Principibus, ut solum gloriæ teneas.

His peractis Ill. D. Præsidentis sedet in sede sua, & Neodocor pariter sedens in Cathedra, capite Birretò cooperto, suâ oratoriâ gratias refert I. Ill. D. Præsidi Lauream conferenti pro gratia sibi præstita. 2. Disputatoribus Personis pro sui promotione, 3. Cæteris in communi Doctoribus, tanquam Collegis, pro sui in gremium annumeratione; Demum præsentibus

bus Hospitibus, & Domesticis Professoribus, ac aliis Religiosis, pro speciali hujus actus testificatione. Et jam omnes resedunt in pace.

Si autem promotus ad Doctoratum non fuerit præsens in Capitulo Generali; actus investituræ ordinarie committitur D. Abbati illius Monasterii, in quo ille manet; Ideoque curandum est, ut h.c. actus fiat publice, & non privatim, ut exinde exteri agnoscant honorari Virum sapientem, & domestici animum sumant ad excolendum suum ingenium in opere scholastico: Unde præmissa disputatione publicâ (si fieri potest) aliâs Oratione Panegyrica in laudem sacre Theologiæ, omnia ut supra peraguntur, excepto eo, quod in traditione Annuli sic D. Abbas dicat:

Accipe Annulum in manu tua, & Ego N. Abbas Monasterii N. ex commissione Reverendissimi Definitorii Capituli Generalis N. Autoritate sacre Sedis Apostolicæ, cuius vice hac in parte fungor, instituo, creo, ac investio Te Doctorem, & Magistrum in sacra Theologia, doque tibi potestatem, & facultatem publice legendi, docendi, interpretandi, exponendi, & declarandi sacram Theologiam. In nomine Pa tris & Fi lii, & Spiritus Sancti. Amen. cætera peraguntur ut supra declarata sunt:

Caput XI.

Modus confirmandi Priorem post eius electionem

*Enitâ, & promulgatâ electione Prioris, cæterorumque Officiorum, surgunt omnes de Capitulo, & ad Ecclesiam se conferunt, com tante eos D. Abbate induto Pluviali, cum Mitra, & Pædo concinentes Ambrosianum Hymnum: & fit Institutio Prioris. *Ne-Electi. j. formam in Supplemento ad calcem hujus Te Deum laudamus. &c: Cærimonialis.**

Venientes ad Ecclesiam Religiosi, consistunt, duas rectas lineas

efficiendo, continuantes Hymnum: pulsante interim Organo, ac Campanis. Et novus P. Prior indutus superpeliceo, Stola, & Piviale, incedensq; ante D. Abbatem, ut pervenerit ante majus Altare, procumbit super tapete, ac se extensis manibus prosternit. D. Abbas accedit ad saltatorium sibi paratum, ante quod consistit cum Mitra, & Baculo. Finito Hymno D. Abbas deposita Mitra, & redditus pedo, in loco suo stant dicit

✠ Saluum fac servum tuum.

✠ Deus meus sperantem in te.

✠ Mitte ei auxilium de Sancto.

✠ Et de sion tuere eum. ✠ Domine exaudi &c:

✠ Et clamor meus &c: ✠ Dominus vobiscum.

✠ Et cum spiritu tuo.

OREMUS.

Tuam clementiam, Pater omnipotens, supplices deprecamur; ut infundere digneris super hunc famulum tuum, quem Tuo, servorumque tuorum servitio mancipamus, Spiritum sapientiæ, intellectûs, & discretionis: dona ei in hac domo tua ita agere, & iniunctum sibi Officium ita administrare, ut & tibi placere valeat, & utilitatem servorum tuorum Te auxiliante perfectissimè expleat; propter quod, & hic, & in futuro sæculo mercedem labor-

borum suorū, in Consortio sanctorum tuorum à te piissimo largitore percipiat.

Porrige Domine, huic famulo tuo electo, & à nobis constituto Priori dexteram tuam, per intercessionem beatissimæ, & gloriosæ Virginis MARIE, & auxilium ei supernæ virtutis impende.

Intercessio nos, quæsumus Domine, beati Patris Benedicti Abbatis commendet: ut quod nostris meritis non valemus; eius patrocinio assequamur. Per Christum Dominum nostrum. & Amen.

His dictis surgat electus P. Prior, & factâ profundâ D. Abbati in Sacristiam recedenti reverentiâ, accedit ad sedem paratam in Choro, ibique sedet, & accedentes omnes Religiosos ad faciendam recognitionem, amplectitur in osculo patris: Ita declarat debere fieri Bernardus Cluniacen: Cap 32. 56. & 62. ac P. Calmet in Comenat. Reg: super cap. 65.

Caput XII.

Modus investituræ D. Abbatis Quinquennalis post eius electionem.

QUando aliquis Religiosus, præmissis, præmittendis, omnibus solemnitatibus, canonicè in Abbatem fuerit electus, vprimis requirendus est: An eidem electioni taliter de se facta assen-

sentiat? Et licet per religiosam modestiam & humilitatem recuset tantum onus suscipere: confidendo tamen Divinae Dexteræ adjuvant. & obedendo Deo vocanti. Confratrum suorum acceptet vota, dicta juxta Electioni annuat. Quo facto accedat ad medium, & constitutus ante Ill. D. Præsidentem Generalem; si in Quinquennale Abbatem electus est. primario emittat Professionem fidei stans, in ea forma quæ supra cap. 9. recitata, & per Bullam Pii IV. P. M. præcepta est. Et dum ad finem huius Professionis fidei exprimit hæc verba: Ego N. idem spondeo &c: opposita manu dexteræ ad textum Evangelii S. Joannis, eadem proferat. Tum super pacta conventa, sibi à Communitate porrecta, juret in forma sequenti:

Ego N. electus Abbas Monasterii N. omnia hæc pacta conventa, sive puncta cum omnibus suis clausulis, conditionibus, & ligaminibus mihi in assuetudine Abbatiæ præsentis N. à præfato Monasterio ad manutenendum porrecta, servaturum me appromitto, & super ea inviolabiliter à me observanda, sine ulla mentis restrictione spondeo, voveo, ac juro. Sic me DEUS adjuvet, & hæc Sancta DEI Evangelia.

Si electus sit in Abbatem illius Monasterii, cujus Abbatia est taxata in Urbe, tunc facto tantum juramento super pactis conventis, remittatur ad Sacram sedem Apostolicam pro obtinenda Bulla in ordine ad benedictionem.

Quia verò Abbates Quinquennales non benedicuntur, sed electi, per confirmationem Ill. D. Præsidentis Generalis gaudent omnibus, quibus benedicti Abbates, privilegiis, juxta tenorem Consti. Congreg. nostræ P. 11. cap: 1 à Clemente XI. P. M. approbatarum, hinc Ill. D. Præsidentis Congregationis, accepta M.tra & Pido, indutus supra Rochettum stola & Pluviali, eundem electum Abbatem investiet insignis Abbatialis us, in hanc modum.

Imprimis Neo-electo Abbati genuflexo porriget Regulam sacram dicendo:

Accipe Regulam à Sancto Patre Benedicto conscriptam ad regendum, custodiendumque Gregem tibi à DEO creditum, quantum DEUS ipse te confortaverit. & fragilitas humana permiserit. Accipe Gregis Dominici paternam providentiam, & animarum procuracionem: & per Divinæ legis incedendo præcepta, sis ei dux ad cælestis hæreditatis pascua; adjuvante Domino nostro JESU Christo, qui cum Patre, & Spiritu Sancto vivit & regnat DEUS in sæcula sæculorum, R. Amen.

Deinde imponendo ei Crucem pectoralem, dicat:

Accipe Crucem pectoralem Sanctorum Reliquiis refertam, ut sicut illam ante pectus tenebis, sic semper mente retineas & memoriam Passionis Christi, & Sanctorum victorias Martyrum.

Tum dextera manus, digito annulari imponendo anulum, dicat:

Accipe anulum, fidei scilicet signaculum; quatenus sponsam DEI sanctam videlicet Ecclesiam, intemperata fide ornatus, illibatè custodias.

His peractis orietur Neo-electus Abbas Rochetto, stola, & Pluviali albi Col: & inchoato Hymno Ambrosiano, præcedente Cruce, omnes Religiosi processionaliter incedunt ad Ecclesiam, quos subsequitur Neo electus Abbas, adhuc cum birreto, & post eum Rmus D. Præfatus Generalis cum Mitra, & baculo Pastoralis. Venientes itaque ad Ecclesiam consistunt omnes in ordine suo, efformantes duas lineas rectas ab Altari majori, Ill: D. Præfatus Congr: in sede parata stans permanebit: Neo-electus verò Abbas prostermit se super tapete extensum ante medium Altaris. Finito Hymno Ill: D. Præfatus, dimisso Psalmo, & deposita Mitra decantat sequentia:

Sal-

- V. Saluum fac seruum tuum.
 R. Deus meus sperantem in te.
 V. Mitte ei Domine auxilium de Sancto
 R. Et de Sion tuere eum.
 V. Hic accipiet benedictionem à Domino.
 R. Et misericordiam à Deo salutari suo.
 V. Memor esto congregationis tuæ.
 R. Quam possedisti ab initio.
 V. Dominus custodiat introitum tuum, & exitum tuum.
 R. Ex hoc nunc, & usque in sæculum.
 V. Dominus custodiat te ab omni malo.
 R. Custodiat animam tuam Dominus.
 V. Domine Deus virtutum converte nos.
 R. Et ostende faciem tuam, & salvi erimus.
 V. Domine exaudi &c: R. Et clamor meus &c:
 V. Dominus vobiscum. R. Et cum spiritu tuo.

O R E M U S.

C Oaccede, quæsumus Omnipotens De-
 us, affectui nostro tuæ miserationis
 effectum; & hunc famulum tuum, quem
 ad regimen animarum eligimus, gratiæ
 tuæ dono prosequere; ut, te largiente, cum
 ipsa nostra electione tibi placeamus.

Deus, cui omnis potestas, & dignitas fa-
 mulatur: da huic famulo tuo prosperum
 suæ

suæ dignitatis effectum, in qua semper te timeat, tibi que jugiter placere contendat.

Omniū, Domine, fons honorum, iustorumque provecluum munerator, tribue quæsumus huic famulo tuo, adeptam bene gerere dignitatem: & à te tibi præstitam bonis operibus comprobare.

Exaudi Domine, preces nostras, quas in conspectu tuæ majestatis, super hunc famulum tuum fundimus, qui vice tui nominis ad gubernationem ovium tuarum statuitur, ut eum respicere, & interveniente beato Patre Benedicto bene† dicere digneris: & qui ad redemptionem, & protectionem nostram de cælo descendisti, & mundo te verum, & summum Pastorem exhibuisti, dicens, Ego sū Pastor bonus; te invocamus, te suppliciter deprecamur, ut huic famulo tuo, quem pastoralis Officii culmen subire voluisti, tua bonitas adsit, & benedictio† omnibus diebus vitæ suæ. Pro-
tege

tege eum Domine, & defende ab omnibus visibilibus, & invisibilibus adversitatibus inimicorum; dirige gressus eius in viam pacis, & iustitiæ, & largire tuarum dona virtutum; iustitiam, temporantiam, fortitudinem, prudentiam, charitatem, sobrietatem, patientiam, longanimitatem, constantiam insuperabilem, fidem non fictam, spem inconcussam, mentem devotam, humilitatem perfectam, intelligentiam rectam, benignitatem, modestiam, unanimitatem, pacem, concordiam, castitatem, abstinentiam, vigilantiam, discretionem, rectitudinem, scientiam, pietatem, consilium, & in cunctis actibus bonis inviolatam perseverantiam. Aufer, Domine JESU Christe, ab eo quidquid pravum, & distortum est, quidquid saluti contrarium, quidquid animæ nocivum; Superbiam, jactantiam, vanam gloriam, elationem, & quidquid ad ultimum tibi displicens esse

esse potest. Circumda eum interius, & exteriorius tue protectionis auxilio, ut, te defensore, sit tutus; te protegente, securus; te docente, sciens. Ostende ei viam, per quam ambulet, tribue ei thesaurum sapientiæ, ut sciat, & habeat, unde nova, & vetera proferat. Fac eum in omnibus tua sequi vestigia, & de sua ministratio-
ne gaudium bonum adipisci; ut post huius sæculi excursus, cum ante tribunal tuum venerit, cum multiplici fructu animarum, illud ei præmium largiaris, cum omnibus, quos tibi præsentabit, quod fidelibus desponsatoribus tuis, pro tuo nomine laborantibus in terris, te promissisti daturum esse in Cælis. Qui cum Patre, & Spiritu sancto vivis, & regnas Deus in sæcula sæculorum. R Amen.

His dictis, Neo-electus erigit s. & accedit ad Jll: D. Præsidem Generalem, qui sedens cum Mitra, accipit aliam Mitram à ministris, eamque imponit capiti Neo-electi Abbatis genuflexi dicens:

Imponimus Domine, capiti hujus famuli tui Abbatis galeam munitionis, & salutis, quatenus decora-

ta facie, & armato capite cornibus utriusque Testamenti terribilis appareat adversariis veritatis; & te ei largiente gratiam, impugnator eorum robustus existat; qui Moyfi famuli tui faciem, ex tui sermonis consortio decoratam, lucidissimis tuæ claritatis ac veritatis cornibus insignisti, & capiti Aaron Pontificis tui tiamam imponi iussisti. Per Christum Dominum nostrum. R. Amen.

Deinde tradit Baculum pastorem eidem adhuc genuflexo, ambabus manibus illum capienti, dicens:

Accipe baculum pastoralis officii, quem præferas catervæ tibi commissæ: ut sis in corrigendis vitiis piæ scævians; & cum iratus fueris, misericordiæ memor eris.

Tum Ill. D. Præfatus dicens: Neo-electum ad sedem prædecessoris sui, statuensque eum in dicto loco cum Mitra & baculo, dicit:

Accipe plenam, & liberam potestatem regendi hoc Monasterium, & congregationem ejus & omnia quæ ad illius regimen interius, & exterius, spiritualiter, & temporaliter pertinere noscuntur.

Si vero hæc investitura fit extra proprium Monasterium, cui Neo-electus præfatur, tunc Ill. D. Præfatus Generalis statuit illum in sacroitorio, quo ipse usus est, dicens:

Sta in iustitia, & sanctitate, & tene locum à Deo tibi delegatū; potens est enim Deus, ut augeat tibi gratiam suam.

Quod si hæc investitura fuerit in proprio Monasterio, tunc Neo-electus Abbas constitutus in sede prædecessoris sui ter dicit: cum omni tamen gravitate, & repausatione:

Protestor de pacifica possessione.

Denique recedente Ill. D. Præfate in Sacristiam ad deponenda Sacra Paramenta, Neo electus Abbas in proprio Monasterio

investitus, dabit solemnem benedictionem eo modo quo supra P. IV c. ro declaratum est, incipiens à *Ps.* Sit nomen Domini &c. ad ultimum, recipiet omnes, venientes cū recognitione, at oscula pacis.

C A P U T XIII.

Modus excipiendi D. Abbatem in obtinenda possessione.

Electus D. Abbas alicujus Monasterii, postquam, obtenta expeditione Romana, ab aliquo Antiste fuerit benedictus, ad Monasterium suum quam primum accedet, ut obtineat iurisdictionem; ideoq; determinato die, matutino, vel pomeridiano tempore ad residentiam Abbatialem accedet: Et tunc in Ecclesiam Monasterii ante Altare majus præparabitur genuflexorium, panno aliquo pretioso coopertum; Altare etiam majus festivius solito adornetur, omnes verò Religiosi Cucullis induti, præcedente Cruce, & subsequente eos aliquo Officiante delegato, superpelliceo, stola, & Pluviali induto, procedunt ad residentiam D. Abbatis. Hic indutus Pontificalibus paramentis, videlicet: Rocketto, Cruce pectorali, stola, Pluviali, & Mitra ornatus, ac Pedit suffultus, subsequitur omnes. Interim inchoatur Hymnus Te Deum laudamus, quem omnes decantando, procedunt debito ordine processionaliter ad Ecclesiam, & ut pervenerint ad templum, ita, ut ipse D. Abbas sit in porta Ecclesiæ, subsistunt aliquantulum omnes, nec tamen cessant à cantu Hymni Ambrosiani; interim Officians delegatus porrigit D. Abbati in porta Crucem, vel aliquod instrumentum pacis cum SS. reliquiis ad osculum, deinde porrigit eidem etiam aspergillum cum aqua benedicta, non intermissis debitis oculis aspersori, & manus D. Abbatis. Qui sumpto aspergillo primò seipsum, tum Offiantem, postea omnes Religiosos aspergit: Reddito aspersorio procedit cum omnibus ad Altare, ubi reddito baculo pastorali, super genuflexorio parato ante infimum gradum procumbit, & orat. Finito Hymno Officians ascen-

Ad Altare, illud in medio osculatur Et recedit ad cornu Epistolæ, ibi conversus erga D. Abbatem procumbentem in genua. Psalms. cantat.

¶ Exultent eum in Ecclesia plebis.

¶ Et in cathedra seniorum laudent eum.

¶ Hic accipiet benedictionem à Domino,

¶ Et misericordiam à Deo salutari suo.

¶ Memor esto congregationis tuæ,

¶ Quam possidisti ab initio.

¶ Dominus custodiat introitum tuum, & exitum tuum.

¶ Ex hoc nunc, & usque in sæculum.

¶ Dominus custodiat te ab omni malo,

¶ Custodiat animam tuam Dominus.

¶ Domine Deus virtutum converte nos,

¶ Et ostende faciem tuam, & Salvi erimus.

¶ Domine exaudi &c: ¶ Et clamor meus &c:

¶ Dominus vobiscum. ¶ Et cum spiritu tuo.

OREMUS.

OMnipotens sempiterne Deus qui facis mirabilia magna solus, præstende super hunc famulum tuum, & omnem congregationem illi commissam, Spiritum gratiæ salutaris: & ut in veritate tibi complacet, perpetuum ei rorem tuæ benedictionis infunde.

Cunctorum bonorum institutor Deus,
qui

qui per Moyſen famulum tuum ad gubernandas Eccleſias prepoſitos inſtituisti: tibi supplices fundimus preces, teque devotis mentibus exoramus; ut hunc famulum tuum, quem communis electio famulorum tuorum, auxilio gratiæ tuæ Abbatem ovium tuarum eſſe conſtituit, clementer reſpicere, & protectionis tuæ gratiâ munire digneris; ſicque regere ſubditas, commendatas que oves concedas, ut cum illis omnibus regna cælorum adipiſcatur, quatenus te, Domine, opitulante, Apoſtolicis iugiter fultus doctrinis, centeſimo cum fructu lætus introeat portas paradisi; atque à te, Domine, collaudante audire mereatur: Euge ſerve bone, & fidelis, quia ſuper pauca fuiſti fidelis, ſuper multa te conſtituam, intra in gaudium Domini tui: Quod ipſe præſtare digneris, qui vivis, & regnas Deus in ſæcula ſæculorum. R Amen.

His dictis ſurgit D. Abbas de genuflexorio. Et aſſumpto baculo.

baculo pastorali, ascendit ad Altare, ubi facta debita Cruci reverentia parum recedit ad cornu Epistolæ. Officiante interim transeunte ad cornu Evangelii, ibique consistente ad Altare. Ibi D. Abbas vertens aliquemodo faciem ad populum, dextera manu tangit Altari, dicens:

Protestor de pacifica possessione.

Quod cum aliqua pausa secundo, & tertio facit servatâ omni gravitate. Deinde D. Abbas demisso Pedit accedit ad medium Altaris cum Mitra, ubi solito modo incipiens à & Sit nomen Domini &c. dat solemnem benedictionem cum trina Crucis productione, ut supra P. IV. c. 10. dictum est.

His peractis D. Abbas accedit ad sedem præparatam in cornu Epistolæ, ibi sub Mitra sedet, Officians vero ex opposito, vel ad dexteram ejus pariter sedet; & interim salutatur oratoria suadâ ab uno ex PP. Communitatis. Salutatione finita D. Abbas omnes de Communitate facientes recognitionem, recipit ad osculum pacis: Interim verò canitur à Choro Responsorium sequens:

Posui adiutorium super potentem, & exaltavi electum de plebe mea; * Manus enim mea auxiliabitur ei. & Joveni David servum meum, oleo sancto meo unxi eum * Manus enim. &c. & Gloria Patri. * Manus &c.

Finito Responsorio, & præstitâ obedientiâ decantantur à Choro binæ Antiphonæ: 1. De S. Patrono Ecclesie. & 2. de SS. P. Benedicto Sanctissime &c. Et D. Abbas erectus depositâ Mitrà decantat 1. & de Patrono Ecclesie, 2. &.

& Ora pro nobis Sancte Pater Benedicte. R. Ut &c. Tum 1. Orationem de S. Patrono Eccl. 2. verò Excita Do-

Domine &c. sub unica conclusione. Et iam debito ordine recedunt in sacristiam, ad deponenda sacra paramenta, ex qua in pace abscedunt.

CAPITULUM XIV.

Modus fundandæ jurisdictionis Præsidentis Regiminis, post eius electionem in Capitulo Generali.

P Præsidente Regiminis Generali electo, unâ cum Visitatoribus duobus, Cancellario, & Depositario, à toto Cœtu Monachorum; jus, & interesse ad Capitulum Generale habentium, iuxta dispositionem Constitutionum Congregationis nostræ P. l. c. 9. vocentur omnes PP. & FF. qui in eodem resident, vel sub tempore Capituli sunt præsentibus Monasterio, sicq; Cucullati ad locum Capitularem accedunt: ubi facta publicatione Præsidentis Regiminis Neo-electi P. Sacrista affert 3. Pluvialia, 3. stolas, 3. Mitras, & 1. Baculum pastorem, ac statim novum Præsidentem Generalem induit stolâ supra Rochettum, Pluviali, & Mitrâ. Pariter & alios duos Abbates ex Definitoribus, vel Senioribus, alii Religiosi ornant stola supra Rochettum, Pluviali, & Mitrâ.

Quibus sic paratis inchoatur Hymnus: Te Deum laudamus. & omnes bini & bini præcedente Cruce processionaliter ad Ecclesiam progrediuntur. Illi D. Præsidentis Generalis Neo-electus, accepto Pedito, medius inter duos paratos DD. Abbates, seu magis præeantes, quasi potestatem incedit. Cum verò percentum fuerit ad Chorum, omnes processionaliter incedentes duas lineas rectas effor-

mant,

mant, faciebusque ad invicem versis consistunt, ac decantant Hymnum Ambrasianum usque ad illa verba:

Eterna fac cum Sanctis tuis in gloria numerari.

Interim Ill. D. Præfatus, dimisso baculo pastorali, in genuis xorio parato ante gradus Altaris procumbit orans, & non super terram prostratus, ob reverentiam supremæ in Congregatione dignitatis: præsertim, quia & Pont. fi. Romanum novissime à Benedicto XIV. recognitum & castigatum. P. III. tit. 21. in simili actu præcipit his verbis: „ Deinde procedunt ad Altare majus, & ibi, super faldistorio ante infimum gradum Altaris parato: procumbit, & orat Præfatus. „ Quod pariter in omnium DD. Abbatum installationibus est observandum

DD. Abbates parati hinc, inde ad latera Ill. D. Præfatis constituti, permanent stantes ad finem Hymni: quo finito deponunt Mitras, & dignior ex iis dicit sequentia.

✠ Salvum fac servum tuum.

R. Deus meus sperantem in te

✠ Mitte ei Domine auxilium de sancto.

R. Et de Sion tuere eum.

✠ Dominus vobiscum.

R. Et cum spiritu tuo

OREMUS.

OMnipotens sempiternus Deus, qui facis
Mirabilia magna solus, prætende super
hunc famulum tuum Præsidentem

no-

nostrum, & super Congregationem illi commissam, spiritum gratiæ salutaris: & ut in virtute tibi complaceat, perpetuum ei rorem tuæ benedictionis infunde.

Porrigere Domine huic famulo tuo Præsidenti nostro dexteram tuam, per intercessionem beatæ & gloriosæ semper Virginis MARIÆ: & auxilium ei lupernæ virtutis impende.

Intercessio nos, quæsumus Domine, Beati Patris Benedicti Abbatis commendet: ut quod nostris meritis non valemus, eius patrocinio assequamur. Per Christum Dominum nostrum. R. Amen.

His dictis Ill. D. Præsidentis surgit. Et accepto Pedo ascendit ad Altare, ubi factâ debitâ Cruci reverentiâ recedit ad latus Epistolæ ibique consistit, DD. Abbates paratis stantibus hinc, inde ad latera Altaris cum Mitris. Et secretarius Definitorii stans ad gradus Altaris promulgat electionem Officialium Regimini in forma sequenti:

Notum sit omnibus, & singulis Congregationis nostræ Abbatibus, Prælati; Prioribus, Præpositis cæterisque Religiosis, quorum interest, electum esse in Præsiden-

]M[

tem

tem Generalem Regiminis Reverendissimum D. NN. Abbatem Monasterii N. Anno Domini NN Die N. Mensis N. In dictione Romana N Pontificatus Sanctissimi Domini nostri Domini N. Divinâ Providentiâ Papæ eius nominis N. Anno ipsius N. In primum Visitatorem Rmum N. In secundum Visitatorem Rmum N. In secretarium Regiminis A. R. Dom. N. In Depositarium Congregationis A. R. P. N.

Finitâ publicatione electionis Ill. D. Præfatus faciet protestationem de pacifica possessione, ut cap. præc. dictum est & postea dabit solemnem benedictionem, omnibus interim genuflexis, exceptis DD. Abbatibus, qui tantum ad eam se inclinant. Deinde accepto aspergillo cum Aqua lustrali, asperget omnes Religiosos procedendo per medium eorum.

His peractis accedet ad sedem paratam, ibique cum M.tra sedebit, ad cuius latera sedebunt etiam DD. Abbates parati; accedent itaque omnes per ordinem ad faciendam recognitionem; & Ill. D. Præfatus omnes humiliatos cum osculo pacis suscipiet, modulante interim organo. Præstitâ sic obedientiâ, omnes debito ordine accedent in sacristiam, Prælati deponent sacra paramenta, de cætero omnes in pace recedent.

C A P U T XV.

Quæ sub tempus Visitationis sunt agenda?

DEnuntiatio adventu Ill. D. Præfatis Generalis,
omnes

omnes Religiosi Cucullati accedant ad portam Ecclesiæ, ibi sub Cruce ordinatè permaneant, bini, & bini consistentes: ubi adveniente Ill. D. Præsidente, omnes in loco suo constituti, profundè se inclinent, eumque venerentur; & incepto Hymno Ambrosiano omnes eundem prosequuntur, proceduntque ad Ecclesiam. Dum vero Ill. D. Præsident ad portam Ecclesiæ, omnes consistunt, & D. Abbas, vel in absentia eius P. Prior porrigit Ill. D. Præsidi aspergillum cum aqua benedicta, cum osculo aspersorii, & manus eius. Quo accepto Ill. D. Præsident, se ipsum D. Abbatem, & cæteros Religiosos in ordine suo constitutos, faciebus ad invicem conversos, & inclinatos aspergit aqua lustrali. Finita asperzione, procedit post omnes alios, usque ad gradus Altaris, ante quos, in parato genuflexorio, procumbit orans, usque ad finè Hymni Ambrosiani.

Finito Hymno inchoatur à Cantore Antiphona de S. Patrono Ecclesiæ, quâ decantatâ Ill. D. Præsident & Orationem præparatam tempestivè de eodem Patrono Ecclesiæ decantat. Et tandem ab aliquo ex PP. Communitatis Oratorio Stylo salutatur, repositis itaque gratiis, ad residentiam Abb. vel Monasterium progreditur.

Eadem die, si de mane, vel in crastinum hora competentis pulsetur trina vice interrupta pro Capitulo celebrando, ubi requisitis, & denuò publicatis innotescentialibus literis, ac perlecto S. Reg cap V. de obedientia discipulorum, nec non recommendatâ charitate fraterna in deponendis secretis scrutiniis, Ill. D. Præsident Genera-

lis fundabit jurisdictionem suam Visitatorialem. Et statim recta ex capitulo accedet in sacristiam, ubi accipiet sacra paramenta pro celebrando Missæ sacrificio lecto. (non tamen Pontificalia) ministrantibus sex, vel Octo Religiosis, nonnullis etiam cum cereis accensis & celebrabit ad Altare illud, in quo est Tabernaculum pro asservatione SS. Sacramenti. Finitâ Missâ, & non sub Communionē. P. Secretario Congr. adveniente, superpelliceo, & stolâ induto visitatur SS. Sacramentum sequenti ordine.

Imprimis omnes Religiosi tenentur audire Missam lectam Jll. D. Præsids, quâ finitâ cum ardentibus cereis exeunt ad medium ibique genuflectunt. Et statim aperto ostiolo Tabernaculi cantor inchoat: Tantum ergo sacramentum. Choro reliqua paulatim pr-sequent; Jll. D. Præsids, una cum P. Secretario, extractâ Pixide, eandem aperiunt, considerant Numerum consecratarum particularum, honestam conservationem tanti Sacramenti & statim occludunt Pixidem. Tum redeunte ad 2. Altaris gradum Jll. D. Præside, & finito Hymno, decantat:

✠ Panem de cælo præstitisti eis.
 & Omne delectamentum in se habentem.

OREMUS.

DEus, qui nobis sub Sacramento mirabili Passionis tuæ memoriam reliquisti: tribue quæsumus, ita nos Corporis, & San-

Sanguinis tui sacra Myſteria venerari: ut redemptionis tue fructum in nobis jugiter ſentiamus, Qui vivis, & regnas in ſæcula ſæculorum. & Amen

Mox accedit Thuriferarius cum thuribulo, & Navicula, qua tradita ſeniori aſſiſtenti, ipſe miniſtrat thuribulum ad ponendum incenſum: hoc impoſito Jil. D. Præſidens genuflexus in ora ſupplicanti capit Thuribulum incenſat SS. Sacramentum, & ſurgens accedit ad Altare, ubi genuflexus accipit Pixidem cum Sacramento, & converſus ad omnes, benedicit cum eo nihil dicens, nihilque cantans modulante non niſi pro interim Organo. Data benedictione per cornu Evangelii vertit ſe ad Altare, ubi reponit Pixidem, genuſſedit, & recedit ad 2. gradum, ibi genuſſedit, in ora ſupplicanti, incenſat ter Sacramentum, quod ſtatim ab uno ex aſſiſtentibus aſſervatur in Tabernaculo. Et Jil. D. Præſidens deſcendens in planum ad cornu Epistolæ deponit Planetam, ſtolam, & Manipulum coloris convenientis, & ſtatim capit ſtolam cum Pluviali coloris nigri, vel ad ſummum obſcure violacei. Hiſ indatur, & Mitra ornatur, cum cæteris Religioſis procedit ad lapideum ſepulchri fratrum, inchoando Antiph:

Si iniquitates. & Psalm. De profundis clamavi &c. alternatim ab omnibus recitatur cum v. Requiem æternam &c: & iam ad oram ſepulchri conſiſtentes repetunt Antiphonam: Si iniquitates obſervaveris Domine: Domine quis ſuſtinebit.

Deinde inchoante Cantore, decantatur ab omnibus abſolute Reſponſorium.

Libera me Domine de morte æterna &c.

Locant ſe autem omnes circa oram ſepulchri ſeu veri-
us

us circa pannum funebralem extensum & in mediò Ecclesie collocatum, cum 4 Candelabris, cereos accensos habentibus, sequenti ordine: Clericus cum Cruce processionali consistit inter Altare, & pannum, Jll. D. Præfident cum Ministris inter sepulchrum & portam Ecclesie, Religiosi hinc, inde dispositi efficientes duas lineas rectas. Circa finem & ministrante Thuriferario thuribulum, & ministro aliquo Naviculam imponit, & benedicit incensum Jll D. Præfident tum intonato à Cantoribus, & continuato per Chorum:

Kyrie eleyson, Christe eleyson Kyrie eleyson.

Dictus Jll. D. Præfident gravi voce inchoat Orationem Dominicam dicendo: Pater noster reliqua secretò proseguendo; & interim porrectum per assistentem primum Aspersorium cum aqua lustrali capit, ter aspergit aquâ benedicta, & ter incensat pannum nigrum, non circumeundo: His peractis, canit in tono seriali sequentia.

✠ Et ne nos inducas in tentationem
& Sed libera &c:

✠ In memoria æterna erunt justi.

& Ab auditione mala non timebunt.

✠ A porta inferi. & Erue Domine animas
eorum.

✠

✠ Requiem æternam dona eis Domine
℞ Et lux &c. ✠ Domine exaudi ora-
tionem meam. ℞ Et clamor &c:
✠ Dominus vobiscum. ℞ Et cum Spi-
ritu tuo.

OREMUS.

DEus, qui inter Apostolicos Sacerdo-
tes, famulos tuos Pontificali, seu Sa-
cerdotali fecisti dignitate vigere: præsta
quæsumus, ut eorum quoque perpetuo
aggregentur consortio.

Deus veniæ largitor, & humanæ sa-
lutis amator: quæsumus clementiam
tuam, ut nostræ congregationis fratres,
propinquos, & benefactores, qui ex hoc
sæculo transierunt, Beata Maria semper
Virgine intercedente cum omnibus San-
ctis tuis, ad perpetuæ beatitudinis con-
sortium pervenire concedas.

DEus, cuius miseratione animæ fide-
li-

lium requiescant, famulis, & famulabus
tuis omnibus, hic & ubique in Christo
quiescentibus, da propitiis veniam pec-
catorum; ut à cunctis reatibus absoluti,
tecum sine fine lætentur. Per Christum
Dominum nostrum. R. Amen.

℣ Requiem æternam dona eis Domine.

R. Et lux &c:

*Tum duo Cantores cantant: Requiescant in pace R. Amen.
Mox Ill. D. Præfatus elevatâ dextrâ, producit signum
Crucis super sepulchrum, nihil dicens; postea in plana re-
citatione inchoat Psal: Miserere mei Deus quem omnes
alternatim prosequuntur, & accedentes ad Chorum, in eo
genuflectunt ad finem. Et Ill. D. Præfatus procedit ad
Altare majus ibique in infimo gradu cum Ministris pa-
riter genuflectit, finito verò Psalmo, & addito ℣ Requi-
em æternâ erigens se dicit: Kyrie eleyson Chryste
eleyson Kyrie eleyson.*

Pater noster &c: *secreto usque ad* ℣ Et
ne nos inducas in tentationem R. Sed li-
bera nos à malo. ℣ A porta inferi R. Erue
Domine animas eorum ℣ Domine exaudi
orationem meam. R. Et clamor &c: ℣.
Dominus vobiscum R. Et cum spiritu tuo.

ORE-

OREMUS.

Absolve quæsumus Domine, animas famulorum, famularumque tuarum, ab omni vinculo delictorum: ut in resurrectionis gloria inter Sanctos, & Electos tuos resuscitati respirent. Per Christum Dominum nostrum. R Amen.

Recedit deinde in sacristiam, deponit sacra paramenta, accedit ad visitanda Altaria. Capellas, olea sacra, Imagines, Paramenta, & alia, ac prosequitur debito ordine Visitationem tam æternam, quam internam. Ita præcipit Pontificale Romanum. Par III. tit 22. cui concordat Cærem. Monast. Congr. Mont. ser. P. II. dist. 5. c. 2. per totum.

CAPUT XVI.

Modus absolvendi in die Cænæ Domini.

Cum in die Cænæ Domini omnes Religiosi sint obligati Paschalem Confessionem absolvere, & se præparare ad sumendum Agnum Paschalem, quod etiam plures sæculares personæ id ea die præstare desiderant, ideoque ut hac die & uniuscuiusque præparationi ad tantum Sacramentum, & proximorum commoditati provideatur, convenientius esset, ut hæc absolutio danda in die Cænæ Domini, anticipatò, scilicet FERIA IV. Majoris Hebdomadæ

]N[

post

post refectiorem largiatur: quod jam & consuetudine nonnullorum Monasteriorum, & statutis Generalibus per Capitulum Dietæ approbatis Anno 1730. die 26. Julii decisum, & declaratum est.

Itaque præfinito tempore, datò per sonum Campanæ, ter interruptò signò, omnes Religiosi cucullati accedant ad locum Capitulis celebrandis destinatum: ubi D. Abbas indutus Rochetto, & Mozzetta, vel eo absente P. Prior thogatus, præmissò gravi sermone, præparante ad dignè sumendum Agnum Paschalem; circa finem huius sedulò admoneat omnes, & singulos, ut condonari sibi invicem faciant ex cordibus, qualescunque offensas amore Domini nostri JESU Christi, & ad invicem fraterno. Ideoque ad præstandum exemplum, ipsemet Prælatus protestetur se omnes offensas singulis condonasse, & mutuam condonationem suorum defectuum humiliter exposulasse. Et ex ea ratione omnes exeant ad medium, facient publicam deprecationem mutuam, à maximo, usque ad minimum. His tandem peractis, & in charitate fraterna pacificatis, Prælatus declarationem infrascriptam faciat, in forma sequenti:

EX munere pastoralis nostræ obligationis, salutis animarum Religiosarum, nobis committarum providere cupientes: omnibus & singulis huius Venerabilis Communitatis N. Patribus; & Fratribus plenariam facultatem concedimus confi-

teri, coram quibus placuerit; dando etiam Reverendis Patribus loci huius, & Congregationis Professis & ad Confessiones sæcularium iam aliàs approbatis, (quos etiam, ad præsens, pro hac duntaxat sola vice approbamus) facultatem absolvendi ab omnibus casibus reservatis excepto solo vitio proprietatis. In quo, si quis (quod Deus avertat) sive ab intra, sive ab extra existens in hac Communitate innodatus fuerit talem non solum à Confessione, sed etiam à Communione, & aliorum Sacramentorum participatione, & ab ipsa nostra Meritorum Christi, Beatæ MARIÆ Virginis, ac omnium Sanctorum participatione invocato Dei nomine, excludimus, & Excommunicamus: & pro excluso, ac excommunicato ipso facto declaramus, & pro tali ab omnibus haberi volumus, & sententiamus. Ad magis verò serenandas cunctorum conscientias, intendimus admittere omnes præsentés (exceptis duntaxat proprietariis) ad abso-

lutionem consuetam à Censuris, præviâ
tamen culparum, per omnes, recogniti-
one, juxta Congregationis nostræ statu-
ta, tum offensarum ab invicem, cum fra-
terno amplexu, & pacis osculo condona-
tione: non intermissâ etiam generali
confessione.

*Et statim, omnibus genuflexis, Prælatus impositâ sibi stola &
Collo pendente coloris violacei omnibus genuflexis, ipse stans, clara
voce dicit.*

Kyrie eleyson Chryste eleison Ky-
rie eleyson.

✠ Salvos fac servos tuos R Deus me-
us &c.

✠ Mitte nobis Domine auxilium de San-
cto.

R Et de Sion tuere nos.

✠ Nihil proficiat inimicus in nobis.

R Et filius iniquitatis non apponat no-
cere nobis.

✠ Esto nobis Domine turris fortitudi-
nis.

R

✠ A facie inimici
✠ Convertere Domine aliquantulum.
✠ Et deprecabilis esto super servos tuos.
✠ Non nobis Domine non nobis.
✠ Sed nomini tuo da gloriam
✠ Exurge Domine adjuva nos.
✠ Et libera nos propter Nomen tuum.
✠ Dominus vobiscum
✠ Et cum spiritu tuo.

OREMUS.

Adesto, Domine, supplicationibus nostris, & me etiam, qui misericordiâ tuâ primus indigeo, clementer exaudi: ut quem non electione meriti, sed dono gratiæ tuæ constituisti ministrum; da fiduciam huius muneris tui exequendi, & ipse in nostro ministerio, quod tuæ pietatis est, operare. Per Christum Dominum nostrum. ✠ Amen.

OREMUS.

OMnipotens sempiterne Deus, confi-
ten-

tentibus tibi fidelibus tuis, pro tua pietate, peccata relaxa, ut non plus eis noceat conscientiae reatus ad pœnam, quam prosit indulgentia tuæ pietatis ad veniam Per Christum &c:

OREMUS.

OMnipotens, & misericors Deus, qui peccatorum indulgentiam in confessione celeri posuisti: succurre lapsis, ut quos delictorum catena constringit, magnitudo tuæ pietatis absolvat. Per Christum Dominum nostrum. R Amen.

OREMUS.

DEus humani generis benignissime conditor, & misericordissime reformator, qui hominem, invidiâ diaboli, ab æternitate deiectum, unigeniti Filii tui Sangvine redemisti: vivifica hos fideles tuos, quos tibi nullatenus mori desideras, & qui non derelinquis devios, assume correctos; moveant pietatem tuam,
Do-

Domine, quæsumus, horum fidelium tuorum lachrymosa suspiria, tu eorum medere vulneribus, tu jacentibus manum porrige salutarem, ne Ecclesia tua, aliquâ sui corporis portione, vastetur, nec grex tuus detrimentum sustineat, ne de familiæ tuæ damno inimicus gaudeat, nec renatos lavacro salutari mors fecunda possideat. Tibi ergo Domine præces supplices, Tibi fletum cordis emitimus, tu parce confitentibus, & ut sic in hac mortalitate peccata sua te adjuvante defleant, qualiter in tremendi Judicii die sententiam damnationis æternæ evadant: & nesciant, quod terret in tenebris, quod stridet in flammis, atque ab erroris via ad iter reversi justitiæ, nequaquam ultra vulneribus saucientur, sed integrum sit eis, atque perpetuum, & quod gratia tua contulit, & quod misericordia reformavit. Per Christum Dominum nostrum.
R Amen.

ORE-

OREMUS

Domine JESU Christe, Rex æterne,
Pastor bone, legimus in sancto Evan-
gelio tuo, quia curam, & Providentiam,
atque regimen sanctæ Ecclesiæ beato
Apostolo tuo Petro, præ cæteris omni-
bus specialiter tradidisti, illo utique tem-
pore, quando ad illum veridicâ voce lo-
cutus es, dicens: Tibi dabo claves re-
gni cælorum, & quodcunque ligaveris,
super terram, erit ligatum & in cælis.
Quæsumus, Domine JESU Christe, De-
us, immense, ut in tuo sacro Nomine, &
in tua potentissima virtute, fiant absoluti
istī Fratres ab omnibus vinculis peccato-
rum, quidquid ab infantia usque modo
in hac hora, cogitatione, locutione,
opere, ac qualicunque modo, svadente
diabolo, peccaverunt: ut, per auxilium
gratiæ tuæ, ex omni parte liberi effecti,
atque ab omnibus inquinamentis animæ
& corporis mirabiliter purificati, & su-
per

per nivem, gratiâ tuæ pietatis, dealbati, partem, & societatem mereantur sine fine habere, cum omnibus Sanctis, in cælestibus Regnis. Quod ipse præstare, benignissimâ pietate, digneris, qui venisti in hunc mundum, per Incarnationis Mysterium, peccatores salvos facere: qui cum Patre & Spiritu Sancto vivis & regnas Deus benedictus in sæcula sæculorum & Amen.

OREMUS.

Propitietur Dominus, cunctis iniquitatibus vestris, & sanet omnes langvores vestros, redimatque de interitu vitam vestram, & sanet in bonis omnibus desiderium vestrum. Qui solus in Trinitate unus Deus vivit, & regnat in sæcula sæculorum & Amen.

OREMUS.

Exaudi, Domine, preces nostras, & contentium tibi parce peccatis; ut quos

]O[

con-

conscientiæ reatus accusat, indulgentia
tuæ pietatis absolvat. Per Christum Do-
minum nostrum & Amen.

OREMUS.

PRæveniat hos fideles tuos, quæsumus
Domine, misericordia tua; ut omnes
iniquitates eorum celeri indulgentiâ de-
leantur. Per Christum Dominum no-
strum & Amen.

OREMUS.

Adesto, Domine, supplicationibus no-
stris, ne sit ab his fidelibus, clemen-
tiæ tuæ longinqua miseratio, sed eorum
sana vulnera, remitte peccata: ut nullis
à te iniquitatibus separati, tibi Domino
nostro JESU Christo valeant semper ad-
hærere. Qui vivis, & regnas in sæcula
sæculorum. & Amen.

OREMUS.

Domine Deus noster, qui offensione
no-

stra non vinceris, sed satisfactione placaris: respice propitius ad hos famulos tuos, qui se tibi peccasse graviter confitentur; tuum est absolutionem criminum dare, & veniam parare peccantibus, qui dixisti: pœnitentiam te malle peccatorum, quam mortem; concede ergo Domine hoc, ut tibi pœnitentiæ excubias celebrent, & correctis actibus suis, conferri sibi à te sempiterna gaudia gratulentur. Per Christum Dominum nostrum. R Amen.

OREMUS.

PRæsta, quæsumus Domine, his fidelibus tuis dignum pœnitentiæ fructum, ut Ecclesiæ tuæ sanctæ, a cuius integritate deviaverant peccando, admissorum reddantur innoxii veniam consequendo. Per Christum Dominum nostrum. R Amen.

Dictis Orationibus, omnes genuflexi dicunt clara voce simul:

[O2]

Con

Confiteor Deo omnipotenti &c:

Facta Confessione: Prælati dicit: Misereatur vestri &c: ac tandem: Indulgentiam, absolutionem &c: Deinde legit sequentem absolutionem:

Authoritate omnipotentis Dei & Sanctorum Apostolorum eius, Petri, & Pauli, Sanctæque Sedis Apostolicæ, & Ordinis Sancti Benedicti, quâ fungor, licet immeritus hac in parte; si aliquas Excommunicationis, Suspensionis & Interdicti sententias, seu censuras, à Canone, seu ab homine latas, quomodocunque, quoties, & qualitercunque, scienter, vel ignoranter, communiter, seu divisim, incurristis, seu incidistis, vel aliquis vestrum incurrit aut incidit, ab illis sententiis, seu censuris: Ego licet indignus, & immeritus, auctoritate prædicta mihi tradita, ex nunc Christi Nomine invocato, vos omnes absolvo, ac Sanctæ Matris Ecclesiæ Sacramentis restituo, ut sitis absoluti. Omnesque irregularitates,
fi

si eas incurristis, aut incidistis, vel aliquis vestrum incurrit, seu incidit, aboleo; & vobiscum, & cum quolibet vestrum in eis dispenso. Deinde eadem auctoritate Ego vos absolvo à pœna transgressionis votorum, Sacramentorum, Dei mandatorum ac præceptorum Ecclesiæ: ab omni pœna vobis infligenda pro transgressione Regulæ, Constitutionum, Cæremoniarum, statutorum, Ordinationum & præceptorum Superiorum vestrorum. In nomine Pa + tris, & Fi + lii, & Spiritûs + Sancti. Amen.

Et accepto aspergillo cum aqua lustrali, aspergat eos omnes, nihil dicens: surgunt iam omnes à genuflexione, & Prælati depositâ stola recommendat in Choro & Ecclesiâ diligentiam, Religiosam in omnibus observantiam, mutuam Charitatem, Orationemque ferventem pro necessitatibus Ecclesiæ, Regni, Congregationis, loci huius, ac tandem in pace dimittat Capitulum.

D. verò Abbas à P. Priore in Choro, vel in Cella sua pariter absolvatur, incipiendo à Confessione generali, & pronuntiando omnia in numero singulari, juxta sequentem formam:

Authoritate omnipotentis Dei, &
San-

Sanctorum Apostolorum eius Petri, & Pauli, Sanctæq; Sedis Apostolicæ & Ordinis Sancti Benedicti, quâ fungor, licet immeritus hac in parte; si aliquas Excommunicationis, Suspensionis, & Interdicti Sententias, seu Censuras, à Canone, seu ab homine latas, quomodocunque, quoties, & qualitercunque, scienter, vel ignoranter, communiter, seu divisim incurristi, seu incidisti, ab illis sententiis, seu censuris: Ego licet indignus, & immeritus, autoritate prædictâ mihi tradita, ex nunc Christi Nomine invocato te absolvo, ac Sanctæ Matris Ecclesiæ Sacramentis restituo, ut sis absolutus. Omnesque irregularitates, si eas incurristi, aut incidisti, aboleo, & tecum in eis dispenso. Deinde eadem autoritate Ego te absolvo à pæna transgressionis votorum, Sacramentorum, Dei mandatorum, ac præceptorum Ecclesiæ; ab omni pæna tibi infligenda pro transgressione Regulæ,
Con-

Constitutionum, Cæremoniarum, Statutorum, ordinationum; & præceptorum Superiorum tuorum In nomine Patris, & Filii † & Spiritus Sancti Amen.

Et aspergat eum aquâ benedictâ. Disponatur insuper aliquis ex Superioribus, vel senioribus ad infirmos Confratres (si qui sunt) ut et ipsi pariter absolvantur.

C A P U T. XVII.

Modus Recipiendi ad Confraternitatem Ordinis nostri, cum Scapulari.

SI quis rogaverit ut ad Confraternitatem Ordinis nostri Benedictini suscipi possit, & ut scapulare parvum, dicti Ordinis signum portare valeat, non est ei deneganda hæc gratia, eius tamen præ oculis habeatur status, & ratio. Itaque si D. Abbas decreverit aliquam personam ad dictam Confraternitatem suscipere, ipse, vel ex commissione ejus P. Prior, superpelliceo stolâ, & Pluviali indutus, accedet ad Altare S. P. Benedicti, coram quo tales cæremonie peragi solent: ibique conversus erga tales, qui in Confraternitate nobiscum vivere volunt, demonstrat iis Charitatem sacri Ordinis, quâ suorum bonorum operum, coram Domino factorum. & faciendorum participes eos efficit: Moneatque ut sobriè, justè, & piè vivendo in hoc sæculo, famam sacræ Religionis Benedictinæ tueantur, curentque (quantum possibilitas permittit)

ad

ad maiorem perfectionem acquirendam, instrumenta bonorum operum servare, quæ S. P. Benedictus Reg: suæ cap: 4. exaravit. His explanatis, dicet:

✠ Adjutorium nostrum in nomine Domini
 & Qui fecit Cælum & terram.

Et dicet alternatim cum nonnullis præsentibus Religiosis sequentes Psalmos videlicet

Psal: 50. Misere mei Deus &c: ut Dominica ad Laudes.

Psal: 120. Levavi oculos meos in montes: &c: ut ad Tertiam per Hebdom:

Psal: 132. Ecce quam bonum, & quam jucundum &c: ut Feria III. ad Vesp: addendo in fine singulorum Psalmorum ✠. Gloria Patri, & Filio &c: Tum dicit Kyrie eleyson, Chryste eleyson, Kyrie eleyson. Pater noster, &c: secretò usque ad:

✠ Et ne nos inducas in tentationem.

& Sed libera nos à malo.

✠ Salvum fac servum tuum

& Deus meus sperantem in te.

✠ Convertere Domine usquequo.

& Et deprecabilis esto super servum
 tuum.

✠ Mitte ei Domine auxilium de Sancto,

&

R Et de Sion tuere eum.

Y Esto ei Domine turris fortitudinis,

R A facie inimici.

Y Nihil proficiat inimicus in eo.

R Et filius iniquitatis non apponat nocere ei.

Y Domine exaudi orationem meam.

Y Et clamor &c.

Y Dominus vobiscum. R Et cum Spiritu tuo.

OREMUS

Domine JESU Christe, qui dixisti discipulis tuis, ubi duo, vel tres congregati fuerint in Nomine meo, in medio eorum sum: Tu hodie in medio nostrum adesse digneris, & huic Confraternitati nostræ manum misericordiæ impende, ut per te vera, & stabilis in bono devotio nostra perseveret; ut tuis mandatis obediētes, & pro invicem orantes, te gubernante Corda nostra, sal-

]P[

va-

vari mereamur, & ad æternam beatitudinem pervenire valeamus. Qui vivis & regnas in sæcula sæculorum. *R Amen.*

OREMUS.

DEus qui es humilium vilitator, & in fraterna dilectione complaces; prætende Confraternitati nostræ gratiam tuam; ut per hoc, quod tua virtute agimus gratias ab æterno destinatas, pro hoc, famulo tuo (*vel* his famulis tuis) (*vel* hac Ancilla tua) feliciter consequamur. Per Christum Dominum nostrum. *R Amen.*

OREMUS.

Super famulum tuum, (*vel* famulos tuos) (*vel* Ancillam tuam quæsumus Domine benedictio copiosa descendat, indulgentia veniat, prædestinatio cælestis ipsum (*vel* ipsos) (*vel* ipsam) instauret, consolatio tribuatur, fides sancta crescat, redemptio sempiterna firmetur. Per Christum
stum

stum Dominum nostrum. R Amen.

Quibus dictis Prælatus benedicit scapulare, absolute dicens:

Y Dominus vobiscum. R Et cum spiritu tuo.

OREMUS.

Domine Deus bonarum virtutum dator, & omnium benedictionum largus infusor; te suppliciter deprecamur: ut hanc vestem, (*vel* has vestes quam famulus tuus, (*vel* quas famuli tui) (*vel* Ancilla tua, pro indicio agnoscendæ Confraternitatis Religionis induere vult (*vel* volunt) bene † dicere, & Sanctifi † care digneris. Per Christum Dominum nostrum R Amen.

Prælatus aspergit scapulare Aquâ benedictâ, quod statim imponit ei sedendo, dicens:

Immitteat in te Dominus sanctum Religionis amorem, sanctoque fervore lucendaris, & ardeas cælestium bonorum desiderio.

Et mox surgens Prælatus dicat:

IP2[

Y

Ÿ Dominus vobiscum & Et cum spiritu tuo.

OREMUS.

EXaudi Domine preces nostras, & super hunc famulum tuum (*vel* famulos tuos) (*vel* Ancillam tuam) spiritum benedi + ctionis emitte: ut celesti munere ditatus (*vel* ditati) (*vel* ditata) & gratiam tuæ majestatis possit (*vel* possint) acquirere; & bene vivendi aliis exemplum præbere. Per Christum Dominum nostrum. & Amen.

Deinde dicatur alternatim à præsentibus Religiosis Hymnus Ambrosianus

Te Deum Laudamus. &c: Et eo finito, addatur à Præfato.

Ÿ Benedicamus Patrem & Filium, cum Sancto Spiritu.

& Laudemus, & superexaltemus eum in sæcula.

Ÿ Ora pro nobis Sancte Pater Benedicte.

&

℞ Ut digni efficiamur promissionibus
Christi.

℣ Domine exaudi orationem meam.

℞ Et clamor &c.

℣ Dominus vobiscum. ℞ Et cum Spi-
ritu tuo.

OREMUS.

DEus, cuius misericordiae non est nu-
merus, & bonitatis infinitus est the-
saurus, piissimae Majestati tuae pro colla-
tis donis gratias agimus: tuam semper
Clementiam exorantes; ut qui petenti-
bus postulata concedis, eosdem non de-
serens ad praemia futura disponas.

EXcita, Domine, in Ecclesia tua Spi-
ritum, cui beatus Pater Benedictus Ab-
bas servivit: ut eodem nos repleti, stu-
deamus amare quod amavit; & opere
exercere quod docuit. Per Christum
Dominum nostrum. ℞ Amen.

*His peractis novo Confratri, vel pluribus recommendetur
spe-*

Specialis devotio, ad S. P. Benedictum, & dimittatur in pace.

C A P U T. XVIII.

Modus induendi Puerum pro voto.

PARENTES, cum vel filios suos variis infantie languoribus oppressos nacti sint, vel etiam speciali devotione ducti, sæpenumero eos Sanctissimo Patriarchæ nostro Benedicto, ad sacrum eius habitum, in certum tempus, portandum non sine, recuperatæ, aut conservatæ sanitatis fructu, devovent. Cum igitur talem infantem ad aliquam nostrarum Ecclesiarum Parentes adduxerint, Sacerdos, qui ad hoc pietatis opus assuendum rogatus fuerit, de licentia sui Superioris, sacra, oblato pueri vestimentula, modò, & formâ sequentibus benedicat, absolute dicendo.

Y Adjutorium nostrum in Nomine Domini.

R Qui fecit calum & terram.

Y Domine exaudi orationem meam.

R Et clamor &c.

Y Dominus vobiscum R Et cum Spiritu tuo.

OREMUS.

Domine JESU Christe, qui pro nostra salute suscipiens humanam naturam

ram, te vestimento carnis induere dignatus es: benedictione Sancta^a tua, bene† dic ista parvula vestimenta, quæ pro gratiis tibi exsolvendis, cum omni devotione, sanctoque voto, ac veneratione Beata^e MARIAE semper Virginis infans iste (vel puella) super se susceptorus est; infunde in eum, quæsumus, tuam sanctam benedi† ctionem, ut cum primum induerit hoc Religioni simile vestimentum, intercedente beato Patre nostro Benedicto, descendat super eum gratia tua, & protegat eum ab omni malo mentis, & corporis. Qui vivis, & regnas cum Deo Patre in unitate Spiritus Sancti Deus per omnia sæcula sæculorum.

R. Amen.

Benedictio Cinguli

OREMUS.

DEus, qui, ut servum tuum absolveres, Filium tuum funibus ligari volu-

Iuncta bene tunc die, quætamus, cingulum
istum, ut famulus tuus. N. qui eo, velut
ligamine corpus cinget, vinculorum
eiusdem Filii tui Domini nostri JESU
Christi memor existat. Per eundem
Christum Dominum nostrum. R. Amen.

*Mox sacerdos aspergat aquâ benedictâ & vestimenta,
& cingulum. Deinde exiit eundem Puerum suis vesti-
mentis, in parte tantum aliqua, & dicit:*

Eripiat Dominus de corde tuo pompas
quibus abrenuntiasti, dum Baptismum
suscepisti

Et statim addat Psalmum. 139.

Eripeme Domine ab homine malo: à
viro iniquo eripe me.

Eripe me de inimicis meis: & ab insur-
gentibus in me libera me.

Eripe me de operantibus iniquitatem;
& de viris Sanguinis salva me.

Gloria Patri, & Filio, &c:

Postea induat eum habitu, dicens:

Immittat in te Dominus sanctum Re-
ligionis amorem, sanctoque fervore suc-
cen-

cendaris, & ardeas Cælestium bonorum
desiderio.

Psalm. 113.

LAudate pueri Dominum: laudate no-
men Domini.

Sit nomen Domini benedictum: ex hoc,
nunc usque in sæculum.

A solis ortu usque ad occasum: laudabile
nomen Domini.

Excelsus super omnes gentes Dominus:
& super cælos gloria ejus.

Quis sicut Dominus Deus noster, qui in
altis habitat: & humilia respicit in cæ-
lo, & in terra?

Sulcitans à terra inopem: & de sterco-
re erigens pauperem.

Ut collocet eum cum principibus: cum
principibus populi sui.

Qui habitare facit sterilem in domo: ma-
trem filiorum lætantem:

Gloria Patri, & Filio, &c:

Et mox præingat eum Cingulo dicens:

]Q[

Præ-

Præcingat te Dominus zona justitiæ, ut
immaculatus conserues omnia mandata
eius.

Psalms. 150.

Laudate Dominum in Sanctis eius: lau-
date eum in firmamento virtutis eius.
Laudate eum in virtutibus ejus: laudate
eum secundum multitudinem magni-
tudinis eius.

Laudate eum in sono tubæ: laudate eum
in psalterio, & cythara.

Laudate eum in tympano, & choro: lau-
date eum in chordis, & Organo.

Laudate eum in cymbalis benesonan-
tibus; laudate eum in cymbalis jubilati-
onis: omnis Spiritus laudet Dominum.

Gloria Patri, & Filio, &c:

Deinde dat ei candelam ardentem, dicendo sequentia:

Ÿ Domine exaudi orationem meam.

R Et clamor &c: Ÿ Dominus vobiscum.

R

R. Et cum Spiritu tuo.

OREMUS.

Domine JESU Christe, lux vera de vero lumine, quæsumus clementiam tuam; ut per intercessionem beati Patris nostri Benedicti Abbatis, mentem parvuli hujus illumines; ut cum ad annos discretionis pervenerit, Sancto tibi animo, corporeque deserviat. Qui vivis, & regnas cum Deo Patre in unitate Spiritûs Sancti Deus per omnia sæcula sæculorum. R. Amen.

Insuper benedicat Puerum, offerendo eum super Altare, dicens:

Confirma Deus in puero, quod operari fecisti in templo sancto tuo. Deducat eum Spiritus tuus bonus in terram rectam, & benedi + ctio tua sit super eum semper.

Denique reddat eum Parentibus, & conversus ad circumstantes, benedicat eos:

Benedicat vos Divina Majestas: Pa- &

] Q2[

& Filii † & Spiritus Sancti. R. Amen.

C A P U T XIX.

Modus exuendi Puerum completô votô.

Ÿ. Adiutorium nostrum in nomine Do-
mini.

R. Qui fecit cælum & terram.

Ÿ Domine exaudi orationem meam.

R. Et clamor &c: Ÿ. Dominus vobiscum.

R. Et cum spiritu tuo.

OREMUS.

Domine Sancte, Pater Omnipotens
sempiternæ Deus, à quo descendit
omne bonum, & omne donum, tibi gra-
tias referimus & expleta vota reddimus:
Suscipe vota nostra cū gratiarum actio-
nibus, & intercedente beatâ Virgine
MARIA, sanctoque Patre nostro Bene-
dicto, huic infanti (*vel* puellæ) de cæte-
ro præsta salutem mentis & corporis, ut
te Creatorem recta fide colat: in te Re-
demptore spem suam confirmet: teque
sum-

summum bonum super omnia diligat,
atque sanctis mandatis tuis semper obe-
diat. Per Christum Dominum nostrum.
R Amen.

Et exuendo habitum dicat:

Reddite vota vestra Deo, cum actibus suis.

Psalms. 116.

LAudate Dominum omnes gentes :lau-
date eum omnes populi.

Quoniam confirmata est super nos mise-
ricordia ejus: & veritas Domini manet
in æternum.

Gloria Patri &c:

Tum deponat habitum super Altare, & dicat:

Ÿ Domine exaudi orationem meam.

R Et clamor &c, Ÿ Dominus vobiscum.
Et cum Spiritu tuo.

OREMUS.

SUscipe, Sancte Pater omnipotens
æterne Deus, vota, precesq; supplicum:
& per intercessionem Beatæ Virginis
MA-

MARIÆ, & Sancti Patris Nostri Benedi-
cti, præsta nobis ita beneficia tua cogno-
scere, ut in gratiarum actione semper ma-
neamus. Per Christum Dominum no-
strum. R Amen

*Deinde aspergat circumstantes aquâ benedictâ & dimit-
tat eos in pace.*

C A P U T XX.

Modus benedicendi Numismata S. P. Benedicti, di-
cta vulgo Karawaki.

*Hæc benedictio fieri debet semper post Missam, ante-
quam sacra paramenta deponat sacerdos Benedictinus.
Positis itaque Numismatibus super Altare iis, quæ ha-
bent sequentes literas in se expressas:*

V. R. S. N. S. M. V. S. M. Q. L. I. V. B. † S. S.
M. L. N. D. S. M. D. & in altera facie. † Z. †.
D. I. A. † B. I. Z. † S. A. B. † Z. † H. G. F. † B.
F. R. S. eos in sequenti forma benedicit:

✠ Adiutorium nostrum in nomine Do-
mini.

Qui fecit cælum & terram.

✠ Dominus vobiscum. & Et cum Spiritu tuo.

OREMUS.

DEus omnipotens, bonarum virtutum dator, & omnium benedictionum largus infusor, supplices te rogamus: ut intercedente Beato Patre nostro Benedicto manibus nostris opem tuæ benedictionis infundas, & hos Characteres, ac literas, ad abigendos dæmones, morbosque pellendos, tua revelatione præparatas, virtute Sancti Spiritus benedicti + cere digneris; & omnibus eis utentibus sanitatem mentis, & corporis, & gratiam sanctificationis benignus concede: ut in conspectu tuo sancti, & immaculati, atque irreprehensibiles appareant, & insidias latentis inimici, per auxilium misericordiæ tuæ clementer effugiant Per Christum Dominum nostrum. & Amen.

OREMUS.

Domine JESU Christe, qui voluisti
pro

pro mundi redemptione de Virgine nasci, circumcidi, à Judæis reprobari, à Juda proditore osculo tradi, vinculis alligari, sicut Agnus innocens ad victimam duci, atque conspectibus Annæ, Caiphæ, Pilati & Herodis indecenter offerri, à falsis testibus acculari, flagellis & opprobriis vexari, sputis conspui, spinis coronari, colaphis cædi, arundine percuti, facie velari; vestibus exui, Cruci clavis affigi; in cruce levari, inter latrones reputari, felle & aceto potari, lancea vulnerari & tandem in Cruce mori. Per has sanctissimas pænas, & passionem tuam, quas ego indignus recolo, suppliciter te oro, de loco illo, & de domibus ejus, & de omnibus incolis ejus, & de me servo tuo, & de omnibus, quicumque per literas, & Characteres hos invocaverint Sanctum Nomen tuum, expellas omnes infidias diaboli, & fraudes, ac pestem; hunc locum & omnes habitatores ejus, me quo-

quoque indignum famulum tuum,
& omnes quicunque signati fuerint hoc
signo sanctificationis tuæ, ad pristinam
sanitatem perducere digneris, fracto vin-
culo cuiuscunque gentis malignæ. Amen.

Exorcismus S. Zachariæ.

MAledicti, & excommunicati, & blas-
phemi dæmones in virtute verbo-
rum istorum: Messias, Emmanuel, Saba-
oth, Adonai, Athanatos, Ischiros, Te-
tragrammaton, vos constringimus, vos
privamus, vos expellimus ab isto loco, &
ex domibus ejus, ubi fuerint hæc signa
Dei, & præcipimus vobis, ut non habe-
atis potestatem per pestem nocere corpo-
ribus habitantium in eis. Ite! ite! ite
maledicti in stagnū ignis, ite statim ad
loca vobis deputata, & nunquam huc ac-
cedatis. Imperat vobis Deus Pater, im-
perat vobis Deus Filius, imperat vobis
Deus Spiritus Sanctus, imperat vobis

]R[

San-

Sanctissima Trinitas unus Deus. Discedite maledicti dæmones in nomine Domini nostri JESU Christi, qui venturus est judicare vivos, & mortuos, & sæculum per ignem. Amen.

OREMUS.

DEus, qui culpâ offenderis, pænitiâ placaris, preces populi tui supplicantis propitiùs respice: & flagella tuæ iracundiæ, quæ pro peccatis nostris mereamur, averte.

DEus, qui justificas impium, & non vis mortem peccatoris, majestatem tuam suppliciter deprecamur: ut famulos tuos de tua misericordia confidentes, cælesti protegas benignus auxilio, & assidua protectione conserves; ut tibi iugiter famulentur, & nullis tentationibus à te separentur.

Benedictionem tuam, Domine, populus fidelis accipiat, qua corpore salvetur,
&

& mente & congruam tibi exhibeat ier-
vitutem, & propitiationis tuæ beneficia
semper inveniat.

Concede nos famulos tuos, quæsumus
Domine Deus, perpetuâ mentis & cor-
poris sanitate gaudere, & gloriolâ Beatæ
MARIAE semper Virginis intercessione
à præfenti liberari tristitia, & æternâ
perfrui lætitiâ.

Intercessio nos quæsumus Domine
beati Patris Benedicti Abbatis commen-
det: ut quod nostris meritis non valemus,
ejus patrocínio assequamur.

Da nobis, quæsumus Domine, piæ pe-
titionis effectum, & pestilentiam, mortali-
tatemque propitiatus averte; ut mortali-
um corda cognoscant à te indignante
talìa flagella prodire, & te miserante cel-
sare. Per Christum Dominum nostrum.
Amen.

*Aspergat deinde Numismata aquâ benedicta, in modum Cru-
cis, addens:*

Benedictio Dei omnipotentis Patris, &

[R2]

Fi-

Fili, † & Spiritus Sancti descendat super
hos Characteres, & maneat semper.
Amen.

C A P U T. XXI.

Modus benedicendi Panem novum in Festivitate San-
ctorum Apostolorum Petri & Pauli, pro Monasterio
Tynecensi.

*In pervigilio SS Apost: Petri & Pauli, Sacerdos sum-
pto superpelliceo, & Stola accedens ad novum Panem in
aliquo mundo loco positum, dicat:*

✠ Adjutorium nostrum in nomine Do-
mini.

R Qui fecit cælum & terram

✠ Paratur nobis Panis.

R Adversus omnes qui tribulant nos.

✠ Sit nomen Domini benedictum.

R Ex hoc nunc, & usque in sæculum.

✠ Super omnes Virgo benedicta extitisti.

R Dum Panis vitæ in tua se clausit viscera.

✠ Beatus es Simon Bar-Jona.

R Tibi enim traditæ sunt claves regni
Cælorum.

✠ Tu es vas electionis Sancte Paule Apostole.

℞ Intercede pro nobis ad Deum qui te elegit.

✠ Ora pro nobis Sancte Pater Benedicte

℞ Ut digni efficiamur promissionibus Christi.

✠ Domine exaudi &c: ℞ Et clamor meus &c:

✠ Dominus vobiscum. ℞ Et cum Spiritu tuo.

OREMUS.

Omnipotens sempiterne Deus, bene tibi dicere digneris hunc novum Panem tua sancta benedictione, ut qui eum gustaverint, corporis & animæ salutem, te donante, recipiant.

Concede quæsumus omnipotens Deus, intercedente immaculatè conceptâ, unigeniti Filii tui Matre, benedictâ, hunc Panem habentibus sanitatem mentis, &
cor-

corporis, ut hic temporalibus tuis dominis in timore utentes, ad æterna te disponere valeant.

Domine JESU Christe, qui te mirabilem in sanctis Apostolis tuis Petro, & Paulo demonstrasti, præsta eorum intercessionem: ut in quocunq; loco hic Panis fuerit, ab eo omnes dæmonum insultus repellantur.

Deus bonarum virtutum dator, & omnium benedictionum largus infusor, te subnixis precibus deprecamur: ut sicut jubente S. Patre Nostro Benedicto, venenatum Panem sibi transmissum, ne ulli noceret, corvum deportare in desertum fecisti; ita eius meritis gloriosis suffragantibus, ex hac substantia Panis omnia noxia amoveas, eumq; glorioso Patriarcha nostro intercedente bene † dicas, & Sancti † fices; ut quicunq; ex hoc Pane gustaverint, sanitatis, & incolumitatis in corpore, & virtutum in anima percipiant incrementum.

crementa. Per Te Sancte Pater, quicum
Filio & Spiritu sancto vivis & regnas, in
sæcula sæculorum R Amen.

Deinde subiungat:

Benedictio Dei Pa + tris Omnipotentis,
& Fi + lii eius Unigeniti, & Spiritus +
Sancti ab utroque procedentis: interces-
sione Beatissimæ Virginis MARIE, San-
ctorum Apostolorum Petri & Pauli, atq;
Sancti Patris nostri Benedicti, & omnium
Sanctorum descendat super hanc sub-
stantiam Panis novi, ac maneat semper.
R Amen.

Deinde Sacerdos aspergat Panem novum Aqua benedictâ

C A P U T XXII.

Forma conscribendæ chartulæ in vas Sacrarum Re-
liquiarum, dum D. Abbas consecrat Altare, pro usu
propriæ Ecclesiæ.

*Juxta Pontificalis Romani dispositionem, immitti de-
bet Chartula in vas sacrarum Reliquiarum, cum notifi-
catione Anni, Mensis, Diei, & nominis Consecratoris,*

Et hæc omnino ex pargameno esse debet: quæ autem in ea sunt scribenda, sunt sequentia:

Ego N. N. Abbas Monasterii N. Vigore Privilegorum sacro Ordini nostro Benedictino concessorum, ac juxta tenorem Decreti EE. & RR. DD. Cardinalium, Sacræ Congregationis Rituum 1644 die 16. Aprilis Consecravi Altare hoc in propria Ecclesia, in honorem Sancti N. & Reliquias Sanctorum Martyrum N. N. in eo inclusi Anno Domini N. N. Mense N. Die N.

C A P U T XXIII.

Forma absolutionis, quæ datur Electoribus in Capitulo, ad effectum Electionis, à Sacris Canonibus præscripta.

In omnibus Electionibus tam DD. Abbatum, quam Priorum, prius Electores absolvi debent ab omnibus Censuris Ecclesiasticis, ut unusquisque serenatâ conscientia tutius in dicta electi one procedat, ipseque actus electionis fiat Canonicus. Itaque genuflexis omnibus, is, qui præsidet tali actui, sciet vel Ill. D. Præfidens Ge-

Generalis, vel D. Abbas imposita sibi stola supra Moz-
zettam, absolvet in forma sequenti: Dicitur ergo ab Ele-
ctoribus genuflexis Confiteor &c: subjunget:
Misereatur vestri &c: Et Indulgentiam absolutionem, &c:

SI tenemini aliquo vinculo Excommu-
 nicationis Majoris, vel minoris, inter-
 dicti, vel suspensionis, in quantum se ex-
 tendunt gratiæ, & privilegia Ordini no-
 stro concessa, vos omnes ad effectum
 Electionis faciendæ (*vel* electionum fa-
 ciendarum) absolvo, & restituo vos sa-
 crosanctis Sacramentis Ecclesiæ, com-
 munioni, & unitati fidelium. In No-
 mine Patris, † & Filii, † & Spiritûs † San-
 cti, Amen.

Item eadem Authoritate, ad eundem
 effectum, Ego dispense vobiscum su-
 per omni irregularitate, si quam contra-
 xistis; & habilito vos executioni Ordini,
 & Officiorum vestrorum. In No-
 mine Patris, † & Filii, † & Spiritûs †
 Sancti, Amen.

Et aspergat eos aquâ lustrali.

) S (

C A.

Formæ Juramentorum nonnullorum in Electionibus
Officialium usitatæ.

Forma Juramenti pro Scrutatoribus.

EGO N. promitto me servaturum sub
strictissimo secreto, & nemini reve-
laturum ea omnia, quæ ad meum Offi-
cium Scrutatoriatus pertinebunt, ita pro-
mitto, ac juro; Sic me DEUS adjuvet,
& hæc Sancta DEI Evangelia.

Forma Juramenti pro Secretario Capituli.

EGO N. promitto me servaturum sub
strictissimo secreto, & nemini reve-
laturum ea omnia, quæ ad meum Of-
ficiam Secretariatus pertinebunt. Ita
promitto, ac juro; Sic me DEUS ad-
juvet, & hæc Sancta DEI Evangelia.

*Forma Juramenti, ab omnibus Electoribus necessario e-
mittendi, in Electione novi Abbatis, aut alterius cujus-
vis Superioris: à Clemente XII. P. M. Anno 1735.
demandati.*

EGO N. voveo, ac juro DEO Omni-
po-

potenti, & omnibus Sanctis Ejus, quod me secundum Deum, & rectam conscientiam meam in præsentí electione Abbatis (*vel* Prioris) hujus Monasterii N fideliter geram, nec ex ulla conspiratione, aut ex aliquo particulari, & personali affectu, respectu, amicitia, Philadelphia, condicto, promisso, siue alia quacunque privata obligatione, etiam simili juramento explicitè, vel implicitè, privatim, vel publicè confirmatis; neque ob spem vel respectum, præstitæ, aut præstandæ mihi gratiæ, donorum, munerum, favoris, honoris, promotionis, graduationis, superioritatis, Dignitatis, Officii, aut Beneficii: aut pænalarum mihi quocunque modo incumbentium condonationis, siue dissimulationis, neque propter amorem, aut timorem siue alicujus suggestionem, sollicitationem, ambitum, aut instantias, & preces, sed quem ipsemet ego, secundum timorem

)S2(DEL,

DEI, ac dictamen, & instinctum Spiritus Sancti virtute præstantiorem, meliorem, & ad manutenendam Regularem Observantiam capaciorem, Monasterioque huic, & bono Communi utiliore, apud me judicavero, hunc præsentí electione in Abbatem (vel Priorem) hujus Monasterii N. eligam. Sic me Deus adjuvet, & hæc Sancta DEI Evangelia.

CAPUT XXV.

Modus dicendi Culpam in Capitulis Culparum.

Quoniam immemorabili usu in Sacra Religione nostra receptum est. ut in nonnullis vigiliis festivitatum specialiorum, fiant Capitula culparum. Et hic actus humilitatis, inter mortificationes Religiosas primatum teneat, ex eo, quia Sacræ Regulæ cap: 7. præceptum est, his verbis? „ Quintus humilitatis gradus est: „ si omnes cogitationes malas, cordi suo, advenientes, vel mala à se absconsè commissa, per humilem confessionem Abbati non celaverit suo. Hortans nos hac de re Scriptura, dicens: Revela Domino viam tuam, & spera in eo. Et item dicit: Confitemini Domino, quoniam in sæculum
mise-

„ misericordia ejus. Et item Propheta: Delictum
 „ meum cognitum tibi feci, & injustitias meas non
 „ operui. Dixi pronuntiabo adversum me injustitias
 „ meas Domino, & tu remisisti impietatem cordis
 „ mei. „ *Et cum præterea à Paulo V. Pont: Max:*
Indulgentiæ Trium annorum, & totidem Quadrage-
narum concessæ sint. Peccata sua in culparum capi-
tulis accusantibus, ideo ex utroque motivo dicta ca-
pitula culparum, ubi adhuc sunt in usu, conservetur
laudabilis consuetudo; ubi verò oblivioni datus est ta-
lis humilitatis actus, resuscitet Dominus Spiritum Su-
periorum, ut ea quæ perfectionis viam demonstrant,
solicito prosequantur labore. Quilibet itaque seorsivè
prodiens ad medium genuflectat, & inclinatus dicat
suam culpam in forma sequenti.

Reverendissime Pater (vel Reveren-
 de Pater) dico meam culpam: de Di-
 vino Officio male, & negligenter per-
 soluto, de silentio non bene custodito,
 de reverentia tibi, & aliis majoribus
 meis non legitime exhibita, de Officiis
 mihi commissis negligenter, & non cha-
 ritative peractis; de modestia in omni-
 bus actionibus meis non ritè servata;
 de scandalo forsan dato tam sæcularibus,
 quam

quam Fratribus; de inobedientia Regulæ nostræ; de torpedine in acquirenda perfectione. --- De his, atque aliis omnibus transgressionibus meis, quibus quomodocunque offendi Deum, Te, Proximum, ac Regulam nostram, dico meam culpam, & humiliter deprecor, ut amore IESU Christi mihi pœnitentiam, ad beneplacitum suum imponere digneris.

C A P U T XXVI.

Modus benedicendi Officiales, & iter agentes.

Modus Orandi pro egrediente *Servitore Mensæ.*

Servitor expletâ hebdomadâ Ministerii sui, Dominico Die post Matutinum in medium Chori exiens, genuflectat, & ter hunc versum dicat, repetente Choro.

Benedictus es Domine DEUS, qui adjuvisti me, & consolatus es me,

Quo tertia vice à Choro repetito Superior dicat:

Ÿ. Salvum fac servum tuum.

Rx.

R. DEUS meus sperantem in te.

V. Convertere Domine usquequo,

R. Et deprecabilis esto super servum
tuum.

V. Dominus vobiscum.

R. Et cum Spiritu tuo.

OREMUS.

DEUS, cui humilium semper accepta
sunt vota animarum, respice propi-
tius super hujus Fratris nostri obsequia:
ut qui peractæ hebdomadæ servitia de-
vota mente complevit, plenissimam, at-
que largissimam veniam consequatur.
Per Christum Dominum nostrum. R.

Amen.

Modus orandi pro ingrediente Servitore mensæ.

*Recedente Servitore præteritæ hebdomadæ, Servitor in-
choans ministerium suum immediate post eum in medio
Chori genuflectit. Et dicit ter sequentem Versum, re-
petentē etiam Choro:*

DEUS in adjutorium meum intende:
Do-

Domine ad adiuvandum me festina.

Quo tertio à Choro repetito Superior dicat:

℣. Salvum fac servum tuum.

℞. DEUS meus sperante in te.

℣. Mitte ei Domine auxilium de Sancto.

℞. Et de Sion tuere eum.

℣. Dominus vobiscum.

℞. Et cum Spiritu tuo.

OREMUS.

Misericors ac piissime DEUS, qui ubique famulos tuos tueris, & adjuvas, huius Fratris nostri in bonum accumula votum, auge desiderium, ut recto corde Fratribus suis impendat servitium. Per Christum Dominum nostrum. ℞. Amen.

§. 3.

Modus orandi pro LECTORE Mensæ.

Lector mensæ inchoans Officium suum, Dominico die, post Sextam Canonicam omnino, nec prius, aut posterius constitutus in medio Chori, dicat ter sequentem Versum, Choro quoque repetente:

Do-

Domine labia mea aperies: Et os meum annuntiabit laudem tuam.

Quò ter à Choro repetitò, Superior dicat:

Ÿ. Salvum fac servum tuum.

R. DEUS meus sperantem in te.

Ÿ. Mitte ei Domine auxilium de Sancto.

R. Et de Sion tuere eum.

Ÿ. Dominus vobiscum,

R. Et cum Spiritu tuo.

OREMUS.

AUfer ab hoc famulo tuo, quæsumus Domine, spiritum elationis, & ignorantia; ut repletus spiritu humilitatis, & scientia, intellectum sacrae capiat lectionis. Per Christum Dominum nostrum. R. Amen.

§. 4.

Modus orandi à Fratribus ambulatum euntibus.

Quacunque ex causa, exeuntes Religiosi de Monasterio, siue ad campos, siue ad pacificandum negotium sibi à

)T(

Super.

Superiore commissum, semper genuflexi in choro, vel coram imagine Crucifixi, prius orent modo sequenti:

Ÿ. Vias tuas Domine demonstra nobis.

R. Et semitas tuas edoce nos.

Ÿ. Domine exaudi orationem meam.

R. Et clamor meus ad Te veniat.

OREMUS.

A Desto, benignissime DEUS, piis tuorum supplicationibus, & fragilitatem nostram, quam sub nulla austeritate diu subsistere conspicias, misericorditer conforta, & præsta: ut qui tibi placitam spiritus humilitatem quærimus, inter hujus viæ, & vitæ varietates ad nullas vanitates à religioso tramite deviemus. Per Christum Dominum nostrum. R. Amen.

§. 5.

Modus orandi à Fratribus de via revertentibus.

Religiosi tam ii, qui in viam aliquam, licetsi non longam diriguntur, aut ad campos egrediuntur, quam ii, qui de via revertuntur, juxta mandata sacræ Regulæ cap: 67. orare tenentur, propter excessus, ne quid forte subri-

subripuerit in via visûs, aut auditûs malæ rei, aut otiosi sermonis; ideoque ad Monasteriũ reuertentes, genuflexi in Choro, vel coram imagine Crucifixi orent in forma sequenti:

Ÿ. Salvos fac servos tuos.

R. DEUS meus sperantes in te.

Ÿ. Convertere Domine usquequo.

R. Et deprecabilis esto super servos tuos.

Ÿ. Domine exaudi orationem meam.


R. Et clamor meus ad te veniat.

OREMUS.

O Maipotens Tempiterne DEUS, miserere famulis tuis, & si quid nobis in via subripuit visûs, vel auditûs malæ rei, aut otiosi sermonis, totum ineffabili pietate propitiatus indulge. Per Christum Dominum nostrum. R. Amen.

F. I. N. I. S

SEXTÆ PARTIS



¶T2(

PARS

P A R S VII.

De obsequiis Fratribus infirmis, ac
mortuis exhibendis.

EXaratis Monasticis Cæremoniis, tam pro incipientibus vitam Religiosam, quam pro proficientibus in ea, superest, ut deficientibus, seu ex hac vita decedentibus Monachis levamen, & suffragium afferamus, non alio, quam antiquiori Benedictino modo. Et licet ea, quæ in hac ultima parte sunt collecta, à pluribus censoriâ virgâ confurgentibus, aliquam novitatis notam non effugient, obviando tamen iis, benevolum remitto Lectorum ad antiqua Cæremonialia, & Ritualia Monastica Benedictina, ut ex his cognoscat, non nova hæc esse, sed vetustissima in ordine nostro, præsertim ex parte sepulturæ Monachorum: quam quidem & Ordo Prædicatorum acceptavit. & Sacerrima Cisterciensium Familia ad hæc usq; tempora inviolabiliter conservavit. Expedit ergo ut & nos, ab antiquorum Patrum Ritu non recedamus; quinimo, licet dictus ritus sepulturæ annis pluribus interruptus, ut tamen in nostra Congregatione Benedictino-Polona renovetur, Rm̃i Definitorii Capituli Generalis Tynecensis ordinatione declaratum est. Huic itaq; innixi fundamento, ad normam Cærem: Monast: Bened: Rom: Rhotomagi 1621. impressi; & Ritualis Monast: Sammiel-

li 1627. excusi (ad quod Breviarium Monasticum edit. Campidon: & Einsiden: in talibus remittit) nonnulla declarabimus, sicq; (adjuvante Domino) præsentem, & hujus operis ultimam partem aggrediemur. Sit itaq;

C A P U T I.

Quæ circa Fratrem infirmum agenda?

Licet homo quamdiu in hoc corpore constitutus est, variis tentationum fluctibus agitur, eo tamen vehementius, periculosiusque, quo propius fini propinquat, eum tentari compertum est: quamobrem Monasteriorum Prælati, seu Superiores circa Fratrem infirmum omnem curam, & sollicitudinem paterna Charitate suscipiant, omnemque diligentiam in hoc ponant, ut eum in viam salutis dirigant, atque à Diabolicis insidiis salutarium adjumentorum præsidio defendant, ac tueantur sequentibus modis:

1. In Cubiculo infirmi sacras imagines Christi Domini Crucifixi, vel ejus Sacratissimæ Passionis B. V. *MARIÆ*, S. P. *Benedicti*, vel illius Sancti, quem ægrotus præcipuè veneratur, ob oculos ejus apponi curent.

2. Quamvis quilibet Fratrum, ut in morbum incidit, de morte suspectus esse, seque ad eam præparare debeat, tamen ubi periculum mortis imminere Superior viderit, monebit statim ægrotum, prudenter tamen,

men. Et cautè, ut omni, qua par est devotione, Et celeritate, Sancta Sacramenta, dum sacra mens est, integrique sensus, religiosè suscipiat, seque ad mortem præparet, citra fallacem illam, ac pernitiosam procrastinationem, quæ plurimos ad æterna supplicia perducit, indesque, fallente diabolo, perducit.

3. Omnes Religiosi, ad egrotum invisendum, ita parati accedant, ut in promptu habeant argumenta ad persuadendum, apta; ac præsertim Sanctorum exempla, quæ plurimum valent; quibus eum in Domino consoletur, excitent, ac recreent. Hortenturq; ut omnem spem suam in Deo ponat, peccatorum suorum poeniteat, Divinam misericordiam impleret, Et i. s. i. mitatis pœnas, tanquam Paternam DEI visitationem, patienter ferat, Et ad salutem suam provenisse credat, ut vitam, morisque suos melius instituatur.

4. Hortentur eum (juxta doctrinam V. Ludov. Blossi Abb: Lætien:) ut sèculò, ac devotè ad benignissimam Misericordiæ Matrem, gloriosissimamque Cœli Reginam Virginem MARIAM sese convertat, eamque, Et omnem Cœli exercitum invocet: Fidei Sanctæ Catholicæque Ecclesiæ firmiter, Et simpliciter adhæreat; atque meritis Salvatoris nostri JESU Christi, magis quam suis, innitatur, cujus amarissimam Passionem, mortemque sibi proponens, Et ineffabilem illam charitatem, quæ eum tam indigna sustinere cõegit, memoria repetens, animam, Et corpus suum, animæ, Et corpori ipsius Domini JESU unire curet: eique acerbitates, Et dolores, quos patitur, in unione passionis ejus offerat, ad laudem æternam. Insuper in rosea vulne-

vulnera, & in profundissimum pelagus immensæ misericordie ejus, se, cum universis peccatis, atque negligentis suis demittat, & immergat.

5. Præterea ad magis proficiendum in spiritu, Fratres visitantes commendant ægrotum, ut ad summam DEI gloriam, se ipsum, velut hostiam vivam offerat ipsi Domino; & ut velit perferre pro acceptissima ejus voluntate, patienter, ex vero amore omnem languoris acerbicatem, ipsam etiam mortis amaritudinem, omnem denique pœnam, quam sibi Dominus in tempore, & æternitate immutare voluerit. Hoc si revera facere potuerit, si, inquam, sese ex puro DEI amore, cum perfecta sui resignatione, ad omnem pœnam, pro honore Divinæ justitiæ tolerandam, animo tranquillo, spontaneoque obtulerit; ipse neque infernum, neque purgatorium subibit, etiamsi solus, omnia totius mundi peccata commisisset.

6. Proponant etiam ei (prout conditio ægri ferret) aliquas breves orationulas, jaculatorios affectus, piam ad Deum mentis elevationem, præsertim versiculos è Libro Psalmorum depromptos; Passionis D. N. JESU Christi meditationem, Sanctorum Martyria, & exempla, nec non cœlestis gloriæ beatitudinem. Hæc tamen opportunè & discretè, suggerantur, ne infirmo molestia, sed levamen afferatur.

7. Si infirmus optet, & sine periculo gravioris morbi fieri posset, poterunt Fratres alternatim legere aliquid ex vitis Sanctorum, vel ex alio Libro, qui infirmum maximè afficiet, abstineantque diligenter à sermonibus vanis, vagis, scurrilibus, cæterisque aures offendentibus,
quas

quas SS. P. Benedictus æterna clausura damnavit Reg: suæ cap: 6.

8. Consoletur Fratres visitantes infirmum, dicentes: se pro eo in Missæ Sacrificio, & aliis precibus, oraturos, curaturosque, ut alii itidem pro eo faciant, idque reipsa præstabunt.

9. Curet Prælati, seu Superior Monasterii ut saltem semel in die visitet infirmum, eum præsentia sua consoletur, & in variis tentationibus apta remedia prudenter adhibeat, ac monita salutis, ei propinet, quia maximam curam, circa infirmos, requirit ab Abbate SS. P. Benedictus Reg: suæ cap: 36.

C A P U T II.

Preces dicendæ in Visitatione Infirmorum.

Prælati, vel P. Prior visitans saltem semel in die infirmum Fratrem, effundat ad Dominum preces in conspectu egroti, ut his commotus, majorem concipiat erga suum Superiorem confidentiam, quæ maximè tunc necessaria est. Ideoq; sequentes preces vel omnes simul dicantur, vel per partem, scilicet per SS. qualibet die post sumptam sacram Synaxim recitentur. Semper intrando Superior ad infirmum, dicat:

Pax huic domui. & Et omnibus habitantibus in ea.

Mox

Mox infirmum. Et lectum ejus, ac cubiculum totum aspergat aquâ benedictâ, dicens:

Antiph: Asperges me &c. cum Psal: Miserere &c. V. Gloria Patri &c.

Postea genuflexus, vel stans cum nonnullis Fratribus mediocri, (vel si hæc officeret ægro) submissa voce recitet unum, vel plures ex sequentibus Psalmis cum suis Orationibus; Post quamlibet verò partem, si seorsivè dicatur, dabit benedictionem infirmo, dicens:

Benedictio DEI Omnipotentis Patris,
& Filii, † & Spiritûs Sancti descendat
super te, & maneat semper. R. Amen

§ 1.

*Inprimis dicatur Psal: 50. Miserere mei DEUS &c.
ut in Dominica ad Laudes, cum V. Gloria Patri:
Deinde Kyrie eleison, Chryste eleison. Kyrie eleison.
Pater noster &c.*

V. Et ne nos inducas in tentationem.

R. Sed libera nos à malo.

V. Salvum fac servum tuum.

R. DEUS meus sperantem in te.

V. Mitte ei Domine auxilium de Sancto.

R. Et de Sion tuere eum.

V. Nihil proficiat inimicus in eo,

R. Et filius iniquitatis non apponat nocere ei.

V. Esto ei Domine turris fortitudinis,

R. A facie inimici.

V. Dominus opem ferat illi.

R. Super lectum doloris ejus.

V. Domine exaudi orat: &c.

V. Dominus vobiscum. &c.

OREMUS.

DEUS, cui proprium est misereri semper, & parcere; suscipe deprecationem nostram; ut nos, & hunc famulum tuum, quos delictorum catena constringit, miseratio tuæ pietatis clementer absolvat.

DEUS infirmitatis humanæ singulare præsidium, auxilii tui super infirmum famulum tuum ostende virtutem, ut opere misericordiæ tuæ adjutus, Ecclesiæ tuæ Sanctæ incolumis repræsentari mereatur.

Con-

Concede hunc famulum tuum, quæ-
sumus Domine DEUS, perpetua men-
tis, & corporis sanitate gaudere; & glo-
riosa beatæ MARIÆ semper Virginis
intercessione à præsentī liberari tristitia,
& æterna perfrui lætitia. Per Christum
Dominum nostrum. R. Amen.

§. 2.

*Dicitur Psal. 6. Domine ne in furore tuo arguas
me &c: ut Feria 11. ad Primam. Postea*

Ps. Dominus vobiscum.

R. Et cum Spiritu tuo.

Sequentia Sancti Evangelii secundum
Matthæum. R. Gloria tibi Domine.

*Dum Superior dicit Sequentia &c. signet se in fronte,
ore, & pectore, similiter & infirmum. si is ob infirmi-
tatem non potest se signare.*

IN illo tempore: Cum introisset JE-
SUS Capharnaum, accessit ad eum
Centurio rogans eum, & dicens: Do-
mine, puer meus jacet in domo para-

lyticus, & male torquetur. Et ait illi JESUS: Ego veniam, & curabo eum. Et respondens Centurio ait: Domine non sum dignus, ut intres sub tectum meum, sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic, vade, & vadit, & alii veni, & venit, & servo meo, fac hoc, & facit. Audiens autem JESUS miratus est, & sequentibus se dixit: Amen dico vobis, non inveni tantam fidem in Jsraél. Dico autem vobis, quod multi ab Oriente, & Occidente venient, & recumbent cum Abraham, Jsaac, & Jacob, in regno Cælorum; filii autem regni eiicientur in tenebras exteriores; ibi erit fletus, & stridor dentium. Et dixit JESUS Centurioni: Vade, & sicut credidisti, fiat tibi. Et sanatus est puer in illa hora.

ORE-

OREMUS.

OMnipotens sempiterne DEUS, salus æterna credentium, exaudi nos pro infirmo famulo tuo N. pro quo misericordiæ tuæ imploramus auxilium; ut reddita sibi sanitate, gratiarum tibi, in Ecclesia tua, referat actiones. Per Christum Dominum nostrum. R. Amen.

§. 3.

Dicitur Psal. 15. Conserua me Domine &c. ut Feria VI. ad Primam. Tum

Ÿ. Dominus vobiscum.

R. Et cum Spiritu tuo.

Sequentia Sancti Evangelii secundum Marcum. R. Gloria tibi Domine.

Signat se, & Infirmum.

IN illo tempore: Recumbentibus undecim discipulis, apparuit illis IESUS, & exprobravit incredulitatem eorum, & duritiam cordis, quia his, qui vide-

viderant eum resurrexisse, non crediderant. Et dixit eis: Euntes in mundum universum, prædicate Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur: In nomine meo dæmonia eiicient: lingvis loquentur novis; serpentes tollent: & si mortiferum quid biberint, non eis nocet. Super ægros manus imponent, & benè habebunt.

OREMUS.

Virtutum cælestium DEUS, qui ab humanis corporibus omnem langorem, & omnem infirmitatem præcepti tui potestate depellis; adesto propitiùs huic famulo tuo N. ut fugatis infirmitatibus, & viribus receptis, nomen Sanctum tuum, instaurata protinùs sanitate, benedicat. Per Christum Dominum nostrum. R. Amen.

§. 4.

Dicitur Psal: 19. Exaudiat te Dominus in die tribulationis &c. ut Sabbato ad Primam.

Ÿ. Dominus vobiscum.

R. Et cum Spiritu tuo.

Sequentia Sancti Evangelii secundum
Lucam. R. Gloria tibi Domine.

Signat se, & Infirmum.

IN illo tempore: Surgens JESUS de Synagoga introivit in domum Simonis; locus autem Simonis tenebatur magnis febribus: & rogaverunt illum pro ea: Et stans super illam imperavit feбри, & dimisit illam, & continuo surgens ministrabat illis. Cum autem sol occidisset, omnes qui habebant infirmos variis langvoribus, ducebant illos ad JESUM. At ille singulis manus imponens curabat eos.

OREMUS.

Domine Sancte, Pater omnipotens, æ-
ter-

terne DEUS, qui fragilitatem humanæ conditionis, infusa virtutis tuæ dignatione confirmas, ut salutaribus remediis pietatis tuæ corpora nostra, & mentes vegetentur: super hunc famulum tuum propitiùs intende; ut omni necessitate corporeæ infirmitatis exclusa, gratia in eo pristinae sanitatis perfectè reparetur. Per Christum Dominum nostrum. R.
Amen.

§. 5.

*Dicitur Psal: 83. Inclina Domine aurem tuam &c.
ut Feria VI. ad Matutinum in I. Noct:*

Ÿ. Dominus vobiscum,
R. Et cum Spiritu tuo.

Sequentia Sancti Evangelii secundum
Joannem. R. Gloria tibi Domine.

Signet se, & Infirmum.

IN illo tempore: Erat dies festus
Judæorum, & ascendit JESUS
Jerosolymam. Est autem Jeroso-
ly:

lymis probatica piscina, quæ cognominatur Hebraicè Bethesda, quinque porticus habens. In his jacebat multitudo magna langventium, cæcorum, claudorum, aridorum expectantium aquæ motum. Angelus autem Domini descendebat secundum tempus in piscinam, & movebatur aqua. Et qui prior descendisset in piscinam post motionem aquæ, sanus fiebat, à quacunque detinebatur infirmitate. Erat autem quidam homo ibi triginta & octo ánnos habens in infirmitate sua. Hunc cum vidisset JESUS jacentem, & cognovisset, quia multum jam tempus haberet, dixit ei: Vis sanus fieri? respondit ei langvidus: Domine hominem non habeo, ut, cum turbata fuerit aqua, mittat me in piscinam: dum venio enim ego, alius ante me descendit. Dixit ei JESUS: Surge: tolle grabatum tuum, & ambula. Et statim sanus factus est homo ille, & sustulit gra-

) W (

ba-

batum suum, & ambulabat. Erat autem Sabbatum in die illo. Dicebant ergo Judæi illi, qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, & ambula. Interrogaverunt ergo eum: Quis est ille homo, qui dixit tibi: Tolle grabatum tuum, & ambula? Is autem, qui sanus fuerat effectus, nesciebat, quis esset. JESUS autem declinavit à turba constituta in loco. Postea invenit eum JESUS in templo, & dixit illi: Ecce sanus factus es: jam noli peccare, ne deterius tibi aliquid contingat.

OREMUS.

Respice Domine famulum tuum N. in infirmitate sui corporis laborantem, & animam refove, quam creasti: ut castigationibus emendatus, continuò se sentiat tua medicina salvatum. Per Christum Dominum nostrum. R. Amen.

§. 6.

Dicitur Psal: 90. Qui habitat in adjutorio Altissimi &c. ut ad Completorium.

OREMUS.

OMnipotens sempiterne DEUS, infirmitatem famuli tui N. propitius respice, atque ad protegendum eum dexteram tuæ Majestatis extende. Per Christum Dominum nostrum. R. Amen.

Completa Oratione, Superior imponat dexteram manum super caput infirmi, dicens:

Super ægros manus imponent, & benè habebunt. JESUS Mariæ Filius, mundi salus, & Dominus, meritis, & intercessione Sanctorum Apostolorum suorum Petri, & Pauli, & omnium Sanctorum, sit tibi clemens, & propitius. R. Amen.

Postea dicat:

Ÿ. Dominus vobiscum.
R. Et cum Spiritu tuo.

W2C

Ini-

Initium Sancti Evangelii secundum Joannem. R. Gloria tibi Domine.

Signet se, & ægrotum; si ipse non valet.

IN principio erat verbum, & verbum erat apud DEUM, & DEUS erat verbum. Hoc erat in principio apud DEUM. Omnia per ipsum facta sunt, & sine ipso factum est nihil, quod factum est, in ipso vita erat, & vita erat lux hominum, & lux in tenebris lucet, & tenebræ eam non comprehenderunt. Fuit homo missus à DEO, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est,

&

& mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios DEI fieri: his, qui credunt in nomine ejus. Qui non ex sanguinibus, neque ex voluntate carnis, neque ex voluntate viri: sed ex DEO nati sunt. Et Verbum caro factum est: Et habitavit in nobis, & vidimus gloriam ejus, gloriam quasi unigeniti à Patre, plenum gratiæ, & veritatis. R. Deo gratias.

Postea benedicit infirmum dicens:

Benedictio DEI omnipotentis, Patris, & Filii, † & Spiritus Sancti, descendat super te, & maneat semper. R. Amen.

Deinde aspergat Infirmitatem aqua benedicta, & con-
soletur eum.



C A P U T III.

Modus administrandi S. Communionem infirmis
Fratribus.

*Q*Uando D. Abbas, vel P. Prior, aut Medici judicaverint ægroto Sacrum Viaticum esse porrigendum, Frater Servitor infirmorum curam geret, ut cubiculum infirmi mundetur, incenso odorifero fumetur, ut omnem premat factorem, & gratum reddat odorem. Mensa lineo mundo cooperiatur, cum subposita Ara portatili, & Corporali pro repositione SS. Sacramenti, purificatorio pro extergendis digitis Sacerdotis. Ponatur etiam in dicta mensa imago Crucifixi, cum duobus Cereis colucentibus. In latere statuatur vasculum cum poculo, infirmo, cum ablutione digitorum Sacerdotis, exhibendo. Insuper paratur vas Aquæ benedictæ cum aspergillo, nec non hic Liber ad ea, quæ suo tempore sunt recitanda. Præterea paratur Tobalea, ante pectus infirmi ab Acolythis, dum S. Synaxim sumet, extendenda. Si ægrotus Cucullo indui non possit, saltem scapulari supra vestem induatur: & si Sacerdos sit, Stolum habeat à collo pendentem. Si vero infirmus præ nimia debilitate decumbere cogatur, lectus lineo mundo cooperiatur, ne quid indecens appareat; sin minus, genuflexus Sacramentum expectet.

Dato signo per companam capitularem, Religiosi Cucullis induti in Sacristiam congregentur, & Acolythis designati cum Thuriferario (quod conveniet juxta Decr: S. R. C.) superpelliceis induti expectent P. Priorem,
(cui

(cui maxime conveniret Religiosis Sacramenta ministrare, præsertim infirmis) qui indutus Superpelliceo, Stola, & Pluviali albi coloris, procedit cum omnibus ad Altare. Ubi aperto ostiolo Tabernaculi, incensat Sacramentum, tum accepto velo oblongo, capit Pixidem cum particulis consecratis, & non unam tantum particulam, quia facta Communione infirmi, particulæ SS. Sacramenti semper superesse debent, ut notat Breviarium Monast: edit. Vemtæ, & præcipit Rit: Rom: sicq; Pixide velo oblongo contecta, præcedente Cruce processionali, omnibusque Cereos accensos in manibus gestantibus, ac Acolythus cum Cereis ardentibus præeuntibus, procedit processionaliter ad cubiculum ægroti, dicendo alternatim Psal: Miserere mei DEUS &c. pulsante Acolytho tintinnabulum, & Thuriferario continuo incensante SS. Sacramentum.

Si præ angustia Cellæ infirmi omnium prohiberetur ingressus, seniores tantum cum Ministris ingredientur, cæteri extra januam apertam genuflexi expectabunt. In ingressu cubiculi P. Prior statim dicit: Pax huic domui. & omnes Et omnibus habitantibus in ea. Deinde Religiosis omnibus hinc, inde genuflexis, P. Prior SS. Sacramentum depositum adorat, & incensat. Et accipiens aspersorium, prius infirmum in modum Crucis, postea lectum, & cellam aspergit aqua lustrali, dicens: *Antiph:*

Asperges me: Domine hysopo, &
mundabor: lavabis me, & super nivem
de

dealbabor: *Ÿ.* Miserere mei DEUS:
secundum magnam misericordiam tu-
am. *Ÿ.* Gloria Patri, & Filio &c.

*Et repetitur Antiph: Asperges me &c. His com-
pletis dicit:*

Ÿ. Salvum fac servum tuum.

R. DEUS meus sperantem in te.

Ÿ. Mitte ei Domine auxilium de Sancto.

R. Et de Sion tuere eum.

Ÿ. Nihil proficiat inimicus in eo.

R. Et filius iniquitatis non apponat no-
cere ei.

Ÿ. Esto ei Domine turris fortitudinis.

R. A facie inimici.

Ÿ. Domine exaudi &c.

R. Dominus vobiscum. &c.

OREMUS.

DEUS infirmitatis humanæ singulare
præsidium, auxilii tui super infirmum
famulum tuum ostende virtutem; ut o-
pe misericordiæ tuæ adjutus, Ecclesiæ
tuæ

tue Sanctæ incolumis repræsentari mereatur. Per Christum Dominum nostrum. R. Amen.

Mox infirmus veniam defectuum suorum, si quos in observantia Regulari, vel in confratres commiserit, humiliter petat: Et si quid in ipsum, ab aliquo confratre, commissum fuerit, ex animo, Et propter amorem Christi, omnibus ignoscat, Et dimittat. Insuper omnibus omnino rebus renuntiet, quas habebat cum licentia Superioris, easq; in manus ejus resignet, quod si voce non possit, nutu saltem P. Priore monente, v l alio Sacerdote exprimat: humiliq; corde dicat, vel alius pro eo:

Confiteor D^EO omnipotenti &c.

Et P. Prior admonendo prius præsentes ut orent pro infirmo; subdat:

Misereatur tui &c. Indulgentiam &c.

Demum absolutè dicat, juxta Rubr. ant iqui Brev: Monast

Dominus JESUS Christus, qui dixit discipulis suis: quæcunque ligaveritis super terram, erunt ligata & in cælo: & quæcunque solveritis super terram, erunt soluta & in cælo: de quorum

)X(

nu-

numero, quamvis indignos, nos esse voluit, ipse te absolvat ab omnibus peccatis tuis, quæ quovis modo, cogitatione, locutione, & operatione negligenter egisti: atque à peccatorum nexibus absolutum, perducere dignetur ad regna Cælorum. Qui vivit, & regnat in sæcula sæculorum. R. Amen.

*Deinde ex Pixide Sacram Hostiam reverenter depro-
mit, & cum ea ad infirmum conversus dicit:*

Ecce Agnus DEI, ecce qui tollit peccata mundi.

Postea ter pronuntiat seq:

✠. Domine non sum dignus, ut intres sub tectum meum; sed tantum dic verbo, & sanabitur anima mea.

Et inter porrigendum S. Hostiam dicat:

Corpus, & Sanguis Domini nostri JESU Christi custodiat animam tuam in vitam æternam. Amen.

Si vero sumat permodum Viatici, dicat:

Accipe Frater Viaticum Domini nostri JESU Christi, qui te custodiat ab hoste maligno, & perducatur ad vitam æternam. Amen.

Reposita in mensa Pixide cum Sacramento, eaq; obteclâ proprio operculo. Sacerdos abluit digitos in poculo infirmi, ut ei propinetur pro ablutione. Exterfis verò digitis, stans versùs infirmum dicit:

Ÿ. Domine exaudi orationem &c.

Ÿ. Dominus vobiscum.

R. Et cum Spiritu tuo.

OREMUS.

DO nine Sancte Pater, Omnipotens æterne DEUS, te fideliter deprecamur; ut accipienti Fratri nostro sacrosanctum Corpus Domini nostri JESU Christi Filii tui, tam Corpori, quam animæ prosit ad remedium sempiternum. Per eundem Christum Dominum nostrum. R. Amen.

Quibus completis P. Prior facta profunda reverentia Sacramento, accipit, ut supra, Pixidem, & datâ infirmo cum eodem Sacramento benedictione, ordine, quo venerat, revertitur ad Ecclesiam, dicendo alternatim Psal: 148.

Laudate Dominum de Cælis &c.

ut in Laudibus Dominicæ.

Cum verò perventum fuerit ad Altare, deposito SS. Sacramento, P. Prior dicat:

℣. Panem de Cælo præstitisti eis.

℞. Omne delectamentū in se habentem.

℣. Dominus vobiscum,

℞. Et cum Spiritu tuo.

OREMUS.

DEUS, qui nobis sub Sacramento mirabili Passionis tuæ memoriam reliquisti; tribue quæsumus: ita nos Corporis, & Sangvinis tui sacra Mysteria venerari, ut redemptionis tuæ fructum in nobis jugiter sentiamus. Qui vivis, & regnas in sæcula sæculorum. **℞. Amen.**

Postea cum SS. Sacramento benedicit astantes, nihil dicens, illudq; reverenter reponit in Tabernaculo, & sic
omni.

omnino præcepit servare Rit: Romanum. His peractis
candelæ extinguantur, & revertuntur omnes in Sacri-
ficiam, ex qua recedunt in pace ad Cellas suas.

Decrèta. S. R. C.

1. S. Ritt: Congregatio declaravit servari de-
bere dictam Cæremoniã thurificandi SS. Sacramen-
tum, inclusum in Pixide, cum deferitur pro Viatico
infirmis, & cum ipso benedicendum esse populum.

21. Junii 1738. in *Ulixh: Orien.*

2. Pixis in qua proprio velo coopertum defer-
tur SS. Viaticum infirmis, debet etiam cooperiri ex-
tremitatibus veli oblongi humeralis. S. R. C. 21.
Martii 1699. in Bergom.

3. Parocho rheumate laboranti, & SS. Sacra-
mentum infirmis deferenti, solet indulgeri usus pileoli
in itinere, non tamen intra Civitatem, vel oppidum.
S. R. C. 5. *Martii 1633. in Asculana*

4. Usus pileoli Parocho rheumate laboranti, &
Eucharistiam infirmis deferenti, non intra Civitatem,
& oppidum, spectat privativè ad Episcopum S. R.
C. 10. *Junii 1693. in Treviren.*

5. Parochis ministraturis SS. Sacramentum in-
firmis, non est licitum de die, neque de nocte uti
parvo pileolo in delatione ejusdem per Civitatem,
sub prætextu alicujus infirmitatis ablq; speciali San-
ctæ Sedis licentia. S. R. C. 13. *Augusti 1695. in*
Januen.

C A P U T IV.

Ritus administrandi Sacramentum extremæ Unctionis.

Infirmus Frater sumpto S. Viatico, si non sentiat levamen in sua infirmitate, quamprimum petat Superiorem, ut ei possit administrari Sacramentum extremæ Sacri Olei unctionis: Quæ antequam ei ministretur, Prælati, vel P. Prior sumptâ Stola, prius dabit ei: Absolutionem generalem à Pœna, & à Culpa, quæ ordinariè datur Monachis Ord: S. Ben: utentibus habitu nigro, auctoritate Privilegiorum, & hæc invenitur in fine cujuscunq; Brev: Monasti.

Pro extrema itaq; unctione infirmo Religioso ministranda, paretur in cubiculo ejus mensa mappa munda cooperta, cum effigie Crucifixi in medio duorum cereorum accensorum, & in aliqua pelvicula septem distincti globuli bombacii, insuper frustum panis, & paululum salis pro extergendis digitis Sacerdotis.

Dato signo conveniant Religiosi in Sacristiam. & P. Prior (cui maxime competit administrare in tali casu Sacramenta) superpelliceo, & Stola Vol: col: indutus, præcedentibus Religiosis cum Cruce, procedit in medio duorum Acolythorum cereos accensos in candelabris portantium, ferens vas sacri Olei in sinu morum velo violaceo coopertum; dicentibus alternatim omnibus Psal: Miserere.

Et ut P. Prior pervenerit ad Cellam infirmi Fratris, statim dicit: Pax huic Domui. R. Et omnibus habitantibus in ea. Tum vase sacri Olei super mensam posito, & facta Cruci reverentia, stans versus ægrotum dicit:

ψ. Ad-

Ÿ. Adjutorium nostrum in nomine Do-
mini.

R. Qui fecit cælum & terram.

Ÿ. Dominus vobiscum.

R. Sit cum Spiritu tuo.

OREMUS.

Inroceat Domine JESU Christe, do-
mum hanc sub nostræ humilitatis in-
gressu æterna felicitas, divina prosperi-
tas, serena lætitia, charitas fructuosa, sa-
nitas sempiterna: effugiat ex hoc loco
accessus dæmonum, adlint Angeli pacis,
domumque hanc deserat omnis maligna
discordia. Magnifica Domine super nos
Nomen Sanctum tuum: & bene† dic
nostræ conversationi: sanctifica nostræ
humilitatis ingressum, qui Sanctus, &
pius es, & permanes cum Patre, & Spi-
ritu Sancto in sæcula sæculorū. R. Amen.

ORemus, & deprecemur Dominum
nostrum JESUM Christum, ut be-
nedicendo bene† dicat hoc tabernacu-
lum,

lum, & omnes habitantes in eo, & det eis Angelum bonum custodem, & faciat eos sibi servire ad considerandum mirabilia de lege tua: avertat ab eis omnes contrarias potestates: eripiat eos ab omni formidine, & ab omni perturbatione, ac sanos in hoc tabernaculo custodire dignetur. Qui cum Patre, & Spiritu Sancto vivit, & regnat DEUS in sæcula sæculorum. *R. Amen.*

OREMUS.

EXaudi nos Domine Sancte Pater Omnipotens, æterne DEUS, & mittere digneris Sanctum Angelum tuum de cælis, qui custodiat, foveat, protegat, visitet, atque defendat omnes habitantes in hoc tabernaculo. Per Christum Dominum nostrum. *R. Amen.*

Quæ orationes, si tempus non patiat ex parte, vel ex toto omitti poterunt. Deinde P. Prior aqua benedicta aspergit infirmum, & cubiculum dicens Antiph: Asperges me &c. cum Psal: E. v. Gloria ut Cap: præc.

Tum

Tum infirmus, vel alius pro eo dicit: Confiteor DEO omnipotenti &c. Et P. Prior subdit: Misereatur, & Indulgentiam. nisi immediate dixisset ante S. Viaticum. Deinde confert infirmo, virtute Bullarum Ordinis nostri Indulgentiam Plenariam in hac forma:

COncedo tibi plenariam Indulgentiam peccatorum tuorum, facultate mihi concessa, & commissa, virtute quarumcunque Bullarum Ordinis nostri. Quod si præsens mortis periculum (DEO favente) evaseris, sit tibi hæc indulgentia pro vero mortis articulo reservata.

His dictis circumstantes Fratres statim recitant Psalmos Pœnitentiales, Et dum Psalmi recitantur, Sacerdos stans ante infirmum dicat benedicendo, Et manum super caput infirmi ponendo:

IN nomine Patris †, & Filii †, & Spiritus † Sancti, extingvatur in te omnis virtus diaboli, per impositionem manuum nostrarum, & per invocationem omnium Sanctorum Angelorum, Archangelorum, Patriarcharum, Prophetarum, Apostolorum, Martyrum,

)Y(

Con:

Confessorum, Virginum, atque omnium
simul Sanctorum. R. Amen.

Intincto deinde pollice dextro in Oleo Sancto Infirmorum, inungit infirmum in partibus hic exaratis, quamlibet in modum Crucis, aptando propriis locis verba formæ. Alius vero Sacerdos, vel Frater in Sacris constitutus post quamlibet unctionem tergat loca uncta novo globulo bombacii, ac in vase mundo reponat comburendos, & cineres in sacrarium proiciendos.

Ad Oculos.

PER istam Sanctam Unctionem ††. &
suam piissimam misericordiam, indul-
geat tibi Dominus quidquid per visum
deliquisti. R. Amen.

Ad uniuscujusque Unctionis formam, vel infirmus (si potest) vel minister Respondeat. Amen.

Ad Aures.

PER istam Sanctam Unctionem ††. &
suam piissimam misericordiam, indul-
geat tibi Dominus, quidquid per audi-
tum deliquisti. R. Amen.

Ad

Ad Nares.

PER istam Sanctam Unctionem, ††. & suam piissimam misericordiam, indulgeat tibi Dominus, quidquid per odoratum deliquisti. R. Amen.

Ad Os labiis compressis.

PER istam Sanctam Unctionem, †. & suam piissimam misericordiam, indulgeat tibi Dominus, quidquid per gustum, & locutionem deliquisti. R. Amen.

Ad Manus.

Quæ Sacerdotibus in parte exteriori inunguntur.

PER istam Sanctam Unctionem, ††. & suam piissimam misericordiam, indulgeat tibi Dominus, quidquid per tactum deliquisti. R. Amen.

Ad Pedes.

PER istam Sanctam Unctionem, ††. & suam piissimam misericordiam, indulgeat tibi Dominus, quidquid per gresum deliquisti. R. Amen.

*Ad Lumbos.**Quæ tamen aut raro, aut nunquam fit.*

PER istam Sanctam Unctionem, † & su-
am piissimam misericordiam, indul-
geat tibi Dominus, quidquid per lum-
borum delectationem deliquisti. R. Amē.

Et immediatè subdit:

SIT tibi hæc Unctio Olei sanctificati ad
purificationem mentis, & Corporis,
& ad munitionem, ac defensionem con-
tra sæva jacula immundorum Spirituum.
R. Amen.

*Post hæc manibus, seu pollicibus Salis, Pane, & aqua
ablutis, pergit:*

Kyrie eleison, Christe eleison, Kyrie e-
leison. Pater noster &c. *secreto usque ad:*
V. Et ne nos inducas in tentationem.
R. Sed libera nos a malo.
V. Salvum fac servum tuum.
R. DEUS meus sperantem in te.

y. Mi-

℣. Mitte ei Domine auxilium de Sancto.

℞. Et de Sion tuere eum.

℣. Esto ei Domine turris fortitudinis.

℞. A facie inimici.

℣. Nihil proficiat inimicus in eo,

℞. Et filius iniquitatis non apponat nocere ei.

℣. Domine exaudi orat: &c.

℣. Dominus vobiscum. &c.

OREMUS.

Domine DEUS, qui per Apostolum tuum Jacobum locutus es: Infirmatur quis in vobis? inducat Presbyteros Ecclesiæ, & orent super eum, ungentes eum Oleo in nomine Domini; & oratio fidei salvabit infirmum, & alleviabit eum Dominus; & si in peccatis sit, remittentur ei: Cura quæsumus, Redemptor noster, gratiâ Sancti Spiritûs langvores istius infirmi, ejusque sana vulnera, & dimitte peccata, atque dolores cunctos mentis, & corporis ab eo expel-

pelle, plenamque interiùs, & exteriùs sanitatem misericorditer redde, ut ope misericordiæ tuæ restitutus, ad pristina reparetur officia. Qui cum Patre, & Spiritu Sancto vivis & regnas DEUS in sæcula sæculorum. R. Amen.

OREMUS.

RE pice, quæsumus Domine, famulum tuum N. in infirmitate sui corporis fatiscentem, & animam refove, quam creasti, ut castigationibus emendatus, se tua sentiat medicina salvatum. Per Christum Dominum nostrum. R. Amen.

OREMUS.

Domine Sancte Pater Omnipotens, æterne DEUS, qui benedictionis tuæ gratiam ægris infundendo corporibus, facturam tuam multiplici pietate custodis; ad invocationem tui nominis benignus assiste, ut famulum tuum N. ab ægritudine liberatum, sanitate donatum dextera tua erigas, virtute confirmes,

po-

potestate tuearis, atque Ecclesiæ tuæ Sanctæ cum omni deliderata prosperitate restituas. Per Christum Dominum nostrum. R. Amen.

Deinde supra infirmum facit sequentes benedictiones:

Dominus noster JESUS Christus apud te sit, ut te † defendat. Intra te sit, ut te † reficiat. Circa te sit, ut te † conservet. Ante te sit, ut te † deducat. Post te sit, ut te † confortet. Super te sit, ut te undique muniat, & † benedicat. Spiritus Sanctus descendat, & maneat super te. R. Amen.

Propitietur Dominus cunctis iniquitatibus tuis. R. Amen.

Et sanet omnes langvorestuos. R. Amē.

Redimatque de interitu vitam tuam. R. Amen.

Et faciat in omnibus bonis desiderium tuum. Qui solus in Trinitate unus DEUS vivit, & regnat in sæcula sæculorū. R. Amen.

Po-

Posita dextera sua tangendo Caput infirmi, addat.

Sanet te DEUS Pater, qui te creavit
in carne.

Sanet te Filius, qui pro te passus est
in Cruce.

Sanet te Spiritus Sanctus, qui tibi in-
fusus est in Baptismate.

Sineta & laudabilis Trinitas, unus
DEUS gratiam suam ad profectum sa-
lutis animæ, & corporis in te augeat, &
ab omni malo te liberet, ac in bono ju-
giter conservet. Qui vivit & regnat in
sæcula sæculorum. R. Amen.

*His peractis eo ordine, quo venerant redeunt in Sa-
cristiam, dicentes Psalmum: Miserere mei DEUS, &
collocata ampulla Sacri Olei in loco suo, recedunt in pace.*

C A P U T V.

Modus adjuvandi Fratres infirmos, & præparandi
eos ad mortem.

Confessarius, quem sibi Religiosus infirmus, de li-
centia suorum Superiorum elegerit, sciat, obligatio-
nem suam gravem ex eo esse, quod omnes modos inqui-
tere

rere debeat, ut bene ad mortem præparet poenitentem suum: timeatque pariter durissimum sibi imminere iudicium pro neglecta debita diligentia, ne anima ejus pro anima illius requiratur; ideoq; quemlibet infirmum juxta rationem status, dignitatis, præeminentiæ, & officii sciat disponere, ne antiquus inimicus inveniatur quid tale, quod moribundo in agone obicere possit.

Præ omnibus tamen maxima adhibenda est diligentia, ut ii, qui in speculativis scientiis fuerant versatissimi, seu scholastico Philosophicæ. ac Theologicæ labore fuerant occupati, emittant professionem Fidei, obviando infestationibus Sathane, qui præcipue tunc, callidissimis argumentis suis, æternæ veritati contradicentibus, tentare solet; ne ergo solo consensu, moribundus Frater, aliquam contrahat maculam, & exinde ne fides in eo labefactetur, juxta mentem Bullæ Pii IV. Pon: Max: in manibus Confessarii omnino emittat Professionem Fidei juxta formam superius exaratam Par: VI. c. 9. quæ incipit: Ego N. firma fide &c. usque ad illa verba: & hæc Sancta DEI Evangelia Si vero infirmus, propter debilitatem, verbis exprimere non possit, saltem Confessarius eam legat, & æger solo nutu annuat, ac corde repetat.

Præterea infirmo morti proximo, adhuc tamen rationis capaci, Pater Spiritualis (si opportunum judicaverit) instituet sequentes petitiones, seu quæstiones, ita morosè & distictè, ut eas ægrotus percipere possit, & ad ea, quantum valet respondeat.

Pro

)Z(

Pro ulteriori sequentium notitia, Litera S, designat Sacerdotem Confessarium, seu Patrem Spiritualem. Litera verò J. exprimit Infirmi personam.

1. S. Credis frater charissime, omnes articulos fidei; & totam Sacram Scripturam secundum expositionem sanctorum Doctorum, & Catholicorum? R. J. Credo.

2. S. Detestaris tu, & reprobas omnes hæreses, & superstitiones à Sancta matre Ecclesia Catholica damnatas, & reprobatas. R. J. Reprobo.

3. S. Gaudes mori in fide Domini nostri JESU Christi? R. J. Gaudeo.

4. S. Cognoscis te multum offendisse Dominum DEUM creatorem tuum, à quo tanta beneficia recepisti, & à quo habes, quidquid boni habes? R. J. Cognosco.

5. S. Doles ex toto corde de omni offensa contra Dominum DEUM, & te ipsum, & proximum tuum qualitercunque commissa? R. J. Doleo. 6.

6. S. Doles de omni negligentia, & omissione bene operandi, & de contemptu gratiarum à Domino DEO tibi datarum? R. *ſ.* Doleo.

7. S. Doles de omni transgressione votorum tuorum, & negligentia in observantia regulari admissa? R. *ſ.* Doleo.

8. S. Doles de his, non timore mortis, vel cujuscunque pænæ, sed solum ex consideratione offensæ divinæ bonitatis, quam offendisti? R. *ſ.* Doleo.

9. S. Desideras recordari omnium peccatorum tuorum oblitorum: ut de ipsis habere possis specialem contritionem, & dolorem, & pænitentiam? R. *ſ.* Desidero.

10. S. Proponis de cætero, si DEO placuerit, te ab hac ægritudine sanatum, deinceps toto tempore vitæ tuæ cavere à peccatis mortalibus, & vitam tuam mutare: & potius quodcunque damnum temporale, & corporalem mortem su-

stinere, quam de cætero DEUM per peccatum mortale offendere? R. *ſ.* Propono.

11. S. Rogas DEUM, ut te in hoc ſancto propoſito conſervet? R. *ſ.* Rogo.

12. S. Parcis omnibus inimicis tuis, qui verbo, vel factò, tibi, vel tuis, in aliquo nocuerunt amore Domini DEI tui: à quo etiam tu veniam tuorum peccatorum petis: & hoc non ſolum verbo, ſed corde, & firma voluntate? R. *ſ.* Parco.

13. S. Credis non propriis meritis, ſed paſſionis Domini noſtri JESU Chriſti virtute, & merito, ad gloriam pervenire poſſe? R. *ſ.* Credo.

14. S. Credis Dominum noſtrum JESUM Chriſtum pro noſtra ſalute mortuum: & propriis meritis, vel alio modo nullum poſſe ſalvari, niſi merito paſſionis ejus? R. *ſ.* Credo.

15. S. Reddisne ei gratias toto corde, quantum potes, & te ipsius passioni commendas, & ipsam corde cogitas, & ore, quantum potes, nominas? R. *ſ.* Reddo.

16. S. Doles te non posse recordari omnium peccatorum tuorum, quibus Dominum DEUM offendisti in quocunque loco, & cum qualicunque persona: quæ si recordareris, confitereris integraliter? R. *ſ.* Doleo.

17. S. Doles, quod postquam veniam de peccatis tuis à Domino DEO consecutus es, recidivans reversus es ad eadem, vel similia, vel majora peccata? R. *ſ.* Doleo.

18. S. Si occurrerit tibi diabolus, ei semper oppone merita passionis Christi. R. *ſ.* Opponam.

19. S. Si te tentaverit de fide, dices te omnia credere, & confiteri, quæ credit, & confitetur Sancta, Catholica, & Apostolica Ecclesia. R. *ſ.* Dicam.

20. S. Si Dominus DEUS voluerit te secundum peccata tua judicare; dicas: Domine DEUS, ego pono mortem Domini mei JESU Christi inter me, & judicium tuum: & quamvis meruerim æternam mortem propter peccata mea, interpono tamen meritum passionis ejusdem, loco meriti, quod ego miser deberem habere; & non habeo. Item, Domine, pono eandem passionem, & mortem Domini mei JESU Christi inter me, & iram tuam, & in manus tuas, Domine, commendo spiritum meum.

Finitis petitionibus, sequentes faciat Infirmus protestationes, valde utiles.

Prima Protestatio.

IN nomine Sanctissimæ Trinitatis: Patris, † & Filii, † & Spiritus † Sancti. Ego N. protestor coram te, Sanctissime Angele DEI, divina pietate, ex utero matris mihi commisso, & coram te Pa-

tre

tre meo N. & coram omnibus vobis circumstantibus: quod in ea vera fide Catholica, quam Sancta Romana, & Apostolica profitetur Ecclesia, & in qua omnes decesserunt Sancti, mori desidero, & volo. Nec ad momentum temporis diutius vivere affecto, nisi quantum divinæ placuerit pietati, cui in omnibus conformiter meam subiicio voluntatem.

Secunda Protestatio.

I Tem protestor, quod sub tua angelica protectione, & adiutorio divinæ gratiæ discedam: & sic mori intendo, absque omni desperatione, & fidei dubitatione; ita, quod neque magnitudo, nec numerositas meorum peccaminum in baratrum desperationis me immergere debent: cum sciam, & veraciter credam, unam Deifici sui sanguinis guttam, in ara Crucis effusam suffecisse in redemptionem totius humani generis, si ita placitum fuisset divinæ pietati.

Ter-

Tertia Protestatio.

Protestor, quod in casu, ubi ex pusillanimitate spiritûs, propter tremendum divinum iudicium, cui altare debebo: aut dæmonis tentatione, seu debilitate rationis (quod DEUS avertat) in aliquam incidere desperationem, aut fidei dubitationem: hoc ipsum pro nunc sana mente existens, revoco, casto, & pro non tali factô habere volo: eo, quod non animo sano, & deliberato hoc ipsum eveniret, submittens me totaliter divinæ pietati.

Quarta Protestatio.

Protestor etiam, quod, cum divina misericordia nulli peccatori contrito, & confesso, eamque desideranti in remissionem suorum peccaminum denegetur, eandem misericordiam, & remissionem mihi impertiri velit, quam toto corde desidero: & peto illam consequi per merita amarissimæ mortis Christi,

& per

& per virtutem pretiosissimi sanguinis sui pro me effusi in ligno sanctissimæ Crucis suæ, & per merita, & preces sanctissimæ suæ Matris Virginis MARIÆ, & omnium Sanctorum Angelorum, & Electorum.

Quinta Protestatio.

PRotestor etiam super hanc petitionem, humili prece porrectam: ut divina pietas me suscipere velit in numerum eorum hominum, quos ab æterno præordinavit, in extremo iudicio esse salvandos, si, & in quantum pro meis peccatis exigentibus, tamdiu pœnas purgatorias sustinere debeam, dummodo in æternum non secludar à sua pietate.

Sexta Protestatio.

His protestationibus præmissis, sanctissime Angele DEI, tibi extremam meam voluntatem, & affectionem, pro testamento animæ meæ commendo; ut
tria

tria mihi ex testamento Salvatoris impertiri digneris.

Primo: unum lachrymosum intuitum, & dolorosum suspirium, ex innumeris doloribus, quos in cruce pendens tribus horis vivus habuit, ad mitigandum dolorosos meos singultus, gemitus, & suspiria, quibus nunc premor. Et ut ipsa mater omnis gratiæ, mecum dividere velit unicum cordis sui Virginei gemitum, dolorosumque suspiriū, ac lachrymosum intuitum, ex innumeris, quos sub Cruce stando, suspiriis, & lachrymis habuit, filium, redemptorem humani generis intuendo: suscipiendo me in numerum eorum peccatorum, qui veniam, & salutem à Domino in extremo iudicio, per sua sanctissima merita, & preces consequentur.

Secundo; Succurrat tua angelica pietas: ut quando miserum Cor meum scindetur, & anima mea misera à corpore

pore separabitur, tunc inveniam placabilem Judicem; intuitu illius divinæ charitatis, in qua amorosum cor suum scindebatur in Cruce pro salute mundi, & sua diviniſſima anima à diviniſſimo corpore separabatur.

Ultimo: Sanctiſſime Angele Dei, commendo tibi extremam horam vitæ meæ, & exitum animæ meæ gubernando, & ab hostibus salutis me protegendo: & ut super has protestationes velis eſſe, ubi, & quoties opus fuerit, contra omnia pericula salutis, fidelis testis, & protector.

His peractis, ſi temporis commoditas poſtulaverit, (ſine tamen moleſtia infirmi) legantur coram eo virii actus virtutum, præſertim Fidei, Spei, & Charitatis, ac æque piæ precationes, ut his ſemper Spiritus ad Deum dirigatur. Insuper ſæpius Pater Spiritualis imaginem Crucifixi Salvatoris ægroto osculandam præbeat, ac in ſpem ſalutis eriget. cum aliqua tamen inter æſtuum expreſſiones repauſatione, aliàs nimia velocitas in his, infirmo moleſtiam, & non levamen afferre poteſt.

Si vero infirmus incipiat agonizare, fiat commendatio animæ, ut in fine Breviarii Monastici adjungitur, ad quam convocentur Religiosi crebrioribus idē bñs campanulæ Capitularis. Si ad refectiōnem eo tempore sederint, audito campanulæ signo, ad insinuationem Superioris Lector dicat: Tu autem Domine miserere nobis. R. Deo gratias, & relicto prandio accurrant omnes. Si verò in opere DEI persolvendo fuerint congregati, D. Abbas, vel P. Prior coassumptis aliquibus, ad infirmum se conferat, reliquis ad cceptum opus in Choro perficiendum relictis, quò completò, etiam ipsi comparebunt. D. Nam Commendationem animæ Superior, vel P. Spiritualis devote recitando, indutus sit superpelliceò, & Stola violaceâ, & sæpius aquâ benedictâ infirmum, lectum, & totum cubiculum aspergat. Alius verò Sacerdos sæpius etiam repetat hoc SS. nomen: JESU, JESU, JESU, ut in iis verbis animam efflare possit.

C A P U T VI.

Modus sepeliendi Religiosos defunctos.

*S*acras Cæremonias, ac Ritus, quibus, ex antiquissima traditione, & summorum Pontificum institutis Sancta Mater Ecclesia Catholica in filiorum suorum exequiis, uti solet, tanquam vera Religionis Mysteria Christianæ pietatis signa, & fidelium mortuorum saluberrima suffragia, Prælati summo studio servare debent, eaque usu retinere.

Nul-

Nullum Corpus sepeliatur, præsertim si mors repentina fuerit, nisi post debitum temporis intervallum, ut nullus omnino de morte relinquatur dubitandi modus.

Quod antiquissimi est instituti, & decretis S. R. C. præceptum, illud (quantum fieri poterit) retineatur, ut missa præseente corpore defuncti, pro ejus anima celebretur, antequam sepulturæ tradatur.

Postquam aliquis Religiosus jam in Dominò obdormierit, dictò à præsentibus Respons: Subvenite Sancti DEI &c. cum x̄v & Oratione, & aspersò per Superiorem corpore aquâ lustrali, præparetur corpus ad sepeliendum. Et inprimis à duobus Fratribus, cum adjutorio sæcularium, linteò aquâ tepidâ madefactò lavetur, atque ita modestè, honestèque totum lavando mundetur, ut nulla ratione cujusquam, ne quidem ipsius lavantis oculis, (quantum fieri potest) nudum pateat. Deinde induatur vestimentis convenientibus: scilicet Sacerdos, vel Clericus Professus, tunicâ, cingulo, scapulari, & Thoga, seu Cucullo cum caputio. Si verò Novitius, aut Conversus fuerit, tunicâ, cingulo, scapulari, & chlamyde; insuper tibialibus, & crepidis. Sacerdos etiam, sive Professus fuerit, sive Novitius, super utrumque humerum stolam col: viol: defluentem habeat: Cæterum nulla pars corporis, præter faciem, & manus ante pectus junctas, cum parva Cruce, & Rosario à dextera manu pendente, nuda appareat.

Sic paratum defuncti Religiosi corpus, & repositum supra feretrum, panno nigro coopertum, cum pulvino pariter nigro, ad locum Capituli, vel ad portam Monasterii efferatur, ibi usque in diem sepulturæ, cum duobus

obus saltem luminibus circa Crucem, & Aquâ benedictâ locandum; ut ab adveniente populo facile visitari possit. Quando verò effertur de suo Cubiculo, Superior aquâ lustrali corpus aspergens, in plana recitatione incipit Psalmum: De profundis clamavi &c. vel Milerere mei DEUS &c. sicque cum nonnullis fratribus ad locum designatum deducat.

Si D. Abbas alicujus Monasterii obierit, corpus ejus præter tunicam, & scapulare, iisdem vestimentis, & insignis Pontificalibus indui debet. quibus solemni-ter celebraturus induebatur, videlicet: Caligis, Sandalibus, Amictu, Albâ, Cingulô, Stola, Manipulô, Cruce pectorali, Tunicellâ, Dalmaticâ, Chirothecis, Planetâ Viola-cei coloris, Annulô & Mitrà simplici. Statimque (si commodè fieri poterit) transmittatur notitia Illi D. Præfidi Congregationis, qui etiam rogandus est, ut condescendat pro sepultura, vel saltem pro Exequiis solem-nibus, ad peragendum in Pontificalibus Officium se-pulturæ. Conducendi etiam erunt alii DD. Abbates viciniore, ut conductus sollemnis absolvi possit juxta Ri-tum præscriptum in Pontif: Rom. Cæterum si distan-tia loci impedit, saltem unus vicinior D. Abbas rogan-dus est, ut charitatis Fraternalis officium obeat.

Ad corpus defuncti sive Prælati, sive alterius cu-juscunque Religiosi, continuò canatur Psalterium, ab u-no, vel duobus Fratribus, turnatim per P. Priorem de-signatis, etiam nocte, nonnisi tunc adjunctis aliquibus sæ-cularibus, ut timor à Fratribus canentibus repellatur, & generosiùs in canendo Psalterio perseverent. Hæc enim Psalmorum decantatio ad corpus Religiosi defun-cti,

Et, antiquissima est in Ordine nostro Benedictino, cum sic declarent: Cærem: Monast: Congr: Mont: Serr: P. II. dist: VI. c. 3. n. 4. pag: 454. Cærem: Monast: Bened: Rom: P. II. c. 6. n. 8. pag: 115. Rituale Monast: tit: de Expirat: pag: 138. insuper Cærem: Bavar: P. IV. §. 13. pag: 277. ideoque, ut & nunc vigeat, vigilantia dignissimorum Superiorum dictam pietatem promovebit.

C A P U T VII.

Ordo exportationis Cadaveris Religiosi in Ecclesiam.

Quando corpus Religiosi defuncti humo mandandum erit, omnes Monachi Cucullis induti, dato signo in Sacristiam conveniunt, & tunc præcedentibus duobus Acolythis cum candelabris, & cereis accensis, & Subdiacono cum Cruce Processionali, subsequentibus Religiosis Cucullatis, & Acolytho cum vase Aquæ benedictæ, in ordine suo procedent ad locum, ubi quiescit corpus defuncti Monachi, cereos necdum accensos manibus gestantes, & in silentio incedentes. Ultimus omnium Superior, omnino Albâ, Stollâ, & Pluviali Coloris Nigri indutus, nihilque in manibus portans, nisi Cereum, vel junctas manus ante pectus habens, ibit, quem comitabitur Diaconus, librum tenens, ad sinistram

Cum perventum fuerit ad locum quiescentis corporis, stante Subdiacono inter duos Acolyths ad caput defuncti, versa imagine Crucifixi ad eundem defunctum;
Reli-

Religiosisq; hinc, inde circa feretrum, cum Cereis accensis circumstantibus, Superior cum cæteris Ministris ad pedes defuncti constitutus. juxta declar: P. Bauldry P. III. c. 15. n. 3. incipit absolutè Ant ph: Si iniquitates. Et Chorus prosequitur alternatim recitand) Psalmum:
De profundis clamavi &c. cum V. Requiem æternam &c. Et repetitur Ant: Si iniquitates observaveris Domine, Domine quis sustinebit. Tum duo Cantores intonant: Kyrie eleison, Et Chorus, R. Christe eleison. Kyrie eleison. Et Superior clara voce dicit: Pater noster reliquum secretò usque ad:

*V. Et ne nos inducas in tentationem,
 R. Sed libera nos à malo.*

V. In memoria æterna erit justus.

R. Ab auditione mala non timebit.

V. Ne tradas bestiis animas confitentes tibi

R. Et animas pauperum tuorum ne obliviscaris in finem.

V. Non intres in judicium cum servo tuo Domine,

R. Quia non justificabitur in conspectu tuo omnis vivens.

V. A porta inferi.

R. Erue Domine animam ejus.

V.

℣. Requiescat in pace. ℞. Amen.

℣. Domine exaudi orationem meam.

℞. Et clamor meus ad Te veniat.

℣. Dominus vobiscum.

℞. Et cum Spiritu tuo.

OREMUS.

Suscipe Domine, animam famuli tui
N. (*Sacerdotis*) quam de ergastulo
hujus sæculi vocare dignatus es: & li-
bera eam de locis pænarum; ut quietis,
ac lucis æternæ beatitudine perfruatur,
& inter Sanctos, & electos tuos resusci-
tari mereatur. Per Christum Dominum
nostrum. ℞. Amen.

*Deinde defertur corpus in Ecclesiam. D. Abbatis
à dignioribus PP. Monasterii, Sacerdotis à Sacerdoti-
bus, non Sacerdotis virò à Fratribus Sacerdotio non
insignitis; sed hoc tantum propter assistentiam; pondus
enim ipsum sustinere debent sæculares personæ ad id di-
sposte. ne nimis graventur Religiosi inepti ad portanda
gravia pondera. Et mox inchoât Superior Antiphonam:*

Exultabunt Domino. Choro prosequente:

Ossa humiliata

)BB(

Tum

*Tum duo Cantores intonant Psalmum 50. Misere-
rere mi DEUS, quem omnes decantant procedentes
bini, & bini ad Ecclesiam, capitibus opertis.*

*Ut pervenerint omnes ad locum, ubi debeat poni
feretrum, statim concludunt Psalmum per V. Requiem
æternam, licet non sit finitus, & repetunt Antiphonam.
Tum Cantore incipiente, decantatur Responsorium:*

*Subvenite Sancti Dei: occurrere An-
geli Domini: * Suscipientes animam
ejus: * Offerentes eam in conspectu Al-
tissimi. V. Suscipiat te Christus, qui
vocavit te, & in sinum Abrahamæ Angeli
deducant te. * Suscipientes &c. V. Re-
quiem æternam dona ei Domine, &
lux perpetua luceat ei. * Offerentes &c.*

*Collocato corpore in medio Ecclesiæ, (capite ad
Altare majus versò, si Sacerdos fuerit) si fuerit tem-
pus vespertinum (quod convenientius foret) inchoentur
statim Vesperæ Officii Defunctorum, per Antiph: Pla-
cebo Domino &c. Si verò de mane, absolutis tempe-
stive Horis diurnis in Choro, decantetur Officium De-
functorum incipiendo ab Invitatorio: Regem cui o-
mnia vivunt: ° Venite adoremus & dicuntur omnes
tres nocturni, cum IX. Lectionibus.*

C A P U T VIII.

Ordo sepulturæ DD. Abbatum.


IN die sepulturæ D. Abbatis mortui, curare debet V. Communitas illius Monasterii, ut, quam maxima, superiori suo præset Suffragia; ideoque vicinos Religiosos, aliosque coniucat Presbyteros, qui multiplicatis Missæ Sacrificiis, animæ ejus ferant levamen. Et sic de mane tempore vè absolute in plana recitatione Horis canonicis, una cum Missa Conventual.; Officium Defunctorum cum tribus Nocturnis. Et Laudibus decantatur, post quod Missa Solemnis de Requiem ab aliquo Prælato celebratur. Qua finita sermo funebris omnino habeatur, ab aliquo ex dignioribus PP. vel etiam ab invitato Hospite, quia sic decet, Et hoc insinuat in Cærem: Episc: L. 2. c. 11. P. Bauldry P. I. c. 10. n. 23 & P. III. c. 13 n. 20. Cærem: Bavar: P. IV. §. 13. pag: 277. Celebrans deposita Planeta. Et Manipulo. capit Pluviale, Et sedat tempore sermonis: vñ in Sacristiam recedit, ad deponendam Casulam, simul cum Dalmatica, Tunica. Et Manipulo, ut ex ea cum 4. Prælati pro absolutione exeant.

Interim paretur in capite loci, scilicet ad caput D. Abbatis mortui, repositi in castro doloris, faldistorum in medio pro illo, qui celebravit, Et in Quatuor angulis dicti castri doloris præparentur Quatuor Scabellum, videlicet in quolibet angulo unum scabellum. Pa-
rent

rent se etiam sub tempus sermonis lugubris Quatuor Prælati, quantum fieri potest, ex præsentibus digniores, etiamsi omnes habentes usum Mitræ Qui ergo utuntur Rochetto, super eo capiant stolam, & Pluviale, nigri, vel obscuri violacei coloris, cæteri autem supra superpelliceum capiunt Stolam, & Pluviale nigrum: & Mitram simplicem, si ea uti possint: sin minus, Birretum. Omnes sic parati expectant, donec finiatur sermo. Quo finito, uia cum Prælato Celebrante cæteri procedunt ad castrum doloris, seu feretrum, ubi absolutiones fieri consueverunt, hoc ordine:

Præcedunt duo Acolythi, unus cum Thuribulo, & Navicula incensi, alter cum Vase Aquæ benedictæ, & Aspersorio. Tum iterum duo Acolythi cum Candelabris, & cereis accensis, in quorum medio erit Subdiaconus paratus, ille qui in Missa cantavit Epistolam, deferens Crucem processionalem. Post Crucem duo iuniores Prælati, deinde duo Seniores, quilibet verò eorum (si sit Mitratus) habeat unum Capellannum, solo superpelliceo indutum qui ad Mitram seruiat, insuper quilibet habeat Cereum ardentem, ac cum eo procedat. Ultimo loco incedet Prælatus, qui Missam celebravit, habens ad sinistram suam Diaconum paratum, qui eum comitatur: & post cum Capellani superpelliceis induti, atq; Religiosi ad canenda Responsorîa ordinati.

Venientes ad locum absolutionis, locantur à Magistro Cæremoniarum hoc ordine: ad instar hujus sche-



maticis: *Thuriferarius signatus literâ T. cum Acolytho de vase Aquæ benedictæ notato per literam A. subsistent prope faldistorium Celebrantis ad dexteram quidem tamen retrocedentes. Subdiaconus cum Cruce, designatus per literam S. medius inter duos Ceroferarios, literâ C. signatos, ex spe-*

ciali Pontif: Rom: Rubr: collocabit se ad pedes in medio. Junior Prælatas sedebit in scabello in angulo castri doloris, ad pedem dextrum, ubi est P. 4. Senior Prælatas sedebit in scabello in angulo ad humerum sinistrum, sub signo P. 3. Tertius Prælatas senior, seu dignior priore sedebit in angulo ad pedem sinistrum sub signo P. 2. Quartus Prælatas, qui erit cæteris Prælatas, excepto celebrante, senior, vel dignior, in angulo ad humerum dextrum sedebit, ad signum: P. 1. Celebrans verò sub signo †. notatus, ad caput defuncti in medio sedebit, ideoq; pro hoc actu, si sit Ciborium in majori Altari, SS. Sacramentum efferatur ad aliquam Capellam, ne tunc Celebrans terga vertat, quia omninò directè contra Crucem sedere debet. Diaconus insuper sub litera D. semper sinistro lateri Celebrantis adhærere tenetur.

Omniſus ſic ordinatis, ſurgit Celebrans deſecto capite, omniſus pariter ſurgentibus, & canit in tono lectionis ſerialis, abſolutè orationem:

Non

Non intres in iudicium cum servo tuo Domine, quoniam nullus apud te justificabitur homo, nisi per te omnium peccatorum ei tribuatur remissio: non ergo eum tua, quæsumus, judicialis sententia premat, quem tibi vera supplicatio fidei Christianæ commendat, sed gratia tua illi succurrente, mereatur evadere iudicium ultionis, qui dum viveret insignitus est signaculo Sanctæ Trinitatis. Per Christum Dominum nostrum. *R. Amen.*

*Qua finita omnes sedent Prælati coopertis capitibus,
& Cantore incipiente, Chorus prosequitur:*

R. Subvenite Sancti DEI, occurrite Angeli Domini; * Suscipientes animam ejus, * Offerentes eam in conspectu Altissimi.

Ÿ. Suscipiat te Christus, qui vocavit te: & in sinum Abrahæ Angeli deducant te. * Suscipientes &c.

Ÿ.

Ÿ. Requiem æternam dona ei Domine: & lux perpetua luceat ei. * Offerentes, &c.

Dum canitur Ÿ. Requiem æternam &c. Diaconus cum Thuriferario, & Acolutho de vase aquæ benedictæ accedunt ad Prælatum sub signo P. i. qui ministrante Diacono Naviculam, sedens imponit thus in thuribulo, capite operto. Imposito incenso Thuriferarius & alter Acoluthus consistunt ad dexteram dicti Prælati, & Diaconus ad sinistram. Finito R. prolixo incipientibus Cantoribus, Chorus decantat:

Kyrie eleison. Christe eleison.
Kyrie eleison.

Et statim ut inchoatur Kyrie eleison primum, surgunt omnes Prælati detectis capitibus, & finito ultimo Kyrie eleison, prædictus sub n. i. Prælatus voce intelligibili dicit: Pater noster, secretè reliquum complendo. Et statim accepto aspersorio cum Aqua benedicta de manu Diaconi, capite cooperto aspergit sepulturam, seu lectum mortuorum, circumcirca progrediens, incipit à sua parte dextra, ter aspergendo quamlibet lecti partem lateralem tantum. Diacono à dextris comitante, & fimbrias Pluvialis sublevante. Dictus Prælatus dum transibit ante alios Prælatos, illos salutabit inclinatione sola capitis, & similiter Cruci reverentiam faciet, transiens ante illam ad pedes lecti.

Post-

Postquam cum aspersorio circumierit lectum, Et ad locum suum redierit, ibidem dimisso aspergillo, ab eodem Diacono capiet Thuribulum, Et lecticam similiter circumcirca obundo thurificabit ter in qualbet parte laterali. Et cum redierit post thurificationem ad locum suum, stans ante suum scabellum detecto capite in tono feriali sequentia canit: ministrante librum Diacono.

℣. Et ne nos inducas in tentationem,

℞. Sed libera nos à malo.

℣. A porta inferi.

℞. Erue Domine animam ejus.

℣. Requiescat in pace. ℞. Amen.

℣. Domine exaudi orationem meam.

℞. Et clamor meus ad Te veniat.

℣. Dominus vobiscum.

℞. Et cum Spiritu tuo.

OREMUS.

DEUS, cui omnia vivunt, & cui non pereunt moriendo corpora nostra, sed mutantur in melius; te supplices deprecamur; ut suscipi jubeas animam famuli tui N. Abbatis per manus sanctorum Angelorum tuorum, deducendam

dam in sinum amici tui Abrahæ Patriarchæ, resuscitandamque in novissimo judicii magni die; & quidquid vitiorum, diabolo fallente contraxit, tu pius, & misericors abluas indulgendo. Per Christum Dominum nostrum. R Amen.

Finita Oratione, omnes Prælati sedent capite tecto, Diaconus, Thuriferarius ac alter Acolythus cum vase aquæ benedictæ. recedunt ad priora loca sua, & Chorus cantat Responsorium sequens:

R. Qui Lazarum resuscitasti à monumento fœtidum: * Tu eis Domine dona requiem, & locum indulgentiæ.

V. Qui venturus es judicare vivos, & mortuos, & sæculum per ignem. * Tu eis &c

V. Requiem æternam &c. * Tu eis Domine &c.

Incepto V. Requiem æternam, denuò prædicti Ministri, scilicet Diaconus, Thuriferarius, & Acolythus de vase Aquæ benedictæ accedunt ad alterum Prælatum, qui sedet in angulo ad pedem sinistram, sub signo P. 2. Qui, ministrante Diacono Naviculam, & Thuriferario

)Cc(

thuri-

*thuribulum, imponit incensum, ut supra; finito R. omnes
surgunt detectis capitibus, & Chorus cantat:*

Kyrie eleison. Christe eleison.
Kyrie eleison.

*Et statim dictus Prælatus sub n. 2. qui imposuit
incensum in thuribulum, dicit voce intelligibili: Pater
noster, complendo reliqua secretò. Tum sine mora capit
asperjorium cum Aqua lustrali de manu Diaconi, &
incipiens à sua parte dextra, circuit castrum doloris,
aspergit tertio in utraque tantum parte laterali tumbæ;
similiter in loco suo accipit thuribulum, & circumcirca
progrediens thurificat, ut prius dictum est. Cum verò
redierit post thurificationem ad locum suum, stans ante
scabellum canit sequentia:*

Ÿ. Et ne nos inducas in tentationem.

R. Sed libera nos à malo.

Ÿ. A porta inferi.

R. Frue Domine animam ejus.

Ÿ. Requiescat in pace. R. Amen.

Ÿ. Domine exaudi orationem meam.

R. Et clamor meus ad Te veniat.

Ÿ. Dominus vobiscum.

R. Et cum Spiritu tuo.

ORE-

OREMUS.

FAc, quæsumus Domine, hanc cum servo tuo N. Abbate defuncto misericordiam; ut factorum suorum in pænis non recipiat vicem, qui tuam in votis tenuit voluntatem; ut sicut hic eum vera fides junxit fidelium turmis, ita eum illic tua miseratio societ choris Angelicis. Per Christum Dominum nostrum. R. Amen.

Quâ finitâ, omnes simul sedent capitibus tectis, & Ministri ab illo Prælato recedunt, Chorus verò cantat Responsorium:

R. Domine, quando veneris judicare terram, ubi me abscondam à vultu iræ tuæ? * Quia peccavi nimis in vita mea.

Ÿ. Commissa mea pavesco, & ante te erubesco: dum veneris judicare, noli me condemnare. * Quia peccavi &c.

Ÿ. Requiem æternam &c. * Quia pec:&c.

Inchoato Ÿ. Requiem æternam, prædicti R. Ministri, ut supra, accedunt ad tertium Prælatum qui se-

*det in angulo ad sinistrum brachium tumbæ, sub signo:
P. 3. qui imponit consveto more incensum in thuribulum. Et finito R. omnes simul surgunt, & detegunt capita sua, Tum Chorus canit: Kyrie eleison. Christe eleison. Kyrie eleison, postea prædictus Prælatus voce intelligibili dicit: Pater noster, complendo reliqua secretò, & mox accipit aspersorium cum aqua benedicta de manu Diaconi, & incipiens à sua parte dextera circuit castrum doloris, aspergendo ter in utraq; parte laterali tumbæ. Similiter capit Thuribulum, & circumcirca thurificat, ut priùs dictum est. Cum autem redierit ad locum suum, stans ante scabellum, decantat in tono feriali sequentia:*

V. Et ne nos inducas in tentationem,

R. Sed libera nos à malo.

V. A porta inferi.

R. Erue Domine animam ejus.

V. Requiescat in pace. R. Amen.

V. Domine exaudi orationem meam.

R. Ec clamor meus ad Te veniat.

V. Dominus vobiscum.

R. Et cum Spiritu tuo.

OREMUS.

INclina Domine, aurem tuam ad preces nostras, quibus misericordiam tu-

am supplices deprecamur; ut animam famuli tui N. Abbatis, quam de hoc sæculo migrare iussisti, in pacis, ac lucis regione constituas, & Sanctorum tuorum jubeas esse consortem. Per Christum Dominum nostrum. R. Amen.

Hoc finito omnes cum Mitra sedent, ministri verò recedunt ad Celebrantem, & Chorus decantat sequens Responsorium:

R. Ne recorderis peccata mea Domine, * Dum veneris judicare sæculum per ignem. V. Dirige Domine DEUS meus, in conspectu tuo viam meam. * Dum &c. V. Requiem æternam, &c. * Dum veneris. &c.

Dum in prædicto R. cantatur versiculus Requiem æternam, denuò Diaconus, Thuriferarius, & alius Acolythus accedunt ad Prælatum sedentem in angulo ad pedem dextrum, sub signo P. 4. & ministrant ei thuribulum, & Naviculam, qui solito more imponit incensum in thuribulum, adhuc sedendo. Finito R. omnes surgunt, & discooperiunt capita sua, moxque Chorus cantat:

Ky.

Kyrie eleison. Christe eleison.
Kyrie eleison.

Prædictus verò Prælatus ultimus intelligibili voce dicit: Pater noster, complendo reliquum Orationis Dominicæ secretò Et interim accepto de manu Diaconi aspersorio cum aqua benedicta, aspergit sepulturam, circumcirca progrediens, & incipiens à parte sua dextera, terque aspergit quamlibet partem lateralem tumbæ: Diacono à dextris comitante, & fimbrias Pluvialis sublevante. Dum verò transit ante alios Prælatos, illos salutatur. & pariter Cruci reverentiam faciet, transiens ante illam ad pedes lecticæ. Postquam cum aspersorio circumierit sepulturam, & ad locum suum redierit, ibidem, ab eodem Diacono capiet thuribulum, & eandem lecticam similiter circumcirca thurificabit, tertio in quamlibet parte laterali thuribulum ducens: Et cum redierit post thurificationem ad locum suum, dimisso thuribulo, & tenente librum Diacono, stans ante scabellum suum in tono feriali canit sequentia:

℣. Et ne nos inducas in tentationem.

℞. Sed libera nos à malo.

℣. A porta inferi.

℞. Erue Domine animam ejus.

℣. Requiescat in pace. ℞. Amen.

℣. Domine exaudi orationem meam,

℞. Et

R. Et clamor meus ad Te veniat.

Ÿ. Dominus vobiscum.

R. Et cum Spiritu tuo.

OREMUS.

Absolve, quæsumus Domine, animam famuli tui N. Abbatis, ab omni vinculo delictorum; ut in resurrectionis gloria inter Sanctos, & Electos tuos resuscitatus respiret. Per Christum Dominum nostrum. R. Amen.

Finita oratione, iterum omnes sedent sub Mitra, Ministri recedunt ad Celebrantem, & Chorus decantat Responsorium:

R. Libera me Domine de morte æterna, in die illa tremenda: * Quando cæli movendi sunt, & terra: * Dum veneris judicare sæculum per ignem.

Ÿ. Tremens factus sum ego, & timeo, dum discussio venerit, atque ventura ira.

* Quando cæli &c.

Ÿ. Dies illa, dies iræ, calamitatis, & miseriæ, dies magna, & amara valde. * Dum veneris &c.

Ÿ.

℣. Requiem æternam dona ei Domine: & lux perpetua luceat ei. Libera me Domine &c. usque ad ℣.

Dum in prædicto Responsorio inchoatur Versiculus: Requiem æternam. Thuriferarius, & Acolythus de vase aquæ benedictæ propius accedunt ad dexteram Celebrantis. ubi Diaconus acceptâ Naviculâ ministrat incensum, & Thuriferarius thuribulum; Celebrans sedens imponit incensum in thuribulum. Interim finito R. canitur à Choro:

Kyrie eleison. Christe eleison.
Kyrie eleison.

Et ut inchoatum fuerit primum Kyrie. statim omnes surgunt detectis capitibus. Finito ultimo Kyrie Celebrans intelligibili voce dicit: Pat r noster, quod secreto complet. Interim acceptô de manu Diaconi aspersor.ô cum aqua benedictâ, circumcirca obambulans, & à sua parte dextera incipiens, aspergit sepulturam ter in qualibet parte laterali tumbe; Diacono à dextris comitante, & fimbrias Pluvialis elevante. Dum transibit ante alios Prælatos illos pariter salutabit, & similiter Cruci reverentiam faciet, transiens ante illam ad pedes lecticæ. Postquam cum aspersorio circumierit castrum doloris, & ad locum suum redierit, ibidem, eodem Diacono capiet thuribulum. & similiter circumcirca obeundo, tumbe ter thurificabit in qualibet parte la-

te laterali. Cum autem redierit post thurificationem ad locum suum, reddito thuribulo, Et ministrante librum Diacono, stans ante faldistorium, cantat in tono feriali sequentia:

℣. Et ne nos inducas in tentationem,

℞. Sed libera nos à malo.

℣. A porta inferi.

℞. Erue Domine animam ejus.

℣. Requiescat in pace. ℞. Amen.

℣. Domine exaudi orationem meam.

℞. Et clamor meus ad Te veniat.

℣. Dominus vobiscum.

℞. Et cum Spiritu tuo.

OREMUS.

ABsolve, quæsumus Domine, animam famuli tui N. Abbatis, ut defunctus sæculo tibi vivat: & quæ per fragilitatem carnis humana conversatione commisit, tu veniã milericordissimæ pietatis absterge. Per Christum Dominum nostrum. ℞. Amen.

De-

*Deinde Celebrans manu dextra faciens signum Crucis
supra lecticam, dicit:*

V. Requiem æternam dona ei Domine.

R. Et lux perpetua luceat ei.

Tum duo ex Cantoribus dicunt alta voce:

Requiescant in pace. R. Amen.

Et Prælatas Celebrans superaddit, voce intelligibili dicendo:

*Anima ejus, & animæ omnium fidelium defunctorum per misericordiam
DEI requiescant in pace. R. Amen.*

Hoc dicto Prælati, qui utuntur Mitris, eas recipiunt, & omnes eo ordine, quo venerant, revertuntur in Sacristiam, ubi deponunt sacras vestes, & recedunt in pace. Interim verò canitur in Choro: Salve Regina &c.

Si verò tunc Corpus tradatur Sepulturæ, ne propter tumultum fiat aliqua perturbatio inter Prælatos, dictâ à Celebrante ultima Oratione, Quatuor prælati recedunt in Sacristiam, & mox in Choro canitur Antiph:

*In paradisum deducant te Angeli: in
tuo adventu suscipiant te Martyres, &
perducant, te in civitatem Sanctam Je-*

rusa:

rusalem. Chorus Angelorum te suscipiat, & cum Lazaro quondam paupere æternam habeas requiem.

Hoc finito statim inchoatur Antiph: Ego sum: quæ non duplicatur, sed statim duo Cantores inchoant, Choro prosequente Canticum: Benedictus Dominus DEUS Israël &c Interim Prælati solus Celebrans cum ministris & Religiosorum Cœtu deducit corpus ad oram Sepulchri, ubi. quantum commoditas loci permiserit, circumcirca consistunt. Et à Celebrante benedicitur locus sepulturæ. Licet enim Ecclesia sit consecrata, vel benedicta, semper tamen locus sepulturæ benedici debet. Ita P. Bauldry P. III. c. 15. n. II. ex Rit: Rom: declarat. Ideo antequam finiatur canticum, prius Celebrans sine Mitra, absolutè dicit sequentem Orationem.

OREMUS.

DEUS, qui fundasti terram, & formasti Cælos, qui loca syderibus stabilita fixisti, qui captivum laqueo mortis hominem, lavacri ablutione reparasti, qui sepultos Abraham, Isaac, & Jacob in spelunca duplici, in libro vitæ, atque totius gloriæ principes annotasti benedicendos: ita benedicere digneris, &

)D D 2(

hunc

hunc tumulum famuli tui N. Abbatis, ut hic eum requiescere facias, & in sinu Abrahæ, Isaac, & Jacob collocare digneris; qui Dominum nostrum JESUM Christum contritis laqueis infernorum resurgere, se, suorumque credentium membra suscitare voluisti: respice Domine super hanc fabricam sepulturæ: descendat ad eam Domine Spiritus Sanctus tuus; ut, te jubente, sit in hoc loco famulo tuo N. Abbati quietæ dormitio; & tempore judicii tui cum Sanctis omnibus vera resuscitatio, præstante eodem Domino nostro JESU Christo, qui tecum, & cum eodem Spiritu Sancto vivit, & regnat DEUS in sæcula sæculorum. R. Amen.

Finito Cantico, & repetitâ Antiphonâ cantores intonant:

Kyrie eleison. & Chorus respondet:
Christe eleison. Kyrie eleison.

Tum Celebrans: Pater noster, & complet reli-
quum

quum secretò. Interim imposito incenso, aspergit corpus, & tumulum, pariter incensat corpus, & tumulum, tunc, & non post Orationem; (ut quidam prætendunt) sic enim declaravit P. Bauldry loc: cit: n. 14. ex Rit: Rom: & peritorum sententiis. Postea Prælati celebrans in tono feriali canit sequentia:

℣. Et ne nos inducas in tentationem.

℞. Sed libera nos à malo.

℣. Non intres in iudicium cum servo tuo Domine,

℞. Quia non justificabitur in conspectu tuo omnis vivens.

℣. A porta inferi.

℞. Erue Domine animam ejus.

℣. Requiescat in pace. ℞. Amen.

℣. Domine exaudi orationem meam.

℞. Et clamor meus ad Te veniat.

℣. Dominus vobiscum.

℞. Et cum Spiritu tuo.

OREMUS.

Satisfaciat tibi, quæsumus Domine DEUS noster, pro anima famuli tui N. Abbatis, beatissimæ DEI genitricis sem-

per:

perque Virginis MARIÆ, & Sanctissimi Confessoris tui Benedicti, omniumque Sanctorum tuorum oratio, & præsentis familiæ tuæ humilis, & devota supplicatio: ut peccatorum omnium veniam, quam precamur, obtineat, nec eum patiaris cruciari gehennalibus flammis, quem Filii tui Domini nostri JESU Christi pretioso Sangvine redemisti. Qui tecum vivit & regnat in sæcula sæculorum. R. Amen.

℟. Requiem æternam dona ei Domine.
R. Et lux perpetua luceat ei.

Hic nota: si adhuc brevis aliqua adhortatio habenda est, (quod certè conveniret) statim habeatur, & eâ finitâ, duo Cantores alta voce decantant:

Requiescant in pace. R. Amen.

Et Celebrans subdit: ℣.

Anima ejus, & animæ omnium fidelium defunctorum per misericordiam DEI requiescant in pace. R. Amen.

Mox

Mox Celebrans cum Ministris recedit in Sacristiam; eo autem recedente demittunt Corpus in Sepulchrum, & non prius, quia P. Bauldry loc: cit: ex Rit: Rom: adnotavit: Quod corpus sepeliri non debeat dum dicitur Antiph: Ego sum &c. & Canticum Bene- „ dictus, & preces, quæ dicuntur, sed tantum, quan- „ do dictis precibus, & Oratione omnes redeunt in „ Ecclesiam, ita, ut non sit Clerus præsens, dum cor- „ pus sepelitur. Item quod Sacerdos non debeat „ ter prolicere terram super Corpus defuncti, ante- „ quam sepeliatur; hæc enim adversari videntur Ri- „ tuali Romano. „

Insuper notandum est, quod prædictus major con- ductus, seu absolutiones Quinque non in omnibus exequiis fieri debeant, sed tantum in primis exequiis, quæ fieri solent post obitum; neque etiam in anniversariis; quia sic disposuit: Pontif: Rom: à Bened: XIV. P. M. re- cognitum, & castigatum P. III. tit: 28.

C A P U T IX.

Ordo Sepulturæ antiquæ Benedictinæ
Patrum, & Fratrum.

I*Nhærendo ordinationi Reverendissimi Definitorii Capi- tuli Generalis 1774. in Monasterio Tynecensi cele- brati, & dispositioni Breviarii Monastici edit: Campi- donen: & Einsidlen, quæ in his remittunt ad Rituale Monasticum, Ordinem Sepulturæ Benedictinæ ab antiquo præ-*

præscriptum, & immemorabili consuetudine in Ordine nostro usitatum, sequentibus paginis exaramus.

Decantato Officio Defunctorum usq; ad Laudes exclusivè. terminetur illud, statim post ultimum R. & dicatur à Superiore intelligibili voce Pater noster &c: secreto, tum, sine Psalmo. V. Et ne nos inducas &c. cum cæteris VV. & Oratione, quæ notatur in Breviario Monastico in depositione Defuncti. Deinde celebratur Missa.

Diximus: usque ad Laudes exclusivè, nam debent prætermitti Laudes Officii Defunctorum, idèd, quia infra positi Psalmi, ex Rubrica dicti Ritualis Monastici, dicuntur pro Laudibus supra sepulchrum, ut patet ex Rubrica inferius expressa.

Sub finem Missæ distribuuntur Cerei omnibus Religiosis in Choro; finita vero Missa, Celebrans descendit in planum ad cornu Epistolæ, deponit Planetam, & Manipulum. Si vero D. Abbas celebravit, etiam Dalmaticam. & Tunicellam. Ministri etiam sacri suos Manipulos devonunt. Subdiaconus accepta Cruce Processionali consistit ante Altare cum Ceroferariis cereos accensos in candelabris suis habentibus, donec Celebrans induatur Pluviali Col: Nigri, proceduntq; ad castrum doloris sequenti ordine:

Præcedunt: Thuriferarius portans thuribulum & Navicu'am, cum Acolytho de vase Aquæ benedictæ, post eos Subdiaconus cum Cruce, medius inter duos Ceroferarios, deinde Religiosi cucullati, cum accensis cereis, ordine suo, bini, & bini incedunt, quos subsequetur Celebrans, manibus ante pectus junctis, & neque Cru-

cem,

cem, neque instrumentum pacis portabit, alias esset contra omnem Rubricam: Diaconus etiam paratus à sinistris comitabitur Celebrantem, librum ante pectus sustinendo. Locant se ergo omnes respectivè ad Subdiaconum, qui semper ad caput defuncti stare tenetur, juxta Decr: S. R. C. 3. Septembris 1746. in una Massæ & Populoni. Et licet cap: præc: declaratum est, quod Subdiaconus cum Cruce stare debeat ad pedes feretri, seu Cadaveris Abbatis, hoc tamen speciali Rubricâ, propter solemnem in Pontificalibus absolutionem decisum est in Pontif: Romano à Benedicto XIV. recognito. Lege autem ordinariâ, alia facta est dispositio à S. R. C.

Cum ergo non eodem modo corpus defuncti locatur in Ecclesia, nec eodem semper modo locant se tam Celebrans, quem reliqui. Si igitur sepultura erit Sacerdotis, cujus caput versûs Altare majus repositum conspicitur, Subdiaconus cum Cruce stabit inter altare majus & feretrum, recedendo parum ad partem Evangelii, ne terga vertat Altari, & Celebrans inter feretrum, & portam Ecclesiæ in medio locabit se ad pedes defuncti; Religiosi verò Seniores propius ad Celebrantem, & juniores propius ad Subdiaconum persistent. Si verò sepultura fuerit alicujus, qui necdum sit Sacerdotali charactere insignitus, licet etiam Diaconi, quia caput talis cadaveris locatur versûs portam Ecclesiæ, ideo Celebrans stabit inter feretrum, & Altare majus parùm recedens ad cornu Epistolæ, ne terga vertat altari, & Subdiaconus cum Cruce stabit inter feretrum, & portam Ecclesiæ in medio. Tunc ergo Seniores Religiosi respicient Celebrantem consistendo prope eum, & juniores

prope Subdiaconum. Thuriferarius, & Acolythus de vase aquæ benedictæ locabunt se propè Celebrantem, quasi ad dexteram ipsius, retrò tamen.

Sic constitutis omnibus, & Cereos ardentés in manibus gestantibus, Celebrans absolute inclodât conductum ab oratione, cantando eam in tono lectionis.

Non intres in iudicium cum servo tuo Domine; quia nullus apud te iustificabitur homo, nisi per te omnium peccatorum ei tribuatur remissio. Non ergo eum, quæsumus, tua judicialis sententia premat, quem tibi vera supplicatio fidei Christianæ commendat: sed gratiâ tuâ illi succurrente, mereatur evadere iudicium ultionis, qui dum viveret, insignitus est signaculo Sanctæ Trinitatis. Qui vivis & regnas in sæcula sæculorum. *R. Amen.*

Et statim Cantores incipiunt Choro prosequente Responsorium: Subvenite Sancti DEI &c. ut supra Cap: 7. in exportatione.

Interim Celebrans ad finem dicti Responsorii imponit & benedicit incensum, ministrante Diacono naviculam, & Thuriferario thuribulum. Finito Responsorio Cantores duo cantant: —

Ky.

Kyrie eleison Chorus verò. Christe
eleison. Kyrie eleison

Tum Celebrans intelligibili voce dicit: Pater noster, reliquum secretò complet: Et statim omnes genuflectunt usque ad finem Orationis. Celebrans verò accepto de manibus Diaconi aspersorio, circuit feretrum, incipiendo à parte sua dextra, Et aspergit ter in qualibet laterali parte tumbæ, Diacono à dextris comitante, Et simbras Pluvialis elivante, quod semper facit in pari casu: transeundo vero ante Crucem, Et Altare, licet Celebrans tantum se profundè inclinet, ipse tamen Diaconus semper genuflectere debet. Deinde Celebrans dimisso aspersorio in loco suo, Et accepto thuribulo eodem modo incensat circumeundo feretrum, quo asperferat. Reversus ad locum suum, Et reddens thuribulum, ministrante Diacono librum, canit sequentia:

Ÿ. Et ne nos inducas in tentationem,

R. Sed libera nos à malo.

Ÿ. A porta inferi.

R. Erue Domine animam ejus.

Ÿ. Requiescat in pace. R. Amen.

Ÿ. Domine exaudi orationem meam.

R. Et clamor meus ad Te veniat.

Ÿ. Dominus vobiscum.

R. Et cum Spiritu tuo.

)EE2(

ORE-

OREMUS.

DEUS, cui omnia vivunt, & cui non pereunt moriendo corpora nostra, sed mutantur in melius, te supplices deprecamur; ut suscipi jubeas animam famuli tui N. per manus Sanctorum Angelorum, deducendam in sinum amici tui Abrahæ Patriarchæ, resuscitandamque in novissimo judicii magni die: & quid vitiorum fallente diabolo contraxit; tu pius, & misericors abluas indulgendo. Per Christum Dominum nostrum. R. Amen.

Deinde cantatur à Choro 2. Responsorium.

Ne recorderis peccata mea Domine, * Dum veneris judicare sæculum per ignem.

Ÿ. Dirige Domine DEUS meus, in conspectu tuo viam meam. * Dum veneris &c.

Ÿ. Requiem æternam, &c. * Dum veneris. &c. *Ad*

Ad cujus Responsorii finem Celebrans imponit, ac benedicit incensum: finito vero Respon: decantat Chorus:

Kyrie eleison. Christe eleison.
Kyrie eleison.

Tum Celebrans clara voce dicit: Pater noster: complens illud secreto, tandem aspergit & incensat corpus, eodem, quo supra diximus modo. Finita incensatione constitutus in loco suo, in tono feriali canit sequentia.

℣. Et ne nos inducas in tentationem.

℞. Sed libera nos à malo.

℣. A porta inferi.

℞. Erue Domine animam ejus.

℣. Requiescat in pace. ℞. Amen.

℣. Domine exaudi orationem meam,

℞. Et clamor meus ad Te veniat.

℣. Dominus vobiscum.

℞. Et cum Spiritu tuo.

OREMUS.

FAc, quæsumus Domine, hanc cum servo tuo N. defuncto misericordiam, ut factorum suorum in pænis non recipiat vicem, qui tuam in votis tenuit vo-

lunta;

luntatem: ut sicut hic eum vera fides
junxit fidelium turmis, ita illic eum tua
miseratio societ Angelicis choris. Per
Christum Dominum nostrum. R. Amen.

Denuo cantatur à Choro 3. Responsorium.

Libera me Domine de morte æterna,
in die illa tremenda: * Quando
cæli movendi sunt, & terra: * Dum ve-
ne. is judicare sæculum per ignem.

Ÿ. Tremens factus sum ego, & timeo,
dum discussio venerit, atque ventura ira.
* Quando cæli &c.

Ÿ. Dies illa, dies iræ, calamitatis, &
miseriæ, dies magna, & amara valde. *
Dum veneris &c.

Ÿ. Requiem æternam &c. Libera
me Domine &c.

*In fine Responsorii Celebrans imponit, & benedicit
incensum, & eo finito canitur à Choro:*

Kyrie eleison. Christe eleison.

Kyrie eleison.

Tan-

Tandem Celebrans dictò clara voce: Pater noster: complet illud secretò & aspergit denuò, ac thurificat Corpus, ut priùs. Quo factò omnibus genuflexis ipse stat in loco suo, & in tono feriali canit sequentia:

Ÿ. Et ne nos inducas in tentationem.

R. Sed libera nos à malo.

Ÿ. A porta inferi.

R. Erue Domine animam ejus.

Ÿ. Requiescat in pace. R. Amen.

Ÿ. Domine exaudi orationem meam.

R. Et clamor meus ad Te veniat.

Ÿ. Dominus vobiscum.

R. Et cum Spiritu tuo.

OREMUS.

ABsolve, quæsumus Domine, animam famuli tui N. ut defunctus sæculo tibi vivat; & quæ per fragilitatem carnis humana conversatione commisit, tu veniâ misericordissimæ pietatis absterge. Per Christum Dominum nostrum. R. Amen.

His peractis deferitur corpus ad tumulum, eo ordine, quo allatum fuit ad Ecclesiam. Interim canitur Antiph:

In

IN paradisum deducant te Angeli: in tuo adventu suscipiant te Martyres, & perducant te in civitatem sanctam Jerusalem. Chorus Angelorum te suscipiat; & cum Lazaro quondam paupere æternam habeas requiem.

Et statim accedentes ad oram Sepulchri, recitat Chorus pro Laudibus sequentes Antiphonas, & Psalmos in persona defuncti, ritu duplici:

Antiph: Aperite mihi portas justitiæ: ingressus in eas confitebor Domino.

Psalms 117.

Confitemini Domino quoniam bonus: quoniam in sæculum misericordia ejus.

Dicat nunc Israël: quoniam bonus: quoniam in sæculum misericordia ejus.

Dicat nunc domus Aaron: quoniam in sæculum misericordia ejus.

Dicant nunc qui timent Dominum: quoniam in sæculum misericordia ejus.

De tribulatione invocavi Dominum:
& exaudivit me in latitudine Dominus.

Dominus mihi adjutor: non timebo
quid faciat mihi homo.

Dominus mihi adjutor: & ego de-
spiciam inimicos meos.

Bonum est confidere in Domino:
quam confidere in homine.

Bonum est sperare in Domino: quam
sperare in principibus.

Omnes gentes circuierunt me: & in
nomine Domini quia ultus sum in eos.

Circumdantes circumdederunt me:
& in nomine Domini quia ultus sum
in eos.

Circumdederunt me sicut apes, &
exarserunt sicut ignis in spinis: & in no-
mine Domini, quia ultus sum in eos.

Impulsus, eversus sum, ut caderem:
& Dominus suscepit me.

Fortitudo mea, & laus mea Dominus:
& factus est mihi in salutem.

Vox exultationis & salutis: in tabernaculis iustorum.

Dextera Domini fecit virtutem, dextera Domini exaltavit me: dextera Domini fecit virtutem.

Non moriar, sed vivam: & narrabo opera Domini.

Castigans, castigavit me Dominus: & morti non tradidit me.

Aperite mihi portas iustitiæ, ingressus in eas confitebor Domino: hæc porta Domini, iusti intrabunt in eam.

Confitebor tibi quoniam exaudisti me: & factus es mihi in salutem.

Lapidem quem reprobaverunt ædificantes: hic factus est in caput anguli.

A Domino factum est istud: & est mirabile in oculis nostris.

Hæc est dies quam fecit Dominus: exulemus, & lætemur in ea.

O! Domine saluum me fac! o Domine bene prosperare: benedictus qui venit in nomine Domini. Be-

Benediximus vobis de domo Domini: DEUS Dominus & illuxit nobis.

Constituite diem solemnem in condensis: usque ad cornu altaris.

DEUS meus es tu, & confitebor tibi: DEUS meus es tu, & exaltabo te.

Confitebor tibi quoniam exaudisti me: & factus es mihi in salutem.

Confitemini Domino quoniam bonus: quoniam in sæculum misericordia ejus.

Requiem æternam &c.

Antiph: Aperite mihi portas justitiæ: ingressus in eas confitebor Domino.

Antiph: Ingrediar in locum tabernaculi admirabilis, usque ad domum DEI.

Psalmus 41.

QUemadmodum desiderat cervus ad fontes aquarum: ita desiderat anima mea ad te DEUS.

Sitivit anima mea ad Deum fortem vivum: quando veniam, & apparebo ante faciem DEI?

Fuerunt mihi lachrymæ meæ panes
die ac nocte: dum dicitur mihi quoti-
die, ubi est DEUS tuus?

Hæc recordatus sum, & effudi in me
animam meam: quoniam transibo in lo-
cum tabernaculi admirabilis, usque ad
domum DEI.

In voce exultationis, & confessionis:
sonus epulantis.

Quare tristis es anima mea: & quare
conturbas me?

Spera in Deo quoniam adhuc confi-
tebor illi: salutare vultus mei, & Deus
meus.

Ad me ipsum anima mea conturbata
est: propterea memor ero tui de terra
Jordanis, & Hermoniū à monte mo-
dico.

Abyssus abyssum invocat: in voce ca-
taraclarum tuarum.

Omnia excelsa tua, & fluctus tui:
super me transierunt.

In die mandavit Dominus misericordiam suam: & nocte canticum ejus.

Apud me oratio Deo vitæ meæ: dicam DEO susceptor meus es.

Quare oblitus es mei? & quare contristatus incedo: dum affligit me inimicus?

Dum confringuntur ossa mea: exprobraverunt mihi, qui tribulant me inimici mei.

Dum dicunt mihi, per singulos dies, ubi est Deus tuus? quare tristis es anima mea, & quare conturbas me?

Spera in Deo quoniam adhuc confitebor illi: salutare vultus mei & Deus meus.

Requiem æternam &c.

Antiph: Ingrediar in locum tabernaculi admirabilis, usque ad domum DEI.

Antiph: Hæc requies mea in sæculum sæculi: hic habitabo, quoniam elegi eam.

Psalmus 131.

Memento Domine David: & omnis mansuetudinis ejus. Si-

Sicut juravit Domino: votum vovit
DEO Jacob.

Si introiero in tabernaculum domus
meæ: si ascendero in lectum strati mei.

Si dederò somnum oculis meis: &
palpebris meis dormitationem.

Et requiem temporibus meis, donec
inveniam locum Domino: tabernacu-
lum Deo Jacob.

Ecce audivimus eam in Ephrata: in-
venimus eam in campis silvæ.

Introibimus in tabernaculum ejus: a-
dorabimus in loco, ubi steterunt pe-
des ejus.

Surge Domine in requiem tuam: tu
& arca sanctificationis tuæ.

Sacerdotes tui: induantur justitiam:
& Sancti tui exultent.

Propter David servum tuum: non
avertas faciem Christi tui.

Juravit Dominus David veritatem,
& non frustrabitur eam: de fructu ven-
tris tui ponam super sedem tuam.

Si custodierint filii tui testamentum meum: & testimonia mea hæc quæ docebo eos.

Et filii eorum usque in sæculum: sedebunt super sedem tuam.

Quoniam elegit Dominus Sion: elegit eam in habitationem sibi.

Hæc requies mea in sæculum sæculi: hic habitabo, quoniam elegi eam.

Viduam ejus benedicens benedicam: pauperes ejus saturabo panibus.

Sacerdotes ejus induam salutaribus: & Sancti ejus exultatione exultabunt.

Illuc producam cornu David: paravi lucernam Christo meo.

Inimicos ejus induam confusione: super ipsum autem effloreat sanctificatio mea.

Requiem æternam &c.

Antiph: Hæc requies mea in sæculum sæculi: hic habitabo, quoniam elegi eam.

Antiph: De terra formasti me, carne indui-

induisti me, redemptor meus Domine:
resuscita me in novissimo die.

Psalms. 138.

Domine probasti me, & cognovisti me:
tu cognovisti sessionem meam, &
resurrectionem meam.

Intellexisti cogitationes meas de longe:
semitam meam, & funiculum meum
investigasti.

Et omnes vias meas prævidisti: quia
non est sermo in lingua mea.

Ecce Domine tu cognovisti omnia
novissima, & antiqua: tu formasti me,
& posuisti super me manum tuam.

Mirabilis facta est scientia tua ex me:
confortata est, & non potero ad eam.

Quò ibo à spiritu tuo: & quò à facie
tua fugiam?

Si ascenderò in cælum, tu illic es: si
descenderò in infernum ades.

Si sumpsero pennas meas diluculo:
& habitavero in extremis maris.

Ete.

Etenim illuc manus tua deducet me:
& tenebit me dextera tua.

Et dixi, forsitan tenebræ conculcabunt
me: & nox illuminatio mea in deliciis
meis.

Quia tenebræ non obscurabuntur à
te; & nox sicut dies illuminabitur: si-
cut tenebræ ejus, ita & lumen ejus.

Quia tu possedisti renes meos: susce-
pisti me de utero matris meæ.

Confitebor tibi, quia terribiliter ma-
gnificatus es; mirabilia opera tua: & a-
nima mea cognoscit nimis.

Non est occultatum os meum à te,
quod fecisti in occulto: & substantia
mea in inferioribus terræ.

Imperfectum meum viderunt oculi
tui; & in libro tuo omnes scribentur:
dies formabuntur, & nemo in eis.

Mihi autem nimis honorificati sunt
amici tui Deus: nimis confortatus est
principatus eorum.

Dinumerabo eos, & super arenam multiplicabuntur: exurrexi, & adhuc sum tecum.

Si occideris Deus peccatores: viri sanguinem declinate à me.

Quia dicitis in cogitatione: accipient in vanitate civitates tuas

Nonne qui oderunt te Domine, oderam: & super inimicos tuos tabescebam?

Perfecto odio oderam illos: & inimici facti sunt mihi.

Proba me Deus, & scito cor meum: interroga me, & cognosce semitas meas.

Et vide, si via iniquitatis in me est: & deduc me in via æterna.

Requiem æternam &c.

Antiph: De terra formasti me, carne induisti me, redemptor meus Domine: resuscita me in novissimo die.

Antiph: Non intres in iudicium cum servo tuo Domine: quia non justificabitur in conspectu tuo omnis vivens

Psalms: 142.

Domine exaudi orationem meam; auribus percipe obsecrationem meam in veritate tua: exaudi me in tua justitia.

Et non intres in iudicium cum servo tuo: quia non justificabitur in conspectu tuo omnis vivens.

Quia persecutus est inimicus animam meam: humiliavit in terra vitam meam.

Collocavit me in obscuris sicut mortuos sæculi; & anxius est super me spiritus meus: in me turbatum est cor meum.

Memor fui dierum antiquorum; meditatus sum in omnibus operibus tuis: in factis manuum tuarum meditabar.

Expandi manus meas ad te: anima mea sicut terra sine aqua tibi.

Velociter exaudi me Domine: deficit Spiritus meus.

Non avertas faciem tuam à me: & similis ero descendentibus in lacum.

Audi-

Auditam fac mihi mane misericordiam tuam: quia in te speravi.

Notam fac mihi viam, in qua ambulē: quia ad te levavi animam meam.

Eripe me de inimicis meis Domine, ad te confugi; doce me facere voluntatem tuam: quia Deus meus es tu.

Spiritus tuus bonus deducet me interram rectam: propter nomen tuum Domine vivificabis me in æquitate tua.

Educes de tribulatione animā meam: & in misericordia tua disperdes inimicos meos.

Et perdes omnes qui tribulant animam meam: quoniā ego servus tuus sum.

Requiem æternam &c.

Antiph: Non intres in iudicium cum servo tuo Domine: quia non justificabitur in conspectu tuo omnis vivens.

Hic jam in Cantu prosequi possunt:

Antiph: Omnis spiritus laudet Dominum.

Psalms 148.

Laudate Dominum de cælis: laudate eum in excelsis.

Laudate eum omnes Angeli ejus: laudate eum omnes virtutes ejus.

Laudate eum sol, & luna: laudate eum omnes stellæ & lumen.

Laudate eum cæli cælorum: & aquæ omnes quæ super cælos sunt, laudent nomen Domini.

Quia ipse dixit, & facta sunt: ipse mandavit, & creata sunt.

Statuit ea in æternum, & in sæculum sæculi: præceptū posuit, & non præteribit.

Laudate Dominum de terra: dracones, & omnes abyssi.

Ignis, grando, nix, glacies, spiritus procellarum: quæ faciunt verbum ejus.

Montes, & omnes colles: ligna fructifera, & omnes cedri.

Bestiæ, & universa pecora: serpentes, & volucres pennatæ.

Reges terræ, & omnes populi: principes, & omnes iudices terræ.

Juvenes & Virgines; senes, cum junioribus laudent nomen Domini: quia exaltatum est nomen ejus solius.

Confessio Ejus super Cælum, & terram: & exaltavit cornu populi sui.

Hymnus omnibus Sanctis ejus: filiis Jsraél, populo appropinquantibus sibi.

Psalms 149.

CAntate Domino canticum novum: laus ejus in Ecclesia Sanctorum.

Lætetur Jsraél in eo, qui fecit eum: & filii Sion exultent in rege suo.

Laudent nomen ejus in choro: intympano, & psalterio psallant ei.

Quia beneplacitum est Domino in populo suo: & exaltabit mansuetos in salutem.

Exultabunt sancti in gloria: lætabuntur in cubilibus suis.

Exaltationes Dei in gutture eorum: & gladii ancipites in manibus eorum.

Ad faciendam vindictam in nationibus: increpationes in populis.

Ad alligandos reges eorum in compedibus: & nobiles eorum in manicis ferreis.

Ut faciant in eis iudicium conscriptū: gloria hæc est omnibus Sanctis ejus.

Psalms 150.

Laudate Dominum in Sanctis ejus: laudate eum in firmamento virtutis ejus.

Laudate eum in virtutibus ejus: laudate eum secundum multitudinem magnitudinis ejus.

Laudate eum in sono tubæ: laudate eum in psalterio & cithara.

Laudate eum in tympano & choro: laudate eum in chordis, & organo.

Laudate eum in cymbalis benesonantibus; laudate eum in cymbalis jubilationis: omnis spiritus laudet Dominum.

Requiem æternam &c.

Antiph: Omnis Spiritus laudet Dominū.

℣. Audivi vocem de cælo dicentem mihi.

℟. Beati mortui, qui in Domino moriuntur.

An-

Antiph: ad Benedictus. Ego sum resurrectio, & vita: qui credit in me, etiam si mortuus fuerit, vivet: & omnis qui vivit, & credit in me: non morietur in æternum.

Canticum Zachariæ Lucæ 1.

Benedictus Dominus Deus Israël: quia visitavit, & fecit redemptionem plebis suæ.

Et erexit cornu salutis nobis: in domo David pueri sui.

Sicut locutus est per os Sanctorum: qui à sæculo sunt, prophetarum ejus.

Salutem ex inimicis nostris: & de manu omnium, qui oderunt nos.

Ad faciendam misericordiam cum patribus nostris: & memorari testamenti sui Sancti.

Jusjurandum quod juravit ad Abraham patrem nostrum: daturum se nobis.

Ut sine timore de manu inimicorum nostrorum liberati: serviamus illi.

In sanctitate, & justitia coram ipso:
omnibus diebus nostris.

Et tu puer propheta altissimi voca-
beris: præibis enim ante faciem Domi-
ni parare vias ejus.

Ad dandam scientiam salutis plebi
ejus: in remissionem peccatorum eo-
rum.

Per viscera misericordiæ Dei nostri:
in quibus visitavit nos oriens ex alto.

Illuminare his qui in tenebris, & in
umbra mortis sedent: ad dirigendos pe-
des nostros in viam pacis.

Requiem æternam &c.

Antiphona. Ego sum resurrectio, &
vita: qui credit in me, etiam si mortuus
fuerit, vivet: & omnis qui vivit, & cre-
dit in me: non morietur in æternum.

*Interim dum suprapositæ Laudes recitantur à Cho-
ro, Celebrans astantibus sibi Ministris benedicit omnino
Sepulchrum, licet Ecclesia sit consecrata, & infra scri-
ptas legit preces; dicens absolute:*

ORE.

)Hh(

OREMUS.

DEUS, qui fundasti terram, & formasti Cælos, qui loca lyderibus stabilita fixisti, qui captivum laqueo mortis hominem, lavacri ablutione reparasti, qui sepultos Abraham, Isaac, & Jacob in spelunca duplici, in libro vitæ, atque totius gloriæ principes annotasti benedicendos; ita benedicere digneris, & hunc tumulum famuli tui N. ut hic eum requiescere facias, & in sinu Abrahæ, Isaac, & Jacob collocare digneris: qui Dominum nostrum JESUM Christum contritis laqueis infernorum resurgere, se, suorumque credentium membra suscitare voluisti: respice Domine super hanc fabricam sepulturæ, descendat ad eam Domine Spiritus Sanctus tuus: ut te jubente sit in hoc loco famulo tuo N. quieta dormitio; & tempore judicii tui cum Sanctis omnibus vera resuscitatio; præstante eodem Domino nostro
JESU

JESU Christo, qui tecum, & cum eodem Spiritu Sancto vivit, & regnat DEUS in sæcula sæculorum. R. Amen.

O Remus fratres charissimi, pro spiritu fratris nostri N. quem Dominus de laqueo hujus sæculi liberare dignatus est, cujus corpusculum hodie sepulturæ traditur, ut eum pietas Domini in sinu Abrahamæ, Isaac, & Jacob collocare dignetur: ut cum judicii dies advenerit, inter Sanctos, & Electos suos eum in parte dextera collocandum resuscitari faciat. Per Christū Dominū nostrū. R. Amen.

OREMUS.

DEUS cui omnia vivunt, & cui non pereunt moriendo fidelium corpora, sed mutantur in melius, te supplices deprecamur, ut quidquid anima famuli tui N. vitiorum, tuæque contrarium voluntati, fallente Diabolo, seu propria iniquitate, vel fragilitate contraxit, tu pius, ac misericors abluas indulgendo; eam-

que suscipi jubeas per manus sanctorum Angelorum tuorum deducendam in sinu Patriarcharum, & Prophetarum tuorum, Abrahamæ scilicet amici tui, Isaac electi tui, & Jacob dilecti tui: in quo aufugit dolor, atque tristitia, & suspirium: fidelium quoque animæ felici jucunditate lætantur: & in novissimo judicii magni die inter Sanctos, & electos tuos eam facias perpetuæ gloriæ percipere gaudia, quæ oculus non vidit, nec auris audivit, nec in cor hominis ascenderunt, diligentibus te præparata. Per Christum Dominum nostrum. R. Amen.

OREMUS.

TEmeritatis quidem est Domine, ut homo hominem, cinis cinerem, mortalis mortalem tibi Domino Deo nostro audeat commendare: sed quia terra suscipit terram, & pulvis convertitur in pulverem, donec omnis caro in suam redigatur originem, inde tuam, piissime

Pater lachrymabiliter quæsumus pietatem, ut hujus famuli tui N. animam, quam de hujus sæculi cænulenta voragine ducis ad patriam, Abrahæ amici tui sinu recipias, & refrigerii rore perfundas. Sit ab æstuantis gehennæ truci incendio segregata, & beatæ requiei tuæ, te donante conjuncta: & si quæ sunt illi Domine dignæ cruciatibus culpæ, tu ei gratiâ mitissimæ lænitatis indulge: nec peccati recipiat vicem, qui tuam in votis tenuit voluntatem, sed indulgentiæ tuæ piam sentiat bonitatem: cumque finito mundi termino supernum cunctis illuxerit regnum, novus homo Sanctorum omnium catibus aggregatus, cum electis tuis resurgat in parte dextera collocandus. Per Christum Dominum nostrum. R. Amen.

OREMUS.

OPus est misericordiæ, Domine Sancte, Pater Omnipotens, æterne Deus,

orare pro aliis: suscipe ergo, rogamus, animam famuli tui N. venientem ad te. Adlit ei Angelus testamenti tui Michàél, & per manus sanctorum Angelorum tuorum, inter Sanctos, & electos tuos in sinibus Abrahæ, Isaac, & Jacob Patriarcharum tuorum eam collocare digneris. Libera eam Domine de principibus tenebrarum, & de locis pœnarum, ne famulus tuus N. ullis jam primævæ nati-
vitatibus, vel ignorantia confundatur erroribus: sed potius agnoscatur à tuis, & misericordia bonitatis tuæ ad locum refrigerii, & quietis, in sinum Abrahæ transferatur. Per Christum Dominum nostrum. R. Amen.

OREMUS.

DEbitum humani corporis sepeliendi officium, fidelium more complentes, te Deum, cui omnia vivunt, fideliter deprecamur: ut hoc corpus fratris nostri N. à nobis in infirmitate sepultum,

in ordine Sanctorum tuorum resuscites,
& ejus spiritum Sanctis, ac fidelibus ag-
gregari jubeas, cum quibus inenarrabili
gloria, & perenni felicitate perfrui me-
reatur. Per Christum Dominum no-
strum. R. Amen.

OREMUS.

OMnipotens sempiterne DEUS, qui
humano corpori animam inspirare
dignatus es; dum te jubente pulvis re-
dit in pulverem, tu imaginem tuam cum
Sanctis & Electis tuis æternis sedibus ju-
beas sociari. Per Christum Dominum
nostrum. R. Amen.

*His omnibus expletis, & Laudibus pariter, & Be-
nedictus cum suis Antiphonis decantatis, Celebrans in-
telligibili voce dicit: Pater noster. Et completo eo
secretò, accipit aspersorium, tumulum, & tumbam cum
corpore aspergit, ac incenso adolet: longius tamen, &
non tam propè stando; deinde omnibus adhuc genufle-
x. s. ipse stans cant sequentia:*

Ÿ. Et ne nos inducas in tentationem,
R. Sed libera nos à malo.

Non

℣. Non intres in iudicium cum seruo tuo Domine.

℞. Quia non justificabitur in conspectu tuo omnis vivens.

℣. A porta inferi.

℞. Erue Domine animam ejus.

℣. Requiescat in pace. ℞. Amen.

℣. Domine exaudi orationem meam.

℞. Et clamor meus ad Te veniat.

℣. Dominus vobiscum.

℞. Et cum Spiritu tuo.

OREMUS.

Satisfaciat tibi, quæsumus Domine DEUS noster, pro anima famuli tui, Fratris nostri N. Beatissimæ Dei Genitricis semperque Virginis MARIÆ, & Sanctissimi Confessoris tui Benedicti, omniumque Sanctorum Tuorum oratio, & præsentis familiæ tuæ humilis, & devota supplicatio, ut peccatorum omnium veniam, quam precamur, obtineat, nec eum patiaris cruciari gehennalibus flammis, quem

quem filii tui Domini nostri JESU Christi pretioso Sangvine redemisti. Qui tecum vivit & regnat in sæcula sæculorum. R. Amen.

Ÿ. Requiem æternā dona ei Domine.
R. Et lux perpetua luceat ei.

Tum duo Cantores alta voce decantant in medio Chori:

Requiescant in pace. R. Amen.

Et Celebrans intelligibili voce addit:

Anima ejus, & animæ omnium fidelium defunctorum per misericordiam DEI, requiescant in pace. R. Amen.

Prædictis omnibus rite peractis, eo ordine quo venerant, redeunt Religiosi cum Celebrante, cantantes sequens Responsorium:

Memento mei DEUS, quia ventus est
vita mea: * Nec aspiciat me visus
hominis.

Ÿ. De profundis clamavi ad te Domine,
Domine exaudi vocem meam. *
Nec aspiciat me &c.

Ÿ. Requiem æternam &c. * Nec
aspiciat me &c.

*Recedente Celebrante immittitur corpus Sepulchro,
& non prius, juxta cap: prædicta ex P. Bauldry.
Finito R. Celebrans adhuc unâ cum Ministris (quia &
Subdiaconus jam deposuit Crucem prope Credentiam)
stando ante infimum Altaris gradum, cantando in tono
feriali dicit: Pater noster, secretò usque ad:*

Ÿ. Et ne nos inducas in tentationem.

R. Sed libera nos à malo.

Ÿ. A porta inferi.

R. Frue Domine animam ejus.

Ÿ. Requiescat in pace. R. Amen.

Ÿ. Domine exaudi orationem meam.

R. Et clamor meus ad Te veniat.

Ÿ. Dominus vobiscum.

R. Et cum Spiritu tuo.

OREMUS.

Tibi Domine commendamus animam
famuli tui N. ut defunctus sæculo
tibi vivat; & quæ per fragilitatem mun-
danæ conversationis peccata commisit,
tu veniâ misericordissimæ pietatis ab-
ster-

sterge. Per Christum Dominū nostrū.
R. Amen.

Deinde Celebrans cum Ministris recedit in Sacristiam, & Chorus ultimatò decantat Antiph: Salve Regina &c. juxta morem Provinciæ.

C A P U T X.

De Sepultura Fratrum Conversorum, & Oblatorum.

FActa exportatione Cadaveris ad Ecclesiam, modo supra expresso, absolvatur Officium Defunctorum totum. & Missa de Requiem celebretur ab aliquo ex PP. Finitâ Missâ Celebrans deponit Planetam & Manipulum, accipit Pluviale nigrum. Ministri Jacri etiam sua deponunt Manipula; & Subdiaconus sumpta Cruce, medius inter duos ceroferarios cum cereis accensis, procedit, & locat se ad Caput Defuncti, scilicet inter feretrum, & portam Ecclesiæ, in medio; Celebrans autem, comitante à sinistris Diacono ad pedes, recedens parum ad cornu Epistolæ, ne terga vertat Altari. Religiosi circumcirca consistent, & quidem juniores prope Crucem, & seniores propè Celebrantem.

Omnibus sic dispositis, Celebrans absolute incipit conductum funebrale ab Oratione Non intres in judicium &c. & tota Sepultura fit, ut in Rituali Romano pro Regno Poloniæ exprimitur, videlicet dicta à Celebrante præfata oratione canitur Resp:

Libera me Domine de morte æterna &c.

Et eo finito, Chorus canit: Kyrie eleison, Christe eleison, Kyrie eleison. Tum Celebrans, dicto, clara voce Pater noster: reliquum secretò complet, aspergit, & incensat Corpus, decantat in tono feriali Vñ. & Orationem:

DEUS cui proprium est misereri &c.

Finita oratione Corpus defertur ad Sepulturam, & cantatur Antiphona:

In Paradisum deducant te Angeli &c.

Deinde inchoata tantum Antiph: Ego sum, à Cantoribus inchoatur Canticum Zachariæ, & à Choro perficitur; quo finito, & Antiphona repetita, chorus decantat: Kyrie eleison, Christe eleison, Kyrie eleison. & Celebrans dicit clara voce: Pater noster: interim aspergit, & incensat Corpus, & tumultum, tum decantat: Vñ. cum Oratione Fac quæsumus Domine &c. quâ finitâ, & dicto à Celebrante Vñ. Requiem æternam dona ei Domine, duo Cantores alta voce concinunt Requiescat in pace. & R. à Choro Amen. Celebrans subdit:

Anima ejus, & animæ omnium fidelium defunctorum per misericordiam DEI requiescant in pace. R. Amen.

De.

Demum à Sepultura revertentes Religiosi in Chorum, undè cum Celebrante recitant alternatim Psalmum 129 De profundis clamavi &c. cum v. Requiem æternam &c. Et jam recedunt in pace unusquisq; ad opus suum.

C A P U T XI.

De absolutione pro Defunctis absente Corpore.

S*ancta. Et salubris est consuetudo Monasteriorum Congregationis nostræ, quod à die obdormitionis in Domino alicujus è Fratribus, seu Patribus nostris, statim quotidie per dies Triginta continuos, absolvuntur totidem Missæ Sacrificia pro anima ejus: Et in Refectorio, locus ille, quem obtinebat in vita, signatur imagine Crucifixi, ita, ut nullus ibi sedeat, sed portio Religiosa in Refectione apponitur, ut pauperi tribuatur. Hic autem mos non tantum in Monasteriis Regni nostri viget, verùm, Et in Congregatione Bavarica, ac Congregatione montis Serrati Hispanien: aliisque permultis; ideoque ut in posterum inviolabiliter servetur, superiorum vigilantia, suâ indefessâ curâ providebit.*

Insuper tamen justum, Et æquum esset, ut diebus III. VI. & XXX ac ipso Anniversario primo, specialis pro defuncto Confratre fiat devotio ad normam Congr: Bavaricæ. Itaque illis supra specificatis ab obitu, vel depositione diebus, saltem unus Nocturnus cum Laudibus Officii Defunctorum recitari in Choro debet, Et Missa illa de Tricesima sit cantata. Quâ finitâ Re-
ligi.

ligiosi congregati procedent ad locum feretri, vel ad lapidem sepulchri, & Celebrans deposita Casula, & Manipulo, capiet Pluviale nigrum & subsequetur Religiosos, præeunte cum Cruce saltem aliquo Acolytho, superpelliceo induto. Sicque constituti circa feretrum, seu pannum mortuorum extensum, absolutè cantant Responsorium:

Libera me Domine de morte æterna &c. ut supra.

Ad finem hujus Responsorii Celebrans imponit & benedicit incensum. Tum decantato à Choro:

Kyrie eleison, Christe eleison, Kyrie eleison.

Celebrans dicit intelligibili voce: Pater noster: quod secretò recitatur ab omnibus. Et tunc Celebrans capit aspergillum, cum aqua lustrali, & elevante saltem aliquo Acolytho fimbrias Pluvialis, circumiens pannum mortuorum aspergit aquâ benedictâ trina vice ad latus dextrum, & trina ad latus sinistrum. non amplius, facitq; profundam reverentiam Cruci, & Altari transiundo. Reversus ad locum suum Celebrans reddit aspersorium, capit thuribulum, eodemque modo incensat, quo asperferat. Tum cæteris adhuc genuflexis, ipse stando dicit sequentia:

℣. Et ne nos inducas in tentationem.

℞. Sed libera nos à malo.

℣. A porta inferi.

℞. Erue Domine animam ejus.

℣. Requiescat in pace. R. Amen.

℣. Domine exaudi orationem meam.

R. Et clamor meus ad Te veniat.

℣. Dominus vobiscum.

R. Et cum spiritu tuo.

OREMUS.

QUæsumus Domine, ut animæ famuli
tui N. (*si fuerit Sacerdos, ubique ad-*
ditur: Sacerdotis) cuius depositionis di-
em Tertium, *vel* septimum, *sive* Trige-
simum, *aut* Anniversarium commemo-
ramus Sanctorum, atque Electorum tuo-
rum largiri digneris consortium: & ro-
rem misericordiæ tuæ perennem infun-
das. Per Christum Dominum nostrum.
R. Amen.

℣. Requiem æternam dona ei Domine.

R. Et lux perpetua luceat ei.

Et duo Cantores: Requiescant in pace.

Chorus. R. Amen.

*His persolutis eo ordine recedunt, quo venerant.
Hæc itaque devotio in tota Congregatione nostra Bene-*
dicti.

dictino. Polona, per omnia Monasteria peragi debet, pro quocunque defuncto ex nostris Confratribus Religiosis, ut eis, quantum possumus, succurrere non negligamus, quia Sapientia æterna vicissitudinem nobis appromisit: Luc. 6. 38. his verbis: Eadem mensura qua mensi fueritis, remetietur vobis.

Hic adhuc generaliter est advertendum; quod in omnibus Collectis pro Defunctis, nomen dignitatis exprimi debeat; Et sic pro Sacerdote, in Collecta: Deus qui inter Apostolicos Sacerdotes, dici debet Sacerdotali, pro Abbate verò Mitrato, juxta Rubricam Brev: Einsidlen: Et Campidon: ac Missals Monastici Campidonem: dici debeat: Pontificali, Et non Abbatiali, propter concessum usum Pontificalium. Ita pariter declarat, Cærem: Bavar: P. IV. §. 14 pag: 308.

C A P U T XII.

Preces post Completorium recitandæ in Choro.

UT uniformitas, ex omni parte vigeat in Congregatione nostra, non tantum in Horis Canonicis recitandis, verum in particularibus precibus absolvendis, ideoq; hanc operis ultimam partem, declaratione precum, post Completorium, quotidie in Choro recitandarum, seu (ut alii vocant) in Oratione dicendarum, concluamur; sperando, quod in his, quæ pietatem augent, devotionem erga Sanctos excitant, nobisque prælidum conciliant, ac tutelam, pariformiter omnes ascriptabunt; præsertim cum jam plurima Monasteria usu receperunt.

Itaq;

Itaq; dictis Litanis de B. V. MARIA, (aliæ enim Litanie quia non sunt approbatæ ab Ecclesia recitari non debent.) Quibus finitis dicitur Antiph:

Sub tuum præsidium, confugimus Sancta DEI Genitrix, nostras deprecationes ne despicias in necessitatibus nostris, sed à periculis cunctis libera nos semper Virgo gloriosa, & benedicta: Domina nostra, mediatrix nostra, advocata nostra, tuo nos Filio reconcilia, tuo nos Filio recommenda, tuo nos Filio repræsentata.

Commendatio B. V. Mariæ.

O Amabilissima Virgo MARIA! Congregationum fidelium, ac præcipuè Religiosorum Mater, ac protectrix, qui in tua protectione militant, ac favore tuo regularem disciplinam observant; memor esto hujus minimæ Congregationis tuæ, quam possedisti ab initio, eam promove, & in posterum conserva, nosque ut clientes tuos respice: paupertate,

te; castitate, obedientiâ, humilitate, & spiritu orationis conspicuos effice, & ab omni malo, præsertim relaxatione defende.

Ÿ. Ora pro nobis Sancta DEI Genitrix.

R. Ut digni efficiamur promissionibus Christi.

OREMUS.

DEfende, quæsumus Domine, Beata MARIA semper Virgine intercedente, istam ab omni adversitate familiam; & toto corde tibi prostratam, ab hostium propitiùs tuere clementer insidiis, Per Christum Dominum nostrum. R. Amen.

Cum SS. P. N. Benedictus Beatæ Gertrudi revelaverit; L. IV. c. 21. quod quicumque eum admonere studuerit, illius dignitatis, quærens, & orans obierit, huic in hora mortis, tali fidelitè promisit adesse, ut opponat se ex omni parte insidias inimicorum, nocivus contra talem devotum, strenuus. Ad implorandam ergo hanc speciem gratiam in hora mortis, sequentia adjungantur ex Bur. Monast. Venet. Antiph:

Stans

STans in oratorio dilectus Domini Benedictus, Corpore, & Sanguine Dominico munitus, inter discipulorum manus imbecillia membra sustentans, erectis in cælum manibus inter verba orationis spiritum efflavit: qui per viam stratam palliis, & innumeris coruscant lampadibus, Cælum ascendere vilus est.

Ÿ. Gloriosus apparuisti in conspectu Domini.

R. Propterea decorem induit te Dominus.

OREMUS.

DEUS qui pretiosam mortem Sanctissimi Patris Benedicti tot, tantisque privilegiis decorasti: concede quæsumus, nobis; ut cujus memoriam recolimus, ejus in obitu nostro beatâ præsentia, ab hostium muniamur insidiis. Excita Domine in Ecclesia tua Spiritum, cui beatus Pater Benedictus Abbas servivit: ut eodem nos repleti studeamus

amare quod amavit, & opere exercere quod docuit. DEUS qui animam beatæ virginis tuæ Scholasticæ, ad ostendendam innocentiaæ suæ viam, in Columbæ specie Cælum penetrare fecisti: da nobis ejus meritis, & precibus ita innocenter vivere, ut ad æterna mereamur gaudia pervenire. Per Christum Dominum nostrum. R. Amen.

His dictis, debet fieri Aspersio Aquæ benedictæ à Superiore, cum Antiphona:

Alperges me, &c. V. Miserere mei Deus &c. V. Gloria Patri &c.

Et repetita Antiphona dicitur Psalmus 129. De profundis clamavi &c. cum V. Requiem æternam &c. postea ab Hebdomadario dicuntur VV.

V. A porta inferi.

R. Erue Domine &c.

V. Requiescant in pace. R. Amen.

V. Domine exaudi orationem meam.

R. Et clamor meus ad Te veniat.

V.

Ÿ. Dominus vobiscum.

R. Et cum Spiritu tuo.

OREMUS.

DEUS, qui inter Apostolicos Sacerdotes famulos tuos: Clementem summâ Pontificali, Christinum, N. N. Pontificali fecisti dignitate vigere; præsta quæsumus: ut eorum quoque perpetuo aggregentur consortio.

DEUS veniæ largitor, & humanæ salutis amator: quæsumus clementiam tuam; ut nostræ Congregationis fratres, propinquos, & benefactores, qui ex hoc sæculo transierunt, Beata MARIA semper Virgine intercedente, cum omnibus Sanctis tuis, ad perpetuæ beatitudinis consortium pervenire concedas. Fidelium DEUS omnium Conditor, & Redemptor, animabus famulorum, famularumque tuarum remissionem cunctorum tribue peccatorum, ut indulgentiam, quam semper optaverunt, piis suppli-

plicationibus consequantur. Qui vivis,
& regnas in sæcula sæculorum. R. Amen.
V. Requiem æternam dona eis Domine.
R. Et lux perpetua luceat eis.
V. Requiescant in pace. R. Amen.

Hic jam tandem coronidem operi (licet vilissimo) impono, in quo, si eâ, quam res ipsa postulare videtur, dignitate tractaveram, Patri luminum referendæ sunt grates; si quid verò in iis, reprehensione dignum benevolus lector offenderit, tenuitati meæ concedet. Quæcunque tamen in his septem Partibus scripta, & exarata sunt, ea irrefragabili Sacræ Sedis Apostolicæ iudicio volo esse subjecta, in cuius sinu vivere, & mori desidero. Cæterum hoc unicum votum, Sacræ Regulæ cap: 57. conforme, vellem esse perpetuum.

UT IN OMNIBUS GLORIFICETUR DEUS.
ET IN EO
BEATISSIMA VIRGO MARIA SINE LABE CONCEPTA.
NEC NON
SANCTISSIMUS PATER AC PATRIARCHA NOSTER
BENEDICTUS.





F O R M A

Instituendi Abbates Quinquennales in Congregatione.

Rmus Præfident præmiſſo gravi ſermone, quò Electi
Abbatis merita commendabit, & Officii Paſtoralis gra-
vitatem inſinuabit, Electum primo ad t-rofeſſionem
Fidei ſecundum Decreta Sacro-Sancti Concilii Trident:
admittet, tandem ad Collationem Inſigniorum Abba-
tialium deſcendet ſub hac vel ſimili forma.

Crucem imponendo.

Accipe igitur Rndme neo Electe Cru-
cem Pectoralem Sanctorum deco-
ratam Reliquiis, quæ Tibi in memo-
riam ſemper revocet Aram Illam ſu-
premi Paſtoris Chriſti, in qua animam
ſuam poſuit pro Ovibus ſuis, & pro
Grege ſuo mori dignatus eſt, cujus e-
xemplum & charitatem in commiſſis
Tibi Ovibus imitari ſatage, ut eas &
ab hoſtibus infernalibus ſtrenue defen-
das, & pro Illarum ſalute Te ipſum ex-
ponere non metuas.

Ad



Ad Annulum.

Annulum Pontificalem Dexteræ Tuæ imponimus, ut quia in sponsum Ecclesiæ Tuæ es Electus, & Ei, & Illi, qui Te elegit Fidem intaminatam serves, esto fidelis usq; ad mortem, & dabit Tibi Dominus Coronam vitæ.

Ad Mitram.

Decus Sacerdotii Galeam salutis Capiti Tuo imponimus, ut contra nequissimi inimici tela semper in offensas evadas. Deinde Authoritate Privilegiorum a Sacra sede Apostolica mihi hac in parte concessa, Ego Te Abbatem V. Monasterii N. riti & Canonici Electum creo, & ad omnia Privilegia Abbatibus concessa admitto, Regimen Spiritualium & curam temporalium juxta præscripta Regulæ Sacræ & Instituta Regularia Tibi committo in Nomine Patris † & Filii † & Spiritus Sancti † Amen.

Dein-



Deinde intonatur Hymnus Ambrosianus. Electus Pontificaliter introducit in Ecclesiam, Possessionem accipit (si est in sua Ecclesia) & obedientia eidem exhibetur. &c.

Institutio Prioris Neo-Electi.

INsignia cujusvis dignitatis suscepti Officii nos admonent, ut per signa exteriora, quæ accipimus, interiori spiritu excitemur ad strenue obeundas munus nostri partes, quatenus dum has gloriose obiverimus, in Die Retributionis gloriamur, & Illam suavissimi Domini & Justi Judicis audire mereamur vocem: *Euge serve Bone & fidelis, quia in pauca fuisti fidelis, super multa te constituam, intra in Gaudium Domini Tui.* Insignia porro Officii Prioralis sunt: Regula Sacra, Disciplina, & Sigillum Monasterii: quæ totam Officii Prioralis seriem in se complectuntur. Custodiam nempe Legum in Regula, Rigorem



rem Monasticæ observantiæ in Disciplina, Fidelitatem Monasterii in Sigillo.

Tradimus ergo A. R. Paternitati Regulam Sacram, memorem esse volentes, quod hæc sit Lex, qua in Officio suo Priorali regi & regere debeat. Eam itaq; tam à se, quam sibi commissis Sacrosanctè observari faciat.

Tradimus Disciplinam cum potestate coercendi delicta Fratrum, eradicandi pravos defectus, persecuendi vitia, non tamen Personas in omni autem Charitate & mansuetudine.

Tradimus demum Sigillum Monasterii ad quascunque publicas Literas muniendas, sine præjudicio tamen nostro & communitalis.

Deinde Ego A. R. P. Creo Priorem hujus Monasterii, & pro felici ejusdem

Gu-



Gubernatione Pastoralem ac Paternam
Benedictionem adjungo in Nomine Pa-
tris †. & Filii, †. & Spiritus Sancti, †.
Amen.

Deinde ~~Electus Prior~~ Electus Prior in-
troducitur in Ecclesiam cum Hymno Te
DEUM laudamus, & super Prostratum
recitatur Oratio, quæ est in Commentaria
Calincti supra Regulam SS. P. Bened:

& Hic in hoc Cæremoniæ Part. VI. Cap. XI. pag: 73. &c.





SERIES INDULGENTIARUM.

Quibus ex præscripto Sanctissimi Domini Nostri Pauli Papæ Quinti utriusque sexûs Regulares perfruuntur.

Sanctissimus Dominus noster PAULUS V. Pont. Max. revocans, & abrogans per quoddam suum Decretum Romæ datum die 23. Maii 1666 omnes, & singulas Indulgentias, quibuscunque Ordinibus tam Monasticis, quam Mendicantibus quovis modo antea concessas, easdem ad huiusmodi præscriptum reduxit & moderatus est.

1. **I**N Habitûs Regularis susceptione, Indulgentiam plenariam ingressuro concedit.
2. Pariter in Professione, Plenariam.
3. In festo principali sui Ordinis, plenariam.
4. In mortis articulo, Plenariam.
5. In prima Missæ celebratione novello Sacerdoti, & Religiosis assistentibus, vel celebrantibus, plenariam.
6. Iis, qui per duas horas mentaliter quotidie oraverint per decem dies &c. pro quolibet devotionis exercitio, plenariam.
7. Qui suam Ecclesiam visitaverint, & pro Christianorum Principum concordia, Hæresum extirpatione, Romani Pontificis salute, ac Sanctæ Matris Ecclesiæ exaltatione oraverint, eandem Indulgentias con-



concedit, quas visitantes Ecclesias Urbis, & extra
eam diebus stationum consequuntur in omnibus die-
bus, perinde ac si ipsas Urbis Ecclesias personaliter
visitarent.

8. Quinque *Pater*, & *Ave* totidem, ante Alta-
re eorum Ecclesiae recitantibus in quolibet die. Quin-
que Annos, & totidem Quadragenas.

9. Quod pariter conceditur iis, qui de Supe-
riorum licentia exiit fuerint, recitando eosdem *Pa-
ter*, & *Ave* ante quodlibet Altare.

10. Dimidia hora per mensem quotidie menta-
liter orantibus, Sexaginta Annos, & totidem Quadra-
genas.

11. Peccata sua in Culparum Capitulis accusan-
tibus, & Spiritualiter Communicantibus, Tres Annos,
& totidem Quadragenas.

12. Inter infideles concionantibus, in discessu,
& in ingressu quoque commissae provinciae, plenariam.

13. Qui per spatium duarum saltem horarum
Orationibus 40. horarum, in generalibus Visitationi-
bus Superiorum, assistentes, ut supra, oraverint; nec
non pro disciplinae, & regularis observantiae augmen-
to, plenariam.





I N D E X

CÆREMONIALIS MONASTICI.

P A R S I.

De Choro, & Horis Canonicis.

	<i>Pag:</i>
Caput I. De disciplina psallendi.	1.
Cap: II. De Magistri, seu Præfecti Chori Officio.	7.
Cap: III. De officio Cantorum.	9.
Cap: IV. De officio Hebdomadarii.	14.
Cap: V. Quando, & quomodo standum in Choro?	17
Cap: VI. Quando genuflectendum in Choro?	22
Cap: VII. De inclinationibus in Choro?	26
Cap: VIII. Quando caput denudandum, aut tegendum?	29
Cap: IX. De signo Sanctæ Crucis, quomodo, & quando formandum?	31
Cap: X. De Vesperis Solemnibus.	32
Cap: XI. De Completorio solemn.	39
Cap: XII. De Matutinis, & Laudibus solemnibus.	41.
Cap: XIII. De Vesperis, Completorio, Matutino cum Laudibus pontificaliter celebratis.	46
Cap: XIV. De iisdem Horis Canonicis solemniter peragendis, expositò Sanctissimò Sacramento.	54
Cap: XV. De munere Superioris quo ad Chorum.	60

P A R S II.

De Celebratione Missæ.

Cap: I. De Celebratione Missæ Solemnis in Pontificalibus.	63
---	----



§. I. De iis, quæ præparari debent ad celebrandum pontificaliter, & de processione ad Altare.	63
§. II. De initio Missæ solemnæ in Pontificalibus, usque ad Symbolum.	67
§. III. De progressu Missæ solemnæ in Pontificalibus, à Symbolo, usq; ad elevationem.	73
§. IV. De continuatione Missæ in Pontificalibus solemnæ, ab elevatione.	77
Caput II. De Celebratione Missæ solemnæ sine Pontificalibus.	83
§. I. De Ornatu Celebrantis, & Ministrorum, ac de inchoatione Missæ Solemnis, usque ad Introitum.	83
§. II. De initio Missæ solemnæ ab Introitu, usque ad Evangelium.	90
§. III. De progressu Missæ Solemnis ab Evangelio, usq; ad initium Canonis.	95
§. IV. De Completione Missæ Solemnis ab initio Canonis, usque ad finem.	103
Caput III. De Celebratione Missæ solemnæ in Pontificalibus exposito SS. Sacramento.	111
Caput IV. De Celebratione Missæ Solemnis, & privatæ coram exposito SS. Sacramento.	115
Caput V. De Missa Solemni pro Defunctis in Pontificalibus.	122
Caput VI. De Missa Solemni pro Defunctis sine Pontificalibus, atque privata.	127
Caput VII. De Missa privata lecta.	132
§. I. De præparandis ante Missæ Sacrificium.	132
§. II. Notanda ab initio Missæ, usq; ad Canonem.	136
§. III. Observanda à Canone Missæ, usque ad Gratulationem Dominicam.	142
§. IV. Adnotanda nonnulla ab Oratione Dominica usq; ad finem Missæ.	146
Caput VIII. De Missa privata quæ fit coram Prælato seu D. Abbate, in loco suæ jurisdictionis.	154.



Caput IX. De Cæremoniis in Missa solemnī, ac Vesperis, præsentē D. Abbate parato.	159
Caput X. De Missa primā, novī Sacerdotis.	164

P A R T I S III.

De Ministris ad Celebranda Sacrificia Missæ.

Caput I. De Officio Archidiaconi, seu Presbyteri assistentis.	167
Caput II. De Ministris Sacris.	174
Caput III. De Diacono Evangelii, ejusq; Officio.	176
§. 1. De Officio Diaconi in Missa solemnī usq; ad Evangelium.	176
§. 2. De Officio Diaconi ab Evangelio usque ad Præfationem.	181
§. 3. De Officio Diaconi à Præfatione usq; ad finem Missæ.	186
§. 4. De Officio Diaconi in Missa solemnī Pontificali.	190
§. 5. De Officio Diaconi in Missis de Requiem.	194
§. 6. De Officio Diaconi in Processionibus.	197
Caput IV. De Subdiacono Epistolæ.	200
§. 1. De Officio Subdiaconi in Missa Solemni usq; ad Evangelium.	200
§. 2. De Officio Subdiaconi ab Evangelio usq; ad initium Canonis.	204
§. 3. De Officio Subdiaconi ab initio Canonis usq; ad finem Missæ.	207
§. 4. De Officio Subdiaconi ad Missam solemnē in Pontificalibus.	210
§. 5. De Officio Subdiaconi in Missa de Requiem.	214
§. 6. De Officio Subdiaconi in Processionibus.	216
Caput V. De Officio Acolythorum, seu Ceroferariorum.	218
Caput VI. De Officio Thuriferarii.	224
Caput VII. De Officio Ministrorum ad Pontificalia.	234

§ 1.	De Diaconis Assistentibus.	234
§ 2.	De Officio Capellani de Libro.	239
§ 3.	De Officio Ministri de Mitra.	240
§ 4.	De Officio Ministri de Baculo Pastoral.	241
§ 5.	De Officio Ministri de Gremiali.	242
Caput VIII.	De Officio Cæremoniarii.	243
Caput IX.	De Ministro Missæ privatæ.	245
Caput X.	De situ corporis Religiosorum, præsentium Missæ conventuali.	254

P A R S IV.

De variis Ecclesiasticis Cæremoniis.

Caput I.	De Aspersione.	257
Caput II.	De thurificatione Altaris in Missa.	264
Caput III.	De incensatione Oblatorum.	270
Caput IV.	De thurificatione exposito in Altari SS. Sacramento.	273
Caput V.	De thurificatione in Vesperis, & Laudibus, ac aliis incensationibus.	276
Caput VI.	De incensatione Personarum.	280
Caput VII.	De Ordine dandi Pacem.	284
Caput VIII.	De expositione, Processione cum SS. Sa- cramento, ejusque asservatione.	289
Caput IX.	De aliis Processionibus.	301
Caput X.	De Benedictione solenni D. Abbatis.	305

P A R S V.

De præcipuis diebus, & Festis intra Annum occur- rentibus.

Caput I.	De Tempore Adventus.	310
Caput II.	De Vigilia, & Festo Nativitatis D. N. J. C.	314
Caput III.	De Festo Purificationis B. V. MARIE.	319
Caput IV.	De Feria IV. Cinerum.	322
Caput V.	De Dominica Palmarum.	327

DE MISSA (219) DE MISSA



Caput VI.	De Matutinis tenebrarum.	332
Caput VII.	De Feria V. in Cæna Domini.	337
Caput VIII.	De Feria VI. in Parasceve.	342
Caput IX.	De Sabbato Sancto.	349
Caput X.	De Die Sancto Paschæ.	356
Caput XI.	De Litanis majoribus, & minoribus.	359
Caput XII.	De Vigilia, & Die Pentecostes.	361
Caput XIII.	De Fæsto Corporis Christi, & q: Octava.	362
Caput XIV.	De Festivitatibus Sanctæ Crucis	366
Caput XV.	De die Commemorationis omnium fidelium defunctorum.	367
Caput XVI.	De Orat one publica coram SS. Sacramento, quæ dicitur Quadraginta horarum.	372

P A R S VI.

De Cæremoniis Monasticis.

Caput I.	Modus suscipiendi Candidatum in S. Ord: nostrum.	1.
Caput II.	Modus induendi Candidatum in S. Ord: nostrum susceptum.	8.
Caput III.	Modus præparandi, ac suscipiendi Novitium ad futuram S. Professionem.	15
	Oration s dicentæ in Missis pro Neo-Professis.	20
Caput IV.	Modus solemniter Profitendi.	21
Caput V.	Modus recipiendi ad Communitatem Neo-Prof sum die tertia à Professione.	38
Caput VI.	Modus emittendæ Professionis simplicium Votorum.	45
Caput VII.	Modus solemniter denuò profitendi post ex-cessos Quinquaginta Annos à prima Professione.	54
Caput VIII.	Modus solemniter quotannis renovandi Professionem.	59

Caput



Caput IX. Modus formalizandi Lectores Philosophiæ, vel S. Theologiæ, aut Licentiatos.	65
Caput X. Modus investituræ S. Theologiæ Doctorum.	70
Caput XI. Modus confirmandi Priorem post ejus electionem. <i>numero 73. & in fine Libri.</i>	
Caput XII. Modus investituræ D. Abbatis Quinquennialis post ejus electionem. <i>numero 75. & in fine Libri.</i>	
Caput XIII. Modus excipiendi D. Abbatem in obtinenda Possessione.	59
Caput XIV. Modus fundandæ jurisdictionis Ill: D. Præsidentis Regiminis post ejus electionem in Capitulo Generali.	63
Caput XV. Quæ sub tempus Visitationis sunt agenda.	66
Caput XVI. Modus absolvendi in die Cænæ Domini.	97
Caput XVII. Modus recipiendi ad Confraternitatem Ordinis nostri cum Scapulari.	111
Caput XVIII. Modus induendi Puerum pro voto.	118
Caput XX. Modus exuendi Puerum completo voto.	124
Caput XX. Modus benedicendi Numismata S. P. Benedicti dñi: <i>Karawki.</i>	126
Caput XXI. Modus benedicendi Fanem novum in Festivitate SS. Apostolorum Petri, & Pauli, pro Monasterio Tynecensi.	132
Caput XXII. Forma conscribendæ chartulæ in vas Sacrarum Reliquiarum, dum D. Abbas consecrat Altare, pro usu propriæ Ecclesiæ.	135
Caput XXIII. Forma absolutonis quæ datur Electoribus in Capitulo ad effectum Electionis à SS. Canonibus præscripta.	136
Caput XXIV. Formæ Juramentorum nonnullorum in Electionibus Officialium usitatæ.	138
Caput XXV. Modus dicendi culpam in Capituli culparum.	140
Caput XXVI. Modus benedicendi Officiales, & iter agentes.	142



P A R S VII.


De Obsequiis Fratribus infirmis, ac mortuis exhibendis.

Caput I. Quæ circa Fratrem infirmum agenda?	149
Caput II. Preces dicendæ in visitatione Infirmorum.	152
Caput III. Modus administrandi Sacram Communionem infirmis Fratribus.	166
Caput IV. Ritus administrandi Sacramentum extremæ Unctionis.	174
Caput V. Modus adjuvandi Fratres infirmos, & præparandi eos ad mortem.	184
Caput VI. Modus sepeliendi Religiosos defunctos.	196
Caput VII. Ordo exportationis cadaveris Religiosi in Ecclesiam.	199
Caput VIII. Ordo Sepulturæ DD. Abbatum.	203
Caput IX. Ordo Sepulturæ antiquæ Benedictinæ Patrum, & Fratrum.	223
Caput X. De Sepultura Fratrum Conversorum, & Oblatorum.	259
Caput XI. De absolutione pro defunctis absente Corpore.	261
Caput XII. Preces post Completorium recitandæ in Choro.	264

UT

IN OMNIBUS GLORIFICETUR DEUS.

S. Reg: cap: 57.



*Monasterium Arnoldusburgium
Hans die Regii*


um



Biblioteka Jagiellońska



stdr0029444



CEREMONIALE
MONASTICUM